



EX LIBRIS ANNE WILLAN




2086

W
H











Le Bon Mesnaiger.

Au present Volume des proffitiz Châpêtres & Ruraulx est traicte
 du labour des Châps, Vignes, Jardins, Arbres de tous especes.
 De leur nature & bonte, de la nature & Vertu des herbes, de la
 maniere de nourrir toutes bestes, Volailles et oyseaulx de
 proye. Pareillement la maniere de prendre toutes
 bestes saulvages, poissons et oyseaulx. Deuüre
 moult Vtile et profitable. Ledit liure compile
 par Pierre des Prescens iadis bourgeois
 de Boulongne la grasse, Nouuellement
 corrige, veu & amende sur les Vieilz
 originaulx au par auant
 imprimez.

Audit liure est adiousté oultre les precedentes impressions:
 la maniere de Enter, Planter et nourrir tous arbres,
 selon le iugement de maistre Gorgole de corne.

M. D. xl.

On les vend a Paris en la grand salle du palais au
 premier pillier deuant la chappelle de Messieurs les
 presidens, par Charles Langellier.

de mouine

comme mouine

comme nous sommes Nostre bon le pecheur de homine

de mouine

de mouine

Celuy cōmence le liure des ruraux proffitz du labour des champs: lequel fut cōpile en latin par Pierre des crescens bourgeois de boulongne la grasse. Et depuis a este translate en francois a la requeste du roy Charles de france le quint de ce nom. Et premierement sensuyt le prologue de l'auteur du liure.

Homme par la Vertu de prudēce q̄ entre bien & mal subtillement cōsiderer & congnoist l'humain courage et entendemēt des choses / & enseigne la congnoissance du bien proffitable & delectable et aime & esmeult les cueurs a les poursuyute: et pource q̄ les biēs p̄sants de terre sont tresdoulx & proffitables / plaisans & delectables a humaine nature / on se doit ordonner clereement a enquerir par raison les choses q̄ naissent sur terre. Et quāt on a trouue la science bien doit estre cōme tresor inestimable & precieus ioyau a grāt humilite & paciēce tresdiligēment gardee: car l'amour de dieu & sa benigne & excellente grace est legierement appelée et enclinee a la Vie humaine / en dōnāt grāt abōdāce & multitude de biēs au proffit de ceulx q̄ desirēt a faire & a scauoir choses q̄ luy sont agreables: mais tousiours gēs de mauuais affaire point ne quierent ne ne demandēt telles sciēces / aincōys se tiēnent par leur orgueil ou autre vice faulx & detestables qui destruisent / detrechēt & guerroyēt tout le temps de leurs vies. Et pource leur fortune semble aucunesfois bōne et bien heureuse en aucū tēps. Toutesuoyes elle perist & ne viēt point a ses fins ne a la moÿtie de son temps: mais les bōs humbles et paisibles cōbien q̄ aucunesfois ilz sēblent estre blecez & greuez / et veritablemēt aucunesfois le sont parquoy ilz en sont bien humiliez & en viuent mieulx & sen trouuēt plus tost deuāt dieu & deuāt le mōde en acquerāt tousiours grace. Et finalement viuent & demeurēt en la possession de l'heritage des mauuais pecheurs. Et pource

ie Pierre des crescēs bourgeois et citoyen de Boulongne qui des le temps de ma ieunesse ay en logique medicine et science naturelle trestout occupe et plainement espendu mon temps. Et finablemēt a la noble science des loix / ay grandement trauaille / cōme celluy qui estoit enuoye de paisible estat. Et apres le piteux discord et la douloureuse dissention de celle noble cite de Boulongne q̄ par Bray & propre nom est appelee Boulongne: car en luy faict bon. Et pourtāt est appelee en latin bononia: quasi bonum per omnia. Et ainsi le dit len par toutes les parties du monde. Et ainsi q̄ ie euz congnoissance que ie estoie eslongne & remue de Bray vñite & de paisible estat en discention / hayne et enuie et q̄ ce nestoit pas iuste chose q̄ ie mentremisse des besongnes de celle peruerse discention. Alors ie men allay par l'espace de trēte ans & enuiron nay diuerses prouinces en apprenāt les gouuernemēs dicelles / en dōnāt voluntiers aux petitx subiectz iustice deue / et aux gouuerneurs loyal cōseil / et en gardāt de tout mon pouoir les citez & leurs droictz & estatx paisibles cōme il appartenoit. En ce temps ie vy plusieurs liures des anciēs & des nouueaulx maistres & docteurs / & y leu entieremēt / et y trouuay de diuerses oeures et operatiōs de ceulx q̄ cultiuent & labourēt les chāps. Finalement par la grace diuine quant ie euz enuironne les citez et villes ausquelles ie auoye este & demeure q̄ anciēnement estoÿēt reformees / ie me prins a ennuyer & trauailler du large circuyte et long enuironnement que ie auoye chemine et pour la franchise du repos que iauoye perdue ie men retournay en mon pays en regardant que de toutes les choses desquelles on acquiert prouffit il nest rien meilleur q̄ du chāp labourer. Rien nest plus plantureux / rien nest plus doulx / rien nest plus digne que l'homme franc / comme dit Cuius. Et quant ie congneuz que le labourage du champ estoit legierement trouue estant paisible coy & attrēpe. Et estoit opsiuete

recueillie en icelluy & les douleurs escheuees
& encores pl⁹ q^e ie Veoye q^e le labour du ch^{ap}
est celluy duq^l p^r la doctrine legieremēt & a
bōdāmēt profit est acquis & delectatiō pro
creer car se negligēmēt & sans certain art est
delaissee/petit profite. Et riēs ne porte que
orties & espines. & se p^r diligēce & bōne estude
chascune ptie du ch^{ap} est p^r maniere acoustu
mee labouree & ordōnee de bōnes p^{er}sonnes qⁱ
de la possession de leurs rentes sans autres
reuenues Veulēt iustemēt Viure moult grāt
profit leur en Viēt/ & a bon droit le doiuent
desirer. Et pource ie trāsportay mon cuer &
pēsee a considerer et estudier du labour deu
au ch^{ap}. Et de lay de de dieu le tout puissāt
appelle de grāt cuer le faict & le profit du
ch^{ap} & de chascune maniere de ch^{ap}s de plā
tes de vignes & de bestes/et la doctrine des
autres obscuremēt & imperfaiquemēt baillee
& moult oubliee & desrōgneue des personnes
qui Viuent en la seule fiance de la bonte du
tresdoulx Jesuchrist treschieremēt reclame
tant selon les sentēces des sages & naturel
le philosophie & raisons approuuees comme
des experiences esprouuees/ propose de les
bailler en escript selon la forme qui sensuyt.

¶ Fin du prologue.

¶ Sensuyt lordonnance des liures
de ce present Volume.

¶ Et premierement.

Le premier liure des profitz cham
pestres & ruraulx de maistre Pier
re des crescons parle des lieux ha
bitables eslire/ & des cours & des maisons/ &
aussi de faire les choses qui sont necessaires
pour habitation/ & cōtient douze chapitres.

¶ Le secōd liure traicte de la nature des plā
tes/ & de toutes choses cōmunes au labour
de chascun ch^{ap}: & cōtient. xxix. chapitres.

¶ Le tiers liure traicte du labourage & cul
tiuement des champs: & du profit de chas
cune science en ensuyuant lordre de la b c/et
contient. xxiii. chapitres.

¶ Le quart liure traicte des vignes & du la
bour qui leur appartient/ et de la nature et
du profit du fruit qui vient dicelles/et cō
tient. xlv. chapitres.

¶ Le cinquiesme liure traicte des arbres
portans fruitz et de la nature et profit de
leurs fruitz. Et aussi des arbres qui ne por
tent point de fruit/ & du profit qui en Viēt/
et contient. lvi. chapitres.

¶ Le sixiesme liure traicte des Vertus de
toutes les herbes qⁱ sont semees & labourees
pour la nourriture des corps humains. Et
semblablement de celles qⁱ sans semer ne la
bourer Viennent & croissent de leur nature p^r
la Vertu du soleil et aussi de leurs Vertus qⁱ
peuēt ayder & nuyre ausditz corps humains
et contient cent trente et cinq chapitres.

¶ Le septiesme liure contient deux parties
En la premiere est traicte des prez et du
profit qui en vient. En la secōde partie est
traicte des boys & forestz/ & du profit qui en
vient:et contient cinq chapitres.

¶ Le. viii. liure traicte des Bergiers iardis
& choses delectables & des arbres des herbes
et de leurs fruitz/et cōmēt ilz doiuent estre
demenez par art/ & cōtient huit chapitres.

¶ Le. ix. liure traicte du profit qui Viēt de
toutes les bestes qⁱ on nourrist. Et aussi des
Volailles et mousches a miel:et du profit qⁱ
en vient: & contient cent & cinq chapitres.

¶ Le dixiesme liure traicte cōment on doit
prēdre les oyseaulx de proye & autres/ & aus
si les bestes sauuaiges et poissons et des di
uers & subtilz engins qui sont a ce necessai
res/et contient. xxx. chapitres.

¶ Le. xi. liure traicte des matieres des rei
gles & traictez de to⁹ les. x. liures precedēs.

¶ Et au. xii. liure est faicte vne sommaire
cōmemoratiō de toutes les choses qⁱ len doit
faire es champs en chascun moys de lan.

¶ Puis aps sensuyt vng petit traicte de la
maniere de enter plāter & nourrir arbres/et
autres choses singulieres nouuellemēt ad
ioustee oultre les precedentes impressions.

Ensuyl la table de ce present liure.

En premierement

De cognoistre la bonte du lieu habitable en general. fo. i.

De l'air et comment on congnoist sa bonte & malice. fo. i.

Des ventz et de la congnoissance de leur bonte & malice. fo. ii.

De leaue conuenable a la vie de l'homme / & pour congnoistre sa bonte ou malice. fo. ii.

Des cours / hostelz & combles que len doit diuersement faire & en diuers lieux. fo. iiii.

De la disposition de la court et habitation de par dedans. fo. v.

Encores de la disposition de la court & habitation au par dedans. fo. vi.

De faire puyx & fontaines / & comment leaue sera trouuee & esprouuee. fo. vii.

Des conduitz & chemin de leaue. fo. viii.

Des cisternes & cisternelles. fo. viii.

Des matieres des maisons. fo. eodem.

De l'office de celluy qui garde la ville. fo. ix.

De l'office du pere et seigneur de la famille / comment il doit achepter le chap & enquerir de loeure a son serget & redre raison. fo. eo.

Fin de la table du premier liure. Et

ensuyl la table du second.

Des choses qui sont conuenables et appartient a toutes plantes. fo. p.

De la diuersite de la generation des plantes. fo. eodem

De la substance / naissance et operation des plantes. fo. vi.

De la diuision des plantes par ses parties inegales. fo. eodem

De la diuersite des parties simples et materielles des plantes. fo. vii.

De la generation et nature des fueilles / fleurs & fructz. fo. viii.

De la conunction / unite et diuision des plantes. fo. eodem

De la transmutation de l'une plante en l'autre. fo. xiii.

De la diuersite des alterations qui sont faictes es plantes. fo. xv.

De la diuersite des plantes selon la diuerse production & generation des fructz. f. eodē

Des choses qui sont necessaires a toutes plantes. fo. xv.

Des choses qui sont a la generation et croissement des plantes. fo. eodem

Du siens et de la pourriture et nourriture des plantes. fo. eodem

De leaue conuenable a meurir le siens & au nourrissent des plantes. fo. xviii.

Du proffit du labourage des champs semables. fo. eodem

De la maniere et medecine pour faire le champ semable et plantureux. fo. eodē

Du labourage du champ ou il y a montaignes et vallées. fo. xx.

Du labourage du champ nouvellement semé. fo. eodem

Du tēps et de la maniere de dissiper & oster les mauuaises herbes. fo. xxi.

De la maniere generale de semer. fo. eodē

De la maniere de planter & deslire les plantes. fo. xxii.

Des manieres de enter arbres et de conuertir les sauuages & bastardes plantes en bones et franches. fo. xxiii.

Des dispositions esuelles peuent estre transmues les plantes. fo. xxvi.

Des lieux conuenables a la generation des plantes. fo. eodem

De la congnoissance des terres et se elles sont brehaignes ou plantureuses. fo. xxvii.

Du siege conuenable au champ pour habondance et bien fructifier. fo. eodem

Des garnisons & prouisions pour vignes / iardins / et champs. fo. xxviii.

De la prouision & deffense cōtre les eaues / fleuues et ruyssaulx. fo. eodem.

Fin de la table du second liure. Et

ensuyl la table du troiesme.

La Table.

C De laire et place ou se doit mettre le
 fruct de l'escorce. fo. xxxix.
 Des greniers. fo. xxxix.
 De auopne. fo. xxx.
 Des chiches. fo. eodem
 De la petite chiche. fo. eodem
 Du chanure. fo. eodē/du fromēt. fo. eod.
 Des febues. fo. xxxii.
 Du far qui ressemble a speaultre.
 folio xxxiii.
 Des faseolz. fo. eodem
 De git autrement dicte neelle. fo. eodem
 De yuroye autrement dicte droe. fo. eodē
 De lentille. fo. eodem
 De luppins. fo. xxxviii.
 Du lpn. fo. eodem
 De lorze. fo. xxxv.
 De milique ou milice. fo. eodem
 Du mil. fo. xxxvi.
 De pannic. fo. eodē/des pois. fo. eodem
 De speaultre. fo. eodem
 Du seigle. fo. eodem
 De la Besce. fo. xxxvii.

C fin de la table du tiers liure. Et en
 suyt la table du quatriesme.

C Quel arbre est la Vigne et de la Vertu de
 ses fueilles et cendres/ & de la lerne qui de
 court delle. fo. xxxvii.
 De la diuersite des Vignes. fo. eodē
 de la diuersite des especes & des genres des
 Vignes. fo. xxxviii.
 Des diuerses especes des Vignes. fo. eodē
 De lair et des places conuenables aux Vi
 gnes. fo. xxxix.
 De la terre qui est cōuenable aux Vignes.
 folio eodem
 De la nourriture et disposition de la terre
 ou len doit planter Vigne. fo. xl.
 En ql tēps on doit cueillir les plantes des
 Vignes/ & q̄lles plātes/ & cōmēt on les doit
 garder & porter en loingtaines pties. fo. eo.
 Quant et comment on doit planter les Vi
 gnes. fo. eodem

Des bourions/gettons et renouvellement
 des Vignes. fo. eodem
 Comment on doit enter et enciser les Vi
 gnes. fo. xli.
 de la maniere de tailler & purger les Vignes
 et les arbres qui les portent. fo. xliii.
 De la formation des Vignes et des arbres
 qui les portent. fo. xliiii.
 de la lyeure et releuement des Vignes.
 folio xliiii.
 De fumer les Vignes et des retrenchemens
 des faulses racines. fol. v.
 de la maniere de houer & fouyr les Vignes.
 folio eodem
 des empeschemens qui Viēnent aux Vignes
 et de la cure dicelles. fo. eodem
 De la conseruation et garde des grappes
 nouuelles et fresches. fo. xlv.
 de la Vertu des grappes. fo. eodē
 De l'appareil pour faire vendāges. f. xlvii.
 du temps conuenable pour faire vendāges
 folio eodē.
 de la maniere comment on doit vendanger
 folio eodē
 Comment on doit fouller les grappes des
 raisins et en traire le Vin. fo. xlviii.
 Comment on faict les Vertius Vne passe et
 Vin cuyt. fo. eodē
 de la purgation de Vin faict de grappes ais
 gres et corrompues. fo. eodē
 de la cure du Vin greue et tourmentē deaue
 et de pluye. fo. eodem
 Comment on doit mettre le Vin es tonz
 neaulx et vaisseaulx. fo. eodē
 Comment on peult auoir moust tout au
 long de lan. fo. xlviii.
 Comment on peult scauoir se moust ou Vin
 contiennent eaue/ et comment on les peult
 separer et oster. fo. xlix.
 Comment le moust peult estre tost espurge
 folio eodē
 Comment le moust ne bouillira point de
 par dessus. fo. eodē
 En quelz lieux le Vin doit estre mis pour
 a iii

La Table.

mieulx et plus durer. fo. xliij
 Comēt on trāsporte le Vin de Baissel en au
 tre / & de l'ordonance des Baisseaulx. fo. eodē
 Du temps et de la maniere de goustier & es
 sayer le Vin. fo. l.
 Comment on congnoist le Vin durable et
 qui est bon a garder. fo. eodem
 Des nupsances & griesz qui aduiennent au
 Vin. fo. eodem
 Comment et en quel temps le Vin est plus
 tost tourne et corrompu. fo. eodē
 Comment on peult remedier a ce que le Vin
 ne se tourne et corrompe. fo. eodem
 Comment le Vin tourne et trouble est cla
 rifié et guerpy. fo. li.
 Comment len noircist le Vin et le mue len
 en autre couleur. fo. lii.
 Comment on mue Vin dune saueur en Vne
 autre. eodem
 Comment le Vin & les Baisseaulx serōt des
 liurez des aigreurs et mauuaises saueurs.
 folio liii.
 Comēt len preserue & garde le Vin de aigrir
 et quāt il est aigre pour len guerir. fo. eodē
 Comēt on faict du Vin le Vin aigre. f. liiii.
 Des Vertus du Vin aigre. fo. eodem
 Du Vin & de ses Vertus & proprietiez. fo. eo.
 ¶ Cy fine la table du quart liure / et
 ensuyt la table du cinquiesme.

¶ Des arbres en commun. fo. lvi.
 De lagmandier. fo. lviii.
 De barberts. fo. lx.
 Des coulōniers. f. eodē. des cerisiers. fo. eo.
 Du chasteigner. fo. eodē
 Des coigniers. fo. lxi.
 Du citronnier. fo. lxii. du corniller. fo. lxiii.
 Du chesne rouer et certe. fo. eodem
 Du figuier. fo. eodē Du laurier. fo. lxv.
 Du meurier. fo. eodem. du muonac. fo. eod.
 Du mirte. fo. lxvi. des noyers. fo. eo.
 Du nefflier. f. lxviii. des oliuiers. fo. eodem
 Des pommiers. fo. lxix.
 Des pommiers de grenate. fo. lxx.

Des periers. f. lxxii. des pruniers. f. lxxiii.
 Des peschiers. fo. eodem
 Du palmier. fo. lxxiiii. du pin. fo. lxxv.
 Du poiure. fo. eodem. des sorbes. fo. eodē
 Dung arbre appelle zezoule. fo. lxxvi.
 Du zampre. fo. eodem

¶ Ensuyt la table des arbres qui ne
 portent point de fruit.

¶ De amendon autrement dit aulne. f. eodē
 De aperus. fo. eod. de anormis. fo. eodem
 De agnus castus. fo. eodem
 Du bouix. fo. lxxvii. du buysson. fo. eod.
 De brillus autrement dit osier. fo. eodem
 Du cypres. fo. eodem
 Des cannes & roseaulx. fo. eodem
 De erable. fo. eodē. de laubespine. fo. eodē
 De espine iuifue. fo. lxxviii.
 De espine cerue. fo. eodem. du fau. fo. eodē
 Du fresne. fo. eodē. du fraxinagol. fo. eodē
 Du fusain. fo. eodē. des genestres. fo. eodē
 De yf. fo. eodem de ourme. fo. eodem
 Du peuplier. fo. eodē des rosiers. fo. eo.
 Du romarin. fo. lxxix. du sapin. fo. eodē
 Du sicamor. fo. eodē du saulx. eodem
 Du sauigner. fo. eodem
 Du sehuz. du sanguinon. fo. lxxxi.
 Dung arbre nomme scope. fo. eodem
 Du tamarist. fo. eodem
 De vnicus. du zimus. fo. eodem.

¶ Cy fine la table du cinquiesme liure.
 Et ensuyt la table du sixiesme.

¶ Des Vertus des herbes en commun.
 folio lxxxi.
 Des iardins et de leur labourage en com
 mun. fo. lxxxi.
 De ail. de arroche. de anis. fo. lxxxi.
 De anet. de ache. de alupne. fo. lxxxi.
 De armoyse. de aristologie. fo. eodē
 De aurosne. fo. eodem
 De affodilles. fo. lxxxi.
 De aceteuse autrement dicte ozeille. fo. eod.
 Des bettes. de la bourrache. fo. eodē.
 De basilicon. de bethoine. fo. eodem

La Table.

De branque Bzine.	fo.eodem	De mandragore.	fo.eodem
De bistoire.des courges.	fo.lxxxvii.	De maioraine.de nape.	fo.eodem
De concombre & citrulz.	fo.eodem	De nenufar.de neelle.	fo.pcvi.
De concombre aigre.	eodem	De napel.de origan.	fo.eodem
Du cresson.fo.lxxxviii.de cicoree.fo.	eod.	Des oignons & ciboules.	fo.eodem
Des chouly.des chouly cabus.	fo.lxxxix.	De ortie.de poireaulx.	fo.pcix.
De ciboulettes & ciuos.	fo.eodem	De pauot.	fo.eodem
De cerfueil.de commin.	fo.eodem	De pècedan autremèt fenoil porchin.	fo.c.
Des charbons.de camomille.	fo.eodē	De persil.de psilium.	fo.eodē
De calament.de centoire.	fo.pc.	De plantain.de polipode.	fo.eodem
Des chāpignons.de cuscute.	fo.eodē	De pastinaque.	fo.eodē
De cheueulx Veneris.de segue.	fo.eod.	De pourcelaine.	fo.c.i.
De catapuce.	fo.pci.	De papire dicte papir.	fo.eodem
de cretan autremèt dit ris marin.	fo.eodē	De poulieul.	fo.eodem
De celidone.de coriandre.	fo.eodē	De raues & nauetz.	fo.eodem
De la grant consoude.	fo.eodem	De rasan.de raps.	fo.c.ii.
De diptanne.de endiue.	fo.eodem	De rue.	fo.eodē
Des epinoches.de enule.	fo.pci.	De ruble.de reguelice.	fo.c.iii.
De esclaire.de epatique.	fo.eodem	De satyrion.de safran.	fo.eodem
De escalongne.de eruque.	fo.eodem	De surmontain ou salmontain.	fo.c.iiii.
Du fenoil.de flamura.	fo.eodē	De stafizagre.	fo.eodem
De fumeterre.	fo.eodem	De squille.de seneue.	fo.eodem
De fenugrec.	fo.pci.	De stutium ou petit choul aigre.	fo.eodē
De gramen autremèt dit herbe commune.	fo.	De scordium autremèt ail sauuage.	fo.c.v.
folio	eodem	De sperage.de zinzimbre.	fo.eodē
De gralenge.de gencianne.	fo.eodem	De saulge.de scabieuse.	fo.eodē
De garioflee.	fo.eodem	De senatids autremèt cresson deaue.	fo.eo.
Des genitelles de goupil.	fo.eodem	De serpentine autrement colubzine ou dra-	
Des genitelles de chien.	eodem	gontee.	fo.eodem
De hymnule.de hyebles.	fo.eodem	De serpil autrement petit poulieul.	fo.eod.
De usquiamme autrement dicte hannebāne.	fo.	De saturee autrement sarriette.	fo.eodē
folio	eodem	De tousiours viue autremèt iōbarde.	fo.eo.
De iarus autremèt dit barbaron.	fo.pci.	De tetrait autremèt herbe iudaïque.	f.c.vi.
Du lys.de langue de chien.	fo.eodem	De tapse.de tapsebarbe.	fo.eodem
De la pace & parelle.des laictues.	fo.eodē	de thimue dōt la fleur est pithimum.	fo.eo.
De lentisque.	fo.pc.	De violette.	fo.eodem
De laureole.de lape.	fo.eodem	De verge de pastour.	fo.eodē
De leuesche.de mellons.	fo.eodem	De voluble.	fo.eodem
De mellilot.	fo.pci.	De vitriole.de ysope.	fo.eodem
De mercure autrement linochitis.	fo.eodē	De yringe autrement salemonde.	fo.c.vii.
De mauue.	fo.eodem	De yreos autremèt dicte iagleau ou flābe.	
De morelle autrement strigium ou sola-		folio	eodem
trum.de mente.	fo.eodē		
De meu.de marube.	fo.pcvii.		

¶ Fin de la table du sixiesme liure. Et
ensuyt la table du septiesme.

La Table.

Pourquoy les prez furent crees / et quel
air / quelle terre / quelle eaue / quelle place
ilz requierent & desirent. fo. c. vii.

Commēt on procure les prez / & cōment on
les faict renouueller. fo. eodem

Comment on cueille le foing & garde / & du
proffit qui en vient. fo. c. viii.

Cōment les bois et forestz viennent de leur
propre nature. fo. eodem

Des boys qui par art sont faictz et ordon-
nez. fo. eodem

Fin de la table du septiesme liure.

Et ensuyt la table du huytiesme.

Des petiz Bergiers dherbes. fo. c. ix.

des Bergiers des moyēnes personnes. f. eo.

Des Bergiers royaux et des autres no-
bles / puissans & riches. fo. c. x.

Des choses qui peuvent estre faictes pour la
delectation & garnison des cours & des Ber-
giers. fo. c. x.

Des choses que len peult faire es lieux
champestres pour delectation. fo. c. x.

Des choses qui donnent delectation enui-
ron leurs vignes & leurs fructz. fo. eodē

Des choses qui aduiennent enuiron les ar-
bres qui donnent delectation. fo. c. xi.

Des delectations des iardins et des her-
bes. fo. c. xii.

Fin de la table du. viii. liure. Et

ensuyt la table du neufuiesme.

De laage des cheuaulx & des iumens.
folio c. xiii.

De la forme des bonnes iumens pour cō-
cevoir & comment on les doit tenir & ordon-
ner. fo. c. xiii.

De la natiuite du cheual / & comment on le
doit tenir quant il est ney. fo. c. xiiii.

De la maniere de prēdre les poulains & de
les appriuoiser. fo. c. xiiii.

De la garde des cheuaulx. fo. eodem

De la doctrine et morigation des che-
uaulx. fo. c. xv.

Pour scauoir congnoistre la beaulte du che-
ual. fo. eodem

Des signes de la bonte du cheual. fo. c. xv.

Des signes de la mauuaistie et vice / et du
proffit des cheuaulx. fo. c. xvi.

Des maladies des cheuaulx / et de leur
cure. fo. c. xvi.

de la maladie du mur & de la cure. fo. eodē

Des glandes et des escrouelles / et de la
cure. fo. c. xvii.

Des maladies accidentelles des cheuaulx
& de la cure. fo. c. xvii.

Du ver ou veruolage. fo. eodē

De la maladie appelee antiquoz / et de la
cure. fo. eodem

de la congnoissance de strāguille. fo. c. xviii.

Dune maladie appelee viues / et de leur
cure. fo. c. xviii.

des douleurs du cheual & de la cure. fo. eodē

de infusion ou enfonture & de la cure. f. eod.

De la maladie appelee pultine ou bulsine
& de la cure. fo. c. xix.

De la maladie appelee enfestuce et de la
cure. fo. eodem

De la maladie de scalmate / et de la cure.
folio c. xix.

De la maladie appelee argaratus autre-
ment trenchoisons & de la cure. fo. eodē

de cymoira ou morue et de sa cure. fo. c. xx.

Du froit de la teste & de la cure. fo. eodē

de la maladie des yeulx et de la cure. f. eodē

du cor et de la cure. fo. c. xx.

de la maladie du poulmon qui viēt au dos
du cheual et de la cure. fo. eodem

De la maladie des espaulles et de la cure.
folio c. xxi.

de plusieurs autres maladies venans au
dos du cheual et de la cure. fo. eodē

des maladies qui viennent aux piedz & cusp-
ses des cheuaulx. Et premieremēt du mau-
feru. fo. c. xxi.

des bleceures de la hāche & de la cure. fo. eo.

De la bleceure de lespaule et de la cure.
folio eodem

De la greueure de la poitrine / & de la cure. folio. c. xxi.
 De la maladie appelée zardre / & de la cure. folio. c. xxi.
 De l'espauain & de la cure. folio. c. xxi.
 De la courue ou de la courbe / & de la cure. folio. c. xxi.
 De l'espinnelle & de la cure. folio. c. xxi.
 Des furos / & de la cure. folio. c. xxi.
 De attinture ou nerfure / & de la cure. folio. c. xxi.
 De la maladie de scortilate / & de la cure. folio. c. xxi.
 De bleceure despine ou daucun bois & de la cure. folio. c. xxi.
 Des gailles / & de la cure. folio. c. xxi.
 Des grappes / & de la cure. folio. c. xxi.
 Des greuaces / & de la cure. folio. c. xxi.
 D'urchancres / & de la cure. folio. c. xxi.
 Des fistulles / & de la cure. folio. c. xxi.
 De la maladie qui est appelée palpison. folio. c. xxi.
 De la furine / & de la cure. folio. c. xxi.
 Des maladies des piedz et des ongles. Et premierement de la maladie de syte. folio. c. xxi.
 De la maladie appelée supposte / et de la cure. folio. c. xxi.
 De la spumecture autrement sponcture des ongles. folio. c. xxi.
 De la desoleure des ongles / & de leur cure. folio. c. xxi.
 De la mutation des ongles. folio. c. xxi.
 De diuerses encloeurs / et de leur cure. folio. c. xxi.
 De la maladie appelée fic et en latin appelée ficius / & de la cure. folio. c. xxi.
 Des generaux signes des maladies des cheuaux. folio. c. xxi.
 Des mules et muletz. folio. c. xxi.
 Des asnes. folio. c. xxi.
 Des beufz / & taureauz & vaches. folio. c. xxi.
 Comment len doit tenir taureauz et vaches. folio. c. xxi.
 Quant et comment les taureauz doiuent estre menez pour saillir les vaches. folio. c. xxi.

Comment on doit tenir les Beaufz / et comment on les doit appruiouiser. folio. c. xxi.
 Des beufz / & quelz on les doit acheter / comment on les doit garder / et a quoy on congnoist leur aage. folio. c. xxi.
 Des maladies des beufz / & de leur cure. folio. c. xxi.
 Des diuersitez des beufz et des vaches / et de leur profit. folio. c. xxi.
 Des ouailles / moutons et brebis quelz on doit acheter et eslire / et de la congnoissance de leur sante & maladie. folio. c. xxi.
 Comment on doit tenir les ouailles nourrir & faire paistre & en quelz lieux. folio. c. xxi.
 Quant et comment les moutons doiuent aller aux brebis / et combien de temps les brebis portent & quelz doiuent estre les moutons / & quantes brebis suffisent a vng mouton. folio. c. xxi.
 Quant on doit tondre les ouailles / & quant & comment on les doit signer. folio. c. xxi.
 De la congnoissance de laage des brebis. folio. c. xxi.
 Quant et comment on les doit traire & faire les fromages & garder. folio. c. xxi.
 Des maladies des brebis / & de leur cure. folio. c. xxi.
 Comment on doit tenir et gouverner les aigneaulx. folio. c. xxi.
 Du profit des aigneaulx / brebis et moutons. folio. c. xxi.
 Des cheures / boucz et cheureaulx / lesqz on doit eslire / & comment on les doit tenir / et par quel temps elles portent / et de leur aage / de leur sante & profit. folio. c. xxi.
 Des trupes / verroiz & coches lesquelles on doit eslire / et comment on les doit tenir / et par quel temps elles sont preings / & de leur aage / sante & profit. folio. c. xxi.
 Des chiens lesquelz on doit eslire / comment on les doit tenir et enseigner / et du profit qui en vient. folio. c. xxi.
 Des pasteurs / quelz & combien ilz doiuent estre / et comment ilz se doiuent auoir et

La Table.

maintenir. fo.eodem
 Des garennes / & de la place aux lieures et
 autres saulvages / et de la maniere de les
 enclore. fo.c. xxxviii.
 Des piscines / fosses & poissons enclos. f.eod.
 Des paons. fo.eodem
 Des faisans. fo.c. xxxv.
 Des oyse & oysons. eodem
 Des cannes & cannars. fo.eodem
 Des gelines coqs et pouletz / et comment
 on les doit garder. fo.eodem
 Des coulombiers / & quelz ilz doiuent estre.
 folio c. xxxvi.
 Comment les nouveaulx coulombiers doi-
 uent estre premierement garniz et peuplez
 de coulombs. fo.eodem.
 Comment on doit tenir les coulombs pour
 plus volentiers demourer et bien fructi-
 fier. fo.eodem
 De l'office de celluy qui garde les coulombs.
 folio c. xxxvii.
 Du profit des coulombs. fo.eodem
 Des turtrelles & pour ordonner leur lieu. eo.
 Des estourneaulx / merles / perdrix & cail-
 les / & comment on les doit nourrir & main-
 tenir pour porter fruct. fo.eodem
 Du siege des mousches a miel / et du lieu
 conuenable. fo.eodem
 Quelz les vaisseaulx a mousches doiuent
 estre. fo.c. xxxviii.
 Comment les mousches a miel naissent.
 folio eodem
 Quelles mousches on doit achepter / quant
 et comment on les doit trouuer & emporter.
 folio eodem
 Comment on doit tenir & procurer les mous-
 ches a miel. fo.eodem
 Des maladies des mousches / et de ce qui
 leur nuyst & de la cure. fo.eodem
 Des meurs / de la doctrine et de la vie des
 mousches. fo.eodem
 Quant & pourquoy la compaignie des mous-
 ches yst / et comment on scet quant elles doi-
 uent yssir. fo.eodem

Comment leur compaignie sera enclose et
 cueillie. fo.eodem
 Quant et comment on peult prebtre le miel
 des mousches. c. pli.
 De faire le miel & la cire. fo.eodem
 De tout le proffit des mousches a miel.
 folio c. plii.

C Fin de la table du neuuesme liure.
 Et ensuyt la table du dixiesme.

C Des oyseaulx de proye en general. f.eo.
 Des espreuiers. fo.eodem
 De la beaulte des espreuiers / et de la con-
 gnoissance de leur bonte. fo.eodem
 Comment on nourrist les espreuiers / appri-
 uoise & enseigne / & quelz oyseaulx ilz pren-
 nent & comment ilz sont muez. fo.eodē
 De l'enseignement de l'espreuier & de la ma-
 niere d'appredre quil ne laisse son maistre.
 folio c. pliii.
 Des maladies de l'espreuier et de leurs cur-
 res. fo.eodem
 Des austours. fo.eodem
 Des faulcons. fo.c. pliiii.
 De la diuersite des faulcons. fo.eodem
 De la beaulte et noblesse des faulcons.
 folio eodem
 Comment faulcons sont nourriz / appriui-
 sez & enseignez. fo.eodem
 Des maladies qui aduiennent aux faul-
 cons. fo.eodem
 Des esmerillons. fo.eodem
 Des gerfaulx. fo.c. plv.
 De laigle. fo.eodem
 Du guue & de la guuette. fo.eodem
 Comment les oyseaulx sont prins aux rethz.
 folio eodem
 Comment on prent les oyseaulx aux latz.
 folio cplvii.
 Comment on prent oyseaulx a la glux.
 folio eodem
 Comment on prent les oyseaulx a l'arbas-
 lestre & a l'arc & autres manieres. fo.eo.

La Table.

De la prinse des bestes sauluaiges. Et premierement cōment on les prent aux chiēs. folio. cplviii.
 Comment on prent les bestes sauluaiges aux rethz. folio. eodem.
 Comment on les prent aux latz a la cage ou geole de fer. folio eodem.
 Cōment on les prent a fosses. f eodem.
 Dautres manieres dengins a prendre bestes sauluaiges. f cplix.
 Pour prendre les souris. f eodem.
 De la prinse des poissons / & premierement cōment ilz sont prins aux rethz. f cl.
 Cōment on prent les poissons a huches et a canne faictes dosier. f eodem.
 Comment on prent les poissons a lames / son. folio eodem.

¶ Fin de la table du dixiesme liure.
 Et ensuyt la table de lunziesme.

¶ De la congnoissance du lieu habitable en commun. folio cli.
 De la congnoissance de lair. f eodem.
 De la congnoissance des ventz. f eodem.
 De la congnoissance des eaues. f eodem.
 De la congnoissance du siege du lieu habitable en commun. f eodem.
 Des combes et des maisons. f clii.
 Des puyz et cysternes. f eodem.
 Des matieres des maisons. f eodem.
 ¶ Cy cōmencent les reigles de la matiere du second liure. Et premierement de la qualite des terres / et de la diuersite des chāps. folio eodem.
 De arer / fouyr et labourer. f eodem.
 Des semailles. f eodem.
 De leaue des plantes. f cliii.
 Des parties des plantes. f cliiii.
 De la plantation et generation des plantes. folio eodem.
 Des entes. f eodem.
 De la medicine des arbres / et de la terre. folio clv.

Des garnisons. f eodem.
 ¶ Cy cōmencent les reigles de la matiere du tiers liure qui sont des greniers / des grains et des semailles. f eodem.
 ¶ Cy cōmencent les reigles de la matiere du quart liure des vignes / & premierement daucunes choses communes. f eodem.
 De selection des plantes de la vigne. f eo.
 Des reigles de la plantation des vignes. folio. clvi.
 De lincision et doleance de la vigne. folio eodem.
 De tailler les vignes. f eodem.
 De fouyr les vignes. f eodem.
 Des grappes et du vin. f eodem.
 ¶ Cy cōmencent les reigles du cinquiesme liure des arbres et de leurs labourages. folio eodem.
 ¶ Cy commencent les reigles de la matiere du sixiesme liure des iardins et des herbes. Et premierement de lair / de la terre du siege conuenable aux iardins. f eodem.
 Du fouissement des iardins. f clvii.
 Des semailles des iardins. f eodem.
 De layde des iardins. f eodem.
 De la cueillette des herbes / des fleurs et des fructz et racines. f eodem.
 Des vertus des herbes. f eodem.
 De la cōseruation des herbes / des fleurs / et des racines / et des semences. f eodem.
 ¶ Cy cōmencent les reigles de la matiere du septiesme liure des prez et boys. Et premierement quel air / terre / eaue et siege les prez desirent. f eodem.
 Comment les prez sont faictz procurez et renouvellez. f eodem.
 Comment le foing est cueilly et garde & de son prouffit et des boys. f eodem.
 ¶ Cy cōmencent les reigles de la matiere du huitiesme liure des boys. f clviii.
 De la diuersite des bergers. f eodem.
 Des choses qui sont faictes entour les vignes et leurs fructz qui donnent delectation. folio. eodem.

La Table.

Des choses qui croissent delectation entour
les arbres. f. eodem.

Des delectatiōs des iardins & des herbes.
folio eodem.

Cy commēcent les reigles de la matiere
du neuſuiesme liure de nourrir les bestes
aux champs. f. eodem

Des cheuaulx & iumens. f. eodem

De la doctrine et morigination des che-
uaulx. folio c.lix.

Des generallēs cōgnoissances de la bonte
& malice des cheuaulx. f. eodem

Des maladies des cheuaulx. f. eodem

Des beufz. f. eodem

Des brebis & moutons. f. eodem

Cy cōmencent les reigles de la matiere
du dixiesme liure / des engins a prendre les
bestes sauuages. f. eodem.

Cfin de la table de l'unziesme liure

Et ensuyt la table du douziesme.

CDes choses qui sont a faire au moys de
Januier. f. c. lxx.

Des choses a faire au moys de feurier.

folio

Des choses que lon doit faire au moys de
Mars. f. eodem

Des choses que lon doit faire au moys de
Apuil. f. c. lxi.

Des choses a faire au moys de May
folio eodem

Des choses que lon doit faire au moys de
Juing. folio eodem

Des choses que lon doit faire au moys de
Juillet. f. eodem.

Des choses a faire au moys Daoust.
folio c. lxxii.

Des choses a faire au moys de Septēbre.
folio eodem

Des choses que lon doit faire au moys de
Octobre. f. eodem

Des choses a faire au moys de Nouēbre.
folio eodem.

Des choses a faire au moys de Decembre
folio c. lxxiii.

Cfin de la table.



Le premier chapitre de ce present liure parle de cōgnoistre la bonte du lieu habitable en general.



En naturelle inclination et desir est que pource que le cultiue-
ment et labour du champ pour
les trauaulx q̄ sont continuelz

souuerainement requiert force des habitas:
pourtant mest il aduis q̄ cest chose conuen-
ble de bailier en ce premier liure de la do-
ctrine des choses q̄ appartiennent & sont con-
uenables au sauement du lieu habitable
& daucunes choses necessaires a habitation
Je diray donc premieremēt de la congnois-
sance & de la bonte du lieu habitable en ge-
A

neral/et ceste est attendue en cinq choses. Cest a scauoir en la purte de l'air/en la force de ventz/en la bonte des eaues/en la qualite du siege et en la bonte plantureuse de la terre dont les quatre sont traictez au premier liure/ & le quint est traicte au second liure. On doit bien toutes ces choses considerer par grant diligence auant q'on face son lieu habitable/affin que par trop grant haste apres le faict ne sensuyue dure penitence de dommage des personnes ou de biens/ laquelle len nesperoit pas quant on ediffioit.

De l'air/et cōment on congnoist sa bonte et malice.

Chapitre.ii.



Nous lisons selon Auicenne que l'air est l'un des elemens/ et son lieu naturel est environ leaue et est environne de lelement du feu/ et est sa nature chaulde et moiste/ suppose que nulle cause ne luy aduienne par dedans qui en aucune maniere le conuertisse et mue. Et son essence quant elle est bonne elle ayde aux princes et aux gens de noble nature en les clarifiant et sont en corps et en entendement alleges & en hault esleuez. Il est donc necessite de considerer pour auoir bon air que il ne soit pas pourry/ ne trop chault ne trop froit/ ne moiste oultre mesure ne aussi trop sec: car l'air pourry pourrist les humeurs et faict pourrir l'humeur q'environne le cuer/ car il luy approuche et viēt moult pres. Et l'air qui est trop chault eschauffe les iointures & resoult et esmeult les humeurs/ et affoiblie & resoult l'esprit et toute la vertu/ et si croist la soif et affoiblist la digestion pource quil dissoult la chaleur naturelle qui est l'instrument de vie et de vertu/ et donne couleur iaulne pource que il dissoult les humeurs sanguines qui font auoir couleur vermeille: car pource quil faict la cole surmonter les autres humeurs/ et eschauffe le cuer d'une estrange chaleur et

faict les humeurs fluer & les pourrist & trasporte aux concuities et aux foibles membres/ il nest pas bon aux corps sains/ mais en aucune maniere il ayde aux ydropiques & aux paralitiques & a ceulx qui sont trop moistes en nerfs et en veines. Scauoir pouez q'l'air froit faict retourner la chaleur naturelle au par dedas/ toutesuoyes il cause reume et affoiblist les nerfs et faict la voix enrouee. Il empesche grandement/ et faict bone digestion & enforce les operations secretes de nature/ et resueille l'appetit & le donne bon/ et finalement il est plus conuenable aux corps sains que nest l'air trop chault: et l'air moiste est bon a plusieurs complexions/ il donne bonne couleur et rend le cuer bel & mol & faict auoir les conduits ouuers/ mais il tend a corruption et putrefaction/ et le sec air luy est contraire. Deues et considerees les choses dessusdictes/ cest certain que la moyenne attrempance de l'air est quant il est cler et pur et nect/ et tel doit il estre quis et esleu/ car l'air se il est bon et cler et attrempe a qui substance quelconque estrange a la complexion de l'esprit au contraire nest point meslee/ mais q'donne sante au sauement aux habitans et les garde. Et aussi les plantes et arbres selon Albert proportionnellement en valent et fructifient mieulx. Cestuy est eslisable et a choisir. Et se il est mauuais et quil y ait vapeurs de mauuaises eaues/ comme destangs/mares ou fosses dormans/ il faict tout le contraire et trouble tout & faict la personne triste & courroucee et mesle les humeurs et corrompt les plantes: et pource les ventz ardens et bruyens mortifiants blessent/ corrompent et occient les fructz des arbres & des plantes. Si conclud Auicenne en somme q'tout air qui est tost refroidy apres le tout du soleil et qui legierement sechauffe quant le soleil retourne est bien subtil/ & celluy q'faict au contraire si luy est contraire. Finalement cel luy est le pire de tous qui estraint le cuer

et estouppé & restraint l'attrapement de l'air quāt a aspirer et respirer. Or dit Paladius pour ceste cause que la sante de l'air declairent les lieux francs et eslongnez de basses ualees et ou il n'y a pas grosses nues ne obscures / et la consideration des corps et des cōplexions des habitans / cest a scauoir s'ilz ont bone couleur et viue / ferme et nette attrempance de teste / bone et clere veue et les yeulx nectz / se ilz oyent clerement et entendent bien / se ilz ont bonnes arteres en la poictrine / cest a dire que ilz ayēt nette voix et bonne. Vous pourrez par ces signes scauoir la bonte & sante de l'air / car le mauuais air faict tout le contraire.

Des Ventz et de la congnoissance de leur bonte et malice.

Chapitre.iii.



De traicter des Ventz selon Auienne est / pource que les ventz et leur cause viennent et sont engendrez en deux manieres. L'une est generale a tous ventz. et l'autre qui est propre au vent d'une cite ou d'un lieu ou d'autre / et generally il est verite que le vent de midy selon plusieurs lieux et citez est chault et moiste. Il est chault pource qu'il vient de la partie du soleil / et moiste pource qu'en plusieurs lieux nostre demeure est deuers midy si enuoye le soleil fort les vapeurs qui se meslent avec le vent. Et pource le vent de midy lasche la force et amoiste et ouure les conduitz et trouble les humeurs et les trait de dedans le corps au par dehors et cause pesante griesuete es vieilles gens et corrompt les humeurs qui doyent ystre / et telz ventz font rencheoir es maladies & affoiblient et engendrent epilepsie et apesantissent et font dormir et causent fieures pourries: mais ilz ne ennuyent point a la gorge. Certaine chose est que les ventz de Septentrion que l'on appelle gallerne sont froids / pource qu'ilz passent par

dessus montaignes et terres froides ou il y a moult de neiges et sont secs pource que en eulx ne se ioignent pas moult de vapeurs. Car en la partie de Septentrion na pas grant resolution / et le plus ilz passent par dessus eues geles et par desers / et pource le vent enforce et endurecist et deffend clerelement les choses qui fluent & clost les conduitz et faict forte la vertu digestiue et estraint et endurecist le ventre et faict briner et nectoye l'air de pourriture et de pestilence et le guerit: mais quant le vent de Septentrion ensuyt le vent de midy il aduient du vent de midy flux et du vent de septentrion espreuite par dedans et pource sont multipliees reumes au chief et maladies de poictrine. L'homme doit donc desirer le vent Dorient: car il est attrempe entre chault et froit / et sont les ventz dorient plus secs que ceulx Doccident. Ceulx de Septentrion vers orient ont moins de mer que ceulx de septentrion vers occident. Les ventz dorient se ilz ventent a la fin de la nuyct & au commencement du iour ilz viennent de l'air qui ia est attrempe et pour le soleil assubtilie et espure et son humeur est ia appetissee / et pource ilz sont plus secs et plus subtilz: et se a la fin du iour et au commencement de la nuyct ilz ventent ilz font tout le contraire. Et toutesfoies generally valent mieulx les ventz dorient que les ventz doccident. Chascun peult clerement appercevoir que les ventz doccident sont grandement plus moistes que ceulx Dorient: car ilz passent par dessus la mer et se ilz ventent a la fin de la nuyct et au commencement du iour ilz viennent de l'air ou le soleil na point ouure et seront plus gros et plus espes. Et se ilz ventent a la fin du iour et au commencement de la nuyct il aduendra tout le contraire. Toutesuoyes on doit scauoir que les iugemens deuantditz semuent aucunesfoies pour autres causes / car en aucunes citez et en plusieurs lieux les ventz de midy sont

plus froidz quāt il y a montaignes par desuers le midy esquelles montaignes il y a vignes et les ventz passent par dessus/ les ventz de midy se conuertissent en froidure pour les montaignes sur lesquelles ilz passent. Et aussi il aduiert que les ventz de Septentrion sont plus chaulx que ceulx de midy quant ilz passent par les desers ou ilz sont ars et bruslez.

De leaue conuenable a la Vie de l'homme / et pour congnoistre sa bonte ou malice.

Chapitre.iiii.



Leaue sicomme dit Auicenne est l'ung des elemens / ou se il nest pur element / cest l'ung des engendrez des elemens. Et son propre lieu naturel est q̄ elle enuironne la terre / et que elle est enuironnee de l'air quant elle demeure en son propre siege naturel / et est froide & moiste se autre nature contraire ne luy viēt par dedans. Cest elemēt cy preste es choses qui sont ca bal engendrees grant ayde a figurer formes. Car cōbien que choses moistes perdent legieremēt les figures engendrees et empreintes / toutesuoyes elles les recoiuent legierement / ainsi comme le corps dur de terre les recoit durement / aussi les retient il plus durement. Et pour ce que le moiste de nature deaue et sec terrean sont attrēpez ensemble / le sec acquerra du moiste / si que il receura tost ses formes figurees / et le moiste acquerra du sec que il les retienne forment / et ce luy aduiert de rectification et pareille equation / adiuſtemēt & figuratiō. Et pour le moiste le sec est retenu q̄l ne se separe / et pour le sec le moiste est deffendu quil ne sefflue et dequeure. La consideration des eaues en ceste science est double. Car l'une est bonne pour hommes et laboureurs / et lautre est bonne pour les plantes. Et premierement de celle qui est

bonne aux hommes ie parleray. **S**elon Auicenne les eaues qui sont meilleures que les autres sont eaues de fontaines de terre franche / en laquelle terre nulle disposition des estranges qualitez a quelconque seigneurie. Du les eaues qui sont pierreuses / car elles sont plus nettes et miculx deffendues que dessoubz la terre elles ne pourrissent. Toutesuoyes celles qui sont de franche terre sont meilleures que les pierreuses / mais quelles soyent courans et descouuertes au soleil et aux vētz / car de ses poins elle acquiert la noblesse. Et sont plusieurs eaues courans q̄ ne sont pas descouuertes. Celle eaue qui queurt sur boe franche qui nest pas puante ne orde comme des mares vault mieulx q̄ la pierreuse : car celle boe nettoye leaue & luy oste les choses et qualitez estranges q̄ y estoient meslees / et si la coule / et les pierres nont pas telle vertu. Et se il aduiert que celle eaue soit grande & queure fort par la force de son cours / ce q̄ est mesle en elle est conuertiy en sa nature & que de son fil elle tende et queure vers oriēt cest la meilleur des eaues. Et de tant plus se eslongne de son cōmencement et de sa source et de tant plus est meilleur. Et apres ceste celle qui va a septentrion vault le mieulx / mais celle q̄ va doccident a midy est mauuaise / et par especial quāt les ventz de midy ventent. Et celles q̄ descendent de lieux haultx avec les autres bōtez sont les meilleures et sont comme doulces et legieres en pois / & de legier est eschauffee & aussi de legier refroidie pource quelle est resoluē et en nature purifiee / & est froide en puer & chaulde en este et que en elle na saueur ne odeur surmontant / et ce qui est cuyt en icelle est tantost cuyt et de legier resoluē et dissoult. Mais nous deuons scauoir que le pois est des experimens qui aydent a cōgnoistre la disposition de leaue : car leaue q̄ est plus legiere en plusieurs dispositions est la meilleur / et le pois est congneu par la mesure.

On la cōgnoist aussi se len prēt deux eaues diuerses et len y mouille deux pains dung mesme pois / & puis quilz soyent seichez forment / & apres soyēt pesez / leaue dōt le pain sera plus legier sera la meilleure. Sublimation / distillation & decoction si rectifient et amēdent les mauuaises eaues / car leaue cuyte est de moindre enfleure que lautre / selon les sages medecins / pource q̄ la cuyture faict la substāce plus subtile et est par ce clarifiee par dessus / et le gros terrestre demeure au fons embas / pource que les comixtiōs terrestres descendent legierement de substance subtile / et non pas de la matiere grosse / espesse / visqueuse et glueuse. Entre les eaues qui sont a louer / les eaues de pluyes sont bōnes / et par especial celles qui viennent en este quant il tōne forment. Mais toutesuoyes a ceste eae de pluye vient plus souuēt pourriture et corruption que aux autres / cōbien quelle soit la meilleure. Et la cause si est / pource quelle est la plus subtile et la plus pure : car toute substance corporelle de tant quelle est plus subtile de tant prent elle plus tost aucune passion. Celle eae pourrie empesche la boire et le pis / car elle corrompt & pourrist les humeurs. Et se il aduiēt q̄ len prengne trop de eae de pluye corrompue et quelle griesue quant len māgeue choses aigres elles contrarient a la corruption et donnent seurete contre l'empeschement de celle eae : mais les eaues des puyx & des cōduitz sont mauuaises au regard de leaue des fontaines : car les eaues des puyx sont eaues restrainctes et de long temps encloses qui reçoivent terrestreite et grosse matiere : des eaues qui passent par les conduitz de plomb il conuiēt quelles tiengnent aucune chose de la nature du plomb / et pource engēdrent souuent flux de ventre : mais leaue de palus et de mares vault pis que celles des puyx : car leaue du puyx sourt continuellement & est purifiee et amendee de ce que len en sa-

che et traict hors dont son mouuement est continue et nest pas la closture contraincte si longuement ne elle ne gist pas longuement sur sa source : mais leaue de palus et de mares se pourrist en gisant et dormant sur la terre pourrie et corrompue. Les eaues des mares sont mauuaises et pesantes : car en puer elles ne sont point refroidies fors que pour les neiges qui y cheent / et pource elles engendrent fleume : et aussi pource q̄ elles sont eschauffees en este elles engēdrent coles / et pour leur espaisseur & ce quelles sont meslees avecq̄s terreestreite & pour leur resolution subtile sont engēdrees en ceulx qui les boient douleur et enfieure de rate et de cueur / et en sont les entrailles enflees & engrossies / et deuiennent les extremitez seiches et maisgres et les espaulles et le col / et leur vient trop fort desir de boire & de manger / et sont leurs ventres restrains et a grant peine peuent eulx vomir : et aucunesfois aduiēt quilz cheent en ydropisie / pource que laquosite et la grosse substance de leaue demeure en eulx. Et aussi leur vient aucunesfois apostume au poulmon ou en la rate / & leur vient grāt flux de ventre / et en est leur foye affoibly et en encourrent plusieurs autres grans maladies. Et les femmes en plusieurs manieres en sont enflees & nen concoient pas si bien / et en sont moins parfaitement engrossies et enfantent a plus grant douleur et a plus grant peril : et si enfantent enfans pleins de apostumes et de rancle et dordure et de diuerses maladies. Et leur vient souuent vne maladie appelee mola quelles cupdēt estre grosses et si ne le sont pas / et sont souuent leurs enfans maligeux : et es vieilles gens viennent fieures de grāt ardeur pour cause de la seicheresse de leurs natures et de leurs ventres. Et les eaues esquelles est meslee substance de metaulx ou autre chose semblable et eaues sansuelles sont mauuaises de commun cours / combien quelles

Donnent ayde a aucunes maladies : Car leaue ou la Vertu du fer a seigneurie ayde a ce que les entrailles soyent plus fortes / & vault contre flux de Ventre / et en croissent les Vertuz appetitiues . Les eaues de neiges et de glaces sont grosses : car la neige et leaue de glace se elle est nette et ne soit point meslee a autre chose qui ayt mauuaise Vertu : se elle est dissoulte et en soit faicte eaue ou se de elles mesmes sont muees en eaue elle sera bonne : mais elle nuyt a ceulx qui ont douleurs es nerfs / et quant on la cypst elle retourne a sa bonte . Et se leaue glacee est de mauuaise eaue ou ayt este neige tenant en soy mauuaise Vertu et estrange pour cause des lieux ou elle est cheute et descendue / elle sera mauuaise . Leaue de froidure attrempee est la meilleure de toutes / combien quelle blesse les nerfs & ceulx qui ont apostumes es entrailles : Car elle faict lestomac fort et si donne appetit . Leaue chaulde corrompt la digestion et faict la viande nager en lestomac / et aussi aucunes fois est cause de ydrosisie et de ethique & degaste le corps . Mais leaue chauffee qui est tiede engendre abhominacion destomach et faict vomir . Et se on la chauffe plus que tiede et on la boit souuent a icun / elle laue lestomach et amollie le Ventre . Mais la boire souuent nest pas bon / pource que elle affoiblist la Vertu de lestomach . Et celle qui est moult chaulde resoluë la colicque et brise les Ventositez de la rate : mais leaue salee faict le corps amesgrir et seicher / et pour la force delle qui rese et trenche elle restrainct a la fin pour la seicheresse de sa nature / et corrompt le sang / et engendre grasse / rongne et opilations : et pource apres eaue salee len doit manger choses qui appellent et prouocquent lappetit et laschent : combien que aucunes fois elle ayde bien a ceulx qui ont le Ventre mol / pource que les eaues grosses et pesans demeurent

plus longuement au corps et ne descendent pas si tost . Le triacle et remede contre telles eaues est de prendre douces choses et victueuses . Les eaues pleines de alun ne seuffrent pas que les superfluitez aux femmes queurent trop fort / ne aussi que elles crachent sang / et deffendent de ce qui vient des Emorroydes : mais meinent mauuaiselement les corps qui sont enclins a ficures . Et les eaues ferrees resoluent la rate / et aydent a ceulx qui ne peuvent faire faict de mariage / mais celles qui tiennent nature darain sont prouffitables a corruption de complexion et peuvent estre amendees par estre fort coulees & cuites pource que par les couler la substance de leaue est desseuree de ce qui est mesle avec elle / & sur tout le meilleur est de la distiller en sublimant . Boire eaue avec Vin est bon pource que elle en oste la malice qui est de la nature de petite penetration & trespassement . Boire Vng petit de eaue avec Vin aigre est chose attrempee pour le beuuant par especial en este : car elle oste lardeur de trop boire . Eaue salee se peult boire avec Vin aigre et avec sirop aceteux ou il y aura trempé / sorbes / febues / chiches et telles choses . Et apres eaue pleine dalun et pontique len doit boire ce qui dissoult nature et le Vin est proprement ce q plus peult faire & valoir quant on le boit . Et sur eaue amere len doit donner choses douces & victueuses . Mais auant que len boiue eaue dormant de palus ou il y a corruption & pourriture / len ne doit point boire ne manger choses chauldes et nourrissans / mais choses agues et aceteuses et fructz froids et coings et pommes maciennes et aigres . Sur eaues grosses et troublees len doit vser de aulx et est bon alun de iame : car il les clarifie / et aussi oignons est vne des choses qui plus oste les malices de plusieurs eaues . Car ilz sont comme triacle a celles malices / et proprement ciboules et

oignons auecques vin aigre et aulx aussi/ et quant aux choses froides lectues le sont. Aucunes fois aussi il aduiet comme dit Palsadius q la plus certaine nature des eaues faict Vne secrette greuance qui ne se peult congnoistre par les raisons dessusdictes et pource nous l'apprendrons a congnoistre par la disposition des Habitans et des personnes qui en vsent en considerant leurs faces quant a sante et a couleur et a la seurete de leurs chiefz & se ilz ont point douleur ou angoisse au poulmon ou en la poitrine ou au ventre ou es entrailles ou es reins ou se ilz sont point enflez/ se ilz ont aucun mal en la vessie & telles besongnes/ et se tu vois iceulx Habitans sains et haultiez si n'ayes point de sospecon ne de lait ne des fontaines ne des eaues.

Des cours hostels et combles que l'en doit diuersement faire et en diuers lieux.

Chapitre. V.

Le siege des habitations et des terres a deux regardz. L'un qui regarde le salut et la sante des Habitans / et l'autre qui regarde la plante et la bonte de la terre pour mieulx fructifier. Premièrement nous dirons de la nature conuenable au premier regard. Nous deuons donc scauoir que selonc Auicenne les dispositions des lieux habitables et cours sont diuersifiees pour cause des haultesses et pour cause des parfondes Vallées & aussi pour cause de la disposition de la terre s'elle est boeuse/ moiste ou tenat ou argilleuse ou se il y a Vertus de miniere ou multitude d'eaues ou peu d'eaues/ ou pour la disposition des choses prochaines comme darbres ou riuieres ou de fosses ou charongnes ou de semblables choses. Et de montaignes ou de mers qui soyent pres diceulx lieux. Les lieux habitables chaulx multiplient les cheueulx et font

crespes et quant il y aura en ces lieux grans resolutions et l'humour sera amenuee la Vieillesse s'aduancera et viendra tost sicomme il est en la terre des mores de morienne car a ceulx qui la demeurent la Vieillesse leur vient a trente ans et sont leurs cueurs paoureux pource q les esperitz sont moult resolu. Mais es lieux habitables froidz les corps et les cueurs sont de plus grant hardiesse et digerent mieulx leur viande/ et se les personnes sont moistes & ilz demeurent en telz lieux ilz seront gras & charnus et bien habondans en sang et en gresse et seront les veines parfondes et mucees et seront blancs et tendres. Et ceulx qui demeurent en lieux moistes ont belles faces et tendres cuirs/ et quant ilz labourent ilz sont tost trauallez/ ne leur este ne les eschauffe pas moult/ ne l'puer aussi ne les refroidit gueres/ et leur viennent fleurs de longue demeure et douleurs au ventre. Et aux femmes habondance de grande purgation et aux gens moult de flux demorroides/ et en ces parties a grant nombre de gens qui cheent de pilence. En lieux habitables secs les complexions des Habitans sont seiches et se desseiche et engrossit leur cuir le ceruel leur seiche & est leur este moult chault et leur puer moult froit es lieux haults/ les Habitans sont sains & fors & peuēt assez de labour et viuent longuement es lieux habitables parfons/ ceulx qui y demeurent sont en grant vaporosite et acquierent foiblesse de foye et habondent en eaues qui pas ne sont froides par especial se elles sont copes et dormans comme sont eaues de mares ou destangs et est leur air mauuais. Quant est des lieux habitables qui sont plains de prez et descouuers leur air en este est moult chault & en puer tres froit et sont les corps des Habitans durs et fermes et ont moult de cheueulx et sont fors et de fortes ioinctures et apparans & a leur seicheresse domination en leur complexion.

et sont moult esueillez et peu dormans / et aussi sont de mauuaises meurs et maniere et inobediens et sont fors a bataille subtilz et agus en plusieurs ars . Des lieux qui sont es montaignes pleines de neiges auel en est le iugement come des autres terres froides et sont leurs terres pleines de vent . Et tant comme les neiges y sont les ventz y sont bons : mais quant la neige se remet & dissoult sil y a montaignes qui descendent les ventz il y a grans vapeurs . Es lieux habitables pres de mer la chaleur et la froidure sont attrapez pour son humeur et son inobedience encontre passions : mais habiter es lieux de Septentrion ie reputer vng mesme iugement comme des citez et temps froidz ou sont multipliees maladies de restraindre et de impressions : car la sont multipliees humeurs assemblees secretement au corps / et toutesuoyes ilz ont bonne digestion et viuent longuemēt & en leur corps est tost guerie rongne et rancle pour leur force et la bonte de leur sang / et pource aussi quil ny a par dehors cause qui les lasche ou qui les desqueuure . Mais pour la grant chaleur de leurs cueurs ilz ont meurs et conditions de loups . De ceulx qui habitent en lieux vers Midy / les iugemens en sont telz comme les iugemens des terres et temps chaudz et est salee et ensouffree la greigneur partie des euaes qui sont en ces parties . Et sont les testes de ceulx qui demeurent ceste part pleines des moistes matieres : car le midy leur faict ce auoir et ouure ainsi en eulx / et sont leurs vêtres molz et lasches pource que leur descend de leurs chieffz en leurs estomacs / leurs membres sont lasches & foibles & leurs sens sōt griez et pesans et leurs desirs de boire & de manger sont foibles / ilz sont engendrez et nourriz de vin / & pource sont foibles leurs chieffz et leurs estomacz et sont a grant peine guerries ne mollifiees leur rongne et gratelle . Aux femmes aduiēt grandes purgations

et maladies et sont a grant peine bien restrainctes / et souuentefois elles sont abortif et auorton pour la grant multitude de leurs maladies . Aux homes aduiēt quil leur yst de leurs ventres flux de sang et emorroïdes et si ont obtalmie et maladie es yeulx moiste q de legier est guerie . Aux Vieilz qui ont passe cinquante ans il leur vient paralysie pour leur reume et communement leur vient comme a tous pource que leur chef est plein de reume & de froidure et ont petit esperit / foiblesse et epilence . Et leur aduiēt que fieures ou chaleur et froidure sont assemblez et fieures longues et puernales et par nuict . Mais peu leur aduiēt fieure ague / pource que leurs ventres sont lasches et non pas estrains et sont les subtiles humeurs dissoultes . Des lieux Orientelz habitables deuons scauoir q la cite qui est ouuerte vers orient & q de droict le regarde en opposite est saine et de bon air : car le soleil au commencement du iour se eslieue dessus et clarifie l'air / & puis laisse l'air clarifie & sen depart & viennent ventz subtilz sur elle / lesquels le soleil luy a enuoyez et puis si les ensuyt / et conuiennent les mouuemens des ventz & du soleil : mais des lieux habitables Occident / est a scauoir que la cite qui est descouuerte vers la partie occident et couuerte contre orient : le soleil ny vient fors que tard / et si tost come il y vient il se commence a eslongner : car il ny vient pas en approchant / et pource ne assubtille point l'air ne desseiche : mais le laisse gros et moiste . Et se il leur enuoye ventz il leur enuoye occident et de nuict . Doncques leur iugement est le iugement des citez moistes & de moistes complexions qui ont grosse chaleur & grossemēt attrempee et se ce nestoit pource quil vient de l'espaisseur de l'air leur nature seroit comme semblable a la nature de printemps : mais il y a moins de sante en telz lieux q es terres dorient pour la tresgrande diminution

de bôte dair. Et pource q̄ veult eslire lieux pour habiter/ il doit congnoistre la terre/ la cite et le lieu pour plus hault habiter/ & cōment la disposition en est/ sa haultesse et sa parfondeur et ouuerture / et couuerture/ et aussi la disposition de leaue et sa substance & comment elle est selon sa couuerture/ et ouuerture et son siege et sa parfondesse/ & se elle est exposee a ventz ou en terre parfonde. Et si doit on congnoistre les ventz qui y ventent se ilz sont sains & froidz/ et aussi q̄l boyssinage elle a/ ou de mer/ ou deaue/ ou de montaignes et minieres. Et si doit on scauoir quelle soit la terre & le siege quāt a sante/ & quant a maladies & quelles maladies aduiennent cōmunement a ceulx qui y demeurent. Et auerques ce doit on scauoir de quelle force sont les habitās & leurs desirs & leurs digestions/ et la bonte de leur nourriture et quelz edifices ilz ont/ et aussi quelle encauite a la cite / et se elle est grant et large/ ou se les entrees sont estroictes/ et se les portes et fenestres sont orientales et septentrionales. Et entre les autres choses il doit auoir diligēce de bien regarder q̄ les ventz doriēt y puissent venter & entrer en leur habitation / et que le soleil y puisse entrer au matin en aucun lieu : car cest celluy qui adresse et purifie l'air. Et quil y ait boyssinage deaues douces nobles courans et nettes qui soyēt froides en puer & chaudes en este et quelles soyent bien distinctes de celles q̄ sont mussees & cōpes/ car cest vne chose bien conuenable et prouffitāble. Du siege de la Ville et de la maison escript moult noblement Barron/ & en especial tāt pour raison des habitans cōme pour fructages / et dit que Ville doit estre ediffiee par especial en tel lieu quil y ait riuere dedās la Ville/ & se faire ne se peult aumoins q̄lle ait eaue bien prochaine qui coeuure continuellement ou quelle soit nee/ et se il ny a eaues viues len doit faire cisternes dessoubz les maisons ou dedans et marchez/ affin que les hommes

ayent leur eaue dune part/ les bestes dautre part. Et par especial on doit bien auoir regard de faire ediffier villes aux racines des montaignes pleines de boys qui faire le peult/ affin que les labourages soyent molz et les pastures lasches/ et aussi ou les ventz bons et prouffitables et sains puissent venter/ et que le soleil y vienne egallement et plus de par deuers orient. Et se tu es contrainct de ediffier pres daucun fleuve/ garde que tu ne le mettes encontre toy: car en puer il te seroit oultrageusement froit et mal sain en este. Len doit aussi scauoir que sil y a aucun palus ou autre chose qui le baille pource quilz peuvent seicher/ & lors y naissent aucunes petites bestes menues et si petites que a peine les peult on veoir a loeil/ et volent parmy l'air/ & entrent dedans les corps des gens par la bouche / et par les narilles/ et engendrent fortes maladies / dont dit vne sentence diuerse. Len doit escheuer et garder que la Ville ne tende vers la partie ou le plus grief vent a acoustume de venter/ & quelle ne soit pas en vne fondue vallee. Mais en hault lieu pource quelle en vault mieulx et plus sainement esforcee / et sil y suruenoit aucune chose contraire elle en seroit plus tost chassée/ et avec ce le lieu ou le soleil fiert tout le iour en est plus sain/ & se aucunes bestelettes nuisans naissent pres de ce lieu ou se elles y viennent ou sont transportees de legier elles en sont chassées ou meurent la tantost. Se pluies ou fleues ou ruyssaulx descendent soudainement/ ceulx qui sont en vallee en sont pluystost greuez q̄ ceulx qui ont leurs edifices en hault lieu/ et aussi les lieux haults sont plus seurs cōtre les larrons & pillcurs que les bas. Es villes on doit faire estables & abreuoirs qui en puer puissent estre chauds / et celliers en lieu plain pour mettre vin et huylle en vaisseaulx/ et greniers pour garder fructz seichement / et grains et foing / et lieux ou la famille se puisse re-

cueillir et reposer apres le labour en temps chault et froit. Et est conuenable a celluy qui est garde de la Ville dauoir Vne chābre pres de la porte affin quil saiche qui y entre ou yst de nuict ou q len apporte ou emporte par especial sil ny a point de portier determine. Lathon escript Ville courtoise estre ediffiee pour habondāce en bon lieu/pource que se tu ediffies en bon et gracieux iardin les gens y viendront plus Doulentiers / le fons en sera meilleur/tu y Viēdras pl^s souuent et plus Doulentiers / et si en receuras plus de fruit/et en vendras mieulx & plus legieremēt tes choses a tes voisins/tu en auras plustost ouuriers et a meilleur marche pour faire ton labour & le te feront mieulx.

CDe la disposition de la court et habitation de par dedans.

Chapitre.Vi.

Les cours et des combes que len doit faire au champ pour habiter le seigneur et ses gens et seruiteurs / et pour herberger les fruitz et nourrir les bestes / sont plusieurs considerations. Car le lieu ou tu veulx faire ta court est assis entre autres maisons / ou il est eslongne des autres. Apres il est en terre plaine ou en mōtaignes ou en lieu seur ou en lieu perilleux. Se il est entre les autres maisons de la Ville il n a pas mestier de si grant force ne de closture pource que il nest pas si legier a estre pille ne robe pour la cause des Voysins. Et se il est loing de gens et de maisons on le doit ceindre et environner de fossez/de riuies/de murs & de hayes. Et se il est en plaine terre qui ne soit pas trop basse len doit par toute la terre de la court mettre autre terre par dessus que len y apportera pour la haulser affin q len ny entre pas si aise & que pluies ou autres eaues ny decourtēt et pourrissent le lieu. Et se il est en montaigne ou il ne se puisse garnir de fossez pleins deaue / len

doit eslire lieu ou par certaine ordonnance il y ait forte montee et aspre a ce que ce qui par fossez ne se peult seurement garder soit mis a seurete par fortes aduenues et entrees. Et se le lieu est seur et n ayt ennemys quelzconques il suffist quil soit garny en telle maniere quil nait garde des larrons qui de tant plus aguettent comme les cups de le pays estre plus seur. Et se le pays est perilleux en aucune partie ou pres daucuns ennemys fors/mieulx vault que le lieu demeure desert et le delaisser/ que mal sagement soy exposer a peril de mort. Se ainsi nestoit que aucun baillant homme y voulust faire edifier Vng tressort & inexpugnabile chastel par le moyen de tresgrant puissance dart ou dargent et finance. Et sil aduiuent que aucuns foibles et petis aduersaires assaillissent aucunesfois ces parties et despouillassent / len doit ceindre la court daucun mur conuenable ou daucun paliz/ et se le seigneur nest pas assez puissant a ce faire si face aucune forteresse de fossez en aucun des quignetx ou riuies de la court et face la aucune tournelle ou eschille pour se retraire et garder ses choses. Les considerations icy faictes len doit eslire le lieu de la court en la plus conuenable partie des champs et en soit la grandeur a la proportion des terres que len doit labourer et a la mesure / et soit environnee de tous costez de larges fossez parsons a la moitie du large diceulx fossez. Et environ de toutes pars len plantera en temps deu et conuenable comme en Octobre/ en Nouembre/ en feurier/ ou en Mars/ Saulx/ Peupliers et ourmes a la distance lung de lautre de cinq piedz ou de moins. Et puis les fosseurs poursuyront et ferōt les fossez & mettront toute la terre au par dedans de la combe/ et laisseront empres le fosse Vuid et descouuert terre ferme le large dung pied pres du fosse/ ou par empres. Es aucuns desdictz moys ilz mettront plantes despines gisans

et la mettront de la terre et enduiront sur les piedz des espines et feront de pieux ou de bastons et autres espines vne haye / et quant elle sera creue vng pied en hault ilz replanteront des autres espines au dessus et enduiront de la terre comme deuant / et les combleront de terre / et ainsi le feront et continueront iusques a ce quilz viennent au sommet de la riue / et peult on esdictes riues mettre ais et planches ou espines si come le seigneur Bouldra / et se len se doubte et il y a haste len pourra en lieu des espines ou entre les planches mettre sur les riues mottes de herbe verd / et soyent les plantes des espines verdz se len en peult auoir / car elles poignent fort et aubespine / pruniers sauuages / rosiers sauuages / ou blancs rosiers francs . Et combien que len en face forte haye aux champs / toutesuoyes quāt elles sont grandes elles destruisent toutes les autres plantes / et pource telz rosiers francs ne me plaisent point qui en pourroit auoir dautres . Et se doit on bien garder que entre les hayes de ces espines len ne plante point arbres portans fructz . Car les gens pour le desir du fruct destruyrēt les fosses . Et se il y a aucunes plantes qui ne soyent pas fructueuses on ne les doit pas laisser croistre / pource que par leur accroissement la garde des espines periroit pour cause des ombres diceulx arbres / ou pour cause de leurs racines / ou aumoīs les espines en seroyēt domagees et les fosses aussi . Et si conuient que au premier et second an les plantes de ces espines soyent chascun moys destre nettoyees des herbes qui y croissent / a ce que par leurs racines lhumeur ne soit attraicte / et que les espines ne deuiennent seiches par faulte de nourrissement . Les plantes dont iay parle deuant / de saulx / de peupliers / de ourme / et telles doiuent estre plantees sur la riue du fosse et en hault loing des murs sur le bord dudict fosse / et quelles ayent assez autour de

elles de terre neuue et fresche et par leurs racines doit descendre et passer eaue crasse qui vienne de la court es fosses / et ainsi croistront merueilleusement . Apres sicomme faire se pourra que len face vne haye sur les fosses au par dehors ou seiche ou des espines que len y mettra nouuellement qui seront dures et espesses et de plantes et de arbres / et par especial de peupliers qui y soyent fichez : car quant ilz croistront et seront greigneurs et par trenchees et diuers pliz ilz seront plus espes et feront vne haye comme se ainsi feussent plantez laquelle durera par long temps : mais toutesuoyes tu ne laisseras point croistre les souches diceulx arbres au dessus de dix piedz de hault : car ilz portent preiudice a la court qui demande bon air pour la sante des habitans / pource quilz osteroyent le benefice du soleil et des ventz . Tant y a que a chascun quignet des combes / tu peulx laisser vng arbre croistre tant hault quelle pourra pource quilz embellissent et ne peuent porter preiudice / et aussi tu en laisseras deux deuant chascune porte croistre soubz lesquelles les gens se reposeront en lumbre quant il fera grant chauld . Par ces choses cy sagement ordonnees sans grā despens la court enuironnee par hayes des espines et ceinte de forte garnison darbres par forme deue le prouffit des habitans sera seurement garde . Au sommet des montaignes len fera entour les maisons hayes de plantes de pōmes grenates : car elles ne doubtent point aspres lieux / et il suffira bien : car on ne peult bien faire haye forte et espesse pour les gettons qui yssent des racines et qui empeschera assez qui y bouldroit passer pour les espines q en sont poignans / et avec ce elles donnent bon fruct et plaisant par chascun an . Gros arbres ne viennent pas bien en telles places pource quil leur fault trop grant nourriture / et en telz lieux ilz ne se peuent auoir pour la terre q

est trop pleine de pierres. Toutesuoyes es costieres des montaignes ou il y a terre grasse et plantureuse len peult bien planter telz arbres / et par especial ourmes et espines: mais non pas Saulx ne peupliers se ilz ne sont pres de ruyssaulx deque et de sablon ou terre moult moiste / car autrement ilz ne croistroyent point. Et se le lieu est de si froide nature que pommiers de grenate ny puissent viure / len doit en lieu de grenatiers clore despines et de telz arbres poignans telz que len peult bonnement recouurer pour le deffendre. Et ces choses cy quat au present propos peuent suffire pour faire profitablement les clostures et garnisons des cours / mais des nobles & merueilleuses garnisons & des cours a lenuirō / des cours et des arbres comment on les doit par art ordōner / ie men tairay iusques au huytiesme liure cy apres.

Encores de la disposition de la court et habitation au par dedans.

Chapitre. Vii.



A court soit par dedans disposee en ceste maniere. Au mylieu de la face de la boye qui est deuant on fera l'entree large de douze piedz a tout le moins / et fera len l'issue de lautre part d'autelle largeur pour aller aux chāps et aux vignes par derriere: car ceste largeur suffist pour passer charrettes chargees de feing ou de paille ou autres telz choses / et la soyent faictes fortes portes riches ou cōmunes a la volente du seigneur: mais que elles puissent ouurir de iour et fermer de nuict pour la seurte / et que la dessus soit faicte vne couuerture ou maison pour garder l'entree plus necte et plus seiche et que les portes ne pourrissent par pluyes et rousees. La moytie de la partie de la court qui est de l'une partie des portes soit par le seigneur disposee en ceste maniere. Cestassauoir que par la boye qui dis-

uise la court soit mise et faicte la maison du seigneur qui tiengne longue face de coste la boye et tende vng petit par derriere. Et ce que la maison ne clozra deura estre supploye de hayes despines bien haultes ou de mur. Et soit la maison grande ou petite garnie de murs ou non / mais toutesuoyes bien couuerte de tuyllles ou autre couuerture selon le pouoir et le plaisir du seigneur. Et empres les riuies des combes contre les solliers len plantera de belles vignes et autres choses / et quant elles seront esleuees de huyt ou de dix piedz de hault elles embelliront le lieu et l'hostel. Apres par cinq ou six piedz dedans la court / len plantera tout autour petis arbres portans fructz cōme figues et pommes grenates / se l'air du lieu le peult souffrir / ou noisilles de coulde / coings / neffles et telz petis arbres / et par le mylieu dicelluy lieu pommiers / periers et autres grās arbres loing l'ung de lautre par. xx. piedz au moins / et seront chascun an ordōnez par tresdiligente cure selon ce que le temps le requerra / et le vin et les fructz des arbres seront gardezeusement pour le seigneur par bonnes clostures affin que les Villains gloutons paysans ne les degastent / et fera len la dedans vng bel berger de bones herbes aromatiques et souef flairans et vng ioly iardin pour le seigneur et de bons vaisseaulx de mousches a miel et en bon nombre bien seurement gardees. Et la aura connins / lieures / turtres & autres telles choses plaisans selon la maniere que len dira apres: mais en lautre moytie de la court len fera maisons et apentiz tout entour de coste la riuie qui occuperont l'une partie ou deux selon le nōbre de la famille & des laboureurs et aussi des bestes que len aura a nourrir. Et demourra la court buyde au mylieu / & serōt les meilleurs hostels pour les laboureurs & les autres pour les bestes. De coste les maisons des paysans q naura fontaine

len sera fosses et puyz selon la meilleur forme et maniere que len pourra / toutesuoyes que le puyz soit faict loing des fossez de la court et des palus affin que la corruption des fossez et du degoust ne corrompe le puyz par lepalation de la terre. En lautre part par deuers les maisons des bestes len sera vng palus pour mettre & mener les fiés des bestes / & soit faict le plus loing de lhostel du seigneur que len pourra. Et sil aduient que les seigneurs soient si grâs & si nobles quilz ne daignent demourer en vne mesme court avec leurs laboureurs ilz pourront en celle court faire estre et demourer le chastellain ou garde du lieu et en vne autre partie faire leur lieu fort et bel plain de palais et de tours et de Bergiers sicomme il leur appar tiendra et plaira. Et au surplus pour or donner laire des greniers / celliers a vin / coulombiers / poulliers / estables et granges pour soings & fourrages garder / il en sera dit et demonstre cy apres de chascun en son lieu ainsi que il appartient.

De faire puyz & fontaines / et comment leaue sera trouuee et esprouee.

Chapitre. viii.

Quand bien q puyz soit bien conuenable en court de seigneur come len dit / toutesuoyes pour plusieurs prouffitz du comun et laisemēt des laboureurs / et aussi que len ne treuve pas eue en la court et en lieu prochain et se elle y est quelle ne soit entachee du degoust / & corrompue pourquoy il couiennē faire puyz es chāps par dehors / ie vueil donner vng experient pour trouuer eue au mylieu des champs et ou elle sera plus pres du plain de la terre. Si deuez scauoir que au mays daoust ou au mays de septembre ou doctobre len doit faire et foyr les puyz / pource que ou len trouuera eue en lung de ces mays len ne faudra a en trou

uer en quelcōque autre tēps. Doncqs selon ce que dit Paladius len yra au lieu ou len veult querir eue auāt soleil leuant bien dispose de chief et de cueur et la se baisser le chief en terre & regarder cōtre orient & la ou on verra et apperceura par vne tressubtille nue aer crespē leuer & soy espādre cōme rousee / soyēs certain q en ce lieu cōbien ql soit sec quil y a eue mussee / mais tu dois bien cōsiderer la nature de la terre affin que tu puisses bien iuger de la tenuete & humeur & habōdāce / car crope a tenues veines / et pareillement elles ne sont pas de tressbōne saueur / & ou il ny a point de sablon il y a petites eues mal souefues & lymōneuses / & la fault ferir et querir plus en parfond. Noire terre ou il ny a pas humeurs ne grans degoutz de pluyes / mais y a aucune liqueur elle doit estre de noble saueur. Terre glaireuse moyēnemēt a veines non pas trop espesses ne trop dures / mais elles sont de tress parfaite souefuete. Sablon / cailloux / grauelle & telles choses ont telles veines espesses et dures et pleines de eues / En cailloux rouges y a bōnes eues & habōdāces / mais len doit prendre garde quant on les a trouuees quelles ne sen refuyent par les creueures. Aux piedz des montaignes et es roches a bōnes eues froides & souefues & a grant habōdāce / et es lieux chāpestres a eues salees / tieides et mal souefues et pesans le plus souuent. Et se par aucune aduenture elles sont de bonne saueur / saches certainement quelles viennent de par dessoubz terre et sourdent principalement daucune montaigne / mais au mylieu des champs len trouuera la souefuete des fontaines des montaignes / et les poursuura len se on la couure de aucuns petis arbres. Pour auoir congnoissance de leaue que len doit querir les signes sont cy apres declairez et les tenons pour brays. Se leaue nest lymōneuse ne boeuse ne que acoustumement il ny gise aucune humeur ne ionc tenue ny est entaci

Pour congnoistre la bonte du lieu habitable.

ne/ne saulx/ne aulnes/ne roseaulx/ne câ/
ne/ne verre ne telles choses qui sont engen/
drees d'humour pleine deaue elle est bonne.
Et au lieu ou tu trouueras les choses des/
susdictes qui sont bones tu peulx foyr tout
seurement trois piedz de large & cinq piedz
en parfond/& puis en la partie deuers soleil
couchant len mettra vng baissel darain ou
destaing poly par dedans et quil soit mis a
lenuers le poly vers la terre fossoree et par
dessus vng instrument faict de verges et
dosiers et de la terre dessus en telle maniere
que toute l'espace soit couuerte et le laisser
ainsi iusques au lendemain/et se len treuve
lendemain que en icelluy baissel il y ayt
sueurs ou gouttes / soyen certain que la tu
trouueras de leaue. Semblablement se vng
baissel de terre de potier qui soit sec et non
pas cuyt est mis en telle maniere et ainsi
couuert / se il y a veine deaue len trouuera
au iour ensuyuant le baissel remis par la
mistete de leaue. Item se len prent vne toiz/
son de laine et quelle soit ainsi mise et cou/
uerte/se elle prent tant de humeurs q leaue
en saille par espraindre / saches que il y a
grant habondance deaue. Item se vne lam/
pe pleine d'hyulle allumee est ainsi mise et
couuerte et on la treuve lendemain estain/
cte il y aura eae/car l'humour surmonte la
vertu de l'hyulle. Item se en ce lieu tu faictz
vng feu et la terre donne euaporation et
moiste fumee et nubieuse pleine de nues/
saches ql y a eae. Et apres ces choses ain/
si experientees et que par ce tu seras cer/
tain quil y aura eae/ si y foyr seurement
et quiers le chief de leaue. Et se il en y a
plusieurs tu les feras venir a vng/toutes/
uoyes en la partie septentrionale len doit
querir les eaves soubz les racines des mon/
taignes/ car elles habondent en telz lieux/
et sont les meilleures celles qui y naissent/
mais a foyr les pups len doit bien garder
et escheuer les perilz des fossoreurs/ pource
que aucunesfois len treuve en terre alun/

soulfre ou ciment qui enuoyent corruption &
pestilence/et occupent tantost si fort les na/
riles de ceulx qui en sont attains que la vie
en est en peril se len ne sensuyt bien tost / et
pource auant que len descende au parfond
len y doit aualer vne chandelle allumee/ et
se elle ne si destainct si napez point de paour
et se elle destainct len doit doubter le peril/
car il peult estre mortel. Le pups que len
veult foyr doit auoir huit piedz de large
ou sept combien que on le puisse faire plus
ou moins large selon ce que plus ou moins
de gens y veulent puyser/ et aussi selon ce q
les veines sont larges ou estroictes pleines
ou vuydes. Se leaue est lymonneuse elle se/
ra corrigee q gettera du sel dedans/& quant
len foyra le pups se la terre ne se peult te/
nir pource qlle soit trop molle et mal entre/
tenat len mettra tables dressees cõtre tous
les costez et seront soustenues a l'ens a ce q
la terre ne chée sur les fossoreurs/ aussi len
peult bien en tel lieu besongner sans le pe/
ril des fossoreurs. Cestassauoir que len face
de bones aiez vne double roue & forte selon
la largeur du pups sur laqle on face vng
mur du hault d'ung point auant que len cõ/
mence a foyr le pups. Apres le fossoreur
estant au mylieu commencera a foyr des/
soubz le mur a vng instrument de fer et le
face descendre iusques a la qualite de la ter/
re/ et puis reface vng autel mur/ et apres
fouysse la terre et le cõtinue ainsi tonsiours
iusques a ce que le pups soit parfaict/ mais
se il y a en hault aucuns conduitz ou trouy/
ou au pups ou il ait eae ilz peuent descen/
dre iusques aual en guise de fontaine se la
nature de la vallee soubite le veult souffrir
On pourra esprouer leaue du pups nou/
uel par la maniere q sensuyt. Tu en gette/
ras aucunes gouttes en vng baissel darain
en les espandant/& se elles ny font point de
tache elle est bonne. Item se on la cuyt en
vng baissel darain et elle ne laisse point de
l'ymon au fons ou de grauois elle est bonne

Item se on y peult bien tost cuire pois ou semblables choses dures ou se elle est de tres clere couleur et ny apt point de ordure ou grains ne autre tache de quelconque pollution estrange elle est bonne.

Des conduitz et chemin de leaue.

Chapitre. ix.



PAladius dit que leaue que len veult amener ou il la fault faire venir par aucune forme de ediffice par conduitz de plomb par cannes de boys et goutieres ou par tuyaulx de terre. Se on la meine par aucune forme de ediffice on doit bien soulder le chanel que leaue ne sen fuye par les fentes & creuaces / & doit estre grant selon ce quil y a plus ou moins deaue; & se leaue passe par pleine place len doit icelluy ediffice encliner entre cent ou soixante piedz par le bas de six piedz affin que leaue queure mieulx. Et se il y a aucune montaigne ou chemin len fera leaue passer par les costez / ou len fera trenchee en la montaigne par ou leaue passera : et se il y a aucunes fallaises ou grans valles len fera arches ou on leuera pieux et merrien a supporter les conduitz de lediffice selon le hault que il y appartient / ou len fera conduitz de plomb par ou leaue descendra et remontera sans yssir. Et qui mieulx veult faire & plus profitablement / len peult faire tuyaulx de terre espes de deux doirdz et agus dung coste par l'espace dune pauline pour entrer lunge en lautre : et cela faict on souldera de chauly viue et applaniera len dhuyllle : mais auant que len y laisse courir leaue par iceulx conduitz on laissera couler flamesches parmi avec aucun peu de liqueur meslees pource que au passer elles estoupperont les creuaces & pertups sil y en a aucunes. La derniere forme est par conduitz de plomb / et ceulx icy font que les eaues sont mal saines / car la ceruse est nee et faicte de plomb et nuyt moult a

corps humain. Si doit len diligemment forger les conduitz & les vaisseaulx pour receuoir leaue affin que par petis conduitz habondance en puisse estre donnee.

Des cisternes et cisternelles.

Chapitre. x.



E se en aucun lieu a deffault deaue len fera vne cisterne conuenable et suffisant pour la deslectation de l'hostel en laquelle leaue qui descendra de toutes les couuertures et tectz des maisons doieue venir / & doit estre bien pauee de bonne matiere et aplaniée et enduite d'argille par dessus et de bon ciment et fort par tout et tresdiligemment estoupée et oincte et frotée continuellement de bon lart cuyt affin que les creuaces soient estoupees et que air ne eaue ne puisse passer parmi / et que pour leaue les creuaces ne se fendent ne les paroyes ne se trenchent. Et apres ce que bien et longuemēt elle aura este affermee et seichee / on y fera descēdre leaue et quelle soit la hebergee bien et nectement. Et en hault au mylieu len fera vng puy et toutes les concaitez dentour le puy seront replies de pierres de riuieres & de cailloux rasses et ou meillieu du sablon et en hault. Et se len ne peult auoir pierres de riuieres ou de fleues len prendra pierres de fournaise. En aucuns lieux len faict paueement dune maniere de crope laquellle quant elle est moyennement espandue elle se serre ensemble et chauche tellemēt par tout quelle recoit et retient tresbien leaue q est mise dessus et la pouldre et garde nettement. Et illec len mettra conuenablement et prouffitablement des anguilles et poissons de riuieres pour y paistre et estre nourris affin que par leur mouuement leaue qui est copeprenne aucunement plus grant legierete et ensuyue aucunement la nature de leaue courant. Et quant aux creuaces / fentes et pertups des cisternes / puyes & piscines nous

les ramenderons et estouperons en la maniere qui sensuyt. Tu prendras de la poix clere et autant de sein ou de supf et cupras tout ensemble en vne paelle iusques a tant quil escumera / et puis tu losteras hors du feu / et quant ce sera refroidy tu y adiousteras de la chaulx petit a petit et mesleras tres bien tout ensemble / et quant ce sera comme cimēt tu le mettras es lieux percez / fenduz et brisez / et la le bouteras et chaucheras tres fort tāt que tu pourras et ainsi lestouperas. Des lieux aussi ou il y a eaves de fleuves / on fera petites cisternes et fosses artificielles par ceste maniere affin que leaue y puisse estre mieulx clarifiee. Len fera vng grant baissel de terre comme vne bupre ou cruche mis en vng lieu froid dessoubz sablon / et sur cestuy aura vng baissel de boys ou de terre bien cuyte qui soit de bonne largeur et ait vng petit pertuys au mylieu du fons et vne cheuille dedans qui soit esleuee du fons du hault dung doird / et que dessus la cheuille soit mis vng hanap adente / et puis quil soit emply de sablon iusques au mylieu et quant tu vouldras auoir eave clere gette de leaue du fleuve qui est trouble la dedans et elle se distillera par le sablon et descēdra tout doucement par la cheuille dedans le baissel daval / et la tu la garderas nettement. Et se tu veulx auoir greigneur cisterne tu pourras faire tant dessoubz comme dessus receptacle de marbre ou de pierres et ciment a pavement de argille cuyte comme dessus est dit / et de telle forme et maniere cōme il te plaira et bon te semblera.

Des matieres des maisons.

Chapitre. vi.



Nous auons par deuant faict mention des maisons et ediffices. Si voulons faire consideration des matieres quelles il les fault aux murs / et des merriēs / et quelles matieres il conuient aux fondemens

moistes et quelz aux autres. Paladius dit que les fondemens doiuent estre fermes / forts et durables / et pource doiuent estre larges plus que les murs de demy pied de chascune part. Et se len treuve argille ferme et forte la quinte ou sixiesme partie de la haultesse de par dessus terre sera deputee aux fondemens. Et se la terre est plus molle et de plus grant haultesse soit arrasee iusques a ce quelle soit nette et sans sospecon de fumer on treuve argille bonne et nette / et se len nen treuve point si quiere len dedans la terre areneuse et pouldreuse / qui quant on la prēt en la main grezille vng peu / elle est bonne et prouffitabile aux feures. Item se on la met en drap blanc ou en toille blanche et elle ny faict point de tache et ny laisse point dordure elle est tresbonne : mais se le grauois naura este mol et flexible de fleuve aincois soit nect et bon len le prendra. La grauelle et areine de la mer est plus forte a seicher / et pource on ny doit pas continuellement / mais par diuers temps faire ne construire ediffices / ne aussi la prendre pour edifier a ce que se elle est trop pesante elle ne corrompe loeuure et aussi par son humeur salee elle corrompt le toict et les couuertures des chambres et des lictz / mais la matiere seiche y est plus prouffitabile / et la terre molle de douce nature est meilleure quant elle est nouuellement traicte q̄ quant elle est longuemēt gardeē : mais se il est necessite de ouurer de grauois de la mer / on le doit premierement plonger en eave douce ou en aucun mares affin q̄ par ce il perde le vice de son sel. La chaulx nous la faisons en cuspant pierres et durs cailloux et blancz deaue courant en deux pars de grauois len met vne part de chaulx / et qui en sablon deaue courant adioustera la tierce partie de pouldres de tuilles il dōnera tres ferme cimēt et tresbon. Et se len met chaulx et sablon autant de lung comme de lautre / ce sera tressort ciment / et nen doit on point

maisonner en tēps de gelee/pource q̄ quant le chaulx viendroīt il se desioĩdroīt et dis-
souldroīt. Au mōys de Nouembre quant la
lune descroist le mesrien est lors bon a abas-
tre et tailler/pource q̄ lors par le tēps dau-
tonne qui est passe et par laage de la lune &
le froit present de lair l'humour sensuyt a-
uec la chaleur naturelle de l'arbre p̄ dedans
les racines dedans le ventre de la terre qui
est chault pour lors : mais les arbres q̄ len
vouldra abatre / il est bon de les couper
lors iusques a la moelle et puis les laisser
vng peu de tēps en estant / affin q̄ sil y a en-
core aucune humour es veines q̄lle dequeu-
re par la coupeure. Les arbres prouffita-
bles sont sapin : car il est legier et roide et
bien durable en oeuvres seiches. Saule se-
lon ce / dit Paladius / est tresproffitable car
se tu en fais tables et les attaches au front
et es extremitez des couuertes des mai-
sons / elles donnent deffence contre feu/
pource quelles ne recoiuent point de flam-
be et ne font point de charbon sicōme il dit.
Le chesne est moult fort et durable & a grāt
force tant dessoubz terre cōme dessus avec
massonnage de terre et de pierre. Le chastei-
gnier po² sa merueilleuse fermete est moult
durable en champs / en couuertes et en
toutes oeuvres hors et ens. Lif est bon en
lieu sec et est tost corrompu en lieu moiste.
Peuplier est bon pour former et tailler y-
mages. Cypres est noble boys. Pin et pe-
rier ne durent point se ce nest en lieu sec.
Ledre qui nest greue daucune humour dus-
re moult longuement. Tous arbres q̄ sont
taillez de la partie Vers midy sont prouffi-
tables. Mais ceulx qui sont taillez deuers
septentrion ilz sont longs et beaulx : mais
ilz se corrompent legierement.

De loffice de celluy qui garde la Ville.

Chapitre. vii.



Celluy q̄ a la Ville en garde q̄ len
appelle le maire doit vser de bōne
discipline & garder les foires & les

festes et soy tenir de nuire a autrui / et doit
diligēment garder ce q̄ luy appartient & es-
cheuer les plaids & noises de ses gēs / & se au-
cun faict faulte si lamēde en bōne maniere
& beste biē sa famille q̄lle ne luy faille pour
le froid / & q̄l loccupe en besōgne hōneste / car
ainsi la pourra il mieulx retraire de mal / &
que pour leur bien faict les remercie gra-
cieusement affin q̄ les autres en soyent es-
meuz a biē faire. Le maire ne doit pas estre
trop courant par la Ville / et doit tousiours
estre sobre / abstinent et continent. Au soir q̄l
soit bien hante de sa famille / et soit diligent
de procurer q̄ ce que son seigneur a cōman-
de soit faict / & q̄l ne cūde en riēs estre plus
grāt q̄ son seigneur / et que les amys de son
seigneur il tienne pour ses amys. Au com-
mandement du seigneur ne croyc a autre /
mais requiere et demande q̄ le seignr croit
tient & veult. Ne baille a q̄lconque personne
le gaige de son seigneur ne des biēs du sei-
gneur ne marchande / & quil nachepte riens
de son argent sans son sceu / et ne doit vus-
loir riens celer a son seigneur. Toute oeu-
re de chāps soit par luy procuree a faire &
que luy mesme le face aussi bien souuēt / af-
fin q̄ quant sa famille len verra lasse & tras-
uaille q̄lz en besongnent de meilleur cueur
et sachent q̄lz doiuent faire / & se ainsi le faict
la chose en vaudra mieulx. Il doit estre le
premier leue & le dernier couche / il doit estre
le premier a Visiter se la Ville est bien close /
et se chascun de ses gens entend bien a bes-
songner / et se les bestes sont bien fermees &
repeues. Il doit auoir grāt cure des beufz &
tenir bon bouvier affin quil nettoye bien les
piedz & ongles des beufz / & quil entende di-
ligemment a la charrue et au harnoy / et
quil garde les cheuaulx de rongne et aussi
les iumens / & regarde au soir que tout soit
acōply / et se le feurre luy fault quil prenne
des feuilles de bois pour les sictieres des
beufz et des brebis / & face q̄l ait vng grant
fumier ou tout le fiens soit mis & retrait / et

quil adiouste du feurre ou autre chose pour pourrir avec / et se garnisse de fueilles de peupliers / de ormes et de chesnes selon le temps . Et aussi quil se garnisse en temps couenable de foing & le face seicher apres la pluye en automne / et aussi q apres ladicte pluye de automne il seme aucuns fructz selon la nature du pays.

De l'office du pere et seigneur de la famille / cōment il doit achepter le chāp et enquerir de loeure a son sergent et rendre raison.

Chapitre. xiii.



CAlhon escript en son liure que quant tu acheptes aucun manoir tu dois penser que tu ne lacheptes trop couuoiteusement & aussi que tu ne laisses pas ton entente & quil ne te soit pas ennuy de laller veoir & visiter aucunes fois / car sil est bō toutes fois que tu le verras il te embellira & te plaira mieulx / et te aduise de la condition & conuenance du boyssinage / et regarde et considere bien les entrees / et par ou len y peult entrer et yssir / et se il est bien couuert et en bon regard du ciel . Se il est en bonne terre et de bonne vertu / se il est en lieu froit et en lieu sain / et se il y a copie et habondance de ouuriers . Se il est assis proprement en bon chastel . Se il y a assez eaues . Se il y a champs qui ne remuēt pas souuent seigneurs . Se il y a en la contree et en celle terre aucun champ vendu dont le vendeur se repente . Se lhastel est bien ediffie . Et garde que tu ne condampnes follement la doctrine et discipline daultruy / et est le meilleur dachepter du meilleur laboureur et du meilleur ouurier . Quant tu viendras en la ville regarde et considere les Baisseaulx / les pressouers et les tonneaulx se il en y a grant copie & sil y a sans ce assez de instrumens / car par ce tu scauras la raison des fructz et se lair y est bon ou pesant . Quant le seigneur ancien de lhostel viēt a la ville il doit se il peult en

uironner sa terre en celluy mesmes iour ou le iour ensuyuant affin quil saiche cōment le fons se porte et comment il est laboure et quelles oeures y sont faictes ou a faire / et apres il doit appeller son maire et luy desmander qille chose il a faicte et que il fault plus a faire / et se il y a encores assez temps pour loeure parfaire ou trop peu / et combien il a de vin et de froment et aussi des autres choses et luy tenir raison de son oeuvre et de ses iournees et des ouuriers : et se il luy semble que son oeuvre ne se monstre pas bien et le maire luy dit ql ny ayt point de fraudes ne de barat / mais que la tēpeste a tout gaste et que les sergēs sen sont fuyz et plusieurs autres causes . Lors il doit dire et ordonner ce que len doit faire par tel temps / & quant pluies et tempestes suruiē nient . En temps de pluye len peult faire laver tonneaulx et autres Baisseaulx / et aussi nettoyer la ville et purger lhostel / remuer le froment et transporter le bled / & getter le fiēs hors des estables & le porter au fumier nettoyer les ordures et ourdir et faire de nouvelles cordes / et faire nettoyer les priuees par ses menues gens quant ilz nont que besongner et emplir les vieilles fosses / garnir les boyes communes / retriēcher les hayes & buyssons / foyr le iardin / nettoyer les prez / lver balais & verges / & refaire les hayes et clostures . Et quant les sergens et seruiteurs sont malades / il ne leur fault pas liurer tant de viande comme aux sains & fozs / & aussi doit il parler des autres oeures affin quelles soyent parfaites : et se aucune chose demeure a faire en vne annee ou saison quelle soit faicte en lautre prochaine ensuyuant / et sil est demeure par dessus aucune chose quelle soit vendue / & sil est besoing de louer aucune chose quelle soit louee . Et apres quil commādz a faire ce ql fault faire / et quil lescripue & baille par escript . Item il doit cōsiderer tout son bestail / lhyelle / le vin / le bled / beufz / Beaulx /

Vaches/brebis/laines/les peaux/le charroy et autres choses/ et que ce qui sera trop il vende et se deliure de Vieil charroy et des sergens Vieilz & malades / et quil vende ce quil faict a Vẽdre selon le temps/ & aussi ql achẽpte en temps deu/ et se doit deliurer de choses qui ne se peuent garder/ & quant les choses sont cheres il les doit vendre. Aucunesfois les choses qui sont bien et longuement gardees. doublent le prouffit. Et pource est bon de aucunesfois attendre iusques au temps conuenable pour vendre et pour acheter.

Cy fine le premier liure. Et ensuyt le second.

Des choses qui sont conuenables & appartiennent a toutes plantes.

Chapitre premier.



Apres ce que

nous auõs dit & declare au premier liure des choses q sont necessaires a ceulx qui ont terres et chãps. Il conuient apres declairer et escrire des oeures qui sont a faire en villes et en chãps. Et pource q cest fort de parfaictement congnostre toutes les choses qui y appartiennent pource que les labours se varient selon la diuersite des plantes et des lieux et aussi

des temps qui sont fortes choses a bien cõgnostre / pource nous en Boulons traicter en ce present secõd liure. Et pource que aucunes choses sont communes a toutes plantes/ nous parlerons premierement cõment elles appartiennent a toutes plantes.



La generation de toutes plantes selon ce que dit frere Albert sont requises sept choses sans lesquelles nulle plante ne naist desquelles trois sont communes de cause efficient. La premiere est la chaleur du cercle du ciel qui est le premier commencement de la Vie des plantes. La seconde est la conuenable chaleur du lieu : car se froidure y a Vertu elle mortifiera les plantes/ et sil est trop chaud la terre sera sablonneuse et seicheront les plantes. Et la tierce est la conuenable chaleur des plantes qui est en la

matiere seminale sans laquelle la plante ne receuroit point lautre chaleur ou selle la receuoir elle ne la retiendrait point. Et ainsi ou elle ne naistrait point / ou ne croistrait ou ne porteroit. Et pource en aucunes plantes / il conuient attremper la force du soleil quant elles sont tendres et nouvelles et leur faire aucun ombre / sicomme quant le cypres ou le figuier commencent a Venir. Mais il y a trois autres choses qui amenuysent et diminuent la matiere substancielle. Desquelles la premiere si est humeur naturelle qui est dedans ce qui se forme en plante et en semblance darbre qui premier yst hors en germant/ et puis sespand sur terre / et ainsi lhumeur naturelle se forme en branches et fueilles de plantes / et par la chaleur sespand apres es racines. La seconde chose / est lhumeur / qui administre a la plante sa nourriture comme la marris de la femelle administre a ce quelle a conceu en la formation des bestes. Et la tierce si est lhumeur

Des choses conuenables & qui appartiennent a toutes plantes.

meur des pluyes / rousees et autres eaues qui vient en terre de par dessus cōme nourriture et comme la viande de la mere Ba a la nourriture de lenfant . Et la septiesme si est lait conuenable qui est requis aux plantes : Car sil est bon il garde la plante et sil est mauuais il la corrompt / et pource lait trop acré / trop chaud et sec / et la bruine / et les nieules si ardent / seichent et destruisent les plantes / et lait qui est bien attrempe si les faict belles et fructifians . Les arbres sont en leurs especes chauds et moistes . La chaleur leur ouure les conduytz et y transporte lhumeur / et lhumeur administre la matiere moiste et habondant qui se forme tantost en branches et croist en hault par rinceaulx & verges .

¶ De la diuersite de la generation des plantes.

Chapitre.ii.



L conuient apres principales ment considerer la diuersite de la generation des plantes et bien congnoistre toute leur nature sicomme len peult / et de celle diuersite ie ne treuve es anciens autre chose q̄ ce que Aristote en dit : car des arbres & plantes les aucunes reuiennent par planter Vne branche / aucunes viennent de semence & les aucunes par elles mesmes en la terre par la Vertu des corps du ciel et des elemens par proportionnee commixtion . Et quant len traict de terre Vne plante avec sa racine et le remet on en terre / ce nest pas plantation mais est transplantation . Et de cestes les aucunes sont transplantees toutes entieres / et les aucunes pour la durete de leur substance et de leur escorce / il les conuient aucunement retrencher et enciser par aual affin quelles attrayēt a elles plus legiere / mēt leur nourriture . Apres des arbres que len plante par pties / les aucuns sont plantez en terre sicomme la vigne / & les autres

sont plantez en autres arbres & sont appelez entes . Des plantes les aucunes ont semence qui peult proffiter a generation & les autres nont point de semence semblable a celle dōt elles sont Venues / & si font les aucunes meilleur semence et les autres pire / et aucunes fois des pires semēces viennent les meilleurs arbres / et aussi au contraire sicomme des agmendes ameres dont viennent almandiers qui portent les agmades douces / et aucunes fois au contraire . Il est aucunes plantes que quant leur semence est foible pour cause du lieu ou de lait non conuenable / leur generation si fault en ce lieu / mais ce nest pas pour la semence / ains cois est pour aucune autre plantation de rinceaulx ou de racines . Et ce peult on congnoistre par especial es palmiers / figuiers pommiers de grenate / & aussi es sapins : car leur nature faict semence de Vertu si efficace quilz ne peuēt pas porter fors a tard : car le palmier si bourionne de sa semence / et le cypres aussi / & par especial le palmier naist quant plusieurs semences sont mises & conioinctes ensemble / et peu ou neant naist dune simple et seule semence : mais le cypres et le figuier si bourionnent dunc seul grain seme et viennent premierement en maniere de herbe et croissent petit a petit . Et cōbien que aucunes fois viennent bon arbre de mauuaise semence / si naduiēt il pas pource souuent : mais en la generation des bestes / il aduient plus souuent pour la diuersite des habitations / et de lait et des ventz et nourritures : car les bestes sont de plus legiere alteration / et pource la semence dune beste de mauuaise complexion est de ces choses a teree et faicte pire / et selon ce la beste engendree est pire ou meilleure . Et de ce nous veōs q̄ les bestes priuees sont moult differentes des sauages en quantite et en couleur / & ce nest fors pour la grāt diuersite du nourrissement et les diuerses manieres de leurs necessitez / cōme pour estables / four /

rages & des lieux ou elles habitent / & pource sont leurs chairs moult differetes de celles des bestes sauuaiges en goust & en saueur: mais il ny a pas telle diuersite es plantes pource q'il ny a pas telle difference dedans leurs racines q'elles sont en terre / & aussi elles ne muent point leurs lieux ne leur nourriture.

De la substance / naissance et operation des plantes.

Chapitre.iii.



Lieu ou la plante est nee est ainsi comme la matris es bestes: et l'humour naturelle proportionne en ce lieu / est ainsi comme le sang es matris des bestes dont leur fruct a sa nourriture dedans le corps dicelles. Et la Vertu du ciel est ainsi comme Vertu non distinctee et non determinee a vne espee / mais se determine a chascune selon sa nature par la Vertu de laquelle contenue en chascune plante. Les oeuvres des plantes en tant que elles sont plantes sont trois receuoir nourriture / engendrer / et croistre. Elles trayent leur nourriture pure et conuenable pour elles / et apres se conuertist en la substance de la plante / par la Vertu des corps de l'assus et se transporte es rainceaulx. Et pource quelles n'ont ne ventre ne veines. Mais petit et subtil pertuis imperceptibles / la terre leur est pour ventre et laissent dedans toute leur ordure et impurite soit seiche ou moiste. Et fischent en terre leurs racines pareilles a leurs bouches / desquelles elles succent leurs nourritures et adressent leurs racines contre val en parfond / et les plus grandes le plus / et aussi au lieu plus chault de la terre ou la chaleur peult mieulx digerer la nourriture. Se aucunes grans plantes espendent leurs racines en la plaine de la terre ou aucunement par dessus / et non pas en parfond / elles sont tantost seichees & la nourriture q'au plain de la terre sen va a neant

par la force de la chaleur du soleil et na qui le contraigne de entrer es racines. Aucuns dient que les plantes peuent croistre sans fin / et sans terme tant comme les racines sont en terre pource que nature a donne a chascune chose certain terme / et certaine quantite entre deux termes de tresgrant a trespetite mesure / et de certain croissement: car sicomme dit Aristote toutes choses ont raison de leur grandeur et de leur accroissement. Et combien que les plantes soyent formees de naturelle humeur et en recoquent leur accroissement. Toutesuoyes la partie qui doit receuoir la nourriture se peult si fort endurcir par le proces du temps quelle ne se peult estendre en grandeur ne en largeur / et ainsi l'accroissement ne monte plus et le fault arrester. Plusieurs choses sont dictees de loeuurer des plantes et de leur generation es autres lieux. Et pour ce suffise a present de scauoir que leur nourriture et accroissement leur vient et le succent par les subtilz pertuis et porres et le trayent de la racine es branches et est esleeuee en hault par vne maniere subtile et lespirituelle Vertu du corps du ciel.

De la diuision des plantes par leurs parties inequales.

Chapitre.iiii.



Apres il conuient determiner des parties des plantes croissans & multiplians / et des choses qui leur appartiennent par nature et non pas pour cause du fruct / car de leur fruct et de leur labourage i'en diray apres. Premièrement nous deuons scauoir que ainsi comme il est es bestes aussi est il es plantes que aucunes choses sont en puissance de estre vne partie de la plante et sont appelees ius et such / et aucun chose qui est de faict vne partie de plante si comme la racine et le rainceau des arbres et plantes / et telles choses. Le ius si est vne

Humour attraicte par les subtilz pertuiz / qui est distribuee a nourrir toutes les parties de la plante / par la Vertu nutritiue / et doit estre semblable en nature a la chaleur digestiue qui lassemble et Vnit a la plante et le attraict a la complexion de l'arbre . Et de ce il appert / car l'humour nutritiue de la plante est au commencement de strange saueur et selon ce quelle se transporte plus auant es branches et se eslongne de la racine elle acquiert saueur conuenable et semblable a la plante . Et ainsi prent saueur espesseur et aguisement et est tout ce par la Vertu de la chaleur se il ny a aucun empeschement accidental . Et en aucunes plantes par le paltation de la chaleur / il aduiet grant humour terrestre visqueuse et reluyfant et est de bonne odeur par la Vertu de la chaleur pource que ce qui est digere en la plante est aromaticque / et quant il se corrompt il sent mal . Et quant la chaleur ouure les subtilz conduitz ceste humour yst hors / et quant le froit vient elle seiche et est gomme / et aucunes fois ce aduiet pour aucune taille ou incision de fer / faicte en la plante et est aussi gomme / mais elle nest pas de si grant Vertu . Les parties de la plante qui sont de faict plante sont diuisees en deux manieres . Les Vnes sont ainsi comme les membres officiers es bestes / et aucunes sont come semblables / car les neux les iointes & les boyes par maniere de Veines estendues / & les racines sont ainsi comme les membres officiaux et seruans a l'office du nourrissement : mais le boye en celles qui ont boye si est la chair herbue . Et en celles qui n'ont point de boye cest ainsi comme membre semblable es bestes / et en ceste maniere est il des autres manieres et parties de plantes / mais ce qui est appelle la moelle est fait de nature / et est en elle le ius et prent en soy la plus grant Vigueur dont le signe si est que quant len ente au rinceau d'ung arbre sauuage oultre le meillieu si

que la moelle soit trenchee / et puis que len le lye et afferme la malice du fruit sera attrempe et sera amende la saueur / et la cause si est pource que le conduit recueurt & retourne quant il treuve son nourrissement et sen monte par le tronc il y demeure plus longuement & se digere en mieulx & se transporte en fruit . Et ce n'aduiet pas proprement es choses de tendre nature et de douce substance qui ont grandes moelles ou qui sont concauees et longues sicomme est la Vigne / et Viticelle / et cucurbite / et roseaulx et les bleds / fromens / seigles / orges & auoynnes . Apres les plantes ont les racines semblables a la bouche quant a l'attrapement de la nourriture / et selon Vne autre maniere elles ont similitude et effect de cueur / car quant le nourrissement est attraict le cueur donne chaleur qui viuifie / parquoy il se commence a mouuoir es membres / et aussi faict la racine es plantes / car la chaleur est donnee de la racine aux branches / et aussi la forme de Vie en est donnee a toute plante et puissance / par laquelle elle est transportee a toutes les parties de la plante . Des plantes il en y a aucunes qui sont dictes demourans / et les autres abstiniens pour les contraires dispositions de leurs racines q sont delpees & pertuysees / et aussi celles qui sont chaudes si ont plus de nourriture que la racine ne peult conuertir en soy / et lors l'arbre portera fruit pourry et plein de vers se par suer ou par autre emission de superfluite elle ne se purge . Et ce aduiet principalement en ieunes plantes / et pource aucunes les percent empres les racines & en yst l'humour par Vne maniere comme seguee . Et se les plantes qui ont chaudes racines sont en terre seiche ou il ne pleut pas souuent / et quant il y pleut leaue y chet par grant violence et tressort / et en grant habondance sicomme il est au second climat et au tiers / et par aduenture au quart pour aucune partie de luy . Et celle racine par plusieurs re-

posees et diuerſes fois traict a ſoy grant nourriture de celle habondance de pluye q̄ ainſy ſuruiēt/et en attendāt l'autre pluye a Venir elle renuoye celle nourriture aux branches denhault/et parfaict la digestion acōplie/et pource les plantes miſes en telz lieux/ſi floriffent pluſtoſt et plus ſouuent. Et ceſt la cauſe pourquoy les arbres floriffent pluſtoſt en la terre des mores de morienne/et par pluſieurs fois en vng an. Et auſſi ſe fait aucunesſois en noz climatz cōbien que noz arbres ne portēt que vng peu de fleurs quāt apres le tēps deſte pluyeux qui eſt moiſte/ſenſuyt le temps d'automne chault et ſec. Aucunes autres plantes ſont moyſtes et ont moelles pleines deaue et en quelcōques manieres q̄lles ſoyent fichees en terre elles gectent tātōſt racines ⁊ prouffitent / et auſſi ſont aucunes dures pour la ſemblance du boys / et de la racine et du corps du boys de la plante ſicōme du boys fiche en terre il ſe reprene et croiſt legierement/et en aucunes ne ſe peult faire pource q̄ la nature du boys eſt faillie ⁊ deſtituee en eulx auant quelle puiſſe former racines ou pour cauſe que le boys neſt pas ſubtillement pertuyſe et porreux/ou pource que il na pas ſuffiſant challeur pour attirer la nourriture a la racine/et pource il ſeiche auant quil puiſſe faire racine. Ceulx qui ont aſſez chaleur ſi croiffent/comme bouys/ſauinier ⁊ pluſieurs autres/et celles qui ſont molles au taſt ſi ſont nourries et emplies de l'humeur de la terre ſicōme ſaulx ⁊ tiſſ/mais les arbres qui nont ne l'ung ne l'autre ſi ſeichent ſouuent quant len on met les branches en terre. Et a proprement parler les plantes nont pas Veines de faict ne par moult grant ſemblance. Mais elles ont Voyes de nourriſſement en lieu de Veines/et ces Voyes croiffent aucunesſois en montāt cōtre mōt tout droit/⁊ lors la plante croiſt auſſi cōme par vne maniere de coſtes molles comme herbe / et aucunement de natu-

re a boys et fuſt et ſont vne ſur autre/⁊ ont eſcorces/et aucunesſois ſont tortues de trauiers/⁊ lors ſōt les arbres pleines de noeux. Aucunesſois auſſi ces Voyes ſont eſpandues par vne maniere de royes en la plante et va la nourriture par droictes Voyes/⁊ eſt retenue par trauiersaines Voyes/⁊ ſe remet celle nourriture es parties de la plante. Aucunesſois ces Voyes viennent de la racine en montant en hault/et aucunesſois de la moelle de la plante viennent au dehors comme pluſieurs lignes viennent de vng centre / et eſt telle la diſpoſition des Voyes des plantes: mais les moelles des plantes ſemblent eſtre ainſi comme le ſperme es beſtes ⁊ paſſe plus de leſperit de la plante par la moelle des arbres que par quelconque autre Voye/⁊ en la moelle eſt la vigueur eſpirituelle de la plante/Car autrement les parties de la plante qui ſont loing de la racine ne ſeroiēt pas bien viuifiees ⁊ formees a la nature de la plante/et pource les plantes ont naiſſance et leur commencement de leurs rainceaulx qui ſont nez des corps des plantes de la moelle comme du Vicaire de la racine. Et quant on les trenche elles ſont pour leur ſeicheſſe miſes en parfond continuellement iuſques a la moelle et ne va len prouffitablement plus en parfond fors a tard/mais les plantes qui ſont nourries de la moelle par les conduitz qui ſont de trauiers ont plus grant moelle. Et celles qui ſont nourries par conduitz montans contremont de droicte ligne ont plus petites moelles/⁊ aucunesſois il ſemble q̄ elles nyent goutte de moelle par eſpecial quant elles ſont grās. Et pource les eſcorces d'empres la plante qui ſont environnees des autres les eſtraignēt ⁊ ſont la Voye des moelles ainſi comme miſerable. Et pource eſt cauſe ſemblable de Verite que pour ceſte cauſe les grans arbres ſont ſouuent corrompus par dedans: car leſperit de Vie enclos en la moelle eſt eſtāt par dedans pour

ce q̄l est empesche par la grosseſſe du boyſ de la plante qui ainſi leſtinct : car la ſubſtance de la moelle eſt ainſi cōme vng purgement collerique qui eſt et yſt hors des oreilles des beſtes et ceſt pour la chaleur de leſperit et le mouuement qui eſt faict en la moelle et le ſigne ſi eſt / car preſque toutes les moelles des parfaites plantes ſi ſont trouuees blanches et moiſtes au cōmence- ment de leur ieuneſſe / & quāt elles ſont en accroiſſant elles iauniſſent & ſeichent / & ſont aucunes plantes qui ont ainſi comme toute leur ſubſtance moelleuſe / comme le ſehuz et pebles / & ont telles plātes pluſieurs noeux et ſont nourris de la moelle ſi fault quelles ayēt grās moelles et ce veōs nous en la vi- gne. Mais a elle a moins de moelle q̄ le ſe- huz ne les pebles / mais nous trouuons au- cunes autres plantes du tout concauees cō- me ſont cannes & roſeauly / et la cauſe ſi eſt pource q̄lles ont meſtier de grāt eſprit franc et fumeux q̄ eſt eſleue en la concauite de ces plantes par le nourriſſement montant par les droictz conduitz des coſtez des plantes. Et apres les eſcorces ſont es plantes ainſi cōme le cuyr eſt es beſtes fors q̄ tant que les corce ne tiēt pas ſi fort a l'arbre cōme le cuir faict aux beſtes / & ainſi cōme aucune partie du cuyr de la beſte quant il eſt eſcorche du long ou au trauers / le lieu neſt pas toſt ſa- ne ne repare q̄l ny ait trace aucune / et ainſi eſt il des eſcorces des arbres & plātes / & pour ce les plantes ſeichēt ſouuent quant on leur oſte leſcorce dentour la ſouche iuſques a la chair de la plante. Et neſt pas leſcorce de la purte des veines cōme le cuyr eſt es beſtes. Mais elle eſt de la matiere terreſtre de la plante qui eſt bouted hors d'elle. Elles ont double eſcorce / l'une dedans qui eſt la plus molle & plus douce / & l'autre dehors qui eſt plus dure et plus aſpre.

De la diuerſite des parties ſim- ples & materielles des plantes.

Chapitre. V.



Ainſi comme es beſtes les titil- lations des veines par dedans ſont les ſupployemens des ſim- ples parties q̄ ſont en la chair / en ceſte maniere il y a es plantes les lignes & parties herbeuſes qui ſont ſimples & ma- terielles / et par l'acroiſſement deſquelles la plante croiſt / et ainſi par leur ſeicheſſe la plante ſeiche et ſont telles parties propre- ment dictes ſimples et materielles / pource que elles influent par le nourriſſement et decheent par la ſeicheſſe des plantes tout ainſi comme les ſuppliemens materielz es beſtes. Et ceſt par vne commune et vſee a- nathomie et diſtinction de diuerſes parties congneue et apperceue es grans orties et cheneuis et lin / et en pluſieurs autres qui ont moult fortes boyes et veines viſqueu- ſes et glueuſes & droictes / quant leur chair materielle eſt pourrie en quelque eaue et puis ſeichee / et apres eſt batue et frottee / et en chet le dur et demeurent les veines ainſi comme layne qui eſt longue / molle et blan- che pour la ſubſtance viſqueuſe et glueuſe qui eſt en elles / et de ce faict on toilles et draps. Et ceſte maniere ſouloient auoir les anciens philoſophes es corps des hommes et des autres beſtes / car ilz les lioyent con- tre les cours de leaue fort courant / et ainſi leaue leur oſtoit la chair materielle & molle et leur demouroit ainſi comme vne roiz et nerfz & de veines / & en ce monſtroit on la di- uiſion & diſtinctions des veines & des nerfz es corps des beſtes / et ainſi comme il eſt en l'ortie & au cheneuis & au lin / ainſi eſt il ſans point de doute es autres plantes / combien que le materiel ne puiſſe pas ainſi eſtre oſte des parties officieres ne eſtre ſepare. La partie non ſimple es plantes ſi eſt celle qui eſt compoſee de pluſieurs parties ſimples cōme les racines & les rinceaulx. La plan- te ſelon la ſentence de Platon eſt la figure d'ung homme reuerſe ce deſſous deſſus : car les racines ont la ſubſtance ſemblable a la

bouche/ et se dilatent de toutes pars affin d'auoir leur nourriture de plusieurs lieux/ et ainsi se dilate la plante & espât par aual: Mais elle se dilate et espant par aual/ par rainceaulx que elle espand qui se multiplient pour deux causes. Lune si est materielle qui est habondant de nourriture. Et l'autre est efficient qui est la chaleur du soleil qui de toutes pars touche l'arbre & faict bouillir le ius et l'humour dedans et l'attraict aux parties par dehors et pource le multiplie ainsi en rainceaulx au dessus ou elle est plus restraincte par la digestion plus subtile. Et le signe si est de ce que les plantes qui sont enuironnees d'autres arbres sicomme il est es grans forestz & boys espes si croissent droit en hault et ne multiplient pas tant de rainceaulx / ne leurs tiges nen croissent pas si fort / pource que le soleil ne atteint pas si bien l'arbre en toutes ses parties dentour/ & pource il ne faict pas si fort bouillir l'humour de la plante/ ne aussi il ne l'attraict pas au dehors a grât suffisance: mais le froid de l'umbre si encloist la chaleur par dedans/ et quant elle y est multipliee elle enchasse et fuyt son contraire et se trait en hault / et ainsi par le nourrissentement trait en hault/ & le froid de mourant aual en l'umbre qui de sa nature tend au centre/ le chault du soleil ne s'arreste pas en la tige ne es rainceaulx / mais trait en hault/ et pource l'arbre croist hault a peu de branches.

¶ De la generation et nature des feuilles/ fleurs & fructz.

Chapitre. vi.



¶ E dy que la nature de feuilles en toutes plantes est humour pleine deaue qui nest pas bien digeree et de seicheresse qui est terrestre et qui nest pas bien purgee de lordure terrestre et en aucune maniere meslee & attaincte dng peu de soleil/ & la finasse intention de la feuille cest de couvrir et

purger le fruct pource q nature a mestier de purgation pour oster la superfluite de l'humour qui y est/ et pource come sage elle vse de celle mesme purgation. La matiere des feuilles & du fruct est vapeur/ mais vapeur est double: lune est moiste et pleine de humour/ et l'autre est seiche & venteuse. La vapeur moiste est la nature des feuilles / et celle qui est seiche et venteuse est la matiere du fruct/ et pource le fruct est de nature venteuse. Et combien que la feuille par ombre attrempee restraigne lardeur du soleil/ toutesuoyes le fruct qui est engendré par la grât force du soleil nest pas pource du tout empesche de sa digestion par la feuille pour aucune distance du fruct a la feuille: mais les fleurs sont de la plus subtile humour qui premierement boult de la chaleur du soleil/ et pour la grât habondance qui y est elle est dilatee par dessus/ & pource que celle humour est plus cuyte et digeree elle est bien odorant/ laquelle chose ne pourroit estre se elle nauoit humour digeree et subtile en soy ainsi comme elle a terrestre matiere qui est tres subtile et tres meslee avecqs l'humour: car le fruct qui est de vapeur terrestre & venteuse & y a aucune subtile nature de dng petit de humour de moindre terreestreite qui est enforcée par chaleur digerant et si est de plus grant vapeur que le remenant qui est en la substance de la plante/ et pource elle yst premierement hors du bourgeon ou doit estre le fruct/ et cest par la vertu du soleil qui la forme en fleur/ et de ce se prennent & forment les lermes du ciel et la cire. Cest donc chose certaine que la substance des fleurs est de matiere subtile & moiste meslee avec subtile terreestreite q de sa nature est plus formable en fleur par figure q en grosseur de fruct. Et pource en printemps les fleurs sont premieres et auant que les feuilles ne fruct/ et aussi sont elles plus tost blecees du fruct & flairēt moult souef.

Et l'humour est au premier plus verte et ague & a mestier de plus grāt digestion/et est le dernier parfait en l'arbre. Et quant les fructz cheent ilz ne prennent plus leur nourriture de la chair de l'arbre/mais de la terre/ & le signe est en ce q̄ quant len veult semer et len oste toute la chair denuiron le fruct/la semence en germe mieulx q̄lle ne feroit a tout la chair. Et apres la nourriture des fructz pourrit legieremēt/pource que nature na forme les fructz fors que pour pourrir quāt la semēce seroit acōplie/et quant il cherroit au lieu de la semēce il pourritroit et feroit humour et moisteur ou la semēce seroit mieulx cōfortee & sen mettroit plus legierement a germer. Et le signe des vilains est que quant ilz veulent faire leurs vignes bien portans ilz les fument des fueilles et du marc et des pepins quilz recueillent dicelles vignes. Et aussi nous voyons en nature que pource que la chair du fruct ne vault riēs a faire fructifier la semēce puis que nature ne fault iamais en necessite la chair du fruct se rōpt et la semence se depart de la chair du fruct qui chet/et appert ce que dit est en toutes oeuvres de nature et le voyons: car la corruption de la chair sur la terre vault a faire porter l'arbre cōme faict fiēs. Il aduiēt aucunesfoies que le fruct petit plus tost et plus souuent q̄ la fleur ou pour cause que les plantes sont grādes & mettent leur humour en nourriture de laquelle humour le fruct deuroit estre forme/mais la subtile matiere qui se transporte en forme de fleur nest pas bien incorporable a la plante et ainsi le fruct perist & non pas la fleur. Vne autre cause y a pource q̄ la grosse matiere ne peult pas estre si tost menee & vnye a la plante cōme la subtile humour/ & lors par aduenture ilz portent fruct le second ou le quart an. Et la tierce cause si est quant la vertu ne peult pas attirer en hault la grosse durete des racines/et lors p̄ aduen-

ture elle attraict bien nourriture suffisant pour le fruct/ si aduiēt q̄l ne se peult pas si tost cōuertir fors q̄ par aduenture apres deux ou trois ans quāt la nourriture sera assemblee en la plante avec l'humour suffisant: car lors il fructifie et non es autres ans. L'hypple et l'oliue le monstrēt pource q̄ il fault au fruct grande humour & grasse & grant chaleur digerant/et pour ces causes elle est souuent empeschee de fructifier.

De la coniunction/Vnite et diuision des plantes.

Chapitre. vii.



Il est vne maniere d'assembler & ioindre plantes ensemble qui est p̄ incision et trēcher/et ainsi vne plante est ioincte a lautre sicomme vne souche est ioincte a la racine ou vng rancel a la souche / et y est ente si tresfermement comme se cestoit tout d'une plante / et toutesuoyes ilz sont de diuerses especes/et la plante q̄ est entee trait si grāt nourriture de l'arbre auquel elle est entee q̄ elle prēt de la racine en bas ce dōt elle gecte ses branches/ ses fueilles et fruct de sa propre nature & nullemēt de l'arbre auquel elle est entee / car le gecton ente est forme en vng neu gros comme vne vessie ou vne bosse / et p̄ ce nous apperceuōs deux digestiōs en l'arbre cōbien quelles soyēt moult pareilles/ dont lune en est en la racine et lautre en la souche & es branches/ & pource vault il mieulx enter en bas que en hault: car de tāt q̄lle sera plus bas entee le fruct en sera de meilleure saueur/ & de tant comme elle sera plus hault entee le fruct en sera plus sauuage: et encores y a vne plus merueilleuse chose / car la chair du fruct est selon la nature/ & la vertu de la digestiō du rancel ente/ et la saueur du noyel et sa vigueur font selon la vertu & la nature de la racine: et la cause si est / car la masse de la chair du fruct flue et vient de lieu pro-

chain et la substance du noiel ne peult pas
fluer de pres/mais proprement de la partie
ou est le cueur de la plante de laquelle vertu
tout l'arbre est forme et cest la racine. Sem-
blablement est il des bestes: car la semence
pour la plus grant partie viēt du ceruel des
bestes et en est extraicte par tout le corps et
en prent sa vertu: et aussi les noyaux sont
traiz et viennent du premier membre de l'arbre
affin qu'il prengne la vertu de tout/et par es-
pecial de la racine laquelle donne la vertu a
tous les corps des plantes. Mais aucuns
font doubte sur ce/ pour ce que les bestes qui
sont diuisees par membres et par pieces pour
quoy les membres et les pieces nont vigueur
et force ainsi comme ont les pieces des ar-
bres/ et apres la plante par semblance de ses
parties de tous costez tout ainsi come par
vne bouche elle succe et prent la nourriture
et en soy ainsi come en vng ventre et veines
la digere/ et par ce elle a force et vertu et
croissance/mais es bestes combien qu'en plu-
sieurs choses il y ait semblance des corps et
pour ce quant ilz sont diuisez ilz tiēent en
chascune partie sens et mouuement/ toutes-
uoyes aucuns membres diuisez du remenant
du corps combien qu'ilz ayent la forme si n'ont
ilz pas vie n'accroissement et ne peuēt pren-
dre nourriture/ ne les autres parties aussi
ne peuēt sans eulx. En telles diuisions
ceulx qui sont les plus longz et plus moistes
si croissent le mieulx silz ne sont de trop ten-
dre substance/ vignes et saulx le preuēt/ car
quant on les tort et taille leurs rinceaulx
retiēent par auant leurs conduitz ouuers et
les voyes entieres pour deuers la nourriture.
Et pour ce si tost come ces voyes si attai-
gnēt la nourriture elles se prennent a le re-
cevoir et succer/ et se prent la plante a croi-
stre/ quant on les trēche lors les conduitz se
adressent par droit point a la nourriture et
non pas a la croissance ne a l'allongement
des branches/ et par telle incision faicte en
la plante toute ladicte plante en est hurtée

et les conduitz dicelle en sont esmeuz pour
le hurt/ et pource ilz deuiēent souuent secz
quant on les trenche fors que la vigne et le
saulx et vault mieulx les trēcher au tra-
uers que au long/ et si vault mieulx que la
plape soit vng petit longue que ronde pource
qu'elle en a les conduitz mieulx ouuers vers la
nourriture et quelle ne aille pas trop sur le
rond. Et le signe si est/ car quant on fend les
racines des anciens arbres vng petit selō le
long ilz en font plus grant et meilleur fruct/
et qui droitement les trēcherait en parfond
l'arbre periroit/ et aussi la trēche du long ne
pesche pas la nourriture/ mais la trēche et
la diuision au trauers l'empescherait/ et aus-
si la trēche au long ne mue point la saueur
du fruct quant la plape est guerie: mais la
trenche au trauers iusques a la moelle du
mylieu si gaste tout. Aucunes fois aussi il
adiēnt que l'une branche de l'arbre perdra sa
racine et en sera diuisee/ et de la souche il
sauldra vne nouuelle racine et gectera des
autres rinceaulx et souches et fructifiera.

De la transmutation de l'une plante en l'autre.

Chapitre. viii.



De maniere de transmutation
de plantes est/ car il aduiēt peu
qu'en puisse trēcher vne forest
de chesnes ou de fresnes et d'au-
tres arbres parfaictz et qu'ilz reuiennent en
telle espeece come deuant/ mais quant lesditz
arbres sont coupeez il en reuient bien au-
cuns qui ne sont pas si nobles que les pre-
miers/ et la cause si est pource que les racines
des vieulx arbres sont fermes et dures et ne
peuēt bourdonner ne faire si bons arbres com-
me deuant et par auant que leurs tiges sont
coupees pource que leurs conduitz sont clos/
mais par la vertu du soleil ilz font autres
plantes moins nobles/ et aucunes fois nen
font riens. Apres il y a vne maniere qui est
diuisee en plusieurs come il est esprouue de

Vray. Car quant vng arbre portant fruit est trêche en la souche / & le tronc d'auant demeure en terre ainsi cōme len faict en l'incision d'une ente / et on met la vne branche il porte fruit q̄ nest de telle figure ne de telle nature et saueur que l'autre. Comme qui y mettroit rinceaulx de pruniers / peschiers ou cerisiers ou de autres arbres dont les fruitz ont pierres & os / lors il en viendroient fruit qui n'auroit ne pierre ne os / & aussi q̄ mettroit en la semence ou en la souche de la vigne vne cerise ou vne pōme ou vne poire len trouuera les grappes de vignes meures quant les cerises ou les pōmes ou poires seront meures / et telles immutations merueilleuses se monstrent a ceulx q̄ s'estudient a faire diuerses entes et colligations de arbres. Item cest vne chose esprouuée q̄ quant len ente vng greffe ou vne Berge de pescher ou trōq̄ dung prin ou decin / la nature du greffe et la nature du tronq̄ seront meures par la permutation des deux et en sourdront neffles qui seront plus grans et plus grosses q̄ autres neffles et aussi plus moles. Et aduient en ce cōme en aucunes bestes / car par la cōmixtion de leurs natures et semence en vient vne espeece qui nest semblable na lung na l'autre / comme de la nef ou de la iument / et du cheual et de la nefse quant ilz conuenient ensemble il en vient vng mulet ou mule q̄ ne sont pareilz na lung na l'autre. Et aussi les pesches qui ne sont pas moult dissemblables du prin ou du cin et que ces arbres sont de delyce substance ilz commuent leur vertu ensemble et au lieu de l'incision ou le greffe est assis le ius et l'humour des deux arbres se mixtionne ensemble / & ce qui vient au dessus se mue petit a petit en autre espeece que l'une des deux & deuient nefflier / car par la figure des fueilles len peult assez congnoistre que le nefflier a aucune semblance a prin ou a cin / & aussi par les os et nopaulx sicōme le dit maistre Albert. Sans ces muta-

tions merueilleuses il y a vne autre mutation / car d'une espeece sauuaige on en faict vne domesche / & de la domesche on en faict vne sauuaige. Et pour en scauoir la maniere / cest chose certaine que toute plante que len ne laboure ne cultiue se parauant elle estoit domesche elle se assauuagist / et se la sauuaige est labouree et cultiuee elle deuient domesche. La plante qui est sauuaige a cōmunement plus de fruit que la domesche / mais il est moindre et plus aigre / et la domesche par le contraire a moins de fruit et est plus doulx. Pour faire deuenir la plante domesche sauuaige la maniere si est de luy soustraire le labourage et l'humour & endurcir la terre ou elle est / comme par y mettre sablon ou areine deaue : car ce empesche que la nourriture ne aille a l'arbre / et par ce deuient l'arbre sec et mesgre et en est le fruit petit / aigre et sauuaige. Et la maniere cōment la plante sauuaige est faicte domesche est ainsi cōme en trois choses. L'une si est selon la nature de la terre. L'autre selon la nature de la plante / et l'autre selon l'umbre et le soleil. Premièrement il fault engreffer et lier la terre en la renuāt tant que ce ne soit pas sablon ne pouldre & la fermer par mesure en telle maniere quelle puisse bien receuoir la rousee et la pluye et getter hors ses vapeurs dentour les racines / et retenir aussi ce que luy est necessaire / et y cōuient mettre terre grasse & conuenable selon les cōplexions des plantes. Secondement quāt aux plantes il les conuiēt cōsiderer et tailler les rinceaulx espineux & sauuaiges & les autres superfluites / & aucunes fois les oindre pour adoucir & amollir / et aucunes fois les trencher et ouurir affin que la plante viengne plus grosse. Et quant on veult domescher la sauuaige selon y faict incision len y doit mettre vng greffe dicelle plante ou dung autre qui est sauuaige / ou q̄ aucune branche dudit arbre soit fichee ou il sera incise ou quil soit per-

ce au trauers iusques oultre la moelle et soit la biē lye pource que par telle maniere il retient mieulx sa chaleur naturelle pour sa fermete. Ainsi comme la pierre eschauffee garde plus longuement sa chaleur naturelle pour sa fermete q̄ ne faict le boys/ l'humour aussi se tient plus longuement et y est mieulx digeree pour la tortuosite et lors le fruit en est plus doulx. Apres aussi il conuient bien considerer les ombres et les regards du soleil/ pource que aucunes choses ne croissent et ne fructifient point bien fors en lumbre/ sicomme la cucurbite et courges et telles choses/ et les autres ne croissent et ne portent fors que au soleil treschault come la vigne/ et les autres veulent chaleur attrempee. La cause pourquoy les arbres domesches portent moins de fruit que les sauages si est pour l'abondance de l'humour nourrissant et domesche et pource quilz nont pas habondance de sec aigre et sauage/ le sec se diuise en plusieurs pource q̄ le sec et laigre ne sentretiennent point.

De la diuersite des alterations qui sont faictes es plantes.

Chapitre. iij.



Il y a aucunesfois diuersitez es plantes par alterations pour cause de ce que aucune alteration engendre diuerse generation/ et de ce ont parle les anciens q̄ ont dit que l'arbre pour cause de la froideur du lieu ou il est et de son anciennete est endurcy et se entre assemble et a vne tortuosite q̄ encloste les conduictz de la racine par lesquelz elle doit attraire sa nourriture/ et se on trenche la racine et par especial es gros rinceaulx principaulx et len met vne pierre en la treche a ce quelle ne se recloie trop tost/ elle se rasferme et se prent a traire sa nourriture par les conduictz des parties trenchees et se reprent a porter fruit/ et en telle maniere l'arbre brehaigne peult estre faict bon et bien

portant fruit. Et aussi aucuns arbres sont ditz masles et aucuns femelles/ et les congnost on a ce que le masle porte plus tost et gecte plus tost ses bourions/ pource que la vertu est plus fort mouuant/ et aussi que ses fueilles sont plus courtes et plus estroictes pour la seicheresse de luy: et appert ce q̄ dit est en plusieurs plantes/ et par especial au palmier/ car le rinceul du masle ou la poule d'ice dicelluy mis sur les rinceaulx de la femelle si vault a la generation ou a la meurete du fruit de la femelle/ et autant vault se len plante le masle sur la femelle affin q̄ l'odeur du masle par le benefice du vet soit transporte a la femelle/ et par telle maniere est il des pommes puniques se elles sont plantees sur les oliues ou decoste affin que la vapeur des fleurs et des fruitz vienne sur les oliues/ pource quil leur prouffite. Et aussi aucunes autres plantes mises de costé les autres les empeschent en leur generation et en leur fruit/ sicomme le corillus qui empesche la vigne/ et le noier aussi qui empesche les autres plantes d'empres luy pour la merueilleuse amertume de luy. Il aduiert aussi aucunesfois que pour alteration ou pour froideur vne plante est alteree et est muee en autre espee soit darbre ou de plante/ aucunesfois en partie et aucunesfois du tout: et en ceste maniere le calment est mue en mente/ et aussi aucunesfois le froment est mue en seigle ou autre bled bastard/ et aucunesfois seigle est mue en froment. Et se font ces alterations pour la nourriture/ pour le labourage ou pour le lieu. Amandiers/ pommiers de grenate et aucunes autres plantes sont legerement changez et muez de leur nature. Pommiers de grenate se ilz sont fumez de fiente de porc et deau froide ilz en valent mieulx. Les amandiers se ilz sont aucunesfois percez d'une tariere/ ou se len fiche vng clou par le mylieu en telle maniere que les superfluites ou la gomme en yssent ilz en valent trop mieulx/

et aussi en amendent toutes autres plantes qui portent fruit Vermineux. Mais les vilains ny font que vng trou par lequel la superfluite sen depart: et quant elle en est departie ce qui y demeure en est mieulx digeste pour la chaleur complexionnelle: et par ce benefice les plantes des boys sauuages sont faictes domesches et franches/car par ce on leur sache lhumeur aigre et par le labourage elles se affranchissent comme par vne medicine. Le lieu aussi et le labour artificiel si y prouffitent moult/ et y especial a telles alterations/ et singulieremēt quant elles sont faictes en tēps deu. Et sont aucunes plantes qui ne peuent amender se elles ne sont transplantees. Pour planter le meilleur en est au commencement de printemps quant toute la Vertu est encores en la plante/et q la trāsplante lors elle en amēde/ pource q elle attrait a soy lhumeur et la chaleur dont elle bourionne/ et si est aydee du froit a ce que la chaleur et lhumeur ne sesuanouyissent pour leuaporation. Mais les plantes sont transplantees en puer: car la plātation ou lincision y a ia este faicte et est depuis accreue/ et pource vault mieulx quelle ne feroit en printemps. La chaleur naturelle est enclose en puer es racines des plantes/ et la chaleur qui est en terre faict aller la vapeur et la subtile chaleur a la racine dicelles plantes q est fischée au lieu chault de la terre dōt les plantes sont confortees et en valent mieulx/ car le cuer de la terre est plus chault en puer que en quelconque autre tēps de lan/et quant le cuer et la racine de la plante sont ainsi remplis de lhumeur euaporāte elle se angroisse cōtre le soleil quant il lapproche et bourionne et faict fruit: et est la cause pourquoy les plantes qui sont parfond en terre prouffissent grandemēt en puer. Mais au temps dautonne len scet peu ou neant planter arbres/ pource que en ce tēps lhumeur est esuanouye/ et est la chaleur reboutee en terre

et est tout ramene comme a cendre froide par la chaleur de leste/ et pource lors de par la plante ne de p la terre elle ne peult profiter. En este aussi il ne faict pas bon planter pour le chault et pour le sec qui sont esuanouyz la vigueur et la Vertu des plātes/ et par especial quant le soleil est en lescreuice ou au lyon quant lestoille canine regne/ car lors tout arde et sont les plantes trop ardes et seiches/ et sont les Vertus des arbres foibles/ et a perdu la terre lhumeur de sa nourriture: toutesuoyes en aucun peu de lieux len plante en ce temps pource que ces lieux sont aucunement attrempez en chaleur/ sicōme est vng lieu que len appelle coronā qui est tres froid et tres moiste pour cause quil est pres de montaignes ou quil approche a la partie Daquilon.

CDe la diuersite des plantes selon la diuerse production et generation des fruictz.

Chapitre.v.



Dcuns arbres font fruit en vng an et se reposent lautre en supuant et prennent leur nourriture: et en treuve len plusieurs teiz/ et par especial grans arbres/ cōme sont periers et palmes et leurs semblables/ lesquelz combien quilz gectent rainceaulx et fueilles pour couerture/ toutesuoyes y a il peu ou neant de fruit en iceulx: mais en lautre an on y treuve abondance de fruit: car lung an il croist/ et lautre il porte siconme grās bestes q mettent moins en semence que les petites. Et aussi aucuns arbres sont brehaings en leur ieunesse qui en leur Vieillesse portent moult de fruit siconme la vigne q porte meilleur fruit Vieille que ieune/ et aussi plus se ce nest quelle soit par trop Vieille: car lors elle deuient brehaigne pour la froideur et seicheresse qui habondent en elle/ et aussi aucuns autres arbres portent plus de fruit et meilleur en leur

ieunesse quilz ne font en leur Vieillesse / si
comme les amandiers et periers.

Des choses qui sont necessaires
a toutes plantes.

Chapitre. vi.

Toute plante a mestier en tou-
tes ses parties de cinq choses cō-
me chascune beste a / cest assa-
voir / de humeur / de semēce / de
lieu conuenable / de humeur nourrissant / et
de air naturel et proporcionne: et se ces cho-
ses sont es plātes elles naistront & croistrōt
et se aucunes y deffailent tout va a neant.

Des choses qui sont a la genera-
tion et croissement des plantes.

Chapitre. vii.

Es herbes et toutes choses qui
croissent de terre par racine / si ont
mestier de lune ou de plusieurs de
cinq choses qui sont / humeur / pourriture /
semence / eaue et plantation qui est quant
vne plāte est faicte sur lautre. De ces cinq
choses la semence a en soy Vertu formatiue
de plante et a en soy la matiere et lefficient
tout ensemble / la pourriture prent Vertu
& formation des Vertus des estoilles / lhu-
meur qui est meslee des elemens est la
viande et matiere tant de la generation
comme de la chose engendree et de la plan-
te: car cest ce que la plante trait premiere-
ment a soy de la terre et le prent quant
lhumour est purifiee & digeree en soy. Leau
est tout ainsi es plātes cōme es autres cho-
ses qui ont nourriture Car elle ne sert dau-
tre chose sinon de trāsporter la nourriture /
pource que la viande nyroit point a proffit
se leau ne la transportoit: car leau qui ne
se laisse point ardoir retient la viande que
la chaleur ne larde & la trāsparte aux par-
ties des plātes & des bestes. Et la planta-
tion est quant vne plante est entee sur vne
autre plante / pource que la plante a pourri-

tute et humeur dedans soy / laquelle par la
Vertu du soleil gecte vne exalation de lune
en lautre / et ainsi naist & croist lune de laut-
re. Et seruēt ces trois choses a la genera-
tion des plantes / & les autres deux vallēt
a la nourriture: car a la generation vallent
semence / pourriture et plantation / et con-
uient a la generation des plātes que elles
ayent forme de leurs especes & cest la Vertu
formatiue / & des choses dauale est la semen-
ce / et la Vertu de par dessus est la pourritu-
re en la Vertu du soleil. Des deux choses
sont simplement requises a la generation
des plantes / et la transplantation y vault
moult. Et deux autres choses a la viande
dicelles plantes: car lhumour est la sub-
stance de la viande / & leau donne le mou-
uement & transporte icelle viande aux par-
ties des plantes. Avec les choses dessus dis-
ctes il y a encores autre chose qui ayde biē
a la generation des plantes & au nourrisse-
ment dicelles et dont il est faict mention cy
dessus cōme lieu conuenable & air bien pro-
portionne. Et ne font pas ces choses quant
a lestre des plantes: Mais elles vallent &
prouffitent a la bonte dicelles / et si ne ser-
uent fors a la pourriture et a la semence ou
aux humeurs qui sont choses bien attrem-
pees de lieu et de air conuenables et natu-
relz aux plantes: car vng mesme air con-
uient a la plante pour la confermer et en-
gluer et assembler lhumour de la semence
de la pourriture & de la viande dicelle sicō-
me il aduiant es bestes.

Du fiens et de la pourriture et
nourriture des plantes.

Chapitre. viii.



Combien que nature soit seule-
ment le cōmencement des cho-
ses naturelles / toutesuoyes en
toutes choses esquelles la sub-
stance est transmuable art dōne grāt ayde
et labourage aussi. Car par art elles sont

transmuez ou en mieulx ou en pis. Donc nous parlerons des champs et de leurs labourages / et aussi des iardins et des arbres et de tout ce ou len seult planter et de affrâchir les plantes souuages et den oster hors la sauuagine. Et en ce sont a considerer la viâde / le fossage et le labourer / le semage et lenter par incision. Et doyuent auoir tous les laboureurs regard a ces choses. La viâde nest point vng seul element / aincois conuient quil y ait mixtion. Car ainsi comme la plante est composee de plusieurs elemens aussi doit estre sa nourriture composee de plusieurs. Et aussi nest pas la viande chose q par soy puisse estre transportee aux membres / et pource doit estre la viande des plantes arrousee ainsi comme les bestes boyuēt pour arrouser la viâde et pour mieulx transporter la nourriture aux membres. Et dōc la propre viande des plantes est chose composee et moyste: mais icelle chose moyste demourant en son enterinete et en sa sauue substance nest pas en boye de mutatiō a autre chose / aincois est sauuee en soy mesme / et par aīsi les plantes ne sont pas nourries de la viande sauuee et demourant en son estre et en son espece: mais il fault quelle soit auant corrompue et quelle soit muee de son estre naturel et lors elle est enuoyee a ce qui en doit estre nourry. Et pource nature a donne aux bestes ventre ou la viande est corrompue et ou elle se digere dont la pure moysteur est le nourrissement / et le sec et dur qui est superflu sen yst hors / et pource la fiête est biē tost conuertie en cendre et pouldre. Et les plantes ont la terre pour ventre et pource autour des racines il y a corruption et putrefaction dont les plantes trayent a elles leur viande et substance qui est la pure humeur. Et appert ce que dit est par ce q les Villains fument leurs terres et mettent du fiēs aux racines des arbres et si ne ba poit aux racines sinon que pluye / rousee ou au

tre eaue le transporte. Et la grosse Vapeur est traicte hors par la vertu du soleil et la de lpee demeure qui nourrist les racines. Et pource que les plantes sont plus dures et plus seiches q les bestes elles ont mestier de viâdes plus dures et plus terrestres que les bestes. Et la derniere viande nourrisant est ensemble / et avec la chose nourrie / et ce est apparant par les plantes qui sont biē nourries de trop gras fiēs / si attrapent a elles gresses et nourritures ou pourritures de nulle ballue. Et les plantes qui ont fiens bien proportionne en humeur terrestre sont bonnes et belles et bien fructifiās et font bōs fruitz et prouffitables et de bōne nature. Et par semblable se elles ont fiēs trop gras et trop plain deaue elles entrayent trop et deuiennent trop grasses et trop pleines / et font trop de faulx bouriōs et de fueilles et peu ou neāt de fruit et qui vauldra peu. Car il sera plein deaue. Et pource fiente doit estre chaulde et vinctueuse / dont Paladius dit que la fiente des oyseaulx qui ne sont pas de riuiera / et par especial des coulombs est bōne pour les terres / et aussi est la fiente de cheuaulx / de asnes / de bzebis / de vaches / et de chieures / pource q ces bestes ont la digestion seiche / et pour ceste cause la fiente des pourceaulx ny vault riens et vault mieulx la fiente en sa moyenne chaleur que quant elle est seiche et en pouldre: car la sueur donne nourriture aux plantes / et aussi vault mieulx le fiens qui nest pas trop chault ne trop sec que trop nouuel: il est conuenable dung an ou des trois pars de vng an / et pour ceste cause aucuns sages phisiciens cōmandent que les habitatiōs des gēs malades tous secs soyent faictes empres telz fumiers / et dient que lair et la Vapeur diceulx fumiers leur rend aucune chair par les subtilz conuitz du corps et en deuiennent moins secs et plus moistes. Et aussi lappreuuent les Alchimiens qui font aucunes operations

En la chaleur du fiés qz appellent le four ou le ventre du cheual / et quant len fume les terres de fiens sec / elles seichent qui ne les arrouse moult souuent / et ainsi le nourrissemēt ne mue point la nature de la plante non plus que la viande mue la nature de la beste. Apres comme nous auons dit par auant la terre est le ventre de la plante & la est premierement receue la viande et digeree a la semblance de la plante / et de la est traicte la mutation pour nourrir la plante: car les Vertuz de la terre sont les principales Vertuz de la plante. Et selon les mutations de la terre / les plantes se muent et ny a chose si aydāt a la mutation de la nature de la plante comme la mutation de la terre et layde du fumage. Nous auons dit par dessus qz ny a pas tant de digestiōs es plantes cōme es bestes / et cest certain que es choses semblables la mutation est plus legiere quelle nest es choses dissemblables et pource nous voyōs aucunes fois que aucunes plantes sont muees non pas seulement en fruct ou en odeur: mais en autre espece de plante pour la continuation de la viande et du fiens. Et aussi par ars se aucun perce vne plante en la tige parmi tout oultre pres des raiceaulx ou il y aura fruit pendant et mette pouldre despices bien et largemēt dedās le pertuis & puis lestoupe de forte cire et dautre chose qz lodeur ne sen departe le fruct sera aromaticque & de saueur despices et les flairera et en retiendra la saueur. Et par plus forte raison du fiés & se doit len garder de fumer terres de fiés sec et ars / pource que aucunes fois les plantes en meurent et aucunes fois en perdent partie de leurs branches ainsi comme les gens et les bestes sont corumpues de mauuaise odeur: car nous auons esprouee que vignes soubz lesqelles il y a serment & pailles ou coquilles doeuſz en sont empirees & aucunes fois leurs fleurs ou leur fruct en perissent et en sont les aucunes perdues / et

aussi telles choses nuisent aux personnes et plus aux hōmes qz aux femmes / pource que la nature de lhomme est plus tēdre. Et ce que len gette des arbres et des herbes se il demeure empres ce dont il est oste il corrompt tressort. Et pource le doit on mettre et getter loing. Aussi nous conuient il scauoir que pour celle cause len doit faire palus et marcheiz pour pourrir le feurre et les pailles et poutties: car les pailles seiches les seremens et les fientes des bestes ne se peuēt pas bien meurer de elles seules sans eaque qui en faict la pourriture. Et se elles demeurent seiches elles corrompent tout par la fumee que elles gettēt / et quant elles sont amoysties elles en sont plus tost conuerties en nourriture & en entrent plus tost a la racine de l'arbre / pource que l'humour transporte mieulx la viande. Et ne ba point au contraire ce que nous voyons aucuns vilains preparer les lieux de leurs labourages par aucuns boys quilz ardent dessus leurs terres / dont elles fructifient mieulx & les plantes aussi & nest pas pour fumer la terre. Mais pour attremper la double malice dicelle: car aucunes fois la terre est froide et par la chaleur que dit est elle concoit la semence qz est gettee dedans et en a meilleure vigueur. Et aucunes fois la terre est trop moiste et est amendee par mettre cendre dedans. Par les choses dessusdictes appert que la fumation de la terre est principalement requise pour la fructification des plantes et que cest ce qz plus ayde a muer la sauuagine dune plante en franche et domesche: car la sauuagine nest fors que negligēce de labourage & aigreur du fruct qui nest pas bien cōuenable pour vser a gens. Et l'arbre frāc est pour le bon labourage dont le fruct vient doulx / plaisant & delectable. Et ce voyōs nous es gēs & es bestes que la viande mue les complexions. Galadius dit que len doit ordonner vng lieu pour y assembler la fiente des be-

stes. Car elle se degasteroit en plusieurs lieux et feroit horrent aux regardans et greueroit de son odeur pour labondant humeur. Et tant q se lobeut en feroit la semence des herbes ou des espines elles pourriront. La fierte des asnes est tresbonne / & apres la fiente des brebis / des chieures / des vaches, et des iumens: mais la fiente de porc est tresmauuaise: mais les cendres en sont bonnes. La fiente du coulomb est tresardant / et la fiente des autres oyseaulx est bonne et prouffitabte fors des oyseaulx de riuere. Cassibus dit q la fiente de coulomb est la meilleure apres la fierte de l'homme. Le fiens de cheual ne vault fors au pres. Darron dit quil doit auoir deux fumiers pres de l'hostel ou de la ville affin q quant len leuera l'un q lautre soit frez du quil y en ait vng q en baille deux et q len garde q trop fort soleil ne larde / & aussi que on ne le laisse trop longuement seicher / et pource le doit on faire en lieu ou y puisse aller de leue aucunesfois. Et sicomme dit Paladius / Len doit fumer en la montaigne plus espes que au plain chap / & quant la lune est en decours la fumeure en vault mieulx. En vng iournal de terre en montaigne suffiroit. p.iiii. charges de fiens / et en la vallee. p.viii. Les vilains de Boulogne y en mettent le double & plus: mais ilz nen mettent pas tant en tuscane / & doit len mettre dessus des rinceaulx d'arbres et de vignes affin q le soleil ne lempire par succer la substance et le deseicher. En chascune partie de lyuer len doit mettre hors le fiens / & qui ne le pourra faire en teps deu si le face len auant que len seme & quil soit gette par les champs come semence / & par especial les crottes de chieures y sont gettees a la main comme semence / & ne vault riens fumeure en printemps. Le chap moiste et plein deaue demande plus de fiens que le sec. Et q na assez fiens / croie & terre argilleuse valent es lieux sablonneux / par espe

cial aux bledz et aux vignes. Et aussi lupins semez en aoust valent fiens en terre / & les doit len recueillir en avril & en may / et dure leur gresse par deux ans seulement. En tuscane les vilains sement lupins en terre bien labourée a la charrue et les gettent en la fin de Juillet et au commencement de aoust & les coeuurent a la charrue: mais les autres y sement diuerses choses / & quant elles sont parcreues ilz les retournent en terre / & par leur pourriture les terres sont fumees. Les autres quant leurs terres sont seiches & ne portent point de fruit ilz les arrousent par conduictz quilz sont aller par toute la terre / & ainsi les engressent / & y vault mieulx leue trouble & plaine de terre que la clere / et ce prouffite bien / et par especial en este quand le soleil fient apres dessus. Ceulx de Millan communement sement lupins ou ilz doiuent semer lin. Mais auant quilz sement le lin ilz retournent les lupins en terre sont grans ou petis. Car ilz rendent la terre plantureuse / et encores vouldroit mieulx se ilz les arrousent et trempent par auant / & accordent que de toutes cédres peult estre faict ainsi / & pource ilz ardent le fiens et puis le sement a la main / et apres ce ilz arent et labourent la terre et la tournent ce de dessus dessous. Len doit fumer terres / champs / vignes et iardins des les kalendes de septembre iusques au mars prochainement ensuyuant / et par tressorte gelee et en temps de gelee peult on bien mettre du fiens sur les bledz. Tutesuoyes vous deuez scauoir que de vne chariotee de paille / len peult faire six chariotees de fiens. Et suffist vne fumeure de bon fiens de bestes iusques a six ans. Et aussi deuez scauoir que sans fiens de bestes len peult bien faire bonnes fumeures par autre maniere: car en lyuer len doit getter hors le feurre et autres poutpes es voyes boeuses et moistes par ou passent gens et charroy ou en fossez / & apres ce quilz y au

ront este quinze iours ou enuiron et quilz serōt deffoulez les assembler en vng large mont qui soit creux affin q̄l puisse receuoir et retenir la pluye et les contraper et cōfire par temps conuenable la ou ailleurs / & apres sen ayder pour fumer en temps deu.

De leaue conuenable a meurir le fiens et au nourrissement des plantes.

Chapitre. viii.

Leaue de palus est conuenable pour meurir le fiens qui est nourriture des plantes / car leaue courant ne le meure pas bien & si narrouse pas biē la plante a profit pource q̄ par sa froidure elle restrainct les conduictz des plantes & des racines / & aussi du fiens & ne laisse pas venir la chaleur moiste & naturelle iusques a la superficie de la plaine terre / et nenuoye point la viande a la racine / aincoys ne le faict que lauer. Et pource nous ne deons pas communemēt plantes naistre en eae fort courant. Car l'humour terrestre sen va avec leaue et ne demeure que pierres dures et froides ou la plante ne peult prouffiter / mais leaue arrestee qui se tient en vne place si meure bien le fiens et la nourriture / car elle recoit la chaleur du soleil et par le ray du soleil elle ouure les racines des plantes pour y enter la nourriture et les faict fructifier / et par especial celle qui viēt des pluies et des nues pource quelle est chaude et vaporable. Et se leaue vient de fontaine ou d'autre part il fault que elle sente le ray du soleil auant quelle soit mise sur le fiens / mais leaue de neiges griesue merueilleusement aux plantes pour sa grande froidure se elle nest par auāt bien eschauffee du soleil / car sa froidure si est mortelle aux racines dont l'arbre nest pas legierement guery. Et appert assez ce que dit est par ce que terres communemēt plaines de

neiges nappoortent que peu ou neant d'herbe / mais leaue de pluye combiē quelle soit froide / toutesuoyes elle est de leger eschauffee du soleil et si a chaleur de la nue dont elle descend. Leaue de rousee est chaude et moiste et douce et est de legier transportee aux membres des plantes et leaue de palus dōt dessus est faicte mention nest pas seiche empres les plantes / et se les plantes en sont trop chargees elles en sont empeschees / Mais se elles en ont par mesure elle leur prouffite moult grandement. Et pource est bon de tenir le fiens proprement en la plus haulte partie du courtil ou du champ affin que la vertu et la nourriture du fiens s'espande aux racines des plantes quant elle descendra en bas avec les eues des pluies. Eues maigres et qui descendent trop impetueusement font les terres par ou elles passent breshaignes. Et les eues terreuses et grasses qui viennent de palus et de pluies chaudes font les terres par ou elles passent bien fructifier et porter. Et leaue des mares prent sa chaleur du soleil et sa vertu et dicelle chaleur elle cuit les herbes qui sont dedans et les pourrist au fons / et pource les fiens prins es fons des palus est moult bon nourrissement aux plantes / et par especial quant il est attrempe en humour. Mais eae salee leur est contraire comme venin pource quelle seiche et arde tout et empesche toute pourriture et nourrissement / et pource quelle ne se peult conuertir ne adoucir elle estoupe les conduictz et arde tout. Aucunes eues aussi qui passent par minieres de metaulx ne valent riens aux plantes / pource q̄ de la nature desditz metaulx elles ont vertuz corrosiues et puissance de ronger plus que de nourrir. Et par ce q̄ dit est peult assez apparoir quelle eae est bonne & profitable pour les plantes & laquelle y est meilleur / & aussi laquelle y est mauuaise & contraire.

De la maniere & medecine pour faire le champ semable & plantureux.

Chapitre. vii.



Lz sont aucuns champs q̄ sont bzehaings par froidure ou par humeur lesquelz par le premier labourage recoiuent medecine et puis y naissent tresbonnes plantes et par especial bledz. Et en telz champs il cōuient mettre terre argilleuse es fosses de la terre froide / car la terre argilleuse qui est chaulde et seiche et de nature masculine eschauffe la terre froide et moiste et ainsi est faicte attrempee et portera fruit tant comme la nature de l'argille luy durera et sera faicte de sauuage franche / & se la terre est seiche & amere elle ne prēdra iamaiz medecine pour ce que tout ce que len y met se conuertit en seichresse et saline. Et pource selon les fables des poetes la terre si cria a Jupiter en soy complaignāt de l'arsure Pheton et ne se cōplaignit point de la froidure de Saturne pource q̄lle scauoit que elle pouoit bien estre guerrie de la gelee et non pas de lardeur qui est seiche & sale. Et se la terre est bzehaigne pour trop grant humeur elle peult estre guerrie y la foyr & fossoyer de trauers : car par ce l'humeur en peult bien descendre / et pour ce en chascun champ de telle nature len doit faire vne fosse au plus bas ou leaue et l'humeur puissent descendre / car aisi cōme la personne est malade ou la beste y estrāge qualite ou par auucune humeur aussi est la terre. Si doit le laboureur considerer la maladie et selon ce querir la medecine / mais la terre froide et desesperree est ainsi comme la beste morte & encēdree / & y telle maniere est faict fructifiāt le champ semable / et par especial quāt aux bledz & moissons / et quāt nous pferōs des chāps ou il y a arbres no^r pferōs des vignes. Et deuons scauoir q̄ en terres froides len se doit auancer de semer affin q̄ en puer les plantes ayent aucune vertu ou autrement elles mourroiet de la gelee et ne

porteroiet point de fruit / et par especial es terres q̄ sont froides et seiches / & q̄ ne sen auāce tout ne vault rien / & q̄ se auāce trop de semer en terres grasses & bōnes elles se hāsterōt & porterōt plantes sauuages / et quāt elles aurōt mis leur substāce en herbes & le printēps viendra les bonues semēces serōt maisgres & chetiues / & se la semēce y est gectee et mise tard / le froit ne la pourra greuer pour la chaleur et moisteur de la terre aincois sera nourrie et engressee et le froit empesche q̄ les mauuaises herbes ny viennent pour nuire aux plantes. Len doit aussi considerer les chāps froidz & moistes q̄ sont entour mares & palus / & ne les doit len pas semer en automne / pource q̄ la semence cherroit trop en parfond & seroit trop greuee de humeur froide et ne vaudroit riens : mais qui les seme en printemps ilz ont chaleur & euaporation / et prouffitent pour la chaleur du soleil qui eschauffe la terre et trait l'humeur amont. Et lexemple si est / car nous voyons que quāt les champs sont tous secz et les bonnes herbes seiches & arses ces herbes demeurent verdes comme sont feues ou lin. Et se aucunesfois ilz ne portent fruit pour trop grant humeur on les doit foyr et remuer la terre & la tourner ce dessus desoubz. Et si doit len faire diligence que telz champs soient aydez et secourus par fossoyer et ouurir et retourner la terre pour la desseicher / & q̄ par les cōduitz & voyes leaue et l'humeur decourēt aux parfondes fosses qui daiuēt estre faictes es extremitez & aux boutz des chāps en telle maniere q̄ le corps du chāp demeure tout sec au mieulx q̄ len pourra. Et sicōme il est dit dessus terres seiches et ameres et salees comme sont terres pres de la mer ne peuēt estre guerries y medecine quelcōque ne par semer ne labourer. Bien est Bray q̄ aucunesfois la mer q̄ flue et reflue peult amener sur telles terres aucun ayde / mais cest par accident / car elle se transporte es douces riuieres et en trait a

soy aucune doulce terre q̄lle emporte ⁊ puis la gecte a rure sur la terre seiche ou elle demeure/ ⁊ quāt cecy a este faict p plusieurs ⁊ par long tēps celle terre ainsi apportee qui est doulce de sa nature et est sur la seiche et mauuaise terre porte bien et largement et par especial bledz/ mais non pas arbres se ilz ne sont petis pource q̄lle ne peult porter arbres a longues racines et parfondes ⁊ la preuue si est pource que la mer flue et reflue entelz champs et la terre de la mer qui ne se mue ne remue si est du tout brehaigne.

C Du labourage de champ ou il y a montaignes et vallees.
Chapitre. xviij.

Les champs q̄ sont assis es sommetz des mōtaignes sont le plus souuent secz et maigres/ pource q̄ l'humour qui y est ou peult estre si descēd es vales et pource sont les vales tresgrasses ⁊ les mōtaignes tresmaigres ⁊ seiches/ et ne peuvent pas les plantes aiseemēt estre domestiques es montaignes par labourage/ si cōuient ficher de gros pieux au trauers des champs dicelles mōtaignes pour arrester l'humour quelle ne descēde en bas quant on les labourera. Aucuns semēt sur la terre dure sans arer/ et puis eslieuent la terre sur la semēce a la charrue ou a la besche et ne labourēt que vne fois lan/ et ne froissent pas les grosses motes de terre a ce q̄lles ne soyēt cōuerties en pouldre/ et q̄ quant il plouuera q̄lles boient leaue ⁊ q̄ par ce la semēce en ait ⁊ boieue/ ⁊ toutesfois q̄lque labour q̄ y soit faict le fruit nen peult estre q̄ mesgre et meschant. Et pour fumer es montaignes len ne doit pas mettre le fiens soubz la terre: mais dessus ⁊ ce q̄l ne coule trop legierement a la vallee/ et en doit len plus mettre es sōmetz des montaignes q̄ es costieres: mais auail peu ou neant/ pource q̄ la gresse des mōtaignes descēd tousiours es vales: mais les fruitz

des montaignes sont meilleurs q̄ es vales par ce q̄ le regard du soleil y est plus fort/ ⁊ l'humour q̄ y est attrēpe obeist mieulx a la digestiō/ ⁊ aussi sont les mōtaignes plus vaporeuses qui ayde a la chaleur. Et pource ie cōclus q̄ to⁹ arbres portans fruitz de grās odeurs et aromatiqs doiuent mieulx estre plātez es mōtaignes q̄ es vales pour cause de la chaleur et seicheresse/ et ceulx q̄ ont le fruit ferme et moiste sont meilleurs es vales q̄ es mōtaignes. Et pour ces causes vignes q̄ portēt vis bōs ⁊ aromatiqs sōt meilleurs es mōtaignes q̄ vales. Les bledz fromēs ⁊ orges valēt mieulx en vales q̄ mōtaignes pource que leurs grās sont fermes et les seigles et auoynes peult len semer en montaignes/ costieres/ vales et plaines. Apres len doit faire au meillieu des vales vng grant fosse et plusieurs petis ca ⁊ la q̄ descendent dedans ledit fosse par lesquelz petis la violence des humeurs descendent au grāt/ affin que les semences nen soyent empirees et gastees/ ⁊ quant le chāp est labouré par telle maniere les semences ont nourriture naturelle ⁊ si y est faicte la plante sauuage naturelle et fraîche/ pource quil digere la viande naturelle/ ⁊ ce qui y est corlerique et sec il faict deuenir fleumatique et sanguin/ et puis par la disposition de la viande le corps qui en est nourry est altere ⁊ toute la substāce des plantes/ car ainsi comme les sages phisiciens font par leur art et science que les corps humains acquierent bonnes dispositiōs et q̄lz conuertissent la viande en bonne complexion. Ainsi faict le bon labourer la terre et apres la plante qui y est pource quil y a vne mesme operation entre la marritz de la femme et lenfant cōme entre la terre et la plante. Et combien que es femmes louurier si est la semēce de l'homme qui meult et forme le fruit en la marritz: toutesuoyes le sang du corps de la femme si est transporte a la nourriture du fruit en son ventre/ et de necessite il ensuyt la dispos

sition de la marris / mais es plantes il ny a pas masle et femelle / et ny a que la plante et la terre et l'ouurier.

Du labourage du champ nouuellement seme.

Chapitre xix.



Es champs des nouuelletez selon les anciens ont este ainsi appelez pour deux causes / l'une pource quilz sont ainsi nouuellement ramenez a labourage: et lautre pource quil les conuient aucunesfois reposer et puis renoueller / cōme le champ que len labore deux ans et apres se repose le tiers / le quart / le quint et le sixiesme ou le septiesme : car nous auons trouue que iusques a ce terme les champs peuent estre diuersifiez. Et le champ qui apres ce q̄l a este labore ung an et seme se veult reposer deux ans ou trois / ou quatre ou plusieurs sil ne vault riens . La premiere occupation que len doit faire au champ de nouuellete est de extirper les arbres et herbes sauuages ou autrement ilz succeroient & attraperoient a eulx toutes bōnes humeurs & nourritures de la terre / et par ainsi ce que len y semeroit ne pourroit venir a bon fruit / et pource ne doit pas tel champ estre seme de diuerses semences / a ce que lune semence ne seiche et arde lautre en luy soustrayant sa viande. Quant les faulces herbes sont extirpees / & le labour fait / len seme le champ et puis on y met le fens quant len veult faire longuement fructifier / et se il nest tres gras il le conuient aucun an reposer pour mieulx retenir / par especial pource que les plantes semees soubz la terre herbue sont attachees avec ses herbes quāt on les oste et ainsi le champ demeure sec et vuide sans gresse et sans vertu au regard du soleil. Mais apres deux ou trois ans q̄ le champ aura ainsi repose pour reprendre vertu de germer & fructifier par la vertu du soleil / &

quil aura recouure vertu et esperit de vie / & que lhumeur y est restituee / il est lors a bon point renouellee. Ainsi comme la femme q̄ apres ce quelle a enfante sest reposes par aucun tēps en est mieulx disposee a concevoir et est ung champ plustost prest q̄ lautre selon ce quil est meilleur & lappelle len chāp nouual / pource que par repos il est renouellee a sa premiere vertu. Et q̄ les vouldroit tous les ans semer sans repos ilz viendroient a neant et seroient par ce brehaings & corrompus. Mais toutesuoyes les chāps qui sont continuellement semez si portent quant ilz ont chaleur et humeur / mais le champ qui est couuert de grosse humeur par les deux parties de lan: cest assauoir en puer et en printemps quant il doit gecter / & en automne quant len doit semer et quil est plein de froide humeur et grosse il ne vault riens / si comme le dirent les Egyptiens / et ne doit point estre appelle chāp semable ne champ nouual / car en este il est sec et fendu & plein de creueures grandes et ouuertes / et se en tel chāp il vient aucunes plantes elles sont sauuages / pource q̄lles nont point de subtille humeur dont les fructz et les semences sont nourris / et aussi pource que le temps deste nest pas pour germer / mais pour meurer et pour seicher. Les maistres des labours ont dit q̄ tel champ doit estre du tout delaisse pource quil nen vient fruit q̄ baille / et aussi que plantes ny peuent estre franches. Il est vne autre maniere de chāp qui est plein dhuyllles lequel ne se peult medeciner pource q̄ huylle qui est seiche si seiche et fait tout tourner en pouldre & pource ne arbre ne plante ny peuent faire bonne fin / car les plantes veulent terre ferme & continuee ou elles senracinent / et lhuylle ne le peult souffrir pour sa seiche pouldre / et pource on le doit du tout laisser / mais les autres diēt que la terre huylleuse est tous tēps moiste et q̄ leau ne peult estre separee de telle terre et que lhuylle est ainsi cōme la naturelle

humeur superflue de la terre & qui iamaiz ne se depart dicelle comme accidēt inseparable. Et semble que Paladius se accorde a ceste opinion / car il dit que qui seme fromēt en terre humileuse il est mue en seigle apres la tierce semee & aduient ce plus pour cause dhumeur q̄ pour seicheresse / et le dit Paladius en plusieurs lieux. Et a ce se accorde Varro & plusieurs autres q̄ en ont traicte.

Du temps et de la maniere de dis-
siper & oster les mauuaises herbes.

Chapitre. xx.

Leschāps gras et secs en lieux arables peuent estre arez et detrenchez au mays de ianvier ou en feurier / et es lieux attrēpez et moistes au mays de mars ou en auril quant lhumeur superflue est degastee et ostee de la terre / ou q̄lle est venue en equalite entre humeur et seicheresse. Les champs gras qui tiennent longuement leur eaue soient arez et detrenchez en auril et en may quant ilz auront gecte toutes leurs herbes / et que les semēces dicelles herbes ne soient pas encores meures et ceulx qui sont secs peuent estre arez lors la seconde fois. Les champs moistes dont nous auons cy deuāt parle qui doiuent estre arez et trenchez en mars / auril et may si doiuent estre arez la seconde fois au mays de iuing ou en iuillet. Et aussi les champs gras doiuent estre arez la seconde fois au mays daoust / mais non pas la tierce. Au mays de septēbre le champ gras et qui a acoustume de tenir longuement son humeur doit estre are la tierce fois / & le champ moiste & plein doit estre are et seme ensemble. Les beufz sont mieulx ioictz & attelez par les colz q̄ par les testes. Et se ilz ne se accordent et viennent ensemble / le charruyer les doit retraire et retenir et les mettre hors de la charrue affin que les colz leur refroident. Le trait de la terre pour arer au long selon loppinion de Pa-

ladius ne doit point estre plus loing que de six vingtz piedz. Mais selon la coustume des laboureurs de Romaniole & de Lombardie il sestend bien iusques a deux cens piedz et plus. La terre glueuse doit estre aree plus en parfond que la poultreuse. Et doit len garder que entre les royes la terre ne demeure sans estre remuee / et les doit on aincois froisser a mailletz ou a pieux ou autres instrumens / & quant len aura are tout au long / on doit apres arer au trauers des royes / et qui le faict ainsi souuent il oste tous les empeschemens. Et aussi se doit len garder que le champ qui est boueux et plein de boe ne soit arene / aussi le chāp qui est souuēt arrouse de legiere eaue apres longues seichereses pource que la terre q̄ len are quat elle est boeuse ne vaudra riens de tout lan / mais celle qui est doucement arrosee et moiste et seiche dessoubz est selon la commune oppinion brehaigne par trois ans / et pource le chāp qui est moyennement moiste et q̄ ne soit ne sec ne boeux doit estre are a la charrue de long trauers. Et se cest en costieres il doit estre are de trauers par les costieres / et par especial au semer. Qui veult ouurir et labourer vng champ il doit cōsiderer se il est moiste ou sec / & se il y a herbes communes ou autres herbes / espines / ronces au chardōs et se il est moiste on doit faire fossez de tous costez pour le bien esleicher. Les fosses ouuertes sont assez bien cōgneues / mais aucunes autres terres ne sont pas faictes de ceste maniere : car on y faict royes parfondes tout au trauers du champ parfondes de trois piedz / & puis len met des pierres dedans iusques au mylieu ou on les remplist de terre sablonneuse iusques a la moitie & apres on les paremplist de la terre mesme / mais les boutz et chiefz desdictes royes si requierent vne fosse principale en laq̄lle les fossez & royes des costieres puissent enuoyer leur eaue et par ainsi lhumeur en ystra hors / & ne seront pas per-

Bues les espaces & places des champs / & si estoit ainsi que pierres faulssissent que len y mist du serment : & sont ces choses bien cōuenables a faire au moys de may & es autres moys selō la qualite de la terre gastee. Et se le chāp est plein de bōys si en soiēt ostez des arbres largemēt en y en laissant aucuns / et puis soit laboure . Et se le chāp est plein de pierres quelles soient ostees & assemblees p mōceauz. Et les terres ou il y aura ioncs / feucheres et autres herbes seront ostees & surmontees par les souuent arer. Et ou il y aura feucheres qui y semera febues ou luz pins bien souuēt et q̄ len oste les pointures croissans et quelles soiēt vne fois coupees a la faucille elles seront extirpees dedans brief tēps : et pour proprement oster et extirper feucheres / ioncz et roseaulx / il conuient oster lherbe au moys de iuillet auant les iours chiennins quāt le soleil sera au signe de lescureice / et que la lune soit au signe de capricorne / & les racines ne gecterōt iamais riens selon la sentence des grecz.

De la maniere generale de semer.
Chapitre. xxii

Nous auons dit parauant de la nature et Vertu de la semence. Et neantmoins deuons scauoir que toute semēce contient deux choses. Lune si est la Vertu formatiue quelle a du ciel / de la chaleur et de lesperit qui sont declairans les instrumēs de la Vertu formatiue . Car la chaleur digere et depart le pur du gros et le assubtille / et lesperit le transporte . Lautre chose que la semence contient et la substance formelle laquelle par la commixtion de lhumour recoit la formation et figuration de la plante et des parties dicelle . Si est bien a considerer quāt len veult semer que len seme au tēps qui y est plus propice au regard et a layde du ciel / et cest quant la chaleur et lhumour et la lumiere viuifiant du soleil y aydent

Et aussi de la lune qui est pres de terre / car elle ayde a toutes les choses qui sourdent de terre et les gouuerne pource que elle atrempe la chaleur du soleil de qui elle a la Vertu de lhumour delle et en oste laideur / et ainsi elle donne ayde aux nouuelles plantes et aux semences en les rafraichissant et nourrissant . Et ne conuient point auoir de regard aux autres estoilles pource que leur Vertu si est communiee et acompaignee a la Vertu et lumiere du soleil et de la lune et est par lapplicatiō de la lumiere diceulx qui est appliquee a tous les regardz du soleil et de la lune en chascun moys par aller et Venir / et pource les sages anciens appellerent la lune royne du ciel au cheualier et a dyane la lampe de voirre. Et la raison de ces noms si est pource que la lune qui nous est prochaine voisine si a plus grant influēce sur les productions de terre que na quelle conque autre Vertu du ciel / et si se applique a ce en lespace dūng moys / car elle parfaict en vng moys / et a chascun moys ce que les autres parfont en plusieurs ans / & pource le souverain philosophe Aristote dit que la lune faict en vng moys ce que le soleil faict en vng an : car elle faict les quatre temps / puer este / automne / et printemps. Cestassauoir quelle est en son commencement et premier quartier chaulde et moiste comme printemps / & de la dimidiatiō iusques a ce quelle est pleine / elle est chaulde et seiche comme este. Et de sa plenitude iusques a la mortie ou tiers quartier / elle est froide et seiche cōme automne / et du tiers quartier iusques a la fin elle est froide & moiste cōme lpuer / & est lors corōpue de froide humeur / vile & fleumatique . Et pource se len seme au temps quelle est chaulde et seiche la semence seichera et viendra a neāt la subtile humeur qui deuroit estre nourriture de la plante. Et se len seme quāt la lune est froide et seiche la chaleur de la semence naura point dāyde et ne prouffitera point.

Et se len seme quāt la lune est froide & moi-
ste la semence se corrompra et pourrira: mais
au premier quartier quāt la lune est chaul-
de et moiste lors faict il bon semer. On l'ap-
pelle aussi la lāpe de Voirre dyane. Les poe-
tes diēt que dyane est la deesse de l'air lequel
est en tous les corps des choses viuans. Et
la lune q̄ a la clarte du soleil bien attrēpee
si la gette et transporte es corps ou dyane
donne l'air et leur donne Vertus et mouue-
ment aux naturelles operations / lesquels
corps se le soleil leur donnoit Vertu tout par
soy ilz ardroient tous: & la lune q̄ est froide
si les garde de gaster / pource quelle mesle
sa froideur et humeur avec lardeur du so-
leil / & se monstre mieulx ce q̄ dit est es plan-
tes que es bestes qui ont sentement. Aussi
conuient il bien considerer la quarte partie
du cercle ou les lumieres ont leur mouue-
ment qui sont cause de la vie des choses ter-
restres: car au cercle declinant est faicte la
generation et corruption des choses croi-
sans: mais ce n'est pas en chascune partie
dicelluy cercle: mais proprement en la par-
tie qui est du signe du mouton iusques au
signe de l'escreuice. Et toute semaille est
parfaicte auant que le soleil soit du mou-
ton: car les semences sont en leurs marris /
et lors le soleil les appellera & les meue-
ra de sa lumiere viuifiant. Les semences get-
tees en autompne seront bien enracinees
et se mouueront en deue quantite de leur
substance et en fleurs et conuenable forme:
Mais les semailles de printemps si seront
en terre comme en leurs marris & bourion-
neront et getteront par la Vertu du soleil
qui est attrempe auant q̄ le temps sec vien-
ne. Et n'est pas moult grande necessite de re-
garder quel vent vente / car combien que le
vent de midy soit bon / toutesfois autompne
se il n'est trop grandement sec & froid & mor-
tifie retient la semence affin que par trop
grant vapeur elle ne se esgecte et deflue:
Mais len se doit bien garder que en ung

champ len ne seme diuerses semences tout
ensemble: car il aduient souvent que Vne
semence attrait plus que l'autre / et ainsi
lune seiche l'autre / et aucunesfois au con-
traire lune empesche si fort l'autre que les
deux ne valent riens: car nous voyons que
la plante assise empres eleborus ou empres
scamonee attrait a soy les proprietes. Aus-
si droe & purape mise empres le bled / fromēt
si lard tout / et aussi chouly et plusieurs au-
tres herbes mises empres la vigne si la sei-
chent et ainsi de plusieurs autres plantes.
Et par telle maniere diuerses semences get-
tees en ung champ destruisent lune l'autre.
Et ainsi que les bestes de diuerses especes
ne font semence ne fruct lune de l'autre /
Mais Vne tierce aussi aucunes semences
aydent lune a l'autre comme qui semeroit
arroches / espinoches / fenoil / lectues / persil /
farriettes / bettes / et bourroches dont les
Vnes croistroyent plustost que les autres et
aussi les cueilleroit len plus tost / et se elles
estoyent trop espesses on les sarcleroit. Aussi
peult len semer ensemble froment & espeau-
tre / mil / et pannil / et aussi orge et froment.
Et aussi en ung champ qui seroit trop sec
et mesgre qui y semeroit trop de semence
elle ne prouffiteroit point: mais qui seme
selon la proportion du champ et que les ras-
cines se puissent espandre et dilater il prouf-
fite bien. Len doit aussi bien prendre garde
que la semence soit bonne et non corrompue.
Et a ce propos dit Paladius que len ne se-
me point de semence plus Vieille que dung
an pource que autrement elle seroit trop sei-
che et de peu de prouffit. Et aussi len doit
querir et prendre semence qui soit creue en
la contree et region et au pays de la terre
ou on la veult semer pour la conuenience
et experiance de la terre: car len ne doit pas
mettre toute son esperance en nouuelle ma-
niere de semence qui ne l'aura esprouuee par
auant. Et sachez que semences forlignent
& se auortēt plus tost en terres moistes que

en seiches. Selon les grecs tous potages de grain doiuent estre plantez en terre seiche fors les feues q demandent terre moiste Et combien que en champs attrempez len doie semer / toutesuoyes en tēps sec et longuement / semēce qui y seroit gettee si pourroit garder comme en vng grenier. Et se necessite contrainct dauoir esperance en terre salee len y doit semer ou planter apres autompne affin que la malice de la terre soit ostee ou appetissee par la pluye / ou se len y faict preaulx ou Bergiers on doit faire quil y ayt de la terre douce ou que eaue douce dequeure parmy. Mais en lieux huplleux / chetifz et froidz ou obscurs qui y veult semer len y doit semer en Septembre vers le temps equinoctial quant le temps est serain affin que les racines soyent parfaites auant puer. Et en autres terres len peult bien attendre a semer longuement: Mais que len nattend pas iusques aux fortes gelees. Apres ilz sont aucunes semences desquelles viennent tant de semence comme de fruit de branches et de longues racines que quant elles croissent en hault elles se transportent en autres lieux et sailent ailleurs quelles ne furent plantees ou semees / et pource telles semences demandent telle terre comme il est dit et escript au prochain traicte. Varro dit que les choses gettees en la terre quant elles sont nees et yssues dicelle terre se la terre et le pays sont froidz et les choses sont molles de nature on les doit couvrir de feurre ou dautre chose pour la bruine / et que sil y a pluye quelles nen soyent greuees: car leaue leur est venin aux racines pour leur tendre a la gelee et dessoubz terre et dessus / et les racines de puer ou dautompne sont mieulx nourries soubz terre que dessus. Car elles prouffitent soubz la couerture de la terre et elles seroyent ceintes et enuironnees de froid en lair par dessus terre / et ce peult on veoir es boys et es choses sauuages. Car elles com-

mencent au premier a naistre et ne durent fors que pour le temps quelles ont le soleil. Quant aux racines aucuns arbres les font plus longues que les autres / pource que la terre leur faict mieulx boye par sa legierete / et se aucuns arbres montent en hault on les doit appuyer de coste & dautre pour soutenir les branches ou le fruit est. Cathon escript que la terre de telle semence doit estre telle comme les branches le demandent. Et si dit que les gettons & branches ne doiuent apparoir que trois doibz par dessus la terre et que les sommetz doiuent estre enduitz et couuers de fiens de bache & de terre.

C De la maniere de planter & deslire les plantes.

Chapitre. xxii.



Aucuns arbres font fruit et si ont la semence enclose soubz la chair du fruit / et si en est aucuns qui ne font quelconque fruit ou len puisse trouuer semence dont puisse venir arbre semblable. Des arbres qui font fruit et semence les aucuns font petite semence et tendre / et les autres font grosse semence et forte et enclose en dure escaille. Les arbres qui font petite semence et tendre ont vertu generatiue espanseue / tant en la semence comme es rainceaulx / et pource les peult on planter et semer et peuent ainsi prouffiter combien que a les semer il conuienne attendre grant et long temps & si sera la plante qui en viendra sauage: mais planter les rainceaulx est chose plus hastiue et meilleur. Car qui prent rainceau de plante franche il viendra et sera franc. De ceste maniere sont pommes dorēge & pommes grenates / coings / figues et plusieurs autres qui ne font pas fortes semences / mais les plantes qui ont fortes semences si ont leur vertu generatiue dedans la semence mieulx quilz nont es brâ-

ches sicōme sōt noïx/chastaignes/peschés/
almādes/glans/et plusieurs autres. Et les
plantes qui ne font point de fruct ont leur
vertu generatiue es raiceaulx en leurs brā
ches et greffes pource que nature nā point
ordōne en telles plantes de lieu especial ou
leur semēce soit recueillie si le reprennent en
racines ou en branches sans racines/et par
especial celles q̄ ont cōduitz ouuers et grāde
moelle par ou elles ont nourriture/et cōmēt
quil en soit on les doit garder tant quelles
sont tēdres pour les bestes et autres empes
chemēs/et les doit on mettre en terre douce
auec vng petit de fiēs et les lper et appuyer/
et par especial quāt elles sont nouuelles on
les doit leuer en hault et lper loing lune de
lautre a vng pied ou a deux: car ainsi peult
on planter ceulx qui ont forte semēce/cōme
noïx et almādes: mais se ilz ont tēdre semē
ce cōme vignes/pommes grenates et pal
miers on les mettra trois ou quatre ensem
ble affin q̄ lung ayde a lautre/et puis q̄ len
y face espesses hayes et fossez pour les saul
uer et q̄ len ny laisse venir nulles herbes/et
aussi q̄ nulle autre chose ny soit semēe. Et q̄
en tēps de grāt chaleur q̄ on les arrouse et q̄
leau ne soit pas froide q̄ bienne tout droict
de puy ou de fontaine: mais de piscines ou
de palus descēdant de fiens ou de fosses cor
rōpues. Et se il la fault prēdre en puy ou
en fontaines q̄lle soit laissée eschauffer par
aucun temps au soleil. Et se tu y gettes au
cun fiens et lengresses et remues souuēt il y
vauldra et prouffitera moult. Et quant le
sommet de ces arbres sera eschappe et que la
plante aura este deux ans ou trois sur terre
sans donmage on la pourra traire et sacher
hors de terre auecqs toutes ses racines et la
trāsporter au lieu où on la vouldra ordōner
pour demourer tout son temps et lappuyer
dun pieu fiche en terre et lenuironner despiz
nes sil en est mestier. Et se le lieu est clos et
seur des bestes/ des le commencement on y
peult getter sa semence ou mettre ses plan

tes ou ses raiceaulx et les y laisser sans le
uer ou les trāsplanter ailleurs et leur ayder
cōme dit est/ et soyent gardees entre les ar
bres et vignes cōuenables espaces selon la
quātite qui y est ordōnee et acoustumee. Et
aussi soyent faictes les fosses bien larges et
pfondes selon la quātite et grādeur des plā
tes et de leurs racines: Mais toutesuoyes
len doit plāter en terre seiche et arse plus en
parfond q̄ en terre moiste et es terres moyē
nes moyennement. Se la terre est pleine de
crope on mettra fiēs et sablon mesle ensem
ble/et soit mis en terre maisgre plus de fiēs
q̄ en la grasse. Et se la terre est sablonneuse
q̄ len y mette de la crope et du fiēs mesle en
semble. Quāt len trāsplantera vne plāte de
place en autre soit plante fraîche ou sauua
ge/len doit remettre la partie dicelle q̄ aura
este deuers midy aussi deuers midy et la si
gner au leuer daucune chose a ce quelle ayt
autel regard au ciel quelle auoit par auāt.
Et quant tu mettras la plante en la fosse se
il y a aucune partie de sa racine blecee tu re
tailleras. Et doit on bien garder que la ter
re ou len plante ne soit trop moiste ne trop
seiche quāt on y met la plante pource que se
elle estoit trop moiste elle ne se appliqueroit
pas biē aux racines/et se la terre est trop sei
che elle deseichera et ardera les moistes ra
cines. Et est bonne la moyenne qui se peult
pouldroyer et ioindre aux racines et la doit
on fouller aux piedz aucun peu et non pas
trop et se la terre est trop moiste ou trop sei
che len doit emplir la fosse tout autour des
racines de bonne terre et conuenable. Qui
veult planter en lieux secs on y doit planter
en octobre et nouēbre et aussi en lieux chaulx
et en montaignes affin q̄ la plante soit con
fortee par lhumeur de lper. Et qui veult
planter en lieu froid et moiste et en Vallées
il y faict bon en feurier et en Mars affin q̄
la froidure de lper nestraigne la chaleur
naturelle de la plāte. Et en lieux attrēpez il
y faict bon en ces deux tēps tāt pour plāter

cōme pour trāplanter. Mais quāt aux semēces des plantes on les doit mettre en Jāuier de quatre doīdz en parfond & non plus affin que quāt la semence sera enflee et que au mōys de fleurier elle sentira la chaleur du soleil lescorce se ouire & se prenne a bourionner. Et se le lieu estoit moult chault on le pourroit bien faire en octobre ou en nouēbre. Et qui veult planter rainceaulx des arbres on le doit faire au mōys de mars & prēdre le raincel bert en l'arbre & incontinent le planter / toutesuoyes aucunes telles plantations peūēt estre faictes en octobre en lieux chaulx quant l'automne a este moiste et que l'humour de l'arbre et le spirit de sa vie nest pas encores retourné en la racine ainsi quil est de coustume es plantes en temps de puer. Et ne doit len point tourner / tordez ne moult remuer les rainceaulx que len veult planter ne aussi greuer ne trauailler la partie dont len pense que la racine doīue venir / et par especial les plantes qui ont larges cōduitz naturelz ou qui sont tendres ou q̄ ont grans moelles comme sont saulx / vignes & telz arbres: mais en ceulx q̄ sont secz & durs comme sont boys sauigner et telles autres plantes on les peult bien tordez & est bon de les fendre par aual & mettre en la fente vne pierrette affin q̄ l'humour de la terre se bouste plus aise dedās & monte cōtre mont pour nourrir la plante / et aussi la partie q̄ se bouste dedans terre ne doit pas estre trēchee rōdement: mais de trauers ou arrachee & saachee hors de l'arbre sans coutel & sans fer afin quil ait mieulx les cōduitz ouuers pour prendre sa nourriture. Et me semble bon q̄ en toute plantation len face apres puer en lieux secs et chaulx fossez autour et que len mette dedans aucun bon fiēs mesle avec la terre & que lesdictes fosses en soyēt emplies iusques au rez de la terre & la plāte soit arrousee par dessus vng peu de l'humour du fiens & non pas trop a ce q̄ la terre ne se cōpresse trop et q̄ la fosse ne demeure aucune

ment vuyde et que en temps chault leaue y demeure qui attrempe l'excessiue chaleur: mais es plātes q̄ sont faictes deuāt puer est bon de assembler la terre autour et la chauffer affin q̄ trop grāt humour ne si assemble q̄ leur empesche la digestion. Les rainceaulx que len veult planter sont meilleurs dung puer que de plus long tēps fors des vignes et aucuns autres q̄ valent mieulx de plus dung an. Et doit len eslire telz rainceaulx q̄ soyent plaisans & clers & pleins de moelle et qui apēt plusieurs gettons a gros oeilles et en plusieurs len coupe le sommet de hault & ny est point determine quelle quantite.

Des manieres de enter arbres & de conuertir les sauages & bastardes plantes en bonnes & franches.

Chapitre. xxiij.



Les tailles en plantes sont faictes en plusieurs manieres: mais celle qui plus prouffite a ce q̄ la plante soit muee de sauagine en franchise et en disposition conuenable pour vſage de creature humaine si est que len ente de semblable sur semblable comme de perier sur perier et de pommier sur pommier. Combien quil ne soit pas necessite q̄ le perier ou se prent le greffe et le perier ou len veult enter soyent dune espee cōme dangoisſe sur angoisſe: mais qui enteroit arbres trop diuers lung de lautre ilz ne receuroyēt pas bien nourriture / aincois gasteroit lung lautre ou lestrangeroit sicomme dessus est dit. Entre toutes choses q̄ ont vie il y a grāt cōuenience & semblablete dune plante a autre: car cōbien que vng arbre soit distingue en lespee dung autre arbre / toutesuoyes il y a grant semblance de lung a lautre / et la cause si est pource que la forme substancielle des plantes entre toutes les choses qui ont ame est la plus annexee et ioincte a la matiere / et ainsi cōme neant esleuee sur elle / et pource est la vie des plantes moult mussee /

et pour ceste cause la nourriture d'ung arbre si a la premiere nourriture suffisant pour nourrir bestes. Et quant la seconde digestion qui y est adioustee par lautre conuertit le ius en la saueur et figure du fruit selon ce quelle vient a la seconde / & pource quant diuerses plantes sont entees ensemble aucunes fois elles profitent / toutesuoyes la meilleure incision si est de semblable en semblable come dessus est dit. Et encore selon Daron cest mieulx faict de enter sur arbre frache que sur sauuage pource quil porte meilleur fruit / et pource que toute maniere de enter est par ficher le greffe d'ung arbre en vng autre et puis les lye ensemble de forte lyeure si que le greffe espant ainsi comme radicales veines sans nombre dedans l'arbre ou il est ente. Et par telle maniere l'arbre qui est mou et qui seroit plus tost casse que fiche ne peut estre ente en quelcunque plante / & pource aussi les herbes qui ont les tiges molles comme chouly et autres herbes tendres ont leurs branches trop tendres & ne peuvent estre entees en quelcunque plante tant come elles sont telles / & aussi telles plates molles des herbes si croissent tous les ans & se pourrissent en la tige et ne peuvent estre entees en rainceaulx pource que quant elles sont entees elles ne se entracinent point bien tost ou elles sont entees / aincois conuient attendre le proces du temps affin quelles soient confortees & continuees avec l'arbre ou elles sont entees. Et par ce appert que plate molle ne peut estre ente en plante dure nen plante molle semblable ne dissemblable. Len ne doit pas aussi enter sur arbre q est trop dur pource ql ne recoit pas legierement la nourriture pour sa secheresse et est dur a percer si nadiuet pas souuent que telles entes fassent ia bien. Et pource doit len querir nouvelles et ieunes branches et tendres ou il y ait humeur et qui se puissent ioindre et coupler au greffe & de legier ouurir et receuoir la chaleur et qui recoient la nourriture / et

lors elles croissent mieulx q se elles estoient fichees en terre. Et ne doit on pas enter de greffes floriss ne portans / pource quilz mettroient toute leur substance au fruit et ne croistroyent plus: mais qlz soyent nouueaulx et quilz ayent plusieurs oeilles pour getter et aussi quilz soyent gros et espes ou il y ait habondance de vertu generatiue & qlz soyent prins en la partie de l'arbre qui est par deuers orient pource ql y a en celle partie plus de chaleur et dhumeur q es autres parties de l'arbre. Nous deuons scauoir quil est plusieurs manieres de enter parquoy la plante sauuage est faicte frache. La premiere si est que la branche de l'arbre que len veult faire franc soit trenchee au trauers oultre par le mylieu de la moelle et puis q on lye ce qui sera trenchee ainsi que len a de coustume de lyeer playes et quil soit enuironne de cire ou d'argille pour le deffendre de la pluye et de ce qui y pourroit nuyre / et tenir la chose ferme et seure pour les ventz et autres heurtz et ne chage point ceste maniere le spec de la plante: mais elle la franchist. La seconde maniere si est que vng arbre soit treche au troc et que de celluy mesme arbre on prenne vng getton denhaut et quil soit fiche en la trenchee & puis lye et ordonne comme dessus & il portera fruit d'autre espee en saueur & quantite ql ne faisoit par auant & a este par ceste maniere faicte la diuersite en pommes / en poires / en prunes & en autres fruitz: car la force du ius est si grande en la conuersion & ouuerture des conduitz naturelz q lhumeur retenue par auant es neulx et es conduitz ilz adressent en autre plante. La tierce maniere a este trouuee en la vigne & en autres arbres qui croissent de moelle & est q len trenchee vng getton de vigne iusques a la moelle et y faict on parfonde playe & puis len met au trauers vng getton au lieu du premier & les conuient bien assembler & proprement et bien lyeer & estouper / & lors il croistra et portera fruit. Et pourroit on bien en autres

arbres faire ce que dit est: Mais il a este es-
prouue en la vigne ce dit frere Albert. Et la
quarte maniere si est q len prent vng greffe
dun arbre & le ente len en vng autre arbre
& croist & porte fruit: mais il vault mieulx
en semblable arbre q en dissemblable/et est
ceste maniere bone en arbres q prennēt leur
nourriture par cōduitz de droictes lignes et
par cottes de boys venāns de racines/et a en
ceste derniere maniere plusieurs manieres
particulieres. Lune si est quant le getton est
fiche dedās lescorce sans la rompre. Lautre
si est quāt len fiche le getton dedās le boys
trēche. La tierce si est faicte en maniere dūg
emplastre. La quarte q est dicte comme vng
morcel. La quinte en vne perche de saulx
verd en forme de hamede. Et Bueil dire de
ceulx cy par ordre. De la premiere cest quāt
le getton est assis entre lescorce & le boys par
ceste maniere. Len trenche le tronc du boys
au trauers tout oultre dune cye de bon tren-
chant/ & puis on lye le tronc dūg fort drap
pel par dessus lescorce & apres le lye len tres-
fort de verges dosier/ de saulx ou de ourme
et la entre lescorce et le boys on boute vng
coing de fer ou de os bien faict en aguisant
vers lūg des boutz & rōd dune part & plein
de lautre ainsi cōme du long des trois doirdz
et le doit len mettre doucement affin que
lescorce ne rompe: et si tost comme len oste le
coing len doit ficher dedās le getton q doit
estre taille dune part iusques a la moelle
et sans la blecer: et de lautre part len oste la
pel de dehors et laisse len la couuerture et
lescorce moienne si que la trenche du getton
se tiēgne & ioingue tresbien au boys du trōc
et le getton demeure par dessus le tronc
comme quatre ou six ou huit doirdz: et peult
len mettre plusieurs gettons en vng tronc
selon ce quil est gros/et doit auoir entre les
gettons l'espace de quatre doirdz ou plus/et
couure len le dessus de boe ou de terre con-
uenable / et aussi le doit len bien couvrir de
aucune piece de cuir ou dautre chose par

dessus: et est ceste maniere bonne et bien
prouffitant / mais on ne le peult bien faire
fors que en mars et en avril quant lescorce
se depart le mieulx du boys et le plus aisee-
ment/ & si ne se peult faire fors que en tronc
gros ou moyen et es arbres qui ont grosse
& grasse escorce/ comme figuiers/ pommiers
periers et en chastaigniers et telz arbres/
et est bon a le faire pres de terre: et aussi se
peult faire ceste maniere de enter en telle
autre partie de la souche que len voudra et
es grosses branches/et doit estre soustenue/
attachee lpee/ & aydee iusq̃s a deux ou trois
ans pour le peril des ventz. La secōde ma-
niere si est que len cye le tronc et applanie
cōme dessus est dit en la partie qui est plus
moiste et ou il y a plus boys entre lescorce &
la moelle/ et lye len bien fort le trōc par des-
soubz la trenche deux ou trois doirdz & puis
len fend le tronc dūg coustel deux doirdz
ou moins & trenche len le getton dune part
et dautre sans blecer la moelle/et ouure len
le tronc a vng coing et y boute len le getton
doucement si que lescorce du tronc & du get-
ton soient ensemble / et se il ya mouffe len
loste & apres on chasse hors le coing si que le
boys du tronc et celluy du getton se ioignēt
ensemble/ & puis len met de lescorce du boys
ou daucun drap linge sur les trenches et de
la terre glaïse ou de la crope et soit lye tres-
fort: bien se peult faire de cire/ mais iay es-
prouue plus de mil fois que la seule crope
espesse & destrempee suffisoit / car il est faict
pour garder la tendreur contre le chault et
contre la pluye et le vent/et affin que la va-
peur qui monte de la racine en hault pour
nourrir son nouuel filz ne ysse dehors/ et q̃l
perde sa nourriture. Et doit on scauoir que
ceste maniere contient plusieurs diuersitez
pour cause de la grosseur ou menzreur de
la souche et aussi du greffe et du coing / car
se la souche est trop grosse elle peult estre
trenchee en deux manieres pource que len
peult bien fendre le trōc dune partie de les-

corce iusques a la moelle et non plus / et y mettre Vng greffe / Du len peult fendre le tronc tout oultre et asseoir deux greffes aux deux boutz de la fente ou Vng q'Veult a faire come dessus est dit . Se la souche est Vng petit plus grosse q' le greffe on la fend par le mylieu et y met len Vng greffe seulement. Et doit len former le coing en telle maniere q' en la taille de chascune part la tierce partie demeure avec l'escorce conuenant. Mais en la partie q' sera fichee en la souche il ne doit riens demeurer de l'escorce / et doit estre bien tenue par deuers la moelle du tronc . Et se len y doit mettre deux greffes len doit faire le coing large aux deux costez par deuers l'escorce / et tenue au mylieu par deuers la moelle / mais se la souche a le greffe sont d'une grosseur / len doit faire q' l'escorce du greffe soit des deux pars et le coing a la forme / et doit len garder les playes comme dessus est dit . Ceste forme peult bien estre faicte empres terre et en hault a en chascune partie de l'arbre es branches / a se peult faire en feurier / en mars a en avril / a est bon de cueillir le getton auant que il bourdne et que on le mette en terre par aucun temps en lieu froit a ombreux sans mouiller le bout de hault. Len peult faire aussi telles entes au mors de ianvier par aucune eschauffoison de feu attrapee / par le moyen de laquelle l'humour se peult conglutiner a donner nourriture. Jay faict au comencement de aoust entes de pommiers des greffes qui estoient nees ceste annee mesmes et meurs / a vindrent a prouffit. Mais len doit faire en ce temps telle ente pres de terre ou dessous terre affin q'le soit gardee et deffendue de lardeur du chault par l'assemblee de la terre / et y peult prouffiter quelle soit arrousee aucunes fois par terre ou que len y mette aucunes choses qui y fassent ombre / ou q' len y pendre aucun baissel qui degoute eaue . Sicome dit Varro len peult bien ainsi enter en este quant le soleil est au plus hault / et par especial en

figuiers / come il dit en son traicte quil fait de enter les figuiers. Len peult faire entes en telle maniere en terre a Vng petit sur terre et entour terre ou les rainceaux qui sont entez croissent / pource que le boys a l'escorce croissent par le benefice du soleil : mais se la plante est moyennement grande il vault mieulx la tailler ou elle est plus moiste a l'escorce plus clere que empres terre pour le peril des bestes / et pource que son fruit en seroit retarde plusieurs annees . Et toutesuoyes de tat que l'ente sera entee plus bas le fruit en sera plus frain et meilleur : mais se l'arbre est grand et quil y ait plusieurs branches / il nest riens meilleur q' de trencher dicelles branches des plus reluisans a Vertes et la enter telz greffes come len Veult. Et se l'arbre estoit si Vieil que les escorces feussent toutes ridees et dures et sans humeur / len doit laisser tel arbre iusques a lan ensuyuant sans le trecher a sans enter / a lors on y enterra les gettons qui seront nez en celle annee qui seront a ce plus conuenables et soyent mis en la branche de l'arbre q' sera a ce plus propice et que les autres branches detour soyent toutes retrechees. La maniere de enter que Paladius appella emplastre ou maniere demplastre est telle . Len prent Vng getton nouuel de belle branche nouuelle et reluisant et bien portant / et prent on le getton de la meilleure apparence que faire se peult / et soit signe tout entour deux doiz quatrez affin quil soit assis au meillieu / et leuera len l'escorce si subtillement d'ung agu coustel que le getton ne soit point blece / et ainsi de l'arbre ou on le Veult enter : et aussi quant len labourera le getton len applicuera l'emplastre avec le getton mis et assis en lieu net et plantueux / et sera serie icelluy emplastre conuenablement entour le getton / et sera lye de fors lyens / et sera contrainct de soy ioindre sans blecer le germe si que le greffe qui sera assis et mis enclozra le lieu du premier getton / et lors on l'endura et

sera couuert de boe ou de terre & laissera len
le getton franc / & seroit bon de y mettre vne
piece de aucune chose / & de la cire sur la ioin
cture et sur les creuaces des escorces / pour
les deffendre des choses q̄ leur peuēt nuire /
& pour retenir la nourriture de l'ete / & apres
len trenchera les branches de dessus et les
rinceaulx affin que la mere qui voudra
nourrir ses propres enfans ne delaisse celluy
qu'on luy aura baille pour son bien / & quelle
ne luy oste sa nourriture pour enuoyer aux
autres / & quant vingt iours seront passez &
len desliera les liens len trouuera le bour
ion estrange germe par grant merueille
estre translate en membre estrange arbre.
Ceste maniere de enter peult estre faicte
au moys de iuing / combien que selon aucuns
len le puisse bien faire vng peu auāt ou peu
apres mais que len treuve greffe conuen
ble : mais la maniere que len appelle com
munement au morcel qui est en plusieurs
choses semblable a ceste derniere maniere
est faicte en la maniere q̄ sensuyt. Len prent
vng petit morcel ou vne petite piece du gros
dun poulce long avec le getton estant au
my lieu dicelle piece et nouuellement tren
che et le met on tantost en vne autre bran
che nouvelle et fresche et de telle grosseur /
car len fend l'escorce en trois ou en quatre
parties & le ioint len estroictement au boy
de la souche / si que le morcel entre dedans
l'escorce de l'autre / et que l'escorce du morcel
ne soit point ostee / et se le getton mis sur le
lieu de l'autre getton oste y est mis ou non si
viendra il a bien sans autre lieure & sans au
tre ayde. Et doit len retrencher tous les au
tres gettons affin quilz ne peeschent la nour
riture dicelle ente. Toutesuoyes il seroit
bon se l'escorce pendāt iusques a la grosseur
de la moitie dun poulce estoit trenchee ou
que elle feust tellement entamee que a les
corce demourāt de la souche le morcel adiou
ste soit faict egal subtillement et pareil / & y
soit vne piece dessus pour le lier / & puis q̄ on

y mist de la croye espessément destrêpee sur
les ioinctures & creuaces & la lier tresbiē sur
le morcel mais que le getton soit franc seuz
lement / & apres affin q̄ la croye ne chee que
len lye par dessus vng drapelet long & fort.
Ceste maniere de enter peult estre faicte au
moys de mars quant l'escorce se peult bien
desseurer / et aussi en avril & en may se len
peult garder les branches auāt quelles bour
ionnēt. Les grosses branches bourionent en
lieu froit & ombraige quāt elles sont en par
tie boutees ou plongees en terre. Et est es
prouue q̄ enuiron le moys de iuing vers la
fin & au cōmencement de iuillet q̄ vng petit
morcel dune branche avec le getton du der
nier getton de hault prins & mis au dernier
sommēt en la haulte branche de telle grosseur
sans ayde de lieure ne de autre chose venoit
et croissoit tresbien feust acouple a bourion
ou sans bourion. Et ceste maniere de enter q̄
len appelle entes au morcel / & l'autre qui est
nommee a l'emplastre valent grandement aux
arbres qui ont ius et greffe en l'escorce / com
me sont figuiers / oliuiers / chastaigniers /
periers & les semblables. Et peult len sans
trencher la branche du morcel que len veult
leuer y mettre et asseoir vng autre morcel
dun arbre franc trenchee dune part de telle
grandeur et le lier comme dessus est dit. Et
quāt on apperceuera que il sera reprins len
trenchera la souche sur le morcel pource que
le sommet de la branche que on a l'aissee si
trait plus fort l'humour pour nourrir & as
fermer le morcel quelle ne feroit se elle es
toit trenchee. Et par ceste maniere len peult
en vng arbre et en vne verge mettre plu
sieurs morceaulx dune espeece ou de diuer
ses espees. Mais la maniere de enter qui
est a la hameche ou en vne perche de saulx
est faicte en la maniere q̄ sensuyt. Len prent
vne perche ou vng baston de tel boy
comme len veult et le perce len bien deliement
si que entre l'ung pertuis et l'autre il y ait
espace de demy pied / & puis prêt on des get

tons vng peu rez sur l'escorce & les boute len dedās ces pertups & les laisse len gesir bien ioinctz dedās les fosses ordōnees & les brāches esleuees par telle maniere que le somz met de la perche de saulx demeure et appere aucunemēt sur terre. Et apres vng an la matiere du tout esleuee et detrenchee entre les brāches prēdre chascune plante qui sera belle & parée de plusieurs racines & les met tre en place deue et en fosse conuenable. Et est bon de biē estouper les troux & les ioictu res de croye destrēpee bien espesse ou de cire ou d'autre terre. Et ma este afferme p homz me quil auoit esprouue ceste incisiō en vng pel de saulx verd / et ql auoit perce iusques a la moelle seulemēt / & que il auoit fiche es troux greses ou gettons de la grosseur dis ceulx troux / et quil auoit oste l'escorce dis ceulx de ce qui en entroit es troux affin que l'escorce des gettons se couplast a l'escorce du pel & auoit apres tresbiē estoupe les creueux res de cire / et puis auoit mis le pel en terre quatre doīdz en parfond tout gisant en lieu moiste en telle maniere quil ne apparoiſſoit riēs du pel / fors q les gettōs ainsi entez ap paroissopēt vng peu p dessus terre / & afferz moit que tous estopēt tresbien reprins. En lan passe ql auoit trēche le pel entre chascū getton et les auoit replantez chascun p soy avec sa portion dudit pel & q tout estoit be nu a bien et a proffit. Collumella dit vne autre maniere de enter / et est que len perce vng arbre iusqes a la moelle dune vīlle ou dune tariere / & que len mette bien & douce mēt dedās le trou vng getton de vigne ou vng rinceau d'autre arbre selon la mesure du pertups et que le getton soit bon et gras et moiste et que len ny laisse q vng ou deux bourions par dehors / & q ce faict le pertuis soit estoupe tout entour de cire ou de argille et tresbien couuert de mousse et lye seure ment. Par ceste maniere len peult enter vi gnes dedans ourmes & ailleurs sicomme il dit / et peuent estre faictes ces deux maniez

res de enter en mars et au commencement dauril et en la fin de feurier quāt le nouuel et vert ius & la seue et humeur se dissoult et se esmeult en l'escorce par la chaleur de lair. Darron si escript vne autre maniere de fai re q aduit en son tēps: cest a scauoir q en p chains arbres se len perce lung au trauers en allant cōtremont et q len boute dedās le trou vng gettō du pchai arbre et q l'escorce dudit getton soit ostee en la ptie de dessoubz de ce q sera dedans le trou affin q lhumeur et seue de l'arbre perce se puisse mesler & ioin dre avec celle dudit getton: Ce faict que le trou soit estoupe de cire ou argille ou de mousse et puis si bien lye ql ny puisse riēs entrer pour empescher & au bout de lan q le getton sera conioinct & cōprins avec la sub stance de l'arbre perce q ledit getton soit trē che p deuers le lieu dont il part / et le surpl⁹ croistra en la vertu de l'arbre ou il sera & por tera son fruct acoustume / leql par le moy en de ce que dit est sera bien amēde. Et par ces choses appert que combien que enter de semblable en semblable soit le meilleur : toutesuoyes enter en dissemblable est bon & profite souuent & en faict on moult de mer ueilles / sicomme le peuent veoir & congnois tre ceulx qui le veulent esprouuer.

C Des dispositions esquelles peuēt estre transmuees les plantes.

Chapitre. xxviii.

D Ar les choses dessusdictes il appert q les plantes sauuages sont espi neuses et rongneuses en l'escorce et dures en leur substāce & habondēt en fueil les & ont plusieurs fructz menuz en quātiz te et secz et vers et en est le ius petit et leur viēēt toutes ces choses pour cause de leur nourriture. Et pource la plante est muee en toutes ces dispositiōs par la nourriture du chāp & par lordōnāce des laboureurs et ac quiert les contraires dispositions Car lepi nose est pour cause de ce q lhumeur est es

pesse & petite qui viēt de la moelle a l'escorce ainsi dure : mais labondance de l'humour si adoulist & affranchist & la faict passer par les conduitz de l'arbre p̄ euaporations et n'y viēt espine quelcōque & deuēnēt par ce les fueilles & fructz gr̄s q̄ par auant estoient petis : car l'humour subtille et deliee est plus legieremēt attraicte par la chaleur & se euapore plus aise / et si se diuise mieulx que ne peult faire la grosse & seiche / & la grant humour faict plus gr̄s fueilles & plus doulx fructz / mais ilz sont plus pleins de vers & si cheent plus tost q̄ les sauages qui sont pl̄ secz & aussi les neuz des entes tiēnent la plāte moiste & en sont faictes fr̄ches mais les plantes q̄ sont de grains & de cholz sont affrāchies p̄ leur seul nourrissemēt & labourage / pource q̄ leurs substāces en sont faictes plus moles & greigneurs / & est leur saueur p̄ ce mois ague pour le nourrissemēt.

Des lieux conuenables a la generation des plantes.

Chapitre. xxxv.



Les plātes ont besoing de deux choses en leur generation / dont lune est la matiere de quoy elle est faicte / et lautre est le lieu de la generation & comme le pere : car la saline du lieu empesche moult la douce humour radicale des plātes pource quelle est seiche. Et appert par ce que les terres salees ou q̄ sont meslees avecq̄s saline sont faictes brez haignes. Aussi les lieux qui sont continuellement couuers de neiges cōme ilz sont en plusieurs montaignes ne vallēt riēs pour plantes pource que la froidure de neige ne prent point d'attrēpance / aincoys est mortelle : mais se vng lieu q̄ est de soy attrempe est en puer couuert de neige il en est plus plantureux pour trois causes. Lune si est pource que la neige qui couure la terre faict la force & vertu dicelle retourner dedās terre / si en est apres pour ce plus forte & plus vertueuse. L'autre cause si est pource que la

chaleur se reboute dedās terre & ne s'espan d pas par l'air / & par ce moyen en donne plus conuenable nourriture aux plantes. Et la tierce cause si est pource que la neige qui environne le lieu par sa froidure cōtrainct la vigueur et le cōmencemēt des plantes fructifians que elles ne se euaporent auant la meurete et la Venue du soleil / et garde la plaine de la terre que les vapeurs n'entrent dedans terre desquelles sont engēdrees les mauuaises plantes & q̄ corōpēt l'arbre quāt elles se boutēt en la racine. Mais en lieux chaulx pour la cōuenience de la matiere les bōnes plātes & cōuenables si croissent tresbiē / pource q̄ en telz lieux il y a eue subtille et bien digeree q̄ est attraicte du parfond de la terre / et pource q̄lle est bien digeree se mesle tresbien avec la chaleur q̄ est attrēpee & non pas ar dāt & pource la chaleur habonde en telz lieux pour deux causes. Lune si est celle qui retient l'humour / et lautre si est la chaleur du soleil q̄ y est enforcee par la reuerberation de leue dicelluy lieu / & la chaleur du lieu si est ainsi cōme instrumentale : mais la chaleur du soleil est viuifiant & formant la plante & cōtinuellemēt nourrissant & administrāt humour : car en telz lieux l'air est mesle en l'humour et ayde a ce que l'humour en spirant soit attraicte en hault pour figurer et pour acroistre la plante / pource que les montaignes sont creuses et cauees par dedans et pleines de vapeurs elles attrapent l'humour de leurs cōcauitēz / et leur ayde grandement la grant clarte et reuerberation quelles ont du soleil et du ciel et des estoilles / et par especial au declin desdictes montaignes / pource que la reuerberation se double des deux pars / et aussi pource que l'humour sauance & est plus tost cuyte & digeree / & par especial au coste vers le soleil : cest a dire vers la partie du midy / et pour ceste cause viennent bonnes plantes et bien cuytes et digerees es montaignes ou il y a neige : car l'humour traicte

au sommet de la mōtaigne descēd cōtinuellemēt pour la figure/ & pource l'humour qui demeure en hault est tresbien cuite pource quelle est mieulx surmontee de la chaleur quāt il n'y a poit de superfluite & quelle n'est pas du tout seichee pource quelle est cōtinuellemēt traicte de la cōcauite de dedās la mōtaigne & est nourrie de pluyes et de rouseees. Et est la cause pourquoy croissent es mōtaignes grās vins & bons & odorans et plantes aromatiques et sont plus seiches/ Mais aux piedz des mōtaignes elles sont plus moistes & les vins aussi & sont plus digerez et plus gros et les plantes aussi plus grosses & plus espesses pour l'humour cōtinuellement descendant aux piedz desdictes montaignes. Toutesuoyes aucuns lieux sont brehaings a tout tēps & en terre plaine et es mōtaignes/ & les appelle len hermitages/ & sont lieux de pur sablon & secz & salez: et entre les sablons sont les terres qui tout temps sont pouldreuses et ne se couplent ne ioignent iamais ensemble. Et la plante ne peult auoir vertu fors q̄ de vapeur q̄ est espandue cōtinuellemēt enuiron & par diuerses parties de la terre p̄ la vertu du soleil/ & pource en telz lieux ou il n'y a quelcōque entretenace ne fermete ne peult auoir bonne nourriture: mais bonne boe q̄ est artificielle et noble terre et franche faict porter en brief temps/ pource quelle est extraicte de grosse terre & vinctueuse & grasse & faict bōne plante & conuenable. La plante q̄ est sur pierre si croist a peine pour la dure seicheresse de la pierre/ et se elle y croist si n'y peult elle durer longuement: car plante demande terre/ humour & air: & fault auoir consideration aux lieux pour les plantes: car se elles sont en lieux qui ayent le regard du soleil de orient ou de midy elles naissent plus tost & en croissent mieulx/ pource q̄ la chaleur du soleil y viēt plus tost & y demeure plus longuement et en meult trop mieulx son humour et digere. Et quāt ilz auront leur regard a occi-

dent ou septentrion les plantes en tarderōt plus pour le soleil q̄ sen depart plus tost. Et peult aduenir ce q̄ dit est pour deux causes/ dont lune est par soy pour ledit regard a occident/ et lautre si est par accident pour aucune cause q̄ peult empescher le ray du soleil et faire ombre q̄ feront la grosse humour q̄ ne se pourroit digerer du soleil pour l'empeschement. Par telle maniere aussi seicheresse retenue en aucun lieu empescheroit la plante pour deffault d'humour/ pource q̄ la chaleur ardroit tout/ & pource quelle n'auoit a quoy soy occuper elle seicheroit la plante.

C De la cōgnoissance des terres & se elles sont brehaignes ou plantureuses.

Chapitre. xxvi.



La terre est lung des elemens assise au mylieu de tous & ou elle demeure naturellement a repos/ & quant aucune chose sen depart ou en est leuee ou desseutee elle y retourne naturellement. La terre est de sa droicte nature froide et seiche: mais elle est aucunesfois bien muee par aucuns accidēs de choses suruenans. La terre si preste ayde aux choses generales pour les retenir/ affermer & dōner formes & figures. Selon ce q̄ dit Paladius len doit querir es terres fructification & plantureuse et quil n'y ait trop de grosse moelle ne blanche/ et q̄ les mottes ne soyent trop nues/ et quelle ne soit trop seiche de sablon sans autre bonne terre et aussi que ce ne soit pure croye ne pur grauiet/ ne pure glaise/ ne pures pierres/ et quelle ne soit amere/ ne salee/ ne huylleuse/ ne tout sablon/ ne vallee trop obscure/ mais doit estre bonne et grasse terre & sur la noire et souffisant pour soy couvrir de son herbe iolue et de diuerses couleurs/ et quelle soit grasse/ et quelle ne se pouldroye pas au soleil/ et que ce quelle portera mōte tout droit et ne se retourne pas/ et que ce quelle aura porte ne soit pas chetif ne sec de humour: mais pource quil conuient autre terre pour semer froment q̄ pour semer autres terres

Des choses conuenables & qui appartiennent a toutes plantes.

mangeables / il cōuient pour icelles herbes terre q̄ soit grasse de soy pour bien fructifier comme pour chouly / porrees / bourraches et autres telles herbes dōt len vse des fueilles seulement pour viāde et māger & autre chose ny fault querir : car la gresse et la douceur font cōgnoistre la bonte de la terre / & se len gette vng peu deaue douce sur vne motte de terre & elle se pouldroye elle nest pas bōne / & se elle deuient glueuse et se entretiēt cest signe quelle est grasse. Et se len faict vne fosse dedans & elle se remplit tout a par soy elle est maisgre et se la terre se tient en sa haultesse sans descēdre cest signe q̄ la terre est grasse. Et cōgnoist on la douceur dune terre quāt len prēt vne motte dicelle en la ptie du chāp qui est moins plaisant & quelle soit mouillēe deaue douce en vng vassel de terre la saueut si mōstre se elle est douce. Quāt est des vignes len congnoist la terre q̄ y est bōne se len met aucune verge daucun arbre delye & mol & elle bourdōne / & porte verge clere / longue / droicte & plantureuse & non pas mesgre ne torte / & le peult on esprouuer en perier sauage / en pōmiers / en aiglentiers & en buissons & telles choses q̄ ne sōt pas brehaignes ne de maisgre nature. Et parlerōs plus largemēt de ceste matiere quāt nous parlerōs des vignes : mais len peult communement veoir q̄l est des terres de plusieʳs manieres. Lune est maisgre & lautre grasse / & sont aucunes cleres et delyees / et en est de espesse et de grosse / de seiche & de moiste sans pierres & pleine de pierres / lune pleine & lautre montueuse / lune bonne / lautre mauuaise / & lune bōne pour vne chose & lautre bōne pour vne autre / mais de toutes la terre grasse & ou il y a bon air et delye et sec si est la meilleur et celle q̄ demande plus grant labour et porte meilleur fruit et apres telle terre celle q̄ est espesse & grasse de fort labourage si est moult profitable : mais celle q̄ est seiche & espesse / & mesgre et froide est la pire et ne vault telle terre fors q̄ a perdre sa peine et son argent.

Toutesuoyes pource q̄ les chāps sont ordōnez a diuers proffitz Barron si dit que CATHON si diuisa les chāps en neuf manieres. Car il dit q̄ le meilleur chāp si est celluy ou les vignes dōnent bon vin & en grāt habōdāce. Le secōd ou il y a vng iardin arrouse. Le tiers ou croissent les herbes pour māger. Le quart ou sont les oliuiers. Le quint ou il y a prez. Le sixiesme ou il y a chāp a fromēt. Le septiesme ou il y a boys / forestz et grans arbres. Le. viii^e. ou sont les hayes & petites plantes. Et le. ix^e. ou sont buissons / rosiers et esglentiers. Et dient aucuns q̄ ce sont les meilleurs ou sont les prez quāt ilz sont bōs pource quilz sont de grant proffit et de petite despense : mais moult souuent les vignes coustent plus quelles ne rapportent.

C Du siege cōuenable au champ pour habondance et bien fructifier.

Chapitre. xxvii.

L sentēce de Paladius dit q̄ le siege des terres ne doit pas estre tout plain cōme vng esiang ne trop en descēdāt q̄ la gresse ne sen escoule & l'humour aussi / ne en coulant cōtre val q̄l ne tōbz cōme en abisme / ne tout droict q̄l ne sente trop les chaleurs du soleil et les tēpestes. Mais en toutes choses le moyen est toujours le meilleur. Et affin q̄ on ait chāp biē attrēpe len doit querir vallēe onnye & applaniee ou la pluye se puisse arrester ou vne douce costiere q̄ se encline des costez et quelle soit en bon air & gras / & quelle soit deffendue d'aucune montaigne dentour ou daucun hault boys pour les fors bētz & tēpestes. Apres se le chāp q̄ len veult choisir est en froides cōstrees len doit prēdre ce q̄ a regard a orient & a midy sans ce q̄l y ait montaigne ou autre obstacle entre ledit chāp et orient ou midy. Barron si dit q̄ len doit cōsiderer au fōs du chāp quatre choses pourquoy il dopue estre plus profitable. La premiere si est q̄ cōbien q̄ la terre soit bōne & profitable / len doit auoir regard sil y a mauuais voisins larrōs

ou pillars q̄ y puissent faire preiudice. Secō demēt se il y a en celle cōtree aucunes gēs q̄ vendent a grāt marche ce q̄ se peult vendre au fons & q̄ le fruct en baille mieulx ou qui acheptēt ce q̄ se peult vendre au fons. Tiercemēt se le chāp est loing du lieu ou le fruct se doit porter. Quartemēt se la boye est cōuenable po^r les voictures p̄ eauue ou p̄ charroy. Et si doit len regarder q̄l ny ait pres du chāp prez ou vergers ou il y ait arbres po^r tās fruct/ pource que sil y auoit autour du chāp forestz ou chesnes lē ne pourroit semer au chāp oïecte autremēt dicte pauot: car ilz sont de cōtraïres natures & tāt q̄ les arbres nen sont pas seulement empirez en porter fruct/ aincois les fuyent & si ne se peuēt recliner en terre dedās le fons & si sont autour de eulx le fons & la vigne estre brehaignes.

¶ Des garnisons et prouisions pour vignes/iardins/et champs.

Chapitre. xxviii.

¶ Utatiōs sont faictes es vignes/es chāps et es iardins en plusieurs et diuerses manieres/ pource que les aucunes sont ceintes de fossez/et les autres de hayes/les autres de pieulx/& les autres de burssons et despines. Les fossez sont plusieurs grās aydes et deffenses q̄ les gēs ny entrēt les bestes ne les eaues prochaines/& par especial quant les bors des fossez sont hault esleuez. Ce vault moult aussi et tresgrādemēt a chāps & vignes dōt la terre est trop moiste & pleine deaue/lesquelles eaues quant elles y demeurent souuēt occient & destruisēt les bledz et aydent aux mauuaises herbes. Et se doiuent faire ces fossez grās ou petis selon la quātite de leaue q̄ y est descendant/& du nōbre des gēs q̄ y hantent/& des bestes q̄ y peuēt venir. Iceulx fossez peuent estre faictz au temps deste suppose q̄l ny ait point deaue dedās la terre ou en fossez pres q̄ l'empesche. Et dopuēt estre faictz en telles terres au moys daoust/au moys de septembre/ et au moys doctobre q̄ leaue est lors la

plus retraicte es fossez & q̄ le plain de la terre est plus sec. Et comment len doit faire de nouuel iceulx fossez chascū le scet. Il cōuiēt estre dre vne corde ou vng fil dune part & dautre/& puis signer le mylieu & fouyr & getter le sablon sur les bors dune part & dautre/et les autres pssues et les serrer fort ensemble pour mieulx tenir et les aonnir pour estre plus droictz. Les vielz fossez sont rapareillez par la maniere q̄ sensuyt. Premieremēt se doit oster ce q̄ empesche a fossoyer/& puis fouyr a houes & a piques & oster les herbes & la terre dehors/& apres faire les rines aīsi cōme dessus est dit & ne doit on pas faire en terre de croye trop droictz ne trop roides fossez/ pource q̄ quāt la gelee dyuer seroit passee & la chaleur du printēps viēdroit tout se dissouldroit et trebuscheroit le bort desdictz fossez au fons:mais en terre ferme ou pierreuse on le peult bien faire. Len faict deffense de pieux & de hayes quant on les peult auoir & les garnist on despines:car len aguisse les pieux & les boute len en terre demy pied ou plus & puis les lye len ensemble de espines ou de oziers ou autres lyes/& tāt pl^{us} y aura de pieux tāt mieulx vauldra et peuēt estre mis loig de lautre deux piedz ou trois & y attacher au trauers quatre perches fort lyees ausdictz pieux & puis y mettre et lye aucunes deffenses despines ou dautres choses:mais les deffenses q̄ sōt faictes de plantes despines ou dautres choses sont faictes par telle maniere. Len doit fouir cmpres ou len veult faire la haye & faire fosse dūg pied de pfond & dūg pied de large ou len mettra plātes arrachees a vne palme lune loing de lautre & la terre q̄ sera leuee dudict fosse sera remise sur les racines & serree la encōtre/et puis se fera aux piedz des arbres vne fosse & la terre q̄ sen otera sera mise cōtre lesd arbres & quant elle sera toute esleuee en hault len fera q̄ vouldra vng autre fosse & vne autre autelle plātatiō/& aīsi plusieurs fois faire fossez & planter & faire aīsi cōme dessus est

dit au premier liure au chapitre des cōbes & des cours. Et deuez scauoir q̄ ou il cōuiēt de necessite faire closture/len doit plāter seulement espines. Mais ou il nest pas si grant necessite et la ou len a peu de boys pour ardoir len peult biē plāter pruniers/ periers/ coigniers et telz arbres et semblables q̄ len peult ployer au tiers an et en faire Vne forte et espesse haye et quant on les pert on les peult bien reparer & amēder/ & quāt ilz sont bien espes et entrelacez on les dispose et lye ensemble bien et fort & les taille len en octobre ou en nouēbre et non pas pres de terre: mais Vng pied par dessus: car au moys de mars ilz bouriōnēt pource mieulx & en font plus de gettons & aussi au moys de feurier. Et ainsi les lieux serōt tous tēps clos & deuēdrōt chascun plus espes en gettāt hault et bas & au mylieu. De ceulx q̄ serōt plātez en plus haulte haye on les pourra laisser croistre et Venir sans trēcher affin q̄lz puissent porter fruit ou pour ediffier ou ardoir. Et peult on biē plāter aual au plus bas espines/pruniers/rosiers sauuages ou autres telz arbres q̄ soiēt poignās ou pleins daguillōs. Et les arbres q̄ sont mis en la haye de hault deffendāt lētree & clopāt le lieu par la multiplication des brāches cōme sont pruniers frācs et autres & si peuēt seruir au feu en la troisieme ou quatrieme annee & si apportēt assez de fruit ou q̄ autres plantes y soyent mises comme sont ourmes / saulx/ peupliers/coigniers ou granatiers en lieux chaudx et attrēpez/ et y especial arbres q̄ de legier bouriōnent. Et deuēs scauoir q̄ se la terre est si froide & si seiche q̄ arbres y biennent a peine ou q̄ fort soit q̄lz y puissent croistre len y peult bien mettre plātes de coīgs avec leurs racines pource quilz prouffitent bien en telles terres/ & se cest tout Vng chāp le ourme y est le meilleur entre les autres arbres et le peult len souuent tailler. Et si peult bien soustenir vignes pour auoir des raisins / et si faict belle verdure et plaisant

Umbre aux personnes & aux bestiaulx & si y prēt on des perches & brāches pour hayes & si est bō a chauffer & a plusieurs autres choses. Quāt len porte plantes douces de lieu en autre on les doit porter avec leurs racines biē couuertes et ordōnees q̄ la chaleur/ Vent ou autre chose ne les puisse greuer. Et qui autremēt Veult auoir arbres len peult cueillir les semēces au tēps q̄ les fruitz sōt meurs & les seicher au soleil et les semer en bōne terre au moys de decēbre/ ou eniāuier/ ou en feurier & les nourrir & en la secōde annee aps ou en la tierce len aura dicelles semēces grāt copie & habōdāce darbres. Pala dius dit q̄ len doit cueillir des buissons les semēces bien meures et aussi de l'espine que len appelle buissons chiēnin & q̄ celle semēce soit mise trēper en eaue avec semēces dherbes et de foing/ et puis soyent semees ou on vouldrā avec ladicte foinee & q̄ len les laisse croistre/ & oster ce q̄ peult nuire a la croissance ou printemps & la ou la haye sera len fera deux fossez loing lung de lautre l'espace de trois piedz et de pied et demy de hault et par les costez len gettera la terre Vers les gettons des semences tout doulcemēt et au trētiesme iour ilz se mōstrerōt/ & pource q̄lz serōt tendres il leur conuiendra ayder a les soustenir/ et entre eulx les espaces buides se reioindront: mais ceste maniere occupe moult de terre et de temps a soy parfaire.

C De la prouision et deffence contre les eaues/ fleues et ruyseauulx.

Chapitre. xxix.




Les fleues et les eaues courās par leur force et violence gastēt souuent les riuēs des champs & des lieux gaignables/ & y font fentes et creueures et aucunesfois par leur croissance des eaues voisines elles couurent toute la terre desditz chāps gaignables se il ny a aucunes deffēses/ & pour y obuier conuiēt faire haultes & fortes deffēses de pieux & de clopes/ de plāches/ de herbes/ de pierres

et de terre et les ioindre et lier en hault en forme de croix et les entrelacer et fort lier / car autrement les bledz et gaignages pourroyent estre toz perdus / et pource y doit on faire fortes deffenses et resistence pour cōtre dire aux eaues et se en aucunes parties les deffenses estoyent foibles on les doit cōforter et rēforter p bōne maniere. Et se les chāps estoyent ia greuez en aucunes parties par les eaues

len doit faire trenchees en celle ptie en telle maniere que les gēs et les bestes soyent contrainctz de passer par la pour les defouller et affermer pour estre pl⁹ fermes et plus fors.

¶ Cy fine le second liure et ensuyt le.iiiᵉ.

¶ Sensuyt le premier chapitre q traitte de laire et place ou se doit mettre le fruct de l'escorce.





Laire ne doit

pas estre loing de la Ville affin que les fructz y soient plus legierement & plus aiseement apportez & q'il y ait moins de doute den estre defrauldé du seigneur ou de ses procureurs en la cite qui est souspecōneuse. Laire doit estre pauee de pierre ou entaillée dune roche de montaigne ou se len nen a point de vieille len y doit getter de l'argille & destremper deaue et defouler a piedz de bestes. Et doit estre laire en vng lieu plain & hault & net ou les bledz doiuent estre emmoncellez/ et quant on les aura bannez & nettoyez des pailles on doit laisser le fromēt rafreschir & apres on le portera es greniers ou len le gardera a profit/ & puis apres len y fera vng tect ou couerture basse & pres du grain/et que il y ait fenestres affin quil soit tenu sec/ & doit estre le lieu hault et ou les ventz puissent courir de toutes pars & que il soit loing de iardins et de vergiers & aussi de vignes pource q'ainsi cōme le fiens & la paille sont bons pour les racines des arbres aussi les choses qui habitent es fueilles si percent & corrompēt les fromens & les bledz.

Des greniers. Chap. ii.



Le siege des greniers doit estre hault & loing de toute ordure & de toute punaisie et destables et doit estre froid & sec & venteux. Et dit Paladius que quant les greniers serōt faictz len doit prēdre vieille huylle & la mesler avec argille ou autre terre boeuse/ & puis en enduire les parois de par dedās/ & peult on mettre dedans ce q' dit est / fueilles doluiers sauages ou oliues quāt elles sont seiches en lieu de paille: et apres q' lesditz greniers seront fermes & secs & bien rassis on y peult mettre les fromens/ car ratz/ souris & telles bestes hayēt trop telles choses q' dessus est dit. Aucuns y mettent fueilles de coriandre pource quelles profitent aux fromens: mais tous

tesuoyes il nest riē plus profitable aux fromēs pour les bien garder q' aucunesfois les trāsporter en aucun hault lieu bien aere ou ilz puissent estre rafreschiz par aucuns iours & puis q'z soient remis en leurs greniers. Columella dit que len ne doit point esuēter les fromēs & q'z empireroyēt & q' les vault mieulx tresbien remuer par tout/ & doit estre le midy au contraire des greniers. Et doit on aussi regarder ou le paumēt ou len met le fromēt q' ne soit pas moiste ne foible: car il doit estre sec/ fort/ plain et onny et entier pour les souris. Et doit len aussi regarder diligēment q' le lieu du grenier ne pcede en trop chaud ne trop froid / pource que tous les deux corrompent le froment & luy ostēt sa chaleur naturelle & sa vertu. Aucuns autres font puyx & ionchēt le fons & les costez de pailles et gardent bien que air ne hument ny puisse toucher fors quant len en veult prendre et vser. Car ou lesperit ne peult ataindre il ny va point de corruption et le froment ainsi mussé se garde bien par cinquante ans et le mil se peult garder plus de cent ans/ ce dit Varro.

De auoyne. Chap. iii.



Auoyne est de deux manieres. L'une est sauage et lautre franche et commune. Lauoyne sauage croist avecques le froment quant le grain de froment par trop grant desordonnance de tēps ou de la terre se conuertit en auoyne/ & le cōgnoist on a lherbe pource quelle a les fueilles plus larges/ plus vertes/ et plus poilues que le froment et en est le grain noir & poilu et deuient meur et chet auant que le froment soit meur. Et lauoyne franche est blāche & non pas poilue/ & est semee au tēps que len seme le froment & en autelle maniere. Mais il vauldroit mieulx la semer en feurier ou en mars. Elle vient bien en terre maisgre et demande grant air et terre semblable. Maistre Albert si dit q'le demande chāp sec & est meure vng peu auant que len

cueille le froment et se cueille lors. La semēce & le feurre sōt bōs pour nourrir cheuaultz muletz asnes et les semblables. Mais les gens ne vſent de lherbe ne du grain fors en cas de necessite. Toutesuoyes elle a vertu de relascher et de amollir toutes duresces et esclures & de nettoyer ordures/ce dit Platon.

Des chiches. Chap. iiii.



Chiches est vne semēce bien gēneralement congneue & a plusieurs differences/ car lune est blanche et lautre est sanguine/ & de ces deux lune est grosse & lautre menue. Apres lune est bien rouge & lautre est noire: & de toutes/ celle q̄ est sanguine & ridee est la meilleure soit la grosse ou la menue/ et toutes les autres ont l'escorce clere & polie & nō ridee. Le fruct croist trop bien en air attrēpe & moiste & regert terre grasse & moiste et seuffre bien terre de croupe & rēd la terre mesgre & seiche. On la doit semer en lieu chault au mois de feurier & en lieux attrempez en mars/ & en lieux froidz en avril. Elle croist trop bien es fossez des iardins. Et quāt elle est meure on la cueille doucemēt sans oster les fueilles ne les herbes/ et est bon que au semer elle soit molle affin que eile naisce et lieue plus tost/ & quāt elles sōt tard semees leaue grasse du fiēs leur est bonne & les doit len sarcler et necioyer ainsi comme febues: mais les nues & le gros air leur sont moult greuables/ & si perissent legieremēt par larc au ciel quāt elles sont meures. On les doit cueillir quant les grains sont meurs & secs & que la lune soit bien auāt au decours. Selon ce q̄ dit ysaac/ la chiche blanche est chaulte au premier degre/ et moiste au mylieu/ Mais la chiche rouge est plus chaulte et moins moiste. La chiche est de grant nourriture et amolist le ventre mais elle enfle et engend̄re ventositēz et pource elle croist en l'homme la semence de nature humaine/ et cōforte grādement l'usage de habiter a femme/ car elle a en soy trois choses qui appar-

tiennēt a l'usage de generation cest assauoir chaleur/ nourriture et enfleure/ et est bonne pour les estallōs & cheuaultz q̄ vōt a moult de iumens: ypocras dit que les chiches ont deux natures quelles perdent & sen vōnt en leaue quant on les cuyt. Lune est douceur/ et lautre salie. Par la douceur elles donnent bonne nourriture et multiplient aux femmes leur laict et si laschent le ventre/ & par la salie elles dissoluent et amollissent les grosses humeurs et appetissent leaue de lorine et font venir aux femmes leur tēps. Elles valent a ceulx qui ont la iaunice et le foye eschauffe & aux ydropicques enflez/ et aussi a ceulx qui ont le corps plein de gratelle & de rongne quāt ilz se lauent de leaue ou elles sont cuytes pource q̄ elles nettoyēt le corps. Selon Galien les chiches boutent hors les vers du ventre et si valent a l'opilation du foye/ de la rate & de lamer/ & aussi aydēt a ceulx q̄ ont la pierre es reins pource que elles la brisent et en la vessie aussi. Mais elles greuent a ceulx qui ont playes ou escorcheures es reins ou en la vessie. La chiche noire est la plus duritique & apparestiue et vault mieulx en oeuvre pource q̄lle est meilleure contre opilation de la rate & de foye/ & cōtre la pierre/ & aussi cōtre les vers & par especial quant elle est cuyte avec ache et que len en boit le ius et la puree: mais la chiche blanche vault mieulx pour accroistre le laict aux femmes et aux hommes la semence de generation. Auicenne dit que les chiches si esclarcissent la voix et font meilleur leur poulmon que quelconque autre chose/ et pource en faict on brouetz ou tourtelles de farine de chiches/ & se doiuent manger les chiches au mylieu du disner et non au commencement ne a la fin. Elles prouffitent moult au faict de generation et si font leuer le membre grandement quant on en boit la puree a ieun.

De la petite chiche. Chap. v.

L A petite chiche demande air moiste et terre grasse et pleine de crope. Et toutesuoyes on la peult bien semer en terre ferme comme la febue & puis arer & fossoyer au tēps de Januier & de feurier et au commencement de Mars. La moytie du boissel si suffist par raison pour semer autāt de terre comme deux beufz peuent labourer pour vne iournee / cest bonne viande pour les bestes / mais les hōmes nen vsent point sinon pour la famille en pain et avec autre grain et est bonne a ceulx qui traueillent moult grandement.

¶ Du chanure. Chap. vi.

C hanure est de la nature du lin & pource demande semblable terre & sēblable air. Mais il ne le cōuient pas arer tāt de fois cōme le lin / & toutesuoyes q̄ veult auoir bon chāure a faire cordes il le doit semer en lieux tresgras ou il viēgne tresbien & face grosse estoupe pour la grosseur de l'esorce / & de tāt quil sera semé en plus grasse terre de tāt sera il plus ramu et brāchu / et q̄ en veult faire toilles et draps que il soit semé en moins grasse terre / car il en sera moins ramu et branchu et en sera plus propre pour telles choses. Et lors aussi il sera bon pour faire rethz a pescher pource q̄ il se deffend mieulx contre leaue que ne faict le lin. On doit semer le chenueiz en la fin de mars & au cōmencement d'april / et le doit len sarcler et nectoyer aux mais ou au coutel. On le doit cueillir quant les semences sont meures / et le masculin q̄ a plus de semence se doit lier deux faucillees ensemble et puis le mettre en vng lieu conuenable la semence de lung sur la semence de lautre / et que les racines soyent au contraire de lautre part / et se doit couvrir la partie de la semēce de herbe ou de aucun estrain & mettre par dessus de la terre ou des pierres affin que la semence prenne acomplissement de meurete / & quant il aura aīsi este par six ou huit iours / on doit

leuer les pierres ou terre / herbe ou estrain / et puis mettre vng drap dessoubz la semence et l'escourre pour cheoir plus legieremēt. Mais la femelle qui na point de semence doit estre toute cueillie ēsemble p̄ dix iours auant que le masle lors quelle commence a blāchir / et puis doit estre mise toute en eaue pour rouyr et la y laisser tant que lestoupe se puisse desseurer du tuyau / et puis en est casse le boys et froisse quant il est subtil. Mais celluy qui est long et gros on le doit peler & traire hors du boys / & se aucune chose y demeure on le doit mettre tremper en eaue et le seicher et puis prendre le bon. Et deuez scauoir q̄ de la semēce toute dune nature naist vne maniere de chāure q̄ est plein de rainceaulx & a moult de semēce & de grain / & aussi en naist vne autre maniere de chanure qui na ne rainceaulx ne semence / & aussi encores vne autre maniere qui na q̄lcoque rainceau & si a moult de semence / & est la semēce de chāure tresbōne pour petis oyseletz et la mangeuent tresvoulentiers.

¶ Du froment. Chapitre. vii.

L e froment est vne maniere de grain qui par dessus toutes choses est la plus conuenable pour corps humain pour cause de la semblance quil a avec nostre complexion. Il est plusieurs manieres de fromens dont celluy qui est nouuel d'ung an ou de moins est le plus conuenable pour nourriture et pour semer / et celluy qui est plus vieil nest pas si bon pour nourrir ne pour semer / et aussi lung froment est moyennement long et blanc ou vermeillet et a l'esorce subtile et deliee / et est la farine de dedans tresblanche / celuy est le meilleur. Et si y a autre froment gros / rond et blanc / rougē ou claret. celluy nest pas si bon et la paste qui en est faicte nest pas si bien entretenāt et ne croist poit au cuire le pain q̄ en est faict / & la paste q̄ est faicte du premier est bien entretenāt et en croist le pain au cuire. mais toutesfois

il ne donne pas si grant mesure au Venir du chāp cōme le gros / pource q̄ le gros emplit plus la mesure au cōmencement q̄l est batu et bāne ⁊ auant q̄l soit desseiche q̄ le menu. Et aussi le grain q̄ est Venu de terre grasse est plus gros ⁊ mieulx reuenant au pois et plus nourrissant q̄ celluy qui croist en terre maigre. Celluy q̄ croist en terre chaulde est plus chault / ⁊ celluy q̄ croist en terre froide est plus froit / ⁊ aussi celluy q̄ croist en terre seiche est plus sec ⁊ en terre moiste plus moiste. Il est Vne maniere de froment q̄ est mus se en lespi : et cōbien quil ait les espis cours et quil soit plus dangereux au tēps ⁊ plus tost empire de nuille q̄ lautre sicōme aucuns dient / toutesuoyes il multiplie plusieurs espis en nōbre / mais le gros ⁊ par especial celluy qui a les espis rouges combien q̄l porte longs espis et grans et nobles / toutesuoyes fait il peu despis en nombre / ⁊ lay ainsi congneu et apperceu. Tel froment croist ainsi cōme en toutes terres habitables / cōbien q̄l croisse mieulx et plus noblemēt en contrees attrempees / sicōme au tiers au quart et au cinquiesme climat : il demande terre grasse par mesure ⁊ de douce saueur / ⁊ lay est bōne la croye / mais q̄lle ne soit pas trop poulz breuse ne de sablon / il sēsioyest de estre en plein champ ⁊ hait chāp Vmbrage. Quant il est seme en lieux trop moistes et pleins deaue il forligne et fault / et aucunesfois se cōuertist en auoine ⁊ puroye. Le froment de la costiere est plus fort en grain / mais il respōd mois a la mesure. On le seme en lieux froidz et pleins de neiges en la fin daoust ⁊ par tout le mōys de septēbre / et en lieux attrempez en la fin de septēbre ⁊ par tout le mōys doctobre / et en lieux chaulx en la fin doctobre et par tout le mōys de nouēbre. Et en tous ces lieux se la terre est seiche ⁊ chetue on la doit premier semer affin q̄ le froment ainsi seme puisse auoir ses racines auant puer et quelles apent aucune vigueur. Et puis apres on seme les terres grasses / ⁊

qui les seme meures elles luxurient et font bastardie destrāges herbes qui nuyent au fromēt / ⁊ suffist pour semer la terre q̄ peuēt arer deux beufz en Vne iournee dune corbis qui vault de ceste mesure Vng. Et se au tēps de semer la terre estoit trop seiche / neantmoins on la doit semer / pource q̄ les grains espādus par la terre se gardent mieulx aux champs q̄ es greniers / et doit len ouurir la terre et couvrir les grains pour les deffendre des oyseaulx et des bestes iusques a ce quilz soyent germez. Et se la terre est trop mole la gelee si la corrigera. Et sil y a eaeu len la peult bien deffendre de aller au fons par la desriuer ailleurs / et se la terre est attrempee le fromēt sauldra hors de terre desdās huyt iours ou enuiron sicōme dit Darro. La maniere de labourer les chāps pour le froment est telle. On vera la terre diligēment selon la doctrine baillee es generatiōs / ⁊ ecores sera trēchee au socq / ⁊ puis sauldra couvrir la semēce ⁊ rōpre les motes / apres nectoyer les fosses des motes petites / en les ostāt tāt de fosses du lōg cōde des trauersais plus lōgs tout aual / a celle fin q̄ la pluye ⁊ les eaeu cheans puissent aller frāchemēt p tout le champ / ⁊ sans ēpeschemēt descendre aux fosses ordonnees / car se le fromēt estoit en laict ⁊ q̄l cōmēcast a germer ⁊ les eaeu y demouroiēt / elles estaindroiēt le germe ⁊ toute la semēce. Au mōys de ianuiier apres la gelee et la mole supfluite de la terre / ⁊ es mōys de feurier ⁊ de mars quant le fromēt sera de quatre fueilles on le doit sarcler es mains et au coutel / ⁊ oster toutes les mauuaises herbes affin que il ait meilleur croissance et viengne mieulx a meurete. Mais on ne doit toucher aux fromens au mōys de may / pource q̄lz sont lors en fleur par huyt iours / ⁊ par quarante iours apres ilz sont parcreuz iusques a la meurete. Par la dius dit que len doit ainsi faire de lorze et des autres grains qui ont singuliere semence. Len doit cueillir le froment quant

Du labourage et du profit de chascune semence.

il est meür en lieux chaulx et secs au moys de iuing/ & en lieux attrempez au moys de iuing vers la fin & au commencement de iullet/ & en lieux froids en la fin de iullet & au commencement daoust/ et est la maniere de cueillir les fromens assez commune. Quāt les fromens sont sopez on les peult laisser sur le chāp du matin iusques a tierce/ & par tout le iour se le tēps est doulx & bien attrepe & puis le lyer: et pource q̄ les lyens & les espis viennent dūng mesme bled on ne les doit pas trop laisser seicher: quilz ne rōpent et quāt ilz sont lyez on les doit porter en laire ou soubz toict a couuert par faisseaulx meurs/ & tellemēt les disposer que pluye ne eaue ne les puisse greuer/ et apres les battre a fleaulx ou les froisser a cheuaulx: et toutesuoyes les battre a fleaulx deliure mieulx le grain de la paille/ mais les fouler a cheuaulx est plustost fait & si en sōt les pailles mieulx disposees pour les bestes manger et sen deliurer mieulx des estranges semences & puis on les vāne & les met on es greniers pour les garder. Et se doit on souuent donner garde q̄ les tas des fromēs ne seschāffent daucune mauuaise et estrange chaleur et sil aduenoit on les doit mouuoit par les greniers & esuenter. Du qui mieulx vāult les porter au soleil et a lair/ et quant ilz sont rafreschis les remettre es greniers cōme parauant. Toutesuoyes cest chose generale et experte que tous grains excepte le mil se gardent mieulx et plus longuement en la paille que quant ilz sont batus & hors de la paille. Selon ce q̄ dit ysaac le froment est chault et moiste attrempeement/ et en est l'escorce chaulde et seiche et nettoye et mūdifie/ mais aussi elle nourrist peu. Qui met l'escorce en eaue chaulde et la frotte bien et puis la mette cuire & apres la couler/ leaue en vāult a boire a ceulx qui ont le poulmon & le pis plains de mauuaises humeurs/ car elle les purge et nettoye. Mais qui la met en laict elle nourrist mieulx et qui la cuyt en

vin mesle avec eaue/ et puis le mettre tout chault sur mammelles endurcies pour laict qui y soit arreste endurey et espesse elles en sont amollies & gueries. ysidore si dit que la farine du froment meslee avec miel oste les taches et pustules de la face/ et qui la cuyt avec sein ou suif mesle en vin elle amollie les mammelles endurcies de laict fige et espris/ et aussi elle amollie et meure les apostumes et cloux/ elle relasche les nerfs indignez & endurcis comme spasmes & les relasche et adoulcist. Le leuain qui en est faict mesle avec sel si meure et ouure les apostumes. La nourriture de froment fraiz & nouuel vng petit cru enfle & engendre fieume/ elle esmeult douleur de costez & faict router/ & quāt elle est rostie elle enfle moins & faict moins de ventositēz/ et quant elle est cuyte en eaue elle enfle grandement & est de dure digestion et appesantit et engendre grosses humeurs & glueuses: mais quāt elle est bien digerēe elle donne grant nourriture et conforte les mēbres/ & pource on la doit donner a ceulx qui trauaillent fort. Le grain de froment cuyt avecques laict faict bon sang et prouffitable nourriture. Mais q̄ en vseroit trop souuēt il engēderoit opilation de foye et durte de rate/ & feroit la pierre es reins & en la vessie/ et par especial a ceulx q̄ ont les reins chaulx de nature ou par aucun accident. Nous vsons de paste de fromēt en plusieurs manieres. Celle qui nest pas leuee est bisqueuse et enfle/ et est dure a digerer/ et si engendre enfleures/ opilations et doulleurs & nest bone fors a laboureurs/ & quāt elle est leuee elle nourrist tresbien. Quant elle est frite ou cuyte es cēdres elle ne vāult riens/ pource quelle est dure dehors et bisqueuse dedans et demye cuyte. Le pain en sa forme quant il est cuyt si a l'escorce dure & delpee/ et pource son escorce/ cest a dire sa crouste nourrist trespeu/ et est dure a digerer/ elle boit l'humour du corps/ et seiche et estouppe le ventre. Il y a moult de moelle &

dempe: mais elle est grosse & visqueuse / moi-
ste et enflant / et engendre fleume glueux /
Mais le petit pain est percu du feu & attait
par tout & seiche le feu son humeur en la mie
dont il nourrist moins et se depart du corps
bien a tard et estoupe le ventre par especial
quāt on le māgeut froid dūg iour ou deux
apres ce q̄l est cūpt. Et le pain q̄ est de moyē
ne quātite en forme & aussi de moyēne puis-
sance. Le pain q̄ est cūpt a trop grāt feu a la
crouste dure & arse & seiche / & n'est la mie tou-
te crue par dedās / pource que la violence du
feu endurecist tellemēt la crouste q̄ la mie ne
le sent point. La crouste ne nourrist poit ain-
cois cūpt & arde la gorge & la poitrine / & en-
gēdre trop sec sang / & si serre le vētre. Et la
mie q̄ est crue & mole si engēdre grosses hu-
meurs glueuses & ordes. Et tel est il qui le
trait du four auāt q̄l soit cūpt: mais le moyē
est le meilleur & plus naturel / car il tresper-
ce le pain tout par mesure / et le pain qui est
cūpt au bout tout le denier est le meilleur /
pource q̄l est cūpt tout dune semblable ma-
niere hors et ens / mais celluy q̄ est au my-
lieu est cūpt dessus & dessous & creu au my-
lieu / & q̄ en vse souuēt il enfle & faict les cos-
tes douloir & aussi faict le pain cūpt es cen-
dres & par especial quāt le boys est menu et
q̄ il arde legieremēt il faict estre tout pesant.
Le pain fraiz et nouuel est plus moiste et
plus nourrissant / & celluy q̄ est dūg iour ou
de deux est le meilleur / pource q̄l est attrē-
pe par dehors & par dedās. Le pain sec est le-
gier & seiche les humeurs & lestomac / et en-
gēdre soif & serre le vētre. Le pain de fromēt
ou il y a du sel quāt il est cūpt par ordōnāce
est de bōne digestion & engēdre sang cler / &
est le plus proffitāble aux personnes qui ne
traueillent point et q̄ se reposent en delices /
mais il n'est pas prouffitāble a ceulx qui la-
bourent moult pour cause de sa legierete et
preste digestion. Mais le pain dūg peu leue
et sans sel et qui n'est pas bien cūpt engen-
dre vētositēz & grosses humeurs: mais il est

bon aux laboureurs q̄ peuvent bien digerer.
Et le pain qui est grandement & fort leue &
ou il y a du sel ne nourrist pas bien / car la
vertu du sel seiche l'humeur de luy / et le le-
uain appetisse la mixtion & l'attrempance.

Des febues. Chap. viii.

Les febues les vnes sōt grosses & les
autres petites & menues / & les aucu-
nes blanches / et les autres noires.
Les vnes cuisēt legieremēt & les autres ne
peuēt cuire / mais les blāches sōt les meil-
leures & cuisēt le plus legieremēt. Les pe-
tites febues sōt les plus sauoureuses & plus
plantureuses que les grosses / mais les gros-
ses sont plus belles. Febues peuvent croistre
en tous lieux habitables et en tout air. El-
les demandēt terre grasse et pleine de crope
et la elles sont tenue escorte et deliee & cū-
sent legierement et croissent tresbien en ter-
re moyēnement moiste / mais elles ne vien-
nent pas bien en sablon / & celles qui y crois-
sent ne peuvent pas bien cuire se la terre ne
soit premier bien engressee de fiens dont el-
les amenderoyent. On les seme en estou-
bles et chaumes et en terre aree / mais elles
valent mieulx en la terre aree. Quant les
lieux sont chaulx et attrempez on les doit
semer en la fin de Nouembre et par tout le
moy de decembre et elles sourdront incōti-
nent apres l'uer: & quant le temps est froit
on les seme en ianvier et en feurier tantost
apres que la terre peult estre aree apres les
fortes geles & valent mieulx en terre moi-
ste que en terre seiche. On les peult aussi se-
mer au moy de mars et par especial quant
la terre est moult grasse & quāt on les seme
bien tard en terre moiste elles en germent
plus tost / Et quāt on met les febues trēper
deux ou trois iours en eaue de gras fiens
auant quelles soyent semees elles en sont
plus douces a cuire / et aussi telle mollifi-
cation y prouffite moult quant on les seme
en terre maigre. Et quant on seme les feb-
ues il ne conuient ia casser les grosses mo-
ff ii

Du labourage et du profit de chascune semence.

tes: car ce nonobstant et q̄lles fussent mises biē p̄fond en terre si viendroient elles hors / et les doit on planter ou semer a vng dour loing d'une de l'autre / affin q̄ les branches & les fueilles se puissent dilater. Cest la semence dont la terre est moins greuee / & par especial quāt au cueillir on laisse la racine en terre. Mais toutesuoyes la terre nen est pas pource plus plantureuse se ce nestoit q̄ par accident le chāp fust moult moiste. Columella si dit que le chāp est approuue meilleur pour les fromens quant il a este vuyde l'annee precedant q̄ il doit estre seme que celui qui apporte febues. Et cest vray pour deux raisons. L'une pource q̄ les febues ont pris aucune ptie de la nourriture du fromēt. Et l'autre quil na peu estre si prouffitablement are en este comme sil eust este vuyde. Selon Paladius les febues doiuent estre nectoyees de ronces & de toutes autres herbes si tost cōme elles apparēt quatre doibz par dessus terre / et apres doiuent estre sarclees quāt les herbes nuyans croistrōt entour / & en valent mieulx et fructifient plus / et qui les brise elles viennent aussi bien cōme entieres. Les febues sont en fleur par quarante iours en may et en iuing et si croissent avec ce / & ainsi est il des pois et de tous grains q̄ ont double semence pour potages. On doit cueillir les febues au mays de iuillet quāt la lune est en decours / & auant soleil leuant aincors que la lune sen aille & puis quelles soyent batues & escousses / et quant elles seront refroidies on les mettra en grenier / et par ainsi elles nauront point les mousches ne les vers q̄ les rongent / ce dit Paladius. Barron escript que les febues et les autres grains de potages se gardēt moult bien en baïsseauly ou il y a eu l'hyulle / mais que ilz soyent frotez de cendres par dedans. Sicōme dit ysaac / les febues q̄ len mangeut vertes sont froides & moistes au premier degre et engendrent grosses humeurs & crues / et enflent & font ventositez & nuyent grande

ment a lestomac. Et les seiches & parfaicte ment meures sont froides & seiches au premier degre / & font mauuais sang & enflent la chair / et la dilatent et font au corps humain ce q̄ le leuain faict en la paste / et font es haultes parties du ventre grādes & grosses enfleures / dont les fumositez qui montent au chef nuyent tresgrandement au ceruel / & font songer les songes et corrompus / et pource que les febues ont de leur nature telles proprietes on ne leur peult pas oster / mais on les peult bien appetisser / sicōme il est prouue par experiance / car les personnes qui vsent chascun iour de febues seussent indigestions et enfleures / pose q̄ ilz fussent tres sains & nectz. Elles nectoyent tresbien et pource sont elles bōnes contre lentilles & pour nectoyer le cupz du visaige a ceulx qui par coustume sen lauent de la farine cuyte. On cuit les febues en plusieurs manieres. Les aucunes sont cuytes en eaue / et les autres rosties. Celles q̄ sont cuytes en leaue sont les meilleures pource q̄ leaue leur oste grāt partie de leurs ventositez & de leur grosseur / par especial quant la premiere puree en est gectee & q̄lles sont parcuies en autre eaue / et les peult on mettre cuyre en deux manieres / les vnes avec leurs escorces & les autres sans escorces. Celles q̄ sont cuytes en leurs escorces sont dures a digeter et de grosse enfleure / car la stiptiquite de lescorce nēpesche quelles nysent hors du ventre / et leur longue demeure au ventre engēdre enfleure et ventositez. Et celles q̄ sont cuytes sans escorces si enflent moins & sont tost digerees / et q̄ mesle du ius des febues avec choses eschauffans comme poiure & huille cest vne parfaicte medecine au faict de mariage. Qui māgeue febues avec mente / origan / cōmin et telles choses / leur enfleure et leurs ventositez en appetissent moult. Qui les rostit elles en enflent moins et en ont moins de ventositez / mais elles sont trop dures a digerer: toutesuoyes qui gecte de

leau de dessus apres ce quelles sont rosties et
quelles soyent mangees avec mēte/origan &
cōmin elles perdent leur durte. Qui donne
chascun iour a manger aux beufz bien lar-
gemēt febues cassees ilz en sont tātost gras
& en sont par ceste maniere engressez Vieulx
beufz & grās en quinze iours par les sages
du mestier/ & si en est leur chair renouvellee
Aucenne dit que leur rectification & adres-
sement est la prolongation de leur infusion
et trempure & la bonte de leur cuiture & les
māger avecqs poiure/ sel et huylle et telles
choses. Les meilleures sont les plus grosses
& blanches & q ne sont point percees de vers
ne de mousches. Leur propriete si est q lles
trēchēt les oeufz des gelines q en sont nour-
ries/ & quelles font songer songes destrāges
pensees et troubles/ & q lles font Venir gra-
telle & freische mēgoison. Et lemplastre des
escorces des febues mis sur la pēnilliere de
lenfant il y deffend le poil a Venir/ et aussi
quant on le met souuent sur aucun lieu rez
de nouuel. Les febues nettoient en la face
Vne maladie nommee morphēe/ & par espe-
cial avec l'escorce/ & si en ostent le drap et les
lentilles & dōnent bōne couleur. Emplastre
faict de febues est bon cōtre les apostumes
des mammelles et quāt le laict est endurcy
dedās: & quāt febues sont cuytes en eau et
Vin aigre avec leurs escorces & vault moult
a Vieil flux de Vētre & a dissintere. Plinius
dit que qui boit le brouet des febues cuytes
il vault moult au poulmon et le nettoie et
guert les apostumes des mammelles/ et
quāt le laict est endurcy dedans: & qui met
celle puree avec roses ce guerist la lueur/ la
perseur/ la douleur et les lippes des yeulx.
Qui masche les febues et les met sur les tē-
ples elles deffendent que les humeurs reu-
matiques qui descēdent aux yeulx ny vien-
nent. Item la febue fendue parmy et puis
assise sur Vne Veine trencher lempesche a
seigner et la restraint. Les febues arrestent
le laict decourāt des mammelles & lempes-

chent a couler. Qui broye febues et les cuyt
avec suif de mouton ou autres gresses elles
valent a podagres & artetiques qui les met
sur le lieu comme Vng emplastre. Qui les
cuyt en Vin aigre & les met au cōmencemēt
sur enfleures & bōces de apostumes elles les
resoluent et reboutēt. Quāt les febues sont
en fleur elles couuoitēt tresgrādemēt leau
et quant les fleurs en sont hors elles ne de-
mandent fors seicheresse. Et dit len que les
febues ne peuēt cuyre en eau de mer ou en
eau salee/ & que es yslles de la mer oceane
il naist febues q de elles mesmes ne peuvent
estre cuytes/ & q en Egypte il naist febues
espineuses qui sont longues de dix coultees
lesquelles font prendre les cocodrilles/ car
ilz sen fuyent affin que leurs yeulx ne soyent
blecez des espines dicelles febues.

¶ Du far qui ressemble a speaultre.

Chapitre. ix.

Far est semblable a speaultre/ mais il
est plus gros en herbe et en grain. On
le seme au tēps que se doit semer le fro-
mēt & speaultre/ & suffist Vng corbillon pour
Vne iournee de beufz: cest bōne viande aux
sains et aux malades. On le cueille et net-
toie comme le froment & est de complexion
attrempee & nourrist assez bien & conforte et
engendie bon nourrissement/ et est plus res-
traignant quil ne soit laxant.

¶ Des faseolz. Chap. x.

Les faseolz sont assez congneuz: les
Vngs sont blancs & les autres rou-
ges. Ilz demandent telle terre cōme
le pannic/ & entre le pannic & les chiches les
peult on bien semer & prouffit. On les seme
aussi es iardis avec les chouly & les oignons
et si viennent bien en moins de lpee terre/ et
si les seme len en tel tēps comme les chouly
et oignons/ et de tant cōme la terre est plus
grasse en doit on moins semer et les faire
plus clers/ et les doit len souuent nettoyer
des herbes/ et cueille len cosses ou escorces
lune apres lautre quāt len appercoit a leur

blancheur quelles sont meures & les met on seicher au soleil sur draps ou langes. Les rouges sont chaulx & moistes au mylieu du second degre / & les blancs moins chaulx dūg petit et plus moistes. Et le scet on a ce que leurs grains ne peuvent seicher ainsi comme les autres / et se on les seiche si ne les peult on garder longuemēt. Ilz engēdrēt enflures / ventositez & grosses humeurs et grant fumee qui remplist la teste / et faict songes tres horribles / mauuais & corrompus. Auicēne dit q̄lz engēdrēt grosse humeur / mais q̄ la saueur en oste leur mauuaistie nuisāt & ausi si faict le vin aigre avec sel / poiure & organ.

¶ De git autrement dicte neelle.

Chapitre. xi.

G It est vne semēce noire comme vng triagle dōt lherbe naist es fromens speaultres & seigles / & en cōmun lan gage on lappelle gueronus ou gutrenus / et faict fleurs rouges en maniere de clochettes / et est chaulde et seiche au second degre. Elle a vertu de dissouldre et degaster cōtre les opilations de la rate et des reins & cōtre la passion des boyaulx & la douleur de lestomac q̄ procede de ventosite qui en vse en ses viādes de la pouldre. Et contre les vers du vētre len dōne la pouldre avec miel / & puis on faict vng emplastre de la pouldre avec ius dalupne & le met on entour le nombril.

¶ De purope autrement dicte droe.

Chapitre. xii.

D Roe & purope est tout vng elle croist entre les fromēs quant le temps est sec & corrompu / elle a vertu ague & benimeuse / elle faict opilations et si enpure et trouble lentēdement. Qui la cuyt en vin avec fiēte dasne & semēce de lin & en faict emplastre il vault a casser & dissouldre apostumes et escroelles. Qui la cuyt avec lescorce de la racine & la met sur vieilles playes & ia pourries elle les nettoye et guerist. Elle arde le fromēt pource quelle attrait a soy sa nourriture / ainsi cōme le pauot faict de la

uoigne et les chouly de la vigne / car ilz larz dent & seichent toute / ce dit Albert.

¶ De lentille.

Chap. xiii.



La lentille est vng grain cōmun & desire lieu tenue & pouldreux. Et cōbien quelle vienne en lieu gras / toutesuoyes luy vault mieulx le sec car elle est tost corrompue de luxure & dhumeur. On la seme en la lune douziesme de feurier / et suffist vng boicel pour vne iournee de beufz / sicomme dit Albert. Pource q̄ la lentille croist & viēt tost q̄ veult fumer le chāp ou on la doit semer / on le doit fumer de fiēs sec avant le semer et le laisser quatre ou cinq iours sur le champ & puis le mesler avec la terre & apres la semer. Palasdius commande que on le face ainsi affin q̄ elle viēne & croisse bien & tost. La lentille est froide au premier degre & seiche au tiers son nourrissemēt est gros & est de dure digestiō. Elle faict sang melencolieux & q̄ la māgeut avec les escorces elle replit le ceruel de grosse fumee & melēcolieuse / & si est cause de douleur & de faulx songes & paoureux. Elle faict vētositēz & enflures & cōstipatiōs / & pource elle nuist a lestomac par dessus tous les autres grains / & aussi au poulmon / a la dyasfragme / aux pelletes du ceruel et aux autres nerfz des petites peaulx / & par especial des peulx car elle leur attainct & seiche leur humeur / elle grieve mesmes aux peulx sains / & par cōsequēt encores plus aux foibles & malades. Et cōclus q̄lle grieve a cōplexion seiche. Mais elle vault bien aucunes fois a ceulx q̄ sont de cōplexion moiste q̄ les cuyt sās lescorce. Elles vallēt aux ydripiques / mais quāt lescorce y est elles nuisēt grādement pour lenfleure & vētositēz q̄lles font. La grāde & la nouuelle est la meilleure a cuire & a manger / & aussi a medecine que la petite Vieille et dure / et qui la mesle avec cendre elle sen garde mieulx.

¶ De luppins.

Chap. xiiii.

Les luppins sont semez pour cause dengresser terres ou vignes ou pour cueillir la semence. Les luppins que len seme pour engresser doyuent estre semez au moys daoust ou quant les grappes sont cueillies es vignes et les coeure len es terres a la charrue et es vignes a houes / et aps au moys daueil ou de may quant ilz seront venuz et creuz on les retournera en terre / et ainsi cest tresbonne gresse pour les terres et apres on y seme du mil et du pannic et quat sera faict on y semera du froment. Et vault mieulx pour les vignes la gresse des luppins que du fiens pource que il empire la saueur du vin. On les seme bien apres moissons es chaumes et estouables ou fauaz es terres bien arees par deux fois ou entour le commencement daoust. Et puis au moys doctobre on les taillera a houes ou a socs empres terre et la mettra len par fosses sur lesquelles les len semera le froment / et puis on le couurira de terre a ung soc et lors le grain sera tresson. Et en lannee ensuyuant len y pourra mettre du seigle ou du froment / et en ce mesme temps len pourra entre le pannic faire ces choses en la seconde sarculation / et quant le pannic sera cueilly ces luppins demourront pour engresser le champ au froment selon la maniere dessusdicte. Et en met on deux corbillons ou plus en vne iournee de beufz. Mais les luppins q sont semez seulement pour auoir la semence si doiuent estre semez au moys doctobre et en nouembre / et sufist ung corbillon pour vne iournee a beufz. On ne doit point semer luppins en champ cropeux ne lymoneux. Car luppins hayent crope et ayment terre pouldreuse et seiche. On ne doit point sourfouller les luppins pource que ceulx q sont sourfoulléz seichent et estaignent: car ilz nont q vne racine / et aussi ilz ne le desirent mye: car ilz griesuent assez les herbes sans ce q le laboureur y travaille. On les cueille au moys de iuing et de iuillet et le peult ontatost porter hors de laire: mais on

le doit mettre en grenier loing de lhumour / et ainsi on le pourra garder longuement / et par especial sil y auoit continuellement fumee dedans les greniers. Selon ysaac luppins sont chaulx et secs au secod degre / les aucuns sont amers et sont chaulx de leur nature / et valent en medecine / et les autres sont doux et sans saueur. La farine de luppins avec miel vault contre les vers du batre. Et aussi vault a ce le pain q est fait de farine de luppins et miel et alupne quat on le met sur lestomac / et ecore vault mieulx qui y adioust vng petit daloes. Ceste mesme farine meure et ropt les apostumes. Auicenne dit q les luppins amollient les cheueulx et nectopent la face et en ostent le drap et la morsee / et par especial quant on les cuit en eaue de pluye iusques a ce qlz se dissoluent. Aucuns dient que la farine de luppins brusle et arde le poil belu et ne seuffre point q lautre reuiengne. ysaac dit q qui lauerait les lieux ou il y ait punaises de leaue ou les luppins ayent este adoulcis que elles mourroient. Les luppins adoulcis sont de gros nourrissent et si sont durs a digerer / et pource ilz sont grosses humeurs gluans et visqueuses.

Du lin

Chap. xv.

Lin desire air attrempe et terre dissoulte grasse et deliee. Et de tant comme elle est plus grasse de tant sont les estoupes plus grosses / et de tant comme la terre est plus mesgre / de tant en sont les estoupes plus menues / et en mesgre terre communement il y croist peu de lin ou neant. Selon loppinion comune la terre est moult entpiree et traueillie de porter le lin et en amesgrist fort / et pource il la conuiet fort fumer de bon fiens et la bien ayder q veult continuer a la semer de celle semence. Pour semer lin la terre doit estre aree vne fois auant puer afin q les motes soient mises en pouldre auant luer / et puis soit aree vne autre fois le plus tost que len pourra apres puer / et puis soit espurgee et encore aree cinq ou six fois / et tat

quelle semble estre toute pouldre & que a la premiere fois quelle soit labouree bien parfond/et a la seconde moins/ & a la tierce encores moins/ & tousiours ainsi en diminuât la parfondeur iusques a la derniere fois/et puis demy aueil iusques en la fin dicelluy il faict tresbon le semer en la pleine terre/ & apres tourner la terre vne paulme par dessus la semence. Et en ceste semaille selon la coustume Dalexandrie ou il croist tresbon lin/ il suffit dung beuf pour mener vne char rue / et deux ioins ensemble deux charrues et lune charrue apres lautre ou quelle la tiēgne par le lōg du bras ou vng petit plus & le trape a vne corde & q chascune charrue ait sen bouvier q la maine et conduye. Et suffisent trois corbillons de semence ou peu plus pour la iournee dung beuf / et prouffitera bien la semence se le champ est ainsi labouree et bien purge & nectoye apres ce quil sera semie. Et se le temps estoit trop sec il seroit bon de larrouser. Et le peult on semer des auant puer en lieux chauly esquelz le lin q est leue nest point blece de froit & vient trop mieulx en terre moyennement croyeuse que en pouldreuse / et si nest point de necessite q la terre croyeuse soit grasse ne quelle soit arree plus de deux fois: mais que la terre soit mise en pouldre/et quant le lin aura este seme le meilleur est que la semence soit couuerte et traicte dune herse despines et la terre aplanie/et encores vault mieulx que la herse soit tiree a vne corde par vng homme que p beufz pour escheuer le grief de la terre et le peult chascun scauoir. Ceste semence peult estre nectoyee par deux fois: Par lentortillement et le podagre du lin dont il est enuelope si lestaint / et pource on le doit arracher et bien extirper auant quil senuelope entour le lin combien q le lin soit bien blece daller autour quāt il est grāt / & pour ce celluy qui le nectoye se doit bien secourcer et tousiours nectoyer aux mains deuāt soy: mais quāt on le nectoye la premiere fois le

peult bien aller parmy pource ql est encores ieune & petit & peult reuenir. On le cueille quant il est meur et que la couleur iaunist. Et le doit on mettre a couuert en grenier le iour q on le cueille affin quil ne soit mouille de pluye ne de rousee / & doit estre lye par faisseletz et puis escouy a mailletz de boys pour auoir la semence et puis se doit porter le lin en leaue et tremper quatre ou cinq iours / et quant leaue sera pourrie il y aura este suffisamment / et se elle nestoit corrompue quil y soit laisse iusques a sept iours et conuient que la chair de lherbe soit pourrie et q lescorce dont est faicte lestoupe soit sans corruption. Qui veult on le peult trop bien meurer a la maniere de nullan. Quant il est meur on le cueille sās les autres herbes qui y sont meslees et le met on en petis faisselletz qui se lyent dherbe de ioncs ou autre chose et le met on seicher en vng champ & le conuient garder de pluye & dautres eues / et par especial quant il est sec / et puis on le porte a couuert et le garde len iusques en aoust que la necessite de battre est accomplie. Et lors len oste la semence et porte len le demourant a leaue et le met on dedans et le doit on souuent remuer et bien plonger dedās et mettre par dessus du merrien ou des pierres pour le mieulx faire tenir en leaue et q il y demeure par demy iour sans plus / et quāt il est ainsi bien baigne on le doit rapporter a lhostel & le mettre tout ensemble en vng mōcel soubz couuerture empres le mur et le couvrir del feurre ou de pailles et le y laisser par trois iours ou il se eschauffera et se meurira/et quant il sera refroidy et faict tendre et legier ou que les semences qui y sont demourees commencent a germer ou q les ponte ostee de la chair par soy nest point brisee la meurete sera lors acōplie. Et lors chascun faissel sera diuise en trois ou quatre grans poigniees & soiēt lyees avec le lin et quelles soiēt bien seichees & mises en garde & puis apres on le pourra appareiller en

chascun temps de lan ainsi quil est par tout acoustume. Et pour scauoir quant il sera meur a point / se on le treuve en leaue si mol q'il nait point de roideur lors est il meur. Et aussi on le cōgnoist a ce q'il se len en prêt vng peu et soit mis hors de leaue et seiche / se la chair et lestoupe se departēt legieremēt il est meur / et se il nestoit assez meur lestoupe en seroit plus forte & plus blāche / mais elle ne se departiroit pas si legierement de la chair et seroit plus dure a filier / et se il estoit plus meur q'il ne deuroit lestoupe en seroit mois forte et se departiroit plus aiseement de la chair & seroit plus blanche & plus aisee a filier / et puis lors se deuroit leuer et battre de mailletz de boys pour en mettre hors la chair et apres le mettre au chault soleil / et quāt il sera eschauffe le mettre ensemble en draps chaulx & le couvrir. Et quant il aura ainsi este par aucunes heures le gramouillir & le froter: car en ceste maniere on le nettoye tresbien sans rōpre lestoupe & elle se rōproit qui la gramouilliroit ainsi tost q'elle viendroīt du soleil. Et se le lin estoit moiste il le faudroit appareiller de draps chaulx pour estre bon a gramouillir / & puis a espees de boys se doit acomplir toute la mōdification & apres on le pigne / cerence & file. Selon Auicēne la vertu de la semence de lin est pareille a la semence feuegre / elle est chaulde au premier degre et attrēpee entre sec et moiste. Qui en prent avec sel & poiure de la semence elle esmeult fort a luxure.

C De lorze.

Chap. xvi.

Orze seuffre tout air & desire terre grasse pour tresbien venir. et aussi il biēt bien en terre moyēne & est mieulx en lieu cler & ouuert que en lieu vmbraze. On le seme en tel tēps & en telle maniere cōme fromēt. Il demeure sept iours soubz terre sicōme dit Varro / & lors il vient dehors. Les grains des potages demeurent cīq iours soubz terre fors q'la febue. Albert dit q'on le peult semer au

commencement du printemps et peult estre faict chascun des deux: mais il vient plus tost a meurete de semer tard. Il y a vng orze q'on appelle marzolin ou secorzon qui est seme par tout le mois de mars & au commencement daueil & est meur en iuillet. Len treuve orze q'on nettoye a battre cōme froment. Et cestuy se doit aussi semer comme le froment et suffist pour semence de vne corbeille a vne iournee de beufz. On cueille lorze et se nettoye comme le froment / & pource on le doit cueillir quant il est meur auant q'les grains cheent pour la brisure des espis pource quil nest pas vestu de telles fueilles comme le froment. On le prent a tous les espis et tiges et le met on gesir par aucun temps aux champs / pource quil se y forme et agrandist / on le bat comme le froment. Selon ysaac & Auicenne lorze est froid & sec au premier degre et a vertu mōdificatiue et colatiue & seiche plus q'la febue / & pource deliure il mieulx de lenfueure. Orze et froment sont plus nourrissans et font plus a louer que les autres grains: mais lorze est le plus tost digere / et pource il est plus tost dissout et adelphe des membres. Galien dit de lorze & de la febue q' selon medicine pource quilz sont attrēpez ou pres de mesure ilz seruent en plusieurs lieux en medecine comme cire et huille pour emplastres et oignes. Et faict on de lorze vne cōfection tres prouffitāble. Premièrement on le cuit en eaue & puis on le seiche a rostir / et apres on en faict farine & le cōfist on avec sucre. Le vault en este a refroidir lestomac & le foye & oste la soif & vault trempe en eaue & que on le boyue ou mangeue dur. On en faict ptisanne par telle maniere affin que lescorce en puisse yssir. Len prent vne mesure dorze et neuf de eaue & les cuit on tant q'z viennent a vne mesure & puis on les coule & boit. Le vault a garder sante et a amoistir le corps et qui voudra plus ramoistir le corps si y mette vng peu de vin aigre ou de la semēce

de pauot blanc. Ptisanne si engendre tres-
cler et tresparfait sang en personne saine
qui en vse souuent et ne nourrist pas moins
que pain et la done len aux sains: mais len
la donne aux malades en diuerses manie-
res selon les qualitez de leurs maladies et
qui veult estaindre sa soif et la chaleur de
foye si en boye comme dessus est dit. Qui
veult quelle soit mundificatiue et fort cola-
tique que elle soit beue avec lescorce. Et qui
la veult refrigeratiue et laxatiue que len
mette dedas du miel violat au matin quat
elle sera cuyte/ et qui la veult prendre pour
loppilation du foye len doit cuyre avec des
racines de ache et de fenoil et la prendre a-
uec epizacre. Aucuns autres dient que la
ptisanne se doit faire en la maniere qui sen-
suyt. Len cuyt tresbien orgemonde en eaue
et apres est coule parmy vng drap et en est
faicte la farine en ceste maniere. Len prent
orge bien munde et est mis en la meule et
puis est la meule tournee vng peu esleuee
affin que la farine soit aucunement grosse.
Et quant telle farine est longuement cuyte
en eaue cest tresbonne viande a gens qui
sont en fieure / et par especial a ceulx q ont
apostumes es parties spirituelles. Aui-
cenne dit que lorze a les proprietes dessus-
dictes du seigle. Qui faict oignement de
ceste farine et de fort vin aigre et le met en
maniere demplastre sur lieu rongneux de
laide rongne et vieilles dertres / il guerist.
On en faict aussi vng emplastre avec chair
de coings et vin aigre pour mettre sur po-
dagre et il deffend que les superfluitez flu-
ans ne viengnent aux ioinctures. Leaue de
lorze vault aux maladies du pis/ et quat on
la boit avec semence de fenoil elle faict venir
aux mammelles du lait largement et telle
eaue refroidie et aduicist la fieure/ et se la fie-
ure est chaulde elle est bonne pure/ et se elle
est froide elle est bonne avec ache et fenoil.

C De milique ou milice

Chapitre. xvii.

Milique ou milice est vne herbe des-
quoy ie nay riens trouue es auteurs
en escript et si est tresbien congneue
p deuers nous. Il en est de deux manieres:
car lune est rouge et lautre est blanche / et
si en treuve len vne autre espee qui est en-
cores plus blanche q mil/ et encores y a q lune
croist moult et lautre peu/ et si en y a vne q de-
meure longement au chap et cest la plus gra-
de/ et lautre est meure en peu de iours come
le mil et croist peu en herbe come le mil/ elle
demande terre grasse et luy vault mieulx la
croyeuse q la poultreuse/ car elle amesgrist
trop la terre pour la grant nourriture ql luy
fault et desire terre moiste comme de palus/
et y vient tresbien quant on la laboure pre-
mierement/ car pour la grant gresse le froment
et la febue y periroient si ce nestoit que len y
eust auant seme de la milice q eust degastee
la gresse superflue. On la seme en terre pas-
tineuse ou en ferme/ et si peult on semer des
febues es fosses et en tous lieux ou elles se-
ront cleres venues. Et en la seconde sarclati-
on des febues tantost q les febues seront arra-
chees on les sarclera. On les seme en air at-
trepe en la fin de mars et au commencement
daueil et en air froit plus tard/ et y fault peu
de semence/ car la. viii. part dune corbeillon-
nee suffist pour vne iournee de beufz. Celle
qui est petite se seme en tel temps come le mil
et demeure autat aux chaps. La semence des-
meure soubz terre. xv. iours ou vingt auant
quelle naisce/ et quat elle est nee cobien q mi-
lice soit petite/ toutesuoyes on la nectoye bien
entour la fin de auil et le commencement de
may / et lors on la delaisse affin qlle germe
mieulx et ysse plus largement lors de la raci-
ne/ et apres au mois de iuing on le fronce et
nettoye la seconde fois/ et lors on doit assem-
bler la terre entour lherbe pour la garder
de cheoir et du soleil deffendue. On la cueil-
le au mois Daoust ou de Septembre en la
trenchant empres terre / et puis empres les
espis qui en veult auoir lherbe et les tiges/

et qui ne la veult auoir ainsi si flechisse les espis a perches / et puis les coupe et les mette en faisceaux et soyent les tiges laissees aux champs sur les racines. Il conuient en la iournee de beufz seize corbeillonnees ou enuiron de moyenne milice. On la doit seicher tant comme len peult apres ce quelle aura este batue ou folee de cheuault / et puis la mettre en lieu sec et plein de vent afin que se elle estoit trop fort entassee q elle neschauffast et corrompist lherbe / et les tiges sont bonnes a couvrir maisons et a getter sur les boyes en temps deste et quant ilz sont seiches elles sont bonnes a chauffer les febues. Et sont bones pour enuelopper les tiges des saulx que les bestes ne les escorchent et que la chaleur du soleil ne les arde. La semence de mufice est bonne aux porcs et aux beufz / et aussi en peult on donner aux cheuaults et en temps de necessite les gens en peuent user et en mettre au pain avecques les autres grains / et par especial les laboureurs q moult traueillent. Cest ung grain froit et sec et qui engendre melencolieux sang et si enfle et pour son pois faict descendre la viande quil treuve au ventre.

Du mil. Chapitre. xviii.

Le mil est ung grain bien cogueu et en est de deux manieres: l'ung q demeure au champ par trois mois / et lautre est meur en quarante iours apres ce quil est seme. Il desire terre tresbien aree et grasse et deliee / et si viet bien en sablon ou en areine ou grauelle / mais quil soit seme en terre arrousee et en moiste ciel / car il hait terre seiche et argilleuse / et gaste et aneantist fort la terre ou il est seme. On le peut semer es fosses des febues et entre elies ou elles seront cleres en la seconde sarruculation se la terre est poudreuse ou non croyeuse a moitie ce qui y sera a sarruculer les febues seront arrachees et y sera mis. Len peult semer le mil en autil / en may et en iuing. Paladius et Barron dient et experience si accorde que se

len seme le mil au mois de mars quil sera meur au mois de iuing. Et pource qui vouloit se la terre estoit grasse on le pourroit semer encore Vne autre fois en este / et suffist la vingtiesme partie dunz corbeillee pour Vne iournee de beufz. Il est meur quant il est tout blanc. On le deffend a peine des oyseaulx. Quant il sera soyé on le mettra au soleil par faisceaux tous droictz par deux iours ou trois / et puis on le portera en lair et la sera batu et Vane affin quil ne seschauffe qui le mettroit en ung tas / et quant il sera batu et Vane on le doit tresbien seicher auant que on le porte en grenier / car le mil seschauffe trop fort et se corrompt se il nest tresbien seiche et quant il est bien sec il dure longuement / et en cueillent les aucuns les espis et les gardent comme le panis. Selon ysaac le mil est froit au premier degre et sec au second / et ce appert assez par sa legierete et sa concuite / et ce quil na vetosite ne viscosite il nourrist moins que les autres grains dont len faict pain / et pour cause de sa seicheresse il conforte lestomac et les autres medres. Il est diuretique / et pource on le rotist et seiche au feu / et le met on chault sur le ventre a lencontre des extorsions et douleurs. Ceulx qui veulent deuenir gras et engresser ne le doiuent prendre pour nourriture ne pour medecine pour sa seicheresse / ne aussi ceulx q veulent engedrer bon sang en leur corps / mais ceulx le doiuent prendre q veulent oster de leurs corps et corriger les humeurs superflues et amesgrir leur chair.

De pannic. Chapitre. xix.

Pannic desire telle terre comme le mil / et se seme en tel temps et en telle maniere comme le mil / et ne conuient point plus de semence au semer de l'ung qu de lautre / et se nectoye ainsi l'ung comme lautre / et se peult semer entre les febues / les chiches / les faseols et vignes selon la doctrine baillee du mil. Il est Vne maniere de panis q croist et est pfaict en peu de temps / et se peult

Du labourage/et du proffit de chascune semence.

semer apres les moissons cueillies quant les chaulmes & estoubles sont cassees deux fois ou trois. Il vient tresbien es terres bien arees & les mottes cassees se il nestoit temps de trop grant seicheresse. Selon ysaac le painic est semblable au mil en forme & en nature mais il nourrist moins et si seiche plus le ventre et serre. On le prent en diuerses manieres et selon ce il a diuerses operations/mais en quelcōque maniere quil soit prins il vault mieulx que le mil. On le cuist aucunesfois avecques gresse ou hyplie / et aucunesfois avec lait de chieure ou de amandes/ et vault mieulx cuit avec gresse/ pour ce que il pert sa seicheresse et acquiert bonne saueur et bon nourrissement et pert sa force de serrer le ventre. Et qui le cuit avec lait il vault mieulx que celluy qui est cuit en eaue. Il y a deux manieres de le cuire en eaue/ car on le y peult cuire tout casse ou molu et casse a la meule. Qui le cuit entier on luy doit oster l'escorce/ & quant il est cuit en ceste maniere il est gros et dur a digerer et si nest point serrant le ventre pource que il faict tout descendre en bas pour son grant poys. Et qui le cuit molu ou casse len met en vne mesure de pannic dix mesures de eaue/ et quant il aura boulu deux ou trois fois on le frotera aux doiz & le coulera le/ et puis se doit cuire celle couleure iusques a ce quelle soit dure / et ainsi il sera bon et prouffitabile a manger & plus leger a digerer et plus delie q̄ les autres et plus stiptique.

Des pois. Chapitre. xx.

Le pois est grain rond/ blanc & gros et le seme len en Septembre ou en Octobre et en Ianuier ou feurier/ et sicomme ie cudy il vault mieulx en terre legiere et pouldreuse et en lieu tiede et temps moiste / et suffist au semer des deux pars dune corbeillonnee a vne iournee de beufz/ et le doit len cueillir quant les escorces sont seiches et les grains durs et au decours de la lune & pres du deffault. Le pois

est froit au premier degre et attrempe entre sec & moiste. L'escorce en est stiptique/ & quant il est nectoye de l'escorce il en vault mieulx et engendre meilleur nourriture & si ne fait pas enfleures et ventositez comme la febue et si est bon a user en este & en chauldes contrées et bien prouffitabile.

De speaultre. Chap. xxi.

Speaultre est grain assez cōgneu & y a diuersitez/ car lung est plus pesant que lautre & est meilleur/ & le plus legier est le pire. Il demande tel air et telle terre cōme le froment / mais il se deffend mieulx en terre mesgre q̄ le froment. Il vient tresbien en crope et en plain chāp. On le seme en tel tēps et en telle maniere comme le fromēt. Mais il fault deux corbeillees de semence en vne iournee de beufz et vne corbeillonnee de froment y suffist. On le cueille et nectoye comme le froment et en telle maniere/ & le cueille len tātost apres le froment pource q̄ meurt plus tard/ et aussi le conuiēt battre. Mais toutesuoyes quant il est hors des pailles on le rebat plusieurs fois pour lofter de ses arestes et le nectoyer. Le speaultre est de attrempee qualite/ et est tresbonne nourriture pour beufz et cheualx et telles bestes/ & aussi en peuent bien les gens user pource q̄ le pain de speaultre est attrēpe et legier. Et pource qui mesle les trois pars de speaultre et la quarte partie de febues on en faict tresbeau pain et bon pour cause de la legierete du speaultre/ & si est bontel pain pour la famille qui le faict diligemment & par art/ sicomme il est dit dessus du froment.

Du seigle Chapitre. xxii.

Seigle est grain commun/ et na quelconque diuersite/ Il veult air commun comme froment / et si l'endure bien plus froit comme en montaignes/ car il est plus tost meur. En may et en iuing est bō de trencher les rainceaux es boys des montaignes/ et puis quant ilz seront seichez les

aroir en aoust & mettre en cédres & apres
esprendre ces cendres ou on doit semer le sei-
gle & il viendra tresbié en celle annee & puis
doit on laisser reposer la terre p sept annees
& apres recōmēcer cōme dessus. Le seigle de
mande terre sablonneuse & deliee: mais tou-
tesuoyes il vient meilleur en terre grasse et
chāp plain & ouuert. On le seme en tel tēps
cōme le fromēt & vauldroit mieulx de estre
seme auant q apres. Et suffist au semer du
ne corbillonnee pour vne iournee de beufz.
On le cueille aussi & nettoye comme le fro-
ment / et florist enuiron huyt iours vers la
fin dauril & le cōmencemēt de may es lieux
attrepez / & en ce temps on ny doit point tou-
cher / et quāt la fleur en est cheue il croist a-
pres par .xl. iours iusq̄s a tant q̄ il est meur
& est plus tost meur & doit estre prier cueil-
ly q̄ le froment & est batu & nettoye par sem-
blable maniere cōme le froment. La substā-
ce du seigle est tenant & moult visqueuse / et
pource est bon de le mesler avecq̄s milique
ou milice / & le mil & les febues & telz grains
a faire pain pour laboureurs et la famille /
car ilz s'assemblent et ioignent trop bien en
vne paste. Et qui seroit le pain de seigle seu-
lement il ne tiendroient pas bien ensemble /
aincois se froisseroit & briseroit. Len vse peu
de seigle tout seul & tout pur sans y iordre &
mesler autre grain pour la cause dessusdi-
cte. Auicenne dit quil est de nature dorge /
car il est froid et sec au premier degre et si
nourrist moins que le froment. Et son eaue
brise la cuite des humeurs et aussi faict la
farine. Vng. epithime de farine de seigle
mis tout chault sur vng drap et de farine
cuite ainsi comme vng coleiz avec pois & co-
lophonie font vng tresbon emplastre sur
dures apostumes et avec ce le seul bien sur
les apostumes chauldes.

De la Besce. Chap. xviii.

Nous vsons de la Besce en deux cau-
ses & manieres: car on la cueille pour
viande ou pour auoir de la semence.

Cest tresbone viande pour cheuaulx / pour
beufz & autres bestes tant de lherbe comme
de la semence. On la doit semer en ianvier
et en feurier / et non pas au matin quant la
rousee y est / mais quant le soleil aura seiche
la rousee: car len a trouue par experiēce que
la Besce ne peult porter la rousee aincois es-
le en pert sa vertu et sa force. La Besce a tel-
le propriete que qui la cueille verte et puis
que tantost apres le champ soit are avec ce
qui demeure sur terre le chāp en est engresse
comme il seroit de bon fiens / et se lherbe et
la racine se seichent sur terre auant que le
champ soit are elles attrapēt lhumour et la
gresse de la terre du champ.

Cy fine le tiers liure: et ensuyt
le quatriesme.

Quel arbre est la Vigne & de la ver-
tu de ses feuilles & cendres / & de la
lerme qui decourt d'elle.

Chapitre premier.



Vigne

est bien congneue par de-
uers no⁹: mais elle nest
point congneue es froys
des contrees ou elle ne
peult viure. Et pource nous disons que cest
vng hūble et ployāt arbrillon moult tortu
& plein de neux et q̄ a larges conduitz / grāt
moelle et larges feuilles et trēchees & q̄ ne
peult viure bien estre ne durer sans tailler
et sans estre appuyee et soutenue daucuns
autres arbres / perches ou eschalatz / & dont
la liqueur q̄ vient de ces grappes q̄ len ap-
pelle le vin est tresprecieuse. Les faeilles de
vigne sont tresmedicinables / car elles net-
toient et guerissent playes qui les cuist en
eaue elles rafreschissent chaleur de fieure /
et q̄ les met sur lestomac elles adouccissent
gradement lenfieur et pointures dicelluy
et si aydent aux femmes grosses. Elles cō-

fortent le ceruel et font dormir. Qui boit souuent de la lerne elle brise la pierre/sicome dit Diascorides. Elles aguissent la veue et ostent la lippe des yeulx et si valent cōtre morsure venimeuse/et si restraignent le ventre. Et aussi la cēdre dicelles fueilles vault aux choses dessusdictes qui la mesle avec ius de rue et hyulle. Plinius dit q̄ les fueilles de Vigne adoulcissent lenfleure et ostent la douleur de la teste/et qui les mesle avec farine de orge elles guarissent chaulde artetique. Elles valent a dissintere. Et se le patient en boit du ius il luy prouffite et apaise grandement. Lescorce de la Vigne et les fueilles seiches restraignent le seigner des playes et les guerissent et recloent. La cēdre de Vigne purge et guerit fistules en bref temps/et adoulcist la douleur des nerfs/et remet a point ceulx qui sont contraitz/et avec hyulle guerist morsure de chiens et des corptions. Et la cēdre de lescorce restitue les cheueulx perdus et les multiplie.

De la diuersite des Vignes.

Chap.ii.



Plusieurs et diuerses manieres et especes de Vignes sont selon les diuerses contrees et coustumes: car les vnes se font par ayde de pieux et de perches en ordre/et se faict en deux manieres. L'une que a chascun cep de Vigne a son pieu ainsi quil est acoustume en plusieurs parties de Lombardie. Et en ceste maniere quant la terre est maisgre les plantes sont mises a trois piedz lune de lautre/et se la terre est grasse a quatre piedz pres/et en la moyēne terre trois piedz et demy. Et vne maniere y a que len estend vne Vigne sur plusieurs pieux et perches: et ainsi se faict on en plusieurs parties de la marche Dancone/et sont plantees en telle distance comme la terre le requiert selon la gresse ou maisgreur affin quelle puisse bien a point couvrir toute lescorce de la terre. Et sont telles Vignes foupes a picz et houe se

elles nestoient trop malemēt haultes et en grant distance. Les autres les taillent en forme dung arbret comme en Prouence/et nont telles mestier de pieux pour ayde. Et sont faictes p̄ tel ordre que on les peult bien arer et semer de diuerses semences ou en tel le maniere quelles sont si egaleement distantes que on ne les peult arer. Et en ceste forme elles sont loing lune de lautre a trois piedz ou plus ou moins selō ce que la terre est grasse ou maisgre. Aucunes sont faictes en autre ordre a perches et eschalias ou en forme de petites treilles qui sont basses de la partie des souches et haultes de lautre partie: et est ceste maniere gardee en mutine et en plusieurs autres lieux et parties et par especial es iardins et esbatemens. Aucunes autres Vignes sone iointes a petis arbres formez et ordonnez a ce par les chāps loing lung de lautre a la volente du seigneur et maistre: toutesuoyes la moyenne et commune maniere de distance est de quinze a vingt piedz/et est ceste maniere gardee es parties de Milan. Aucunes sont plantees es riues des fosses quant on les treuve/ou par les champs empres grās arbres affin quelles couurent les biens qui sont es champs ou es riues et que ilz fructifient. Et est ceste maniere gardee en plusieurs parties Dytalie en Mutine en Puille et en Tuscanie. Et encores aux Vignes qui sont mises et plantees en ordre len met a aucunes perches et pieux et branchettes ou eschalias seulement/et est tend on les sermēs en quatre parties ou en deux sans plus au long comme perches ensemble et sont liees/et est ceste maniere gardee a Cardonne/a Cremonne et a Pistoue. Et les aucunes sont laissees gisans sus terre sans ayde/et ne se doit faire que pour le deffault et indigence de la prouince/et ce peult estre par especial es montaignes haultes/seiches et arses ou les grappes ne pourrissent point pour gesir a terre aincois sont gardees de la grant chaleur du soleil.

Dela diuersite des especes et genres des Vignes.

Chapitre.iii.

Mult de diuersitez de genres et des especes sont de Vignes / car les aucunes doubtent grandement la pruiue et la nyule / et les autres ne les doubtēt gueres. Aucunes autres doubtent vent et seiche resse / et les autres non et les endurent bien. Les aucunes sont moult plantureuses en fruct et les autres en font peu / et les aucunes dōt les fructz sont tost meurs et les autres tard. Aucunes en y a qui perdent trop souuēt leur fruct en fleur et les autres non. Et si est aussi aucunes Vignes qui perdent leur fruct par bruyne / et les autres sen defendent bien. Et si en est q sont legierement rōpues par le vent / et les autres se tiēnent bien. Les aucunes doubtent pluye / et les autres grāde seiche resse. Et aucunes qui ont gros noeuys especes et drus / et les autres ont les noeuys loing lung de lautre. Les aucunes sont bien longz et gros gettōs et les autres courts et menus / et si ont les aucunes grant moelle et les autres petite. Les aucunes ont les fueilles moult entrecisees et les autres peu et autres qui les ont rōdes et continuees. Et sont les aucunes grappes blanches et les autres noires et autres qui les font rouges. Les aucunes font peu de bourions et grans / et les autres assez et petis. Aucunes font leurs grains durs et les autres molz / et si ont les aucuns grains dure escorce et les autres tendre et delyee. Et aussi aucunes Vignes font beaulx grains et clers et les autres obscurs. Aucunes Vignes portēt grais moult douly et les autres aguz verdz et aigres. Et aucunes qui sont vin bien gardable et les autres font vin qui est de legier corrompu. Et sont toutes ces differences cleres et manifestes aux hommes sages et experts en cest art.

Des diuerses especes des Vignes.

Chapitre.iiii.

En treuve moult de especes de Vignes et qui sont nōmees par diuers noms en diuerses contrees et prouinces. Mais pource que les aucunes dicelles sont meilleures que les autres / Je vueil premierement traicter des mieilles et escripre les noms et leurs bōnes conditions / et puis apres sera traicte des autres moins bōnes affin que ceulx qui en voudrōt planter ou enter en ayent cōgnoissance. Et pour ce ie dy au premier que il est vne maniere de Vigne qui porte grappes que len appelle en ytalie sclaue qui sont blanches a grains rondz / elle bourionne assez tard et faict assez bouriōs grās et especes et a la fueille moyennement entrecisee / et si gecte en chascun serment soit Vieil ou nouuel deux ou trois ou quatre ou cinq bourions / et en est le boys si dur q a peine sont les sermens ployez en bas pour la pesāteur des grappes / et toutes uoyes elle passe mesure de remplir les bourions / et en sont les grappes moult vineuses et luisans et sont tost meurs / et en est le vin tressubtil et cler / tresparant / assez puissant / meur et gardable. Il desire terre mesgre et mōtueuse et y fructifie mieulx que en autre terre q la retaille estroictement : car elle ne peult nourrir longs gettons avec les grappes / et est cōmune a braye et es parties des mōtaignes de mantue et y est en grant especiaulte a hōneur deuant toutes. Il est vne autre espece de Vigne nōmee albane q bouriōne merueilleusemēt tard et a vne grappe blanche q a longz grains et faict assez grās bourions longz et especes et fructifie moyēnement et a les fueilles moyēnement entrecisees / et en est le boys si dur que il ne se ploye point en bas pour sa charge / et recoiuent les grains grant couleur du soleil / et sont bien tost meurs et leur meurete acōplie et si sont bien douly en saueur : mais l'escorce en est austere et aucunement amere : et pour ce vault mieulx que le vin soit tantost trait q le laisser bouillir longuement avec ses es-

corces. Le Vin en est puissant et tressort & de noble saueur / & est moyennement delie: & si se garde bien & longuement / et de tant q'il sera cueilly plus hastiuement / il sen gardera mieulx. Le Vin est en grāt hōneur en Romaniole et a Harlin ou on le retaille tress'estroictemēt pource q'il ne vauldroit riēs a longs sermēs. Il est vne autre espeece de Vigne que len appelle tribiāne & est blanche a grains rōdz & faict moult de gētōs & petiz & est brehaigne en sa ieunesse / & porte largemēt en sa vieillesse / & faict moult noble Vin / & q' bien se garde / & est ce Vin grādemēt renommé par toute la marche. Il y a encores vne autre espeece de Vin nommée granelate q' na q' vng pepin dedās chascun grain de raisin / et sont les grains aucunement longs et tressclers & faict vng Vin tresscler / puissant / durable & de noble saueur & odeur / & est prise tressgrādemēt a tardēne & es parties de uiron. Il y a vne autre espeece de Vigne que aucuns appellent malice ou faracle qui a grains blancs & rōdz / & trouble & delie es corce / et poise merueilleusement / et se desfend assez bien en terre maisgre / & faict Vin moyennement bon et puissant / et nest pas moult subtil ne durable / & est ce Vin tressbien prise a Boulongne. Il est vne autre espeece de Vigne que len appelle garganique q' est blanche & ronde & merueilleusemēt douce / clere & luyfant & de couleur dor & a grosse es corce / et est plus gardable que tous les autres & trespantureux en fruit / par especial la femelle: car le masle ne vault riens. Les grains du masle sont lōgz & de couleur dor / mais il est du tout brehaing. Le Vin en est moult grandement subtil / cler / trespant et de petite puissance et assez durable: et est ce Vin de grant reputation a Boulongne et a Pade. Il est aussi vne autre espeece de Vigne appelée albanique qui est assez blanche et non luyfant / et est pleine de taches et ronde & merueilleusemēt douce et qui faict bon Vin et tressdoux / et en aucunes années

est brehaigne / et en autres bien plantureuse / & qui la taille estroict elle est brehaigne / et qui la taille longue elle est assez plantureuse / & est en grant honneur en aucunes cōtrees de Boulōgne / & par especial au Bourg de Panical. Il y a vne autre espeece de Vigne que len nomme Suranepe qui a grappe blāche moult douce & belle & fructifie bien es arbres. Et si y a vne autre espeece de Vigne nommée Frigoue qui nest pas plaisant a manger / & est moult plātuse es arbres / et pource est elle bien competant ou les gēs pillent & robent les Vignes / & sont ces deux dernieres apmees a Pistori par deuant toutes autres. Len treuve deux autres especes de Vignes a grappes blāches nommées Muscatel et Linatique ou Linanica / et combien que elles soient de grant reputation par deuers aucuns: toutesuoyes par deuers nous on les tiēt les moins bōnes a māger / & par experience pource quelles apportent trop peu de fruit ou quelles doubtent trop la bruine et sont tressbonnes a manger quant elles sont sus les arbres / mais es Vignes espesses et pres de terre elles biēnēt a peine a bien et ne plaisent point. Il y a autres especes de Vignes qui portent le Vin grec et le Vin de garnache / & combien que par deuers nous elles facent bons Vins: toutesuoyes elles font peu de bourions. En cortone / grapose / fuzolane et luzina elles font bōs Vins & si sont par aucuns ans merueilleusemēt plantureux & portent grans bourions: mais elles sont le plus souuent destituées de leur fruit en leur fleur ou au mois y seuffrent grant deffault. Des Vignes noires len en treuve moult de tressbonnes & aucunes q' valent peu. Les bonnes sont grilla et siziga lesquelles sont appellees par autres noms mergegana et rubiola et sont ainsi comme dune condition: car elles sont vng petit noires / et portēt chascun an assez de fruit et ont les grains longs et lescorce subtile et delpee / et communement le ius

creue l'escorce & en sont les raisins beaux et
plaisans. Elles ne viennent pas bien en mon-
taignes : mais elles viennent bien en terre
champestre / toutesuoyes il y a aucune diffe-
rence / pource que siziga porte le plus noble
vin : mais elle en porte le moins pource qu'il
se a petis gettons combien qu'il en face plu-
sieurs et si porte petis raisins . Et grilla si
faict tout le contraire : & haboient ces deux
especes de vignes a Boulongne & en plu-
sieurs autres lieux . Len treuve vne autre
espece de vigne dont les raisins sont rouges
que len nomme nubiolon . Elle faict & rap-
porte merueilleusement de vin : mais les rai-
sins nen sont pas delectables a manger. Elle
demande terre tresgrasse & pleine de fens
et hait les ombres / & est moult hastiue en
fructifier . Elle faict tresbon fruit et en est
le vin puissant & se garde bien et en est grant
reputation en ces parties . Il est vne autre
espece de vigne nommee mayolus qui faict
vne grappe tresnoire et meure hastiue-
ment et faict beaux / longs et espes bourions / et
en sont les raisins doux en saueur / et faict
vin dur & qui bien se garde et est assez plan-
tureuse / et si vient bien en terre plaine & en
montaignes / & est ceste vigne tout autour de
Boulongne . Len treuve vne autre espece
de vigne nommee duracum merueilleuse-
ment noire et a longs grains dont le vin est
noir oultre mesure / & est ce vin bon en terres
moistes et pleines deques . Mais en mon-
taignes et lieux secs il ne vault riens et ne
peult venir en telles terres . Il est vne au-
tre espece de vigne nommee gunuaresca . Les
raisins nen sont pas moult noirs : mais ilz
sont longs / & auant qu'ilz soyent meurs toutes
les feuilles cheent / & sont en saueur poignat
et aigre . Elle faict suffisamment de fruit
et a peu de bourions / mais elle faict tresbon
vin & qui se garde longuement. Les raisins
ne sont pas communement mangez des oy-
seaux / des chiens / ne des ennemis pource
qu'ilz ne sont pas doux. Ceste vigne est en

plusieurs lieux es montaignes autour de
Boulongne . Il est vne autre espece de
vigne nommee binarionus qui est pareille a
la precedente en forme / en saueur et en du-
ree : mais elle a plus grans bourions et plus
gros grains / et si faict plus de vin : mais il
est moins bon / et demande ceste vigne plus
grasse terre qu'autre & est en plusieurs par-
ties autour de Boulongne. Encore y a vne
autre espece de vigne nommee paderinga qui
a moult de grains et moult gros & espes / &
moult de grappes / et faict gros vin et bon
en vuer quant il vient en bonne terre / mais
il ne dure point en este. On le treuve es par-
ties de Boulongne & de plusieurs autres ci-
tez aussi / mais il a diuers noms en diuerses
contrees . Plusieurs autres especes de vi-
gnes sont qui sont noires moult louees pour
diuerses conditions / sicomme pignolz qui
sont moult aimez vers Millan & font bon
fruit vers nous. Et come vne autre vigne
appellie albatica qui doubte moult tempeste
dorage et faict cruel et dur vin . Et comme
vne autre nommee Varana / elentina & por-
cina / lesquelles iacoit ce quelles soyent de
grant douceur et quelles facent bien bon
vin / toutesuoyes elles sont ainsi comme vie-
haignes pource quelles doubtent trop tem-
peste et pruiue. Et aussi Balmuniga & mus-
ca qui sont grandement noires / et avec ce me-
legonus qui est la plus tost noire de toutes
les autres. Et aussi canucula dont la grap-
pe est tresbelle et se garde bien. Et sont en-
cores autres especes de vignes qui ont les
grappes rouges / sicomme curaprium qui est
tresdouce et se garde bien : mais elle n'est
pas moult plantureuse en fruit. Il est aus-
si plusieurs autres especes de vignes sau-
uages qui len appelle labrusques dont les au-
cunes sont blanches et les autres noires et
font moult petites grappes & petis grains
& sont en hayes despines vertes & en arbres
et croissent de leur mouuement sans autre
labourage / et qui les laboureroit et taille

roit elles deuiendroient fraîches & porteroient plus gros grains et plus grosses grappes. Celles qui sont noires taignent le Vin et le clarifient quant on les met entiers ou vng peu cassées dedans les tonneaux et ne blessent point la saueur du Vin/ & les grappes blanches aussi clarifient le Vin blanc et aussi le purifient. Il y a aussi aucunes especes de Vignes qui ont grosses grappes & dures q̄ l'en appelle pergule ou bromesta dont les aucunes sont blanches/ & les autres sont noires/ & les autres rouges. Les aucunes ont grains ronds/ les autres bien longs/ & les autres moyens/ & autres q̄ ont les grains reteurs. Et de toutes ces especes les aucunes sont hastiues en meurer et les autres sont tardiues/ & pource vous pouez eslire celles qui mieulx vous plairont pour manger/ car on ne les plante pour autre cause pource q̄ on n'en faict point de Vin combien quelles soient bien conuenables pour faire Vertius bien agu/ aigre et poignant.

De l'air et des places conuenables aux Vignes.

Chap. V.

L ciel est de moyenne qualite et doit plus tendre a qualite tiede q̄ a froide et plus a seiche que a trop moiste ne trop ombre : mais par deuant toutes choses entre tempestes & vents/ les Vignes doubtent la galeine pour la froidure/ mais le Vent de midy les engresse et les ayde et anoblif/ et pource doit l'en regarder se l'en y aura plus ou moins du Vin et se il sera bon ou meilleur. Et quant aux places et aux sieges des Vignes/ est assauoir q̄ les champs et les vallées ou il n'y a pas trop deau portent le plus de Vin et les champs et les costieres d'empres et q̄ se sentent deulx si portent le plus noble Vin. Et deuous scauoir que en froides contrees qui sont montueuses/ les Vignes doiuent estre mises Vers midy/ et en chaudes contrees Vers septentrion & en contrees attrempees Vers orient ou

se mestier est Vers occident affin q̄ p telle diligence subtilite la qualite q̄ les autres excede soit attrépee/ pource q̄ ce aide moult aux Vignes. Si doit l'en mettre la Vigne q̄ resiste bien cōtre la bruiue & gros air & la plâter en lieu plein. Et es costieres celles q̄ demâdēt le sec. Et en terre grasse les Vignes gresles et biē portās/ & les Vignes fermes q̄ portēt largemēt enseiche terre mesgre & froide. Et celles q̄ se auancēt destre meures deuant l'auer en lieu froit & plein de nues. Et celles q̄ portēt durs raisins et q̄ fleurissent le mieulx et plus seuremēt entre les chalines en lieux bêteux. Et celles q̄ ont les grains plus tēdres en lieux chauds & moistes. Et celles q̄ ne peuēt porter pluies en lieux secs. Et afin den dire au mois de parolles l'en doit eslire les Vignes qui de leur nature desirent lieux cōtraires a ceulx ou elles ne peuēt durer/ mais toute cōtree plaisant & cōuenable pour semer est bone pour toutes manieres de Vignes/ et le sage hōme q̄ aura esprouue & experimēte aymera ce q̄ dit est & ordōnera des choses ainsi quelles se deurot ordōner.

De la terre qui est conuenable aux Vignes.

Chap. Vi.

La terre pour planter les Vignes ne doit estre trop espesse ne trop delpee/ mais elle doit tendre au delpe et ne doit pas estre trop menue/ trop gresle ne trop fumeie combienque fiēs y soit bon & ne doit pas estre trop pleine chāpaigne ne trop roide mōtaigne/ ne trop seiche/ ne huypleuse ne salee ne corrompue/ ne telle quelle doyue blecer la saueur du Vin. zophus et aucuns autres pays plus durs ou les Vignes sont ferues de gelees & de froidures & ou les gelees sont grandes et solibus portent tresbelles Vignes dont les racines sont refroidées en este/ & l'humour detenue & gardée/ mais q̄ la glaire soit dissoulte & le chāp pierreux/ et les pierres rondes et bien mouuables et que toutes ces choses soient meslees avec

les grosses mottes & q̄ len mette des saulx
et oziers autour de la terre. Car pource q̄
les aurôt froidure & humeur les racines ne
mourront point de soif ne de seicheresse. Apres
les lieux ou la terre & leau dequeurēt
des montaignes en terre argilleuse est bon
ne. Mais la seule argille leur est cōtraire.
Noir sablon & rouge ou forte terre et meslee
sont bons. Terre sablonneuse faict toute la
Vigne estre maisgre qui n'y met gras fiēs.
Ce setoit forte chose que Vigne venist bien
et reprint en terre rouge & se elle y venoit et
reprēnoit quelle peust estre nourrie en icel
le. Et certes telle terre est aduersaire aux
autres genres de terre: car elle ne recoit hu
meur attrēpee ne du soleil / ne de rousee / de
pluie / ne de seicheresse pource que il y a tous
iours trop de lung ou de l'autre / et se len en
treuve aucune attrēpee cest la meilleur / et
par especial celle q̄ est la plus delpee. Nous
congnoissons la terre prouffitabile pour les
Vignes par les signes qui sensuyuent. Se la
couleur de la terre est du corps d'elle et vng
peu maniable & que les arbres & herbes q̄lle
porte soyent tendres / doux / purs et nectz /
longs et fructueux cōme sont periers sau
uages / pruniers / buissons et telz arbres et
qu'ilz ne soyent point rōgneux / bossus / mais
gres ne brehaings telle terre est bonne. La
derniere cōdition de la terre ou il y aura eu
vieilles Vignes se la necessite le requiert il
fauldra arer icelle terre y plusieurs fois / et
affin q̄ toutes les racines des premieres Vi
gnes soiēt toutes extirpees & ostees / & aussi
toutes les tiges et seps et lors on y pourra
planter seurement nouvelle Vigne.

De la nourriture et disposition de
la terre ou len doit planter Vigne.

Chap. vii.

On doit fouyr / houer & labourer la ter
re ou len doit planter la Vigne / cest
assauoir en lieux secs au mois de sep
tembre ou de octobre & en lieux moistes en

ianuier / en feurier ou en mars / & lors on la
peult planter. Et se peult faire ce que dit
est en trois manieres. Cest a scauoir de
fouyr toute la terre ou de faire petites fos
ses ou longues ruyeres. Car quant la terre
est orde len doit fouyr & remuer tout le chāp
a ce q̄ les trāces & herbes sauuages en soyēt
tous hors pour y planter Vigne toute nou
uelle. Et puis len faict des fosses pour rete
nir lhumeur q̄ sont larges de trois piedz ou
de quatre & hault d'ung pied en lieux moi
stes ou de deux en lieux secs. Et se cest Vi
gne q̄l cōuenist aps fouyr a houer ou a picz
on la laissera au soleil pource q̄lle est nour
rie en la fosse de la vertu du soleil. Et doi
uent estre ces fosses loing lune de l'autre de
trois ou quatre piedz en terre menue & mais
gre / & de cinq piedz en terre grasse / & de trois
piedz & demy en terre moyēne: mais sil cōue
noit arer les Vignes on laisseroit tousiours
entre les ruyeres cinq ou six piedz qui ne se
royēt point arez ne fosserez. Et q̄ voudroit
que en aucun temps la terre feust aree & se
mee pour escheuer les despens & pour auoir
plus de fruct il conuiēdroit faire que lune
fosse feust loing de l'autre neuf / dix / ou dou
ze piedz ou tant cōme len voudroit que lu
ne Vigne feust loing lune de l'autre. Et quāt
y l'espace de quatre ans la Vigne seroit creue
et grande / len pourroit apres planter par
belle ordonnance Vigne par tout et remplir
toutes les espaces et quelle soit plantee es
fosses tres espesses affin que len puisse prē
dre et traire de chascune partie aucune cho
se & se remettre de chascune part par ordon
nance / et par ce faire deux Vignes de nou
uelle ordre et que la tierce demeure et que
len face ainsi des autres / et ainsi tout sera
tost acomply. Et du surplus de la maniere
de faire les fosses et les troux pour planter
la Vigne et des passeaulx bouter en terre
ne sera point faict de mention pource que
les Vignerōs & plusieurs autres personnes
en ont assez congnoissance.

En q̄l tēps on doit cueillir les plâtes des Vignes / & q̄lles plâtes / & cōmēt on les doit garder & porter en loingtaines parties. Chap. viii.

On peult cueillir les plantes des Vignes quant on les veult replanter / et aussi les peult on cueillir par auāt: mais quelles soyēt bien gardees. Et est le meilleur tēps pour les cueillir au mois doctobre quāt les fueilles commencent a cheoir et quil y a encores vne grant partie des fueilles pource que la chaleur de la Vigne est encores espandue dedans les rainceaulx. Et quant les fueilles sont toutes cheues pour la gelee les rainceaulx nont plus de chaleur naturelle pource quelle est lors retraits a la racine dedans terre & ne viendroyent pas bien telles plantes pource que le temps leur seroit contraire / & aussi le temps de mars est bien cōuenable pour cueillir plantes pource que lors la chaleur retourne aux rainceaulx. Plusieurs causes et manieres sont de eslire les plantes. L'une que len prenne la Vigne en terre qui ne soit pas trop grasse pource quelle doit estre plus maigre que la terre ou on la veult planter. Item len doit prendre le getton de la Vigne moyēne & non pas de la plus haulte ne de la menbre et quil y ait cinq ou six bourions despace loing de la Vieille Vigne: car ce sont ceulx qui mieulx reuiennent. On doit aussi prendre les gettons de Vigne plantureuse et bien portant. Et ne cuydes pas que la Vigne doine estre dicte plantureuse se ses rainceaulx portent vne ou deux grappes / mais quant elles se tournent et baissent pour labondance du fruit / & quant elles en sont pleines de toutes pars / cest lors signe de fertilite & de plâste. Et peult on auoir congnoissance se les Vignes ont este plantureuses par les signes des demourās des queues des grappes qui en auront este coupees. Columella dit que on le peult congnoistre par la noblesse des

rainceaulx & ne suffist pas dung seul / mais de quatre ou de cinq ou plus et quilz soyent durs & fors et quilz ne soyent pas de vieilz sermens pource quilz se corrompent & pourrissent bien souuent. La mesure de la plante doit estre selonce que dit Paladius du long dung coulte. Mais il me semble que elle doit estre plus longue par especial en lieu declin et en montaignes costieres es lieux secs / Et quant on la plante en fosse et on la ploye / on la doit premierement purger des rainceaulx et des gettons et bourions & les mettre en telz lieux que le vent ne le soleil ne les puissent seicher et q̄lz ne soyent point blecez / & par especial soubz terre & q̄lz soyēt bien gardeez par quinze iours ou plus. Et q̄ veult porter loing plantes de Vigne il doit prendre feurre ou paille de fromēt molles et les mesler avec terre ou boue & en couvrir et enuelopper les racines des plantes et puis les mettre en vng sac ou autre chose et les bien lyer par deuers les gros chefs & les racines & les garder du vent & du soleil. Et se le tēps estoit trop sec len pourroit aucunesfoies mettre les plus grosses testes en eue / et ainsi on les pourra porter bien loing sans dommage ne preiudice.

Quant & cōment on doit planter les Vignes. Chap. ix.

A temps de Septembre et doctobre les Vignes doiuent estre plantees en lieux froidz et en lieux attrempez es mois doctobre et de Mars / et en lieux chauds es mois de Novembre & de feurier: mais toutesuoyes q̄ en tous ces lieux se ilz sont moistes et champestres et bas que on y plante apres puer pour doubte q̄ la chaleur des Vignes ne soit estaincte de double hueur tāt de la place comme de lyuer. Et se les lieux sont secz & en montaignes on y peult planter auant puer. Et es lieux attrepez on y peult planter et auant puer et apres / et les doit len planter par beau temps quant la ter-

re est Vng petit moiste et Vauldroit mieulx
 quelle feust aree & seichee que trop moiste &
 boeuse. Quant len plâte Vigne par ordre on
 la plâte en troux faictz de pieux ou d'instru-
 mens de fer & la met on deuy sermès et est
 bon de mettre dedans les troux de la terre
 deliee/ de la crope ou du fiès Vng peu iusq̃s
 au meillieu du trou & le remenant de crope
 ou de sablō/ & se on les plâte en fosses moyē-
 nement petites ou parfondes pres de aucu-
 nes plâtes q̃ soiēt en bas & en hault/ on les
 doit plâter loing lune de l'autre et y mettre
 de la terre et la serrer et fouller aux piedz.
 Et ne doit len point ployer ne torzre la Vigne
 au planter ne la traueiller pource q̃ len em-
 pescheroit ce dont la racine doit venir/ & doit
 on laisser deux gettons sur terre beaulx et
 gros. Et ou la terre est grasse on doit laisser
 greigneurs espaces entre les plâtes que en
 la mesgre. Car il y fault trois piedz et de-
 my en terre mesgre & en grasse terre quatre
 piedz. Et aussi selō la diuersite des Vignes
 len doit faire en diuerses manieres. Et pour
 ce que au liure auroit moult de parolles de
 petit prouffit ie men passe a tant: car il nest
 Vignerōn qui ne les sache ou doque scauoir
 et si en est assez dit cy deuant. Qui veult
 nourrir arbres en Vignes il doit prēdre deux
 Vignes bien racinees & les ployer & abaisser
 et quelles ne se entretouchent des racines/
 et les ioindre aux costez des fosses. Et selon
 ce que dit Barron/ len ne doit point emplir
 les fosses ne les accomplir deuant Vng an/
 pource que ce faict enraciner la Vigne. Et
 ie croy quil soit bon en lieux secs: mais non
 pas en lieux moistes pource quilz la pour-
 tiroient legierement pour lhumeur venant
 qui ne la couureroit de terre. Les arbres
 dont len peult peupler Vignes et champs
 sont ourmes/ saulx/ peupliers/ fresnes/ ceri-
 siers/ coustriers/ et leurs semblables: mais
 nous ne pouōs vser de saulx & de peupliers
 fors que en lieux moistes. Et doit estre la
 Vigne loing des arbres deux ou trois piedz

quilz nempeschent la Vigne. Qui veult trās-
 planter Vigne on la peult planter en Vng
 corbillon de oziers clers et emplir de terre
 et puis le mettre en terre/ et la elle se enraci-
 nera et pourra len porter corbillon et tout &
 ttansplanter & puis le corbillon se pourrira
 et vauldra Vng fumage. Et apres met com-
 mēt len doit faire hayes et fosses autour de
 la Vigne: mais chascun le scet pour garder
 les Vignes des pourceaulx et autres bestes.
 La maniere des prouenceaulx de planter
 leurs Vignes est bone es lieux ou les Vignes
 sont plantees en ordre comme arbres & quel-
 les sont en pareille distance lune de l'autre:
 mais len ne met en vne fosse que vne plans-
 te et est bon de le faire ainsi en deux rēges:
 mais on ne peult bien mettre en vne fosse
 en la tierce reuge affin que se il y a aucunes
 plantes des deux reuges qui faillient on y
 pourra secourir de la tierce reuge/ et qui en
 met trois deux en chascune reuge et elles
 veniēt toute a biē il cōuiēdroit oster la pl^e
 foible/ et pource doit on regarder la face du
 ciel & lair aussi quāt len plante les Vignes.

¶ Des bourions/ gettons et renou-
 uellement des Vignes

Chap. v.

Multiplication de Vignes se faict au-
 cunesfois par raiceaulx/ pource que
 souuēt len met Vigne en lieu vuid
 auquel selon lordre il deuroit auoir Vigne &
 il ny a riens et aucunesfois que au lieu dū
 ne Vieille Vigne len en met vne noble & bon-
 ne et y plante len sermens beaulx & bons/
 et aucunesfois es circonstances & circonferē-
 ces on les prouigne & les torz on affin quel-
 les portent plus de vin/ & quant len torz les
 sermens au lieu ordonne ou on le faict hasti-
 uement quant le serment est long ou par di-
 uerses fois/ et par diuers ans quant les ser-
 mens sont courts et ce doit on considerer en
 toute multiplication de Vigne quelle quelle
 soit. Et se len veult planter bonne Vigne ou
 lieu de moins bonne on le doit faire hastiue-

ment / et oster la moins bonne ou planter la bonne a vng pied loing de lautre / & quāt on aura cueilly le fruct oster la mēdre & y mettre la bonne en lieu / & quāt on la veult attirer aux arbres on la doit mettre dūg pied loing a tout le moins . En toutes les manieres dessusdictes il cōuient mettre du fiens sur terre en fosses empres la Vigne et entour / & nen soit point mis dessoubz la terre au lieu ou la Vigne est plantee pource que autrement la Vigne seicheroit ou bauldroit pis pour lexcessiue chaleur se ainsi nestoit que len y meist vng peu de fiēs Vieil & meur dont la chaleur feust hors . Len peult faire telle propagation de Vigne ou en fossopant toute la Vigne / ou en retournant & retordāt les sermens en forme dūg arc sur terre / et laisser vne partie de la Vigne en la fosse . Et se elle a ainsi este par deux ans ou par trois on la doit retrencher et est le meilleur apres trois ans / pource que la foiblesse des racines de deux ans ne seroit pas assez suffisant pour la nouvelle Vigne . La Vieille Vigne q̄ long tēps a fructifie & porte plusieurs rainz ceaulx si se peult renoueller en temps deu par diligent labourage & conuenable / & par bien fumer ou bien tetrēcher / ou par sablon en lieu plein de crope / ou de crope en lieu sablonneux ou par grant retrēchement quant la souche est pleine de ius et dhumeur . Loz lumella dit q̄ se len trenchē vng grant getton de Vigne avec vng tronc entier et on le plante en ferme terre bien estroictement et que len le fume / et que dedans le tiers ou le quart pied loing de terre on le boute en vng trou faict dūg coutel agu et que la fosse soit souuent entee & ordonnee il en vient souuēt germe dicelluy en printemps & gette matiere de Vigne dont la Vigne est rappareillee . Mais se le tronc estoit tout corrompu de Vieillesse on le doit trēcher en mars empres terre ou vng petit dessoubz afin que quant les gettons qui seroyent venuz du tronc si feussent trenchez et la Vigne renouellee .

Du quant la Vigne qui est seule aura gette trop loing ses branches portans fruct / len plopera lune des branches bien loing de la Vigne / & quāt il gettera hors de terre on lapupera a la Vigne / & apres deux ans on trēchera la Vieille Vigne . Se Vignes doiuent estre renouellees & elles sont toutes bōnes et nobles soit faict de toutes comme dessus est dit . Et se elles sont toutes mauuaises on les doit toutes extirper et arracher racines et tout . Et se elles sont bonnes et mauuaises ensemble / lors len otera les mauuaises avec leurs racines et fichera len pieux en lieu / & puis on y plantera de bonnes Vignes et nobles & mettra len en chascun lieu deux gettons / pource que se lung fault que lautre recouure / & q̄ len mette du fiens en chascune plante . Mais qui les ploie on ne doit enfouyr en terre q̄ vng getton en vng lieu et laisser les racines en leur propre lieu . Toute la plantation des Vignes peult estre faicte en octobre et nouembre / et aussi en feurier et en mars quāt la terre nest trop dure ne trop mole . Et doit on planter en lieux pleins de eue apres puer / et en lieux secz deuant puer . Len doit planter en terre pleine le parfond dūg pied et en costiere deux piedz . Toutesuoyes celle q̄ est faicte auant puer est la meilleure / mais que la terre de tout les racines soit bien disposee & les racines bien fermees / sicomme dit Paladius .

Comment on doit enter & enciser les Vignes.

Chapitre . xi .

On peult enter Vigne sur Vigne & aussi en arbres / et se peult enter Vigne sur Vigne en deux manieres . Lune au tronc & lautre en la branche . Pour enter en tronc la maniere est telle . Il cōuient choisir vng troncq ferme et plein dhumeur & q̄ ne soit point trop vieil & le trencher empres terre ou dessoubz terre demy pied pource q̄ si reprent mieulx que sur terre . Barron escript que la Vigne que les veult enter doi

estre taillée par trois iours auāt que on la doie enter affin que lexcres de l'humour du troncq si pisse hors auant q̄ on l'ente ou quelz le soit Vng peu trenchée dedans elle quant elle sera entee affin q̄ l'humour qui y vien dra de ailleurs sen puisse mieulx fluer et de courir. Les gettons que len doit mettre au troncq doiuent estre fermes a rōdz bouriōs a plusieurs et especes ⁊ a plusieurs oeilles et en sera laisse au getton deux ou trois oeilz les par dessus l'ente. Et se doit rere le getton que len veult bouter a Vne part du long de deux doiōz ⁊ de l'autre part len doit garder l'escorce / et si doit len garder que len ne bles se la moelle et le rere doucement et mettre au troncq en telle maniere q̄ l'escorce du get ton se ioigne a l'escorce de sa nouuelle mere / et apres soit appareille et lie ainsi comme dessus est dit au chapitre des entes / et se la chaleur du temps blessoit les couuertures et lieures on y pourroit mettre Vng peu de eaue aux soirs pour rompre lardeur du so leil ⁊ quant le getton aura bourionne ⁊ que le bourion sera parcreu on le liera douce ment a aucun eschelas sans le fort estrain dre pour sa tendreur. Et pour enter dedans terre on luy doit ayder en assemblant aucu ne bōne terre entour ou du fiēs pour le nour rir. Mais les aucuns prennent Vng long get ton auecques Vng peu du Vieil et quil soit du gros du troncq ou mendre et les ioignent ensemble ainsi comme dessus est dit au cha pitre des entes. Et l'autre maniere de enter Vigne se faict en deux manieres : dont lune qui est la meilleur si est que lon prenne Vng getton nouuel et soit mis en la trenché dune branche pres du bourion / ⁊ puis q̄ il soit lye doucement de Vng drappel ⁊ appareil le sans trop estraindre / ⁊ que len y mette de l'argille et quelle soit bien couuerte. L'autre maniere de enter Vigne en branche si est de trencher la branche au trauers iusques a la moelle et que len oste autāt du getton qui se doit enter et puis soit mis en la playe de

l'autre et quilz soyent lyez ensemble bien et conuenablement et elles se reprendront en semble et fructifient bien ce dit maistre Albert. Et ma este afferme par Vng hom me moult expert que il auoit perce dung ta rier Vne Vigne iusques a la moelle et quil y auoit mis Vng getton Vng peu rez et bien propre ⁊ affiche dedans et q̄l se estoit reprins sans trencher la Vigne : ⁊ selon raison se elle eust este trenchée elle se deust estre encores mieulx reprins. Et aussi y a Vne autre ma niere que len trenché la Vigne que len veult enter du trauers par boye oblique iusques a la moelle ou empres tant que le getton y puisse estre fiche deux doiōz en parfond ou pres et que len y mette Vng getton de deux bouriōs auec Vng peu du Vieil boys rez dune part iusques a la moelle en aguissant ⁊ q̄l soit applique bien iustement a la playe de l'autre et que il soit lye / ⁊ que len y mette de la cire et soit couuert dune piece de drap et bien enuelope / ⁊ puis que len coupe la me sure par quatre doiōz au dessus de l'ente / et q̄ len ne seuffre la mere bourionner ne au des sus ne au dessous. Et peult estre tenue ces ste maniere en toutes les pties de la Vigne au dessus de terre : mais que la Vigne ne soit Vieille et que ce soit en lieu nect et gras / et peult estre mis en Vne Vigne plusieurs get tons ⁊ viennent tresbien quant les gettons sont nouueaulx et mis en troncs de pareille grosseur. On peult aussi enter Vignes en arbres en deux manieres. Lune si est q̄ Vng arbre pres de Vigne cerisier / prunier ou au tre soit perce tout oultre et puis q̄ Vng get ton de la Vigne soit boute parmi sans le tré cher ⁊ quil soit estouppe gracieusement. Et l'autre maniere si est que len face ainsi com me len faict des autres arbres de diuer ses especes. En la premiere maniere len plante empres Vng cerisier ou autre arbre Vng cep de Vigne / ⁊ puis en tēps deu l'arbre est per ce / ⁊ met on Vng getton de la Vigne parmi. Et quant l'arbre ⁊ la Vigne sont parcreuz ⁊

qu'ilz sont bien iointz comme tout Vng len trêche la Vigne par deuers sa racine en telle maniere que le getton na aucune autre nourriture fors de l'arbre tant seulement / & lors & apres ce le fruit de l'arbre & celluy de la Vigne sont meurs aussi tost l'ung comme l'autre. Selon ce q̄ dit Collumella on peult enter en ceste maniere en ourmes & en frâcs meuriers q̄ sont amys de la Vigne. Telles entes peuēt estre faictes en lieux chaulx au mays de feurier / et en lieux froids en mars quant la Vigne pleure l'erne espesse et non pas pure eue / et si les peult on faire au mays de may et au mays de iuing quāt les lernes sont ia degastees : mais q̄ len garde les gettons q̄ len veult enter en lieu froit & Vmbrage. Il y a Vne autre maniere de enter Len prent Vng nect bourion et est mis avec miel ou autre chose au lieu dont Vng autre bourion sera leue : Mais ie ne le approuue pas pour la trop grāt tendreur du bourion / et toutesuoyes Vng frere mineur ma afferme q̄ au mays d'auril quāt les petites fueilles de la Vigne cōmencent a apparoir quil auoit prins et leue le sommet d'ung bourion et y laissa des petites fueilles a Vne concavite & fossette / et que en ce lieu auoit mis Vng autre semblable bourion & tout fraiz que il auoit prins en autre lieu / et y mist Vng peu de miel fraiz et sans autre ayde il reprint et parcreut & fist fruit. Cathon escript q̄ Vne incision pour enter Vigne peult estre faicte quant elle cōmence a Verdir / & l'autre peult estre faicte quāt la grappe cōmence a fleurir / et ioint len le getton aguise dedās avec la souche perçee et trouee / en telle maniere que le getton mette sa moelle avec la moelle de la souche. L'autre maniere que len trêche la souche au trauers a ce q̄ les moelles sentreprennent. Et la tierce maniere si est que len perce & fore la souche tout oultre et y met on deux gettons aguisez Vng peu rez en telle maniere que l'humour des gettons se couple a l'humour de la souche. Et toutes

ces manieres de enter doiuent estre enduictes de crope / de argille ou autre terre & tres bien lyees et estoupees pour le chault et la pluye & le Vent. Et si ay esprouue Vne autre maniere de enter que oncq̄s ie ne bey faillir Cest de prendre Vng nouuel getton long q̄ tiēgne a Vng tronc de la Vieille Vigne de lan precedant q̄ ait quatre doirdz de long et que len oste la moytie du tronc de la Vieille Vigne iusques a la moelle tout du long sons point oster de la moelle pource q̄lle doit demourer entiere en ce que len veult enter. Et de l'autre moytie de la Vieille formez Vng coing long de trois doirdz / cest a dire iusq̄s au nouuel getton / & la on doit faire Vne coche & mettre le coing dedans la coche bien ferme & q̄ le coing soit trenche non pas de la partie de la moelle / mais de l'autre part seulement / et que il soit bien agu / et puis que la souche que len veult enter soit trenchee par le mylieu et quelle soit de telle grosseur se faire se peult / et sinon quelle soit Vng peu plus grosse. Et de la partie q̄ aura le moins de moelle len doit oster le grant d'ung gros doird & ficher le coing en la trenche tellemēt que le cochet se ioingne fort a la teste de la plus courtte teste trêchee & que les deux autres testes pareilles si soyent aucunement par dessus le nouuel affin q̄ le l'pen puisse estraindre les deux chefs du Vieil serment bien assemblez & appareillez / et puis l'yer a Vng ionc toute la trêcheure. Et en telle maniere len peult enter a Vng tronc deux ou trois ou plusieurs branches toutes les autres Vignes trêchees. Et puis on peult plonger & mettre toute celle Vigne en terre & faire autant de fosses comme on aura ente de branches en quelconque partie de la terre q̄ len voudra : et en chascune fosse ou on mettra les entes & ou elles gerront len fera Vne petite fossette ou toute la lieure de l'ente sera laissée & la terre couuerte qui sera doucement soufflee aux piedz / & que le serment soit esleue par dessus la terre l'espace d'une

dune paulme/ & aussi selon la commune maniere dont len vse on peult ioindre les nouueaulx sermens aux nouueaulx et aux Vieilz/ et p icelle maniere les abaisser & coucher en terre: mais il est mestier que la brâche qui sera trenchee soit formee & que on ne la corrompe pas legierement.

C De la maniere de tailler & purger les Vignes et les arbres qui les portent.

Chap. vii.

En lieux chauds len doit tailler les Vignes au mois doctobre et de nouembre et en feurier et en mars iusques a tant que les bourions se prennent a croistre/ et en lieux qui sont froids es mois de feurier et de mars tant seulement/ et en lieux attrempez en tous les mois dessusdictz et chascun diceulx. Mais les Vignes des montaignes qui regardent septentrion il vault mieulx de les tailler en printeps pour doubte q aucune partie trop tẽdre & mole ne soit greuee de la playe. En lieux chauds len ne scet pas bien la Vertu ne la nature des Vignes foibles. Selon Paladius len doit garder en toutes tailles de Vigne que la souche soit tousiours la plus forte & Vertueuse. afin que len ne face double durete a la Vigne foible/ len doit oster les gettons tors et bastards q sont nez es lieux desconuenables/ & le sermet taille q sera venu entre deux brâches. Et se ce getton affloibloye aucun bras de gresse len taillera icelluy bras & demourera le getton en lieu / & est tresbon q le sermet dembas q sera ney en bon lieu soit garde pour reparer la Vigne q soit taillee pres de deux ou trois bourions que on laissera. En lieux plus doux len espandra la Vigne plus hault: mais es lieux declinans & maigres la moiste Vigne est la meilleure. Et appartient au sage de cõgnoistre la nature de la Vigne & sa Vertu: car celle q est plus hault labouree & est plus grasse & plus plantureuse ne doit auoir plus de huyt gettos: et aussi en la partie du meillieu nous ne laissons

pas tousiours Vne ou deux gardes. Mais la maigre & humble doit auoir a chascune gardebranche son getton/ & doit len garder que en nulle partie il ny ait sermens secs & ares: car se ilz y estoient tout ardroit & seicheroit/ cõme se tout estoit feru de foudre ou de tonnoirre. Tout ce q naist en la grosse cuspse de la Vigne doit estre trenche. Quant len taille la Vigne len ne doit pas faire la playe pres du bourion: mais Vng peu plus hault en retournât au bourion affin que la sermenchee sur le bourion. Len doit nettoyer les fosses des gardes & oster ce qui nuist a la Vigne et toutes les Vieilles besongnes: et se le tronc est caue du soleil / de pluyes ou de bestes on doit oster tout ce qui est mort & estouper la playe de terre ou de autres choses. Et se l'escorce est trẽchee ou pandant on la doit trencher & oster tout hors. On doit aussi reuer le mascule/ et sil y a playe au dur de la Vigne/ ou que len y doye faire playe elle doit estre oblique & ronde. Les Vieilz sermens esquelz le fruit de l'annee precedât aura pens du seront taillez & les nouueaulx croistront. En aucuns lieux on laisse les sermens si grans et si longs comme nature leur donne sans les retailier sicomme en Cremonne et en terdonne & en plusieurs autres lieux. Et en aucuns lieux on oste seulement les sommetz qui riens ne valent. En autres lieux len trenche tout iusques a Vng pied de l'õg et doiuent les brâches Vignes estre taillees iusques a demy pied. La premiere maniere ne doit pas estre gardee se ce nest es lieux ou on met les perches et soudenaulx: car les Vignes sont estendues comme cordes/ & la secõde est soutenue a pieux et eschelas. Les deux manieres si sont par especial es Vignes qui ont les neux & gettons loing lung de lautre & portent telles Vignes grât fruit et plusieurs grappes. Jaoit ce que les grappes ne soient pas si grandes comme des Vignes court taillees. Et veulent icelles Vignes estre souuent fumees affin

Quelles portent assez branches et fruct cōuenable se elles ne sont tresgrandement grasses. Mais celles que len taille courtes iusques a ung pied comme a Boulongne et a Mutine et plusieurs autres lieux se deffendent suffisamment du soleil. Et celles q len taille trespresnostement comme len fait a Furlin et en plusieurs autres lieux en prouence se deffendent et viennent bien sans ayde de pieux ne de autres choses cōme fōt les arbres qui sont plantez en ordre et ont moult de neux et espes / et par especial en terre seiche et maisgre et en vignes nōmees Albana et Selona. Ceste taille aussi peult estre faicte en vignes appellees zizinga et Verdiga / pource que qui les trencheroit autrement elles porteroient trop chetif fruct / et si ne vauldroient riens les gettons l'annee prochaine ensuyuant. Cest chose clere et esprouuee que qui trencheroit la Vigne portāt fruct pour le temps quelle seroit en fleur ou apres et que la taille feust pres des bourions des grappes il y naistroit autres nouueaulx bourions qui porteroient grappes dōt on pourroit faire verius en vendāges. Et ie croy q l seroit bon de le faire a tous les sermens qui ne portent fruct pour l'annee / et par especial ceulx que len taillera lan ensuyuant en la taille commune. Qui ne lasseroit pas meurer les premieres grappes aincois quelles fussent cueillies vertes et aigres pour verius ce leur seroit bon: mais ce nest pas commun en toutes vignes fors en celles qui portent grappes tant au vieil serment comme au nouuel comme est le muscatel et telles vignes. En aucuns lieux len taille les vignes de trois ans en trois ans / et es autres de deux ans en deux ans / et es autres chascun an affin quelles portent plus de grappes. Et celles que len taille chascun an portent plus grasses et plus plantureuses grappes et q mieulx se deffendēt et durēt plus. Aucuns ne taillent point les vignes q sont esleuees et sont soustenues de haultx ar-

bres pour la peine q y seroit: mais les aucuns batent les vignes de grās perches affin que ce q y est de sec chee et q il soit bien escoup: et aucuns ne les batent point de perches / aincois les laissent venir cōme nature leur dōne / et ce peult estre faict en lieux bien gras. En toutes tailles trois choses sōt a considerer quant aux vignes. L'une est l'esperāce du fruct / et pource len doit laisser telz gettons que len doit estre mieulx disposez a fructifier et que ilz soyent clers / meurs / ronds et gras et q ayent plusieurs oeilles. Secondement q len prengne le getton en bon lieu et cōuenable / pource que celluy dōne esperāce de apporter bon fruct. Et tiercement le lieu ou len taille la Vigne et q il ne soit taille ne trop long ne trop court. Apres len doit scauoir que se len trenchē la Vigne meure elle gecte et bourionne plus meurement et faict plus de sermens et greigneurs pour cause de l'humeur qui nest pas espandue quant les playes sont consolidees auāt son cours et elle se prent a coistre en rinceaulx / et se on la taille tard elle gettera plus tard et fera moult de fruct pour lessusion de la superflue humeur de leue qui y est qui l'empesche a sa digestion de l'humeur visqueuse / dont le fruct est engendre. Et pource les vignes maisgres qui par auant ont este grasses si luxurient et font faulx gettons pour cause de l'humeur superflue qui nest pas digeree. Et doit len plus estroitement tailler apres la bonne vendange q apres la pource: car la bone Vigne a degaste sa vertu / et aps la petite vendange len doit tailler plus largement: car la petite a repris sa vertu. Arbres portans vignes sont de diuerses manieres. Les aucuns sont petis comme rosiers et espines et ne doiuent point estre tailliez / car ilz ne portēt fors vignes sauages et labruses. Mais les arbres qui portent les bonnes vignes si sont bōs a tailler en la Vigne. Aucuns les purgēt a verges / et aucuns les taillent de trois ans en trois ans / toutesz

uoies se il y auoit trop de branches & de sermens il est bon den oster la superfluite.

De la formation des vignes et des arbres qui les portent.

Chapitre. xiii.

Columella si dit que la nouuelle Vigne doit estre renouvellee aps le premier an et mise a sa premiere matiere / & que on ne la doit pas retailier aisi comme len a de coustume en ytalpe quant le second an est passe: car q les tailleroit ou tout seroit perdu / ou se elle gettoit / les sermens ne vauldroient riens / aincois seroient comme Vigne effueillee puis que le chef seroit coupe ou comme fueilles bastardes q ystroient de la Vieille souche / et pource on doit laisser empres le chef dauant Vng ou deux gettons / et doit estre ceste maniere bien gardee en la petite Vigne pl⁹ forte / & la petite Vigne pl⁹ foible sera laissee le second an sans tailler et luy aydera len de rouseaulx ou deschallas deliez pour la soustenir tât comme elle sera nouuelle affin q lannee ensuyuant elle puisse auoir plus de force de estre lye a pieux / et lors on la trenchera continuellement de Vng ou deux gettons iusques a ce quelle fera sermens portans fruit / et lors len forme la Vigne dung arbre et sera ramenee a Vne seule matiere. Mais se on la doit attacher a perches ou a pieux on la pourra ramener a deux matieres qui seront daussi grant longueur comme la perche dont elle sera appuyee: et sera fait dung pied en terre maisgre et chetue / et en terre grasse de deux piedz ou de trois. Et lannee d'apres len en fera quatre matieres au plus qui seront diuisees en quatre parties: et puis es anneess apres ensuyuant len en fera plusieurs matieres selon la doctrine dessusdicte. Et se la Vigne doit mōster sur arbres on la laissera croistre au long iusques a tât quelle aura branches pour tailler affin que au sommet de la Vigne il viengne en lannee ensuyuant et y naisce chefs que len puisse diuiser

selon ce q l sera conuenable pour les branches de l'arbre. Et es anneess ensuyuant len procurera la mōtee de la Vigne en adressāt tousiours Vne matiere au sommet de l'arbre. Les vignes sōt formees en diuerses manieres selon les diuersitez des pays et des contrées / car en aucū pays on les forme par ordre a pieux et a perches ou en estēdant ses brāches par terre sans autre ayde cōme dessus est dit. Et en aucunes autres contrées elles sont faictes par assemblees cōme Vne bataille rengee / et lors cest avec Vne perche seule ou avec deux ou plusieurs quant elles sont en terre grasse / et par especial en régēs de arbres dōt les vignes sont soustenues avec aucuns pieux. Du elles sont es petites treilles / et lors on les doit ployer & encliner deuers la souche / & de lautre partie les eslever & les bien sper & ordōner. Et moy ie mettroye Vne seule perche vers la partie abaissee & Vne autre bien forte vers la ptie haulsee pour soustenir toutes les longues branches denhaut / & les pendās iusques a terre qui porterōt grāt habondāce de fruit / & le feroye en telle maniere q lune perche seroit loing de lautre l'espace dūg bras seulement / & feroye telles choses es riuēs des vignes & es chāps ou il y a arbres & hayes bas pour soustenir plusieurs sermens / et par especial pour lannee ensuyuant et ainsi a petis despes len recoit moult de grappes & de prouffit es riuēs des vignes & es hayes vers q ne vauldroiēt riens autrement fors que pour chauffer / & si embellissent moult les vignes et les chāps ou elles sont. Les petis & cours arbres q soustiennent les vignes seront forme sicōme il appartiendra / tellement que quant ilz seront ployez & parcreuz de deux ou trois ans apres on les retrenchera par enhault de six / sept ou huit piedz / et seront taillez plus cours en maisgre terre que en grasse et puis seront forme: et quant ilz auront gecte rinceaulx en lannee d'apres on les couppera tous / excepte quatre des

meilleurs & ceulx qui demourront seront diuisez chascun en quatre pars par lieues de liens & de perches / et appesanties par pierres sil en est mestier / a ce que chascune partle descende aux costez & ne monte point cōtremont. Et quāt ces arbres seront formez en largeur trois ou quatre piedz bien estendus q̄ on les laisse aller leur cours / et qu'on leur lye Vigne aux chefz de lung a l'autre. Et est ceste maniere gardee es pties de Milan. Mais ceulx de Pergame si abaissent plus la souche de trois ou de quatre piedz & forment l'arbre en maniere d'une cloche renuersee / & leur taillent les rainceaulx & la mettent la Vigne: et celluy q̄ cueille la Vigne ou la taille si demeure au meillieu de l'arbre / & la il laisse estendre & espandre la Vigne tout entour & pendre les sermēs par dehors. Les grās arbres qui soustiennēt les Vignes doiuent estre formez par telle maniere q̄lz ayēt plusieurs rainceaulx hault et bas trenchez selon la possibilite de l'arbre qui porte la Vigne et couure. Et sur les chiefz de ces trenches on doit lye les Vignes / et puis quant elles seront chargees de grappes elles pendront cōtreual. Len peult aussi bien former ces arbres affin que ilz soustiennēt les Vignes et qu'ilz ne soyēt point appetisiez par telle maniere. Quant Vng saulx / Vng ourme ou Vng peuplier seront gros dung bras & longs de douze ou de quinze piedz on doit couper le sommet & des rainceaulx qui seront nectz on en laissera croistre Vng le plus nect & le plus droict si hault quil pourra / & puis chascun an ou de deux ans en deux ans on coupera les rainceaulx en laissant tousiours le sommet & ne formera len point les autres rainceaulx qui seront laissez dedans cōme dessus est dit es petis arbres ou les Vignes sont lyees. Sicomme Varrondit ou la terre est plus grasse / la Vigne croist plus hault et doit estre plus hault esleuee / pource q̄ elle ne quiert pas leue au fons / aincois demande le soleil pour nourriture.

Et pource ie croy quil est bon que en temps deu on oste des Vignes q̄ sont en lieux chapestres & moistes les fueilles et les sermēs et autres superfluites qui riens ne valient comme en May et en iuing / & puis quant les grappes seront meures apres comme en aoust que len oste la moitie des fueilles superflues affin que le soleil puisse luyre sur les grappes et les curie / a ce que le Vin en soit plus meur & plus vertueux / et q̄ quant la superflue humeur sera degastee le Vin soit de meilleure odeur et de plus grant et bonne duree.

De la lyeure et releuement des Vignes.

Chapitre. viiii.

Les Vignes doiuent estre releuees & lyees auant que les bourids soyent creuz et deuenus grans et gros. Et les Vignes qui sont en ordre & espesses lyees a perches & eschalas doiuent estre releuees egalllement en telle maniere que quant la Vigne aura son eschalas que elle soit toute lye et ceinte par le mylieu de son lyeu se elle est basse / et se elle est haulte soit ceinte en hault & en bas & que par auant on lye a neuf pieux six perches ou cannes en plaisant haultesse a ce q̄ l'une Vigne soit au mylieu & les autres entour / & ainsi elles seront deffendues de cheoir / & si pront les vendangeurs de toutes pars. Et apres les sermēs serōt diuisez en quatre parties et selon leur grosseur seront lyez a plus fortes perches: mais es Vignes ou il y a peu de Vigne len doit mettre pieux a la distāce de trois piedz et y lye par ordre perches ou canes en telle maniere que toutes les espaces soyent couuertes / & est ceste maniere gardee en la marche dancone. Du les sermens sont estendus comme cordes len doit mettre trois pieux a chascune Vigne & q̄lz soyent lyez par distance de demy pied & que Vng lyeu les ceingne entour cōme Vng chappel & puis len estend la Vigne. Et entre Vigne et Vigne len doit

mettre Vne deffense pour soustenir que les grappes ne biengnent a terre. Aucuns sont qui ne mettent q̄ Vng pel a chascune Vigne & prouffite moult tant a ceste Vigne comme aux autres ou on laisse longs gettons se empres le pel on tord Vng peu le serment quant il aura gette sa lerre: car telle tortu- re leur vault & si ne griesue riens aux grap- pes qui en naissent/et est ceste maniere gar- dee en Ast & biē louee: mais il n'est pas bon de lyer les sermēs aux pieux sans perches. Sil y a vignes sur arbres grās ou petis il ny fault autre chose faire que les lyer en plu- sieurs lieux aux branches & aux souches et distribuer bien egallemēt les rainceaulx se- lon les pties cōuenables de l'arbre/les doit len chascū an lyer & rellyer/ce dit Paladius.

De fumer les vignes et des retrē- chemens des faulces racines.

Chapitre. xv.

Nous deuons faire petites fos- ses entour les vignes en octo- bre/nouēbre/feurier / ou mars et trencher toutes les racines q̄ sont au sōmet de la terre et y mettre du fiēs & par especial doit estre faict es vignes nou- uelles & que len oste les racines superflues- quelles auront gette en leste pource que se elles demouroient elles feroiēt perir & mou- rir les racines de dedans & seroit de legier perdue la Vigne de chault ou de froit pour la vertu q̄ seroit toute enhault: mais on ne doit pas tailler les petites racines a la sou- che pource q̄ plusieurs autres y naistroient ou la nouuelle playe q̄ seroit faicte au corps de la Vigne seroit cause de la perte dicelle par le froit / et pource au trencher on y doit laisser l'espace d'ung doigt de long ou peu moins/et se le tēps de lyer est doulx & plai- sant quant ce q̄ dit est sera faict deuāt lyer si laissons les vignes ouuertes/ & quāt ce se- ra faict auant decembre et lyer est froit et fort/on les doit ouurir & couvrir de fiens de coulombs et combien que le fiens mis sou-

uent en la Vigne prouffite pour auoir assez fruct / toutesuoyes la saueur en empire et nen dure pas si longuemēt. Ceulx q̄ veul- lent auoir bon Vin sement des luppins en leur Vigne au moys de aoust/ & ainsi lenfor- cent/ & quant ilz sont parcreuz au moys da- uril ou de May on les retourne: et par ain- si vault gras fiens. On les trēche aussi tres- menuement et les met on es fosses faictes encoste les vignes & les couure len.

De la maniere de houer et foupz les vignes.

Chap. xvi.

On doit foupz les vignes nouvelles au moys de mars & faire la dure ter- re venir en pouldre/ & puis ainsi faire par chascun moys et la retourner / et non pas seulement pour oster les herbes: mais affin que ce qui est tendre ne soit greue de la terre qui seroit trop dure et trop ferme. Et au moys de iuillet aux soirs et aux ma- tins quant la chaleur sera departie/on doit foupz et retourner la terre ce de dessus des- soubz et en faire pouldre. Et sil y auoit her- bes on les doit arracher racine et tout et fai- re fosses en la partie la ou leaue dequeurt affin que elle sen aille aux parties dernie- res et quelle ne griesue aux vignes/et doit on acōplir toutes les fosses des le moys de Mars auant que les bourions soyent trop grans et q̄lz ne soient greuez. Et aussi quāt les vignes seront hors de fleur on doit fai- re les secondes fosses pource que on ne les doit point toucher tāt quelles sont en fleur/ et se doit on garder de fossoyer quant la ter- re est trop moiste ou quelle est trop dure/ et de tant que elle sera plus pouldropee de tāt vaudra elle mieulx / et suffist bien toutes- uoyes se la terre est moyennement foupe en parfond / et aussi doit estre la terre foupe egallement et tellement quil nen demeure riens creu ne a foupz/ & par especial empres la Vigne le diligent laboureur si y prendra garde/et se elle est entierement foupe et de

combien parfonde par tous lieux et y doit estudier la garde de la Vigne sur l'ouurage pour les barateurs laboureurs.

Des empeschemens qui viennent aux Vignes / et de la cure dicelles.

Chap. xvii.

Laduiant aucunesfois que empeschemens & nuisances viennent aux Vignes & aux plantes en telle maniere quelles meurent la premiere annee ou quelles demeurent demy viues. Et leur aduiet aucunesfois ce que dit est pour les herbes qui viennent empres pource que les racines ostent la nourriture des Vignes et le remede si est par les souuent fossoyer & oster les herbes et arracher. Aucunesfois les Vignes sont greuees par les grans ombres des grans arbres detour ou des hayes empres & lors on doit arracher tous les arbres qui y griefuent & les braches & oster les fueilles. Et aucunesfois aussi les Vignes sont greuees par lardeur du soleil / & pource les doit on couvrir de feutre ou enuironner de terre ou autrement leur ayder. Aucunesfois aussi si les Vignes sont greuees par aucunes plantes qui sont empres elles comme chouly et lauriers: car on a trouue quilz brussent et ardent la Vigne / & pource ne les y doit on mettre ne souffrir. Aucunesfois les Vignes sont greuees de bestes qui les rongent / et pource les doit on clore et garnir de fossez / de hayes & despines poignans. Aucunesfois les Vignes sont greuees en puer par la gelee si les doit on retailler empres terre selon ce quelles sont gelees / & quant on les taillera on ne leuera pas trop la souche dessus terre et quant l'auer approchera len taillera les Vignes sans couper les braches & se l'aueront embas pres de terre de ioncs & mettra l'ende la terre dessus les chefz quelles ne se relieuent ou que on les lieue sur arbres ou elles ne gelent pas legierement. Aucunesfois la gelee ne blesse pas toute la Vigne / mais seulement les nouueaulx gettons q ne peuvent

deffendre pour leur tendreur et grant moelle / et se il aduiant on doit oster le gele & les trecher par enhault et laisser aucun peu du verd pour getter des autres nouueaulx. Et aussi aduiant aucunesfois que depuis que les Vignes ont gette rinceaulx et grappes la bruyne les gaste et perdent toute leur verdure / et pource es lieux ou telz cas aduiant len doit plater Vignes q viennent tard a verdire comme sont celles que len appelle / albana / selana / garganiga / & mayolus. Aucunesfois les mouches petitiz vers et bestes lettes et chenilles les rongent toutes & gastent les tendres bourions et les grappes & les font seicher / & le remede si est de les oster aux mains et les fouler aux piedz cote terre ou les ardoir au feu. Et aussi aduiant aucunesfois que en temps de chaleur il descend avec le chault une pluye venimeuse qui arde tout & l'appelle len a Boulagne mellirium qui blesse plusieurs Vignes tellement que leur fruct en vient tout a neant / et pource en telz lieux ou il vient par coustumes telz les pluies on y doit plater fortes Vignes q ne soient pas de legier blessees. Aucunesfois aussi le tonnoire / la gresle / et la tempeste empirent moult les Vignes et ny a a lencontre autre remede q deuotes oraisons & prieres enuers dieu. Combien que aucunes sortes gens dient q on peult bien faire aucuns experimens a lencontre de la tepeste: mais ilz ne scauent quilz dient. Et aucunesfois aussi il aduiant que la Vigne est ferue & blessee du picq ou de la houe / si doit len mettre en la playe aucune autre Vigne et la l'yer & y mettre avec la terre dentour du fiens de chieure ou de brebis. Aucunesfois aussi il aduiant que la Vigne porte tant de gettons et de fueilles quelle ne les peult nourrir avec ses grappes ne les laisser croistre. Si doit on regarder et considerer au mois de May les sermes q la Vieille Vigne & la nouuelle ont apportez et en retrencher & laisser les meilleurs et les plus fors et les l'yer et

soustenir cōtre le Vēt. Et aucunes fois la Vigne est si foible & si chetive de soy q̄lle faict chetifz rinceaulx et chetif fruit / si la doit on souuēt fossoyer et nourrir de fiēs et oster Vng peu des fueilles et des rinceaulx et la tailler courte. Aucunes Vignes sont si grasses q̄lles sont tāt de fueilles que le soleil ne peult meurir les grappes pour l'ombre. Si les doit on grandemēt tailler et effueiller & non pas fossoyer ne fumer / et au moys de may oster les superfluites & les tailler & effueiller. Et aussi encore au mylieu Daoust on les doit effueiller par les costez es lieux froidz ou les grappes pourrissent par trēte iours auant Vēdanges / & doit on seulement laisser les fueilles denhault pour deffendre la force du soleil / & sil y a aucunes grappes grisans a terre on les doit bien doulcemēt releuer sans les casser : Mais es lieux trop chaulx et secs & ardens on doit faire aucun Vmbre a la grappe q̄lle ne seiche. En aucuns lieux aussi les Vignes sont pillées et destrōees des gens ou les chiens & regnars māgeuent les raisins / si les doit on bien & diligēment garder au temps q̄lz sont meurs / & si y doit on planter choses desplaisans / ameres & rudes a māger comme sont gimaresta et guratonius q̄ sont Vignes dont les raisins sont amers & ne les māgeue len pas Voulentiers / et toutesuoyes elles sont moult noble Vin & q̄ est de bonne garde / et aussi en lieux dicelles qui ne les a ou congnoist y planter autres semblables plantes. Et aucunes fois aussi les Vignes sont domagees destourneaulx et d'autres oyseaulx / et pource doit on mettre en telz lieux cordes et latz et autres choses cliquetās et semblances dōnees pour les esbahyr. Et se il y auoit tant de oyseaulx assaillans les Vignes q̄ les espouentaulex dessusditz ne suffisent mye / il cōuient droit faire au mylieu de la Vigne Vne petite loge sur quatre colonnes et faire tenir Vng enfant dedās q̄ tirera a cordes attachees a longues perches au dehors et a l'environ de

la Vigne & seront respōdās en ladicte loge et q̄l y ait des sōnettes attachees ausdictes perches q̄l fera sonner ou mouuoir et tirer lesdictes cordes & fera sonner bastōs & courges & autres espouētaulex en la partie ou il aura veu et verra les oyseaulx dessusditz.

De la conseruation & garde des grappes nouuelles & fresches.

Chapitre. xlviii.



Renuez telles grappes que vous vouldrez garder et quelles ne soyēt blecees ne ēpirees / ne trop vertes / ne trop meurs : mais telles q̄ le grain soit elumine de clarte & soit resplēdissant & q̄ il soit aucunement mol au tast & plaisāt / & q̄ len ny enmette nulies autres / & puis q̄lles soyēt mises en Vng vaisel de fust ou il y aura eu Vin & le fermer et estouper tresbien de pois toute chaulde / et puis aps q̄l soit mis en aucun lieu sec & froit & biē obscur sans lumiere & q̄l soit pēdu. Et en autre maniere quant le pain sera trait hors du four et que le four ne soit pas trop chault / len doit mettre du feurre blanc dedās & mettre & estēdre les grappes dessus & les y laisser iusq̄s a ce q̄lles soyēt passees et aucunemēt ridees & molles. Du q̄ sans feurre elles soyent mises sur aisselles dedans le four ou sur Vng gril ou autres telz instrumēs / & quāt elles serōt traictes q̄ on les mette tātost en moust doulx & puis mises au soleil iusq̄s a tāt quelles soyēt seiches & puis aps q̄lles soyent mises pour les garder en Vng tōnel ou autre vaisel. Et ēcores en autre maniere on met les grappes seicher au soleil & quāt elles sont seiches on les met en moust tout bouillāt / & puis les laisse len encore sur le feu & aps on les met au soleil & aīsi elles sont tresbōnes. Apres & autrement grappes souefues seichees au soleil se gardēt tresbien en sablon sec seiche au soleil / et aussi en feurre ou en foīg sec & en fueilles de Vignes bien seiches / et aussi en miel. Cathon dit q̄ les grappes se gardent tresbien en potz de

terre et en moult doulx. Pour faire la grappe grecque seiche il fault considerer en la vigne le plus bel et le plus cler bourion vng ou plusieurs / et puis tordre les grappes sur la vigne mesmes et les laisser ainsi seicher moyennement et apres les cueillir et les prendre en lieu ombre et puis les mettre en vng vaisel. Cest assavoir que il y ait premierement vng lict de fueilles seiches et puis vng lict de grappes et apres vng autre lict de fueilles seiches / et par dessus vng autre lict de grappes et ainsi iusques a tout et les bien serrer et enfort puer les couvrir et fort estouper et les mettre en lieu froit et sec et ou il ne puisse entrer fumee. Ceulx de Salerne font vnes passes / cest a dire grappes seiches par la maniere qui sensuyt. Ilz eslisent les meilleurs grains des grappes et les font seicher au soleil et puis les mettent en vng four passablement chault par vne espace de temps et apres les lauent en moult doulx et puis les pouldrent de pouldre de canelle et dautres bonnes especes / et apres les envelopent en fueilles de figuier / et ainsi les gardent par vng an. Telles grappes valent a adoucir le pis / et quant elles sont cuytes en vin elles valent contre froide toux. Et aussi se peuvent faire telles grappes par autre maniere. Les tordre sur la vigne et les y laisser ainsi pendre trois ou quatre iours et puis les cueillir a la main avecques le bourion et les mettre en moult doulx bouillat et les y laisser vng peu et apres les seicher au soleil bien chault ou en vng four quant le pain en est hors / mais on se doit bien garder que elles ne soient touchees de pluye ne de rousee et les seicher / et puis quelles soient mises en vng vaisel nect et serrees bien fort et que len mette dessus aucune chose pesant. Aucuns quant elles sont seiches les lauent en moult doulx tout froit / et puis les seichent et les mettent come dessus est dit / mais ce seroit forte chose quelles peussent estre seichees au soleil en contrees et regions attrempees. Raisins

et pommes se gardent moult bien en vaisseaulx de terre bien clos et pertuisez dune part / et puis pendus enhault au couuert et aussi se gardent pommes bien longuement quant elles sont couvertes de gypse et de plastre.

De la Vertu des grappes.

Chapitre. xix.

La grappe est diuisee en deux : Car lune est verte et aigre / et lautre est meure et doulce. La grappe verte et aigre est froide au tiers degre / et est seiche au second. Et a trois substances en soy. Cest assavoir les grains / l'escorice et le ius. La nature des grains est seiche et dure et ne se peut convertir en digestion / mais qui les casse et en fait pouldre et la boit / elle conforte et restrainct la congestion colique / et par especial si on la rotist. L'escorice est grosse et ne se convertist point en nourriture / mais elle estait la chaleur de lestomac et du foye et oste la soif et si attrape la cole rouge et restrainct le vomir et la desmesuree egestion pour cause de cole. Qui la met sur les yeulx et sur les paupieres elle oste les grosses humeurs et les seiche et vault a la mangeure des yeulx et a lasprete. Le ius de la grappe verte et aigre doit estre mis au soleil auant les iours chiez nins affin quil deuiegne especs come miel / et lors il vault contre les humeurs qui descendent a la bouche et a la gorge et aux gencives et aux parties denhaut de la bouche par deuers les oreilles / et si vault a humeurs descendans de long temps aux parties secretes des femmes. Et la grappe meure qui est accomplie en sa douceur / si engendrez tres bon sang et est le meilleur de tous les fruitz ainsi comme la figue est la meilleure viande / mais la figue nourrist mieulx que la grappe / et a este esprouue par aucunes gens qui en leur temps ont mange seulement figues et en sont deuenus gras et leur cuer bel et cler / et quant ilz les ont delaissees a manger ilz sont deuenus maigres. Les grains de ces grappes meures sont froids et secs et sont

agus & de legier saillent hors du corps tous entiers. Les corce est froide et seiche et dure & digerer / & qui mangeue les raisins avec les corce & les grains ilz engendrent Vétositez / enfleures et mauuaises humeurs / & serrent le ventre / & se on les mangeue tantost quilz sont cueillis et partis de la Vigne & ilz treuuent lestomac vuid de viâdes & sans mauuaises humeurs & que il soit de bonne & forte digestion ilz sont tost digerez et engendrent bon sang et font le ventre mol et purgent le corps de mauuaises humeurs. Et au cōtraire se ilz treuuent lestomac plein de ordes humeurs et de viâdes et quil soit de foible digestion Ilz y demeurent longuemēt & sont fors a digerer & engēdrent enfleures & grosses fumees & ont ennuy de grosses humeurs et males. Les grappes q̄ sont pendues & seiches des mauuaises humeurs & superflues sont les meilleurs et bonnes pour les subtils dietes / elles nenflent point ne engēdrent fumositez & ne restraignēt ne laschent. Qui les met en moust cūpt elles sont de grosses diete & ne sont pas si bonnes pour lestomac & sont enfleures & Ventositez pour les estranges humeurs du moust que elles y ont prin ses. Les grappes q̄ ont moult de chair sont plus nourrissans et plus dures q̄ celles qui ont moins de chair q̄ dhumeur. Et la grappe qui a douce saueur & est plus grosse & mole est plus chaulde / et engendre soif et est de plus grosse nourriture & plus forte a digerer et faict enfleures rongissiemens & opilation de rate & de foye. Et la grappe qui a subtile saueur et pleine de ius et plus froide est de meilleur digestion / & conforte lestomac et le mūdifie des humeurs coleriques & si adoulcist & est bonne pour complexions attrēpees. Et la grappe qui a moyenne saueur a moyēne vertu. La grappe blanche & clere & pleine deaue nourrist legierement et est de legiere digestion & queurt tost aux veines & est penetratiue & faict tost pisser. La grappe noire & grosse est dure a digerer. Mais elle cōfor-

te lestomac & faict bōne nourriture quāt elle est bien digeree. La grappe rousse / citrine et iaune tient les moyennes vertuz de celles dessusdictes. La grappe passe & seiche est seiche par la cōparaison a la verte & est lune di celles douce q̄ est la plus chaulde et plus moiste / par especial celle q̄ est noire & vault a la douleur du pis & du poulmon & si attrēpe la toux. Celle q̄ est aigre est plus froide & nourrist moins & est plus seiche q̄ la douce & si conforte lestomac & estainct la chaleur et serre le ventre.

¶ De l'appareil pour faire Vendanges.

Chapitre. xx.



Quant le temps de Vendanges approche len doit appareiller cuues et cuiuers pour y mettre et fouller la Vendange et autres Vaisseaulx pour porter les raisins et le Vin / et aussi pressouers pour faire les pressoirages & q̄ tout soit bien nettoye et laue / & aussi doit len querir Vaisseaulx pour mettre le Vin et cerceaulx pour les relier / et oziers Vieulx se ilz Vallent mieulx que les nouveaulx.

¶ Du temps conuenable pour Vendanges.

Chapitre. xxi.



Est chose de grāt proffit de scauoir & cōgnoistre le tēps cōuenable pour Vēdāger / pource q̄ aucuns Vēdāgent auant que les raisins sonpent meurs & pource font ilz petit Vin & subtil & malade & qui ne peult longuemēt durer / & aucuns autres Vēdāgent plus tard / & ceulx ne blessent pas tant seulement la Vigne par la resolution de sa vertu / mais avec ce ilz blessent le Vin et le submettent a plusieurs passions & le font moins durable. Si cōgnoist on le tēps cōuenable & le terme pour Vēdāger & de la Vendange au goust et a la veue. Car Democritus et Effricanus dient que la grappe doit auoir meurete par six iours et non plus / et puis on la doit cueillir / car se le grain de la grappe nest pl⁹

Verd et quil soit noir ou de telle couleur cōme les meurs / cest signifiāce quil est meur. Aucuns espreignēt vne grappe / & se le grain queurt par la partie cōmune cest signe quel le nest pas meur. Aucuns autres lespreuuent par autre maniere / ilz considerent et choisissent vne belle grappe et bien chargee et en lieuent vng grain / & puis vng iour ou deux apres ilz reconsiderent le grain / & se le lieu ou il aura este pris est demoure en telz le forme comme deuāt et que il ne soit point appetisse pour la creue des autres grains & quilz ne soyent point changez ne creuz / lors ilz vendangent hastiuemēt / & se ilz treuuent que le lieu du grain soit appetisse ilz laissent les raisins a vendāger iusques a ce q̄lz soyent meurs et tous parcreuz. Paladius dit que len congnoist quant les raisins sont meurs a ce que quāt on espraint vne grappe les grains q̄ sōt dedans les raisins sont de couleur fullsque & aucuns presque noirs / et ce leur vient de la meurete naturelle et pource conuient lors vandanger / & par especial se la lune est au signe de Lescreuice ou Lyon / en la liure en lescorpiō ou en capricorne & quant elle fine ou q̄lle est soubz terre il conuient lors hastiuement vandanger sicōme vng maistre nomme Brugliidius le dit en vng liure des Vignes quil translata de grec en latin. En somme toute nous deuōs scauoir que se les grappes sont trop grasses et on les desnue des fueilles entour les costez / le vin qui en sera faict sera moins pleindeaue / mais il sera plus fort et plus durable. Se len cueille les raisins apres tierce quant la rousee est degastee & lair chault le vin en est meilleur plus fort et plus durable. Les grappes q̄ sont cleres et reluyans et qui ne sont grasses degastees ne corrompues en quelconque partie font le meilleur vin et plus durable / & les contraires au contraire. Grappes trop meures font le vin plus doulx / mais il est moins bon / moins puissant et moins durant que se elles eus-

sent este vendangees en tēps deu. Les grappes plus vertes fōt le vin verd. Les moyēnes font vin puissāt et vin durāt. Les grappes que len cueille quāt la lune est en croissant si font le vin moins durant / & les grappes cueillies au decours de la luue font le vin mieulx durāt. Se len met grappes noires au fons de la cuue / quant le vin deura boullir le vin en sera plus rouge / et se len y met miel il en sera plus doulx. Se len met grappes meures il en sera plus meur / et se len y met grappes vertes il en sera pl⁹ verd & de sauge ce sera sauge. Et generalllement le vin acquiert le goust et saueur & vertu de ce que len met au fons de la cuue quant il doit bouillir / pourueu que tout bouille ensemble par certains iours. Se les grappes cueillies sont par aucuns iours a vng moncel elles en feront leur vin plus meur. Se le moust est mis en tonnes ou en tonneaulx & que il bouille dedans sans grappes il sera bon et bien durant : mais il demourra a esclarcir plus de temps que se les grappes et le vin auoient boullu ensemble. Et toutesuoyes se aucune ptie des grappes biē espraïtes ou non espraïtes estoit mise au tōnel de moust doulx le vin en seroit plus tost cler.

¶ De la maniere comment on doit vandanger.

Chapitre. xvii.

Les vandangeurs et vandangeres / ses qui portent les panniens et autres vaisseaulx pour recueillir et mettre les grappes doiuent eslire fueilles. Et se ilz treuuent en vandangeant grappes vertes / aigres ou pourries ilz les doiuent mettre a part / & sen doiuent bien dōner garde de ceulx qui ont regard sur les vandangeurs et cueilleurs : car qui foulleroit et espraindroit telles grappes avec les bōs raisins el le feroient le vin plus roide & plus aspre & de legier plus corropable. Les grappes vertes / aigres / pourries ou seiches font trop grant grief et empirance au vin.

Comment on doit fouler les grappes des raisins et en traire le Vin.

Chapitre. xxiii.



On doit fouler les grappes des raisins aux piedz & puis esleuer les raisins & les traire & espraindre tout & puis les porter au pressouer. Et doiuent ceulx q foulet vendange auoir les piedz nectz / & souuēt presser de la cuue & rétrier ens & estrevestuz & ceins a ce que leur sueur ne blesse le Vin. En aucuns pays cōme a Boulongne len foule les raisins en la vigne moyennemēt en cuuiers ou en corbeilles / & ainsi on les porte et laisse p aucun tēps en grās vasseaulx pour bouillir cōme p huit iours ou tāt ou iusq̄s a. xx. ou. xxx. Aucunes fois le Vin en est purifie grādemēt / mais il sent trop fort la saueur des raisins et pource il est bon de mettre sur la vendange vng corbillon ou vng instrument dozier sur lequel le fouleur parfera ce qui nestoit faict parauant. Et quant tout sera bien foule et q le Vin ystra p les conduitz des oziers dedās la tyne on le laissera bouillir iusques a ce quil soit purifie & puis le mettre en vasseaulx ou y aura de leaue ou plus ou moins selon ce que le Vin est fort ou foible et selon la force que len veult y auoir. Et deuez scauoir que de tant comme les grappes seront mieulx foutees de tant sera il moins de besoing de le mesler avec eue: mais on en aura plus de pur et du contraire au contraire / et par ceste maniere le Vin sera bien purifie et durable et si ne sentira poit la saueur des raisins. Et aussi deuez scauoir que les grappes de petit Vin doiuent plus bouillir que celles de bon Vin. Aucunes grappes ont les grains si verdz et si aigres que len ne peult laisser le Vin bouillir avec iceulx raisins sans lepirer / et aucunes autres qui ont les grains doulx: et pource doiuent bouillir avec leurs raisins. Quant les grappes sont cueillies qui les met et assemble en vng mōcel et quelles y soient deux ou trois iours

le Vin en deuient plus mur et plus doulx. Et pource il est bon dauoir es vignes fors vasseaulx & bien estouppez de poix esquelz les raisins sapent ainsi mis tantost & chauldement / et le Vin en sera plus souef et plus delectable: mais il ne se gardera pas si bien en este pource que les grappes auront este trop meures. Et deuons scauoir q tout Vin qui boult sans les grāis et escorces est blāc / et celluy qui boult avec grains et escorces si a couleur rouge / noire ou cytrine & dor laq̄le il prent & recoit de ce que dit est. Len peult faire de grappes verius vnes passes q sont grappes seichees plusieurs medecines & Vin doulx / Vin cuyt / Vin pur / & Vin aigre / & ont ces choses diuerses operations es corps humains sicomme cy apres sera dit & commēt on les faict et aussi comment on les peult garder et de leur nature et vertu.

Comment on faict le Verius vne passe et Vin cuyt.

Chapitre. xxiiii.



En faict Verius en deux manieres / l'ung cler et lautre sec / le Verius cler se fait par telle maniere. Quant les grappes sont vertes attrempeement & ainsi comme parcreues on les cueille et sont pilees / & met on du sel dedans / & puis les met on en vng vassel au soleil / et quant elles y aurōt ainsi este par deux ou trois iours len doit prendre & espraindre le ius & le garder en nectz vasseaulx de boys. Aucuns ny met tēt poit de sel / mais il se garde mieulx quāt il en va / et par especial quant on le faict de telles grappes q le Vin qui en seroit fait ne se pourroit garder en este. Len faict Verius sec par telle maniere. On pret grappes tres vertes et les pile len et esprait le ius & puis le met on sur le feu en vng vassel darain rouge / et est cuyt iusques a ce quil soit presque prins & coagule / & apres le met on au soleil sur vng vassel estendu iusques a tant quil soit sec / et ainsi est fait et puis soit garde. Ilz sont aucuns qui seichent au soleil

sans autremēt cuire quant le soleil est bien chault. Et aucūns q̄ font vertius de grappes moyēnemēt meures: mais la prenuere maniere est plus froide & plus serrāt. Et aussi len peult faire vertius espes cōme miel q̄ est moult vertueux sicōme dessus est dit au traite de la Vertu des grappes. Toute Affrique si faict la grappe passe & ronde par telle maniere. Len cueille des grappes passes grāt nōbre & les met on en baïsseaulx faictz de ioncs non pas trop iointz/ mais larges & clers & la on les bat bien fort de Berges/ & puis quant le ius sera hors des grappes on les espraindra/ et tout ce q̄ en sault hors on le met en baïsseaulx en maniere de miel et le garde len pour vsage. Et en autre maniere on le faict de moust doulx q̄ len cūpt & escume/ & le faict on bouillir tant q̄ il en demeure les deux pars / et en autre maniere quil nen demeure que la tierce partie de sape. Sape est moult doulx & poignant.

¶ De la purgation de Vin faict de grappes aigres & corrompues.

¶ Chapitre. xxv.



On doit oster & separer des bōnes grappes les grappes aigres et corrompues et le moust q̄ est faict de telles meschans grappes est cure par telle maniere. On doit cūpre eue de pluye tāt q̄lle reuiēne a la moitie & prendre de celle eue aīsi cōme la. x. ptie de ce q̄l y a de moust/ & puis le mettre dedās & cūpre tout ensemble iusq̄s a la cōsumption de la sixiesme ptie sicōme dit le Bourguignon. Aucūns le font autremēt: car ilz gettēt leaue avec les grappes & est tout foule ensemble/ & puis ilz cūpsēt le moust iusq̄s a la cōsumption d'autant cōme len y aura mis deaue.

¶ De la cure du Vin greue & tourmente deaue & de pluye.

¶ Chapitre. xxvi.



¶ La pluye desmesuree grefue les grappes en la Vigne ou apres ce q̄lles serōt cueillies il les cōuient

fouler/ et se le Vin en est trop foible ce q̄ len pourra scauoir au goust au mettre au tonnel/ quāt il aura p̄mieremēt boullu on l'ostera tātost du tonnel & sera mis en Vng autre tōnel/ & tout le lymō & lordure & corruption demourrōt au fons pour leur pesāteur. Aucūns autres le font mieulx/ car ilz le cūpsēt tant q̄ la. xx. ptie en soit degastee & puis gettēt du plastre autāt dedās cōme la cētiesme partie du Vin cōtiēt: & les autres laissent le Vin sur le feu iusq̄s a ce q̄ la. v. partie en soit degastee & puis vsent du remenant.

¶ Comment on doit mettre le Vin es tonneaulx & baïsseaulx.

¶ Chapitre. xxvii.



On doit lauer les tōneaulx deaue salee & les nettoyer & froter d'une espurge biē fort & les fumiguer dēcens. Len ne doit pas trop emplir les tōneaulx ne aussi laisser trop buidz: mais on doit cōsiderer & regarder iusq̄s ou le moust boullant peult prendre son accroissement & oster aux mains & a hanaps lescume & les superfluites se aucunes eny a quāt le moust aura este par cinq iours dedās les tonneaulx & bien nettoyer et espurger le celier & getter les ordures bien loing: car q̄ les mettroit pres le celier/ les baïsseaulx en receuroyēt mauuaises odeurs q̄ greueroyēt au Vin. Et aussi doit on mettre bonnes odeurs empres les pressouers / et par especiales lieux d'apothicairerie on len veult garder Vin pour medecines.

¶ Cōment on peult auoir moust tout ou long de lan.

¶ Chapitre. xxviii.



Il conuient auāt que lon froisse les grappes et que le Vin en saillie que len ait Vng baïssel tout poisse p̄ dedās ou par dehors/ et que tantost que les grappes seront froissees que len gette le moust dedās et que le baïssel nen soit plein que a demy et que il soit fort estoupe de plastre et le moust y demeurera longuement

doulx. Et encores seroit mieulx garde se le baissel estoit enclos en vng cupz et mis dedans vng puy: car la il ne bouilliroit point. Se aucun froisse les grappes doucement et ne les espreigne pas moult fort / le moust en est bon et proffitable a garder et durera longuement / ce dit le Bourguignon. Aucuns poissent le baissel dedans et dehors et le mettent en vng puy en telle maniere que les bors seulement soyent par dessus leaue / et est esprouue quil dure longuement. Et les autres le mettent en arene et grauelle moiste et grauois mouille et lenfouissent.

Comment on peult scauoir se moust ou vin cōtiennent eue / et cōment on les peult separer et oster.

Chapitre. xxxix.

Qui veult scauoir sil y a eue en moust ou en vin prene deux poires crues et les mette dedans / se elles vont au fons il y a eue / et se elles nagent par dessus le vin ou moust est bon et pur. Les autres prennent vng glageul ou vne canne qui croissent en eue / ou papier ou foing ou autre chose seiche et le oignent dhuyllle et le mettēt au vin ou moust et puis len tirent / et se il y a eue dedans les gouttes se assembleront en luyllle / et de tāt quil y aura plus de eue de tant si assembleront plus de gouttes de eue. Et les autres le font plus simplement / ilz mettent le vin en potz de terre nouueaulx auāt qz le mettent ailleurs / et les pēdent par deux iours / et leaue qui y est meslee en degoute hors. Les autres mettent le vin sur la chaulx / et sil y a eue la chaulx se dissoult et amollie / et se le vin est pur elle sendurcist. Et les autres mettent en vne paelle a faire luyllle bouillant et puis y versent du vin / et sil y a eue dedans le vin il fera vng grant son et grās bouillons et saillans. Et aucuns autres prennent vne nouuelle esponge ou espurge et la oignent de luyllle / et en estouppent la bouche du baissel ou tonnel ou est le vin et puis

le tournent ce dessus dessoubz / et sil y a eue elle se espādra en lespōge / et se len en luyllle de telles probatiōs. Et les autres se mettent vng petit de moust en leur main et se frotent et sil est pur et sans eue il deuient visqueux et se tient a la main / et se il y a eue il ne se tiēdra point a la main. Le eue est ostee hors du vin par telle maniere. Prenez alun moiste et le mettez au baissel ou est le vin / et puis estouppiez la bouche du baissel dune esponge oincte dhuyllle et tournez la bouche cōtre terre et laissez tout conuenir et le eue en sauldra et non autre chose.

Comment le moust peult estre tost espurge.

Chapitre. xxx.

En mettra en vng baissel de moust de dix septiers vne petite mesure de vin aigre et par ce le moust sera purifie dedans trois iours.

Comment le moust ne bouillera point par dessus.

Chapitre. xxxi.

Vus ferez vne courōne de pouz lieul royal ou de nepte ou de origane et la mettez entour le col du bondon du baissel sicōme dit Burgundius. Et aucuns oignent les baissels seaulx par dedans entour les baulieures du bondon de lait de vache / et ce retient le moust bouillant par dedans en telle maniere que il nen yst point.

Enquelz lieux le vin doit estre mis pour mieulx et plus durer.

Chapitre. xxxii.

Nous deuons faire et asseoir nostre celle pour mettre le vin au contraire de septentrion froide et obscure ou prochaine de lieu obscur / loing de estables / de fours et de baigneries / de chābres copes et de cisternes / et aussi dautres eues et choses de mauuaise odeur / toutesuoyes au liure de la vendange que feist Burgundius il est contenu que le

plus fort Vin doit estre mis a l'air / et q'il y ait parois qui le gardent du soleil de midy et de celluy du couchant pour le chauld: mais les autres petis Vins doiuent estre mis soubz le tect / et y conuient faire fenestres haultes regardans vers orient et septentrion.

Comment on transporte le Vin de Baissel en autre / et de l'ordonnance des Baisselaux.

Chapitre. xxxiii.

En doit transporter le Vin de Baissel en autre au temps que Vise Vente et non pas quant le Vent de midy souffle et les Vins qui sont foibles en printemps et les fors en este. Les Vins q'ont creuz en lieux secs quant les iours commencent a descroistre. Quant len mue le Vin de tonnel en autre au temps de la pleine lune il deuiant aigre. Et doit on scauoir que quant on oste le Vin hors de sa lye quil en deuiant plus subtil et plus foible. Les tres experts maistres afferment q' se enuiron la Toussaintz quant le Vin aura cesse de bouillir et que la lye sera descendue au fons se len oste le Vin hors de sa lye grasse il fera en puer Vne mere subtille et delpee ou il sera mieulx garde et trop mieulx clarifie au printemps que sur sa premiere lye. Et si dient que se le Vin demeure longuement avec sa lye quant le chault temps viendra la lye se incorporera avec le Vin dont sa saueur empirera et ne se pourra apres clarifier iusques a ce quil aura este chauffe sur le feu pres de bouillir et que le feu soit cler et lent et que il soit mis en Vng nect Baissel avec Vne couloire au fons en laquelle doit auoir deux bastons ou Vne tuylle nette enuersee dedans et Vng mantel de gros drap pel. Du que le Vin soit mis en Vne tynnet et que en ce mesme Baissel le Vin soit remue en la maniere dessusdicte. Et aussi doit en pourueoir que le Vin soit mis en puer en lieu chauld et en este en lieu froid. On doit muer le Vin de Baissel en autre quant la lune est en croissant et quelle est soubz terre.

Quāt nous transportōs le Vin de tōneaulx en petis Baisselaux il conuient regarder la naissance des estoilles / pource que la lye se meult es naissances des estoilles / et par especial quāt les roses sont et quant les Vignes florissent. Les sages cōseillent et par especial Hesiodus q' quāt on ouure les tonneaux q' le Vin q' est au dessus et celluy qui est au dessous soit oste cōme de peu de faict / et que le Vin du mylieu soit garde cōme le plus fort et le plus durāt et le plus conuenable pour estre Vin Vieulx / car le Vin q' est pres du bō donail et prochain a l'air est le plus foible et le plus euapore / et celluy qui est au fons se sent de la lye et du foible. Le Vin que len met en petis Baisselaux y doit estre mis par mesure en telle maniere quil ne aduienne pas iusques aux baulieures du Baissel de la bouche: mais aucunement pres et au dessoubz du col affin q'il ne soit suffoque ne trop empresse aincois q'il ait cōuenable respiration qui ne se doubteroit que il ne deuenist aigre car qui en doubteroit on ne le deuroit point laisser respirer. Et soit faict le stoupail de saulx verd hors de l'escorce. Bon est que len face empres ou est la lye Vne petite espinelle par ou on puisse traire du Vin en temps chauld et Veteux / pource q' par la ystra hors ce de la lye q' se mesle avec le Vin et sera par ce le Vin mieulx clarifie. Celluy qui ouure le tonnel doit considerer le point des estoilles / pource que lors le Vin se esmeult / et au commencement des estoilles que le Vin se meult on ne le doit pas surquerir. Et se len veult ouurer le tonnel de iour len doit entreindre au soleil affin que sa clarte et chaleur ne fiere dessus le Vin. Et se pour aucune necessite il conuient percer le tonnel on doit prendre garde a la lumiere de la lune. Quāt les tōneaulx sont vuidz on les doit hastiuement labourer deauue salee ou les seicher de cendre ou de terre argille quant le Vin aura este petit. Mais se le Vin a este grāt et fort il suffit de les clore et estoupper de tous costez.

car lodeur et la force du Vin deffendent les
Vaisseaulx.

Du temps & de la maniere de
gouster & essayer le Vin.

Chapitre. xxxiiii.

Aucuns essayent & goustent leur
Vin au tēps q̄ bise Vente/ pource
q̄lz sont plus purs & plus nectz
ence tēps q̄ en autre. Les autres

q̄ sont eppers & cōgnoissans en Vin lessapēt
quāt le Vēt de midy Vente/ pource q̄ ce Vent
esmeult & redargue le Vin & le mōstre tel q̄l
est. La ieune personne ne se doit pas entre-
mettre de essayer Vin pource que le goust
en est gros & rebours ne aussi quant la per-
sonne a moult beu & mange/ sicomme Bur-
gundius le dit en son liure. Mais selon la
coustume de Boulōgne on essaye tousiours
le Vin a ieun estomac. Celluy qui doit es-
sayer Vin ne doit auoir māge viande amē-
re ne salee ne autre chose qui altere le goust
mais quant il aura Vng peu mange et bien
digere il le pourra lors essayer. Aucuns qui
Veulent deceuoir les marchans ilz ont vais-
sel nouuel & le mouillent & arrousent de tres-
bon Vin Vieulx bien souef flairant & puis ilz
y mettēt le Vin q̄ ilz Veulent Vēdre. Mais
les autres font plus malicieusement. Car
ilz dōnent noir & fromage a māger a ceulx
qui Veulent & doiuent essayer de leur Vin af-
fin que apres ce quilz en auront māge leur
goust qui par auant estoit bon & certain soit
change et deceu. Et ce que ien dy cest pour
aduertir que nous nen sapons deceuz & non
pas pour deceuoir autrui. Le marchāt qui a
a gouster & essayer Vin doit souuēt faire ex-
ces et gouster Vin Vieil et nouuel affin quil
noublie ce dont il se doit garder.

Cōmēt on cōgnoist le Vin durable & q̄
est bon a garder. Chap. xxxv.

Quant le Vin aura este mis au
tōnel & quil y aura este par au-
cun temps il le conuēdra met-
tre hors dicelluy tōnel & le met-

tre en Vng autre Vaisseau auquel il se repose-
ra pour demourer. On laissera la lye dicel-
luy Vin au premier tonnel & sera bien estou-
pe de toutes pars/ et apres on doit bien re-
garder en souuent odorāt que quelque trās-
mutationne soit faicte entour la lye/ ou que
ordure/ lymon ou fange blanche ne soit fai-
cte soubz la botte ou soubz le tonnel & qui y
trouuerait aucun tel signe on deuroit penser
que le Vin se corromploit/ et se len ny trou-
uoit aucun tel signe on peult iuger que le
Vin seroit bon & durant & bien gardable. Et
aucuns prennent Vne canne cauee et lestou-
pent de leur poulce ou du doid & boutent au
tōnel iusques au fons dedans la lye/ & puis
destoupent la canne & en ostent leur poulce
ou doid & sentent & attrapent au nez par la
canne lodeur & senteur de la lye/ et apres en
trent la canne dehors et en apportent de la
lye & par ce ilz scauent & peuēt iuger quel le
Vin deura estre. Aucuns autres bouillent
Vng peu du Vin & puis le laissent refroidir/
& apres en essayent & tel quilz treuuent le Vin
au goust ilz iugēt que lautre sera/ et se doit
faire cest essay du mylieu du tonnel. Et les
autres si prennent leur regard au gouuer-
nement du Vaisseau/ car ilz le descouurent et
goustent de la couuerture qui est au dessus/
et se elle est vineuse/ cest signe de bon Vin/
& selle sent leaue cest tresmauuais signe & ne
vaut riens. Et aucuns autres le iugent au
goust et se le Vin est aspre et roide au com-
mencement cest certain signe de bonte/ & se il
est mol cest signe de peu de bien.

Des nuyssances & griefs qui
aduennent au Vin.

Chapitre. xxxvi.

Aucunes fois aduient que le Vin se
corrompt et perd pour leaue cor-
rōpue en la Vigne ou pour mi-
tion deaue faicte avec le Vin et
est change et tourne en diuerses manie-
res par estrange chaleur qui y ouure/ et
se la lye ou aucun peu de tel Vin demeure

dedans le Baissel apres ce que le Vin en sera tire hors et que le Baissel deuient estoupe ce se conuertira en telle corruption q le dit Baissel ne d'auira iamais riens et corrompera tout le Vin que len y mettra. Et se len met de ce Vin en aucun sain tonnel ou avec autre Vin sain il corrompera tout et mettra a sa nature. Et apres se Vin fort et puissant et par especial doulx et gros est laisse en tēps chaalt au tonnel ou en autre Baissel q ne soit plein et q soit destoupe et desclos l'humour et la chaleur du Vin se euaporeront et demourra le Vin froit et sec et aigra.

Comment et en quel temps le Vin est plus tost tourne et corrompu.

Chapitre. xxxvii.



Dut Vin se tourne communemēt etour le deffault des sept estoilles q le appelle pnyades et est au cōmēcement de puer et aussi dū solstice estiuai vers la saint Barnabe. Et es iours chiennins et generallemēt quant le Vēt de mydy Vēte soit en este ou en puer. Et en tēps de grās pluies et pour cause de violence de Vēt et de mouuemens de terre ou de fort tōnoirre et quāt les Vignes ou les roses florissent sicomme le dit Burgundius.

Comment on peult remedier a ce que le Vin ne se tourne ne corrompe.

Chapitre. xxxviii.



Sel cuyt et ars mis dedans le Vin garde le Vin de tourner et le faict bouillir plus ql ne conuiēt et le defes de corruption q gecte doulces amandes en Vin de noirs raisins il se garde sans corrompre. Qui gecte Vnes passes cest a dire grappes seiches dōt les grains soyent ostez avec arene ou sablon dedās le moust ou Vi cuyt ce le faict gras et durāt. Aucuns choyssissent Vne grappe seiche nee dauenture en la Vigne et en vsent singulieremēt. Qui met plastre en Vin il le faict au commencement aspre et dur : mais au temps d'apres il faict euaporer celle saueur. Le prouffit du plastre

demeure long temps et ne seuffre point le Vin a tourner. Et en est la proportiō telle se le Vin est foible et de molle saueur ou greue de pluye la centiesme partie de plastre si suffira et se le Vin est grāt et vertueux la moytie de plastre suffira. Fenegre broye et mesle avec sel ars se on les met en Vin qui bouletiers se tourne et le Vin soit oste de sa mauuaise lye et mis sur lye de bon Vin si font le Vin durant et sans tourner. Aucuns prennent bons ardens et bienallumez avec poix et les estaignēt en moust et ce garde le Vin de tourner. Aucuns prennent le fruit du cedre et l'ardent et galles arses et les mettēt en Vin et le Vin est permanant. Les autres prennent sermens de Vigne et les ardent et en gettent les cendres au Vin avec semēce de fenoil broye et il ne tourne point. Aucuns autres les chargent de Baissel en autre et de maison en autre et se ilz sont blecez de chaleur ilz les mettent en lieux froids et se ilz sont blecez de froit et d'humour ilz les mettent en lieux chaals et les autres y mettent semence de lin ou cendres de boys de chesne. Et autres mettent lait et miel dedans le moust et il en est plus souef. Les autres y mettent du grauois de riuere avec Vin Vieil et gettent tout ensemble au Vin. L'argille purge le Vin qui luy met aps ce quil a boullu et emporte au fons tout ce qui trouble le Vin et se elle estoit arse y auāt elle le purgeroit encores mieulx et la doulcist et faict de bonne odeur et si le faict permanant. Elebore noir mis avec Vng peu de lebore blanc mis dedans le Vin le purge et le faict permanant. La farine de froment faict le Vin durable. La poix rasine du pin retient le Vin. Laubin doeuf faict le Vin poignant et agu et le garde de aigra. Aucuns dient que cest impossible que le Vin se trouble ne tourne se len escript au Baissel par auant quil y soit mis ces diuines parolles: Gustate et Videte quoniam christus suauis est dominus. Goustez et Veez que Jesuchrist est souef seigneur et seroit bon

de lescripe en Vne pomme & puis la mettre au Baissel. ¶ Cy après sensuyt Vne merueilleuse cōfection pour garder Vin q̄ len nōme panicia. Prenez deux onces d'aloës / deux onces d'encens / deux onces d'amon / quatre onces mellilot / Vne once de cassia / deux onces despicnard / quatre onces de foil / quatre onces de mierre / et lyez toutes ces choses en Vng drappel de lin et le mettez au Baissel quāt le Vin aura este purge / & mettez de ces espices en chascun Baissel Vne cueilleree et puis apres l'ostez hors du drappel et gettez celle pouldre dedās le Vin & par trois iours que le Vin soit remue de la racine d'ung gla geul. Aucuns font Vng autre telle cōfection. ¶ Recepte. Trois onces de saffren: car il donne bonne couleur / et trois onces d'encens masle / cecy crible faict le Vin roide / et Vne poignee de foil donne au Vin bonne odeur / pillez toutes ces choses et les meslez toutes ensemble et mettez de ceste pouldre en chascune couche de Vin deux cueillerees nō pas quāt le Vin bouillra: mais quant il sera appaise et deuenue quoy / car pour reigle generale on ne doit confire le Vin iusques a ce q̄ soit repose. Aucuns autres cōfisent Vin par ceste maniere. ¶ Recepte. Cardamon racine de flamble plitice / cassia / spicnard / mellilot / pilobalsami / squmati / costi / spiceltique autant de l'ung comme de l'autre. et les pillez et mettez en Vng sachet & puis le mettez au Vin. ¶ Item prenez racine d'armoise / et Vne herbe que len appelle penthafilon et en faictes pouldre / et quant le Vin aura bouillu mettez en dedans & il ne tournera point. Et aucuns laissent bouillir le Vin deux ou trois iours avec grappes affin qu'il ne se tourne et le muent de Baissel en autre au moy de feurier / & bouillēt la tierce ou la quarte partie de cestuy Vin et puis meslent tout ensemble / et apres mettent du sel dedans / cest assa uoir en Vng Baissel de douze corbeillees de Vin / Vne esuelle pleine de sel commun. Et en autre maniere qui bouillra. On muera

le Vin en feurier et en bouillra len la quarte partie sur le feu iusques a ce que la huitiesme partie du Vin soit consommee et soit escume. Et apres ceste bouture on mettra en chascune chaudiere Vne herbe appelee iuganula et Vne autre nommee liuertixium sec ou liuerticum seulement & que tout bouille Vng peu ensemble et puis que tout soit gette & mis au tonnel / & len y met des grappes bien lauees par auant dedans le moust le Vin en sera plus cler / & lors on deura bien estouper le Baissel en telle maniere que l'air ny puisse entrer ne yssir / et qu'il soit bien relye / et est certain et bien esprouue. On le peult faire autrement durable et merueilleux a boire quelconque Vin que ce soit. Len espraindra bien fort les grappes & le Vin ensemble auant que il ait bouillu et puis que tout soit mis bouillir au feu ensemble par l'espace d'une heure et qu'il soit bien escume et puis mis en Vng Baissel / et apres que len prengne vingt clou de girofle pour chascun corbillon ou canne et soyent lyez en Vng fillet ou mis en Vng drappel dedans la bouche du Baissel et est esprouue. Les autres dient que quant le moust est esprainct et instant mis hors des grappes en Vne tynne et bien couuert d'ung drap nouuel et nect et d'ung tapis et que il soit ainsi par quinze ou par vingt iours et qu'il soit chascun iour escume & puis mis au tonnel il sera merueilleux en clarte et en saueur.

¶ Comment le Vin tourne et trouble est clarifie et guery.

Chapitre. xxxix.



Prenez cerises aigres en bonne quantite & les gettez toutes entieres au Baissel ou le Vin sera / et lors le Vin se prendra a bouillir et le laissez ainsi par trois iours ou iusques a tant qu'il laissera le bouillir: car en ceste bouture le Vin se purge tresbien de ses ordures / et quant on voit le Vin cler on le doit remettre en Vng autre Baissel / et qui y

mettra du miel en bonne quantite destrempe de Vin et verse dedans et puis q̄ tout soit bien triboulle & demene ensemble d'ung baston par la bouche du tonel tellemēt q̄ tout le Vin & le miel soyent bien meslez ensemble et puis laissez reposer & le Vin se clarifiera tresbien: car le miel traitra a soy tout ce q̄ se fera trouble au Vin & le fera descēdre au fons: mais aucuns Boulans tresbien faire prennent des raisins sans espraindre en bone quantite au temps de Vendanges et les mettent au Baissel du Vin tourne / et lors les raisins sont au Vin pour mere & rament le Vin a bonne sante / & finablement luy donent bone saueur. Toutesuoyes len doit scauoir pour reigle generale que auant que len face au Vin quelconque medecine on le doit separer de sa lye et mettre en Vng autre Baissel. Aucuns gettent le Vin tourne dedans les grappes dont il aura este extraict affin que il se clarifie en elles / & la le laissent tant quil esconuient. Et se il en y a grant quantite on ne le doit pas faire tout ensemble ne soudainement: mais tout a loysir & a plusieurs fois affin que len nestraigne pas la chaleur des grappes & que on nepesche pas toute la bonture du Vin dont il est clarifie: car de tant come il y aura moins de Vin avec les grappes de tant ouureront elles plus fort. Paladius dit que le Vin tourne sera cler en Vne iournee se pour six septiers de Vin on casse dix ou Vingt grappes de poiure / & que ilz soyent destrempez de Vin et puis gettees dedans le Vin & que tout soit tresbien remue ensemble et apres laisse reposer et puis couler & il sera tresbon Vin. Et aussi Vin trouble sera tost cler se len met sept noyaux de pain ou septiers de Vin et que on le meue & triboulle bien longuement et puis que on le laisse Vng peu reposer & apres couler & boire: car il sera pur et nect. Aucuns clarifient Vin trouble a noyaux de pesche. Aucuns autres de aubin doeufr & Vng peu de sel. Et selon lopinion daucuns on prent cailloux de ruisel

et les cuyt len en Vne fournaise iusques a tant q̄ on les voit creuer / & puis on les met en pouldre tresdeliee / & puis on pret sel blanc et le broye len tresdeliement et en Vng Baissel de dix courgees on met six onces de sel et pouldre de cailloux / & quatre onces de sel et puis on le meult & mesle fort & se en chascune corbillee on mettroit deux ou trois oeufs il seroit bon. Et se peult aussi faire ce que dist est de ces cailloux crus mis en pouldre et sans sel / & sont ces choses esprouuees: mais il est bon q̄ len y adiouste Vng peu de miel: car le miel rouge rend au Vin blanc sa couleur perdue / et tout miel visqueux & pesant si est conseruatif de toutes couleurs de Vin / et se le Vin est trop trouble si y adiouste len des choses dessusdictes plus largement: car par la Vertu de leur poix elles sont descēdies au fons toute la troubleur & l'ordure du Vin en telle maniere que la troubleur ne se peult esleuer enhault & ne changent point la saueur du Vin & se il est si trestrouble que il en soit tout pale & quil coulle come hypple & que sa chaleur naturelle soit toute estaincte il nest medecine qui riens y puisse valloir. Et se le Vin rouge nest pas tout estainct et luy demeure couleur iaulne et corrompue on le restaurera avec le Vin de albatique ou avec autre Vin tresrouge ou avec la laueur descorces fresches ou seiches de grappe de albatique ou avec la couleure de semence de pebles. Car le ius de ces semences corrigera la saueur du Vin tourne / & aussi faict miel rosat. Et ce peult estre aussi faict avecqs la laueur desdictes semences seiches. Et en autre maniere le Vin est trop bien clarifie. Pour Vng Baissel de Vingt cannes. Prenez quarante oeufs & les cassez aux mais en Vng Baissel & les batez tresbien et puis meslez avec Vne pleine escuelle comune de grauelle et gettez tout au Baissel dedans le Vin et le meslez et le triboullez tressort audit Baissel a Vng gros baston / & puis si enextrapez par le fons dembas a plusieurs fois & le remetz

tez au Baissel/ et quant il sera clarifie Vous en trairez par dessoubz toute la troubleur et l'ordure par le trou d'une broche. Et deuez scauoir que en Vin blanc on doit tant seulement mettre la glere des oeufz et en Vermeil on y met tout le mopeuf et la glere et de tant q'il sera plus trouble tant y conuiendra il plus mettre de la medecine/ et y peult on mettre du sel en lieu de grauelle et apres Vng peu deau de riuere. Aucuns autres cueillent en Védages les semences des grappes et les seichent tresbien et puis en font farine/ et de ceste farine ilz mettent en chascun corbillon Vne poignée et le remuent et meslent tresbien. Vng maistre tresexpert dit que le Vin est tresbien clarifie et ramene a bone saueur quant len met en Vng tonnel de Vin de mye liure d'alun de roche mis en pouldre et autant de sucre rosat avec huyt liures de miel et que il soit faict en telle maniere: cest a scauoir que le miel soit cuyt et escume tresbien/ et quant il sera bien refroidy q'len met la pouldre de alun et le sucre dissolt dedans Vng hanap et destrépe de Vin et puis q'tout soit mis dedas le Baissel et tresbien battu et remue dung baston sec/ et apres que le Baissel soit tenu estoupe tout le iour iusques a lendemain et le Vin sera cler au second ou au tiers iour aps/ et se le Vin estoit trop trouble et pourry len y mettra plus de chascune des choses dessusdictes. On peult faire de Vin aigre et de mauuaise saueur bon Vin et meur par telle maniere. Len met Vne liure de sucre rosat avec la mesure dessusdicte et Vne ruble de miel et en faict on come dessus est dit/ et par ce le Vin sera de bone saueur et de noble odeur. Aussi le peult on bien purger et clarifier par autre maniere. Prenez dempe liure d'alun de roche et dempe liure d'alun de sucre et le mettez en pouldre tresdelpee tout ensemble/ et en chascun corbillon mettez en dempe once se il n'est que Vng peu trouble/ et se il est fort trouble si y en mettez Vne once et prenez Vne liure de rabe blanc ou

rouge selon q' le Vin sera en Vingtquatre cannes/ et pour chascune canne pleine main de sel blanc et trois oeufz et se le Vin est blanc si n'y mettez que la glere et batez tresbien ces oeufz enaucun Baissel et puis mettez es oeufz Vng seau deau de fontaine/ de riuere ou de puy/ et batez et remuez tout tresbien ensemble/ et apres mettez tout au tonel de. xiiii. cannes ou courges de Vin et le remuez tresbien d'une Berge fendue en croix iusques a tant q'tout sera bien touille et mesle ensemble et puis on en traita par embas et sera reggette dedas par le bondonail/ et apres on le laissera reposer et par ainsi il sera cler au second iour et iusques a huyt iours on en traita par chascun iour Vng hanap trois fois par Vne broche q' sera mise au coste par embas et sera remis dedas le Baissel iusques a ce que toute la troubleur en sera mise dehors et que le Vin sera cler/ net et plaisant. Toutesuoyes nous deuons scauoir que auant que len face ces choses le Vin doit estre mue de Baissel en autre et oste de sa mauuaise lye. On le peult aussi clarifier sil est Vng peu avec le collier des draps affin quil soit cler et cole.

Comment len noircist le Vin et le mue len en autre couleur.

Chapitre. xl.

Puis que on aura transmue le Vin blanc de sa nature en aucun Baissel et y aura este par Vng iour on le gettera en Vne tynne ou il aura eu Vin noir/ et puis par deux iours apres on le traita trescler et sera tresrouge. Item qui auroit tant de grappes blanches et peu de rouges len doit cueillir les blanches a part et puis les noires et mettre premierement les noires en la tynne et apres les blanches et le Vin en sera tout noir. Paladius dit que les vignes sont de telle nature que se len rameine le blanc et le noir en cendre et on la met au Vin chascun ne luy donnera la forme de sa couleur/ le Vin blanc deuendra rouge et le rouge blanc. Et par semblable raison qui ardroit le serment

et len gettoit vng mup dedans vng tonnel de dix cruches et on luy laissoit par trois iours bien estoupe et lute il deuieudroit blanc ou rouge dedans quarante iours ou au moins il deuieudroit blanc ou noir au temps des vendanges avec grappes de albatique et avec labrusques bien meures quant on les aura bien cassees enuiron douze iours en vng baissel. Se nous mettons de leur vin noir en celluy q nous voulons noircir et se on laue plusieurs fois les raisins des grappes de albatique ou de labrusques du vin q len veult noircir il sera fait. Il y a vne bonne maniere de noircir pur ou mesle es tynes. Quant les grappes seront esleuees au dessus dedans les tynes et le vin sera dessous q on les espreigne dedans vne fois ou deux ou trois et ainsi le vin sera tainct des escorces des grappes noires. Le vin est rouge ou noir et clarifie et si luy reuiert en beaulte sa couleur morte par ceste maniere. On pret pour chascune corbeille ou baissel vne liure de semence de pebles seiche et le amollie len en vin chault et puis on lespraict aux mains et le pile len en vng mortier et la laue len plusieurs fois en vin. Celle laueur avec oeufz et grauelle de vin et sel soit mise au baissel ou vin et bien remuee et puis que le vin soit ainsi garde.

Comment on mue vin dune saueur en vne autre.

Chapitre. xli.

Les grecs quant ilz font et parent leur vin ilz y gettent la moitie ou la tierce partie de vin cuit et avec ce deux godes de farine dorge: car ilz dient que le vin dur en est fait souef mais q elle y ait este par vne heure pource q elle mesle la lye du vin et cuit avecques lautre. Ou autrement et mieulx quant vne charree de grappes aura este mise en la tynne len y mettra vne bonne quantite de miel cuit et fondu au feu et escume et se len adioust avec le miel poultre de poiure le vin en sera

plus puissant. Et q y adiousteroit clou de girofle ou autre chose odorant le vin en emporterait lodeur. En telle maniere se peult il faire quant le moult boult sans grappes. Quant len veult faire vin souef a boire on met dedans du fenail et de la sarriette de chascun selon ce quil appartient et est tout mesle ensemble. On fait vin de tresbonne odeur en peu de iours. Prenez baye mirte sauuaige de montaigne seiches et arres et les mettez au baissel par dix iours ou enuiron et les laissez reposer et puis les coulez et en usez. Et aussi on cueille fleurs de vigne arbruste et sauuaige et les seiche len en lombre et puis les pile len tressort et les met on en vng baissel neuf. Et quant on veult on met en trois seaulx vne mesure de ces fleurs q len appelle mesure siriaque et le gette len au tonnel et le sixiesme ou le septiesme iour on perce et ouure len le tonnel et en use len. Aussi on le peult faire en petites gerbettes lyees a cordelettes et a chascune vne pierre pour la faire descendre et aller au fons et les y tenir ainsi par tant de iours que le vin soit de bonne odeur et non pas plus pource q pour la force il se couuertiroit en mauuaise odeur. On fait vin nouuel ainsi come vieil se len frotte dedans amandes ameres / alupne / gomme de pin et fenegre ensemble en telle quantite q il appartiendra et peult on mettre de ces choses vng godet en vng baril. On fait de vin mol vin fort ainsi. Des fueilles dune herbe nommee altee ou ibistus ou les racines ou le tedron cuit et mis dedans le vin ou plastre ou des chiches ou trois pommes de cypres ou fueilles de bouis tant comme vne main en pourra tenir / ou semence dache / ou cendre de serment quant la flamme l'aura lasee: mais que len ait oste le bois dur qui ne seroit pas ars. Et generallemet en quelconque temps on peult mettre en vin aspre ou fort vin doux ou vin aspre en vin doux se la durtie desplaist et fort en foible et foible en fort. Et q y voudroit adioster vne saueur

estrange il y conuiendroit mettre en vng sachet petit ce que len voudroit et lyer le sachet de vng petit fil & mettre vne pierre petite pour le faire peser et aualer / et que len essaye chascun iour du vin / & quant il aura de la saueur aoulente q̄ le sachet soit oste affin que len ne sen apperceiue et aussi quil ne pcede. Cest chose esprouuee q̄ fueil donne tresbonne saueur & odeur au vin.

Comment le vin et les baissaulx serot deliurez des aigreurs & mauuaises saueurs.

Chapitre. xlii.

S le vin a aucun relai ou aigreuer ou mauuaise saueur. Prenez vigne blanche cest a dire en lombard vitalbe avecques ses racines & mettez les racines dedans le tonnel par le bondonnail en telle maniere q̄ les rainceaulx plongent dedans le vin & q̄l soit ainsi par trois iours & le vin perdra sa mauuaise saueur. Les autres prennent vitalbe longue & procurent q̄lle soit fichee de lung des boutz par vng trou dedans le baissel en lieu de broche en vne douue de au dessoubz endroit la lye / & q̄ lautre bout soit flechy & ploye vers terre & boute dedans terre en telle maniere q̄l soit ferme et que lautre bout soit releue par deux ou trois doids au dessus de terre: & lors on verra chascun iour yssir hors par les conduitz subtilz de la vitalbe nomez porres la musses & la corruption du vin / & ainsi se appetissera la saueur de la musses. Autant y vault q̄ faict vng pain de pannic entre testz de potz de terre & q̄ on le mette chault sur la musses es mugles du tonnel. Len dit que le vin est guery de musses quant on estoupe le baissel de pain chault par plusieurs iours: et sicomme ilz dient on le doit tant de fois faire que le pain que len y mettra nen soit plus ennoircy. Ou que len prenne semence de saurier nommee baie et la faire bouillir en vin / et puis la mettre au tonnel. En ceste maniere en sont deliurez le vin et le ton-

nel et plus: car le vin & le baissel en prennent meilleur saueur / et pource il vault mieulx que len bouille les rainceaulx de saurier en vne chaudiere a vin / & apres que len mette tout au baissel avec le vin & q̄ tout soit bien mesle ensemble. Les rainceaulx seront pendus dedans le vin par le bondonnail tous ensemble ou par parties et y seront laissez par aucuns iours iusques a ce que le vin soit guery et puis soyent ostes / & ainsi le vin ne sera point infect de mauuaise saueur. Et aussi iay esprouue que neffes vertes pendues dedans le vin a cordelettes & q̄lles y demeurent quinze iours ou vng moys si guerissent le vin et le baissel. Et aussi guerit il sicomme len dit qui pend dedans le baissel sans toucher au vin vng faisselet de saulge au soir et au matin / & que quant on len retraira quil soit bien laue et que le bondonnail ne demeure point sans estouper. Aussi peult estre le vin guery qui met dedans le tonnel vng sac estroit plein de pannic et que il nage sur le vin / et que aucunes fois il soit oste & q̄ on y remette vng autre. On dit pour certain que qui prent vne poignee de morelle & que elle soit pendue au tonnel par le trou du bondonnail a vne cordelette en telle maniere quelle soit par deux doids dedans le vin et que elle y demeure par vne iournee seulement et que au soir elle soit oste et que len y en remette vne autre poignee et quelle y soit semblablement pendue iusques au lendemain au matin / & quil soit ainsi continue par trois ou quatre iours / et que le baissel soit tousiours bien estoupe & le vin & le baissel seront gueris: et aussi y prouffite qui y met vng sachet de lin bien delpe ou destamine plein de sel ou de plastre ou de chaulx / et que il soit pendu dedans le baissel par le bondonnail a vne cordelette en telle maniere q̄l descende iusques au mylieu du vin et le laisser ainsi. On guerist le baissel corrompu de musses ou de mugin ou moisy par ceste maniere. Prenez chaulx visue pleine vne quart-

terolle pour Vng Baissel de douze corbeilles et q̄lle ne soit pas estaincte & q̄ le Baissel soit tresbien relp̄e et estainct / et puis quelle soit mise dedans ce Baissel & q̄ len p̄ mette apres eaue bouillant ou vin chault & quil soit ap̄s si bien estoupe quil ne puisse respirer / & quil demeure ainsi par l'espace d'une heure et apres quil soit tresbien tourne et retourne / & quant leaue sera toute refroidie que l'endestoupe le Baissel et quil soit tresbien laue. Du autrement zampzus cūpt soit mis en Vng tonnel corrompu avec Vin bouillant et soit ainsi demene et faict comme dessus. Et seroit encores le meilleur de faire tous ces deux remedes lung apres lautre pour Vng Baissel le secōd apres le premier / & lors il sera guer̄ tout nect sans nulle doubtte. Aucuns autres dient que on guerist Vng Baissel cor̄pu par telle maniere que len mette du sel audit Baissel & q̄ on le p̄ laisse p̄ trois mōys & par aduenture autant pourroit valloir y mettre chaũx ou plastre ou cendre. On le peult aussi bien guerir par tresbien le tere par dedans & par toutes les creueures / & que il ny demeure riens de noir / ne de musses / ne de mugue / & q̄ se le Baissel est de dix courges que len y mette Vne quarterolle de cendres de serment avec toutes les brezes / & se il estoit plus cor̄pu on y en mettroit plus & que les cendres soyent tresbien demenees par toutes les parties du Baissel et puis q̄ len gette dedans eaue bouillant & q̄ il soit estoupe & apres encores tresbien demene & laisse ainsi iusques a ce q̄ il soit froit et ce faict quil soit laue tresbien et puis arrouse deaue salee bien chaũde. Par telles manieres sont gueries les tynnes / mais pource q̄ on ne les peult clore p̄ dessus on les doit couvrir de draps & de tapis affin q̄ les ne respirent / et aussi le Vin et le Baissel sont gueris de la flaireur de musses comme dient les esprouueurs quant len prent fueil en poudre & que il est mis en Vng sachet et que il soit auale dedans le tonnel iusques

au mylieu du Vin pendant a Vng filet par le bondonail / & q̄l y soit par plusieurs iours et quil ne soit point corrompu daucune maniere le saueur / et suffist de Vne once en Vng tonnel de cinq courges. On dit aussi q̄ le Baissel est guer̄ par fort Vin aigre boullu dont il soit tresbien laue & puis que on le y laisse par aucun temps. Et les autres dient q̄ par faire feu de pailles dedans le Baissel. quil sera guer̄ & par aduenture q̄ le feu de sermet y vaudroit mieulx. Les Baissaulx sont gardez & preseruez de musses quāt si tost q̄lz sont buydez iusques a ce q̄l ne demeure que peu de Vin dedans & puis q̄lz soyēt ouuers et buydez du Vin & q̄lz soyēt tresbien seichez ou que on les laue & frate deaue salee ou de Vin et puis q̄ sans traire le Vin hors on les estoupe bien fort a ce q̄ lodeur & la fumee du Vin ne sen p̄ssent / & ne se pourroit pas bien faire de moust pource q̄ on ne luy oseroit laisser.

Comment len preserue et garde le Vin de aigrir / et quant il est aigre pour len guerir.

Chap. xliii.



Mettez dedans le Vin cendre de Vigne blanche nommee Viablen / et sicōme dient aucuns il ne sera iamais aigre / toutesuoyes le Vin est mieulx garde de aigrir quant on le tient en froit lieu / et que les tonneaulx soyent bien pleins & bien estouppez / & tellement quilz ne respirēt point / car se le tonnel n'estoit plein et feust en lieu chault & que on se doubtaſt q̄l ne deuenist aigre il conuient droit prendre Vne grosse piece de lard bien bon et l'enveloper de toille despee de l'yn & le lyer a Vne cordelette et puis le aualer par le bondonnail iusques au mylieu du Vin / et selon ce que le Vin appetissera au traire que la piece de lard soit aualee en telle maniere q̄ elle soit tousiours au mylieu du Vin / mais le Baissel doit estre tousiours couuert et bien estoupe et quil soit ainsi iusques a ce quil soit buyde / & de tant comme la piece de

lard sera plus grosse de tant sera le Vin mieulx garde de aigrir. Qui veult Vin aigrir ramener a Vin beuuable / si mette dedans de la semence de poreaulx. Aucuns dient que qui met feuilles de Vigne & branches de Vigne sur le bondonail elles aydēt cōtre aigreur / & les doit on souuent rechanger / & q̄l y ait tousiours vne pierre sur le bondonail pour les tenir fermes & serrees. Et les autres dient q̄ qui met seulement hyppelle doliue dedans le tōnel en telle maniere quelle couure la superficialite du Vin quil sera tresbien garde de aigrir / & quāt le Vin sera mis a fin on peult lors recueillir lhyppelle et la sauuer.

Cōment on faict du Vin le Vin aigre.

Chap. xliiii.



Le Vin aigre se peult faire par telle maniere. Prenez bō Vin & en mettez en vng baissel iusq̄s a la moitie & par especial doulx

Vin & q̄l soit mis en lieu chault & tousiours descouvert / & q̄ le baissel soit p̄mieremēt tresbien arrouse de Vin aigre. Et aussi qui met Vin claret ou Vin rouge en grappes dōt on aura traict le Vin & q̄ len y adioust vne petite quātite de Vin aigre & q̄ tout soit ainsi laisse ensēble p̄ l'espace de vng moys ou plus ce sera tresbon Vin aigre. Qui veult tātost faire Vin aigre il conuient chauffer pierre ou acier & le mettre tout chault dedans le Vin / & q̄ la bouche du baissel soit tousiours descouverte / ou que le baissel soit mis au soleil trois ou quatre iours / & que len mette du sel au Vin. On peult faire Vin aigre encore plus tost par autre maniere. Prenez tel baissel comme vous voudrez & le remplissez de bon Vin & lestoppez tresbien & puis le mettez en vne chaudiere pleine deaue bouilliant sur le feu et que leaue bouille longuement et il aigrira. Pour faire tressort Vin aigre. Prenez cornoilles quant elles cōmenceront a rougir sur l'arbre et les sauages meures qui viennent aux champs quant el

les cōmencent aussi a rougir et des labrusques / cest a dire Vigne sauage qui biēt entre les hayes auant quelle se preigne a enfler et des sermens doignons aigres & fors autant de lung comme de lautre et faictes pouldre de tout ensemble / & puis prenez du plus fort Vin aigre que vous pourrez finer et en destrepez celle pouldre et en faictes de petis pains et les seichez tresbien / et quant vous en voudrez ouurer mettez vne once se le Vin est fort / et se le Vin est foible si y en mettez plus / & y en mettez selon ce q̄l vous apperra fort ou foible & vous aurez tressort Vin aigre dedans huit iours. Ceulx q̄ sont expers en ce dient que se en temps de vendanges les grains des grappes seiches & expurgez du Vin sont biē lauees & purgees de toute ordure et quilz soyent ostees des escorces et puis seichees au soleil et que apres on les mette en vng baissel / et que il en soit emply iusques a la moitie & puis q̄ on le remplisse au demourant de Vin & que le baissel soit tresbien estoupe par dessus & il deuendra tressort Vin aigre. Et me semble que se ces grains estoient premier bien touillees en Vin aigre fort que il y prouffiteroit / & peult on tousiours traire de ce Vin aigre pour en vser & le nourrir de bon Vin. Qui prendroit racines de raphane & les seicheroit et en feroit pouldre et que on en mist en Vin on en auroit tātost tresbon Vin aigre. Prenez vne herbe nommee osille et la seichez et en faictes pouldre et en mettez en Vin il aigrira tantost / et se pourroit faire mesmes sur la table quant on en voudroit māger / & ainsi se peult il faire de ladicte racine de raphane / & aussi le faict on de poires aigres et de pommes / cōme il sera trouue plus a plein declaire au chapitre des poires et pommes.

Des Vertus du Vin aigre.

Chapitre. xlv.



Le Vin aigre est froit & sec au second degre / cest de sa propre nature & substance penetratif & diuisif & aussi cō-

fructif selon ses qualitez. Bouillez gallees ou roses ou telles choses en bon Vin aigre / & puis mouillez dedans vne esponge ou laine et le mettez sur lestomac de personne qui vomist et il en guerira / & se il a flux de ventre mettez luy sur les reins et sur le ventre. Le cirop aceteux q est faict de Vin aigre vault a simple tiercaine et a cotidienne de flume sale / & a toutes agues maladies qui le prêt au matin avec eue chaulde / car il digere la matiere / & la maniere du faire si est que len dissout le sucre en eue et en Vin aigre et le cuist len iusques a ce que il est bien glueux & tenāt / & vault cōtre toute matiere chaulde. Opimel aussi est faict de Vin aigre et au cunesfois est faict simple et aucunesfois cōpose. Le simple est faict des deux pars de Vin aigre / & le tiers de miel / & le cōpose est ainsi faict. Prenez racines de ache / de fenoil & percil et les cassez & broyez vng peu & les laissez aps reposer vng iour & vne nuyct en Vin aigre / et au iour ensuyuant vous le cuprez et puis les coulerez / & apres vous mettrez au Vin aigre du miel iusques a la tierce partie & le cuprez comme dessus est dit. Le miel squilrique est ainsi faict. Prenez squile & la mettez en Vin aigre vng iour & vne nuyct & en faictes comme dessus: mais il cōuiēt gecter les ordures / & qui na point de squile si prengne racines de raphane en lieu. On dōne le ozimel simple ou compose contre froide matiere cōme cirop aceteux contre chaulde matiere: car il diuise et digere la matiere. La saulce de Vin aigre / sauge / percil / mente & poiure cōfortēt lappetit. Se len mangeue chair avec seul Vin aigre lappetit en est cōforte. Et deuons scauoir que se le Vin aigre treuve lestomac plein il lasche le ventre / & se il le treuve vuide il le restraint. Le Vin aigre vault contre les foiblesses qui viennent par maladies quant len y met du pain rosty treper / & que len frote la bouche / les narilles & les baulieures du malade / et aussi les Veines du bras ou len sent le pouls / & q len lye

le pain rosty et trempe dedans aigre dessus icelles Veines / & encore vault mieulx a ce le pain trempe en ius de mente. Le Vin aigre aussi vault contre litargie & freneizie se len frote les paulmes & les plātes des piedz de Vin aigre & de sel. Auicēne dit que Vin aigre vault contre arsure de feu mieulx que quelconque chose / & quant on le mesle avec hupl le dolue ou huplle rosat & on y mouille laine non lauee & on la met sur la teste du pacient il oste la douleur & cōforte le chef. Vin aigre avec alunayde grādemēt aux dentz q se remuēt. Euaporation de Vin aigre chault ayde moult grādemēt a personne q opt dur & ouure les cōduitz en ostant lepilation & si dissolt les empeschemēs & oste les tyns des oreilles & quant on le boit chault avec medicines mortelles il aide moult grandement.

¶ Du Vin & de ses Vertus & proprietes.

Chapitre. xlvj.

Selon ce que dit ysaac le Vin donne au corps bonne nourriture et luy red sātē / & se on le prêt ainsi ql apartiēt & tāt cōme nature en peult porter p raison il cōforte la Vertu digestiue tant en lestomac comme au foye. Et est impossible que laction de nature de la Vertu digestiue soit confortee sans force de chaleur naturelle. Et len ne treuve viande ne bruage quelcōque qui tant conforte ne accroisse la chaleur naturelle comme faict le Vin pour la familiere similitude que le Vin a de sa nature / & pource il est tost cōuert en trefnect & naturel sang: dont Ruffus dit que le Vin ne conforte pas seulement la naturelle chaleur / aincois & avec ce il clarifie le sang trouble. Il ouure les conduitz du corps par especial des Veines / et en les ouurant il oste et nettoye lepilation du foye. Il oste lūmbrage fumosite qui engendre tristesse et la met hors du corps / & si enforce tous les mēbres du corps. Et si ne monstre pas seulement le Vin sa bonte au corps / mais aussi faict il en lame / et si faict oublier douleur et

tristesse/ et si donne a lame l'pesse et la con-
forte a trouuer subtilles raisons/ & luy don-
ne diligence et hardyesse/ et si ne luy seuffre
pas sentir labour ne douleur. Si concludz
que le Vin est conuenable a toutes person-
nes/ a toutes aages/ a tous temps & en tou-
tes contrees / mais que on le prengne selon
la force du beuuant et selon sa coustume et
ainsi que la nature le pourra et deura por-
ter: car le Vin ne oeuvre mye tout en vne ma-
niere aux ieunes et aux Vieulx / aux hom-
mes et aux enfans. Es Vieilles gens le Vin
est comme medecine/ pource quil repugne a
la froidure des anciens. Aux ieunes le Vin
est comme viande/ pource que la nature du
Vin est semblable a leur nature: mais il est
aux enfans & iouuenceaulx pour viande et
pour medecine: car combien que leur cha-
leur soit forte en substance/ toutesuoyes nest
elle pas en perfection pour labondance de
leur humeur / et pource le Vin donne a leur
naturelle chaleur accroissement et nourri-
ture et leur seiche leur humeur qui est me-
dicine. Et deuons scauoir que en puer et en
contrees froides len doit boire Vin pur:
mais en este on doit boire vng peu deaue
bien meslee avec le Vin / et aussi es regions
froides pource quil rafreschist et amoistist
les corps pour cause de leaue qui y est mes-
lee / et si a repugnance a la chaleur de lair
a ce que il ne face les corps trop chauds et
trop secz / & transporte legierement la vi-
ande aux membres pour cause de sa subtilite.
Si appert doncques que le Vin ayde contre
deux causes contraires / car il eschauffe les
corps froids et si seiche les corps naturelle-
ment moistes. Il refroidit les corps chauds
et si amoistist les corps qui sont froids par
accident / Car par sa subtilite et penetra-
tion il porte leaue aux membres quant il
est necessite de les refroidir. La diuersite
du Vin est en general en trois manieres.
Lung est fraiz dung an. Lautre est Vieil de
quatre ans ou de plus: et lautre est moyen

de deux ans ou euiroñ. Celluy qui est fraiz
est chaud au premier degre et appartient
a froideur et a humeur / et pource est il de
plus grant nourriture que les autres et en-
gendre mauuaises humeurs et aussi mer-
ueilleux songes et Ventositez destomac et
des entrailles. Dont Galien dit que Vin
raisant fraiz et nouuel quel quil soit si na
force ne pouoir de conduire la viande par le
corps ne de la mener ne prouocquer/ & pour-
ce complexions froides et moistes le doiuent
laisser et fuyr. Et sil estoit necessite len de-
uroit eslire tres cler Vin plein de naturelle
eaue qui de long temps auroit este espraint
du pressouer. Le Vin Vieil est chaud & sec au
troisiesme degre et a aucune chose damer-
tume. Il nourrist peu & monte legierement
en la teste/ et trouble lentendement par la
guillon de sa pointure / & par especial se len
en boit trop & len y mesle peu deaue: & pour
ce ceulx qui ont foibles nerfs si le doiuent
laisser & sen doiuent abstenir: & aussi ceulx
qui ont le sens agu pource que il leur nuyt
moult fort silz nont grant humeur en leurs
corps qui y puisse resister. Galien dit que
le Vin Vieil est moult conuenable a ceulx qui
ont en leurs Vaisseaulx grant multitude de
crues humeurs. Le Vin moyen est bon quant
il est attrempe/ et est chaud et sec au secōd
degre / et pource le doit eslire et choyrir et
laisser le tres Vieil: et aussi doit on laisser le
nouuel Vin q na pas encores laisse a bouil-
lir et dont la lye nest mye encores bien des-
cendue au fons et que le pur nest monte en
son lieu & quil nest encores esclarcy ne mun-
difie et que il ne flamboyne ou reluit au ha-
nap. Apres nous deuons scauoir que la cou-
leur/ saueur/ odeur et liqueur/ force et foiz-
blesse de Vin le diuersifient en sa qualite et
en son action. La couleur en general est de
quatre manieres/ blanche et noire qui sont
simples couleurs/ et rouge et dorée qui sont
composees des autres. Mais entre ces cou-
leurs cy il en y a dautres. Lune entre blanc

Des Vignes et de leur nature / & du profit dicelles.

& Vert blanc que / & l'autre rosee entre rouge
 et blanc / et si y a pale et soubz pale qui sont
 couleurs doree et citrine . Et sont ces cou-
 leurs ainsi faictes pource q le Vin de grap-
 pes blanches est premierement blanc pour
 son aquosite / cest a dire pource quil tient de
 leau crue pour le deffault de sa chaleur na-
 turelle . Mais quant il enuieillira comme
 dung an sa chaleur sera confortee & son hu-
 meur amenuisee et sera faict dune couleur
 soublanche . Et se il enuieillist plus comme
 de deux ans sa chaleur croist plus comme
 de quatre ans & il accomplisse sa digestion et
 sa chaleur naturelle soit Venue a son estre
 il deuient de couleur citrine . Aussi le Vin faict
 de grappes rouges quant il est encores cru
 a son commencement sa premiere couleur
 sera comme blanche se il nest cuue : et quant
 il sera dung an il sera de couleur rosee / car
 sa chaleur et sa digestion seront confortees /
 et se il passe deux ans et que sa chaleur et
 sa digestion soyent encores plus confortees
 il aura la couleur rousse . Mais se le Vin
 est de noires grappes il sera pmiier tresnoir
 et obscur pour sa terreestreite qui y domine
 et la petite digestion de sa chaleur / et se il
 passe ung an sa chaleur et digestion sont
 confortees et descend sa terreestreite en son
 lieu / & il commence a esclarcir il vient a cou-
 leur moyenne entre rouge et noire . Et se il
 passe deux ans que la chaleur aura accom-
 ply sa digestion & sa perfection et que sa ter-
 restreite sera descendue au fons et quil sera
 cler il sera de rouge couleur . Si deuons donc
 par ce veoir & congnoistre q le Vin blanc & le
 rouge sont moins conuenables q les autres
 mais le blanc tient plus dhumeur et deau
 que le rouge . Et le rouge attrait plus a ter-
 restreite & a grosseur que le blanc . En la sa-
 ueur du Vin la diuersite est pource que lung
 est doux et l'autre poignant et agu / l'autre
 fort / l'autre deffauore . Le Vin doux est
 chault au second degre et sec au premier et
 approche a humeur / et pource est il gros et

peu prouffitable fors tant quil lasche le Ven-
 tre : car toute chose douce a Vertu laxatiue
 et collatiue . Et se tel Vin treuve au corps
 aucune chose contraire a son action et quil
 soit empesche de aller hors / il eschauffe et
 boult au corps / & monte a la bouche de lesto-
 mac & se conuertist en humeurs coleriques .
 Il engendre soif et Ventositez es flans / et
 opilations au foye & en la rate / & faict auoir
 la pierre es reins / par especial quant il treu-
 ue les membres disposez a telz maux / ou
 que la Vertu digestiue soit foible / et pource
 sen doiuent abstenir ceulx qui sont de grosse
 nature et pleine dhumeur . car par sa gros-
 seur il opile legierement les subtiles et es-
 troictes Veines du foye . Mais il ne nuyt
 point au poulmon : car il ny aduient point /
 et pource que il est si subtil il ne peult opi-
 ler les Veines du poulmon / pource quelles
 sont tresslarges . Et quant le Vin doux se ap-
 proche a rougeur et a clarte et que len en
 boit sicomme il appartient et quil suffist a
 nature / il prouffite aux personnes qui relie-
 uent de maladie ausquelles il conuient grāt
 nourrissement : Mais le Vin pontiq et agu
 et qui picque et est brusque est plus dur et
 plus pesant et plus cler / et de plus tardiu
 digestion / & pource par les Veines a grei-
 gneur peine que le doux : car le doux est
 plus chault et si a plus plaisant saueur / et
 lagu a plus terrestre et aspre saueur / & pour
 ce a peine peult il percer les Veines / et ne
 faict auoir saueur ne bone chambre / et pour
 ce il nengendre pas bon sang : mais toutes-
 uoyes il conforte le Ventre et les boyaulx .
 Le Vin deffauore est meilleur que le pon-
 ticq et agu : car il est attrempe au regard
 du ponticq / et pource est il bon a gens de
 chaulde cōplexion par especial a lestomac /
 toutesuoyes il nourrist & si faict tantost Bri-
 ner . Le Vin tressfort est le plus chault de tous
 et de plus forte operation et monte tantost
 en la teste et faict bouillir et eschauffer les
 humeurs du corps dont les fumees mon-

tans a l'estomac nuyssent au ceruel & trou-
blent l'entendement / et pource il conuient
que gens de chaulde complexion sen ab-
stiennent se on ne leur mesle grandement
eue dedans & quilz en prennent par me-
sure et selon ce quil est conuenable a leur
aage et aux contrees ou ilz sont / et aussi
au temps & a leur coustume: car il dissout
grosses humeurs / et nectoye les Voyes
des Veines de pourriture / et si clarifie le
sang. Tel Vin est tresbon a Vieilles gens
qui approchent a Vieillesse pour l'union et
assemblee des superfluitez de leur corps /
et par especial quant il est bien espure: car
il conforte leur chaleur et dissout labon-
dance des humeurs crues et si prouffite a
ceulx qui ont grosses et crues humeurs.
La diuersite de Vin pour cause de liqueur
si est pource que le Vin est subtil et plein
deue ou il est gros et terrestre ou il est
moyen. Le Vin subtil et eueux est tout
temps trouue avec blancheur et clarte / et
pource est il legierement digere en l'esto-
mach / et tresperce les Veines et faict bien
Uriner / et pource est il bon aux gens qui
sont en fieu: car il neschauffe pas trop /
et si ne fiert point a la teste / et ne nuyt
pas au ceruel / et se il nest point mesle il
en vaudra mieulx / et par especial pour
estaindre la soif. Le Vin terrestre et gros
est contraire au Vin subtil: car il griesue
l'estomach et est dur a digerer et a faire la
digestion et a peine peult il aller par les
Veines et faict a tard Uriner et ne monte
pas legierement au chef pour sa grosseur
et pesanteur / et pource il ne enpure pas
tantost: mais le Vin odorant si perce le-
gierement le sens odoratif en la pellette
du ceruel par sa grant legierete. Il est
vne maniere de Vin de nulle odeur pour
sa grosseur & pour sa griesuete / & si est vne
maniere de Vin qui a vne odeur horrible.

Le Vin qui est odorant monstre que sa li-
queur est subtile et attrempee & nectoyee
de toute ordure et bien du tout digeree / et
pource il engendre cler sang et nect et de
grant louenge. Il conforte le corps et es-
quuyt le cuer / et si oste tristesse de lame:
car il nectoye le sang de toute pourriture
qui peult estre au cuer et entour / & pour-
ce tel Vin est conuenable a tous aages et
a toutes coplexions qui le prent par rai-
son et ainsi que nature le requiert. Tel
Vin mue le Vice de lame en Vertu: car il la
tourne de cruaulte en pitie / et de auarice
en largesse / de orgueil en humilite / de pa-
resse en diligence / de paour en hardiesse /
de esbahy en bien parlant / de rudesse en
cler engin: mais ces Vertus sont et vien-
nent quat on boit tel Vin attrempeement
et ainsi quil appartient: et qui en prent et
boit tant quil en soit pure il causera tout
le contraire: car pureste estainct la lumiere
de lame raisonnable dont la teste demeure
comme la nef en la mer sans gouuerneur
et comme cheualerie sans cappitaine et
sans condusseur. Le Vin de nulle odeur si
assemble & retient la grosseur de la fumo-
site et sa griesuete et son indigestibilite / et
pource il engendre tresmauuaise nourri-
ture & faict gros sang et trouble & obscur /
et si est cause de tristesse. Mais il ne mon-
te pas tost au chef. Et le Vin pesant qui
a horrible saueur est tresmauuaiss / car il
griesue lourdement le ceruel pour l'horri-
bilite de sa saueur: Il fiert l'entendement
et blesse les nerfs du ceruel / et les pellet-
tes et engendre tresmauuaiss sang / par
especial quant il est agu.

C Et fine le quart liure et ensuyt
le cinquiesme.

Le cinquiesme liure

Faict mention des arbres en commun cest
assauoir de ceulx qui portent fruit
et de ceulx qui ne portent
point de fruit.

Chapitre premier.



AY dict cy

Deuant au second liure plusieurs choses des arbres en general quant ie traicte du labourage de chascune maniere de champs : mais a present en ce quint liure ie vueil traicter de chascun arbre par soy. Et pource que aucunes choses sont communes a tous arbres et les aucunes propres, ie vueil parler au premier en general du labourage de chascun en commun et puis ie traicteray de chascun arbre qui est trouue en nos contrees quant au labourage selon lordre de la.b.c. affin que len puisse mieulx trouuer le traicte de chascun. Et

premierement des fructifians et de leur prouffit/en brieuement moy expediant. Je diray donc qui ilz sont et de leurs diuersitez et quel air et quelle terre ilz desirerent/et quant et comment on les plante/et comment ilz sont entez/et comment ilz sont cultiuez et labourez/et comment ilz sont formez/et aussi comment ilz sont desliurez de leur empeschement/et apres de leurs fruitz/et quant a comment ilz sont cueilliz/et comēt on les peult garder a de ce q len en peult faire/et aussi des vertus quilz ont es corps humains. Et nest point de necessite de racompter en comun les diuersitez ne descriptions des arbres pource que chascun les scet en sa contree et en son pays a en sont les traictez trouuez p tout

selon les pays. Aucuns arbres desirent air chault sicomme sont poiure & palmier. Aucuns autres le demandent froit sicomme cha steigniers & les autres attrempe air sicomme presque tous arbres. Et aucuns autres qui croissent & viuent en tout air sicomme pom miers/periers et leurs semblables. Et aucuns arbres desirent terre moult grasse / si comme le meurier et le figuier. Les autres maisgre & sablonneuse / sicomme le palmier et le pin : mais en ce comunement tous arbres qui desirent terre seiche en la superficie & en la pleine de la terre & moiste par dedās la terre ou les racines sont fichees. Les grās corps des arbres si demādent moult de dian des / & par especial les arbres frācs qui portent chascun an grans fructz en quātite et en nombre: mais quant on les doit planter et enter il est assez monstre & enseigne au second liure. On doit labourer & cultiuer les arbres en ceste maniere. Len doit fouyr la terre entour les arbres en automne iusques a ce que les racines soyēt desnuees & la mettre aucun fiēs tant que les racines en soyēt couuertes et que par la pluye la vertu en soit portee en bas pour nourrir les racines / et se la terre est sablonneuse elle vauldra biē croye grasse / et se la terre est trop croyeuse on y mettra du sablon en lieu de fiens / & ne doit len pas mettre ce que dit est a la tige tāt seulement: mais trois ou quatre ou cinq piedz en parfond entour les racines selon ce que l'arbre et ses racines seront grans & q la terre soit meslee avec le fiens. Et qui feroit ce que dit est tant cōme les racines se estendent ce seroit bien grant prouffit pour l'arbre & sen esioyroit & raieuniroit aucunemēt: Car vng arbre assis entre deux eaves en vient et croist mieulx et plus noblement / et aussi font les arbres qui sont plātez sur les ruisseaulx et sont plus pleins et aussi ont leur escorce plus subtile & sen eslieuēt plus hault et sont mieulx confortez que les autres. Et aussi le champ qui est en lieu decliz

nant & bas ou l'humour des montaignes de queurt & la gresse est tresbō a labourer pour labondance de l'humour & est bon & anoblif les arbres qui y sont plantez. Et qui aura telz lieux si face p artifice leaue courir par goutieres ou cannes iusques aux racines des arbres et ainsi on rendra la terre moiste. Et qui ne pourra faire ce que dit est et que la terre ne soit bonne il y viendra gros arbres et moussus tant auront dures escorces et hideuses qui pour leur espaisseur empeschē la beaulte & bonte du fruct. On doit former les ieunes arbres auāt q on les plante / et se l'arbre est petit on doit trencher les petis rinceaulx en montant contremont et laisser le sommet. Et se l'arbre est grant on otera tous les rinceaulx et le sommet et laissera len la tige toute seule que len plantera. Et se cest vne ente q ait deux tiges len trenchera la plus foible affin q lautre croisse mieulx et viengne plus belle. Se ce nest vng figuier / vng pōmier dozenge vng grenatier et les semblables q peuent auoir plusieurs tiges & les bien nourrir. Et quāt l'arbre sera plante on ne la taillera point iusques a trois ans / se ce nestoiēt aucuns rinceaulx qui venissent en lieux mal seans qui empeschassent la croissance du sommet de l'arbre par enhault / lesquels doibuent estre ostez et taillez comme ennemys de l'arbre. Et quant temps sera on taillera les rinceaulx qui seront venus en quelcōque partie que ce soit de la tige / toutesuoyes par telle maniere q la tige soit tousiours adreesee et esleuee sur terre ou plus ou moins selon la nature de l'arbre et selon la gresse ou mesgreur de la terre et plus hault en grasse terre quen la mesgre / & que les branches soyēt diuisees & ordōnees cōuenablement pour la beaulte de l'arbre: & se la souche ne se peult porter droicte pour sa foiblesse on luy aydera de perches & de mesrien. Et se elle ne gette rinceaulx au dessus en telle maniere q le sommet ait regard au ciel on luy aydera

Des arbres portans fruit / et de ceulx qui ne portent point de fruit.

conuenablement par la lyer & cōduire a droiz ctes perches / & se elle ne peult ne lūg ne l'autre il ny a remede fors de la tailler au lieu ou len verra que aucun raincel puisse venir et la soustenir de legieres perches en telle maniere que ce que l'arbre naura voulu faire de sa Boulente il le fera par cōtraincte de iuste raison. Et se par aucuns lieux il y venoit trop espes rainceaulx ou gettons bastards non cōuenables on les tailleroit a la sarpe ou au coutel. Et se on les transportoit dūg regard du ciel a vng autre regard cōme dorient vers occident on les ramenera a leur premiere nature le mieulx q̄ len pourra. Et se l'humour par vne maniere d'orgueil ne se vouloit esprendre p̄ les rainceaulx des costez aicois sen mōtast tousiours enhault. Il conuiendroīt couper des rainceaulx du sommet ou elle se esprendroit trop & ainsi est il a faire de l'adolescence de l'arbre iusques a ce quil sera venu a perfection d'accroissement et que la tige se esgettera par rainceaulx et les rainceaulx par verges / & les verges par bourions fructifiās. Et quāt par aage l'arbre appetissera en vertu en telle maniere q̄ par le pois du fruit les rainceaulx rōprōt / et quāt l'humour faudra ilz seicherōt & porteront fruit vng an & non pas l'autre. Len trenchera tous les rainceaulx superflus et ce que l'arbre ne pourraporter a ce que toute l'humour ne soit perdue. Et par ce l'une partie se cōuertira en la substāce des rainceaulx et l'autre partie sera baillee a la nourriture des fruitz quilz ne perissent. Et sera a considerer la qualite de la nourriture q̄ le lieu de l'arbre pourra donner / & selon ce len pourra oster ou laisser des rainceaulx et des verges & se on le faict autrement les arbres faudront a fructifier par aucuns ans dont le labourer sera desplaisant et courrouce. Et peuvent estre faitz telz retrenchemens du cōmencement de Mouēbre iusques en la finde mars ou a plus proprement & naturellemēt parler du commencement que les feuilles

cherrount iusques a ce que les arbres cōmenceront a bourionner. Aucunes fois il aduient que nouvelles plantes semblerōt desseicher pour la desmesuree ardeur du soleil / & lors on leur doit ayder par les foyz et arroser souuent et aussi par y mettre obstacles qui les deffendent de l'ardeur du soleil comme feurre / brāches / feuilles et telz choses: ou q̄ len y emplastre argille visqueuse ou que len oigne la tige de suye / de huylle ou autre oīgnement froit pour adoucir l'escorce / et par especial en la partie p̄ deuers midy. Et aussi si aucunes fois les fourmis gastent & griesuent la plante ou lente qui est tendre en sa croissance / et aussi font vne maniere de vers qui procedent des fourmis et se nourrissent dedans les feuilles dont elles sont gastees & cōtraictes & ne peuēt croistre les rainceaulx. Si leur doit on ayder en ostant les feuilles aīsi cōtraictes & blecees & purger aux mais ce qui en est aīsi attainct & laisser les sommets denhaut qui sont sains & nectz / & lors l'arbre pourra bien croistre & monter amōt. Et a ce que les fourmis ne griesuēt les ieunes plātes ne les grās arbres & q̄lz ne puissent monter enhault on leur fera telz obstacles. Paladius dit que len prengne du ius de porcelaine & la moytie d'autāt de vin aīgre & q̄ tout soit bien mesle ensemble & que les lieux de l'arbre par ou les fourmis montent en soyēt mouillez. Ou q̄ len brouille et touille biē la tige de l'arbre de lye de vin. Rebequa dit q̄ len y mette de la poix clere et q̄ on luy fonde: mais ie me doubte q̄ ce remede ne feust venin a l'arbre. Et croy que le meil leur seroit que vne toison de laine ou de lin ou vne torche de foing ou de feurre feussent mises autour de la plāte mouillees en aucunes des choses dessusdictes & lyees entour la tige en telle maniere q̄ les fourmis ny puissent mōter fors p̄ la / & autrement len peut faire vng baissel de terre rōd & large q̄ ait vng trou au mylieu p̄ ou la tige passera / & q̄ ledit baissel soit circ ou terre en telle

maniere que il puisse tenir eaue sans espan-
dre & iamaïs tant quil y soit les fourmis ne
pourront passer pource quilz ne entreront
point en leaue. Aucuns dient q̄ qui s'peroit
a la tige de l'arbre vne cordelette de soye oin-
cte d'hyppociste q̄ les fourmis ny passeront ia de-
puis. Par dessus toutes ces choses len doit
garder q̄ les bestes n'entrēt es lieux ou sont
les arbres / pource quelles les rongeront &
seicheront les plantes ou elles deuient
pleines de neux ou au moins en seront em-
peschees de croistre et de fructifier. Et se la
plante est en tel lieu q̄ on ne la puisse clore
quelle soit enuironnee de pieux et despines
poignans. Se la plante est en hault lieu ou
quelle soit greuee de vétz on la doit ayder &
soustenir de perches lyes dozier & de mous-
se que la tige nen soit greuee. Et se la plan-
te est de nouuel entee & le tronc ait este trē-
che on le doit laisser en l'este bien secouru et
ayde et laisser les lieues iusq̄s a trois ans
pour garder les rainceaulx / toutesuoyes q̄
premier soit oste ce qui est entre l'escorce & le
boys. Et se doit on bien prendre garde q̄ ne
viene nulz rainceaulx bastards en la tige
ne es racines de l'arbre / & se ilz y venoient q̄
tantost soient ostez / pource quilz ostēt aux
arbres leur nourriture / & qui laisseroit croi-
stre ce seroit pour faire l'arbre seicher / & doit
on premieremēt regarder aux rainceaulx &
ap̄s a la tige. Et aussi se il y a es rainceaulx
aucune chose de sec on le doit tantost trēcher
a ce q̄ ne corrompe ses voisins rainceaulx.
Il aduiert aucunesfoies que trop grant hu-
meur non digeree vient hors de l'arbre par
l'escorce aisi cōme aux gēs & aux bestes par
le cur / & de celle pourriture sont engendrez
vers qui font a l'arbre grāde persecution / et
pource quant on verra aucune bosse ou en-
fleure venir en aucune partie de l'arbre on
doit icelle partie enciser et trencher l'arbre a
ce que celle mauuaise humeur en chee / et se
les vers y sōt ia cōcreez on les osterā a vng
ferrement / et se l'arbre en est greue en plu-

sieurs parties on doit trencher l'escorce tout
du long du hault iusques en bas affin q̄ ces
pourritures s'endurcissent / & se l'arbre est en-
fle ou langoureux & foible si q̄l porte fructz
vermineux ou pleins de pierres par le def-
ault de l'humour ou la malice de la terre ou
daucune autre qualite len osterā la terre
dentour les racines & y mettra len meilleu-
re terre / & aussi on percera la tige dēpres la
terre & restoupera len le trou dune cheuille
de chesne. Et ie croy que ainsi se doit il faire
quant l'arbre a trop habondāt nourriture &
que la chaleur de l'arbre est tant estaincte q̄
la digestion en est diminuee et q̄ le suc ou le
ius ne se peult espessir pour la suffisant ges-
neration du fruct et q̄ pource l'arbre luxu-
rie en multiplication de feuilles. Et aucu-
nesfoies il aduiert q̄l naist sur les arbres vne
plante verd & cheuelue / et lors on doit dili-
gēment rere l'escorce & oster ces verdures q̄
sont venues par dessus & mettre souuent du
fiens aux grās racines et les bien arrouser
a point / & aussi mettre pierres en la trencha-
affin que en mieulx attrapant ilz puissent
guerir la soif par temps moiste q̄ les arbres
souffrent ou pourroient souffrir par la
seicheresse du tēps ou du champ. Et se il ad-
uiert q̄ la terre soit trop foullee ou ayt trop
grās herbes & qui ayent parfondes racines
cest trop grant empeschement : car la terre
trop foullee ne peult souffrir que l'humour
nourrissant vienne a la racine de l'arbre /
pource q̄ les cōduitz sont estoupez tant des
racines comme de la terre en telle maniere
que elles ne peuent sacher a elles leur nour-
riture & si empesche les euaporations pour-
ce q̄ la chaleur de la foible vapeur ne peult
trespercer l'espaisseur du lieu ne y porter ver-
tu suffisant dont le remede est de fouyr la
terre et non pas de l'arer pource que la con-
tinuation de la fosse qui est faicte par arer
blesse grandemēt les racines. Les grās her-
bes aussi q̄ aduiennent en parfond iusques
aux racines si tolēt aux arbres leurs nour-

Des arbres portans fruit/et de ceulx q ne portent point de fruit.

ritures pource quelles ont plus molles racines que les arbres & plus tendres/ & pource attrapēt plus tost leur humeur & nourriture que les arbres. Si les fault du tout destraciner & arracher. Mais pource q qui osteroit toutes les herbes le lieu en pourroit estre moins plaisant/ Len peult bien laisser lherbette qui est petite & menue comme fil et qui ne prent sa nourriture fors de la pleine terre pource q telles herbes nuyssent peu ou neāt. Et aussi les chenilles & les hennetons nuyssent moult aux arbres pource quilz rongent les feuilles et toute la verdure/ et aussi les fleurs & aussi tout ce qui vient au fruit des arbres/ et pource on doit oster les oeufz et tout ce q est enuelope es feuilles/rainceaulx & en leurs toilles es moys de decembre/ianuier & feurier/ & les doit on cueillir auant qlz naissent ne yssent hors et les porter au feu pource que on ne les pourroit bien ne parfaictement extirper pour les fouller aux piedz. Periers aussi quant ilz sont fort vieulx il leur vient vne durte descorce en leurs racines/ et par ce ne peuent sacher ne attirer nourriture suffisante pour l'arbre et pour le fruit/ & pource faillent souuent a fructifier. Et lors on doit fendre les grosses racines par le mylieu & mettre dedans la fente pierres deaue affin quelles ne se puissent rectorre & que l'humeur q est dedans la terre bien digeree qui ne pouoit passer par les racines puisse entrer dedans par la fente & ouuerture et q la superfluite en soit si appetissee que le ius attrait puisse suffire a nourrir l'arbre et le fruit. Quant donc les arbres seront bien labourez et ordonnez par les manieres dessusdictes se le champ est moiste il portera arbres & fruitz vermineux: car l'humeur cōceue indigeree/ molle & violente se pourrist dedans & de celle pourriture & de la subtile & moiste vapeur les vers sont concreatez qui depuis mangeuent les arbres et les rongent & honnissent. Et ce le nous demōstre que nous voyōs tousiours au lieu ou est la semence et

la plus subtile humeur que le ver est engendré/ & pource conuient seicher le lieu le plus proportionnellement que len peult et que les plantes n'ayent pas trop de nourriture. Et se par aduēture on ne peult ainsi seicher les terres len percera les arbres par la souche par empres terre ou les greigneurs racines ioignēt a la souche affin que la superfluite de l'humeur sen puisse yssir/ et lors le fruit sera guery. Et se au contraire le lieu est sec selon la propriete et maniere de hermitage & que on ne le puisse labourer que a grant peine/ les arbres seront espineux et porteront petiz fruitz & secs & sans saueur/ et lors se doiuent trencher & oster les arbres de telz lieux. On doit cueillir les fruitz des arbres sans briser les rainceaulx & sans battre les arbres ou on les cueille & se les rainceaulx dehault sont foibles on les doit lyer a cordes avec les plus fors & puis les sacher a crochets/ & a ceulx dembas on peult tousiours aduenir a eschelles. On doit cueillir les fruitz/ et par especial poires en diuers temps selon la diuersite de leur meurete et par bonne consideration/ en telle maniere q les fruitz meurs en este soyēt cueilliz quant ilz seront en leur couleur saueur et odeur naturelles. Car par ce on peult auoir cōgnoissance q lors ilz sont meurs/ & se on les cueille auant quant les premiers signes de meurete apparent ilz sen garderont plus longuement et plus que ceulx qui seront cueilliz plus meurs et les fruitz qui seront meurs a la fin d'autōne sont a garder pour vser en printemps ou au moins en puer. Et ceulx q seront cueilliz en puer doiuent estre cueilliz en sec temps et bel et serain quant la lune sera au dernier quartier. Et suffist quant a ce des arbres en general.

¶ De lagmandier. Chap. ii.



Agmandier est vng arbre assez commun & congneu & en sont de deux manieres quant au fruit pource q l'ung porte fruit doux

à l'autre amer. Les doux sont bons en viandes. Et les amers pource que ilz sont plus chaulx ilz valent en medicine. Aucunes sont qui ont dures escorces / et les autres deliees et subtiles. Aucunes agmandes sont longues et les autres rondes. Les aucunes grosses / et les autres menues. Mais celles qui sont grosses et rondes sont les meilleures et qui ont l'escaille plus deliee. Agmandier demande de l'air amer et treschault combien qu'ilz portent bien en air attrempe / pource qu'ilz fleurissent hastiuement et en chaudes terres ilz portent moult de fruit pour l'abondance de leur humeur / sicomme dit Albert. Mais en terres froides leur ius est espesse / et par ce le fruit n'est pas bien bon / et a ceste cause en terres moult froides ou le fruit si perist du tout ou il nen vient point / et si en vient aucun peu si ne peult il durer / et a peine y peult venir l'arbre. Agmandier demande terre dure / seiche et graueleuse combien quil viengne bien en terre bone et moyenne. Mais en terre pleine deau il ne peult venir. L'agmandier doit estre seme en ianvier et en feurier en temps et lieux attrempez / mais en lieux chaulx au mois doctobre et en nouëbre tant en semence comme en plante qui est leuee de la racine qui est mere. Et toutesuoyes quant à agmandier il n'est riens si bon comme de le semer. Selon Paladius on doit fouyr la terre demy pied en parfond. Et selon Albert deux piedz / mais il me semble quil suffiroit d'un pied et puis mettre l'agmande en terre quatre doiz en parfond et non plus / en telle maniere quelles soient loing l'une de l'autre de deux piedz ou enuiron. Et si doit on eslire agmandes pour planter qui soient grosses et nouuelles et que n'ayent pas trop grosse escaille. Et auant quelles soient mises en terre on les doit laisser bien pourrir en boschet et moult doulx et en eau affin que le germe ne soit estinct. Aucuns les mettent pourrir en fies par trois iours ou plus et puis les mettent tremper en boschet et a

pres les plantet. Et la terre ou on veult semer les agmandes doit estre meslee avec fies et aussi y prouffitera qui y mettra du sablon avec / a ce que la terre soit moiste et seiche / mole et deliee. Et quant la terre sera ainsi disposee et quelle sera a point seichee on l'arrousera trois fois le mois deau conuenable / et sera purgee des herbes detour. Et doit estre le laboureur diligent de mettre a chascune agmande un signe d'un baston fiche en terre affin que le champ puisse estre fouy sans les bleier ne empirer les germes auant qu'ilz apparissent sur terre / et sera bon que la terre soit remuee et tournee ce de dessous dessus et bien ramenee en pouldre auant que l'en y mette les agmandes. Et quant les agmandiers seront creux et quilz seront de deux ans on les transportera au mois dessusdit au lieu ou ilz deuroient demourer tout leur temps. Et seront plantez par deuers miex en telle maniere que il y ait entre deux plantes .xxv. ou .xx. piedz. On les seme en decembre et en ianvier et en lieu froit en feurier. Qui veult enter agmandier il est bon de prendre des getons qui sont au sommet / et les peult on enter entre l'escorce et le tronc en eulx mesmes et en peschers et en pruniers / mais ainsi comme dit Albert l'enter n'est point si prouffitabelle comme le semer. Qui veult que agmandiers profitent bien il conuient que le premier an quilz sont plantez ilz soient fouyz par chascun mois depuis feurier iusques en doctobre et bien nettoyez tout autour des herbes ou au moins en certain temps quant la terre ne sera pas trop mole / mais telle quelle se pourra conuertir en pouldre. Et es annees ensuyuans on fouyra la terre deux ou trois fois affin quelle puisse receuoir les pluies / ce qu'elle ne pourroit faire s'elle estoit trop defoulee. Mais au temps de leurs fleurs on ne la doit pas fouyr pource que les fleurs en cherroyent legierement sicomme il dit. Et se la terre est maigre on la fouyra en automne et la fumera l'en. Et se elle est

sabloneuse & trop len y mettra pierres/ siens
 & crope par raison. Et doit on donner forme
 a l'arbre sicomme dit est cy deuant au traicte
 de la formatiō des arbres. A agmādiar doit
 suffire vne seule tige et doit auoir entre la
 terre & les brāches six ou huit piedz ou en-
 uiron. Plusieurs inconueniens aduiennent
 aux agmādiars comme aux autres arbres
 desquelz iay parle & mōstre le remede cy de-
 uant/et sans ce il leur aduiēt que se ilz sont
 rōgez leur fruit sera amer/ & pource on les
 doit garder du bestial. Et apres quāt on se
 doubte de bruyne on doit despouiller leurs
 racines auant quilz fleurissent sicomme dit
 Marcial: mais Albert y adiouste que len y
 mette petites pierres avec gros sablon. Et
 se len ne se doubte point de bruyne on y met
 tra de lareine ou du sablon. Paladius dit q
 Marcial afferme que les noix en deuiens-
 nēt tendres quant auant que les arbres flo-
 rissent on destortille et descouure len les ra-
 cines aucunement et que on y met de leaue
 chaulde par aucuns iours/ et par ce mesme
 moyen agmandes ameres deuiendrōt doul-
 ces. Et aussi est bon de souz entour la tige
 trois doibz en parfond/ & faire vne cauerne
 ou ouuerture a la racine par ou la mauuais-
 se humeur sen ira. Du q len perce le tron-
 c dune tariere par le mylieu et que on res-
 touppe le trou dune cheuille de boys tourne. Du
 que len mette du fiens tout entour les raci-
 nēs. Et dit Paladius que qui ficheroit plu-
 sieurs clouy en la tige de l'arbre il luy prof-
 fiteroit grādement au fruit et par especial
 se les clouy estopēt dor: sicomme dit Albert/
 se agmandiers ne sont pas bien fructifians
 on doit percer la racine dune tariere & y met-
 tre vng coing ou q len y mette vng caillou
 si bien ente ql soit couuert de l'escorce et bien
 clos. Agmandier a telle propriete quil porte
 plus en sa vieillesse quen sa ieunesse/ pour-
 ce que l'humeur de luy nest pas si seiche lors
 de chaleur comme en sa ieunesse. Et quant
 son fruit est meur on le cueille a perches:

cōbien que femmes en mangeuent Boulen-
 tiers en verdure par especial quāt elles sont
 enceintes denfant. Quant l'escorce se ouure
 et se depart du noyau elles sont meures.
 Quāt elles sont escorchees q les laue deaue-
 salee elles en deuiennent blanches & en du-
 rent plus/ et aussi sans autre chose faire el-
 les durent long temps/ mais quelles ayent
 este deuemēt seichees. Les agmandes doul-
 ces sont chauldes et moistes au mylieu du
 premier degre: & sont les vertes plus deliees
 et meilleures que les seiches pour leur hu-
 meur. Et pource les seiches soyent pelees et
 trempées par vne nyxt en eaue chaulde/ &
 lors elles ouurerōt comme les vertes. Qui
 mangeue agmandes vertes auant que les
 escorces se ouurent elles confortent les gen-
 ciues & rafreschissent lestomac de male chas-
 leur se elle y est. Thenustides si afferme ce
 que dit est & y adiouste quelles griesuent le
 chef & engendrent chaline es yeulx/ & enflā-
 bent la luxure & font dormir & resistent a vo-
 uresse. Mais agmandes ameres sont chaul-
 des & seiches au second degre & valent cōtre
 la toux de froide cause qui les mangeue a-
 uec sucre pour oster lamertume. Huylle dag-
 mandes ameres vault a la sourdesse des
 oreilles & a ordure boant q en gette dedās.
 Celle huylle vault aux vers du ventre qui
 la met sur le nōbril avec farine de luppins.
 Qui en faict vng suppositoire avec la grāt
 trifere elle faict venir la purgation du tēps
 aux femmes. Auicenne dit que les agman-
 des ameres ont telle propriete quilz tuēt le
 goupil sil en mangeue avec aucune viande.
 Qui les met sur le drap de la face ou sur les
 lentilles/ traces ou bleceures de corps elles
 aydent bien a guerir & si emplent les fosses
 du visage. Et q cuist la racine dagmandier &
 en laue sur le drap cest vne forte medicine.
 L'escorce et les fueilles dagmandier sont me-
 dicinables/ car elles nectoyent et gueris-
 sent sicomme dit Dioscorides. Des verges
 et brāches dagmandier on faict trop bones

Berges pour les masses q̄ les cheualiers por-
tēt & de la grosse tige & souche on faict tresbōs
coings pour fendre busches. Qui mangeue
agmādes douces elles engressent. Et Ga-
lien dit q̄ agmādes ameres ouurēt les opila-
tions du foye par merueilleuse ouuerture.

De barberis. Chap. iiii.

BArberis est le fruit d'ung arbre
espineux & petit cōme pōmiers
de grenate & est ce fruit rouge
trayant sur le noir & rond com-
me le fruit de laubespine / mais il est lon-
guet. On les plante cōme pommes grana-
tes. Ilz sont froidz & secs au secōd degre. Le
sprop q̄ en est faict avec sucre vault contre
flux plein de fieure & cōtre leschaufison du
foye. On prēt la pouldre avec ius de morel-
le & lemplastre lensur le foye. Auicēne dit q̄lz
sont froidz & secs au premier degre / & dit que
ilz bainquent grandemēt la cole ostent & la
soif. Cest arbre est tresbon pour hayes & clo-
stures q̄ en auroit assez / et le peult on auoir
legierement par semer le fruit.

Des coulōniers. Chap. iiii.

LEs noir de coulōre est fruit bien cō-
mun & cōgneu / les vnes sont sauua-
ges q̄ sont es bois & les autres fran-
ches. Les sauuaiges sont menues / de grosse
escaille & bien sauoureuses. Et les franches
sont les vnes rondes et grosses & les autres
longues / & sont les longues le plus tost meu-
res et plus sauoureuses / toutesuoyes elles
sont toutes meures quāt elles se despouillent
de leurz couuertes / & q̄ les seiche cōvena-
blemēt on les peult long temps garder. et si
peuēt venir en tout air. Elles veulent mais-
gre lieu & froid & terre moiste & sablonneuse /
cōbien quelles viennent & fructifient en toutes
terres. On les doit semer et mettre la terre
par dessus deux doiz seulemēt. Elles peuēt
bien reuenir par plāter l'arbre ou la brāche /
& les doit on planter en feurier / cōbien q̄ on
les puisse bien planter en mars & aussi en oc-
tobre & nouēbre. Les auelines sōt chauldes

et vng peu seiches et plus froides & plus a-
gues que les grosses noir / pource que leurs
corps sont plus secs / fermes & espes et nont
pas tāt de vinctuosite / & pource elles nourris-
sent plus que les grosses / mais elles sont de
plus tardieue digestion et plus dures a des-
cendre & a ystre hors. Elles enflent dedans
par especial qui les mangeue avec l'escor-
ce / et qui les pele elles sont plus proffitables et
mieulx digerables et valent a ceulx qui ont
vieille toux mais quelles soyēt pilees avec
miel / & leur escorce restrainct le ventre.

Des cerises. Chap. v.

L Cerisier est vng arbre cōmun
& desire air froid et attrēpe et ne
peult pas bien porter air trop
chauld & en contrees tiedes viēt
petites cerises. Il se siouyst en mōtaignes et
en costieres & pres de montaignes & demāde
terre de moiste siege. Des cerises les vnes
sont douces et ont grās arbres qui mōtent
de leur nature frāchement hault et sont pro-
premēt nōmees cerises. Les autres sont ais-
gres et agues et ont trop plus petit arbre et
ne se eslieuēt pas en hault / mais se espādent
en brāches ca & la / & sont appellees maren-
es ou marsches & en autres lieux griānes. Ilz
les font moult de gettōs ou plantes dēpres
leurs racines q̄ sont bōnes a transplanter.
On plāte la semēce en octobre & en nouēbre.
Paladius dit q̄ la verge de cest arbre mise
en terre prent racines & vient en arbre / & les
arbres qui sont venuz des semences doiuent
estre transplantees en octobre et en nouem-
bre. On les ente en nouēbre & aussi faict on
en necessite au mois de ianuiier vers la fin.
Mais iay trouue que lente qui est faicte en
feurier & en mars venoit tresbien / combien
que ce soit la meilleure incision & trenche de
tous arbres qui font gomme quāt la gom-
me nest pas encores venue ou quelle cesse de
venir et fluer. Darron dit que on doit enter
le cerisier es iours bruinans / cest a dire du
douziesme iour de decembre iusques au

Calendes de feurier. On lente trop bien soubz lescorce & au tronc trêche & au sommet de hault. Mais q les ente au sommet il doit oster toute la mousse. On le peult biē enter sur vng prunier & sur vng peuplier selon les aucuns et sur deux autres arbres prinus et platanus. Le cerisier ayme fosses biē haultes & larges espaces comme de trente piedz et se veulent fossayer: et doit on esmonder & retaillet les brâches seiches & les cassees/et ce qui y sourdra par embas affin quelles ne seichent ou empeschent ce denhault. Cerisier ne se veult point fumer ou il forlignerait. On doit former les tiges de huit piedz iusques a douze au dessus de terre quāt elles sont douces ou plus ou moins selon la nature de la terre ou ilz sont. La tige des cerises aigres doit estre esleuee par dessus terre par six piedz ou enuiron / et se l'humour conceue dedans pourrist on percera la tige d'une tariere/et se il y vient fourmis ou autre empeschement len fera ce qui en est dit au traicte des arbres en commun. Cerises ne se peuent garder autrement que seichees au soleil. Qui veult faire croistre cerises sans nopaulx Marcial dit q len doit couper vng ieune cerisier & tendre a deux piedz pres de terre/ & puis le fendre iusques es racines et oster toute la moelle de toutes les deux parties & la rere nettement de chascune part/ & incōtinent apres reioindre ensemble lesdictes deux parties & les tresbien spher & estraindre & estouper les playes du long & par dessus de argille/ de croye ou de fiēs ou de pouldre de tuilles et la trace sera toute raffermee dedās vng an: & apres on doit enter sur ceste plante des gettons qui nauront point porte de fruit / et de ce ainsi laboure viendront cerises sans nopaulx. Les cerises douces descēdent tantost a lestomac & font peu de ayde a lestomac/mais les agues fōt le contraire. Les cerises aigres seichēt plus que les agues/ & si aydent a lestomac remply de fleume. Dyascorides dit que les cer-

ises moistes amoliet le vêtre/ & les seiches l'endurcissent. La gōme du cerisier/ avec vin et eaue guerist de vieille toux et amende la couleur de la face/ & si aguise la veue & dōne appetit/ & seule avec vin guerist de la pierre.

¶ Du chasteignier. Chap. vi.



Chasteignier est vng arbre commun. Il est des chasteignes fraîches et des autres sauuaiges. Les fraîches sont fruitz moyses et sont appelees chasteignes: et les autres sont fruitz moult gros et sont appelez a Millan maronos. Les chasteignes aymēt le ciel estre froid & si ne refusent pas l'air ne le ciel attrēpe et tiede. Le chasteigner se delecte en mōtaignes & lieux haults & obscurs et en regions vers septentrion se l'humour si accorde. Le chasteigner ayme terre molle & dissoulte/mais non pas sablonneuse ne graueuse/ mais moiste. Terre noire leur est cōuenable & charbons cassez en pouldre desliee/ mais bien espes en vng champ & terre rouge & neige. Ilz ne peuent venir en terre argilleuse ne en glaireuse. On les peult semer de leur semēce & planter de Berges q de leur nature si se reprennent bien: mais ceulx qui sont plantez de Berges et de plantes sont si foibles q len est bien par deux ans en doute de leur vie ou de leur mort. On peult semer les chasteigniers en nouembre et decembre. Len doit eslire en Januier ou en feurier les chasteignes fresches et grans et meures pour garder & pour semer: mais on doit faire tant quelles durent iusques au feurier ensuyuant. On les doit seicher en lumbre espansees en lieu estroict & puis on les assemblera dedans sablon de riuier/ et apres trente iours on les otera de ce sablon et seront mises en eaue froide / et celles qui seront bonnes yront au fons & les mauuaises floteron sur leaue / et celles qui seront ainsi trouuees bonnes doiuent estre remises au sablon et y estre par autres trente iours et puis les remettre en eaue cōme de

uant / & celles q̄ seront ainsi recouurees bon-
nes les remettre au sublon encores par au-
tres trete iours / & se lors q̄ sera la tierce fois
elles sont trouuees bones allas au fons on
les deura garder pour semer. Et lunc gar-
dent la reue & les chasteignes en vasseaulx
On doit fouyr le lieu q̄ est depute au char-
steignes d'ung pied / & demy ou de deux piedz
en parfond tout le lieu ou par fosses en or-
dre ou arer a la charrue et pouder du fies
auec la terre & puis y semer les chasteignes
et non plus parfond que les trois parts d'ung
pied / & doit on ficher vng pieu a l'endroict de
chascune chasteigne pour scauoir certaine-
ment ou elle sera / et en doit on mettre trois
ou quatre ensemble. Et si elles doiuent estre
loing des autres trois ou quatre piedz. Et
quant on les vouldra trasplanter on en met-
tra deux plantes ensemble. Et serot mises
plus espes en boys & plus au large en chaps
Et que es champs labourables & semables
que il y ait soixante piedz despace entre les
plantes a ce q̄ les arbres se pussent mieulx
estendre / & doit auoir conduitz a l'enlaid / a
ce que leaue sen aille & q̄lle nameine l'ymon
au pied des plantes q̄ empescheroit les ger-
mes / & en pourroiet estre estains. On peult
enter les chasteaigniers en mars / en avril et
en may / en leurs pareilz & en saulx / mais
ilz biennet plus enuis en saulx et si meurent
plus tard. On l'ete en l'escorce au morcel en
la maniere qui sensuyt. On trenche vng no-
ble arbre / & quat il aura gette en l'annee en-
supuat en la maniere d'ung peuple on cueil-
lera les gettons auat q̄lz germent et seront
mis en lieu froit & vmbfrage & bien couuers
et puis on les prendra en avril ou en may / et
lors on en pourra enter en maniere de mor-
cel ou de moplastre sicome il a este dit par a-
uant. Et q̄ vouldroit faire plusieurs entes
il faudroit faire plusieurs morceaulx de ces
gettons que sen veult enter du large d'ung
gros doird ou de plus. Et apres le getton q̄
sen veult enter encise en lieu conuenable / et

l'escorce en trois ou en quatre parties tren-
chee / on eslira le getton egal a la souche qui
sera tant abaissee en descendant auat que il
soit fait egal & l'escorce leue se elle est lon-
gue si soit formee menbre que le morcel. Le
lieu pour les chasteigniers qui est nouuel
doit estre continuellement fouy en mars et
en septembre. Et croissent mieulx qui leut
trenche & oste aucunesfois de leurs braches
et gettos. On les doit former plus bas es
boys que es champs et les doit on conduire
bien haultes champs. On doit cueillir les
chasteignes quat elles yssent hors de leurs
escorces & q̄lles cheent a terre / & cōgnoist on
quelles sont meures quat les escorces se fen-
dent sur les arbres / et lors on les doit battre
a perches. Et puis se elles sont en leurs es-
corces on les doit environner toutes ensem-
ble des pines poignans que les porcs ne les
magenet & puis apres les coctes se ouurent
assez briefuement. Elles sont meilleures a
garder vertes q̄ les autres / car elles peuent
estre gardees iusq̄s a la fin de mars. Mais
les autres qui cheent meures des arbres ne
se peuent garder fors iusques a quinze iours
Mais qui les met a la fumee pour seicher
on les peult garder longuement. Le boys
des chasteigniers est bon a maisonner / et
dure merueilleusement soubz terre et a la
pluye & sur le tect / et pource en peult on fai-
re trop bons eschalias pour vignes et per-
ches pour treilles / et aussi en fait on moult
de bons vasseaulx / cuues et tynnes ou len
peult tresbien garder les chasteignes sei-
ches. Selon ysaac chasteignes sont chaul-
des au premier degre et seiches au second.
La douleur de elles est le signe de la cha-
leur & la pōtice ague mōstre la seicheresse.
Elles sont legieres a digerer et si nourris-
sent fort / et si ne sont pas moult stiptiques
ne diuretiques. Se on les rostit elles en sōt
plus legieres & plus tēdres / & se on les cuyt
en eaue elles engendrent bonne nourriture
dedās le corps pource que leur complexion

est attrempee de molete et de humeur et at-
trempent la seicheresse du pis & du corps et
ostent la difficulte de uriner. Elles valent
aux coleriques se ilz les mangent avec suc-
cre / et aux fleumatiques avec miel. Elles
ont grant & bonne vertu en medecine: car el-
les ostent abhominacion de l'estomac & em-
peschent le vomir & si confortent les entrail-
les q les mangent a ieun. Qui en fait ung
emplastre avec farine d'orge & vin ou vin ai-
gre / il guarist les mammelles enflées. Les es-
corces des chasteignes bruslees et mises en
poultre trepees en vin doux ou agu & mi-
ses sur les cheueulx de ung iouuencel si les
luy confortent & les gardent quilz ne cheent.
Aucune dit que la chasteigne a en soy telle
nature quelle enfle et nettoye le ventre par
embas & lenfle et si est stiptique et conforte
les membres et si est de tardive digestion
mais elle nourrist bien / & pource qui la man-
geue avec sucre elle nourrist moult bien.
Galien dit q cest le plus nourrissant fruit
entre les autres grains et quelle approuche
a nature de pain.

Des coigniers. Chap. vii.

Les coigniers sont arbres communs
& congneuz / & en y a les aucuns qui
sont poires citrines et sont les greis-
gneurs et qui ont menbres fueilles. Et les
autres sont menbres arbres & ont grans fueil-
les et sont appelez leurs fruitz coings ou
cicomes / ilz desirent lieu froit et moiste: et
se ilz sont en lieu chault ou tiede ilz ont mes-
tier de arrouser et seuffrent bien la nature
de siege moyen entre froit & chault / & si vien-
nent bien en lieu plain et en montaignes et
costieres / toutesuoyes ilz desirent le plus
lieu enclinez & asséblez / & desirent mieulx
terre grasse et mole que terre croupeuse. On
les plante en plates avec les racines trou-
uees encoste les herbes. En montaignes et
lieu hault et chault on les seme en octo-
bre et novembre / et en lieu froidz en fe-
urier et en mars / et en lieu attrempez en

chascun de ces temps. Selon Paladius on
les doit planter loing a loing afin que quat
se vent soufflera que le degoust de l'un ne
heurte a lautre. Au mois de feurier on les
ente mieulx en leur semblable au tronc que
en l'escore. Se l'arbre est grant on le saut
mieulx etour la racine ou l'escore & les boyes
sont moistes par le benefice de la terre pro-
chaine. Le coignier recoit en soy les gettons
presque de tous pommiers granatiers de sor-
bes et de toutes pommes qui sont meilleur
fruit / quant elle est menbre on la doit ar-
roser de fiens / & quant l'arbre est grant on luy
doit arder de cedres ou de croye en poultre
seme a la racine une fois lan. Qui arro-
se souuent le fruit en est de meilleur venue
& plus tost meur & les doit on arroser quat
on a deffaulte de pluye et de rousee. Et les
doit len fouyr en lieu chault en octobre et
nouembre / & en lieu froidz en feurier & mars
et qui ne les fouyt ordonneement ou les ar-
bres deuiendront brehaings ou le fruit se as-
bastardira. On les doit former tellement q
ilz ne ayent q une seule tige haulte de qua-
tre ou de cinq piedz par dessus terre. Et doit
on retrencher & oster toutes les superfluites
nuyfians. Se l'arbre est malade on doit met-
tre a la racine lye dhuylle & autant de eaue
et ce luy gardera chascun an le fruit de in-
conueniēt et si embellira le vieil arbre. On
doit cueillir le fruit au mois Doctobre
quant la bruyne vient et que le fruit traict
a couleur dor / et doit on cueillir ceulx qui
sont de plus grant odeur. Se on len pend
par monceaux ensemble en lieu froit ilz
pourront bien durer par ung an et plus / et
si se gardent bien entre deux tuelles qui les
estoupe de toutes pars de boue ou de terre
argille / et se on les cuyt bien et que on les
laisse ainsi. Aucuns gardent les meilleurs
envelopez en fueilles de figuier / et les au-
tres les gardent en lieu sec ou le vet ne peult
entrer. Et aucuns les mettent en miel / et
lors prennent les plus meurs pour confire.

Aucuns aussi les gardent esparus et couuers de mil/et aucuns autres les mettēt en Baissaulyz pleis de tresson vin. Les autres les plongent en moult dedās les tōneaulx/et lors ilz font le vin souef flairāt. Aucuns font hayes des arbres:mais ilz nōt point espines poignans/et ce nonobstāt si sont elles de bonne deffense contre les bestes/et aussi portent ilz aucunesfois du fruict et en sont bonnes les retailleures pour ardoir. Les citrins ce dit ysaac sont diuisez en deux: cest assauoir en cru boys et en pfaictemēt meur. Celluy qui est cru boys si est tresmauais car il est gros/terrestre et tresdur a digerer et si ne nourrist point/et pource le doit on laisser et fuyr. Celluy qui est meur est vniuerselz lemēt froit en la fin du premier degre et sec au mylieu du second degre/et pource en est la ponticite plus grāt en eulx quelle nest es autres pōmes. Le coing vault moult a flux de sang et a legestion et au vomissement/et si cōforte lestomac sil demeure dedans luy. Qui se māgeue lestomac buid il restrainct le ventre:mais qui le prent apres la viande il lasche en compraignāt et estraignant la bouche de lestomac. Aucuns coings sont pontiques et agus/et aucuns aigres et aucuns doulyx. Les pōtiques et stiptiques sōt froidz et durs a digerer/et pource on ne les doit pas manger avec leur chair:mais on doit seulement succer leur liqueur: car elle conforte lestomac et faict vriner et si restrainct le vētre et le vomir/et qui le mangeue avec sa chair on doit faire par aucun engin que la durte de sa chair soit ostee par cuire en eue ou le mettre en eue chaulde: ou a mieulx faire que on les fende et que on oste les grains et que len mette du miel dedans et quilz soyēt escorchez ou enuelopez de lin ou destouppes et cuytz au four/es cendres ou en paste qui mieulx vault. Et quāt ilz sont cuytz es cendres chauldes adōc sont ilz bien stiptiques et bien cōfortans. Les aigres sont plus subtilz et plus penetratifz/et pource ilz restrai-

gnent la soif et dōnent aguisement a la cole rouge et au vomissement de cole et a legestion et font venir lurine et croissent la force de lapetit: lodeur de coings deffēd le vomir/et le ius apres ce que len a beu fort vin oste les fumees qui montent au chef. Dont Auicen ne dit que les citrins aydent a ceulx qui vomissent et a celluy qui senpure/ ilz attrempeent la soif et confortent lestomac qui a superfluitez et vallent a dissintere/et quant on les prent apres la viande ilz laschent tant q qui en prent trop ilz mettent hors la viande auant quelle soit digeree: mais les doulyx sont plus attrempez et ont aucune chaleur dont len nappercoit pas clerement que leur vertu oste la soif ne la chaleur.

¶ Du citrōnier. Chap. viii.

Le citrōnier est vng arbre cōgneu et assez commun. Il desire lair chault et si se esiouyst de terre arrousee et pres de la mer et ou humeur habōde. Il demande terre de tendre nature/ toutesuoyes se aucun le veult mettre en froide contree q il le mette en lieu garny de paroyes ou au regard de midy/ et au temps dyuer on le doit couvrir de feurre/et quant leste sera retourne l'arbre sera desnue et seur. On le seme au mois de mars en plusieurs manieres/ cest assauoir/ en semence/ en vng raincel et en deux manieres tala et claba. Se on le veult semer en grains on doit foyr la terre deux piedz en parfond et y mesler des cendres/et doit on faire petites aires affin que leaue de queue de toutes pars par les chenelz et en ces aires on fera fosses dune paulme/ et se doyuent faire aux mains et mettre la trois grains iointz ensemble et que les pointes soyent contremont et le hault du grain soit contre terre/ et puis soyent couuers et arrousez chascun iour/ et se ilz sont arrousez de eue vng peu chaulde ilz en viendront mieulx et plus tost/ et quant les germes sauldront on deura tousiours oster les herbes prochaines. Et celle plante triple peult

Bien estre transplantee ailleurs. Qui veult planter le raincel on ne le doit point mettre plus d'ung pied en parfond a ce ql ne pourrisse. Qui voudra faire vne maniere appellee claba si prenne vne branche du gros du manche de vng coutel et du long d'ung couste & sera applamiee d'une part et d'autre en retrenchant les neux et les gros aguils lons & fors et seront laissez les bourions d'ehaut par ou les germes deuront venir & diligement les nourrir de fiens de buffle les deux pars en les bestant de ce fiens par dessus/ ou de la purgation de la mer ou de argille et en soyent couuers les deux pars et les boutz de chascune part et qlz soyent ainsi mis en terre fossoree. Il y a vne autre maniere appelee talea q peult estre plus gresle et plus briefue et soit mise en terre ainsi come la clabe fors tat que la talea sera par dessus terre par deux paulmes et la clabe est toute boutee en terre/ & ce ne se doit point ioindre es autres arbres. Ces deux manieres talea & cleba doiuent estre faictes par autonne en chauldes contrees/ & par iuillet et aoust es froides et estre bien arrousees par chascun iour. Paladius afferme q en ceste maniere les fruitz sont venuz et parfaictz iusques a grans pomes et grans accroissements. En lieux chaulx on les ente au moy d'auril et es lieux froidz en may/ et doiuent estre entez non pas soubz l'escorce: mais au tronc trenche par empres les racines / et se peuent enter en perier & en pomier: selon aucuns / ilz se esiouyissent de continuellement fossorer & en viennent les pomes plus grosses: mais on doit retrencher largement les seiches: cest arbre na iamais deffault de pomes pource q les vertes viennent les meures estans encores sur l'arbre pour labondance de l'humour/ & si viennent les fleurs/ les vertes estans sur l'arbre/ & ainsi nature leur donne par vne forme de plante de ainsi remplir le mode de leur fruit. On dit que les aigres sont muees en douces se len meurist les se-

mees par trois iours en eaue enhyallee ou en laict de bzebis. Aucuns percent le tronc d'une tariere au moy de feurier & font vng trou oblique de trauers en telle maniere ql ne yst point de l'autre partie & par la ilz laissent degoutter l'humour iusques a la formation des pomes/ & lors ilz replissent le trou de boue et dient que ce qui est au mylieu deuiant doulx. Les pomes se peuent bien garder tout l'an sur l'arbre ou en pailles ou en baisesaulx ou elles se gardent bien quant elles y sont encloses. Selon ysaac les pomes citrines sont composees de quatre choses: cest a scauoir l'escorce/ la chair/ la moelle/ et les grains. L'escorce est chaulde au premier degre & seiche au second/ sicome son odeur et son ague aigreur le monstrent: mais toutesuoyes sa substance est dure et ferme / et pource on ne la doit pas prendre pour viande: mais on en peult bien prendre aucune partie pour medeciner: car elle confortera l'estomac et aydera a la digestion et donnera bonne odeur/ & qui le boit en vin il vault puissamment contre venin mortel. Et qui le seiche et met entre robes/ il les garde de vers: & se femmes grosses en mangeuent il leur oste tout appetit desraisonnable. La chair en est froide et moiste au premier degre et rafreschist l'estomac & est forte a digester pour la durte / et pource est bon a l'estomac vuid den prendre avec sucre & miel auant quil mangeue autre viande/ et qui en mangera au mylieu du disner ou en la fin il sera cause et matiere de grosse et dure fiesure. La moelle enest subtile & pleine de eaue/ et pource elle ne nourrist point / et en est de deux manieres/ l'ung est sans saueur & l'autre est agu et aigre. Celluy qui est sans saueur est froid et moiste au second degre / et pource il a vertu entrant et extenuatiue et refrigeratiue/ et par ce attrempe la chaleur du foye & conforte l'estomac. Il resueille l'appetit et attrempe la guillon de la colle rouge & ayde grandement contre soif. Il oste la

tristesse q̄ est engendree de colerique cardiaque / & si attrempe le vomissement colerique & leggestion. Qui en frote rongne lentilles & gratele il les destruit / & se preuue par ce q̄ les draps touillez dēcre q̄ les nettoye de ceste moelle & du ius ilz reuiēent a leur premiere couleur. La semence est chaulde & seiche au second degre sicōme le tesmoigne sa saueur / & pource elle est profitable a manger & de grant bonte en medicine. Elle dissout les apostumes / & q̄ les boit en vin elz les valēt cōtre Venin. Les fueilles de l'arbre pource quelles sont odorans et sentēt de laigu elles aydent aux escorces des pommes prochaines.

¶ Du cornillier. Chap. ix.

Cornillier est vng arbre assez commun & combien quilz viennent communement es boys & quilz soyent sauuages / toutesuoyes pource que on les peult domescher & affranchir par le labourer / & aussi pource q̄ il faict fruct bon a plusieurs choses ie en vueil traicter. Cornillier est vng arbre q̄ viēt en tout air et en toute terre : mais la terre grasse et moiste luy est la meilleur. On le peult planter par sa semēce & par les gettons qui sont trouuez empres l'arbre avec la racine. On cōgnoist le fruct quāt il est meur lors quil mue sa couleur de rouge en noir et chet legierement de l'arbre pource q̄ le boys en est dur & tenāt / on en faict tresbōnes dēs pour moulins & fort bōnes testes pour mailletz / & aussi fleaux pour battre grains et verges a charpir laine / & aussi toutes autres choses qui requierent dur boys / & est bon den faire hayes ou il n'est point de necessite dy mettre espines / & pource q̄ il n'est pas grāt habondance on en doit semer en aires de la semēce cueillie tard et bien seichee au soleil et le doit len semer en Octobre & en Novembre. Corneilles sont trespontiques & sriptiques & de tant q̄lles sont plus noires de tant sont elles plus pontiques. Elles ne sont pas bō-

nes pour biādes : mais en medicine. Elles valent cōtre flux de Vētre & cōtre vomissement de colle : car elles restraignēt pour leur froidure & ponticite. On faict de corneilles trop bon vin aigre q̄ les pile avecq̄s vin aigre biē fort & puis en faire pais & les seicher & garder pour en vser / & quāt on voudra auoir du vin aigre on en mettra avec du vin.

¶ Du chesne rouer et cerre.

Chapitre. x.

Chesne rouer & cerre sont grans arbres et presque dune nature : car ilz sont semblables en durte & fermete de boys / et aussi des fueilles et du fruct : car tous portent glans et sont tous plusieurs grandes et grosses racines et parfondes : mais il y a differēce en la forme des arbres : car le chesne faict le tronc brief et rainceaulx grans & esendus de toutes pars / rouer faict tronc et souche hauste et droicte et a peu de rainceaulx / & cerrus faict treslongue tige & tresdroicte et merueilleusement peu de rainceaulx. Les arbres demandent terre ferme & dure ou moyenne & montueuse ou pres de montaigne & hayēt terre resoluē & pouldreuse & pleine deaue / & par especial terre sablonneuse. On les seme par leurs glans ou semoir / ou es chāps / ou es riuēs q̄ sōt faictes sur les fossez au mōys de ianvier / ou de feurier / ou en nouēbre. On cueille les glans au tēps q̄lz sont meurs & q̄lz cheent de l'arbre et les seiche len au soleil / & puis les garde len pour nourrir les pourceaulx pource que cest viande tresbōne pour eulx. Les arbres dessusditz sont tresconuenables a employer en ouurage dessoubz terre et durent longuement / & par dessus terre rouer est le meilleur des autres. Les glans sont froidz au premier degre & secs au second. Nous nen vsons point en la viande des gēs : mais des pourceaulx pource q̄lz desobeissent a la digestion. Ilz serrēt le Vētre / & pource ilz valent a dissintere & aux rongnes & escorcheus

res de boyaulx et a flux de sang : mais ilz font Uriner & nourrissent le corps cōme aucuns grains & descēdent tard de l'estomac & font douloir le chief : mais leur escorce est moult stiptique et aussi sont les galles de leurs arbres/et pource ilz Vallent a flux de sang aux femmes. La decoction diceulx est bonne aux escorchēures et rongnes des entrailles/ & aussi la pouldre diceulx quāt ilz sont ars gettee es lieux secretz des femmes desèche leurs humeurs pourries courans. Auicenne dit que les fueilles de ces arbres sont de tressorte stipticite et q̄ le glan vault au commencement aux apostumes chauldes et les fueilles des glans font assembler les playes quāt on les broye fort & les pouldre len dessus. Et les galles de ces arbres quant elles sont iointes avec Vin aigre et on en oingt rōgne et gratelle on les en guerist. Et aussi leur pouldre espādue sur eaue et beue vault moult contre rongne/gratelle playe des entrailles et contre Vieilz flux/& quant on la met en medicine elle vault cōtre les choses dessusdictes.

Du figuier. Chap. vi.



Figuier est Vng arbre q̄ chascun congnoist/ & en est de plusieurs manieres. Cest arbre demande air chauld ou attrēpe & si peult biē Venir en air moyēnemēt froid par bōne ayde se il est au regard de midy ou dorient & bien deffēdu des autres parties. On ne doit point engresser la terre q̄ lyuer ne le treuve trop tēdre/& lors on doit bien couvrir la tige de l'arbre de pailles bien lyees et iusques aux brāches/& autour de l'arbre enuiron Vng pied couvrir la terre de fiēte de bestes/& par especial de fiēte de coulombs / & si tost comme lyuer sera passe on osterā ceste fiēte se la terre n'est trop maisgre. Le froid air est contraire au figuier il desire terre grasse & moyēne. Et naissent bien Vne maniere de figures en terre maisgre et seiche et ou les plus seiches figures et les plus douces sont nees:

mais en terre grasse et moiste Viennent les figures plus moistes/moins douces/ mois sauouteuses & plus grosses & les plante len de plantes prinse ailleurs au moys Octobre/ou de Nouembre es lieux secs/ et es lieux attrēpez en feurier/ & es lieux froidz en Mars et en Avril. Qui y veult mettre Vne taillette Vne Berge ou Vng getton on le doit mettre en la fin de Mars ou en Avril quāt l'humour sera mise dedans & qui y met Vne Berge il y doit emplastrer deux ou trois rainceaulx au regard du midy et les couvrir de terre affin q̄ les chefz gettēt deux ou trois arbres entregisans a la terre. Se nous y mettōs Vne taillette nous y mettōs doucement Vne pierrette en Vne partie ou elle sera fendue et fichee. On doit eslire et cueillir plantes pleines de neux prochains et drus: car celles qui sont belles et resplesdissans et dont les neux sont soing lung de l'autre sont reputees de peu de prouffit et brehaignes. Qui veult nourrir Vng figuier en Vne terre bien labouree et que on le mette en Vne fosse quant elle sera meure l'arbre en portera plus grosses figures. Le figuier demande haultes fosses & grans intervalles pour la longueur des racines. Nous semons figures en lieux froidz pour tātost Venir affin q̄lz soyēt Venuz avant les pluies et en lieux chaulx on doit semer celles qui Viennent a tard & les ente len au moys d'Avril entre l'escorce et le boye. On se les arbres sont nouveaulx on trēche l'arbre & len te len hastiuement et le couure len et lye len tresbien que le Vent ne si boute: mais ilz reprennent mieulx se on les trenche ieunes et nouveaulx par empres terre et que on les ente tantost. Aucuns les entent au moys de Juing. Varro dit et escript que les arbres que len ente en printemps peuēt estre entez en l'estat du soieil quant il est au plus hault & les iours descroissent sicomme la figure qui n'est pas despesse et grosse nature/ et pource elle suyt le plus chauld dont elle est faicte &

tât quelle ne peult estre seichee en lieu froit Elle hait eaue fresche quât elle est nouuellement entee pource quelle faict pourrir le tendron / et pource semble q̄l est bon de les semer en iours chiennins . Et sur celles qui sont mois molles de leur nature on lye vng Baissel dont leaue degoutte lentement affin que le getton ne soit plus tost arre & sec que chault. Et doit on garder l'escorce entiere de ce getton & le laisser si agu que la moelle ne soit poit desnuee & q̄ leaue ne la griefue poit par dehors ne trop grant chaleur aussi / et pource les doit on enueloper d'argille et l'per tresbiē. CATHON escript q̄ len peult enter figues au temps de Védanges & doit on choisir getton pour enter qui soit dung an pour ce que plus ieunes ne plus vieulx ne valent riēs sicomme len dit. On les peult desfouller et éplastrer en Juing & en Juillet: toutesuoyes on les peult bien enter au mois cel au mois de may & en avril. On peult enter le figuier au meurier et en arbres appellez caprificus et platanus et en oeilles et en gettons. Il s'esioyft destre foup continuellement et luy prouffite moult se en automne on luy met du fiēs aux racines / & par especialiens de asnes . On forme les figuiers en lieux froids tellemēt quilz ne apent que vne seule tige & vng peu esleuee de terre / & p ce ilz sen deffendēt mieulx du froit . Mais en lieux chaulx on leur laisse plus de tiges & non plus de trois ou de quatre / & peult on retrêcher a volente tout ce qui y est pour ry ou mal venant / & le doit on faire par telle maniere que l'arbre demeure si encline q̄l se puisse estēdre par les costez. On doit oster les bosses et faulses branches affin que les vers ny viēnēt et se ilz y sont venus on doit tout couper au coutel & ardoir. Aucuns mettent chaulx viue en leurs clotes / et se les fourmis y viennent on prendra terre rouge et poix clere & serōt meslēs ensemble & bien attachees au tronc en éplissant ou applanissant. Et se l'arbre gette son fruit cōme ma-

lade / on prēdra vng fort coing et sera fiche en vng trou qui se fera dune tariere en la racine / et les autres entaillent l'escorce souuēt en plusieurs lieux quant les figuiers commencent a getter hors leurs fueilles affin quilz facent assez fruit & bon & gras au commencement quilz germeront. Nous retrenchons les sommetz denhaust ou seulement celluy qui vient de la moitie de l'arbre affin que le figuier si meurisse bien tost . Aucuns prennent ius doignon long & le mesient avec poiure & huyle & en oignēt les figues quât elles commencent a rougir . Figues vertes se peuēt garder ordonnees en miel tellemēt quelles ne se entretouchent ou que chascune soit bien serree et close en vne verte courge en telle maniere que chascune ait son siege caue ou elle sera enclose : mais on les seiche bien en la maniere q̄ toute la champaigne les garde. On les espāt sur cloyes de oziers iusques a midy & celles q̄ sont encores molles on les oste et les met on en vng plat et puis sont mises dedās vng four tout chault comme pour cuire et que le plat soit mis sur trois pierres quil ne fonde & que le four soit tresbien estoupe / et quant les figues serōt cuytes on les mettra si chaudes comme elles serōt entre leurs propres fueilles dedās vng Baissel de terre bien serrees et q̄ le Baissel soit bien clos & estoupe. Et se pour habondance de pluyes on ne les peult ainsi estendre a lait que len mette des cloyes dessoubz le tect et quelles soyent hault leuees au dessus de terre vng pied / et que la elles soyent mises sans euaporation quelcōque fors que de la cendre que len aura gette dessoubz / et apres que les figues soyēt diuises & retournes affin que les escorces seichēt & les boutz aussi. Et quant elles seront ainsi doublees et ordōnees on les gardera en huches ou en autres lieux . Aucuns autres les seichent de iour espādues sur cloyes au soleil & aux soirs les remettēt & rapportēt soubz le toict. Figues seiches selon la maniere de espais

Des arbres portans fruit/et de ceulx qui ne portent point de fruit.

gnolz sôt gardees aisi. On les seiche moyē nement & quāt elles sont bien refroides on les met en aucun baissel & les pouldre len bien/ & aisi sont gardees. Les figues seiches que les gens de Cesanne ont sont tresbonnes & les ordōne len ainsi. On prent figues crassettes moyēnemēt meures & les met on toutes entieres au soleil par deux iours / et apres on trēche les plus crasses au trauers par le mylieu et puis on met la partie de dessoubz en la retournāt contre le soleil par deux ou trois iours / & ce faict on les ioint deux & deux ēsemble & les remet on arriere pour les seicher au soleil p deux ou trois iours / & apres on les met en vng pot de terre & les remet on seicher au soleil / & puis on les met en vng estrin par quinze iours / et apres encores au soleil sil en est necessite. Et ce faict on les met froides & bien serrees en pouldres en qlque baissel pour les garder et se doit on bien donner garde au seicher q pluye ne rousee ne les touche. La figue est par deuant tous autres fruitz a louer et q mieulx nourrist/mais elle engēdre grosses humeurs. Des figues Vertes les aucunes sont crues et non bien meures/et les autres sont parfaitemēt meures. Celles qui sont crues et non parfaitement meures sont aucunement chaudes & peu & sont plus grosses pour la seigneurie de la terrestre partie qui est en elles. Dōt ypocras dit q de tāt q la figue est plus loing de sa meurete de tāt est elle moins chaude & plus grosse. Celle qui est parfaitement meure est chaude au premier degre & attrēpee entre sec & moiste. La figue est cōposee de trois choses/de graine q est la semence/et de sa poulpe / et aussi de son escorce. La nourriture de la semēce est nulle/car cest cōme sablon ou grauois. Les corce est seiche cōme vng cupz & pource est elle tresdure a digerer. La chair q est la poulpe est nourrissant & si dissoult. La figue seiche est chaude au cōmencemēt du secōd degre & seiche au mylieu du premier / et pour

ce elle eschauffe & engendre soif & si se mue en humeurs coleriques : mais toutesuoyes cest le plus nourrissant de tous les fruitz & celluy q moins enfle : & se la figue treuue en lestomac humeurs superflues elle est dure a digerer & se tourne a corruption & engēdre enfleures/Vētositez & tresmauuais sang/et si faict venir poulz a la chair p dehors. Et se elle treuue lestomac nect de humeurs elle est bōne a digerer & faict bon sang & nettoye le corps & les reins & le poulmon & aussi la Bessie de grosses humeurs. Qui Bouldra oster les nuyssances q peult faire la figue/il les doit māger a ieun/ & puis prēdre du poiure ou du gingēbre/et affin quelle engēdre bon sang on prendra des noir seiches apres ou des agmādes. Elle vault selon medicine qui la cuyt avec ysope & nettoye le pis et le poulmon/et vault contre la toux ancienne. Les gargarismes faitz avec la decoctiō des figues dissoult les apostumes qui sont es conduitz du poulmon. Qui cuist la figue en vin et en faict clistere il vault a la douleur du ventre q vient de grosses humeurs. Auicenne dit que la figue blāche est la meilleure et puis la rouge et apres la noire. Le ius des fueilles de figues est merueilleusement chault et eschauffe tresgrandement et nettoye/ et en ce ius est le dernier adoulcissement. Son lait si faict prendre ensemble et coaguler le sang trop moiste/et quāt il est cōgele il la dissoult & le faict cler. La figue qui est moiste est de la plus grāt nourriture. Il y a es rinceaulx du figuier tant de subtilation que quant len cuyt chair avec ces rinceaulx la chair se dissoult toute. La decoction des figues vault aux apostumes de la gorge & aux apostumes des racines des oreilles qui la gargarise. Le lait en prouffite aux poinctures des escorpions qui len oingt / et si en deffend qui sen oingt parauāt/et aussi la figue verte ou les fueilles fresches valent contre la morsure de chien enrage.

Du laurier.

Chap. vii.

Laurier est vng arbre assez grant qui a longues et larges fueilles et tousiours fermes & vertes & de tresbonne & grande odeur. Cest arbre faict vng petit fruct et noir appelle baie / il vient en tout air: mais il se delecte en air chault et attrempe & aime terre mesgre & deliee. On le plante en rinceaulx et en gettons ou en semence au mois de mars & bien proprement quant l'humour viert a l'escore des rinceaulx. Les fueilles & les rinceaulx sont tresbons a garder figues seiches & met on les fueilles en gelee pour la faire de bone odeur / et en met on en petites piecettes étour d'ypaticum. En quelconque chose q'on les met te cure elles donnēt grant odeur & confortent le cuer et le ceruel. Se aucun vin est greue de muſſe et sente le relent qui en met dedās il en est guery: mais il l'attrait & donne la saueur qui est forte. Auicenne dit que les grains / les escores et les fueilles sont chauldes et seiches: car en deux degrez son humide est plus chaulde que celle de noix et ayde a toutes douleurs de nerfs / & oste la luxure & le travail des gēs / et quant on boit de son escore ou des grains le pois d'ung escu ilz brisent la pierre & si occist le fruct pour son amertume qui passe les amertumes des autres: & vault contre morsure de scorpions / et si est bonne contre poyntures de guespes et d'autres mousches: et si est triacle a tous venins quant on en a beu. Dioscorides dit q'les fueilles de laurier preseruent et gardēt robes & liures de tous vers qui les met avec et aussi preseruent de toutes autres rongeurs et corrossions de vers.

Du meurier.

Chap. viii.

Murier est vng arbre commun & bien congneu qui aime la vigne & demande air chault & attrempe & hait terre & air froit / et veult terre sablonneuse et prochaine de mer et si vient bien en terre moyennement deliee: mais en argille ou en

limon il ne se peult comprendre. Il s'esjouist grandement du fens & de terre grasse et en vient verd et grant. On le peult semer en lieux attrempez en mars et en la fin de feurier / & en lieux chaults en octobre et en novembre / et le peult on semer en sa semence: mais le fruct en foraigne & les iardins aussi / & vault mieulx le semer en verges et en gettons / & est le meilleur de verges d'ung pied aplamees de chascune part et touillees de fens / & les met on en vne fosse nouvellement faicte / & la les plōge len & les couure len de terre meslee avec cēdre / & nen laisse len par dessus terre que le long de quatre doibz. Et quant la plante sera bonne & forte on la desplantera au mois d'octobre ou de novembre et se elle est tendre au mois de feurier ou de mars. Le meurier demande fosses hautes et grans espasses entre lung et l'autre comme de trente piedz ou environ affin que lung ne pesche l'autre ne en terre par les racines ne hors terre par les brāches. Selon aucuns on le peult enter en soy et en pescher / figuier et ourme. Et selon Paladius il comprennent bien ce que len ente en luy: mais il en vient & meschant et pource croissante. Meurier se resjouist de foyz & de fens: mais l'humour continuelle ne leur prouffite pas. Meurier croist a peine sil nest assis en gras lieu. Ce qui sera sec sera retaille apres trois ans toutes fois quil en sera mestier. On destortille le meurier & sera foyz environ le comēce cēmet d'octobre / & mettra len entour les racines lye fresche de viel vin. Et en formāt l'arbre on ne luy laissera que vne seule tige et que les principaulx rinceaulx soyent esleuez de terre huit piedz de hault ou plus ou moins selon la gresse de la terre pource que en terre grasse ilz viennent mieulx et plus hault que en terre maisgre. Aucuns dient que se la tige de l'arbre est percee d'une tariere ou le tronc en plusieurs lieux & que en chascun trou on mette vne chemise quil en portera mieulx. Aucunes fois il adient

empeschement aux meuriers tel que ilz ne peuvent croistre/et nen vault riens le fruit se les fueilles en sont cueillies et par especial des plus haults rinceaulx ou que les rinceaulx soyent cueilliz avecq les fueilles / sicomme font souuent les femmes qui nourrissent les vers a faire la soye : car les fueilles leur sont tresbonne viande iusques a ce quilz se prennent a faire leur soye / le fruit monstre sa meurete quant il est noir et tendre. Meures sont de deux manieres. Les aucunes sont bien vertes & non pas grandement meures/ & les autres sont douces & parfaitement meures. Les meures aigres sont chaudes et seiches & ont vertu stiptique & confortatiue de lestomac & des entrailles & serrent le ventre/ & pource elles valent a flux de ventre que len appelle dyarrie et dissintere quant elles sont seiches/ & par especial se tel flux vient de cole. Le ius de meures vault moult a la douleur des geciues/ de la gorge et de la luette par especial se il est cuit avecques moult bouillu et vng peu de sucre : mais les meures douces aprouchent vng peu a chaleur et si ont assez de humeur & sont tost pssues de lestomac. Elles tiennent le ventre mol & font bien vriner/ mais se elles treuvent viande en lestomac prinse par auant elles y demeurent longuement pource que la viande les retient & se tournent a corruption/ & par ce nuisent a lestomac & au chef. Mais se elles treuvent lestomac vuid de elles sont tost digerées & nourrissent peu. Se on les prent a ieun en eue bien refroidies elles refroident grandement & ostent la soif et estaignent lardeur de la chaleur. La racine du meurier cuit en eue et beue a moistist le vêtre & en boute hors les vers & autres bestes. Et se len cuit les verges/ les branches & gettons avec la racine & que len mette et retienne de leue en sa bouche elle vault contre la douleur des dentz. Et q les cuit en vin & en gargarise ce vault contre les humeurs qui descendent a la luette et a la

gorge. Qui pile la racine de meurier et la met en vin aigre et apres la laisse au soleil par douze iours / et puis quelle soit seichee et que on en face pouldre / qui met de ceste pouldre sur dentz pourries et percees elles les faict cheoir. Auicenne dit que la meure est mauuaise a lestomac pource quelle si corrompt/ & quant elle est corrompue elle nuis/ & pource conuient il que toutes manieres de meures soyent mangées avec la viande et non pas apres & quelles ne soyent point prises de gens q ayent corruption en lestomac. La meure qui est salee & seiche retient grandement le ventre & vault contre flux appelle le dissintere & si a es escorces grande solution et mundification/ et si a la meure en toutes ses especes vertu de faire vriner/ l'escorce du meurier est triacle contre le iusquiasme q len nomme autrement hannebanne.

¶ Du muonac.

Chap. viii.



¶ Cest vng arbre appelle muniauc/ on lappelle en prouence Bosleme & est semblable au prunier mais il a plus de neux. Son fruit est du grant de communes prunes/ & par dehors il est semblable a pesches en forme. Cest vng fruit de grant odeur & est de couleur dor/ & veult tel air & telle terre come le prunier/ mais toutesuoyes il aime mieulx terre dissoultte q argille ne croye. On seme la semence du fruit au mois de Januier et au mois de feurier/ & les trasplante len en Octobre & Nouëbre/ feurier & Mars. On le peult enter en soy & en prunier & pescher/ & par aduenture en agmandier. On le doit fouyr souuent & arrouser en tēps sec/ & en restrycher les rinceaulx pourris & secs/ & doit estre forme comme vng prunier/ et le fruit en est moins moistte que d'ung pescher ne d'ung prunier / mais il conforte plus lestomac et le ceruel quant il est bien meur/ et se monstre ce tresclerement par leur couleur/ saveur & odeur.

¶ Du mirte.

Chap. xv.

Mirte est vng arbre q len treuve sur la riue de la mer sur lequel la mer gette souuent ses vndes il demanz de air chaud attrempe ou froid. Et selon Albert il veult terre sablonneuse pouldreuse et maisgre & qui soit de nature de terre de hermitage. On le seme de verges que len arrache de sa mere. On nome le fruit mirtules qui est froit au premier degre et sec au second et conuiennent principalement en medecine et aussi les fueilles et les fleurs et de tat comme le fruit & les fleurs seront plus frais de tant seront ilz meilleurs. Les fruitz qui sont cueillis meurs peuent estre gardez en grant vertu p deux ans. On doit seicher les fleurs au soleil & ne se peuent pas garder longuement mais les fueilles se peuent assez garder. Elles ont vertu de restraindre pour leur ponticite et de conforter pour leur odeur aromatique. On donne le fruit a manger ou le ius espraint ou le sirop fait du ius avec sucre contre vomissemment et contre flux de ventre et le cours des femmes qui procede de foiblesse de la vertu retentive ou de grant humeur & est tresbonne medecine et si se peult garder vng an quant le ius est bien cuit et le sucre fault prenez du miel. On fait vng emplastre de mirtules cuites & aubin doeufz et le met on sur lorifice de lestomac contre vomissemment et contre dissintere on le met sur les reins et sur le nombril & sur la pennilliere. Et contre le cours des femmes on fait vne fomentation des fueilles cuites en eaque de pluye dont on recoit la fumee & en laue len le ventre par embas et aussi vault contre flux et dissintere et qui sen laue le franc et les temples et les piedz ce fait bien dormir quant on est en fieure ague & oste la douleur de la teste qui vient de chaleur ague. Le sirop des fleurs vault merueilleusement aux choses dessusdictes et aussi la pouldre des fleurs mise en viandes vault a ce que dit est & qui la met sur grosses rongnes elle les guerist

et la pouldre du fruit et des fueilles prise au matin auant la viande vault contre praprise de bouche qui vient de lestomac. Auicenne dit quil arreste & retient toute moleste de sueur & tout flux de ventre & de sang & tout flux aux membres & quant on sen frote en baing le corps en est tout conforte et en seichent les hameurs qui sont soubz le cuir et aussi luy ple le ius & la decoction de mirtules confortent les racines des cheueulx et les alongne & noircist & les garde de cheoir. Et le fruit & les fueilles seiches gardent les aisselles & les apnes de pur & aussi le fruit avec huylle adoulcist les apostumes chauds & arsure de feu. Et emplastre fait du fruit garde decies de venir aussi emplastre fait du fruit cuit en vin est bon pour ramollir les iointures. Et aussi fait emplastre des fueilles cuites en vin pource ql attrempe langoisseuse douleur et si adoulcist & assouage la douleur des oreilles & lye sue et quant on le cuit avecques huylle il en guerist les apostumes. Il conforte le cueur et oste la trembleur. Aussi il conforte lestomac & par especial il luy donne force & les semences deffendēt que superfluitez ne queurent a lestomac & si vault a defendre loultrage des fleurs aux femmes & vault le ius contre poincture descorpion.

Des noyers. Chap. lxxvi.

Noyer est dit de nuire pource que son ombre nuyt aux autres arbres. Cest vng arbre commun & bien cogueu. Il ne refuse nul air et vient en toute terre combien quil croisse mieulx et quil vienne plus bel en grasse terre & delicee que en autre. On le seme en la fin de ianvier en mettant les noix en terre comme len fait agmades & en tel mays de lan mais celles qui seront semees en nouembre seront par auant seichees au soleil aucunement a ce q lhumour nuyant soit estaincte. Et celles q seront plantees en Janvier ou feurier seront trempees en eaque come vng iour par

deuant. On les doit mettre de trauiers affin que le coste soit fiche en terre / & doit on mettre la teste par deuers galerne / et aussi doit on mettre dessoubz la noye vne pierre plate ou vng test de pot / sicomme dit Paladius a ce que la racine ne se apparfondisse / aincois quelle se espade de toutes pars. On les traspante en lieux secs et chaulx au mois de octobre quant les feuilles sont cheutes / & encores mieulx en nouembre & en lieux froids en feurier & en mars / et en lieux attrempez en chascun de ces temps. On les traspante de laage de deux ans en lieux froids / et de trois ans en lieux chaulx. On doit oindre la plante de fies de beuf ou de vache par embas / et ne se doiuent point retrencher les racines / & encores vauldroit mieulx mettre aux racines cedres en lieux froids & sablon en lieux chaulx par dedans les fosses a ce que le fiens ne arde les racines : et si dit on que la cendre pourchasse tendreur a l'escorce et espaisseur de fruit. Le noyer se delecte en parfondes fosses selon la quantite de l'arbre et demande grant espace de terre de lung a l'autre comme de quarante piedz du moins / pour ce q le degoust de ses feuilles nuyroit aux autres noyers et aux autres arbres croissans empres. On ente le noyer en soy mesmes dedas le troc au mois de feurier / & aussi au prinier sicomme dit Albert. On le doit aucunesfois fouyr autour des racines affin quil ne deuienne moussu et chanu en sa vieillesse. Et y doit estre fait vng long canail du souverain tronc iusques au bas au temps de printemps affin que par le benefice du soleil et du vent ce qui se pourroit tourner a pourriture deuienne dur. On doit former le noyer en laissant six ou huit ou dix piedz de tige par dessus terre / et puis dillec on le doit diuiser en branches premierement en allant contremont & apres en les fleschissant contre val et les laisser espandre contre val en grant largeur. Se la noye est dure ou anglieuse et noeuse si que len ne

puisse pas bien legierement sacher hors le noyer / on trenchera l'escorce autour de l'arbre / affin q le vice de la mauuaise humeur sen departe. Et aucuns autres trechent les sommetz des racines / et les autres percent les racines dune tariere / et puis apres ilz mettēt dedans les troups vng coing ou vne cheuille de bots ou vng clou de cuivre ou de fer / et peuent estre telles choses legierement esprouuees / mais toutesuoyes ie croy que ce nest chose qui baille pource que ie ne voy point de raison. On les cueille a perches & a bastons quant on voit vng peu de rougeur entre l'escaille et le noyer / ou quant elles se despouillent de leurs escorces. Et les assemble len en vng moncel affin que par aucuns iours apres on les puisse mieulx et plus aisement escaillet. Et puis on les doit mettre en vne belle aire ou sur couuertures au soleil par trois ou quatre iours ou plus ou moins selon la chaleur pour les seicher a ce que on les puisse mieulx garder / & se on les lauait tresbien auant que elles feussent mises au soleil elles en seroient plus belles et mieulx vendables. Et quant tout ce sera fait il est bon de eslire les percees & bereues & les oster des autres / & que auant quelles empirent plus quelles soyēt tantost cassees & gardees pour faire de l'huyle / et les bonnes on les gardera en sablon / ou on les couurera de leurs feuilles seiches / ou on les mettra en buches de leur boys / ou on les meslera en hayes / car ce leur oste leur aigreur. Marcial afferme q il a esprouue que noyers vertes quat elles sont pelees & plogees en miel & qlles y soyēt vng an qlles sont encores vertes & q le miel en est medicinable / & tant q le bruuage q en est fait guerist les arteres cest a dire les conduitz de la voye et aussi la bouche et la gorge. On fait de noyers tressbos escrins & beaulx & durables et autres vaisseaulx a gouuerner et garder besongnes / et fortes roes & charrettes pour longuemēt durer / & en ces oeuvres le noyer

pasle toutes autres lieures & tenures de noz regions. Des noy on faict tresbone huylle par instrumens conuenables / & est cest huylle bone & delectable pour appareiller viandes. Dune mesure de noy appelee corbis on faict la tierce partie de nopaulx de ceste mesure: & de ces nopaulx on faict quinze liures dhuyllle se les nopaulx sont bas. Il est des noy vertes & noy seiches / & sôt les vertes moins chauldes que les seiches & ont aucune humeur pour la non parfaicte meure: te dont elles sont vng peu seiches & nuyssent vng peu a lestomac / et qui les mangeue avec rue elles valent contre venin. Selon Auicene les noy seiches sôt chauldes au tiers degre et seiches au second degre. Et sont les noy de trois manieres. Les vnes sont seiches / fresches & nouvelles / & les autres sont vieilles / & les autres moyenes. Les nouvelles sont moistes & ont aucie ventosite / et de tant q̄lles sont plus auant au temps elles perdent de leur humeur & acquierent ventosite / et pource q̄ les mangeue lors elles se conuertissent tost en humeurs coleriques / & lors pour leur vinctuosite & vetosite leur saveur est come vieille huylle et ont perdu la nature de viande. Les noy sont contraires aux villos de lestomac / cest a dire aux places pertuisees & trouees q̄ retiennent la viande fors que quant ilz treuuent lestomac mal attrempe ou quil soit si plein de froidure q̄ il puisse resister a la chaleur des noy. Et a tel estomac elles donent bonne nourriture & bonne digestion: mais elles ardent le chault estomac / et luy font humeurs coleriques et fumeuses / & font le chef doulouir et auertin aux yeulx / et est necessite de les mundifier affin que on leur oste leur nuyssement / & les doit on mettre en eaue chaulde & les y tremper par vne nuict pour acquerir humeur par le moyen de leaue & estre come vertes. Qui mangeue noy avec figues auant autres viandes elles deffendent le corps de choses venimeuses / et se len en faict emplastre avec ois-

gnons et miel & sel ce vault contre morsure de chien entage / et qui en faict emplastre avec rue et miel et quil soit mis sur apostumes de cole noire ce les dissout merueilleusement / et qui les broye avec les escorces et les met sur le nombril elles destruisent lapostume qui est dedans le corps. Vng aguisement faict des escorces de noy ou des fueilles de l'arbre donne en viande avec vin balent moult cōtre vne maladie appelee stranguerie / & qui les boit avec vin aigre elles repugnent a ceulx qui ont rigueur de froidure. Auicene dit que les fueilles et escorce de noyer si sont restrignans le flux de sang / et l'escorce arse si deseiche sans modification / et q̄ en masche la moelle cest a dire le nopau verd et le met sur vne apostume / melencolieuse & rongneuse / elle guerist / et avec miel et rue elle ayde aux tourmens des nerfs et faict cesser la douleur: mais l'huylle de vieilles noy faict doulouir la gorge / & emplastre de noy ayde aux mammelles rongneuses et apostumes / et quant elles sont bien cōfites et nourries en miel elles aydent a froit estomac / & avec figues et rue cest medicine contre tous venins. Dioscorides dit q̄ lumbre du noyer griefue tressort a ceulx q̄ dorment dessoubz et leur cause diuerses maladies / et le ius des escorces & des racines ayde fort a ceulx qui ne peuvent faire vrine se ilz le boquent. Et qui en boit la quantite dune mesure appelee epagium avec vin aigre il vault contre fieures qui viennent avec rigueur & froit. Elles taignent les cheueulx et les nettoient et gardent de cheoir.

Du nefflier. Chap. xvii.

Nefflier est vng arbre commun et bien conueu / et des neffles les aucunes sont grosses & franches / et les autres sont petites et sauages et moult pontiques. Nefflier vient en air chault / froit et attrempe et demande terre sablonneuse et grasse et glaireuse et meslee avecques sablon ou argille

avec pierrettes. On le seme en nouembre ou en mars en tailles. Mais q ce soit en terre bien fumee en telle maniere q chascun chef de la taille soit estouppé & couuert de fiète/ & si le seme len aussi en semence : mais il met long temps a venir. On l'ente en soy & en perier/ en pommier/ en espine blanche & en coignier. Le getton que len veult enter doit estre prins au mylieu de l'arbre / pource quil ne seroit pas bon du sommet/ & le doit on ficher au tronc fendu pource que la mesgreur de l'escorce ne le nourrirait point ainsi ieun & vuid. Il veult estre retaille et foup a lenz uiron / et qui met aux racines fiens & cenz dre de vigne ilz le font porter grandement. On le forme de quatre piedz de tige ou enz uiron au dessus de terredot les ranceaulx se eslieuent contremont. Albert dit q quant on ente vng getton de neffier en vng tronc d'autre espee/ come de pommier/ perier ou espine/ que le fruit en deuient moult plus gros. Mais il ne faict nulz nopaulx car le fruit croist au propre boys. Le dit Albert. Se neffles faillent en aucune contree/ q enz te vng getton de pescher au troc d'une grât espine qui est semblable au fau qui est appelée en Lombardie espine fagineuse. et ql soit ente en boys & en escorce il y croistra neffles qui seront plus grandes & meilleures q les autres/ ce dit Albert et que cest chose esproouue. Et toutesuoyes iay souuent ente gettons de neffier en perier/ pommier/ coignier/ & blanche espine et si nay point trouue les neffles plus grosses que les autres ne sans nopaulx. Selon Paladius / se neffles sont ferues de vers on les doit purger dung gresse de cuiure & de lye dhuyllie ou de vieille vrine dhôme ou getter chaulx visue dedans : mais non pas trop pour le grief de l'arbre/ ou y mettre de leaue ou luppins au cont este cuytz. Toutesuoyes on tiêt le neffier pour perdu se fourmis lentreprenent/ mais on les peult tuer et destruire par cenz dre ou p vin aigre. Se les neffles en cheent

nous prendrôs vne piece de la racine & puis apres sera fichée au mylieu du tronc. Qui voudra bien garder neffles si cueille celles qui le plus longuement se tiendroient sur l'arbre ou que on les mette en vaisseaulx de fust ou que on les pendre en ordz ou que on les cueille demy meures avec les branches et q on les tribouille par cinq iours en eaue salee et quelles y soient souuent plongees/ et quant le iour sera bel et doulx que elles soient cueillies et couuertes de pailles/ et soient mises sans toucher l'une a l'autre a ce que elles ne sentrestroissent. Se elles sont cueillies trop meures on les peult garder en miel. On peult faire tresbones hayes de neffier se on les seme en plante espes ou q ilz soient lpez a verges ou iointz avec espines blanches ou avecqs coigniers. Neffles sont froides et seiches au premier degre de leur nature elles confortent lestomac/ & ausi si la colericque egestion & ostent le vomir & font bien vriner et valent mieulx a medecine que a viande : car elles nourrissent peu et font grosse viande & valent mieulx prises auant la viande que apres / pource que elles confortent lestomac / et si ne nuyent point aux nerfs.

Des oliuiers. Chap. xviii. Oliuer est vng arbre biē cōgneu & en sont de plusieurs manieres / mais il ne les conuient point nombrer pour la semblance de leur vertu. Oliuer demāz de air chault ou attrempe / et si vient bien en air vng peu froit : mais il ne peult souffrir grandement froit. Il desire terre glaiseuse/ ou crope dissoulte par mixtion de sablon ou gras sablon ou terre bien moiste et bien molle par nature. Il hait crope de potier et terre huylleuse/ et celle ou il y a tout temps humeur et mesgre sablon. Et cōbien quil repriengne en telle terre/ toutesuoyes il ny peult amēder/ et le siege de terre qui luy est conuenable si est en lieux treshaulx et en montaignes ou costieres qui ont regard

vers septentrion & en lieux froids de la partie de midy & se delecte en lieux moys & en costieres & ne regret point lieux trop haults ne trop bas. Car es lieux moys leaue et l'humour dequeurt cōmunement & il la deslire & retient / & es lieux trop haults il n'y en demeure point / et es lieux trop bas il y en a trop habondamment. On plante les oliuiers en lieux haults en octobre & en nouēbre / & es lieux froids en feurier & en mars / & les doit on affermer a perches ou les mettre en fosses & bien soustenir. On les plante & seme de plantes de racines ou de gettons arrachez des branches & tirez auail ou il bourrōne de ses rinceaulx ou des noyaux ap's l'hyulle faicte: mais ilz viennent mieulx des plantes & rinceaulx mis en terre. Et pource fut Virgile grandement esmerueille quāt il veit le rinceau d'oliue q' apres quil estoit presque tout sec fut mis en terre & q'l porta verdure & bourrōna. Quāt len prēt vne brāche d'oliue on en coupe le chef et les branches et quelle est ramenee cōme a vng tronc / & puis mis en vne fosse en terre iusq's a la mesure d'ung coaste et d'une paume au gras de la terre & au fort on fait vne fosse et q'l est la fiche. Selon Paladius on doit getter de l'orge dessous & en retrencher ce q' sera pourry ou sec et estouper le chef & les boutz de boue et de moasse & les tresbien l'yer & estraindre. Et avec ce seroit tresbon pour bien coistre & profiter de signer au leuer la brāche de aucune chose la partie d'icelle q' est par deuers midy & la remettre aussi par deuers midy a ce quelle fait en tel regard du soleil quelle aura este. Quant on les plante en fosses on doit faire les fosses de trois ou de quatre piedz de large & de deux piedz parfondes & se pierres y faillent / on y doit mesler terre glaise & fiens / et se le lieu est clos que ce qui sera mis soit vng peu esleue sur terre / et qui doubtera des bestes / on deuera faire plus haults troncs. Qui veult ordōner vng lieu pour oliues il doit asseoir les arbres a quinze

piedz ou a vingt lung pres de l'autre et que toute l'herbe dentour soit arrachee & toutes fois que eaue y habondera on doit estre diligēt de fouyr a l'environ du tronc & den traire la terre & la mettre par mōceaulx a l'environ. Et se le champ est gras et bon a froment on doit planter les oliuiers a quarante piedz loing lung de l'autre / & se le champ est mesgre a vingt piedz de distance / & leur prouffitera moult qui les mettra en ordre au semer. Se en aucune prouince on a def faulte d'oliuiers et on en veult auoir et que on nait dequoy en planter il les cōuient semer en telle maniere q' les rinceaulx par les tailler soyent disposez a la mesure d'ung pied et demy. Et lors apres cinq ans passez on les pourra trāplanter ailleurs quant la plante sera forte et bien ferme. Aucuns en font mieulx et plus legierement. Ilz prennent racines de oliuiers de boys ou d'autres lieux desers & les trenchent de la mesure de vng coaste / et les mettent et plantent par bone disposition es lieux ou on veult auoir oliuiers / et leur aydent par les bien fumer. Et aduient souuent que des racines d'ung arbre il vient bien grant nombre de plantes. On ente l'olpquier en luy mesmes et les gettons qui sont entez en vng subtil tronc se bienent beaulx et grans & tost. Et sicomme dit Bathon ceste maniere de les enter se doit faire en la saison de vendanges. On les doit labourer en telle maniere que quelq' part que ilz soyent que chascun moys soyent fouys / et quant ilz seront parcreuz que chascun este ilz soyent fouys deux ou trois fois / et puis apres que ilz soyent tres bien nettoyez des herbes tout autour. Et en lieux secs ou tiebes on les doit entander au moys daoust / affin que l'humour puisse faire bonne lignee. Columella dit que on arrache toute la lignee venue. Et Paladi⁹ dit q' on en laisse vng peu et des meilleurs gettons a ce que quant la mere sera vieille que ilz puissent succeder. Du que la mere

mieulx nourrie du benefice de la terre et q
ses gettons seront parcreuz & auront raci-
nes que on les puisse transplanter pour en
faire lieux d'oliuiers/ & audit moys docto-
bre on les doit fumer en lieux maisgres et
froidz/ & aussi que tout tēps la mousse soit
ostee hors des oliuiers. Et selon la doctrine
de Columella on doit retrencher les oli-
uiers quāt ilz aurōt passe huit ans: mais
Paladius dit que chascun an les brāches
seiches et arces doiuent estre retrenchees.
Et ie my accorde assez pource q Paladius
dit que l'oliuiier doit estre suspendu moyē-
nement de hument & estre frotte & nettoye
souuent et quil engresse de labondance de
fiens. Et quant doulx ventz & grās le de-
mainent il en vault mieulx. On forme les
oliuiers en telle maniere quilz ayēt peu de
souche & qz soyent peu esleuez de terre af-
fin quilz se estendēt par les costez tant cō-
me ilz pourrōt. Il aduiert aux oliuiers de
grans empeschemēs par les plantes pro-
chaines pource que ilz ont mestier de grāt
nourriture/ & pource quāt il y a arbres plā-
tez empies ilz leur en ostent partie/ & par-
ce deuiēnt maisgres & ny en doit on nulz
laisser. Oliuiers deuiēt estre diligēment
gardez de bestes pource qz empirēt mer-
ueilleusement quant elles les rongent et ne
doit on point rete lescorce pource q ille sue-
roit trop et deuiendrait brehaingne & seiche.
Et aussi la continuelle hantance des gens
entour les oliuiers les empire pource que
quāt la terre denuiron est demarchee & sou-
lee l'hument ne peut aiseement descendre
aux racines & doiuent estre foyz & fumez &
ne doiuent point estre arrousez deaue de fon-
taine ne de ruyseauilx pource q celle eaue
est pesante & dequeurt tātost auant hors des
racines: mais leaue de pluye leur est bōne
pource quelle est vaporeuse et fume tātost
les racines. Se aucun oliuiier est brehaing
on le doit percer dune tariere et en oster
deux rainceaulx dune grandeur de la ptie

Bers midy & les mettre tātost en chasū des
pertuis ou dune pierre/ou dune cheuille de pin
ou de chesne puis couper ce q surmontera/ &
et apres les couvrir & mussier de boue batue
avec pailles. Se l'oliuiier luxurie en gettant
faulx bourions et sans prouffit on doit fi-
cher vng pel d'oliuiier sauuaige dedans ses
racines/ et se il ne porte ioyeusement et bon
fruct on le doit percer dune tariere strācōis
iusques a la moelle et mettre dedās le trou
dune taille d'oliuiier sauuaige sans la forme et
luy bouter tressort & la lye & attacher a lar-
bre/ & puis aps y getter & mettre lye d'hyple
le Vieille ou Vieille Brine: car par ceste ma-
niere sont les arbres brehaings faictz plan-
tureux. Et se leur malice dure on les doit en-
ter. On cueille les oliues en nouēbre quant
elles commenceront a muer leur couleur et
quelles soyent cueillies aux mains ou le-
gierement a perches et souesuelement sans
blecer les branches: car qui les blecerait len-
y apperceuroit le domage l'annee ensui-
uāt. Des oliues on doit faire l'hyple: mais
plus est noire et mieulx vault/ et ce qui en
pourrait estre domage pour l'attente les-
perance se peut recompenser sur la plante
en lessuon: car plus sera l'oliue meure et
plus rendra. Le philosophe Aristote dit que
les oliues ne sont iamais pfaictement meur-
es sur l'arbre & y demontassent ores par plu-
sieurs anneés: mais affin quelles biennent
a parfaicte & complete meurete/ il cōuient
que le fruct cueilly de l'arbre soit assemble
en vng moncel & qz soit ainsi par plusieurs
iours/ et par la compression qui en sera fai-
cte ensemble la chaleur sera confortee et re-
tenue dedās/ et lors il bienndra a parfaicte
meurete. Plinius dit que de tant que les
oliues demeurent plus sur l'arbre tant sont
elles meilleures pource quelles prennent
toujours nouvelles vertuz et chēent plus
enuis. Barron dit que les oliues dont on
faict l'hyple doiuent estre chascun iour as-
semblees et nettopees sur dune table de pier-

re affin que elles se amollient et degoutent courtoisement. Et le premier moncel soit diuise en six parties / et que ces six parties soyent enuopees lune apres lautre aux vaisseaulx ou on fait l'huylle et mis soubz la meule qui doit estre de pierre aspre et dure. Quant les oliues sont cueillies se elles demeurent trop longuement au moncel elles se amollieront et se pourroyent corrompre par vne chaline. Et pource q les veult bien consfire il couient venter en les mettāt es moceaulx pour les mieulx meurer et preseruer. Cathon dit quil couient que l'huylle soit seuree de la lye le plus tost que faire se peult pource que de tant que l'huylle sera plus sur la lye elle en vaudra pis. Et si dit que l'oliue doit estre purgee des fueilles et bourions et de toute ordure auāt que l'huylle en soit faicte. Et Darro dit que la lye de l'huylle est de telle nature que se on en met trop au chāp la terre en deuiēdra toute noire et la fera brehaigne. Et se il y en couient aucun peu et de necessite on la doit esparandre es racines des arbres / et par especial de l'oliuier et en tous les lieux ou l'herbe nuyt au champ. Cathon escript que len cuse huylle de l'oliue la lye a moitie et q de ce on oigne le fons dune huche par dehors et par dedās et qui y mettra robes ia puis les vers ne si prendront se parauant ne si sont prins. Et aussi qui en oindra Baisselle de boys et autre mesnage il ne pourra point / et qui len touchera souuent elle en resplandira et en sera plus belle. Aussi se Baisselle de cuire / de laiton et darain en est ointe / et que par auant elle soit bien frotee et essuyee elle en sera plus clere et reluyfant et si nentouillera point ne verdra. Qui veult mettre huylle en aucun Baissel nouuel il doit prendre lye dhuylle / et dicelle bien chaufde getter au Baissel et lestouper tresbien et puis fort remuer a ce quil ne sen venime / et apres on y peult mettre son huylle seurement. Car le Baissel ne sen embeurtera poit et si en sera

l'huylle meilleur et le Baissel plus ferme. Des oliues les aucunes sont frāches et les autres sauages. Des frāches les aucunes sont aigres et les autres moyēnes / cest assauoir rouges et baires / et les autres noires et meures. Celles qui sont aigres et vertes nont point encores de vinctuosite fors q eaque verd. Et celles q sont terrestres / potiques / froides et seiches / et pource elles confortent lestomac et estraignent le ventre et sont de tardive digestion et nourrissent peu ou neant. Aucuns confisent les oliues vertes en sel et en vin aigre / et les autres en vin aigre sans autres choses et sont plus froides et plus tentres et pource elles ostent la guillon de la cole et lestaignent et esmeuent la vertu de l'appetit par especial qui les prent au mylieu du manger : et pource quelles obeysent a la vertu digestiue et confortent gradement lestomac et estraignent le ventre Cathon si escript q les oliues sont tresbonnes a vser quāt elles sont confites par la maniere qui sensuyt. On les frote de sel par cinq iours et puis on esqueult le sel et les met on deux iours au soleil et apres on les garde en vng Baissel. Les noires oliues et meures sont chaufdes et attrempees en moisteure / et est leur viande moult nourrissant et grosse et amollit lestomac pour digerer tard et legierement venir hors par la chambre. Et la tardiuete de la digestion si est pour cause de lunctuosite qui faict la viande nager en lorifice de lestomac et la legierete de asseller si est pour lunctuosite qui ennuye a lestomac pource quelle descend auant quelle soit digeree / et pource elle ne se conuertist iamais en cole rouge. Les moyennes sont moins nourrissans que les noires / et aussi les aigres / pource q les ont peu de vinctuosite et ponticite. L'huylle qui est faicte des oliues est de plusieurs manieres : car lune est fresche et nouuellement espraincte des fructz des oliuiers et lautre est vieille et y a long temps quelle en a este espraincte. On

congnoist la bonne hypple doliue a lodeur & la saueur a la langue/ & aussi la ponticite & quelle qualite elle a en poignat: car de tant quelle approche plus de pōticite elle approche plus a froidure et a seicheresse/et pource elle cōforte lestomac/ & pource lōt les anciens cōparee a hypple rosat & en plusieurs douleurs et maladies lōt dōnee pour hypple le rosat. Hypple fresche doliues meures et noires est moyennemēt chaulde & moiste & amollie lestomac & le ventre & se conuertist legierement en colle rouge: mais lhypple Vieille & de long tēps faicte de meures olizues si est nette de tout malice & si retient au cun peu de ponticite/ & se la ponticite en estoit hors elle seroit tresnuyssible & se cōuertiroit tātost en mauuaises humeurs/ & de tāt qlle enuieillist plus elle acquiert plus aigre saueur aspre et horriole et ne vauldra plus riēs a manger: mais elle sera bōne en medecine. Barro escript q le cellier a lhypple doit auoir fenestres p deuers la ptie chaulde/et le vin les doit auoir p deuers la ptie froide.

¶ Des pommiers. Chap. xix.



Pommier est vng arbre tres cōmun & general et en est de plusieurs manieres: car aucunes pōmes sōt meures des le moy de Juig ou de iuliet/ & se on les gar doit iusques a ce qelles feussent pfaictemēt meures sur l'arbre elles deuendroiet tresdoulces et odorās: et les autres ne sont meures iusques a puer & encores les cueille len Vertes & aigues: mais apres elles se meurissent delles mesmes. Les aucunes sont tresgrosses/ les autres menues/ & les autres moyēnes. Les aucunes sōt rouges/ les autres iaulnes & les autres Vertes. Les vnes sōt doulces/ les autres aigres & les autres pōtiques & aques. Les aucunes sont longues/ les autres larges & les autres rōdes. Les aucunes se gardēt bien & les autres non. Les aucunes sont dures & fermes/ et les autres molles & tendres & se cassent tost. Les aucunes se tiēnent

bienlonguement sur l'arbre/ & les autres encheent legierement. Plusieurs especes sont de pommies/ & toutesuoyes chascun peult auoir congnoissance des meilleures & des piores de la contree. Pommier vient en tout air & apme terre grasse & luy vault mieulx son humeur qui luy viēt de nature que par arrouser et sil est plante en terre sablonneuse ou en argille on luy doit ayder par arrouser. En montaignes on le doit mettre au regard du midy. Le lieu sec & maigre faict les pōmes Vermineuses & cheāt pour neāt. On seme le pommier de brāches & de semēce: mais de la semence il vient le plus tard & prouffit. Et pource vault mieulx que en lieux chaulx on y mette plante de pōniers sauages/ en octobre & nouēbre. Et en lieux froids/ en feurier & en mars. Et quāt elles seront bien reprinses et venues que on les ente. Entre deux pommiers doit auoir distance de vingt a trente piedz. On peult enter pommier en soy mesmes et en perier/ en espine/ en prunier/ en sorbier/ en pescher/ en prunier/ & en peuplier/ en feurier & en mars & par le solstice es grans iours par cinquante iours/ sicomme dient Barro et Cathon/ & aussi en tous les arbres ou le perier peult estre ente en esorce/ en tronc/ en emplastre au morcel/ a la hamede/ ou en la perche de saulx percee/ sicomme dit est dessus au second liure. Telz arbres au premier de leur plantation doiuent estre foyz tout autour & bien nettoyez de toutes herbes en chascun moy de ste. Et puis en aucuns ans esuyuēs on les foyra en leste p deux ou trois fois: mais apres que les racines serōt dilatees & bien fondees & les arbres parcreuz il ne les fault arer ne foyr/ et pource sont les prez meilleurs et ne demandent point de fiens: mais ilz le recoiuent bien quāt il y a des cēdres meslees avec/ et ayment arrosemens attrempez par mesure/ & aussi les conuient tailler par especial pour oster le sec et ce qui est mal venu & parcreu. On les doit former

en telle maniere que la tige soit droicte de
six ou de huyt piedz de hault au dessus de
terre et quelle ne soit accouplée ne ioincte a
nulle autre tige / a q la tige soit ordōnee en
plusieurs branches a diuisees par enhault /
et les branches en gettons / et en verges et
rainceaulx qui porteront fruct a qlz soyent
espanduz egallement par les costez / et tels
semēt q se les rainceaulx estopēt trop char-
gez que on les peust soustenir par aucuns
lyens sicōme dessus est dit au general trai-
cte des arbres. Aux pōmiers aduiēt legie-
rement que les pommes en cheent / a pour-
ce sil aduient on doit fendre les maistresses
racines et mettre pierres dedans / et par ce
les pommes serōt preseruees de cheoir. Les
grosses a espesses pommes q chargent trop
les branches doiuent estre entrecueillies en
Juing a en Juillet / a par especial les pires
affin que l'humour qui doit estre le nourris-
semēt du bon fruct ne soit pas empeschee /
aincois retourne a nourrir son droict fruct.
Et se on ne le peult faire prouffitablement
on les soustiendra par perches / et de pieulx
et de lyens a ce que les branches ne rōpent
et que la bonne courtoisie de l'arbre ne soit
conuertie en sa perdition et mort. Pōmiers
enuieillissent bien tost et en leur vieillesse
ilz forlignēt a deffailent. Les pōmes deste
doiuent estre cueillies quant elles recon-
gnoissent leur meurete par leur couleur /
odeur a saueur: mais celles qui sont bonnes
a garder doiuent estre cueillies en la fin de
septembre a iusques a my octobre quāt len
apperceoit leur meurete par ce q plusieurs
pommes meures trebuschēt a que leurs se-
mences sont meures / et les doit on cueillir
aux mains a eschelles / et doucement a ce
que len ne les heurte ne froisse / et aussi que
len nempire les tendres rainceaulx a aussi
en les attrapant a petiz crochets sans riēs
blecer. On doit cueillir diligemment les pō-
mes q len veult garder a les mettre en lieu
obscur ou il nait point de vent sicōme dit

Darrou a les mettre estēdues sur clopes de
siers a du feurre dessoubz. Aucuns les met-
tent en vng mōcel a puis mettent du feur-
re dessus a les couurent de fiens par dessus.
On peult faire vin a vin aigre de pommes
ainsi cōme de poires cōme dit sera cy apres.
Pōmes sont diuisees / car les aucunes sont
crues a nonmeures / a les autres sont meures
acomplies sur l'arbre. Les crues sont du-
res et des bois et nourrissent mal et si nuy-
sent a lestomac. Elles engendrent douleur
a ne petcent point en entrāt par les veines
a les acoustumer engēdre fieure de longue
duree a qui ne se peult guerir. Et ainsi doit
il estre entendu de tous fructz qui ne sont
parfaictemēt meures sur l'arbre. Ceulx qui
sont parfaictemēt meures sur l'arbre sont dis-
tinctez selon les diuersitez des saueurs / car
les aucuns sont pōtiques / les autres aigres
a les autres doulx. Les pōtiques sōt froids
et seers et durs a digerer et bien confortans
lestomac: car ilz l'empressent a font descen-
dre la superflue humeur que ilz y treuuent /
et si sont constrictifz de legestion par espe-
cial se on les prent auant la viande. Mais
les pommes sont bonnes a ceulx ou la char-
leur a humeur ont domination en leur esto-
mac / et si sont grosses a digerer et dures et
trespercent a tard les veines. Elles sont en-
fleurs a nuyent aux nerfz. Mais pource
que leur liqueur est subtile a doulce elle cō-
forte lestomac et les entrailles et vault a
flux de sang a a dissintere de colerique ege-
stion a a vomissemēt. Et pource on doit suc-
cer le ius de pōmes en les mangeant a get-
tant hors la chair ou faire par engin a bō-
ne maniere que leur durte a asprete soyent
osteēs. Et se peult faire en trois manieres.
Lune en les boullissant tellement que l'hu-
meur de leue boullue leur oste leur durte
et asprete et quelles soyent par ce molles a
moistes. Du q on les pēde sur eue chaul-
de tant que par la fumee elles soyent plus
molles a plus moistes ou q on les taille p le

implieu et que les pepins en soyent ostez et que la on mette sucre ou miel selon leur nature / et puis quelles soyent enuelopees en paste & cuytes en cendres chaudes ou en la breze tât que la paste soit cuyte par dehors: car ceste maniere leur donne bonne meurete/doulceur/sauueur & legierete a digerer/et leur oste ce q est nuisant aux nerfs. Mais Vne substance pleine deaue avec Vng peu de terreestreite a la seigneurie en la pomme aigre et aceteuse / pource que leur froidure et seicheresse sont plus attrempees q les pontiques pour la prochainete de la liqueur de lait q y est/et pource elle cõforte & estrenue lestomac & le ventre & legestion colerique et si deffend le vomir/et pour sa froideur et la tenuete de sa liqueur elle estainct la guillon de la cole rouge et oste la force de la cardiaque colerique: & les grosses humeurs q sont chaudes en lestomac elle destruit / et les doulces nourritures elle attẽuist affin quelz les puissent passer tout le corps. Telles pomes sont bonnes a manger auant la diade et apres: mais poires nuisent auant manger. Pommes doulces pource quelles sont attrempees entre les quatre qualitez elles ne nuisent point a lestomac: et aussi nest il pas bien certain quelle vertu elles ont de restraindre ou de lascher le Vẽtre. Les fueilles/les rainceaulx & l'escorce pource quelles sont stiptiques et agues elles confortent lestomac & guerissent playes & deffendẽt que les mauuaises humeurs qui y viendroẽt ny approchent. Auicenne dit que l'humeur froid et superslue a la seigneurie en la substance de ces pommes & par aduenture celles q sont parfaitemẽt doulces sont attrempees en chaleur ou se tournent a chaleur. Il aduient aucunesfois Vne enfleure en pommes et par especial en celles q ne sont pas doulces/mais sont sans sauueur. Telles qui sont pleines deaue declinent a moisteure et a humeur/et celles qui ne sont point meures engendrent fleume/pourritures & fieures pour

la propiẽte de leur humeur et quelles sont crues. Pomes odorans sont confortatiues du cuer/ & se il y a angoisse pour trop grãt chaleur elles sont de grant nourrissement & cõfortent la foiblesse de lestomac. Telles q sont stiptiques / pontiques ou aceteuses si valent a dissintere et par especial les pontiques & aussi tant les pomes cõme les fueilles & le ius dicelles valent contre venins.

Des pommiers de granate.

Chapitre. xx.

Les pommiers puniques portent pomes granates & sõt assez cõgneues: car les Vnes sont doulces / les autres sont aigres / et les autres de moyenne sauueur. La region chaude ou attẽpee leur est bonne pource quilz ne peuvent souffrir froid pays. Ilz ayment terre croyeuse & viennent bien en terre tenue et despyee et aussi en maisgre combien quilz viennent mieulx en grasse. On les seme de plantes arrachees de la racine de leur mere: mais toutesuoyes il vaudroit mieulx prendre lung des rainceaulx du long dung coulte & de la grosseur dung manche de coutel et ql soit bien aplaniẽ & aonnie aux deux boutz & ql feust plante de trauers cõme en oblique et que parauant il feust bien frote de fiẽte de porc en la teste et en la partie d'auant ou que il feust fiche a Vng maillet en la seule terre crue. Et est le meilleur que le rainceau q len y vouldra mettre soit pris quãt sa mere aura bourionne. Et se doit on bien garder de prendre getton tout nud sourdant de la racine sans auoir de l'escorce/et apres que il soit mis en la fosse & appuye et que sur la racine dont il sera party on mette & ordonne trois pierres affin que les pommes nen soyent trenchees sicomme dit Paladius. Telles plantatiõs doiuent estre faictes en lieux attrempez es moys de mars & Dauril/ & es lieux secs et chaulx au moys de nouembre. On dit pour Bray que on les peult bien enter de la conne pion des rainceaulx a ce que la moelle qui

sera diuisee ca & la se transporte par tout/et les peult on enter en eulxmesmes vers la fin de mars & les lrasendes d'auril. On les ente dedās le tronc & y doit estre mis le getton tout nouuel & fraiz trenche affin que la demeure ne seiche l'humour quil a qui est petite. On les doit soupyr au tēps d'automne en printemps & les former q̄ ilz apēt deux ou trois ou au plus quatre tiges vng peu esleuees de terre & retrencher chascun an ce q̄ vient en la souche ou souches ou qui naist des racines ou dentour. Plusieurs inconueniens & nuyssances aduiennēt aux pōmiers de granate: et pource a ce que les pommes ne deuiēnent aigres on ne les doit point arrouser/pource que la seichetesse les faict saines & les multiplie: toutesuoyes il est bō dy mettre aucune humeur. Et se les pommes sont aigres de leur nature on doit descouurir & deslacier leurs racines & les fendre & y mettre des coings. Aucuns autres mettēt & ferrēt aux racines alguemarine: cest vne herbe de la rine de la mer & aussi y mettent ilz siens dasne et de porc. Et se il ny a point de fleur on le doit attremper de eue en pastille mesure & en espadre aux racines trois fois l'an/ou y getter lye dhuyllie/ou y ioindre alque marine & l'arrouser deux fois le mōys. Du que le tronc de l'arbre fleury soit environne & ceinct d'ung cercle de plomb/si comme dit Plinius/ou quil soit enuelope du cupr d'une couleure. Se les pommes creuent on doit mettre au mylieu de la racine de l'arbre pierres: ou semer squille autour de l'arbre. Se les vers gastent les pōmies/ touchez les racines de fiel de busle ou de beuf & ilz mourront tantost. Vrine dasne meslee avec siēs de pourcel resiste aux vers. Lēdres & lessiue mises autour du tronc de l'arbre & souuēt espandues a lēuiron si sont l'arbre bien portant & bon. Marcial dit & asserme que les grains seront blācs qui pēdra argille ou croye & y mesler la quarte partie de plāstre & que par l'espace de trois ans

on le ioingne aux racines de l'arbre. Et luy mesmes dit q̄ les pommes seront merueilleusement grosses pour mettre vng pot de terre sur l'arbre et que le rincelet et le fruit soient mis dedās & que il soit attache & asseure tellement quil nen puisse yssir hors & que le pot de terre soit tellement couuert q̄ leue n'y puisse entrer/et quant viendra en autōne on trouuera les pommes du grant pot. Et aussi dit que q̄ prend ius de pourcelaine & de tintimale autāt de lung cōme de l'autre meslez ensemble & que le tronc du grenatier en soit oingt autāt quil gette que il y en viēt plus de pommes. On doit cueillir les pommes quāt on apperçoit leur meurete p la rougeur des grains. On les peult garder par percer les queues & les pēdre a filetz ordonneemēt/ou quelles soyēt cueillies entieres & puis pōgees en eue de mer ou en autre eue salee/ & quant elles aurōt trempe dedās par trois iours q̄lles soyēt seichees au soleil & laissees de nuyt soubz le ciel a descouuert/ & apres quelles soyēt perdues & gardees en lieu froit: & quant on en vouldra vser quelles soyēt premier trēpees en eue par vng iour naturel. Et aussi pour bien garder lesdites pommes on les peult enuveloper en argille destrēpee cōme mortier & puis quant la terre sera seiche les pēdre en lieu froit soubz le ciel. Et aussi les peult on garder par les couvrir d'ung pot a mortie plein de sablon ou grauois & les laisser soubz le ciel. Et se les pōmes sont cueillies avec leurs queues & verges soyēt lpees et fachees en cannes ou en verges de schuz & ainsi sans entretoucher quelles soyēt fachees en sablon ou grauois en telle maniere que elles soyēt par trois ou quatre doibz au dessus du sablon. Cely aussi peult estre faict soubz le tect & le couvrir en vne fosse. Et les peult on garder ecores plus prouffitablement quant on les cueille sans trop grant rincelet/ Autremēt que len mette de leue en vng baissel iusques au mylieu/et

que les pommes soyent pēdues audit Vais-
sel au dessus de leaue tellement quelles ne
touchēt a l'humour/ et q apres le Vaisiel soit
si bien clos que le Vent ne si boute. Et autre-
ment on met orge en Vng tonnel & puis on
met les pommes dedans forge en telle ma-
niere quelles ne touchent l'une a l'autre et
apres est clos le tonnel par dessus. On faict
Vin de pommes granates par la maniere q
sensuyt. Len prent pommes granates bien
purgees & meures & les met on dedans Vng
ionchie de palmier & les espraint on en Vng
Vaisiel propre/ et les cuyt on Vng peu doul-
cement iusques a la moitie/ et quant elles
serōt refroidies on les mettra en Vaisseaulx
bien reliez & estoupez de poix & de ciment ou
de plastre & clos de toutes pars. Aucuns au-
tres ne les cuspent point: mais ilz mettent
en chascun sextier Vne liure de miel & puis
le mettent en Vng Vaisiel comme dit est. On
faict moult bonnes hayes des pommiers de
granates espesses/ espineuses & fortes & qui
neantmoins portent moult de fruct. Pom-
mes granates sont moult prouffitables en
medicines & plus que a viande: car combien
que leur nourrissemēt soit bon/ toutesuoyes
il est moult petit pour leur subtilite. et leur
legiere digestion. Elles sont composees de
quatre parties/ dont la premiere est l'escorce
La seconde la chair. La tierce la liqueur. Et
la quarte sont les grāis & sont toutes slipti-
ques. La liqueur est froide/ mais cest par di-
ueres manieres selon les diuersitez des sa-
ueurs & liqueurs: car les aucunes sont pon-
tiques/ les autres aigres/ les autres doul-
ces & les autres sans saueur. On ne peut
prendre les pontiques en viande pource que
nature a horreur de leur pōticitē & aigreur/
et ne sont prinses fors en medicine/ & qui es-
corcheroit Vng peu telles pōmes par dehors
et beueroit le ius avec Vin ou sirop laxatif
il espraint le dessus de l'estomac et en gette
hors l'humour et la pourriture de dessous/
et quant il aura nettoye l'estomac il le con-

forte sans bleser les nerfs/ et pource icelluy
ius vault a fieures de longue main q sont
venues de pourries humeurs/ et a grātelles
et demangeure qui procede de fleume sale.
Les pōmes aigres pource quelles ont peu
de substance terrestre sont en plusieurs cho-
ses de meilleur operation que les autres.
Elles estaignēt la chaleur du foye & confor-
tent les membres/ et par especial l'entree de
l'estomac & le cuer et le foye/ et pource va-
lent elles a cardiaque chaulde & a douleur
qui est en la bouche de l'estomac par cole rou-
ge. Et si ont telle propriete que qui en gette
le ius es yeulx de ceulx qui ont la iaunice il
oste la iaulneur des yeulx. Et qui oste les
corce a telles pōmes aigres & que le ius en
soit prins & cuyt avec miel tant quil soit en
forme doignement il vault a oster l'ongle de
loeil & purifie la veue & les yeulx de grosses
humeurs et visqueuses. La liqueur de la
pōme granate doulce est plus chaulde plus
grosse et mieulx digerable & pource elle dō-
ne aucune chaleur a l'estomac & est tost mudee
en cole rouge. Et pource nest elle pas bonne
a personne qui est en fieure: mais elle faict
le ventre moiste et adoulcist l'asprete de la
poitrine & vault contre la toux. Mais la
pomme qui est ague entre doulce & aigre cō-
me moyenne nest pas moins cōuenable a la
chaleur du foye q laigre: mais elle na pas
force de restraindre le vomir ne le flux de
ventre. La pomme sans saueur qui a ainsi
comme saueur deaue appartient a froidure
pour la liqueur & nature deaue qui est grā-
de & pource elle nest pas conuenable en me-
dicine ne en bruiage ne en viande. Elle ne
vault riēs en viande pource quelle na pas
saueur que les membres doyuent attirer.
Et si ne vault en medicine pource que par
leaue dont elle est pleine elle ne resconforte
point l'estomac ne nempesche a vomir ne le
flux de ventre/ et pource elle engendre en-
nuy en l'estomac et le faict chetif/ foible et
mal & luy empesche a digerer la viande/ et

pource est elle cause de ffeure & de runge des
stomac. Les grais de pomes granates quat
le ius en est espraint sont bds a restraindre
le vomir de colerique & le ventre par espe
cial quat ilz sont rostis & on en boit la pouz
dre / et si estaignent la chaleur de lestomac
& la guillon de la colerouge & le rige. Leurs
escorces sont froides / seiches et terrestres / &
se on les cuit en eau & que on en face chiste
re il restraint dissintere et dyarrie. Et la des
coction que len appelle en medicine apozis
me si guerist les gencives et les conforte et
restraint. Et aussi restraint le flux de sang
des esmorrhoides & des femmes. Et qui cuit
les escorces en vin & le boit il boute hors les
vers du ventre et autres bestes et les tue.
La fleur de granates on lappelle balaustre
et est encores plus stiptique et plus seiche q
toutes les choses dessusdictes / et la doit on
aucunemēt seicher & garder en vng baissel
de voirre / et est froide & seiche au second de
gre. On la peult garder en grāt vertu par
deux ans / elle vault contre vomissemēt co
lerique et contre flux de ventre qui procede
de foiblesse de la vertu contentiue / et contre
tel vomissement len broiera & cuira len ses
fleurs en vin aigre / & mouillera len vne es
purge dedans / & puis sera mise sur la four
chette de la poitrine / et encontre le flux on
la cuira eneau de playe & puis en sera laue
le vètre & estuue. Aucēne dit q les escorces
des pomes granates & de balaustre chascu
ne par soy arreste flux de sang & afferme et
solide les playes & anciēnes rōgues & gras
telles & si fortifie les dentz qui lochent.

Des periers. Chap. xxi.

Perier est vng arbre trespomun
et en est de moult de manie
res & en diuerses cōtrees en sont
trouuez de diuers. Et pource
seulemēt en seront dictes les generalles di
uersitez. Car les aucunes sont meures en
Juing / les autres en Juillet / les autres
en Aoust / les autres en Septēbre & les auz


tres en octobre. Et les aucunes q len cueil
le en ce tēps q ne sont pas meures iusq
a leste ensupuat. Les aucunes sōt petites / les
autres grosses et autres moyēnes. Les au
cunes sont de couleur iaulne / les autres ver
tes & les autres rouges. Les aucunes sont
māgees quat quelles soyent meures / et les
autres ne peuēt estre māgees se elles ne sōt
meures. Les aucunes ont dure escorce / & les
autres tēdre & deliee. Les aucunes sont pier
reuses dedans & les autres non. Les aucu
nes sont trespoulces / & les autres vertes et
aigres. Les aucunes sont stiptiques & pōtis
ques & les autres sans saueur. Les aucunes
sont de tresgrāt odeur & les autres de peu
ou neant. Perier seuffre tout estat du ciel
car il croist en chaud air & en froid & en at
trēpe & p fructifie biē. On le peult planter
en terre maisgre & en grasse / mais en la ter
re maisgre & seiche & en crope les poires se
rōt menues & dures et les arbres p tīs & cō
me vieulx & gastez / & par especial en terre
ou il y a saline ou amertume a la racine /
mais en terre grasse et douce les arbres p
sont greigneurs et plus fors et les fruitz
meilleurs & plus nobles / et par especial se
la terre est assise es costez des montaignes
ou en terre pleine pres de mōtaignes / car le
perier ne forlignera point en telle terre & ny
aura poit de default en luy ne en son fruit.
Mais en lieux tres moistes loig de mōtai
gues & pleins deauē les arbres serōt grās
& a belles brāches / & les fruitz gros & en
flez & vertz ou sans viue couleur & sera au
cunemēt leur odeur & saueur perdue & estrā
gee. On peult plāter les rainceaulx des pe
riers aisi cōme il est dit des oliuiers & p tel
le maniere mais aucunes fois ilz viennent a
tard & ne fructifiēt pas bien parfaitemēt.
Aucunes fois on plāte les poires & est de ne
cessite q lles naissēt / car nature les rappelle
a leur naissāce / mais cest a longue attēte et
naissēt sauages & nō pas frācs. Et pource
il vault mieulx enter verges & gettōs des

fracs sur les sauuages / ou que len prenne
plantés des sauuages a racines & les plan-
ter / & quant elles seront repuinſes les enter.
Et doit auoir entre deux arbres espace de
treſte piedz. Es lieux qui ſont chaudz / arres
et ſecs on les doit planter ou trāſplanter en
Octobre & Nouembre / et es lieux froidz en
feurier & en Mars / & es lieux attrēpez en
chascun de ces temps. On lente cōuenable-
mēt en perier aigre & en doulx & en nefflier
et y vient tresbien / et auſſi en aubespine et
en coigner / mais il ne peult venir en ces der-
rieres a parfaicte grandeur & auecqs ce re-
prenent il bien en aucuns autres arbres quāt
il y eſt ente / mais ceſt ſans prouffit / & pour-
ce ſen doit on paſſer. Perier peult bien eſtre
ente en terre et deſſus terre empres terre et
en hault ſicomme dit eſt au ſecond liure en
parlant des generalles manieres de enter.
Et le peult on enter en leſcorce & en la taille
du tronc / a la harnede & a la perche de ſaulx
percee / et puis enſeuellie ſoubz terre et par
la maniere demplaſtre & par celle qui eſt ap-
pellee au morcel comme deſſus eſt dit au ſe-
cond liure. Perier ſeſiouyſt de ſouuēt ſouyr
& fumer grandement. On le doit former en
maniere quil nait que vne tige haulte par
deſſus terre de huit piedz ou de dix au plus
et la on laiſſe eſpandre les rainceaulx et les
branches. Il aduient es periers pluſieurs
nuysances leſquelles ſont nommees auec
les cures au cōmencement de ce preſent cin-
quieſme liure ou il eſt parle & traicte des ar-
bres en commun. On cueille les poires ſans
peril ſe les foibles rainceaulx de hault ſont
liez a bones cordes auec les plus fors & que
les branches dembaſ ſoyent ſouſtenans eſ-
chelles et eſchellons. Periers ont tendres
rainceaulx et qui briſent a peu dachoiſon et
par eſpecial quant l'arbre vient a vieillesſe.
Les poires ſont cueillies en diuers tēps ſe-
lon la diuerſite de leur nourriture. Celles
deſte ſont bien cueillies quant leur ſauueur et
odeur monſtrent leur meurete. Et ſe on les

cueille vng peu toſt quāt elles commence-
ront a meurer elles ſe garderont plus lon-
guement que ſe elles eſtoient cueillies tou-
tes meures. Celles qui ſont meures en la
fin d'automne et que len veult garder par
puer dauient eſtre cueillies au moys Dorto-
bre et au decours de la lune par temps ſec.
Poires ſont bien gardees quant elles ſont
cueillies diligemment bonnes / cleres & bien
entieres & preſque dures & aucunemēt ver-
tes / & puis quelles ſoyent couuertes de paul-
les ou de forment en vng lieu ſec et obſcur.
Aucuns les cueillent a forces et tenailles et
les mettent tantost en baiſſeaulx poiſſez et
reliēz / et puis ferment la bouche du baiſſel
de plaſtre ou de poix et les laiſſent ſoubz ſa-
blon en lair. Et les autres mettent en miel
les poires qui ne ſont point entretouchees.
Auſſi poires taillees par le mylieu et les
grains oſtez peuent eſtre ſeichees au ſoleil &
puis les mettre en eue froide ſalee et les y
laiſſer vng tandis et apres les mettre en
eue doulce et les y garder ou en mouſt
doulx / ou en vincypt / & ainſi elles ſerōt bō-
nes a māger. On faict vin de poires en les
caſſant ou froiſſant et apres on les met en
vng ſac de toille delye et aucune choſe pe-
ſante deſſus pour les preſſer: ce vin dure tout
l'uer / mais il aigriſt en eſte. Et ſi faict on
vin aigre de poires en telle maniere. On
prenent poires aigres et ſauuages & les garde
len meures en vng moncel iuſques a trois
iours et puis on les met en vng baiſſel ou
il y a eue de fontaine ou de pluye et couure
len ce baiſſel et les laiſſe len ainſi par tren-
te iours / & depuis lors tāt comme on ſache-
ra du vin aigre on y mettra autant de eue
pour le retenir. On faict auſſi vne telle li-
queur de poires. Len prenent poires tresmeu-
res et les bat len et froiſſe et caſſe auec du
ſel. Et quant leur chair ſera toute caſſee et
reſolue on les mettra en cuiuers ou autres
baiſſeaulx bien lyez et poiſſez et ſeront li
laiſſez iuſques a trois moys / et lors on pre-

De icelle chair de ces poires & il en cherra vne liqueur blanchastre de tresagreable et tresplaisante saueur. On faict du boys de perier tresbelles tables & beaultz aiz pour faire de beaultz ouurages et plaisans. Les poires sauuages sont plus dures plus froides, plus seiches et plus pontiques que les frâches. Les poires aigres & pôtiques sont de la nature aux sauuages et confortent le stomach et serrent le ventre et sont froides & seiches et conuiennêt a medicine & non pas a viande/et pource il les conuient mettre a raison par engin pour les amolier et oster leur asprete comme par les cuire en eue ou par les pendre sur fumee deue chaude ou les eueloper en paste & les rostir ou les cōfire en miel. Platearius dit que les poires soyent cuites ou crues serrent le ventre / et se elles sont cuites en eue de pluye & on les met cōme vng emplastre sur le stomach elles les guerissent de vomir qui vient de colle/ & qui les met dessus le petit ventre elles restrainent le flux de vêtre. Les poires meures et douces sont de complexion attrempee. Car elles sont moins froides que les autres et pource elles eschauffent & aydent a la digestion et si valent a ceulx qui ont froid estomac et sec. Poires sont de telle nature que qui les cuyt avec champignons qui croissent en grasse terre elles perdent toute leur malice et ne blessent point/ & par especial se elles sont sauuages pour leur pôticite. La cēdre du perier sauuage beue avecques aucune liqueur vault moult a ceulx qui sont greuez & malades de trop manger champignons et qui en sont ainsi comme esteins. Les brâches & les rinceaulx de perier sont sriptiques seulement: mais la sripticite des poires est messee avec vne douceur deue. Auicenne dit que les poires sauuages seiches conferment & consolident la nature des femmes.

Des pruniers. Chap. xxii.



Prunier est vng arbre moult commun & bien congneu & en est de plusieurs manieres/et sont les aucuns francs & les autres sauuages. Les pruniers frâcs sont les aucuns prunes blâches/les autres noires & les autres rouges. Aucuns les fôt molles & les autres dures. Et les aucuns grosses & les autres menues. Les pruniers demandent principalement air tiede et si peuent assez bien porter air froit. Ilz s'esioyssent de lieux gras et moistes/ et aussi leur valent lieux glaireux & pierreux. Le siens ne leur vault riens pource que les prunes en deuiennent bereuses et cheent a terre. On les seme es mays d'automne et de Nouembre en terre dissoulte et bien remuee et puis les met on deux paumes en parfond ou moins. Les noyaux doiuent estre mis en terre au mays de feurier: mais on les doit premier laisser trēper trois iours en bonne sepiue affin q ce les face plus tost germer. Et est bon de les mettre au lieu ordōne pour semer & puis q enuiron deux ans aps ilz soyēt transportez ou on les vouldra auoir & nourrir. Et en ces mays on les peult prēdre des plates q on leuera des racines & de l'escore de la mere sans siens. Pruniers ne demandent pas moult parfondes fosses pource quilz ne fichent leurs racines gueres en parfond et si ne leur fault pas trop grans espaces pource quilz ne se entremeschent gueres l'ung l'autre. On les peult enter en eulx mesmes/ et en peschers & agmadiers: mais ilz en abastardissent & deuiennēt petis / & recoquēt en eulx agmandes & pommes selon aucuns et pesches aussi et muniachus. Il est temps de les ēter en la fin de mars/ ou en ianuiet auant que il commence a sermoier & getter gomme: mais iay tresbien esprouue que au mays de feurier il se reprene & viēt tresbien. Quant le prunier est ney il s'esioyft de hument frequentee et de souz: souuent et extirper les faulx gettons qui viennent de la

racine exceptez ceulx qui se garderont pour planter. On doit former le prunier en telle maniere quil nait que Vne tige et quelle ne soit pas moult esleuee de terre. Se l'arbre est languoureux et chetif on y doit mettre de la lye de huplle & dune mesure trepee egallement sur la racine ou des cédres de four et par especial des cendres de Vignes. Se les prunes cheët de l'arbre il cōvient percer la racine dune tariere et y ficher Vng coing doliuier sauuage. Se il y a vers ou fourmis y soit remedie cōme dessus est dit au traicte des arbres en cōmū. On peult auoir & garder prunes y les cueillir meures et les fendra en trois ou quatre parties et les seicher au soleil & les mettre en potz de terre ou autres nectz Baisseaulx. Aucuns les mettent fresches cueillies en eaue de mer ou en eaue chaulde & les seichent au four ou au soleil. On faict tresbōnes hayes et prouffitables de pruniers pource que leurs branches sont dures & multipliēt moult/dōt les hayes sōt plus fortes & espesses & si sōt assez de fruct Et apres deux ou trois ou quatre ans on les peult tailler & en faire des eschafas pour les Vignes & fagos a chauffer. Et affin que len ait grant habondāce de diuers pruniers len fera recueillir p enfans nopaulx de diuerses prunes et les seicher au soleil & puis quilz soyēt plantez quatre ou six ensemble/et quant ilz seront creuz on les plantera en hayes par fossez et les y laissera len croistre et puis les conduire comme il appartient. Prunes sont de peu de nourrissement et en y a aucunes blāches qui sont dures a digester & nuyent a lestomac:mais elles laschēt Vng peu/& pource q elles sont grosses on ne les doit point manger que elles ne soyēt auant par faictemēt meures sur l'arbre. Des prunes noires les aucunes sont franches & les autres sont aigres & sauages. Et ausi des franches/les aucunes sont grādes et parfaitement meures & douces/& les autres sont crues/aigres & Vertes/pontiques

et dures/et les autres rouges. Les noires prunes meures et douces sont moins froides & plus moistes:car leur froidure/est au commencement du premier degre / et l'humour en la fin: mais Platearius dit quelles sont froides et moistes au second degre. Auicenne dit quelles sont froides au commencement du second degre / et moistes en la fin du tiers. Elles rendēt lestomac froit & laschent le Ventre & dissoluent la cole rouge et la gettent hors/ toutesuoyes qui trop en vse elles nuyent a lestomac. Les prunes crues/dures & Vertes sōt tresmauuaises en medicine et en Viande: car elles sont dure deueur en lestomac & ne nourrissent point mais elles trauaillent. Les prunes rouges sont plus froides et moins moistes. Les aigres sont plus stiptiques et trop/et pource elles valēt a flux de Vētre appelle dyarrie et dissintere. Aucuns les cueillent meures et les taillent par le mylieu et puis les seichent au soleil et gettent dessus comme aspergement de Vin aigre / et apres les met tēt en Baisseaulx/ & ont telles prunes plus grāt Vertu de refroider que les autres prunes seiches nont/ et si adoulaissent plus les entrailles / et pource sont elles bonnes en fieures agues & en autres maladies agues et a restraindre le Ventre contre flux colerique/ & se elles sont Vertes on les donnera a manger / et se elles sont seiches on les doit cuire en leaue & manger les prunes & boire leaue. Auicenne dit que la gomme des prunes est subtiliatue & incisue et brisant/consolidatiue & conclutinatiue et afferme rongnes. Et quāt on la cueille des fueilles des pruniers elle deffēd la bouche de faire flux a chascun des costez & a la luette/& aussi est bonne ceste gomme pour les escripuains/si comme dit ysidorus.

Des pesches. Chap. xxiij.

Peschier est Vng arbre bien commun et congneu et est petit et croist tost et ne dure pas longuement. Il Viēt en tous

lieux: mais se il vient en chault air & en terre areneuse & graueleuse & ait humeur il est de noble duree. Peschiers mourroient en lieux froidz & venteux q ne les deffendroient aucunement. On doit planter les nopaulx es lieux chaulx & enterres foupes au mays de nouembre loing lung de lautre dung ou de deux piedz / & en autres lieux en ianvier / et quant les plantes serot creues on les trasplantera / et selon Paladius non pas plus parfond que de deux paulmes ou de trois couuers de terre / et quant l'arbre sera tedre on le nettoiera tout a lenuiron et mettra len vne petite plante ou deux au plus en chascune fosse et ne les doit on pas mettre trop loing lune de lautre affin qelles deffendent lune lautre de lardeur du soleil. On les doit enter en lieux froidz / en ianvier et en feurier: & en lieux chaulx / en nouembre / et par especial empres terre es plus beaulx rinceaulx et tenans pres de la tige ou de l'arbre: car en hault ilz ne tiendroyent point. On ente le pescher en soy et en agmandier ou prunier au mays daueil ou en may en lieux chaulx. En ytalie on le peult enter en may et en iuing a l'oyselet / cest a dire a leplastre. Car len trenche le tronc par dessus & lemplastre len de plusieurs gettos come dessus est dit. Jay trouue pescher ente sur prunier au mays de feurier q estoit tresbien venu. On le doit destortiller en automne & le fumer de ses fueilles / & le doit on retailler en ostant seullemet les choses seiches et arres: car qui osteroit le verd il seicheroit siccome le dit Paladius: mais l'experience y cotredit en nostre face: car en iuing qui oste les gettos qui sont venus en lieu non deu / l'arbre en est faict plus belle & en vault mieulx mais parauant les lieux estoient plus secs en sa cotree & trop. Peschers seichent de trop grant ardeur de soleil / & pource on les doit ayder p souuent leur doner humeur au despre & de mettre aucuns obstacles contre lardeur du soleil / siccome dit Paladi: mais

cest a entendre en lieux trop chaulx et trop secs: car il nest point de necessite en pays q est attrépe. On doit laisser au pescher vne seule tige q soit vng peu esleuee par dessus terre / & se l'arbre languist on gettera a la racine de leau meslee avec lye de Vieil Vin. Se la bruyne le fient on doit mettre du fiés encotre la racine ou lye de Vin et eau avec comme dessus est dit. Du qui mieulx est y mettre eau ou febues aurot este cuytes come dit Paladius. Se les vers lassailent cendre meslee avec lye de huylle les estaindra ou Urine de beuf meslee avec le tiers de Vin aigre. Se les pesches en cheent on doit descouurer les racines et ficher au troc vng coing dung arbre appelle lentiscus ou deterebintus siccome dit Paladius. Ces deux arbres font la poix resine. Du q la tige soit percee au mylieu dune tariere et y ficher vng coing de saulx. Se les pesches sont ridees & flestries ou pourries l'entréchera les corce entour vng tronc / & quant aucune humeur en sera saille on recourra la playe d'argille ou de boue meslee avec paille. Contre les vices et deffault du pescher moult y vault & prouffite q len pende aux braches vne chose nommee sparte. Len peult garder pesches p oster les nopaulx & les seicher au soleil ou q les nopaulx ostez on les cofise en miel & lors elles sot de tresplaisante saueur. On les peult aussi garder se len estoupe le nobril dune goutte de poix chaulde & puis les mettre en aucu baissel. Les pesches sot froides & moistes au second degre & engendrent fleume. On les doit manger a ieun et puis on doit boire apres bon Vin Vieil et de bonne odeur. Il est deux manieres de pesches. Les vnes sont grosses et molles et ont plus deau: car elles ont plus de froid et de humeur. Et les autres sont mēdres fermes et dures & sot plus terrestres / froides & seiches aucunement / & par especial quant elles ne sont pas meures sur l'arbre ou quelles sont crues et vertes. Le ius des

Des arbres portans fruit/et de ceulx q ne portent point de fruit.

fueilles du pescher beu gette hors les Vers
et aussi q en faict ung eplastre & le met sur
le nombril. Selon Auicene qui gette du ius
des fueilles de pescher dedans loreille il tue
les Vers. Les pesches meures sont bones a
lestomac & si ont vertu de donner appetit de
manger & ne les doit on point manger apres
autre viande pource quelles se corrompoyent
et si la corrompoyent. Les pesches seiches
sont de tardive digestio & ne sont pas de bon
ne nourriture combien quelles nourrissent
assez. Et les pesches meures adoucissent le
ventre & amollient/et les vertes le serrent.

Du palmier. Chap. xxiij.



Almier est ung arbre qui porte
dates. Il veult air chault & at-
trempé. Et en chault climat il
meurist son fruit avant puer/
mais es froids climatz/comme le cinquies-
me et le sixiesme il ne le meurist fors apres
puer/ & au commencement de printemps ou
deste: mais vers le septiesme climat il bour-
ionne et ne vault riens pour le froit. Et a
mieulx dire il ne peult viure au sixiesme cli-
mat/ & a peine peult il viure au cinquiesme
Il demande terre sablonneuse & pouldreu-
se/et est certain q les lieux ou les palmiers
croissent si ne sont poit profitables a autres
fruits. On seme le palme par ses plantes/
en avril & en may/ & quant on met la plante
en terre on y met de la grasse terre au des-
soubz de la plante ou entour. Aussi seme len
les nopaulx en octobre: mais qlz soyent n-
ueaulx & non vieulx ne alterez & doit on mes-
ler au semer de la cendre avec les nopaulx:
mais on doit scauoir q a peine peult venir
dun nopau ung palmier q croisse/ & pource
en doit on mettre plusieurs ensemble pour-
ce que la plante qui vient dun nopau est si
foible quelle ne peult faire tronc qui puisse
soustenir l'arbre: mais plusieurs plantes ioin-
ctes ensemble & nees parfont le tronc de l'ar-
bre. Et encores combien que les nopaulx &

grais des autres arbres apert vertu bour-
ionnant les ungs enhault/les autres ebas/
les autres enuiron/ & les autres entour. Le
palmier a son nopau ainsi come aude & la
il a ung trou estroit & long dont se germe p-
Et pource seroit bonne maniere de les plan-
ter q len prinst deux nopaulx de date & qlz
fussent cousuz en toille l'ung trou dung nop-
au applique iustement contre lautre/ & que
ainsi fussent plantez ensemble en telle ma-
niere que lune plante se ioinne en lautre/ &
lors la vertu des deux cointe pourra fai-
re le tronc & l'arbre plus parfait pource que
le palmier dune vertu ne prouffite point tant
pour le sexe q est plus distincte en cest arbre
que es autres/ & aussi pour la foiblesse du
tronc & aussi le palmier masle ne faict point
de fruit tout seul: mais quant il est plante
empres femelle il se incline vers elle en tel-
le maniere q les rainceaulx de l'ung & de lau-
tre sentretouchent/ & la coniunctio des rain-
ceaulx de la femelle faict copressio aux rai-
ceaulx du masle / & lors les palmiers se de-
partent & desseurent desseble & coint la femel-
le non pas p substance gettee hors du mas-
le: mais par la vertu de luy/ & peult estre ce
prouue & tesmoigne par les oeuvres des la-
boueurs: car quant le masle & la femelle
sont plantez loing l'ung de lautre ilz arrachent
les rainceaulx du masle & les mettent sur
la femelle/ & lors la femelle le estroit entre
ses braches & entre ses fourches & en coint
Et puis que cest chose certaine que la femel-
le se charge de fruit par la commixtion du
vent q luy porte lesperit & l'humour du mas-
le ce nest pas de merueille se la femelle qui
a empres soy plusieurs masles & semences q
luy aydent & valent a ceste impregnation &
meurement se la plante & le fruit en valent
mieulx/ mesmemet qlle a la vertu & subst-
ce de plusieurs masles. On doit transplan-
ter le palmier quant il est dun an ou de deux
& le doit on souuent fouyr a leuiron en iuing
ou au commencement de Juillet affin que

par arrouser il surmonte les ardeurs deste. Les eaues aucunement salees aydent aux palmiers. Se l'arbre est malade on le deslaccera & retrenchera & y mettra len lye de Vin Vieil / ou len retrenchera les cheueulx qui serôt a superfluite a la racine ou len fichezra Vng coing de saulx entre les racines eslargies. Palmier croist a grât peine & dure longuement & ne faict point de fruit que il nait cēt ans / ce dit Plinius. Et deuôs scauoir que le fruit de dates ne depend point des raiceaulx de l'arbre par queues que len appelle cotifidōs / aincōys ont sieges ou elles sont sur les raiceaulx sans moyē / & encōres qui est plus a merueiller en Vne chascune escorce elle gette et faict son fruit sur les rainceaulx ou le fruit est laquelle escorce ne se ouure pas par enhault cōme la rose le lye & plusieurs autres fruitz / aincōys se ouure par la partie dembas deuers le raincel. Cest arbre a au souuerain sommet Vne capse ou Vne huchette en laquelle est cōtē nue Vne molle substance q̄ moult approche a la substance de la date / & quant on la trēche le palmier si seiche. Les dates sōt chauldes au second degre & moistes & engendrēt gros sang et sont de forte digestion / toutesuoyes elles sont plus digerables q̄ figues et sont mieulx Vriner : mais ceulx qui sont acoustumez den Vser si encourēt cōstipatiō de foye et de rate & durete / enfleure et gros seur : dates nuyssent aux genciues et aux dēz / et font douleur en lorifice de lestomac.

¶ Du pin. Chap. lxxv.

Pin est Vng arbre assez cōgneu et sicōme len croit il prouffite a toutes les choses qui sont soubz luy. Il ayne lieux pres de la mer & lieux gressles entre mōtaignes & pierres & y est pl⁹ gaste & pl⁹ hault / & es lieux q̄ sont moistes & Veteux / la croissāce des arbres en est pl⁹ ioyeuse : mais on appliquera a ceste maniere d'arbres espaces ou montaignes q̄ ne peuēt estre prouffitables aux au-

tres / & pource soyēt diligēmēt arez / purgez et appareillez ces lieux a la coustume de fromēt & puis semez & couuers a Vng petit sarcloir / et que les grains ne soyent mis en parfond q̄ de cinq doirdz seulement / et quāt ilz seront nez quilz ne soyent pas transportez pource quilz ne comprennent pas de legier et si croissent a peine et ne les doit on tailler en quelque tēps pource quilz mouroient. Et au lieu ou le raincel est trenché ou que la racine soit taillée lautre ne reuiēt point. On le seme de ses noyaulx qui ayent este auant temps en eaue par trois iours. En chauldes cōtreēs & seiches au moy^s doctobre & de decembre / et en contrees froides et moistes / en feurier & en Mars. Aucuns dient que le fruit du pin peult croistre et adoucir : mais ilz procurent les plantes par telle maniere : Ilz prennent plusieurs semences ensemble & les mettent en aucun godet ou escuelle de fust et lemplent de terre et de fiens / & se toutes ne viennent a bien ilz laissent celle qui est plus ferme et ostent les autres / et se elles ne prēnent bōne croissāce que on en transplante iusques a trois plantes en ce godet ou escuelle de fust qui sera tenue & delpee & mise en terre / & quant cela sera casse et pourry ilz donnent greigneur largesse de terre a leurs racines / et toutesuoyes ilz meslent gras fiens avec la terre. Et se doit on biē garder que la racine qui est longue et droicte soit trāsportee toute entiere & saine iusques au bout. On doit garder l'arbre des bestes tant comme il est tendre seulement et q̄l ne soit deffoule quāt il est trop foible. Le retailier et la putation se prouuent seulement nouueaulx arbres de pin affin que l'accroissement q̄ len espere soit double. On dit que les Vers croissent legieremēt soubz les corces du pin qui le rongent et destruisent le boy^s / et pource l'arbre dure plus long tēps quant on la despouille souuent de ses escorces. Les pommes de pin si peuēt estre sur l'arbre iusques en nouēbre

Des arbres portans fruit/et de ceulx q ne portent point de fruit.

¶ doit on cueillir les plus meures auant q les nopaulx soyent pourris qui ne peuēt durer se ilz ne sont purgez. Toutesuoyes aucuns dient pour certain que qui les cueille avec leur escaille & soyent mis potz de terre neufz & que ces potz soyēt parēplis de bonne terre q ilz se gardēt bien. Les pins sont chaulx & moistes au secōd degre/ & selon Auicēne ilz sont chaulx et moistes au troisiēme degre & ont vertu de adoucir & de amoistrir & aucune maniere de ouurir. Cest tresbōne Viāde pour gēs q labourēt & sont malades es pties spirituelles & de apostumes de froide cause & de humeur & aux gēs qui ont seiche toux et foible esperit & ne peuvent auoir leur alaine ne respirer. Ilz croissent le sang aux ptisiques & a ceulx qui ont leur chair perdue/ ilz enflāblēt luxure. On les peult donner tous seulz et aussi avec sirop ou electuaire/ ou en viande. Lescorce de dehors quāt le fruit est premierement prins de l'arbre vault contre la toux se on la cuit bien en eue/ & puis quelle soit mise sur les charbōs & q le malade en recoiue la fumee.

¶ Du poiure. Chap. xxvi.



Poiure vient sur ung arbre petit q naist croist & fructifie tresbien au premier climat au signe de l'escrueice ou il a grant ardeur du soleil/ et par especial en la montaigne qui est nomēe caucasus dont ysidore dit que les serpens gardēt les forestz ou le poiure croist: mais les gens de celle terre ardent les boys quant le poiure est meur et sen fupent les serpens pour le feu / & par le moyen du feu les grains du poiure qui sont blancs de nature se deuiennent noirs et ridez: mais Dyascorides dit q les sarrazins de celle contree le mettent au four pour luy oster la vertu generatiue affin que sil estoit seme en autres contrees par le mōde que il ne peust croistre. Il naist aussi es parties attrempees: mais il ny fructifie point/ & pour ce quāt a nous nous ny deuons point estu-

dier a le semer pource ql nen viēdroit point de proffit. Poiure est chault & sec au troisiēme degre & a vertu dissolutiue & confortatiue. Qui met de la pouldre au nez elle faict esternuer & nettoye le ceruel de fume superflu. Le Vin ou poiure & figures seiches seront cuiz & nettoye les parties spirituelles de glueuse humeur/ et vault merueilleusement contre asine froit/ cest a dire a ceulx q ont courte alaine. La pouldre de poiure māgee avec figures faict digerer et conforte moult. Poiure nest pas profitabile a gens coleriqs ne aux sāguins pource q il dissout et aucunes fois faict venir mesellerie. Pouldre de poiure mise sur la chair la rōge pour ce quelle est corrosiue. Auicenne dit que la pouldre de poiure mise au palais avec miel est prouffitabile a squinancie et qui la boit avec Vin aigre elle nettoye le poulmon. Et aussi qui sen oingt vers la ratelle elle vault cōtre les apostumes de la rate & si faict bien vriner & met le fruit hors du corps & si corrompt le fruit apres sa nouuelle conception.

¶ Des sorbes. Chap. xxvii.



Sorbe est ung arbre assez cōgneu et en sont de deux manieres de fruitz car lung est petit et rond & viē de la femelle/ & lautre est plus grant & long dung coulte & agu & vient du masse. Il ayne lieux moistes & prochains a lieux froidz & se delecte plus en montaignes & en lieux pres de montaignes q en vales loing de montaignes / & demande terre tresgrasse & en mōstre certain signe en qlcōque terre ql naisse. On les seme en lieux froidz en iāuier/ feurier & mars: & en lieux chaulx en octobre & en novembre/ & le mōstre tresbien/ car au semoir les pōmes sōt meures. Se aucun en veult mettre des plantes faire le peult franchement: mais toutesuoyes que ce soit en lieux chaulx en novembre/ en lieux froidz en mars/ & en lieux attrempez en iāuier & feurier/ et doit on mettre forte et ferme plante / et demande siege hault et

par fonde fosse et larges espaces affin que le vent qui grandement leur profite en les demenant les remue souvent & q'ls en croissent plus hault. On les ente au mois d'auril & en la fin de mars en coigner ou en aubespine. Combien quil y a de bien petit sous les corce et au tronc/et sicomme il me semble il se peult aussi bien enter en pommier. Quant le temps est sec il amende de arrouser et de souvent le foyr. On le doit former en telle maniere quil nait que une seule tige esleuee de terre de dix piedz ou de douze. Se les vers lassailent qui sont rous & velus & qui ont acoustume de ronger le moye de la moelle len en sacher a aucuns sans faire vilenie a l'arbre/ & puis soyent ars & bruslez en un feu bien pres: car Paladius dit q' les autres qui cuyderont eschapper seront par ceste maniere prins et perdus. On garde les sorbes par telle maniere. Quant elles sont cueillies on prent les plus dures & les met on adoulcir en vaisseaux de terre pleins ou presque pleins/ & les enclost len & serre et environne de plastre & puis les met on en une fosse d'un pied en parfond en lieu sec et au regard du soleil la bouche renuersee et puis couuers de terre & foulée/ & aussi on les peult trécher en trois lieux et les mettre seicher au soleil ou les trécher par le mylieu & seicher & puis les garder nettement/ et quant on en voudra user les tremper en eue chaude & elles seront d'une plaisant et agreable saueur: mais les aucuns les pendent par les queues toutes vertes & les mettent en lieux secs et obscurs. On faict vin de sorbes meures ainsi comme de poires. Le bois de sorbe est ferme & non pas courroyé/ mais legier & qui tost se brise et pource on le aplanie trop bien. Et est tresbon & conuenable aux vaisseaux de scrins et de planches qui requierent beaulte & resplendissant souefuete par dehors/ mais le bois en est rouge. Les sorbes sont froides et seiches et restraignent le ventre et fussent elles ores tresparfaitement meures.

CDung arbre appelle zezoule.

Chapitre. lxxviii.

Zezoule est un petit arbre moult rongneur & qui a moult de fueilles ainsi come en un petit rain: cel cōioincte ensemble. Et en puer elles cheent toutes a un coup / et en est le fruit pareil aux nopaux de roses ou a olives et si na que un nopau/et en est le bois grandement rouge par dedans & bel et ferme/ & pource en faict on de tresbeaux instrumens de musique/ par especial guisternes/ vielles & citoles. Il demande air attrempe/ et si ne redoubte point le froid / et si vault mieulx en terre grasse et ferme. On le seme au champ semoir de ses nopaux en Nouembre ou en feurier bien assis et diligemment nourris. Et quant ilz seront creux de deux ans ou de trois on les transplantera ailleurs et aussi les seme len par plantes qui naissent sur les racines de la mere. Et ie croy que on les peult enter en aubespine et par aduenture en prunier en bois tréche en feurier et en Mars. Et soit forme a une seule tige esleuee par dessus terre de six piedz ou environ: on cueille les zezilles en tēps de vendanges quant on y voit la rougeur ou la diuersite de couleur/ & est un fruit bien delectable a manger.

CDu zampre.

Chap. lxxix.

Zampre est un petit arbre qui desire air chaud ou attrempe & terre graueuse/ deliee et poudreuse & ainsi comme brehaigne / et par especial il vient bien sur la riue de la mer ou en montaignes brehaignes ou il y a terre poudreuse que len clame douce arene / mais il ne veit point en lieux moistes pleins de eue ne en vasee / pource que trop grant humeur le corrompt et il est soustenu de seiche et petite nourriture. Il est deux manieres de zampre. L'un est masle et est esleue en hault et

faict peu de fruit. Et l'autre est femelle qui esparde ses rainceaulx empres terre ainsi cōme en serpent & fructifie merueilleusement et ainsi comme en toutes les saisons de l'an/et si vient son fruit en meurete et est rouge et gros comme petites cerises et est le meilleur & le plus bel: mais le fruit du premier est menu et noir. Cest arbre est sauuage et de sa nature il viēt es lieux dessusditz sans semer/ & toutesuoyes se on le veult enger on le semera de ses nopaulx ou par plantes arrachees de lieux secs & maigres & mises ou len bouldra. Et ne doivent estre ses racines gueres mises en terre / car il na mestier de fossayer se le lieu nestoit trop ars / et le doit on semer en feurier et aussi en mars. Il ne le conuient point former ne trencher se ce nestoit que aucun pour son plaisir bouldist esleuer le masle en hault. On doit cueillir le fruit lung apres l'autre quāt il appert estre meur par sa noirceur. Le bois en est tresbel & rouge de grāt odeur & aucunement de plusieurs couleurs et est tresbon pour faire hastes / pource quil donne a la chair sa bonne odeur quant elle y est rostie/ & aussi en faict on tresbelles cuilliers. Le fruit enest chault & sec & vault grādement contre froide toux qui en mangeue/ & aussi quant il est cuyt en Vin q̄ on le mangeue & boiue le Vin. Qui en prent les branches avec le fruit & les fueilles & les cuyt en Vin ou en eaue/ & puis q̄ on les mette tous chaulx en Vaisseaulx q̄ sentent le mugue & sont infectz de mufte & q̄ len estoupe le bondonnail et que le Vaisel soit tresbien remue de toutes pars & il sera guerry de celle infection/et donnent tresbonne et tressouefue odeur & tresplaisant.

¶ Sensuyuent les chapitres des arbres qui ne portent point de fruit.

¶ De amedan autrement dit aulne.
Chapitre premier.



Amedan autrement dit aulne est vng arbre q̄ ne se labore point et croist en eaue & palus & si delecte. Il ne vault riens a forger a ediffier & charpenter: mais il est necessaire pour faire fondemens q̄ veult faire gros ouurages en palus & lieux moistes: car q̄ le met verd soubz terre il y gette tātost ses racines/ & quant il en y a plusieurs pieux mis lung empres l'autre ilz se conioignent & sont ramenez tout a vng & font vng corps tresfort qui est vng fondemēt tresdurable. On en faict aussi tresbons trēchoirs & durables/et aussi escuelles et autres Vaisseaulx qui ne se fendent pas legierement.

¶ De aperus.

Chap.ii.



Aperus est vng arbre assez grant qui est trouue es montaignes/ & est tresbon pour faire hanaps escuelles et plateaulx et toutes delices oeures: car son bois est blanc & fort et le polist on tresbien: mais les escuelles sen fendent legierement au feu qui ne les faict de quartier / cest a dire du bois fendu en quatre quartiers ou de la racine qui est toute pleine de noeux ou de nerfs.

¶ De anormis.

Chap.iii.



Anormis est vng petit arbre qui croist es montaignes duquel les corce du mylieu donnee a boire ou en viande lasche le ventre trespmerueilleusement.

¶ De agnus castus.

Chap.iiii.

Agnus castus ou aignel chaste est vng petit arbret qui est tout temps verd et croist le plus en lieux pleins de eaue et en lieux secs le moins. Le fust en est dur et les fueilles sont telles comme de loliue/ mais elles sont plus legieres. Il est chault et sec au troisieme degre/ et selon Auicenne il est chault au premier degre et sec au second. Les fueilles et les fleurs sont bonnes pour medecine/et valent mieulx les fleurs que les fueilles. Les fleurs sont appelees

agnus castus ou aignel chaste q̄ sont cueil-
lies en printēps ⁊ sont gardees par vng an
seulement ⁊ valent mieulx les Vertes que
les seiches. On l'appelle chaste aignel car il
refrains la luxure ⁊ faict celluy qui le porte
chaste comme vng aignel. Le lic̄ qui en est
ionchie et enuironne refrains et oste lardeur
de luxure et deffend de polution et la verge
de dresser. Du comme dit Auicenne que on
laue ⁊ baigne les genitoires en leaue ou el-
les seront cuytes ⁊ q̄ on boiue de telle eaue.
Contre la gonorre on cuira vng peu de cas-
tor ou ius de aignel chaste et le boiue len et
que len cypse les fleurs ⁊ les fueilles en vin
aigre et q̄ len y adiouste vng peu de castor
et quil soit emplastre sur les genitoires. Et
deuons scauoir q̄ aucunes choses estaignent
la luxure en espessissant la semence comme
sont la semence de laictue/citrules/mellons
cucumeres/courges/pourcelaine/sta vin ai-
gre/câfre ⁊ telles choses. Autres choses sont
qui lestaignent en affoybliant lesperit et en
degastant la semence/comme rue maiorane
aignel chaste commun calament ⁊ anet: car
ces choses sont aperitiues qui ouurent/ex-
terminent/dissoluent ⁊ degastent la v̄tosi-
te/ et aussi lestue/ laeure ⁊ le baing de la
decoction de aignel chaste seiche la super-
fluite de la maris et refrains la bouche de
la nature de la femme. La decoction de ai-
gnel chaste et dache et saulge en eaue salee
valent cōtre litargie se len en frote bien fort
la derniere partie de la teste. Auicenne dit q̄
quant trop grant v̄olente de compaignie
d'homme vient aux femmes et quelles ont
trop grant ardeur de faire le faict on leur en
faict vne suffumigatiō p̄ dessoubz ⁊ elles en
sont incōtinent gueries/ et aussi les fueilles
de cest arbr̄et enchasse choses venimeuses.

¶ Du bouix.

Chap. v.



Bouix est vng arbr̄e petit q̄ a le
fust iaulne ⁊ tresserme et beau
bois ⁊ est tout temps vestu de
belles fueilles et Vertes et en

font les damoyelles chappeaulx. On le
peult planter par arracher aucunes plantes
lettes des racines de la mere ⁊ de la souche
⁊ les replanter. Et encores se peult faire par
ses rainceaulx desnuez de fueilles fichez en
terre ⁊ reprēnēt. Qui cypst en eaue la rasu-
re du bouix ⁊ quelle soit de puy pour ce q̄lle
est froide ⁊ seiche elle refrains le flux sicō-
me dit Dyascorides ⁊ si tainct les cheueulx
q̄ les laue souuent de la decoction. On faict
du bouix tressbōs pignes/cuilliers/mâches
de couteaulx/tables de cire ⁊ cōptoirs ⁊ tou-
tes autres petites choses q̄ requierent beau-
bois pour entailler car il recoit ⁊ retiēt bien
propremēt toute telle forme q̄ len luy veult
bailler ⁊ entailler.

¶ Du buysson.

Chap. vi.



Buysson autrement dit ronce est
bien cōgneu ⁊ est moult cōuen-
ble pour les hayes car il les fait
bien fortes espesses ⁊ poignans
mais pour ce q̄l est foible il ne suffiroit point
par soy/aincōys y cōuient adiouster autres
arbr̄es q̄ le soustiēnent q̄ soyēt si fors et fer-
mes quil ne les blesse point. Le buysson rōce
est plâte de ses gettōs dōt len treuve assez
car les boutz du buysson rōce touchēt a ter-
re. Ilz cueillent racines q̄ peuēt estre replan-
tees et reiettent tantost. Les fructz en sont
meurs quant ilz sont noirs ⁊ en m̄ageuent
les femmes et enfans moult v̄olentiers/
mais cest tresbonne viāde pour pourceaulx
On les plante aussi de leur semence meurs-
rement cueillies et seiches et gardees ius-
ques au commencement de printemps car il
est lors temps de les semer. Le buysson ron-
ce est chauld ⁊ sec comme diēt aucuns mais
Constantin dit que les sommetz sont stipti-
ques ⁊ valent contre arsure ⁊ contre chaul-
des apostumes/et pour ce il semble quil soit
froid ⁊ sec. Cōtre la rougeur des yeulx les
turions du buysson ronce bropez avec aubin-
doeuf et du saffren dedās ⁊ puis mis dessus
Contre toutes arsures/fondez cire bonne et

Des arbres portans fruit/et de ceulx qui ne portent point de fruit.

nette et y mettez de l'huyllle rosat et puis le ius de turions de la ronce en bonne quantite. Contre chauldes apostumes les fueilles des sommetz broyez avec eaue rose et puis emplastrez dessus. Contre dissintere le ius des turions de la ronce avec eaue d'orge soit prins pour clistere. Du que len prenne des turions de la ronce et soyent broyez avec aubin doeuf et vin aigre et que on en face ung emplastre qui soit mis sus les reins et le petit ventre. Et se ceste maladie vient du vice des parties denhaut on prendra des lentilles rosties avec le ius de ronce et soyent meslez ensemble et puis soyent mangez.

De brillus autrement dit osier.

Chapitre.vii.



Brillus est ung petit arbrzet qui naist en grauiers de riuieres et a plusieurs Bergettes et gettōs tresbeaulx et les cueille len au moys d'auril quāt le ius seismeult en eulx et lors on les trait hors des escorces et puis on en faict corbeilles/cannes/cages pour oyseaulx et pour seicher fromages et pour faire panniens a mettre pain et fruit/ et de leurs racines sont lpez les māsches des faucilles et autres choses a tailler bois et vignes.

Du cypres.

Chap.viii.



Cypres est ung grant arbre et bel et q est tousiours verd/ et pource on le plante voluntiers en cloistres de religieux. Le bois en est tresbel et tresodorant et en faict on de tresbeaulx ais q len met sur les instrumēs de musique/ cōme guisternes et luz et aussi en toutes autres oeuvres despees. Cest arbre selon Auicēne est chauld au premier degre et sec au secōd: et diēt aucuns q est froid. Les fueilles et les noix sont stiptiques et deffacēt les fueilles vne mesellerie appelee morphee et consolident playes et les noix aussi. Elles cōfortent les nerfs et leur amolient et restraignēt. La decoctiō des noix du cypres avec vin aigre si oste la douleur des dentz.

Des cannes et roseaulx.

Chapitre.ix.



Canes et roseaulx sont assez cōgneuz et demādent terre moyennement moiste et grasse. On faict les plantes de la canne et le lieu par telle maniere. On foupst la terre egallement au moys de feurier et en petites fosses loing lune de lautre de ung pied ou les oeilles des cannes serōt mis et couuers. Se la cōtree est chaulde et seiche on doit ordonner aux cannes vales et lieux bas et moistes. Et se la cōtree est froide on les doit ordonner en lieux moyens qui soyent plus bas que les esgoux de la ville et les foux cōme vignes et les ordonner egallement en terre. Et doiuent estre tailles au moys d'octobre et de nouēbre. Mais sil en y a aucunes vieilles on les nettoiera en feurier et osterā len les superfluites et pourritures. Et sil en y a aucunes qui nayēt pas oeilles pour bourionner len fera de leurs cannes pieux/perches et eschalas pour vignes et osteuens pour faire diuisions de chambres. Et selon Auicenne elles refroident tresgrandement. Les fueilles et les racines des cannes et lescorce valent a mesellerie et ostent lordure/ et la racine avecques oygnon sauage si sachent hors les choses qui sont fichées en la chair/ et la laine qui est sa fleur quant elle chet es oreilles faict assourdir: car elle se conglutine dedans et puis nen peult saillir hors.

De erable.


Chap.x.



Erable autrement dit polus est ung grant arbre qui a le bois moult blāc et ainsi cōme aperus dont dessus est ung peu parle et en faict on tresbōs iougz aux beufz et trenchoirs et escuelles et autres oeuvres deliees.

De laubespine.

Chap.xi.



Spine blanche autrement dicte aubespine est ung arbre assez petit qui est tresbon pour hayes pource quil a

tresgrandes & fortes espines & poignantz/ & si ne gette point ses racines en bourionnant par le chāp. Et si recoit tresbien les gettons que len ente dedans luy de neffliers/ de perriers & de pōmiers & tresbien si reprēnent et legier emēt: mais ilz ne viēnēt point a parfaicte croissance de leur naturelle quantite pource q̄ lespine nest pas de quātite pareilz le ausditz arbres. Il a ferme bois & blanc/ & pource il est bō a faire platiz/ escuelles & cuilliers. Aubespine est froide & seiche au p̄mier degre & vault leaue de sa cuiture aux instrumens des ioinctures & aussi a podagre et avec ce vault a la mollification de lestomac.

De espine iuifue. Chap. vii.

Espine iudaïque est la meilleure de toutes pour faire hayes/ pource q̄ a chascune fueille elle a deux espines/ lune longue/ droicte & ague/ & lautre petite & retorce/ & si faict les hayes espesses par le moyen de ses druz bourions.

De espine cerue. Chap. viii.

Espine cerue nest pas moult prouffitabile aux hayes/ pource q̄lle nest gueres espineuse: mais on en faict tresbons eschalas pour vignes et en sont moult prouffitables pource q̄lz durēt moult longuemēt en terre.

Du fau. Chap. xiiii.

Fau est vng grāt arbre q̄ vient cōmune/ mēt en mōtaignes dequoy on faict tresbōnes lances & ais et planches pour lizures/ & aussi est tresbō en charpēterie en lieu sec/ mais il se corrompt treslegieremēt par humeur. ysidore dit q̄ le fruit du fau est tresdoulx & tresnourissant. La moelle est tresplaisāt a souris. Il engresse plusieurs bestes & est tresbon pour coulōbs & a aucūs autres bōs oyseaulx & les nourrist fort & faict leur chair bien cuspable. Le bois en est bien conuenable a plusieurs choses: mais il ne dure pas longuemēt pour les vers q̄ le māgeuēt voluntiers & est tresnecessaire a lart de voir:

terie auāt q̄l soit iūge des vers/ pource q̄ de la cēdre dicelluy avecq̄s aucunes autres choses le voirre est faict par la chaleur du feu.

Du fresne.

Chap. xv.

Fresne est vng grāt arbre qui se delecte en forestz grasses & moistes. Le bois en est bon pour ardoir & si est tresbon a faire cerceaulx a tōneaulx & a tynnes & autres basseaulx et pour chars et eschelles/ et si vault pour ediffier quāt il est sec & non quāt il est verd: mais il ne doit poit toucher a terre pource q̄l seroit tost corōpu de lhumeur. Qui en coupe le boys de trois ans ou de quatre il est tresbon a faire perches pour vigues. Plinius dit que les fueilles de fresne valent cōtre Benin/ car q̄ en sache le ius & le boit il vault grādemēt contre serpens. Le fresne a si grāt vertu cōtre les serpens quilz ne peuent souffrir son ombre au soir ne au matin. Et q̄ met vng serpent entre vng feu & les fueilles du fresne le serpent se bouterā auant au feu que au fresne. Les fueilles et les escorces estaignent le vêtre & aussi le dos mir qui vient du deffault de la vertu contētiue quant on les cuspst en vin aigre & eaue de pluye et puis les met on sur lestomac. Cest arbre est chauld & sec au second degre/ sicomme le dit vng nomme Platearius.

Du frapinagol.

Chap. xvi.

Frapinagol est vng arbre semblable au fresne tant en bois cōme en branches et se delecte en iardins & en lieux priuez labourez & domesticq̄s. Cest arbre faict fruit q̄ a petis grais q̄ sont noirs quāt ilz sont meurs et sont moult doulx: mais il y a peu ou neāt de chair sur les noyaux/ & quāt ses grains sont secs ilz se gardent moult longuemēt.


Du fusain.

Chap. xvii.

Fusain est vng arbre qui nest gueres grant & croist le plus es hayes et en est le boys aucunes ment iaulne et en faict on fusseaulx/ saiettes & cages.

Des arbres portans fruit/et de ceulx qui ne portent point de fruit.

¶ Des genestes. Chap. xviii.



Geneste est vng arbret si petit q̄ souuētessois il est cōme de nature de herbe & naist cōmunement en mōtaignes & enlieux pres de mer & faict moult belles fleurs & dōt les dames fōt chappeaulx. Et si en peult on faire liēs pour lier vignes & rinceaulx: & si peult on faire de genestes estoupes q̄ seruiroient en lieu destoupes de lin ou de chanure.

¶ De yf. Chap. xix.



Yf que aucuns appellent tapus est vng arbre qui croist en mōtaignes et en costieres pres de haultes montaignes & est tresbon pour faire arcs & arbalestres.

¶ De ourme. Chap. xx.



Ourme est vng arbre commun q̄ len plante de ses plantelettes q̄ biēnēt de ses racines & croissent legieremēt & est cest arbre tresbō a porter & soustenir les vignes q̄ mōtēt cōtremōt Il est tresbon pour faire trefz/ & par especial aux maisons cōbien q̄lz y durēt peu et aussi a faire moyeux de charrettes et de moulins & eschelles & lymons de chariotz & charrettes/ & banquars & bois a fendre bois & a estraindre tōneaulx pource q̄ le bois est tenant & ne se taille pas legierement & si en faict on fourches a fourchōs & tous instrumēts q̄ requierēt ferme bois & qui mieulx se ploie sans rompre ne briser. Et en sont les fueilles bonnes pour nourrir beufz.

¶ Du peuplier. Chap. xxi.



Peuplier est vng arbre a albarus ressemblable tāt en grādeur comme en fueilles et branches: mais toutesuoyes le peuplier se lieue plus hault et ne se polist point son bois: mais albarus estēd ses brāches au large & est son bois plus bel & plus blanc pour faire ais et planches et autres ediffices en lieux secs: mais il ne dure pas long temps. Les arbres se delectent en lieux moistes/et

par especial le peuplier & ne peuēt durer en lieux de mōtaignes ne pleins de pierres ne de crope. On les plante en fichant les rinceaulx en terre & reprēnēt & biēnēt treslegieremēt. Le peuplier a telle propriete q̄ qui le retaille en este tēps il perist legieremēt & est appelle peuple pource q̄ qui le retaille & plante / il multiplie cōme vng peuple selon ysaïe. Les rinceaulx dūg an de deux ans et de plus se peuēt ficher en terre & reuiennent bien legieremēt. On a trouue que albarus quāt il a este taille & que les tailleurs ont este espādues q̄lles se sont reprises ou elles ont este gettees & sōt creues & venues cōme forest. Et aussi peult ce aduenir par le peulement et germe des racines q̄ se occupent tout autour de l'arbre quant il est coupe et puis saillent hors/ et pource a este trouue q̄ cest arbre nuyt grandement aux vignes.

¶ Des rosiers. Chap. xxii.



Rosiers sont arbres biē cōgneuz & en sont les vngs blancs & les autres rouges / et aussi en sont les vngs frācs & les autres sauages. Les blancs soyēt frācs ou sauages fōt tresbōnes & fortes hapes pource q̄lz ont bōnes brāches & fortes espines/ & si se retorēt & entrelacēt en telle maniere que len ne peult passer parmy pour les espines q̄ arrestēt a force: mais les rosiers rouges ont les brāches & espines foibles. On les plante par vergettes diuisees en petites parties & mises au semoir ou en semence gettee au semoir. La semence est recueillie dedans les boutōs rouges & cōgnoist on leur meurete quāt apres vendanges lesditz boutōs deuiennent iaulnes et molz. Se les rosiers sont vieilz on les doit foyr autour & retailler le sec/ et peuent estre retaillez les rosiers tendres & foibles par leurs gettōs: La rose est froide au premier degre & seiche au secōd La rose verte & aussi la seiche sont bōnes en medecine. On les seiche vng peu au soleil & les peult on ap̄s garder p trois ans. Quāt

len dit en medecine / prenez roses on entend
des seiches / pource que on les casse et pile
mieulx. On faict de ius de roses miel rosat
et sucre rosat et electuaire de ius des roses.
Sirop rosat / huylle rosat / eae rose. Le miel
rosat est faict en la maniere q sensuyt. On
cuyt et escume le miel et puis est coule / et
apres on y met feuilles de roses et oste len
premier le blanc qui est au bout et sont trens
chees bien menu / et puis on cuyt vng peu
tout ensemble et scet on a lodeur quant il est
assez cuyt / et aussi a la couleur et met on en
sept liures de miel vne liure de roses / et ce
peult on garder par cinq ans. Il a vertu co
fortatiue pour sa bonne odeur et mundifica
tiue pour le miel. On le done en puer ou en
este aux fleumaticqs / aux coleriques et aux
melencolieux / et aussi a ceulx qui sont af
foiblis avec eae et miel rosat. Pour mun
difier lestomac de froides humeurs vault
miel rosat donne avec eae ou aura este cuy
te la semence de fenoil et trois grains de sel.
Du selon Nicolas on le faict en telle maniere.
En dix liures de blanc miel trespur et bien
escume on met vne liure de ius de roses
fresches en vng baissel sur le feu / et quant
il se prendra a bouillir on y met quatre li
ures de feuilles de roses vertes bien me
mues trechees et le laisse len tat bouillir q le
ius des roses soit degaste / et le doit on mou
voir a vng baston tant comme il bouillra et
puis le mettre en vng baissel de terre et de
tant qly sera plus garde il bouillra mieulx
il conforte lestomac avec eae froide et estroit
et avec eae chaulde il le nettoye et le donne
len au matin et a midy. Et en telle maniere
faict on le miel violat et vault a ceulx q ont
fieure ethique qui le prent avec eae chaul
de ou tiede. Le sucre rosat est ainsi faict. Pre
nez roses vertes et les pilez et broyez tresbien
et puis les mettez en vng baissel de boirre et
les laissez par trete iours au soleil et les re
muez chascun iour affin que tout soit bien
mesle ensemble et mettez en quatre liures

de sucre vne liure de roses / et se peult gar
der par trois ans. Il a vertu de estraindre et
de conforter et vault a dissintere / a lyeutere
et dyarrie qui procede de foiblesse de la ver
tu contentiue. Et si vault contre vomissement
colerique et contre sincope et sanglout et pas
sion cardiaque quant elle vient de la chaleur
des parties spirituelles / et lors on le donne
avec eae rose. Le electuaire du ius de roses
est ainsi faict. Prenez sucre et eae de roses
autant de lung comme de lautre de chas
cun vne liure et quatre onces de sandalz des
trois manieres / six onces spodii / trois on
ces dyagredii douze dragmes / et de canfre
vne dragme et trempera tout ensemble a la
forme d'ung electuaire avec le sirop faict de
sacchar et du ius de roses et en doit on donner
du gros d'une chasteigne avec eae chaul
de a lheure de matines. Il vault contre gout
te chaulde et si purge la colle rouge et ceulx
qui ont eu fieure tierce et sont en coualescen
ce en peuvent estre purgez chascun iour sans
angoisse et bouter hors tressort les mauuai
ses humeurs qui sont demourees. Sirop
rosat est ainsi faict. Aucuns cuspent roses
en eae et en icelle capture mettent du suc
cre et leur suffist. Aucuns autres le font
mieulx. Ilz mettent roses en aucun baissel
qui a estroicte bouche et gettent eae bouil
lant par dessus et le laissent ainsi iusques a
ce que leaue soit rouge et de ce font le sirop.
Les autres broient roses vertes et en sachet
le ius / et de ce font leur sirop / et est ce dernier
le meilleur et tresbon. Et deuds scauoir q le
sirop faict de roses vertes / lasche premiere
met vng peu et puis restraint: mais celluy q
est de roses seiches serre au comencement et a
la fin. On le done avec eae de pluye ou de
roses a ceulx q ont flux de vêtre ou vomis
sement colerique et a ceulx q ont fieure avec
eae froide apres ce quilz auront este sai
gnez / et aussi a ceulx qui sincopent. Selon
Nicolas on le faict par ceste maniere. On
prend roses fresches et les met on en vng

Des arbres portans fruit / & de ceulx qui ne portent point de fruit.

Baïssel p soy et puis met on sur le feu eue en vne chaudiere iusques a ce q'lle bouille et puis quant elle boult on la gette sur ces roses / et apres on estoupe le Baïssel que la fumee nen saille / et quant leue y est refroi Die on en oste hors les roses et puis faict on rebouillir ceste eue et la regette len dessus autres roses fresches et le faict on ainsi par plusieurs fois en rechangeant tousiours les roses iusques a ce que leue soit rouge / et apres on prent quatre liures de ceste eue et quatre liures de sucre & les met on ensemble sur le feu / & quant il commencera a bouillir on prent les aubins daucuns oeufz avec eue froide et les bat on tant que ilz escument fort et puis on gette celle escume sur le sirop en espendant / et quant celle escume se prent a noircir on loste tout doucement a vne cueiller et puis y en remet on de laustre iusques a tant que il soit cler . Et quant il commence a faire fil entre deux doïdz qui se prendront & esslargiront ou quant il filera a la cueiller cest signe quil est cuit . Ce sirop vault a ardeur / a chaleur et seicheresse de fieure et estaint la soif & conforte & restraint . En ceste maniere faict on le sirop Violat et le sirop nenuphar q' valent cōtre tresgrans chaleurs a tresgrans maladies . Huylle rosat est ainsi faicte . Aucuns cuspent roses en huylle commune et la coulent / et les autres cassent roses Vertes & les mettent en huylle et puis mettēt tout en vng Baïssel de Voire au soleil p cinquante iours et est bon : mais selon Nicolas on le faict ainsi . En deux liures dhuyllle cōmune bien nettopee & lauee on mettra vne liure de roses Vertes en aucune maniere cassees en vng pot et ce emplira le pot et puis ce pot sera mis en vne chaudiere pleine deue sur le feu bien pendu et bouillra la tant quil nen demourra que les deux pars et seront ces deux pars mises en vng sac de lin blanc et nect et puis sera espraint au pressouer et en ceste maniere faict on lhuylle Violat et sabbatum et

mirtum et valent ces huylles contre agues maladies et tresagues qui sen oingt sur le foye / sur le poux / les tēpies / les paulmes / & les plātes des piedz pource quelles estaingnent la chaleur . On faict eue rose en plusieurs manieres : car aucuns ont vne paelle de plomb que ilz mettēt sur vng fournel de terre / & entre le plomb & la terre mettent cēdres lespeisseur de deux doïdz affin q' leue ne sente la fumee / & sur ceste paele de plomb mettent vne chapelle de plomb qui a vne nez par ou leue descend en vne fiole de Voire et puis on la pend au soleil par aucuns iours & la elle se recuit / et apres est bonne a garder . Les autres qui veulent plus subtilement faire si prennent ceste chapelle et la mettent dedās vng chaudieron plein deue au feu & la font bouillir et soit en telle disposition que len puisse mettre de leue dedans le Baïssel en lieu de celle qui se degastera au feu et celle eue sera tresbonne . Aucuns enfillent pampes de roses & les mettēt en vng Baïssel de Voire en pendant au soleil en telle maniere quelles ne touchēt au Baïssel de quelconque part et lestoupent tellement que nulle vapeur nen peult yssir . Et est ceste eue la meilleur qui puisse estre : mais il y a grant labour & si en vient peu deue . Ceste eue a vertu de conforter et restraindre flux de Ventre & Vomissement colerique . On donnera eue rose simple ou eue de la decoctiō de mastic et de girofle contre lesditz flux et Vomissement / et par especial contre le flux venant de la foiblesse de vertu contentiue ou contre lague violence daucune medicine deuant prinse qui auroit trop mene a chambree . On le donne en buuage a ceulx qui sincopent et a ceulx qui ont cardiaque passion et aussi on leur en gette contre la face . On la met es colires pour mal des yeulx et en oignemens pour la face pource quelle torche le drap de la face et subtilie le cuir . Roses seiches mises aux nez confortent le ceruel et rappellent les esperitz . Contre

flux de Ventre de colle Vault eue de pluye ou roses auront este cuytes / et aussi Vault a ce emplastre faict de roses & daubins doeufz et Vin aigre quant on le met sur le petit Vētre & sur les reins. Contre Vomissement cuysez roses en Vin aigre & mouillez Vne espurge dedans & la mettez sur la bouche de lestomac. Contre sincope Vault leue de la decoction de roses / et aussi faict pouldre faicte des roses prinse dedans Vng oeuf mol. Contre la rougeur des yeulx q̄ y sent pointure Valt roses cuytes en eue & mises sur loeil. La fleur de roses q̄ est dedās est nōmee auera Vault moult cōtre flux & Vomissement. La pouldre de celle fleur mise sur la luette degaste l'humour de celle luette. Et deuons sauoir q̄ le ius de roses Vertes se peult garder par Vng an en Vng Vaisel de Boire. Auicenne dit que la rose adresse la puasue de sueur quant on la met en baing. Et qui faict emplastre de roses bien cassees et non esprainctes et le met sur apostumes chaulz des il les dissoult.

¶ Du romarin. Chap. xxiiii.



Romarin est Vng petit arbret bien odorāt q̄ est tout tēps verd & ressemble aucunemēt a zampre dōt dessus est parle / & pource lapelle len romarin. On le plante de plantes q̄ yssent de la racine de leur mere et de rainceaulx fichez en terre au tēps q̄ len faict les autres plantatiōs. Il est chauld & sec: mais l'excellence nest poit determinee en q̄l degre. Les fleurs & les feuilles sont bien medicinables. La fleur est appellee anthos dont len faict lelectuaire appelle dyantos. Cest arbret est appelle lauotides ou detrolibanes / & quāt il viēt en aucune recepte on y met les feuilles. Les fleurs et les feuilles aucunesment seichees au soleil se gardēt par Vng an et ont vertu de cōforter pour leur odeur aromatique / et de dissouldre pour leur chaleur et de nettoier / et de torcher & degaster pour leur seicheresse. Et ont vertu dyasoretique

pour leur chaleur. Contre sincope & cardiazque Vault dyanthos avec Vin / & aussi fault cuire les fleurs en Vin / et boire le Vin. Contre froidure destomac & a cōforter lestomac Vault dyāthos & aussi le Vin ou est cuyte la fleur avec mastic. Contre la douleur des boyaulx & de lestomac p̄ Vēt Vault le Vin ou est cuyte la fleur avec le Vin / & cōtre froidure du ceruel len cuyra les fleurs du romarin en Vin & q̄ le malade ait le chef bien couuert et en recoiue la fume. Cōtre l'humour de la luette on gargarisera du Vin ou du Vin aigre ou sera cuyte la fleur. Cōtre l'empeschement de Vriner les fleurs ou au moins les feuilles cuytes en Vin soyent emplastrees. Pour nettoier la marris & apder a cōceuoir on fera Vng baing p̄ dessoubz de leue de la decoctiō de romarin. Les fēmes mettēt des fleurs cuytes en huylle par leur secret lieu.

¶ Du sapin. Chap. xxviii.



Sapin autrement dit abies pielle & asere sont ainsi cōme tout Vng arbre On ne les laboure point & viennent beaulx & grās en lieux pleins de neiges & tous sōt merueilleusemēt haulx & droit esleuez & ont feuilles Vertes en toutes saisons. On en faict arbres / auirons et autres choses pour nefz bien grandes ausquelz nulz autres arbres ne pourroyēt bien suffire. Ilz sont trespōns en toutes oeures de edificies pource que ilz sont legiers & roides & bonne duree. Les aiz & planches q̄ en sont faictes aornent moult bel tous hostels & aussi lieux ou elles sont mises. Aussi on en faict Vaisseaulx pour mettre Vin tant grās comme petis : mais le Vin que len y met se tourne legierement en Vin aigre. Arese est bon par especial pour faire seaulx a porter eue mais sapin et pielle sont legierement empirez par eue.

¶ Du sicamor. Chap. xxx.

Sicamor est Vng petit arbret presque pareil au sanguinon en bois & faict trespōns les verges et est son escorce trespōlle et

Des arbres portans fruit / & de ceulx qui ne portent point de fruit.

tient si fort au boys que len en fait moult beaulx manches a couteaulx et croist communement le sicamor en boys qui sont pres de montaignes.

Du saulx. Chap. xxvi.

Saulx est vng arbre commun ainsi appelle pource que il sault tantost quil est plante en croissant enhault. Cest arbre se delecte moult en lieux moistes et graueleux et en palus et ne gette pas ses racines moult en parfond. On plante le saulx tresbiē sans racines en terre percee dung pieu et y met on vne plante de deux ans & puis doit on replir le trou de sablon ou de terre deliee / se la terre ou il sera plante est cropeuse et apres met on de la crope dessus / & se la terre ou il sera plante est deliee il doit suffire q le trou soit emply de la terre mesmes. Et luy profite bien quant il est plante en tel regard du ciel comme il estoit sur l'arbre. On doit planter le saulx en octobre & nouēbre & en feurier et encores vault mieulx en mars quant la seue et le ius verd se reboute es brāches qui sont sur l'arbre / et quant il est plante ou retaille en avril & en may tout ce qui est en la tige fors que le sommet denhaut & au trois ou au quatriesme an / on taille tout egallement six piedz par dessus terre : mais se le saulx estoit forme en maniere que la teste ne fust par dessus terre fors deux piedz seulement il engetteroit plus nobles / meilleures et plus longues perches et si durerait plus longuement pource que cest arbre de tant cōme il est plus bas & pres de terre de tāt il habonde plus en rinceaulx & si en est plus aise a tailler : mais toutesuoyes se bestes y hātent il en est en plus grāt peril destre rōge. On doit planter les saulx a huyt ou dix piedz loing lung de lautre a ce que lumbre de lung ne nuyse a lautre / & aussi q l ne nuyse a ce qui sera dessoubz seme ou plante. Les perches des saulx se doiuent trēcher de trois ans en trois ans / cest a scauoir les menues

au plus pres du saulx et les grosses a trois ou quatre doidz loing du saulx & que la taille en soit ronde & non pas de trauers et doit estre taille tout ce qui est sec au saulx & que lenny face nulz chānalz loing a loing : mais petit a petit & que doucement ilz soyent espanduz par les costez pource q par ceste maniere ilz en ferōt plus lōgues & plus nettes perches et qui dureront par long temps. Et es annees que len ne taillera poit les saulx il est bon den couper les menus osiers au lōg des perches & brāches pour enfaire liēs et les perches en prendront meilleur croissance. De saulx ferme quāt il nest point retaille ne les perches trenchedes on en fait trefz & est bon mestrien pour faire maisons & du tresgros on fait bōnes aiz & vasseaulx a vin / & escuelles & trenchoirs / & des concaves on fait ruches & chatoires pour mouches a miel / & des saulx & des osiers on retient les vignes & si en fait on hayes / clostures & lyeures. Saulx est bon en medicine quant a l'escorce / & les fleurs et les fueilles : car il a vertu de consolider & restraindre. Le ius des fueilles espraint & beu vault contre dissintere & contre l'escorchemēt des entrails les qui est dissintere. On beuera la pouldre de l'escorce du saulx arse avec aucun autre bruuage. Ceste pouldre aussi consolide les escorcheures du cuyz par dehors. Et si comme dit Dyascorides icelle pouldre beue avec vin aigre / & aussi emplastre dessus guerist les poreaulx et les superfluitez q viennent sur le cuyz. On doit mettre fueilles de saulx arrousees de vin aigre ou deaue entour ceulx qui sont en fieure. Isaac dit q la fleur & la semence de saulx ont ceste vertu q se femmes en boient elles ne seront point grosses et ne porteront nulz enfans : mais aincōys seront brehaignes.

Du sauigner. Chap. xxvii.

Sauigner est vng petit arbre / qui est tousiours verd / et a les fueilles semblables a Cypres. Cest arbre peult

Venir en tous lieux & le plante len Boulentiers en iardins/ Bergiers et en cloistres de religieux pource que par les perches et cerces que on luy baille/ il espant ses brâches a grant beaulte. On le plante en ses branches ainsi cōme dit est du bouix/ et sont les branches fichees en terre. Cest arbre est chaud et sec au tiers degre/ et valent les feuilles seulement en medecine/ et les peult on garder par deux ans/ le vin ou elles sont cuytes vault a la douleur de lestomac & des boyaulx. Qui les cuyt en vin et les emplatstre sur le petit ventre elles valent a ceulx qui ne peuvent vriner et a dissintere & contre la douleur des boyaulx mises sur le ventre. Elles sont dyasoretiques et diuretiques. Qui aussi se baigne par auail en laue ou elles sont cuytes ce vault aux choses desusdictes/ et si faict Venir aux femmes leur tēps et si faict yssir le fruict mort. Et q les cuyt en huylle & les met par dessoubz elles y valent autant. Contre vne maladie appelée tenasmon qui procede de froide cause/ se on cuyt ces feuilles en vin aigre et en vin/ & que le malade en recoiue la fumee il luy vault moult.

¶ Du sehuz.

Chap. xxviii.



Sehuz est vng arbre biencōmun & cōgneu q croist es hayes & est plante par ses rinceaulx fichez en terre: car il reprent legierement. On faict tresbons arcs de sehuz quāt il est gros/ & quant il est tresgros on en faict bones saiettes/ on en faict aussi cānes pour tonneaulx et autres basseaulx. Sehuz est de vertu chaude & seiche au second degre. Il est bon en medecine/ & par especial lescorce & puis les feuilles/ & apres les fleurs. Il a vertu diuretique attractiue et purgatiue. Cōtre cotidienne on purgera premierement & puis on dōnera auant lheure de laccession le vin de la decoction de lescorce moyēne de sehuz. Le ius du sehuz donne par soy ou avec miel tue les vers au corps. Pour faire

Venir le tēps aux femmes on dōne le ius de lescorce par le pessaire/ ou q len face emplastre des escorces. Qui cuyt lescorce en eaue salee & en laue ses piedz se ilz sont enflez ilz desenfient/ et oste aussi la douleur des parties de dehors.

¶ Du sanguinon.

Chap. xxxi.

Sanguinon est vng petit arbret q moult bourionne es hayes et les faict estre moult espesses/ mais il na nulles espines et gette belles Berges et fermes et en faict on petis arbretz & gettōs a gluer pour prendre oyseaulx et des lyens pour tistre toilles qui sont tresbons & conuenables.

¶ Dung arbre nomme scope.

Chapitre. xxx.



Scope est vng petit arbret presque pareil a zāpre & si a racine rōde/ & si est si dure & si pleine de neux que len en faict tresbons hanaps.

¶ Du tamarist.

Chap. xxxi.



Tamarist est vng arbre chaud au second degre. Qui le cuyt en vin & en boit il vault cōtre opisation de rate & de foye/ & si oste & dissoult lempeschement de vriner. Et encorres plus q le cuit en ses viandes & le mangeue/ & a ce mesmes vault q boit souuent a vng baissel faict de son bois/ & sont les escorces de plus grant vertu que les feuilles.

¶ De vnicus.

Chap. xxxii.



Vnicus est vng arbre cōgneu qui est plante cōme saulx pource ql est dune mesme nature/ et aussi pource ql y est bien conuenablement. Cest arbre faict feuilles iaulnes & aucuns les fōt noires & les autres rouges. Cest luy q est plante en lieux chauds & mesgres si faict Berges plus fortes/ & celluy q est en lieu moiste/ gras & vmbage les faict plus moles. Et est vne autre maniere de cest arbret q les aucuns appellent gorre/ et les autres grete qui est tresbon pour tynnes & tonneaulx pource ql porte longs rinceaulx/

Des Vertuz des Herbes/ des iardins & de leur labourage.

et aux boutz bien gros et Berges deliees et ployans et se reprēnent legieremēt en terre. Se len faict Berges de demy pied & quelles soyēt boutees en terre en telle maniere quil en demeure deux doirdz par dessus terre ias mais la souche ne croistra plus hault. Et en pult on faire tresbeaulx gettoirs comme de saulfoyes qui les plante en terre dis/ soulte loing dūg pied lung de lautre de toutes pars/ & se doit retailler chascun an.

CDu zimus. Chap. xxxiii.

Zimus ou zintrus est vng arbre q a grosse escorce / et est tresbonne pour plamiles ou rimaires: car il vient de trois ans en trois ans ou de quatre ans en quatre ans / & en icelluy temps l'escorce chet ainsi de l'arbre / et puis renaist qui est contre la nature des escorces de tous autres arbres pource quilz seichent quant on les escorche: car l'escorce des arbres est ainsi comme le cupz es bestes / et qui en osteroit aucune partie elle ne renaistroit point ne reuiendrait en telle maniere ne en tel estat comme parauant / aincoys y auoit trace ou difformite.

Ccy fine le quint liure/ et ensuyt le sixiesme.

CDes Vertuz des herbes en cōmun. Chapitre premier.

Nous disons que l'arbre seulement contient la parfaicte nature de plante et que en l'arbre s'elongnent plus les proprietiez elementaires des excellences quilz ont en iceulx simples elemēs / mais les herbes & les choulx selon ma raison ont le nom et raison de plante / et sont en elles les qualitez elemētares trop plus agues & moins eslongnees des excellences des simples ele-

mēs / & pource elles sont mēdres & meilleures & aussi q̄lles se departēt moins de la premiere humeur engressant dedās terre et ne se eslieuēt pas en hault pour la foible vertu de lame Vegetatiue & penetrāt en elles. Et de tāt q̄lles sont plus voisines aux elemēs de tāt sont elles plus prochaines a leur matiere. Et la forme q̄ est leur ame Vegetatiue si a mēdre victoire en elles / et pource elles sont plus efficaux a trāsmuer les corps et si en sont meilleures & plus conuenables a medecine q̄ quelcōque autre chose. Si dy doncques cōme dit frere Albert l'alemant le noble philosophe q̄ les herbes ont aucunes qualitez des choses cōposans & aucunes de leurs cōpositiōs / & les autres de leurs especes chascune selon soy. Elles ont de leurs composans eschauffer / refroidir / seicher et amoistrir / & de leurs cōpositiōs elles ont ces qualitez brisees et diuisees / aucunes fois tēnās ensemble & aucunes fois subtiles & trespassans: car les plusieurs dicelles se elles nauoyēt chaleur brisee / & par especial en humeur & froidure elles ardroyēt ce a quoy elles se ioindroyēt sans nulle doubte. Et autant dis ie de froidure q̄ se elle nestoit brisee elle amortiroit tout / et ainsi de moisteur et de seicheresse: Car chaleur ne se tiendrait point es fleurs se elle nestoit tenue de humeur et de sec aucunemēt souffrāt / ne le sec ne trespasseroit point se il ne prenoit subtilite de la moisteur et aguisement de la chaleur / & retenāce & detētion p sa froidure. Et si ont aussi de leurs especes plusieurs qualitez & merueilleuses operatiōs: car lune par sa vertu purge la colle cōme scamonee / lautre de sa vertu purge le fleume cōme peble / & aucune melencolie cōme feue / et ainsi des autres. Elles nont pas ces vertuz de leurs cōposans & premiers elemens ne de leur cōposition pource que la cōposition ne donne pas la vertu / aincoys elle donne a la vertu du cōposant maniere de ouurer et de souffrir / mais ces compositions / operations e

qualitez sont de toutes leurs especes cōposées & causees des Vertus du ciel et de l'ame car le chault i'amaïs ne purgeroit / aincois degasteroit se il n'estoit cause de la Vertu du ciel dont il ouurast ainsi. Et aussi comme en l'entendement pratique y a formes q̄ meuent les gens & les corps dont elles sont en entendement et es estimations q̄ meuent les bestes. Aussi sont ilz formez es mouuemens et es mouuans des cieulx q̄ sont par les figures des estoilles infuses par infusions es choses generalles q̄ sont formées mouuans et par elles mesmement a aucunes choses auxquelles les qualitez elementaires si ne meuent par aucune maniere. Car nous scauons par experience que la forme q̄ est en l'entendement de la femme si la meult a luxure par soy mesmes / et elle meult en son corps les instrumens & les membres / parquoy elle exerce le faict de luxure et ainsi la forme de l'art se meult par soy mesmes et quier instrumens conuenables pour venir a sa fin. Et selonc ceste maniere les moteurs des cieulx sont plus efficaux mouuans les formes & influer en leur matiere quilz meuent par le mouuement des estoilles et du ciel q̄ l'ame n'est pour influer telles formes au corps q̄ est ioict a elle / car ces formes cōtenans les matieres des choses engendrables et corrompables sont prouuees par plusieurs effectz tant en pierres cōme es plantes / pource q̄ plusieurs effectz sont prins par experimens es pierres et es plantes ou les philosophes et aussi les enchâteurs se estudient & en font merueilles. Et ne sont pas ces oeures des elemens cōponans ne la cōposition de l'herbe selonc soy / aincois sont des formes selonc ce quelles sont influencees des intelligēces et substāces separees / et sicomme chascun scet la matiere ne faict riens p̄ soy / mais elle seuffre tout. Et ny a es plantes formellemēt q̄ trois choses car les formes q̄ sont en elles ou elles sont cōplexionnelles ou celestiennes ou animees

de l'ame vegetatiue q̄ est en elles / car la forme complexionnelle est en elles absolue et comparee dōt l'absolue est comme chaleur / froideur / humeur & seicheresse. Et sont ces choses absolues variees selonc deux choses qui sont es plantes. L'une si est la quantite de l'element cōposant selonc la Vertu / car l'une plante est plus chaude / & l'autre plus froide / et l'autre selonc la nature du lieu ou elle est et croist. Car les plantes ont la qualite des lieux ou elles croissent. Et selonc la diuersite des climatz l'action des qualitez des plantes est variee. Les plantes sont entachées en terre / et pource ont elles plus de la qualite du lieu q̄ les choses q̄ se meuent de place en autre. Et combien q̄ les choses numerables soyent en terre & non mouuables de elles mesmes / toutesuoyes elles sont dures et ne trahent point a elles les humeurs des lieux ou elles sont / & pource elles ne acquierent pas tant des proprietes de leurs lieux cōme les plantes q̄ sont premierement molles / et par especial les herbes / car elles succent leur nourriture du lieu comme de leur ventre. Les mesmes qualitez sont cōparees et sont aguisees & fortifiees et aussi brisees & affoiblies / car la chaleur est aguisee pour la Vertu de seicheresse qui a la seigneurie. Mais la chaleur est brisee par la seigneurie de l'eau. Et de ce vient que aucunes fois deux plantes ont pareilles chaleurs selonc leur essence / et si sont variees en leurs actions / pource q̄ la chaleur de l'une est ague & l'autre est brisee / & de ce vient aussi que l'une deuure plus fort en parfond & l'autre deuure plus fort en la superficie / cest a dire par dehors sans entrer en parfond / car la chaleur q̄ est en subtile moisteir trespassce plus fort en parfond / & si tient & assemble la sa Vertu & la chaleur q̄ se tiēt au gros sec est par aduenture plus fort / et toutesuoyes elle ne trespassera point & si ne ouurera force en la superficie de la terre par dehors pource que grosse seicheresse ne peut trespasser.

En ceste maniere est comparee froidure a sec & moiste / car cōbien q̄ toute qualite active soit fortiffiee en grosse substance depuis quelle l'aura receue / toutesuoyes sa grosseur empesche la penetration / et pource elle oeuvre moins en autre q̄ a moindre ou pareille qui est en substance subtile. Et encores la qualite active qui est en la substance subtile cōbien quelle soit par aduēture plus grāde que celle qui est en la grosse substance / toutesuoyes elle ne parfera pas son operation pource quelle euapozera au subtil moiste ou elle est auant quelle y accomplisse son action / pource q̄ la seiche ouurerā plus longuement / & q̄ la qualite active sera retenue par la grosse.

Des iardins & de leur labourage en commun.

Chapitre.ii.

En general nous parlerons des iardins / car ilz desirēt air frāc & attrēpe ou presque attrēpe. Et peult apparoir par ce q̄ es lieux de trop grāt chaleur ou trop secs les herbes si biēnent a perdition ou peu sen fault q̄ ne leur ayde daucune eue ou moisteur ou se il ny biēt habōdāce de pluyes. Et aussi veds nous q̄ tēps & lieu de mortel froid les pert & destruit. Et si voyons quelles ne sont de quelque proffit es lieux vmbraiges. Elles veulent terre moyennement deliee & moiste & mieulx que seiche / car croye & argille sont contraires aux herbes & ennemies aux iardins et aux laboureurs. Et les herbes qui sont mises en terre trop dissoulte si sont tresbelles au commencement de printemps / mais elles seichent en este. Les iardins desirēt ruysselaux deuee pres deulx / affin que quāt mestier et besoing en est on puisse faire venir de leuee es fosses & les arrouser. Et q̄ ne peult auoir ruyssel si ait fontaine / puy ou piscine q̄ puisse seruir aux iardins en lieu de ruyssel / et q̄ ne pourra auoir aucune des choses dessusdictes si y face len

plusieurs petites fosses ou leuee des pluyes soit retenue par aucun temps. Valadius dit noblement q̄ le iardin q̄ est au ciel delement & feru & courou de humeur de fontaine il est prest & frāc & ne requiert quelconque art ou discipline de semer. Apres iardins requierent tresgrasse terre / & pource on doit auoir tousiours au plus hault du iardin vng fumier duquel le ius luy descende par nature pour le faire plantureux / et que dicelluy fumier chascune des espasses du iardin soyent engressees vne fois lan quant on le deura semer ou plāter. Et doit estre le iardin pres de la maison / mais loing de laire / pource que la poulde perce les fueilles des herbes & leur est contraire et les seiche. Le lieu est bon ou la terre sencline aucunement en maniere descendant si q̄ leuee y puisse auoir son cours par espaces determinees. Se len a grāt espace de terre pour iardins on diuisera les parties par telle maniere que celle ou len semera en autōne sera fouye en printemps / et celle que len semera en printemps sera fouye en automne si que chascune terre fouye ait le benefice du froit & du chault et que elle en soit cuite. Et est bon q̄ en lieux moistes ou on deura semer en printemps que len face enuiron la fin de nouēbre plusieurs fosses cauez ou dequeure l'humeur superflue des aires au tēps des semailles affin que le lieu soit plus meurement emply es fosses dicelles semēces. Et se on a deffault de terre en quelque tēps de lan quāt la terre sera trouuee egale entre humeur et seicheresse on la peult fouyr / remuer / fossoyer et tātost semer / mais se elle est tresbien engressee les choses semees en receuront greigneur accroissemēt. Et aussi que le fouyssemēt & labourage soit faict parfond a la premiere fois & gros dung grant & fort instrument / & q̄ la soit espādū du fiens / et puis apres on le fouyra a houes menuemēt et tāt comme len pourra on messera la terre et le fiens ensemble / & tellement q̄ tout soit mis

En poultre/ et quant il sera temps de semer len fera aires de cinq piedz et tant longues cōme len voult sur lesquelles on gettera la semence/ et puis apres on la couvrera de la terre deliee au ratel. Et sil y a grosse terre & dure on la cassera/ et apres on couvrira ces aires de fiens/ & par especial celles q len semera en puer: car par ce la terre sera engressee et deffendue la semence du froit. Et les herbes qui aurōt este arrachees ou laire sera faicte comme laictues/ bettes/ bourrachés/ chouly & les semblables pourrōt estre replantees autour des fosses des aires affin que on en ait au caresme ensuyuant & si nespcheront riens/ & en pourra len garder assez pour auoir des semences. Et aussi peult on semer es iardins plusieurs herbes tous les tēps de lan quāt lair & la terre & la science de lhōme se entreaccorderont et que il ny aura point de discord. Mais toutesuoyes les principales semailles sont en deux tēps et saisons. Lune en printemps/ cest assauoir en feurier ou en mars. Et lautre en autōne cest assauoir en septembre ou en octobre par telle maniere que es lieux froidz la semee soit faicte plus meure et celle de printemps plus tard. Et en chauldes cōtrees que celle dautōne soit faicte plus tard & celle de printemps plus meure. Mais on doit scauoir q en lieux attrēpez & chaulx la semee de printemps est meilleure destre faicte en la fin de nouembre ou au cōmencement de decembre q elle ne seroit faicte en feurier ou en mars/ combien que les semences ne doiuent point getter iusques au mōys de feurier: car les herbes en seront plus meures en caresme/ & les poreaulx & oignons en seront plus tost trāsplantez. On peult a prouffit semer les herbes ensemble & desseurer: Car q les semera ensemble on les pourra arracher quāt elles seront bonnes et transplanter ailleurs cōme chouly/ poreaulx & oignons. Et de celles que len ne transplantera point on otera premierement arroches & epinoches qui ne

durēt pas longuemēt es iardins/ & demourront les bettes/ persin et sarriette et aucuns chouly & laictues et fenoil. Et les aucunes quāt elles seront plus cleres seront sarclees affin quelles viennent a parfaicte croissances: & les herbes qui ne se transplangent point doiuent estre cler semees/ & celles qui sont a trāsplanter doiuent estre semees plus espesses. Et deuons scauoir q la ou on doit planter poreaulx/ oignons/ chouly/ fasauly/ mil pannic/ courges/ concombres/ mellons & citrulz peuent estre semees es mōys de decēbre/ iāuier et feurier toutes herbes qui sont vsees auāt q len seme les autres ou plante comme sont arroches/ espinoches/ laictues/ chouly/ porette et leurs semblables. Et doit on bien aduiser q les semēces que len veult semer ne soyent point corrompues/ & pource doit on eslire semences q facent farine blanchē et les plus pesans/ grasses et grosses/ et dicelles sont les meilleures celles dung an. Toutesuoyes il aduiert aucunes fois q cōbien que les semences soyent tresbōnes si ne viennent elles pas a prouffit par aucun empeschement des corps du ciel. Et pource est bon aucunes fois de semer ensemble diuerses semences/ affin que se le temps est contraire a aucunes dicelles q le champ ne demeure pas tout nud: car combien q les plantes empeschent aucunes fois lune lautre comme dit est au secōd liure/ toutesuoyes no⁹ Bedes souuent les herbes diuerses venir ensemble & croistre/ comme len voit es prez & en plusieurs autres lieux. Et ne aduiert pas souuent que nature face seulement herbe dune espece quant elle est lāsee en son mouuement naturel. Si la deuons ensuyuir a nos pouoirs comme la sage maistresse. Et aussi nous deuons scauoir ql faict bon semer toutes herbes quāt la lune est en croissant pour la raison dessusdicte au secōd liure. Et aduiert souuent q ce que len seme au decours de la lune ne vient point a prouffit. On doit trāsplanter les herbes en terre qui soit bien

labouree & bien fouee / & la on faict vng trou d'ung pel ou en aires par soy ou plusieurs diceilles entour les aires des herbes qui auront este nouuellement semees . On peult bien transplanter toutes herbes excepte espinoches / arroches & anet / & en tous tēps q̄ les plantes seront vng peu creues et que la terre ne sera pas trop seiche combien quelle ne soit pas molle ainsi q̄ plusieurs le requierent . On les trāsplante affin que la saueur des herbes soit muee en meilleure et soit affranchie / & que celles qui aurōt este semees trop espesses et dures soyent transplantees plus au large affin q̄ on les puisse sarcler & que elles croissent mieulx et plus hault et plus au large . Et si n'est point de necessite de mettre fiens aux racines quant on les trāsplante : mais a aucunes il est bon de trācher les sommetz des racines / cōme il appert au traicte de chascune herbe . Et les doit on sarcler toutes fois que herbes nuyfantes y suruiennēt / & les doit on oster tant a l'instrument de fer cōme aux mains affin quelles nostēt la nourriture aux meilleures herbes & les doit on serfouyr tāt pour le pois de la terre comme pour lesgout de leue & pour le defoulement des piedz des gens dont la terre s'endurcist . Mais len doit scauoir q̄ quant la terre est trop mole on ne la doit point toucher / mais se elle est trop seiche cōbien quelle ne se puisse pas trop aiseement remouuoir / toutesuoyes doit on refouiller les herbes au sarcloir & est tresproffitable aux iardins . Plusieurs inconueniens aduiennent aux iardins / nous sōmes contrainctz de faire iardin en terre croyeuse & trop ferme & la est le prouffit de mesler du sablon & du fiens largement ou lung ou l'autre & que la terre soit ressouuent remuee . Et aucunes fois la terre est si remuee et ramenee en pouldre q̄ l'humour sen va legieremēt et que le iardin est tout sec en tēps d'este / & lors il est bon de mesler fiens & croye se on ne le peult legierement arroser ou que il ny pleuue par long

tēps . Et se le iardin est du tout trop plein de leue on le doit ceindre de grās fosses & aussi que par le iardin en ait daucuns parquoy l'humour superflue dequeure et descende aux parties derrieres d'entour . Et se il est trop sec et trop arde on ne le doit point ceindre de fosses pource que ilz attrapent l'humour / mais on le doit labourer deux piedz en parfond pource que tel labourage oubliet et a en negligence seicheresse et que on les arroise au temps de greigneurs chaleurs / & que len donne vngrie aux ieunes plantes & que len couure en fort puer les nouuelles semences gettees affin que elles ne soyent pas corrompues pour le froit . Contre la rougeur et nyules on doit mettre pailles et nettoyeures par le iardin en diuers lieux / et quant on voit venir lesditz rougeur et nyules ardoir tout ensemble . Contre les limascons on doit auoir cueilleurs qui les cueilleront & osteront . Et cōtre les fourmis se ilz sont au iardin & que ilz ayent aucuns trous ou repaires / on mettra au trou le cueur d'une chauuesouris / sicomme dit Paladius / ou que len y mette de lorigan et du soulfre broyez ensemble : & se ilz yssent hors on ceindra toute l'espace du iardin entour de cēdre ou de la blācheur de croye / & qui y fera vne ligne d'hyppile ilz ny oseront passer iusques a ce q̄lle soit seiche . Ce est fort a faire / mais il est proffitable aux arbres ou sont les fourmis . Et contre les hennetons on mouillera les semences que len voudra semer en ius de rombarde ou de sang de hennetons ou que on face cueillir lesditz hennetons par enfans aux mains & les tuer quant ilz griefuent le iardin . On doit semer chiches entre les choulx pour plusieurs signes et merueilles affin q̄ les choulx greuez nengendrent pas les bestes au cuir des cauernes et trous des choulx . On doit semer toutes les semences seiches et nettes en diuers lieux par especial entre les choulx . Cōtre les souris & les taupes il est expediēt que len ait es iardins

gracieuses monstrelles et priuees. Aucuns estoupēt leurs pertuis de crope et de ius de concōbre aigre & sauuaige/ & les autres ostēt le trou en foupissant iusques a la terre ferme et puis si mettent a l'entree du trou a la terre ferme eue/ et puis quāt la beste sault hors ilz loccient. On dit que toutes semences de champs et de iardins sont gardees & deffendues de toutes bestes/ mōstres & empeschemens se len trempe icelles semences en ius de concombre sauuaige et de eruque. On cueille aucunes herbes pour māger en les taillant au coutel vng peu dessus terre & de plusieurs on cueille seulement les fueilz les quāt elles sont Venues a leur deue croissances/ cōme sōt bettes/ bourraches/ chouly et persin. Mais en puer on cueille & trēche tous les chouly. Et de toutes ces herbes exceptees le persin/ le fenoil & la sauge & aucunes autres se len coupe souuēt leurs tiges quant elles sont nees ou creues elles en demeurent plus longuement en verdure & ne semēceront point. Mais toutesuoyes pour medicines il les conuient cueillir puis que elles sont entierement cōmencees a croistre ainsi quelles doiuent auant que les fleurs en apparent changer leurs couleurs & que les cheent dōt les semēces sont apres cueillies & ny a poit de terme presy & lors on seiche leur aquosite & humeur et ce q̄ elles ont de creu. On doit prendre & oster les racines quāt les fueilles sont cheues & doit on cueillir les fleurs quant elles sont entierement ouuertes et auant quelles cheent ou seichēt Et doit estre l'herbe cueillie quāt elle est Venue a son entiere perfectiō. Des fructz les aucuns sont cueilliz quant leur acomplissement est fine & auāt q̄lz soyēt prestz de cheoir et sont les meilleurs ceulx qui sont cueilliz au detours de la lune & sont plus gardables que ceulx q̄ sont cueilliz en croissant/ & aussi sont meilleurs ceulx q̄ sont cueilliz par cler temps et net que ceulx qui sont cueilliz en temps moiste et pres de pluye. Les fructz

sauuaiges sont plus fors que les francs et sont communement mēdres. Et des sauuaiges ceulx des montaignes & q̄ sont en lieuy venteux & plus sauuaiges sont les plus fors et aussi ceulx qui sont plus tainctz en couleur et de saueur plus apparante et de plus forte odeur sont les plus puissans en leurs especes. Et deuons scauoir que la vertu des herbes affoiblie moult apres deux ans ou trois. Les herbes/ fleurs & semences doiuent estre gardees en lieuy secs & obscurs/ & doiuent estre mises en sachelz ou baissaulx bien estroitiz pource q̄ elles si gardēt mieulx et que leur odeur et vertu ne se exallent/ et par especial les fleurs: mais les racines se gardent mieulx en delie sablon ou grauois se ce ne sont racines qui se gardent seichees pource quelles se garderont mieulx en lieu sec et obscur. Et les semences des oignons/ ciboules/ et pozeaulx se garderōt mieulx en leurs escorces que autrement.

De ail.

Chap. iiii.



Il doit estre plante au moys de Mouēbre en terre tresp̄lāche & en fosse tresp̄bien remuee & sans fiens cōbien q̄lz Viēnent bien en terre fumee: mais on le peult semer en Septēbre/ & Octobre & mieulx encores en feurier & en Mars/ & en lieuy chauly en Decēbre/ et se on les laisse en terre quant ilz sont meurs leurs racines en sont renouellees et aussi leurs fueilles en font semēce l'annee ensuyuant q̄ len peult semer apres & en Viēnēt les aulx q̄ len plante p̄ aires loing lung de laustre dune paulme/ & si en peult on mettre en aires avec des herbes deux ou trois renges en chascune aire. On les doit sarcler biē souuēt affin q̄ les chefz Viēnēt mieulx & croissent et qui leur veult faire auoir grant teste il conuient chaucher la terre vng petit loing dont ilz commenceront a saillir affin q̄ leur ius retourne a eulx en terre. On les doit cueillir quant leur tige ne se peult plus sostenir au deffault de la lune et en cler air.

On dit que on les doit semer quant la lune est soubz terre / & aussi se on les arrache quant la lune est soubz terre ilz ne flaireront ne pueront point. Ilz se gardent bien en pailles ou pendus a la fumee a la cheminee. Ail est chault & sec au mylieu du quart degre. Il a vertu dissolutive et consumptiue et boute hors le Venin. Contre morsure de venimeuses bestes / prenez des aulx & les broyez & emplastrez dessus le ius des aulx mangeue & boute hors le Venin / & pource est ail appelle le triacle des Vilains. Contre les Vers prenez des aulx & vng peu de poiure / du persin et du ius de mente / & de vin aigre et en faictes saulces & enmâgez avec chair ou pain. Pour ouurir les boyes du foye et les conduitz de lurine on fera saulce de vin & de ius de herbes diuretiques & les donnera len au paciēt. Contre strangurie et empeschement de Urine et dissintere & douleur de boyaulx / prenez aulx et les cusez en vin et huylle / & en faictes emplastre & le mettez sur la penillere & sur la verge et les mēbres douloureux. Lail nuyt a vser pource que il seiche & nuyt a tout le corps q̄ en vse trop: car il engendre mesellerie & apoplexie & alienation de sens & de pensee & plusieurs autres maladies. Auicenne dit que lail cuyt esclarcist la Voix & la gorge / & si ayde cōtre Vieille toux et cōtre les douleurs du pis de froide cause. ysaac dit quil dōne petite nourriture & nuist aux coleriques & a ceulx qui ont chaleur naturelle & faict bien Uriner les naturellemēt froids & moistes & faict le Vētre mol / & aussi faict le cōtraire a ceulx qui sont secs de nature: mais ceulx q̄ veulent escheuer la nuisance de leur chaleur si les cuspent deux fois en eaue & puis les cōfisēt en vin aigre.

¶ De arroches. Chap. iiii.



Arroche doit estre semee en feurier / mars ou avril et es autres mois iusques en automne se on les peult arroser et ne les doit on point transplanter. Autuns les

sement en decembre en terre bien labourée & bien fumee et viennent mieulx quant elles ne sont pas semees espesses. On peult semer arroche a part soy en ses aires / et aussi avec autres herbes & la doit on souuent arracher a quelque fer quant elle ne cesse de getter & si deult estre souuent arrousee quant le temps est sec et peult on garder la semence bone iusques a quatre ans. Arroche est froide au premier degre & moistte au second / elle nourrist peu & est sa liqueur pleine de eaue et si est tost hors du Vētre: car elle lasche. Qui en faict emplastre sur apostume chaulde elle la refroidist tantost et guerist. La semence en est mundificatiue et collatiue / et pource elle est bone a ceulx q̄ ont iaunice de opylatiō de foye q̄ la dōne en bruuage avec deux dragmes de miel & de eaue chaulde / le vomis semēt colerique en est tost esmeu & appelle.

¶ De anis. Chapitre. v.



Mis desire terre bien remuee et bien fouye / labourée et grasse / et vient tresbien qui le fume et arrouse. On le seme / en feurier ou en mars p soy ou avec autres herbes. Anis est chault & sec au second degre & est appelle en autre maniere / commin & fenoil / romarin & est la semence dune herbe laquelle est ainsi appellee. Il a vertu degastant & dissoluant / & le peult on garder en vertu par quatre ans. Qui laue sa face de son eaue elle clarifie / & aussi faict q̄ en prêt & vse par mesure: mais qui en vse trop il iaulnist la face. Contre Ventositez & indigestions et amere ment router / on dōne vin ou anis aura este cuyt / & fenoil & mastic / ou on dōne de leurs pouldres en viāde avec pouldre de canelle / et adoulcist ce q̄ dit est douleur de boyaulx qui vient de froydure. Contre le Vice de la marris cause de froydure / on dōne la decoction de anis avec trifere grāde. Cōtre opilation de foye on dōne decoction de anis avec autres herbes diuretiq̄s. Cōtre luyeur et tainture par ferir de coup / et par especial

quant elle est en la face ou chef & entour les yeulx / on broyera anis avec commin et les fondera len en cire / et puis les mettra len dessus. La poultre de anis prinse en viande ou en bruyage vault pour accroissement de laict & de semence a homme / et se faict ce en ouurant les conduitz du laict & de la semence.

De anet. Chapitre. Vi.

Anet desire comune terre de iardins et se seme len en feurier et en mars & en lieux doulx en septembre et en octobre / et aussi en Decembre par soy & avec autres herbes / il porte tout estat du ciel : mais le tiebe et attrempe luy est le meilleur. On le doit semer cler et arrouser quat il a deffault de pluye. Aucuns ne couurent point la semence et dient quelle ne peult estre touchée de quelconque inconuenient. Anet est chault et sec au second degre. La semence vault moult en medecine et puis la racine fresche et nouuelle : car la Vieille ne vault riens. La semence peult estre gardée par trois ans : mais elle vault mieulx qui la renouuelle chascun an. La decoction en vault a strangurie et empeschement de Briner & a dissintere & si multiplie le laict aux femmes. Contre la douleur de la marris on doit bouillir en Vin faisselles de anet et les emplastrer dessus. La semence de anet dissoult Ventositez et enfleures et bosses / et aussi font les reins ceaulx. Aussi la semence en purge & nectoye le Vêtre de pourriture de humeurs. Anet de sa propriete oste le sanglout qui Viét de trop grant repletion et se on l'ard ou brusle il est chault et sec au tiers degre et vault contre playes pourries & de long tēps qui sont dedans le corps ou dedans le Ventre. Auicenne dit q la coustumanee de Vser longuement de anet si affoiblist la Veue.

De ache. Chapitre. Vii.

Ache doit estre semee en Aueil et en May : mais on la peult bien semer en feurier & en Mars et en quelconque lieu q lie soit semee elle multiplie : mais

elle reuiet mieulx es lieux ou ont este les Vieilles semences & y multiplie mieulx q en autres lieux nouueaulx. Ache est de deux manieres : car l'une est franche et lautre sauage & de la franche l'une est de iardin & lautre aquatique. Ache de iardin est chaulde au commencement du troiesime degre & seiche au mylieu / et pource prinse cuyte ou crue elle ouure les conduitz des opilations et faict bien Briner et si restraint le Ventre. Ache de sa propriete dissoult la cōstipation des mēbres & faict Vope aux humeurs & les attraict en lestomac & a la nature des femmes par auail & au chef / et pource elle nuyt a ceulx q chēent depilence & a femmes grosses & si faict Vomir. Le Vin ou ache est cuyte guerist des torcions du Ventre qui viennent de Ventosite. La semence est de la greigneur Vertu / & puis la racine & apres l'herbe. Ache deaue est appelee lache des renouilles pour ce quelle croist es eaues ou les renouilles de meurent ou pource quelle prouffite et ayde aux reins. Elle est Vng peu chaulde / & pource elle est plus digerable et conuenable a ceulx q sont chaulx de nature. Qui en faict eplastre avec mie de pain & le met sur lestomac / il oste la chaleur & enassouage lardeur. Ache sauage est appelee ache de ris pour ce que elle purge les humeurs melencoliques dont est engendree tristesse. Ache de ris cuyte en Vin ou en eaque dissoult strangurie & dissintere en est guerie. La fumee d'elle receue par dessoubz faict Venir aux femmes leur tēps. Aussi faict q on met le ius p desz soubz. Et deuoīs scauoir q ache de ris ne doit poit estre prise p la bouche : car on la treuve en plusieurs lieux si forte et si behemente q se on la prensit elle seroit cause de mort.

De alupne. Chapitre. Viii.

Alupne est chaulde au premier degre et seiche au second. Elle a deux Vertus contraires / cest assauoir laxative et restrainctiue. La premiere est de chaleur et d'adertume / & la seconde est de pontiz

cite/grosseur & substance/ & pource on ne la doit point donner se la matiere nest auât digeree/ & la doit on cueillir en may & la seicher en lumbre. Contre les vers q sont es boyaulx on donera alupne avec pouldre de cetoire/ou persiquiere ou boyaulx de pesche ou les fueilles. Qui voudra faire venir le temps aux femmes on donnera le ius par pessere. Ou que len face suppositoire par deuant de alupne/ de ache et darmoyse cuytes en huylle. Contre puresse vault le ius dalupne avecques miel et eae chaulde. Contre vne suffocation qui vient de mager chaspignons on donera le ius dalupne avec vin aigre et eae chaulde. Contre la durese de la rate alupne cuyte soit emplastree sur le coste. Contre douleur et lyeur / cest a dire taincture de cop on fera vne emplastre de ius dalupne et de pouldre de commun et de miel. Contre les vers des oreilles ongettera le ius dalupne dedas/ ius dalupne beu clarifie la veue & mis es yeux il oste la rougeur & le drap. Le ius dalupne garde et desfend liures & draps/ & par especial des vers & si garde de corruption parchemin & encre.

¶ De armoyse. Chap. ix.

Armoyse est chaulde et seiche au troiesme degre & vallent mieulx les fueilles en medicine que la racine/ et si vallent mieulx vertes q seiches. On lappelle la mere des herbes. Elle vault aux femmes qui ne peuvent concevoir pour cause de froidure/ & se cestoit pour cause de chaleur elle les greueroit et ce peult estre apperceu par la complexion de la femme se elle est maisgre ou grasse/ & donera len la pouldre de armoyse avec la pouldre de bistorie et de noir musguettes confites en miel ou en sirop simple en maniere delectuaire / et que on face baigner la femme en eae ou armoyse ait este bien cuyte ou que on luy frote les parties dembas de telle eae que len luy face suppositoire de armoyse et de huylle commune. Pour faire

venir le temps aux femmes on fera pessere du ius darmoyse/ cõtre tenasmon de froide cause/ le malade recevra la fumee par aual et lherbe chaulde sera mise sur vne pierre chaulde et ce faict le malade se asserra par dessus.

¶ De aristologie. Chap. x.



Aristologie est de deux manieres. Lune est longue et lautre rõde. Chascune de ces deux est chaulde et seiche au secõd degre et dient aucuns quelle est seiche au tiers degre. La racine vault mieulx en medicine que lherbe. On la cueille en autõne & la seiche len. Elle se garde par deux ans en grãt vertu. Les fueilles avec les fleurs ont vertu de dissoudre & de bouter hors venin & les peult on garder p deux ans/ cõtre venin et bestes enuenimees on donnera la pouldre daristologie avec ius de mente. La pouldre de aristologie corrode et ronge la chair en playe et en fistule. Pour bouter hors du corps le feult mort on cupra racine daristologie en vin & en huylle et sen oindra len et lauerà et estuera empres les cuisses. La pouldre daristologie messee avec vin aigre si nectoye tresbien le cur de rõgne/ de grãtelle & dordure. Albert dit q elle a merueilleuse vertu de attirer espines & autres choses fichees en la chair. Et tel en dit Eliçene et si dit quelle nectoye lordure des oreilles & conforte louye quãt on la met dedans avec miel et deffend la bourbe et lordure/ et par especial es oreilles et se len sen oingt sur la rate avec vin aigre elle ayde moult grãdemẽt. Et est la rõde aristologie la meilleure et la plus vertueuse en tous cas.

¶ De aurose. Chap. xi.

Aurose est vne herbe chaulde & moistee au premier degre. Elle est subtiliatue / et tressouuent lemplastre qui en est faict deffend lattraction des matieres aux membres. Elle brise la pierre es reins & si faict venir le temps aux femmes

quāt elles se sient en la decoction de elle et si leur ayde cōtre leurs escorcheures & bonte hors la seconduie de lenfant / et aussi faict yssir le fruct et si rassemble la bouche de la marrie de la femme & si louure et sa durete qui la boit ou qui la met par dessoubz en maniere demplastre. On en peult boire iusques au pesant de cinq onces ou selon lauztre exemple iusques a cinq dragmes.

De affodilles. Chap. xii.

Affodilles & cent chet & albuca si sont tout vng & sont chauldes et seiches au second degre. Les fueilles sōt semblables a fueilles de pozeaulx. La racine en est bonne en medicine & meilleure que lherbe / & si vault mieulx verte q seiche. On treuve es racines testes en maniere de genitoires dhōme ou de bestes masles ou de oyseaulx. Affodilles ont vertu diuretique / attractiue / dissolutiue et consumptiue et valent a ce a quoy vault anet et en telle maniere. Elles valent aussi contre taches et contre tous vices des yeulx en ceste maniere. Prenez demye once de saffren et vne once de mierre et les bouillez en demye liure de bon vin rouge et demye liure de ius affodilles iusques a la consumption de la moytie ou q on les mette au soleil en vng vassiel darain par tant de iours q ilz reuiennent a la moytie. Ce q dit est proffite tresmerueilleusement q en oingt les yeulx comme de colire.

De acetuse autrement dicte ozeille.

Chapitre. xiii.

Acetuse est froide et seiche au second degre / & y a en elle stipticite et si surmonte la cole. Lhumour delle est bonne / & la racine delle avec vin aigre vault contre rongne et ordure de cup / et contre gratelle et escorcheure de noirseur. On en faict emplastre aux escroelles et dit len quelle a telle vertu q se on la porte pēdue a son col quelle ayde. Qui la cuit en eau et sen laue elle vault

au cup qui se demangeue / et aussi est elle merueilleusement bonne qui la met en son baing et si la mangeue len voulientiers et par grant desir et bon appetit.

Des bettes. Chap. xiiii.



Bettes veulent terre tresgrasse moiste & bien remuee & tresbien fume pour prouffiter / on les seme proprement au mois de Decembre pour manger & es mois de Januier / feurier et Mars combien que on les puisse bien semer en tout temps en terre couenable / et se elles viennent trop espesses on les peult transplanter ailleurs quant elles seront creues comme de quatre ou de cinq fueilles et mettre aux racines vng peu de fens nouue l / & se on les treuve es lieux ou on ait arrache les herbes & remue la terre / on les peult transplanter entour autres herbes et es fosses denviron. Et si les peult on semer en aires ou il y aura mellons / citrutes ou courges quant ilz commenceront a estendre leurs ranceaulx / pose quil y ait des oignons ou non qui demourront quant on aura leue & cueilly les mellons / citrutes et courges. On les doit souuent sarcler et nettoyer des autres herbes se elles sont mises seules en aires. Les bettes dōt len veult auoir semence seront tresbonnes qui les semera en aoust / & puis que on les transplantera par fosses en iardins ou en aires / et par ainsi elles apporteront tresnobles et bonnes semences. Et deuons scauoir que de vne mesme semence viennent bien nobles bettes qui ne font point de semence le premier an / Mais seulement en lannee prochaine ensuyuant. Et doyuent estre telles bettes mangees. Et si en vient aucunes moins nobles qui le premier an se lieuent en souche & font semence / et quant elles font semence elles sont dissipees et les doit on oster : car elles ne valent riens. On les peult semer par eulx et avec autres herbes ensemble / et quant les autres herbes seront ostees on

sarclera les bettes & sen gardera la semence par quatre ans. Bettes sont froides & moistes au tiers degre. Elles engendrent bone nourriture en lestomac et si amoistissent le Ventre & sont bonnes a gens secs par nature ou qui par accident sont eschauffez / ilz estaignent la soif. Les bettes nettoient les ordures du corps et du chef et les taches de la face & si rappareillent & gardent les cheueulx de la teste. Elles nourrissent mauuaises humeurs qui les mangeue trop souuent comme dit Dyascordes. Aristote dit que sen peult bien enter vng getton dardre sur la racine de la bette tout ainsi comme sur le choul et dit quil y peult croistre et deuenir grant arbre.

De la bourrache. Chap. xv.

Bourrache est semee en Aoust et Septembre / & par especial en Aueil et non pas bien en autre temps. On la peult transplanter presque en tous les temps de lan et la peult on semer seule en aires ou avecques autres herbes. On doit cueillir sa semence dempe meure affin quelle ne chee hors de sa cotte. On cueille lherbe et la semence tout ensemble & les met on par trois iours en vng moncel a ce quelles prennent la leur meurete et puis on les esqueult sur vng drap / & lors la semence en chet tantost & autrement ne la peult on bonement auoir. Elle se peult garder par deux ans. Bourrache est chaulde & moiste au premier degre & de sa propriete elle engendre l'esse & la boit en vin: car elle conforte grandement le cueur et pource elle vault contre cardiaque passion. Qui la cuit en eue et la met avec miel ou sucre et la boit elle nettoie tresbien les couditz du poulmon & de la gorge. Elle engendre tresbon sang & pource elle vault a ceulx qui sont releuez de maladie / a ceulx qui sincoient / aux cardiaques & aux melencolieux qui la mangeue avec chair ou confite avec sang. Contre sincope on donnera sirop de son ius et de sucre. Contre cardiaque on


adiouftera a icelluy sirop poulbre de los du cueur du cerf. Et contre iaulnice on en mangera souuent de cuyte avec chair et si vsera sen de son ius et de scariole.

De basilicon. Chap. xvi.



Basilicon cest a dire ozunium est chault et sec au premier degre / et sont trois especes / l'ung si est girofle & a menues fueilles et est de la plus grant vertu. L'autre benueintain qui a larges fueilles et si y est le tiers q les a moyennes. Ceste herbe a vertu de conforter pour sa bonne odeur et par ses qualitez. Elle a vertu de dissoudre / de consumer / de torcher / et de nectoyer. La decoction de elle avec eue rose vault contre sincope et cardiaque / et a ce vault le vin ou elle aura este par vne nyct: Car tel vin est moult confortatif et soueffiant et vault a ces choses et a indigestion et a flux de Ventre de cause froide. Mais contre le flux vault souverainement se lherbe ou la semence est cuyte en eue de pluue avec vng peu de acatie et que le patient la boque / et si vault a nectoyer la marrie des femmes et a faire venir leur temps.

De bethoine. Chap. xvii.



Bethoine est chaulde & seiche au quart degre. Ses fueilles valent principalement en medicine vertes et seiches. Pour la douleur du chef / on fera gargarisme de la couleure de la decoction de bethoine avec staphizagre et vin aigre. Contre la douleur de lestomac / on prendra la decoction et ius dalupne avecques eue chaulde. Pour nectoyer la marrie et ayder a porter / on se estuera de leue de sa decoction et sen lauera sen par dessoubz bien longuement et prendra sen vng suppositoire delle et vng electuaire confortatif de la poulbre de bethoine et de miel.

De branque brisine.

Chapitre. xviii.

B Ranque Bzine est chaulde & moiste au premier degre. Elle a vertu de amollier. Contre froides apostumes/on la doit broyer et mesler avec vieil oinct de porc et mettre dessus. Contre le vice de la rate on fait oignement de ceste herbe bien broyee avec huplle et cire.

De bistorte. Chap. xix.

Bistorte est la racine dune herbe qui est ainsi appellee qui est froide & seiche en deux ou trois degrez. Elle a vertu resstringiue/cōfortatiue & cōsolidatiue. Contre vomissement de foiblesse ou de ardeur on confira la pouldre de bistorte avecques aulbin doeuf et le cuira len sur vne tuisle et puis soit dōnee au patient. Cōtre dissintere on le dōnera avec ius de plantain. Pour restraindre le tēps superflu aux femmes on les estuera par dessoubz et les baignera len de leaue ou sera cuyte la racine & y mettra len de sa pouldre.

Des courges. Chap. xx.

Courge demande terre grasse et bien labourree et bien fumees et moiste. On la plante en la fin Dauril et au cōmencement de may loing a loing de trois ou quatre piedz par telle maniere que len mettra les graines deux et deux / et en parfond de trois doidz en terre / et que lagu soit par dessus: mais auant que on les plante ilz doiuent estre trempez en eaue par vne nuyct & puis apres len plantera les grains qui pront au fone / et seront gectez ceulx qui floteront / et doit on mesler du fiens avec la terre ou ilz seront plantez: et ne les doit on point planter en fosses q̄ leaue ne si assemble et estaigne le germe. Mais quant elles serōt nees et vng peu esleuees sur terre on les sarclera et mettra len de la terre entour / et quant il sera temps on les arrosera doucement / et se elles sont plantees en peu de terre remuee quant elles se prendront a croistre on foupra toute la terre demuiroy bien parfond

affin que les racines se puissent estendre de tous costez: et quāt elles serōt parcreues on les couurira par dessus du hault dung hōme en maniere dune vigne affin q̄ les rainceaulx fueillus soyent mis par dessus pour faire ombre. Et par dessus les courges on mettra de lherbe pour la chaleur affin quel les croissent mieulx. Du q̄ vouldra on laisser aller les brāches p̄ dessus terre: et affin quelles facent plus de pōmes & plus tost il seroit bon de leur rompre vng peu au sommet leurs principaulx chiefz et plus gros / a ceste fin q̄lz facent rainceaulx q̄ apportēt des autres pommes. Et a este trouuee vne autre maniere de planter plus meurement courges et mellons et dauoir plus meurement les fruitz diceulx. On prent vng peu de terre bien menue et la met on sur vng moncelet de fiens chault tout nouuel mis hors de lestable et au moys de Mars on plante la semēce en icelle terre dōt les courges naissent tātost pour la chaleur du fiens / & quāt elles sont nees on leur doit dōner aucunes deffenses pour les tēpestes & bruiues de nuyct / et tātost q̄ la bruyne sera cessee on les transplantera en aucun lieu conuenable avec vng peu dicelle menue terre. Et de celles que len veult garder pour semer on doit prendre des plus belles & plus grosses & premier nees & les laisser en leur herbe iusques a luyer pour endurcir & puis on les pendra a la fumees ou les semences se gardent bien et soyent la seichees. Et monstre la grosseur du pendant la grādeur de la courge a venir et quāt vous les vouldrez bien planter ouurez les / et de tant cōme elles serōt en plus hault lieu de la courge de tāt serōt les courges plus longues / et de tant quelles seront plus bas de tāt serōt elles plus larges. Et se peuent garder les semēces par telle maniere trois ans. La courge est froide et moiste en deux degrez. Elles sont en lestomac la viāde nourrissant fleumatique / & pource elles sont bonnes aux gens coleriques: car

elles adoulcissent la chaleur et estaignent la soif & leur sont tresbonnes / et par especial se on les pzent avec coings ou avec ius de pomme granate ou verius ou vin aigre de pommes granates. Mais on les doit donner aux fleumatiques avec poiure ou moustarde ou mente. Et se on la rotist bien enuelopee en paste elle adoulcist la chaleur de fieure. En fieures agues on donne eue de la courge ou sirop qui en est faict / et qui la cupt avec chair en este elle vault aux coleriques. Semences de courges sont froides et diuretiques pour la subtilite de leur substance & principalement elles valent en medecines. Contre opilation du foye / des reins et de la vessie & cõtre apostume du pis on prendra les semences de courges & bien nectopees de leurs escorces on les broyera & seront nectopees de eue d'orge & puis on les cuira aucunement et donnera len leue au malade: et sil ne pouoit boire telle eue si en face len vng sirop et encores sont meilleures sans bouillir / mais que on les coule.

De concombres et citrulz.

Chapitre. xxi.



Concombres & citrulz demandent telle terre cõme la courge & sont ainsi plantez et en tel temps et ainsi foyes. Mais il leur fault medres interualles & ne les fault point arrouser quãt ilz sont nez pource que ilz en seroient de legier gastes / & quãt ilz serot plans tez len regardera apres six ou dix iours se les semences serot bones / et se elles sont dures ou ouuertes elles sont bones / et se elles sont moles elles ne valent riens si conueniẽt droit y en mettre des autres & aussi y regardera len apres six iours et en fera len cõme deuãt. Les herbes leur aydent / & pource nõt mestier de stre sarclees ne foyes a lenuitõ. Se len trepe les semences en lait de brenbis et en vin doulx auant que on les plante le fruit sera doulx & blanc & long et tẽdre. Et qui mettroit de leue en vng baissel patent

deffoubz elles & plus bas de deux paulmes elles seroyent faictes telles sicõme Virgilius marcialis afferme. Concombres et citrulz sont froidz & moistes au secõd degre & sont tresindigerables / et encores sont pires les citrulz que les concombres: et en tous les deux la partie de dehors est tresdure a digester / mais leur moelle engendre plus parfaict nourrissement en lestomac a ceulx qui lont chault & fort / & si valent a ceulx q̃ trauellent en este avec leur substance: mais aux fleumatiques et a gẽs opseux ilz nuyent par especial a lestomac et aux nerfs de dedãs: toutesuoyes leur eue & leur ius valent a ceulx qui sont en fieure & leur estainent leur soif. On ne les doit point mager cuitz mais crudz seulement. Les courges cuites sont bones a manger. Et les citrulz de tãt cõme ilz seront menbres et plus tendres et plus verdz ou plus blancs de tãt seront ilz meilleurs / et ne sont pas bons de tant que leur substance tend a durtẽ et leur couleur a iaulnete. Mais les cõcombres sont meilleurs quant ilz sont meurs et les congnoist on quant ilz deuiennent molz et legiers.

De concõbre aigre. Chap. xxii.



Concombres aigre est vne herbe congneue et fait on de son ius vng tel electuaire. On cueille le fruit quant il est ainsi cõme meure es iours chiennins et le pile len et casse / & en est le ius seiche au soleil / & le cypsent aucuns au feu et est lors moins laxatif et meine moins a chambre et a menbre violence / et les aucuns cypsent le ius avec miel presque a la consumption du ius et le donnent en maniere defectuaire et lasche assez par les parties dauant / & le peult on garder par deux ans. Il a vertu principalement de purger le fleume et visqueuses humeurs et apres la cole noire ou melencolie / & pource il vault cõtre paralysie / apoplexie / colique passion et des entrailles / et a fieure cotidienne de fleume haitrin ou naturel.

Il vault aux artetiques & aux sciaticques / et si apde aux podagres: car il attrait espe-
cial de loingtaines parties et purge et net-
toye. Il apde grandement aux autres pas-
sions de fleume: Mais toutesuoyes on ne le
dōne pas tout seul par soy. Il purge par la
bouche & le ventre/ et son Vsage si est que on
le mesle avec autres confitures & les aguisse
len dung scrupule ainsi faict. Et qui le prēt
en electuaire si ne doit point dormir/ aicoy
se doit mouoir et aller ainsi cōme q auroit
prins eleborus: car il pourroit mener a suffo-
cation. En la passion des bopaulx/ on met-
tra premierement Vng clistere mollificatif/
et puis si en fera len Vng autre de eaue de
mauues et de huplle et miel avec cinq scrus-
pules de electuaire et le gette dedans il sera
tresbien contre la passion des bopaulx & con-
tre artetique et podagre de piedz et siragie
de mains/ et q en pourra auoir de lherbe on
la cassera et cupra en Vin et en huplle et la
mettra len sur le lieu dolent: elle vault a
strangurie/ podagre et passion dentraillles.
Pour faire venir le temps aux femmes/ on
cōfira la pouldre de lelectuaire avec huplle
mustellin ou huplle cōmune/ et mouillera
len dedās du cotton & le mettra len par des-
soubz. A meurer les apostumes froides/ pre-
nez cinq scrupules & farine dorge & le confis-
sez avec Vng mopeu deuf et le mettez des-
sus. Et pour casser on faict Vng trop bō ru-
ptoire de lelectuaire et terebētine. Aux Vers
de loreille on fera Vng electuaire a la quan-
tite de cinq grains avec Vng peu de Vin ai-
gre & le gette len tiede dedās loreille. Pour
toute douleur de lestomac de froide cause/
on loingdra de la confection de lelectuaire &
de Vin aigre. Et pour oster les lentilles de
la face & toutes autres superfluites/ prenez
ceruse et cāphre et en la quātite de ces deux
choses/ et puis apres le confisez avec Vin ai-
gre en forme doignement & le pilez en Vng
mortier de plomb a Vng petail de plomb/ et
le mettez en Vng baissel de boitre p douze

ou quinze iours/ et puis en icelluy mesmes
mortier & dicelluy mesmes petail on le mou-
uera en y adioustāt Vng peu de Vin aigre sil
est trop dur/ & puis on oindra la face de ce q
dit est: car ce oste tout drap et toute lentille.

¶ Du cresson. Chap. xxviii.
Cresson est chault et sec en quatre des-
grez. La semence appartient principa-
lemēt a medicine & la peult on garder
par cinq ans et est lherbe de grāt vertu tāt
cōme elle est verte/ et de petite vertu quant
elle est seiche. Elle a vertu dissolutiue et cō-
sumptiue de ses qualitez. Contre paralisie
de la langue quant les nerfz sont empeschez
et remplis de humeurs cōme il aduiert en
fieures on maschera semence de cresson & la
tiendra len sur la langue. Contre paralisie
des autres mēbres on mettra la semence de
cresson en Vng sachet et sera cuyte en Vin et
le mettra len sur le mēbre malade. Lherbe
aussi cuyte avec chair y vault qui la man-
geue. Contre humeur superflue au ceruel
cōme il est en litargie on pourchassera ester-
nuer en mettant pouldre de la semence de
cresson dedās les narilles. Cōtre la relaxa-
tion de la luette/ On fera gargarisme de
Vin aigre ou la semēce de cresson sera cuyte
avec figues seiches. Contre la passion des
entraillles et colicque de froide cause/ On
mettra la semence de cresson en Vng sac et
sera cuyte en Vin & puis la mettra len sur le
mal. Contre tenasmon venant de humeur
glueuse quāt le siege yst ou se lieue len met-
tra pouldre de cresson soubz le siege/ et que
les reins soyent oingtz de miel et que len
gette dicelle pouldre sur le miel/ & de la poul-
dre de commun et de calophonie.

¶ De cicore. Chap. xxix.
Cicore autrement dicte espouse du so-
leil et cucubine et soulsie est froide et
moiste. Lherbe vault contre venin
de morsure qui la mangeue. Le ius vault
contre opilation de foye de froide cause/ & si
vault contre eschauffeure de foye.

Des chouly. Chapitre. xxxv.


Chouly viennent en tout air & de mandent terre grasse fumee et fouye en parfond et ayment mieulx terre moyene q̄ sablonneuse ou croupeuse. Aucuns chouly ont les fueilles pleines / larges et grosses / et de ceulx vsons nous comunement en noz parties. Les autres chouly ont les fueilles crespes / et combien q̄ telz chouly soyent bons / toutefois ilz ne sont point nectz pour les vers et chenilles q̄ si boutent. Aucuns autres chouly y a q̄ ont grās fueilles delpees et aucunement crespes par tout que len appelle chouly Romain & sont les meilleurs de tous et mieulx cypsans se ilz sont creuz en terre tresgrasse: car en mesgre terre ilz ne croistroient point meilleurs que les autres. On les peult semer et transplanter en tous temps de lan: mais que la terre ne soit gelee ou si tresseiche que on les puisse arracher de terre: mais ceulx qui sont semez en Decembre / feurier / Mars / Avril et May si sont bds par tout leste et tout lyuer iusques a tant que la bruyne ou trop grant froit les destruisse. Et se len narrache les souches en printemps elles font semences / & quat̄ elles seront meures on les cueillera. Mais toutesuoyes se on leur oste plusieurs fois les rinceaulx des semences quant ilz naissent et tant que la matiere des semences soit degastee ilz seront vaincus & puis leur reuiēt tresbelles fueilles et durent par plusieurs ans. Les aucuns toutefois font trop legierement semence / et pource telz chouly ne se peuent longuement garder. Et aucuns autres ne font pas legierement semence / et pource peult on prendre en eulx la cautelle deuantdicte. Et les chouly qui sont semez apres la my aoust iuques a huyt iours en Septembre / et puis replantez en Octobre apres ce que ilz seront aucunement creuz ceulx cy seront beaulx et grans en caresme ensuyuant apres / et si ne feront point de se-

mence / et si ne doubteront gelee ne bruyne de lyuer. Et se on les sème auant ledit tēps ilz feront semence en caresme / et ne seront pas si bons pour manger. Et se on les sème auant ledit temps ilz seront trop tendres et trop foibles: et quant lyuer sera venu le froit les gastera: et a este esprouue ce que dit est es parties de Tuscaïne et de Boulongne. On les peult semer bien espes & les arrouser se le temps est trop sec: et selon ce que len dit semence de chouly se peult garder par dix ans bonne. Quant on plantera chouly en troux faictz dūg pel on doit oster les boutz des racines affin quelles ne se retournēt contremont en ployant q̄ leur pourroit bien nuire / & nest point mestier que les racines soyent touillees de fiens au planter ne que la terre soit mole / car ceulx qui sont plantez en terre moyēnement seiche si y viuent > combien que les fueilles soyēt mates iusques a ce que la premiere pluye les conforte et donne vigueur: et non pas seulement les chouly plantez en mars & en avril serōt grans en puer / mais ceulx aussi qui seront plantez en iuig / iuillet et aoust. On les doit planter tous seulz es lieux ou il ny a riens autre chose et y sont tresbien / et aussi on les peult planter es fosses des autres herbes comme des aulx & oignons / cest assauoir en la riuē de chascune fosse vne renge loing lune de lautre dūg bras ou de moins / et de tant cōme ilz seront plus clers plantez de tant seront ilz plus grans / et de tant q̄lz seront plus espes plantez de tāt seront ilz mēdres / & les chouly deuāt ditz a planter pour caresme peuent estre tresbien plantez entre les grans chouly plus espes la moytie q̄ ne sont les grās / mais que la terre ait este parauant bien labourée et remuee en pouldre. Et ceulx q̄ demourront apres ce q̄ les grās seront trenchez pourront estre laissez plus clers & deuenir grās & dureront p̄ tout lan / car ilz ne ferōt point de semēce en cest este: & si les peult on planter par les champs entre

semil et le pannic et febues et par les fosses du froment et des autres grains / et es fosses des mellons / des courges et des citruls / et si les peult on planter es vignes : car ilz y viennent bien / mais ilz nuyent grandement aux vignes / car len a trouue et esprouue q les chouly sont ennemis de la vigne / et q ilz l'affoiblient et ardent se ilz en sont pres. Et se doit on bien garder quant on plante chouly que on ne les boute si en parfond en terre / q le sommet de la tige ne soit tousiours au dessus de terre : car ilz periroient autrement. On doit sarcler les chouly et oster les herbes dentour qui riens ne valent / et quant apres le tresgrant chault et seicheresse destes pluies reuiendront dont on espere que les chouly se nouuelleront on doit oster les feuilles seiches et percees q riens ny vaudroient. Chouly sont froids et secs au premier degre : mais Auicenne dit quilz sont froids au second. Ilz engendrent trouble et melencolieux sang et si nourrissent peu / mais quant on les cuit avec grasse chair ou avec gelines ilz en valent mieulx. Leur ius amoistist le ventre et faict uriner : mais les herbes sont seiches et constipatiues et serrent / et pource qui les prent ensemble ilz sont attrempez en leur action : mais le seul ius lasche et la substance seule estraint. Leur malice est ostee se on les cuit en eue et puis quelle soit gectee et que on y en mette de lautre pour les parcuire avec grasse chair de beuf / de mouton ou de porc / et avec poiure ou commun ou aulx. Auicenne dit q la decoction de chouly et la semence font tarder pureesse et ont propriete de seicher la langue et font dormir et si clarifient la voix. Galien dit que qui donne aux ieunes enfans chouly rostis a manger ce les faict plus tost aller. Plinius dit que feuilles de chouly guerissent merueilleusement playes de chiens / et si dit que chouly vng peu cuitz laschent le ventre et quant ilz sont grandement cuitz quilz le resserrent / et si dit que les chouly confortent

les nerfs / et pource ilz valent aux paralitiques et a ceulx a q les mains treblent. Ilz donnent habondance de lait / et vult le ius contre venin et morsure de chien enrage.

Des chouly cabuz. Chap. xxxvi.



Abus sont de la nature de chouly et ont forme de chouly iusques a ce q ilz sont clos / mais quant ilz sont clos leurs feuilles sont blanches et grosses come cottes doignons et sont crespes. Ilz veulent froit air : car ilz ne se clorent point en lieu chault ou attrempe aincois demourroient ouuers comme les chouly. Ilz demandent telle terre comme chouly. On en faict composte come de nazuetz et les seme len tout ainsi come chouly.

De ciboulettes et ciuos.

Chapitre. xxxvii.

Ciboulettes et ciuos sont plantez comme poreaulx a vng trou de baston au mois de Ianier / et doiuent estre loing lung de lautre dung pied : car ilz font grant coprinse. Nous en vsons en leste ensuyuant apres pasques et sont de telle complexion ou pres comme sont les autres ciboules.

De cerfueil. Chap. xxxviii.

Cerfueil est moult commun et profitasble et est seme en aoust et est bon par tout syuer et apres.


De commun. Chap. xxxix.



Commin desire terre grasse et air chault et doit estre seme en Mars. Il est chault et sec en trois degrez et le peult on garder par cinq ans. Il a vertu diuretique et de subtilier fumositez / et pource q le prent en viandes et en brouages et saulces il conforte la digestion. Qui le cuit en vin avec figues et semence de fenoil il vult contre douleur et torcions des entrailles qui viennent de ventosite : et ce mesme vin vult contre vieille toux et contre lenfleur des ioues. Commun et figues bien fort broyez et cuitz en vin et mis en emplastre sur le lieu ou on

se deult si en guerist. Contre reume de chef de froide cause la pouldre de commun et de baie de laurier chauftees ensemble en vng test et mis en vng sac dessoubz le chef. Contre strangurie et empeschement de vrine et dissintere et les autres douleurs de froidure on mettra commun cuit en vin par dessus. Contre le sang des yeulx et non pas au commencement / mais apres on prendra pouldre de commun confite avec le moreul doeuil sur vne tuille chaulde et puis diuise par le mylieu on le mettra souuent dessus. Contre noisfate de coup d'oeil sans playe quant elle est nouuelle on prendra pouldre de commun bien delice et bien chauftee au feu et souuent mise sur le mal est bien certain remede. Et est chose notable que qui vse souuent de commun il est cause de descoloration.


Des chardons. Chap. xxx.



Chardons doiuent estre semiez au mors de mars / et apment terre fumee et dissoulte combien quilz bienent mieulx en terre grasse / mais cest le meilleur que ilz soyent en terre ferme pour les taupes et que les autres bestes ne la puissent percer / aires et prez sont bons. Chardons doiuent estre semiez au croissant de la lune / et que les semences soyent a demy pied loing lune de lautre. Et doit on prendre garde que les semences ne soyent mises a rebours ce dessus dessoubz / car elles feroient chardons foibles / durs et racornis et ne les fault pas mettre trop en parfond / et suffit de trois doits iusques a ce que la terre aduene iusques aux articles des premiers doits. On les doit nectoyer continuellement iusques a tant que la plante soit ferme / et se il fait trop chault on les arrosera. Par ailleurs escript que se len estraint le bout agu des semences les chardons nauront nulles espines. On mettra les plantes des chardons au mors doctode entre les fromens qui iaseront nez et leuez ou entre les autres blees en faisant vng trou dung pel et le planter


ens / et leur est meilleur que les mettre en terre crue tous seulz / et quant on les y mettra on leur trechera leurs souveraines racines a vng fer et seront couuertes de fiens / et pour mieulx croistre on les mettra a trois pieds loing lune de lautre / et en vne fosse dung pied deux ou trois disposez / on doit mesler du fiens avec de la cendre et en mettre souuent dedas en puer / et aussi en temps sec. On ne les cueille pas ensemble pource que ilz ne sont pas tousiours meurs en vng temps : mais lung apres lautre. On les doit cueillir quant il y a encoires des fleurs en la partie dauant ainsi come vng chappeau et non pas auant et ne doit on pas tant attendre que les fleurs soyent cheues car ilz en vaudroient moins. On doit oster tous les ans chascun iour les plantes affin que les meres ne soyent trop greues et que leurs lignees ne soyent par autres espaces adreseees / lesquelles toutes uoyes soyent avec aucune partie de la racine gardees et couuertes / et seront icelles gardes pour en cueillir les semences et les doit on deliurer de toutes leurs pouilles / et les couvrir de l'escaille ou de l'escorce. Car les semences sont acoustumees de petit par soleil ou par pluye.

De camomille. Chap. xxxi.



Amomille est chaulde et seiche au premier degre et en subtiliation elle est prochaine a la vertu de la rose. Sa chaleur est ainsi si comme chaleur de hyplie et est conuenable et appetitiue / et subtiliatue de espaisseur et est mollificatiue et resolutiue sans attraire. Et est sa propriete entre les medecines quelle assouage les apostumes et les amolles en resoluant et conforte tous les membres nerveux / et est la medecine qui plus conforte en lassure et travail que nulle autre. Elle conforte le cuerel car elle resolt les pareilz et les cellulles du chef / et aussi toute la matiere dicelluy.

De calament. Chap. xxxii.



Calament est de deux manieres. Lung est deau et s'appelle len metaistre / et lautre est de motaigne et s'appelle len nepita. Cel-

luy q est de motaigne est le meilleur pource q est le plus sec / on le doit cueillir avec les fleurs et le secher en lumiere et se peult garder par ung an. Calament a vertu de dissoudre / de conforter et de degaster. Contre froide toux / et cote asme froid vault le vin de sa decoction et de requesice et raisins secs / ou le vin ou sa poudre sera cupte avec figues seiches : car de ce et d'autres autres choses se fait ung electuaire appelle dyacalament qui vault aux choses dessusdictes.

Item la poudre de calament en ung œuf mol ou en farine doit vault a icelles choses. Contre douleur de stomac de froide cause. On donnera au patient de celle poudre en ses viandes et en vin cupt. Contre froide reume on oindra le chef de miel ou la poudre de calament sera cupte / et puis sera len brie satellatio de la poudre cupte ou chauffee en ung pot rude ou de celle herbe mesme : car elle ayde moult a la relaxation de la luette / on en fera gargarisme de vin aigre ou herbe ou la poudre aura cupt avec roses. Contre tension de sienne doirrin ou d'autre humeur froide on oindra les reins de miel et eau ou aura este cupte herbe ou la poudre et mettra len la poudre avec cos sophonie et semence de cresson dessus le siege en cotton et que tout soit bien chauf. En ceste maniere aussi sera apder et deliuree la marris de la femme / et aussi la decoction de herbe ou de la poudre se la femme sen estue et laue en ses parties secretes : car elle seiche toutes les superfluites de la marris et si vault moult grandement.

De centoire. Chap. xxxiii.



Centoire est chaulde et seiche au troiesime degre est tres amere et en est de deux manieres. L'une est grande et lautre menue.

La grande est de greigneur vertu et vault en medecines principalement selon les facultes et les fleurs / et la dont on cueillir quant elle commence a gecter ses fleurs et secher en ombre et la garde len par ung an en grant vertu. Elle a vertu diuretique / attractiue et consumptiue. Le vin de sa decoction vault a oppilation de foye / de rate / de reins et de vessie et de stragurie et disenterie. Galien dit que centoire est l'une des plus nobles et meilleures medecines contre l'oppilation de foye et ayde merueilleusement a la durete de la rate qui la bost et en fait emphyse. Contre les vers des orailles on gectera le ius de centoire et de porcauly dedans. Contre les vers du ventre. Prenez la poudre de centoire avec miel / et pour clarifier la veue le ius de la racine de centoire la greigneur avec eau rose meslez ensemble et mis dedans les orailles.

Des champignons. Chap. xxxiiii.

Champignons sont appelez en latin fungi. Les uns sont bons et les autres mortels. Les bons sont petits et ronds en forme d'ung chapeau de feutre et appparent au commencement de printemps et faillent en may. Quelques telz champignons ne bleccent personne soudainement ne firent mourir : mais toutesfoies tous engendrent mauvais nourrissement. Ceulx sont mortels q naissent empres ser enroule se. Les autres sont mortels mais ilz ne tuent pas si tost / cest assauoir ceulx qui naissent empres choses pourries ou empres habitation d'aucune bestie repue ou enuermee ou empres aucuns arbres especiaux qui ont de leur propriete pouoir de corrompre champignons comme est olue. Le signe de champignon mortel est quil a en sa superficie par dessus une humeur disquieuse et corrompue et qui est tantost alteree et changee entre les mains des cueillans. Nous trouuons en nos habitations champignons qui sont larges et espes et ont aucun peu de tou-

geur en leur superficie / et en celle rougeur a moult de petites vessies esleuees dont les aucunes sont cassees et les autres non / et sont telz chāpignons mortelz et tuent tantost et les appelle len les champignons des mousches pource que qui les pouldrope en laict ilz font mourir les mousches.

De cuscute. Chap. xxxv.

Cuscute cest a dire podagre de lin ou autrement dicte grungus est chaulde au premier degre et seiche au second et doit estre cueillie avec les fleurs / et la peult on garder par deux ans. Elle a principalement vertu de purger la melencolie et apres le fleume. Leau de la decoctio vault contre strangurie et dissintere / et se on peult auoir lherbe en grant quantite et la cuire en vin et en hyulle et lemplastret sur les reins et le pennil et les autres parties dolens elle y vault moult. Auicenne dit que leau de cuscute est merueilleusement bone a la iaulnice. Serapion dit quelle boute hors des veines les superfluites.


De cheueulx Veneris.

Chapitre xxxvi.

Cheueulx Veneris sont froidz et secs attrempeement et ont vertu diuretique par la subtilite de leur substance. Quant ilz sont fraiz et nouueaulx ilz sont de grant vertu : mais ilz ne se gardent pas longuement pource que cest vne herbe subtile. Contre leschauffoyson du foye vault leau de sa decoction et si peult on faire sirop de celle eue et de sucre et sil y a aucun defaut en la rate on y adioustera aucune eue calefactiue et diuretique et aussi plagelles bien mouillees dedās le ius ou q la mesme herbe bropee soit mise dessus. Auicenne dit quelle decline vng peu a chaleur / et par ce elle est subtiliatue et resolutiue et aperitiue et a en soy stipticite / et quant on la mesle avec viāde de cocq et de cailles elle les fait fors pour batailler et cōbatre. La cendre meslee avec hyulle et vin aigre vault pour garder

les cheueulx de cheoir / et qui la met avec hyulle mirtine et vin et lessiue elle alongne les cheueulx et garde de cheoir. Aussi la cēdre mise en lessiue oste les poulties qui sont dedans les cheueulx comme bran et les destruit / et arrache les rōgnes moistes et si ayde de grandemēt au poulmon en luy purgeāt et si fait bien vriner et bāse la pierre et fait venir le tēps aux femmes et si attrait la seconduie quant lenfant est ne et purge lordure de femme et luy retrenche le flux de sang.

De cegue. Chap. xxxvii.



Cegue est chaulde et seiche au quart degre / elle a vertu attraitiue et dissolutiue et cōsumptiue mais toutesuoyes ne vst point en medicine qui entre dedans le corps pource quelle est benimeuse en sa substance et en ses qualitez / car elle dissoult tellement q les esperitz sen esuanouyssent et sen mortifient les mēbres. Elle a vertu premieremēt en la racine / et puis es fueilles / et puis en la semēce et dōt aucunes fois on met la semēce en medicine. Contre le vice de la rate on mettra toute lherbe gesir en vin aigre par dix iours avec vne liure darmoniac et puis on le bouillra iusques a ce q larmoniac sera bien resolu / et apres on le coullera par vng drap et puis que telle couleure soit encores boullue au feu et que len y adioust de la cire et de lhyulle et en fera len oignement de cegue qui est souuerain contre mal de rate et contre dures apostumes / et aussi contre artetique q sen oingt. Contre artetique et podagre on cuira la racine de cegue en paste / et puis apres on la fendra p le mylieu et le mettra len dessus le mal cest souuerain remede et tresseur. Contre la passion des entrailles et deffault de vriner et dissintere on cuira la racine en fort vin et en hyulle et en sera fait oignement q sera mis sur les mēbres dolens. Pour nectoyer la marrie de la fēme de froides humeurs et glueuses et faire venir leur tēps on cuira la racine en vin

et en eaue salee & puis en fera len Vne estu-
ue par dessoubz et sen lauera et frotera lon-
guemēt. Cōtre escroelles seiches/on vsera
premierement de herbes diuretiques & puis
on y fera emplastre de deux parties de ce-
gue et de la tierce partie de scabieuse.

De catapuce. Chap. xxxviii.

Catapuce est chaulde en trois
degrez et moiste en deux: mais
Girard dit en sa maniere de
medicines que elle est chaulde &
seiche en trois degrez/ cest la semence dune
herbe ainsi appelee/ et quant on en oste les
corce de dehors on la peult bien garder Vng
an. On doit eslire la Verte q ne soit pas per-
cee par dedans/ et q soit blanche et non pas
pale. Elle a Vertu principalement de pur-
ger le fleume/ & apres la cole et la melenco-
lie. Elle a aussi Vertu de purger par dessus
pour la Vētosite & legierete quelle a/ & pour
ce aucunesfois on le donne a gēs sains pour
garder leur sante/ et aucunesfois aux ma-
lades pour guerir leurs maladies. Contre
cotidiēne de fleume sale & de rongne on cas-
sera grant quantite de catapuce et puis on
les enuelopera en fueilles de chouly et les
mettra len ainsi soubz les cendres bien lon-
guemēt pour les cuire/ et apres on les trais-
ra & espraindra & gardera len lhuille qui en
sauldra & peult estre gardee par Vng an/ et
quāt il sera tēps on en donnera au malade
en ses viādes ou en autre maniere/ et ainsi
decoit on moult de gēs. Du q len face clare
de catapuce bien cassee et cuyte avec miel et
puis q on y mesle le Vin et face clare et doit
on mettre en Vingt liures de Vin Vne liure
de catapuce/ & ainsi du surplus a ce pois. Et
aussi peult on prēdre catapuce en Brouet de
chair ou en potaiges et autres viādes et
vault aux sains & aux malades. Girard dit
que catapuce est moult laxatiue & q elle pur-
ge dessus et dessoubz a grant labour et an-
goisse/ et pource on ne la doit donner a per-
sonne sil ne vomist legieremēt & se la matie-

re nest digeree & ne se doit point dōner a per-
sonne q ait foible estomac & foibles entrail-
les: Car elle destourneroit tout & ne la doit
on point dōner se elle nest destrēpee afin q
elle ne demeure trop en lestomac et ne doit
on point dormir ne reposer apres cōme des
autres medicines pour vomir. Lusage de
catapuce est de accuer les autres medicines
en y mettant dix ou douze noyaux avec la
medicines/ et si dit q on les peult donner par
euly broyez & destrēpez deaue chaulde et de
Vin: car ilz purgēt principalemēt le fleume
et visqueuses humeurs/ et p especial de les-
tomac et des entrailles/ & pource on ne les
peult dōner aux coleriqs & aux cardiaques
a douleurs de boyaulx et a artetiqs & a fie-
vre cotidiēne de fleume Voirrin ou naturel.
Diascorides dit q on en doit dōner de cinq a
neuf grais & se lestomac est fort on les peult
donner entiers/ et se il est foible on les doit
broyer. Et si dit q se les fueilles de catapuce
sont cuytes avec poules ou chouly ou aus-
tres viādes elles laschēt le fleume & la cole.

De cretan autrement dit ris marin.

Chapitre. xxxix.

Cretan cest a dire ris marin/ est
chault & sec en trois degrez/ cest
Vne herbe q croist en lieux pres
de mer et a Vertu tresdiuretique
pour la subtilite de sa substance. Contre
strangurie et Vice de pierre et passion de
boyaulx on prendra de ceste herbe en grant
quātite & sera boullue en eaue salee en Vin &
en huylle et que le malade soit assis en celle
eaue iusqs au nombril/ & se len ne peult pas
auoir assez grant quātite de cretan on fera
emplastre dicelle herbe sur les lieux doulou-
reux. Et q mangeue de ceste herbe ou le Vin
de sa decoction elle faict vriner.

De celidoyne. Chap. xl.

Celidoyne est chaulde et seiche en
quatre degrez et en est de deux ma-
nieres dont lune est indique et si est
de la plus grant Vertu et a la racine iaulne

et l'autre est la commune que len treuve en noz parties et est de moindre Vertu. Mais toutesuoyes mect on l'ung pour l'autre. Et quant on la treuve en receptes on doit mettre la racine et non pas l'herbe. Elle a Vertu de dissoudre/de consumer et d'attirer. Contre douleur de dentz de froide cause on mettra la racine ung peu cassee entre les dës et ung ail mis dessus. Pour purger le chef et la luette de froides humeurs on cupra la racine en vin et sera mise soubz le patient lequel en receuera la fumee par la bouche et puis fera gargarisme dicelluy vin et ce purgera le chef et seichera la luette. Plinius dit que les peulx d'arondes quât ilz sont creuez ou arrachez sont remis en leur estat pour le ius de celidoine.

De coriandre Chap. xli.

Coriandre est une herbe commune et est chaulde et seiche au second degre. La semence doit estre mise en medicine et la peult on garder par deux ans. Elle a Vertu de conforter par son odeur aromatique/et si vault a la douleur de lestomac de Ventosite. La semence mise en viandes et le vin de la decoction pour boire. La poulbre de la semence de coriandre gettee sur chair luy donne saueur. ysidore dit que la semence donnee en vin douly rend les hommes enclins a luxure. Mais on se doit garder de donner trop: car elle engendreroit trop grant fureur et feroit ystre hors du sens / l'herbe a tout la semence est venimeuse aux chiens et les tue et occist se ilz en vsent souuent.

De la grant consoude.

Chap. xlii.

Consoude la grant/ cest a dire simphicium est de froide et de seiche complexion: mais la racine proprement il en est medicinable. Elle a Vertu de restreindre grosse substace. On la peult bien garder par cinq ans. La poulbre dicelle donnee en viande vault contre flux de sang de tēps de femme et cōtre le flux de ventre/ et faict une

estuue dicelle herbe faicte ou de la poulbre mise par dessoubz.

De diptanne. Chap. xliii.

Diptan qui autrement est nommee fraxinella pource quelle a fueilles telles comme fresne est chault et sec en quatre degrez. Cest la racine d'une herbe qui est ainsi nommee que len treuve en lieux pierreux et especiallement secs. Elle a Vertu de dissoudre et de consumer et attirer venin. Contre morsure de bestes venimeuses l'herbe ou la racine broyee soit mise dessus et q len boyue le ius avec vin. Aussi la poulbre de diptan avec ius de mente confit y vault qui la met dessus et q en boit. ysidore dit quil est de si grant Vertu que il sache et tire le fer hors du corps et le boute hors/ et pource les bestes sauvages quant elles sont ferues de flesches mangeuent de l'herbe/ et par ce les font saillir hors.

De endiue. Chap. xliiii.

Endiue est autrement appelée scariola ou laictue aigre. Elle est froide et seiche en deux degrez. La semence et les fueilles sont tresbonnes en medicine/ et aussi sont les fueilles tresbonnes en viande: mais la racine na poit de Vertu. Les fueilles vertes sont de grant Vertu et nont point les seiches de force. Elle a Vertu de conforter et de alterer/ et pource elle vault contre opilation du foye et de la rate de cause colerique. Contre tiercaine simple et double et iaulnice et chaleur de foye et chauldes apostumes elle vault cuyte et crue q la mangeue. A ce aussi vault sirop faict de sa decoction et sucre. Le ius ou sirop avec reubarbe y valent donnez le quatriesme ou le sixiesme iour quant la matiere est digeree/ et aussi faict l'herbe cassee et mise sur le foye/ et aussi le ius epithime y vault. Et qui naura l'herbe quil cypse la semence broyee en eue et puis mise sur le foye. Albert dit q eue d'endiue avec ceruse et vin aigre est merueilleux epithime pour refroidir tout ce que len veult.

Des espinoches. Chap. xlv.

Espinoches sont semees a prouffit en septembre et octobre pour puer et pour caresme ensuyuant / et pour les moys d'auril & de may. Et pour leste on les semera en decembre / ianuiier / feurier & mars / et les peult on semer en aires toutes seules & avec autres herbes en terre grasse et bien labouree. Se en les cueillant on taille a vne fois la moitie de la tige et a vne autre fois l'autre moitie elles dureront bien longuement et a prouffit. Elles sont froides et moistes en la fin du premier degre. Elles tiennent le ventre moiste et valent a la douleur de la gueulle qui vient de sang et de cole rouge / et si valent mieulx a l'estomac que arroches.

De enule. Chapitre. xlvj.

Enule nest point semee pource quelle ne faict point de semence : mais on plante la couronne toute ou la plus grant partie en terre grasse et en parfond et lestraint on bien fort / et est chaulde en trois degrez / et moiste en vng. Il en est de deux manieres / l'une est ortulaine de iardin & l'autre capane de chaps. La capane est de plus grant vertu en la racine. On cueille la racine au commencement deste / & la seiche len au soleil quelle ne soit corrompue par humeur. On met la racine en medicine / et la peult on garder par deux ans ou par trois / elle a vertu de adoucir et de nectoyer / et pource elle vault contre nerfz indignez de froidure et contre la douleur des parties spirituelles de froide cause vault le vin de sa decoction selon le ver q dit: Enula capana reddit precordia sana. Enule capane rend les parties dentour le cuer saines. Contre douleur de stomac de froide cause & contre ventosite / et contre froide toux on donnera le vin de la decoction de enule. La pouldre de enule avec pouldre de canelle dissout la ventosite des parties spirituelles aux parties de despee complexion. Lherbe toute cuyte en vin et

huylle eplastree sur la douleur des boyaulx colerique & stragurie la dissout et cure. Contre froit asme on donnera farine dorze en laquelle sera cuyte pouldre de enule / et si deuons scauoir que en ceste herbe de enule est la vertu rubificatiue / et aussi est la derniere absterfion.

De esclaire. Chap. xlvjii.

Eclaire autremet sclarea est semee en decembre / ianuiier / feurier et mars / et demande telle terre come les autres herbes communes. Cest vne tresbonne herbe & perpetuelle. Car depuis quelle est transplantee en ordre come oignons & quelle a faict semence et que on la cueille meure se on la treche par trois ou quatre doiz sur terre elle reuiet tresbelle en automne / et qui ne trenche la tige elle seiche / et neantmoins elle rebourionne en septembre ou en leste ensuyuant comme fenoil / et si vient tresbien en lumbre.

De epatique. Chap. xlviii.

Epatique cest a dire ficatelle est froide et seiche au premier degre. Cest vne herbe q croist en lieux de eaue / & par especial ou il y a pierres & a moult de fueilles q se tiennent a la terre et aux pierres. Elle a vertu diuretique pour sa subtile substace & refroide et vault a opilation de foye & de rate qui viêt de cause chaulde. Leau de sa decoction vault contre chaleur de foye & contre iaulnice et pource est elle appelee epatique. Le sirop faict de leau de sa decoction et q en la fin dicelle decoction que len y adiouste reubarbe avec / il est tresbon contre iaulnice.

De escalongne Chap. xlix.

Escalongne doit estre plantee en feurier comme aulx par soy ou en aires et aussi avec autres herbes en leurs aires et faict chascune moult de filles / par especial se la terre est bien grasse ou on les plante. On dit que se len faict troux en oignons & que len y boute des aguillons de

fail et qu'ilz soyent ainsi plantez en terre ilz deuiendront esclalongnes. Escalongnes sont de la nature des oignons : mais elles sont moins moistes. Elles confortent l'appetit et amendent la malice des viandes venimeuses. Elles nuyssent aux yeulx et font douleur en teste et si font puer la bouche et ne sont pas bonnes a gens chaulx / mais on les peult bien manger avec grasse chair / car elles y perdent leur malice.

De eruque. Chapitre. l.

Eruque est chaulde et seiche au quart degre / et en est de deux manieres. L'une est frache et l'autre sauuage. La franche et de la bourache est de greigneur vertu que la sauuage. Les semences sont principalement bones pour medicine et puis les feuilles apres. Elle a vertu consumptiue et esmouuant a luxure. Qui la prent cuyte avec la chair elle vault a luxure / a strangurie / a dissintere et a paralisie. Et qui la cuyt en vin et le emplastre sur les reins elle esmeult a luxure / et qui la met sur le penil elle faict bien vriner. La semence de eruque par especial de la sauuage faict leuer le membre de l'homme et lesmeult.

Du fenoil. Chapitre. li.

Fenoil est seme en decembre / ianvier et feurier et se transplante en tout temps. Il est chault et sec et a vertu diuretique et attenuist toute grosse ventosite. Qui la mangeue apres dîner il vault contre ameres routes qui viennent de indigestion et a vertu en ce pour sa subtille substance et ses qualitez. La semence et l'herbe et les escorces des racines valent en medicine. On cueille la semence au commencement d'automne et se peult garder par trois ans. Et les escorces des racines sont cueillies au commencement de printemps et les peult on garder demy an. Leue de sa decoction vault contre opilation de foye et de rate contre stragurie / dissintere et le vice de la pierre de froide humeur. Le fenoil cuyt et mange

vault a ces choses. Leue ou vin ou il est cuyt oste la douleur de l'estomac de froide cause ou de ventosite et conforte la digestion et tel faict la poudre de la semence. Contre le drap de la taye des yeulx et la magne on mettra le ius de la racine de fenoil au soleil en vng baissel darain p l'espace de . xv. iours et puis on en mettra es yeulx par maniere de colire. Contre la mangue des yeulx est certain experiment. On confira aloes avec ius de fenoil tresbien et puis sera mis au soleil en vng baissel darain par quinze iours et puis apres on le mettra es yeulx par maniere de colire.

De flamula. Chap. liii.

Flamula est chaulde et seiche en quatre degrez : et est dicte flamula pource qu'elle a vertu ardeant et enflambant et est semblable en feuilles et en fleurs a vne herbe nommee vidalbe / mais elle a les fleurs azurines. Quant elle est verte elle est de grant vertu / et quant elle est seiche elle est de petite ou de nulle value. Pour faire vng cautere sans feu on cassera flamula et la broyera len et puis soit mis sur le lieu et y soit laisse par vng iour et il trouuera le curz ars / et apres sera appareille comme il appartient a chirurgien. Quant on vouldra rompre vne apostume meure ou il y a boe et la teste en est dure on brisera et pilera len flamula avec huyll et le mettra len dessus / et y met on l'huyll affin que flamula ne seiche trop.

De fumeterre. Chap. liiii.

Fumeterre est vne herbe commune / et est ainsi appelee pource quelle est engendree de la grosse fumosite de terre. Elle est chaulde au premier degre et seiche au second / et est de grant vertu verte et seiche / et purge principalement la melencolie et apres le fleume sale et puis la cole arse / et si est diuretique. Contre rongne prenez deux onces du ius de fumeterre et y dissoluez du sucre et en faictes sirop et le donz

nez en eäue chaulde ou q̄ len y adiouste semence de fenoil ⁊ en faict on vng oignemēt tel. Prenez huyllle de noir ⁊ y mettez pouls dre de supe de cheminee bien deliee ⁊ la confisez en y adioustant vin aigre et ius de fumeterre plus q̄ des autres choses et en soit oingt le patient au baing ou en le stue ou incōtinent apres ⁊ est tresbon oignemēt. Et notez q̄ se len donne trois fois la sepmaine le ius cōme dit est il purge tresbien les humeurs dōt vient la rongne. Item lherbe de fumeterre cuyte en vin et puis mise sur le lieu podagre y ayde moult grandement.

De fenugrec. Chapitre. lvi.

Fenugrec est chault et sec et a la substance glueuse et pource il a vertu de meürir et lāscher apostumes ⁊ amolier par dehors et meürir par dedās. La farine de fenugrec avecques vng mopeu doeuf bien meslez mis sur lapostume si la meüre et attenuist. Et qui la confit avec terebentine elle la meüre et rompt. Lherbe aussi cuyte en huyllle si meüre bien. Pour les apostumes des parties espirituellenes/la farine de fenugrec mise en vng sachet et cuyte en eäue avec guiz mauue vaultra se on la met dessus. Pour apostume de lestomac et des boyaulx on fera tourtelles de fenugrec cuyt en leäue et puis le mettra len dessus.

De gramen autrement dit herbe commune.

Chapitre. lvi.

Gramen est proprement herbe de preaulx ⁊ est de vertu stiptique ⁊ est cōglutināt les playes et restraignāt le ventre et guerist playes es reins et la vessie/et adoulcist la douleur de la rate/et qui boit du ius il tue les vers du corps/et a ceste propriete. Les chiens cōgnoissent ceste herbe ⁊ la mangent quant ilz se veulent purger/ sicomme dit Plinius.

De gralengue. Chapitre. lvii.

Gralengue est de telle nature que elle engresse terre quāt on la retourne dedās tādīs q̄lle est verte/ ⁊ dit on q̄ la semence donnee a manger aux gelines leur faict auoir des oeufz merueilleusement.

De gencianne. Chap. lviii.

Genciāne est la racine dune herbe ainsi appelee: mais la racine seulemēt en est medecinable. On la cueille en la fin de printemps ⁊ la peult on garder seiche par trois ans. Elle naist le plus souuent es montaignes ⁊ es lieux q̄ sont vmbraiges ⁊ moistes. Elle est chaulde et seiche en deux degrez. Elle a vertu de dissouldre/ consumer et ouurir ⁊ est diuretique. Cōtre ancien asme. La pouldre avec vin ⁊ eäue dorge vault moult. Le ius dicelle nectoye et torche morphee et guerist playes ⁊ grosse rōgne ⁊ corrosiue/et aussi quāt on la boit elle ayde moult a celz luy q̄ est cheu de hault ⁊ est fort casse ⁊ froisse/et si est la derniere medicine contre morsure de scorpion et de vers enuenimez et de chien entage q̄ en boit deux onces avec vin.

De gariofilee. Chap. lix.

Gariofilee est semblable aux nouuelles fueilles de ronce de bupsson ou a ces bourions naissans ensemble. La racine est moult redolent ⁊ les fueilles sont chauldes ⁊ seiches en trois degrez. La verte est de plus grant vertu q̄ la seiche et la peult on bien garder vng an. Elle a vertu dissolutiue/ cōsumptiue ⁊ aperitiue/ ⁊ est appelee gariofilee pource quelle a odeur semblable a clou de girofle en la saueur/ en vertu et en leffect. Cōtre cardiaque passion qui la cuyt en eäue de mer ⁊ huyllle ⁊ la met dessus la partie deuant ⁊ derriere elle y vault moult. Le vin de la decoction de la racine vault a conforter la digestion et la douleur de lestomac et des boyaulx de maladie de froide cause ou de ventosite.

Des genitelles de goupil. Chapitre. lx.

Genitelles de goupil est Vne herbe bōne et douce au goust qui la mangeue ou boit avec Vin elle esmeult a luxure et si ayde moult grandement / et est ainsi cōme Vne espee de satirie ou dyassatirie.

Des genitelles de chien.

Chapitre. lxi.



Genitelles de chien est Vne autre espee de satirie et est en fueille et en souche semblable a genitelles de goupil / et est la racine de deux manieres: car elle a Vng motel dessus et lautre dessous / et est lung mol et lautre plain et en celluy est la superflue humidite. Et se lhōme auāt ce que il aille a femme en prent le plus grāt et la femme concoit cest cōmune: ment Vng filz: et se la femme prent le petit et puis cōcoit ce sera Vne fille: car on dit que le grant croist le pouoir de loeuure et que le petit le retrenche et pource lung empesche loeuure de lautre. Et dit Albertus ce que dit est en son liure des plantes.

De hymnule. Chapitre. lxii.



Hymnule est Vne herbe nōmee en latin hymnulus idest lētigo: sa fleur pour sa seicheresse peult estre gardee p moult long temps en sa Vertu et tant q la cōmune oppinion est qlle ne pourrist poit et est de ague odeur et de forte / et est chaulde et seiche et si dissoult viscositez et les trēche / et aussi garde de pourriture les liqueurs avec qui elle est meslee.

De hyebles. Chap. lxiii.



Hyeble est chaulde et seiche en trois degrez. Les escorces des racines et les turions appartiēnent principalement en medicine. Les escorces des racines sont cueillies en printēps et les seiche len au solcil et peuent estre gardez Vng an. Les escorces des racines et les turions appartiēnent principalement en medicine. Elles ont Vertu dissolutiue / cōsumptiue et purgatiue de flegme et de humeurs visqueuses / quant on en dōne le ius il purge par dessus et par

dessoubz en attrapant angosse / et pource on ne le doit dōner se la matiere nest auāt digeree et le tēps prepare a flux sicōme len faict es autres medicines vomitiues. Elles valent a fieures cotidiannes et de long temps a tiercaines de cole citrine. Elles ostēt lopsilation du foye et iaulnice et colique douleur de boyaulx et leaue des lentofleumatiques elles mettent hors qui en vse. On en vse en dōnant le ius par soy ou que en la decoction on destrempe autres medicines laxatiues ou quon y adioust sirop ou opimel laxatif ou quon le cuse avec miel iusques a la consumption du ius. Cōtre enfleure des extremitez et contre artetique et lentoflomence on fera Vng baing deaue salee et de la decoction des racines de hyebles et des turions de lherbe ou de lherbe toute.

De iusquame autrement dicte Hennebanne. Chap. lxiiii.



Iusquame autrement dicte Hennebanne est froide au tiers degre / cest la semēce dune herbe q est appelee cassilago ou dēt cheualine / et est de trois diuersitez. Lune est blanche / lautre rouge et lautre noire. La blanche et la rouge cōuiēnent en medicine / mais la noire est mortelle. Et deuds scauoir q se len doit prēdre Hennebane par la bouche et mettre en son corps on doit prēdre la semēce / et se on la doit prēdre par dehors on doit prēdre lherbe / mais la semēce est de plus grāt Vertu. Elle a Vertu amotoique cest a dire apportant sommeil et faisant dormir et si est cōstrictiue et mortificatiue. Pour faire dormir en fieure ague on fera Vne decoction de son herbe et sen lauera et estuera len entour le fronc et les tēples et aussi les piedz et puis on fera tel emplastre. On prendra la semēce de Hennebanne et en fera len pouldre tres subtile et la meslera len avec aubins doeuiz et le laict de femme nourrissant Vne fille et Vng peu de Vin aigre et la bouterà len au fronc et aux temples. Pour restraindre les

sermes est bon ce mesme emplastre. Contre dissintere on fera emplastre dicelle herbe et le mettra len dessus / car il cure la douleur & cōtre douleur des dentz on mettra la semēce sur les charbons ardans et le patient en receura la fumee par la bouche & puis la mettra sur leaue & il semblera que ce soyēt ainsi comme vers qui nagent par dessus. Et la semence mise sur la dent doulant de cause chaulde oste la douleur / et peult on garder ceste semence par dix ans.

De iarrus autrement dit barbaron.

Chapitre. lxxv.

Iarrus autrement dicte barbaron au pied de Beau est chault et sec au secōd degre. On le treuve en lieux secs et moistes / en montaignes et en terres plaines en puer et en este. Il a grant Vertu selon les fueilles & encores plus grās es racines / & tresgrans es grappes & es torques que len y trenche et cueille et les seiche len. Il a Vertu dissolutiue / relaxatiue et attenuant. Contre lenfleure des oreilles on cypzra celle herbe avec ces torques en Vin et en huylle et y adioustera len du cōmin & en fera len emplastre & sera mis sur loreille. Cōtre froides apostumes lherbe & les troques et Vieilz oingt et gresse dours soyēt tresbien broyez et meslez et puis on les chauffera en Vng test et les mettra len dessus & elles gueriront. Contre escrouelles nouvelles on bropera lherbe et y meslera on Vieilz oingt et squille ou oingt dours qui en pourra auoir et les mettra len dessus et elles seront gueries se elles sont nouvelles. Pour escarter la face et asubtilier le cypz et le faire deslie / on fera pouldre de troques seiches et la confira len avec eaue rose & mettra len tout au soleil iusques a tant que leaue soit toute beue & soit faict ainsi trois ou quatre fois ou plus / et de celle pouldre avec eaue rose tant seulement on frotera la face & elle deuiedra plus pure et plus belle que de ceruse. Item la seule pouldre si ronge la chair superflue.

Du lys.

Chapitre. lxxvi.



Le lys est plāte au moys doctobre & de nouēbre en terre grasse & bien remuee: car on prêt les oignōs ou les cosses Vertes ou seiches et les met on loing lune de lautre p Vng espan ou par Vng pied q vault mieulx ainsi que on fait les aulx. Aristote dit q qui prêt la haste du lys auāt q soit ouuert en fleur ou en semēce & le boute en terre p telle maniere que loignon nen soit point arrache et q len coure la haste de terre elle gectera dedās Vng peu de iours en chascū neu Vng petit oignō cōme Vne de les cosses. Le lys est chault et moiste et en est de deux manieres. Lung est franc & lautre sauuage / et est le sauuage de deux manieres / car lung porte la fleur de couleur de pourpre / & est celluy le plus Vertueux / & lautre porte fleur iaulne. Celly q est frāc broye avec Vieil oingt ou avecques huylle et cyp et mis sur apostume froide si la meurist. Cōtre la durte de la rate la racine de lys en grāt quātite avec brāque Vrsine & la racine de euiscus soyēt mis en Vin & huylle p dix iours et puis coulez / et en telle couleure q on mette cire & huylle & q on face oignemēt pour coulourer la face. Prenez les torques de la racine du lys sauuage & aigre & les seichez & en faictes pouldre & la destrēpez avec eaue rose et la seichez / et le faictes ainsi trois ou quatre fois ou plus / et puis frotez Vostre face de celle pouldre avec eaue rose et en ce faict on osterā les frōces & nettoiera len la face. Dya scorides dit que les fueilles du lys cypes Vallent cōtre arsure q les met dessus / et aussi faict la racine de lys bropee avec huylle et mise dessus: car elle a Vertu adoulcissant et purge le temps aux fēmes car elle ouure & si restrainct lenfleure: et pou ce vault contre apostumes et Vētositēz q y met dessus souuēt de la racine bropee avec huylle. Plinius dit q oignons de lys avec Vin guerissent coups de serpens et le mal venant des champignons & le ve-

nin qui en vient. Qui les cuyt en Vin et en huylle ilz dissoluent les clouys des piedz et les neux et si rendent les cheueulx et peulx perdus par arsure. Et qui les cuyt en Vin et avec du miel ilz aydent es veines trechees. Les fueilles cuytes en Vin guerissent playes. Len fait des fleurs eue et huylle qui veult ainsi comme des roses et sont de telle vertu comme eue et huylle rosat.

De langue de chien. Chap. lxxvii.

LAngue de chien est chaulde et moiste au premier degre: elle a petites fueilles et agues et semblables a langue de chien et est de grans vertus quant elle est verte et de nulle puissance quant elle est seiche. Elle a vertu de esmouuoir a luxure et de donner humeur. Qui cuyt ceste herbe avec chair ou la confist avec huylle ou avec gresses ou sang elle esmeult et semont luxure. Quant elle est cuyte et on y adiouste du sucre elle vault a ceulx qui sont cōsommez et degastez de chair. Contre seicheresse de pis vault leue de sa decoction: mais que on y adiouste du dia dragant y vault moult.

De lapace et parelle.

Chap. lxxviii.

LApace cest a dire acetueuse ou ramese elle est chaulde et seiche au tiers degre / et au second selon Auicenne. Il est trois manieres de lapace. Laque qui a les fueilles agues est la meilleur et la plus vertueuse / et la frache qui a fueilles larges est plus conuenable a vser / et si en y a vne autre qui a fueilles rōdes / celle a vertu de dissoudre / de relaxer / de ouurir et de attenuir. Contre rōgne le ius de lapace ague et huylle mustelin et poix clere soyēt bouliues ensemble et puis coulees / et en la couleur que on y adiouste pouldre de tartaire et de supe de cheminee et ce sera tresbon oignement pour rōgnes. Auicene dit que la racine cuyte en Vin aigre est bone cōtre rōgne blcereuse et grosse et orde / et aussi a gratelles et dertres / et sa decoction en eue chaulde vault cōtre gratelle et

māgeure / et aussi est elle tresbone en baing. Contre orde rōgne grosse et grasse on fera vne decoction du ius de lapace et de pouldre dorpin. Pour meuir apostumes / lapace rōde bropee et cuyte en huylle ou avec saing doulx soit mise dessus / pour les rompre soit mise dessus lapace ague en la maniere que dit est. Contre strangurie et dissintere on cuira lapace en Vin et huylle et la mettra len sur la penilliere et elle fera vriner en grāt quantite. Leue et le Vin de sa decoction dissoluet l'opilation du foye et de la rate. Contre escroelles nouuelles on fera emplastre de lapace ague et de saing doulx meslez et bropez ensemble. Contre vers du ventre le ius en est bon prins avec miel. Contre fleume abondant en cerueau on gectera le ius de lapace avec ius de mente en petite quantite en air chault ou en baing. Lapace cuite ou crue vault au rōgneux sil en mangeue.

Des laictues. Chapitre. lxxix.

Laictues peuent estre simees et trāsplantees presque tous le tēps de lan en terre grasse et bien remuee / et les peult on semer y elles et avec autres herbes. Et celles qui serōt simees en autōne si pourrōt bien estre replantees en decēbre entour les aires des autres herbes que len seme pour lors / car elles ne craignent point la gelee aincois en sont enforcees et serōt bones apres liuer iusques a tāt quelles serōt semēce avec les autres herbes. Mais celles qui sont de la nature des petites ne sont point transplantées: mais les grandes qui on appelle rōmaines qui ont blanche semēce doiuent estre transplantées afin quelles croissent et deuiēnt doulces / et leur ayde grandement que les arrose par temps sec. La laictue est froide et moiste attrempeement / et pource elle est la meilleure de toutes les autres herbes et la plus attrempee. Les autres dient quelle est chaulde et qu'elle est pource tresattrepee. Elle engendre bon sang et faict auoir aux femmes assez laict et largement vriner et estaint

la cole & rafreschist le sang bouillant & faict dormir. Elle vault cōtre chaulde apostume qui en faict emplastre sur le chef elle oste la douleur de la teste Venant de cole rouge ou de sang: mais q̄ la veult manger elle vault mieulx cuyte q̄ crue pource que son laict est appetisse p̄ la chaleur du feu/ parquoy elle faisoit dormir: mais toutesfois elle est bone aux coleriques tāt cuyte cōme crue. Elle est en sa ieunesse plus prouffitabile pour lestomac et pour accroistre le laict aux femmes/ et plus aydable a la semence des hommes/ mais quant elle est rendurcie et na pas habondance de laict son humeur est appetissee et deuient sa saueur amere & est appetitiue: mais toutesfois elle engendre tresmauuais sang/ et pource elle nuist a ceulx q̄ en vsent acoustumeement: car elle obscurcist la veue et corrompt la matiere de generation en l'homme/ mais tant quelle est encores tendre elle est bonne cuyte et crue a ceulx q̄ sont en fieure. Qui la cuist en vin aigre et y met du saffren elle guerist de l'opilation de rate et de foye. Pour faire dormir on confira la semence de laictue en laict de femme q̄ ait porte fille et en aulbins doeufz et en fera len emplastre sur les temples. La poulde avec laict faict dormir/ et aussi a ceulx q̄ sont en fieure q̄ leur done avec eaue chaulde. Contre chaulde apostume on la confira avec hyulle rosat et puis soit emplastre dessus elle la destruira. ¶ Item l'emplastre faict des fueilles ayde a ceulx q̄ ont vne maladie appellee herisipila. ¶ Item la semence donee en bruuage ayde hastiuement a ceulx qui seuffrent souuent pollutions. Il est vne maniere de laictues aigres q̄ ont plus longues & plus estroictes fueilles plus deliees plus aspres & moins vertes q̄ les autres/ & sont plus ameres et ont plus de chaleur et plus de seicheresse que les fraches. Plinius dit quil est vne maniere de laictue q̄ croist de terre sans semer q̄ len appelle caprine/ et qui la gecteroit en la mer les poissons den-

uiron mourroient tantost. Et si est vne autre maniere de laictue d'autre espee q̄ naist aux chāps. Qui en broye les fueilles avec boullie elles aydēt aux entrailles. Et lapellent les grecz pleon et selon les autres ysopon. Et si en est encores vne autre qui croist parmy boys q̄lz appellent scaupum de laq̄lle les fueilles broyees avec boullie vallent a playes et restraignent le sang et guerissent de pourriture les playes pourries. Il est vne autre maniere de laictue q̄ a rōdes fueilles et courtes q̄ plusieurs appellent haria ou herria/ de laquelle les octoires tirent le ius en frotant l'herbe & en torchant leurs yeulx/ et par ce esclarcissent leur veue quāt ilz sont vieilz et pleins de tenebres et obscurcis par vieillesse/ et guerist le ius de ceste herbe de toutes les maladies des yeulx/ et par especial quant on les messe avec le laict de femmes. Il vault aussi a morsure de serpens et a pointures descorpiōs se on le met avec vin ou se on le boit/ et se les fueilles broyees sont emplastrez dessus la playe elle oste & boute hors toute enflure.

¶ De lentisque. Chapitre. lxx.

Lentisque est vne herbe de seiche et chaulde complexion. Elle a vertu de restraindre et de cōsolider cōtre le flux des femmes/ et contre dissintere et vomissemēs de foibles vertus retētives. On cuira petis faisseaulx q̄ seront faictz dicelle avec les fueilles en vin aigre & serōt emplastrez sur la pennilliere & sur les reins/ et aux vomissemens sur la fourchette de la poitrine. Vng autre remede/ on prendra les tendrōs de lentisque & les mettra len bouillir en vin aigre iusques a la consumption dudict vin aigre/ et puis apres len les seichera et les mettra len en poulde et puis prendra len dicelle poulde en viande et bruuages et vault aux autres choses dessusdictes. Contre la rōgne de la verge de l'homme et l'eschecure la poulde faicte des fueilles sur vne tuylle chaulde seiches & bien mises en poul-

dre degastent la rōgne & l'ordure de la Berge: mais on ne le doit poit mettre iusques a tāt q' y ait ordure. Cōtre rōgne & ordure de bouche et de lāgue & de baulieures en fieure ague on cuira en vin aigre les fueilles de lentisque & en fera le pacient gargarisme.

C De laureole. Chap. lxxi.

L aureole est vne herbe moult laxatiue et est chaulde et seiche au quatriesme degre. Le fruit et semēce est rond & est sur le rōup a la quātite de poiure que len dit cocogridium ou coconidium qui est encores plus laxatif que nest laureole: mais toutes fois elle est moult laxatiue et purge le fleume & humeurs visqueuses et premierement des parties loingtaines et des ioinctures des membres / & apres elle purge la melencolie / et pource elle vault aux sciaticques / arteriques et podagres. **C** Item cōtre apoplexie & paralisie on en doit vser avec autres medicines en sopimel de iulia. Et aux autres medicines on le dōne aussi en autres decoctions: mais on ne la donne point seule pource quelle escorcherait les entrailles: car elle est trop ague de sa ppre nature. Mais toutesfois se nous en voulons vser par soy nous en deuons donner la decoction & y adiouster gomme de arabic & mastic affin que sa malice soit reprimee / & ne la doit on point donner fors a ceulx qui sont fors a lascher et qui ont le ventre charnu et les entrailles aussi. Et de telle vertu est sa semence.

C De lape. Chapitre. lxxii.

L ape est vne herbe qui a bons boutons et qui se tiennent fort aux rosbes. Il en est plusieurs especes et sont tous medicinables. Plinius dit q' elles valent contre poinctures descorpiōns: car escorpiōs ne peuēt ferir personne qui sen oingt de son ius. La decoction de sa racine conferme les dens qui la tient tiede en sa bouche / la semence guerist moult de vices de lestomac et prouffite a ceulx q' crachent sang & si vault cōtre dissintere pource

que sa racine prinse avec vin arreste et les fueilles avec sel laschent.

C De leuesche. Chap. lxxiii.



L euesche est chaulde et seiche au second degre. La semence est nōmee leuisticus leuesche. La semence et nō pas lherbe doit estre mise en medicines. Elle a vertu diuretiq & aperitiue et extenuatiue / & pource vault le vin de sa decoction cōtre opilatiō de foye & de rate: leane de sa decoction vault contre douleur destomac et des entrailles / et quāt elle est causee de ventositēz & la poultre dicelle avec poultre de cōmin vault aux choses dessusdictes.

C De mellons. Chap. lxxiiii.

M ellons desirēt telle terre cōme sont citruls et concombres: mais ilz la veullent moins grasse et moins fumee affin quilz soyent plus fermes et plus sauoureux & plus tost meurs / & aussi se veulent planter en tel tēps et en telle maniere / et quant ilz sont nez on ne les ose arrouser. Les aucuns sont gros et les mangeue len meurs / cest assauoir quant ilz commencent a souef flairer & estre iaulnes desquelz croissent ceulx qui ont les semences trespetites & ceulx icy sont les meilleurs de toutes les manieres de mellons. Les autres sont menus & verds & bien lōgs / et ainsi cōme tournez et les appelle len melanguli et sont manges verds comme citruls et sont de telle sauueur. Mais ilz sont moins froidz et sont plus digerables / et pource dit on quilz sont meilleurs que les citruls. Mellons sont froidz & moistes au second degre / et ceulx q' sont doulx sont de attrempee froidure. Auis cēne dit que la semence du mellon faict ainsi dormir comme racine de citruls et de concombres / & quant on vse de mellons ilz dovent aller deuāt autres viādes affin quilz nengēdrent abhominatiō. Mais ysaac dit que quāt on a mange le mellon on doit aucunement attendre quil soit digere auāt que len prengne autre viande. Encore dit Auis

cenne que le mellon est de tardive digestion fors quant on mangeue avec luy ce qui est dedans luy et son nourrissement est plus droit et son humeur plus conuenable quil nest de citrulz ou de concōbres: mais quant le mellon se corrompt en lestomac il engendre nature venimeuse et si cōuertist. Et pour ce conuient il que quant il griesue que on le estrappe hastiuement. Et les choses qui y apdēt apres ce que on les a mangees aux coleriques sont opizacre grains de fenoil et mastic. Et pour les fleumatiques opimel/gingēbre confit ou gingēbre seul/ou dya/ cimum et boient vin pur. La semence de mellons nectoye et faict briner et nectoye les reins et la vessie de grauelle et de pierre.

De melilot. Chap. lxxv.

Melilot est chaulde et seiche au premier degre. Cest vne herbe dont la semence est ainsi nommee et aussi lappelle len la couronnee du roy pource quelle est formee en la maniere du demy cercle. La semence et les escorces tant seulement entrent en medicine: car la semence est si trespetite et si tenant a l'escorce que a grant peine la peult on desseuer. Elle a vertu de conforter pour sa souefue odeur et si est diuretique pour sa subtile substance. Le vin de sa decoction vault a conforter la digestion et oste les ventositez et ouure l'opilation des reins et de la vessie/ et la semence mise en brouet ou en viande les faict de bonne saueur et de bonne odeur.

De mercure autrement linochitis.

Chapitre. lxxvi.

Mercure cest a dire linochitis est froide et moiste au premier degre. Elle a visqueuse substance et pource elle seiche et attraict hors moult doucement la cole du foye/ de lestomac et des boyaulx/ on donne le ius sans cypre avec sucre: car il diminue partie de sa vertu lapatiue.

De mauue. Chap. lxxvii.



Mauue est froide et moiste au second degre/ et en est de deux manieres. L'une est franche qui a plus subtile et plus froide humeur. Et lautre sauage que len appelle maluenisque: et si y a dimauue qui croist plus hault et est moins froide et moins moiste et si a la substance visqueuse. Contre apostumes chaudes au commencement on broyera les fueilles de mauue et les mettra len dessus pour meurir/ et puis on les broyera avecques saing de porc fraiz et les mettra len sur vne tuille chaulde. Et aussi vault ce que dit est contre la durte du foye et de la rate. L'estuue de ses fueilles et le baing de sa decoction vault a lauer les piedz de celluy qui est en fieure ague et font bien dormir. Mauue cuyte en potage lasche le ventre et en mangeue et si est bone pour lascher le ventre quant on est en fieure et faict on de la decoction bon chistere. Dimauue amolie plus et meure en fueilles et encore plus la racine broyee avec sain de porc vng peu chauftee: car elle meurist et amolist les dures apostumes/ l'herbe cuyte avec la racine tant longue ment q leaue soit gastee et q luy appere vne visquosite meure et amolie dures apostumes et les relaxe. Et de leaue q y adioustee cire et huylle on faict oignement qui a telle vertu. Leaue de la decoction de la semence vault contre seiche toux et donne confort a etiques. Aussi les semences mises en vng sac et cuytes en huylle dissoluent la durete et nectoyent. ysidore et Plinius dient que se aucun se oingt de ius de mauue meslee avecques huylle il ne pourra estre blece de poincture de mousches/ et si ne sentira en aucun de ses membres oingt de ce que dit est aucunes poinctures de scorpions.

De morelle autrement strigium ou solatrum. Chap. lxxviii.

Morelle strigium et solatrum est toute vne herbe et est froide et seiche/ et aucunement diuretique quant elle

est Verte. Elle est de grāt Vertu en fueilles et en fleurs. Et quant elle est seiche elle est de nulle Vertu / a a Vertu de refroidir contre opilation de rate et de foye / et par especial contre iaulnice quant la partie denhault est opilee cōtre lamer. On beuura le ius a fera len sirop de sucre et du ius / ou qui mieulx vault on donnera deux onces de ius avec cinq grains de reubarbe. Cōtre apostumes de lestomac / de entrailles a du foye on donnera son ius avec eaue dorge. Contre eschauffoison de foye. Vne piece de toille soit mise a mouilliee en son ius et mise dessus / et ainsi fera len sur chaulde podagre ou que lherbe soit broyee a mise souuent sur le lieu. Et vouldroit mieulx qui adiousteroit Vin aigre avec le ius ou verius / ou huylle rosat. Contre apostume chaulde au commencement pour rebouter la matiere on broyera lherbe et sera mise dessus.

De mente. Chap. lxxix.

Mente est chaulde a seiche au second degre et en est de trois manieres. L'une est franche et proprement de iardin a ceste cōforte et eschauffe moyennement. Et si est vne mente q est sauuage que len appelle mētaistre laq̃lle eschauffe plus. Et si en est vne autre qui a plus longues / plus larges et plus agues fueilles. Et est ceste appelée mente romaine ou sarrazine et lappelle len cōmunement lherbe sainte marie. Et est ceste plus diuretique que les autres. La mēte frāche se multiplie et sault moult legierement de terre et tost monte hault / et qui en prent la tige et la couche en terre et la couure de terre elle se cōuertist en racines a faict nouvelles branches et vault mieulx ceste en viande q en medicine / elle est de grant Vertu et seiche et Verte. On la doit seicher en lieu vmbraige a la garde len par vng an en grāt Vertu. Elle a Vertu de dissoudre et de consumer pour ses qualitez et de conforter par son odeur aromatique. Contre puantise de bouche a pourriture de

genciues et de dentz on lauera la bouche et les genciues du Vin aigre de la decoction de mēte franche / et puis on les frotera bien de pouldre de mente. Pour rappeler lappetit et conforter quāt il est empesche de froides humeurs qui sont en la bouche de lestomac on fera vne saulce de Vin aigre et de mente et dung peu de canelle ou de poiure. Contre vomissement qui vient de la Vertu contētiue ou de froide cause. On cupra mente en eaue salee ou de mer en Vin aigre et mouillera len vne esponge dedās a la mettra len sur lorifice de lestomac et mangera le pacient icelle mente. Cōtre sincope de foiblesse en fieure ou sans fieure / ou de matiere ou dautre quelconque cause len broyera mente avecq̃s Vin aigre a vng peu de Vin se le pacient est sans fieure / a se il est en fieure avec pur Vin aigre sans Vin / et que len mouille dedans pain rosty et q̃l y soit laisse iusques a tant quil soit moiste / et que on le ioingne a ses narilles et en frote len ses baulieures / les genciues / les deutz / les temples et les bras / et puis que le malade la masche et en auale lhumour. Contre le laict prins et coaguie es mammelles on cupra faisseletz de mente en Vin a en huylle et seront emplastrez sur les mammelles. Et deuds scauois que quant on dōne aucune medicine contre Venin / on la doit donner avec ius de mente ou avec Vin ou mēte sera cuyte qui nauroit point le ius. Contre Venin le seul ius de mente romaine ou le Vin de sa decoction ou le ius confit avecques miel y vault / et aussi il vault contre opilation de rate et de foye a des parties dont vient lurine q vient de froide humeur ou de chaulde / mais que len nait fieure. Le ius donne avecques miel occist les vers du ventre / et qui en gette du ius es oreilles il tue les vers q sont dedans. Qui en cuyt lherbe en Vin a huylle a la met sur apostumes froides elle les dissout. On cupra mentaistre / figues et sauge en Vin / et donnera len au malade de froide toux le

Vin a boire de celle decoction et la nourriture / cest a dire lestiue qui en est faicte et sen frote et laue reschauffe la marris et la netoie. Et qui faict vng sachet de la pouldre elle guerist le froid reume du chef / et peult on prendre mente rommaine pour franche.

¶ De meu. Chap. lxxxv.

Meu est chaulde et seiche au secōd degre. Cest vne herbe dont la semence a tel nom et vault grandement en medicine. On la peult garder par deux ans Elle a vertu diuretique pour sa subtile substance. Le Vin ou leaue de sa decoction vault contre opilation de rate et de foye venant de froide cause et dissoult l'empeschement de vriner. Leaue en vault en este et aux ieunes gens et le Vin en hyuer et aux Vieilles gens. La pouldre de meu avec semences de fenoil peult estre donnee en viandes et en bruuages. Elle exclud la ventosite de lestomac et des entrailles et si conforte la digestion.

¶ De marube. Chap. lxxxvi.

Marube est chaulde et seiche au tiers degre / on l'appelle autrement prape. Les fueilles en valent principalement en medicine et puis les escorces et apres la racine. On en garde l'herbe bonne par vng an en lieu vmbreux. Elle a vertu consumptiue et dissolutiue de ses qualitez et aussi de dissoudre et de ouurir de son amertume. Contre le Vice du pis qui est appelle asma de froide cause et de humeur visqueuse on donnera dyaprasium et fera len vng electuaire dune partie de son ius et la quinte de miel escume et le face len cuire iusques a tant quil soit espes et puis on y mettra pouldre de dargant et gomme arabic et requelice et sera tres bon cōtre le Vice de la poictrine ou au moins que la pouldre en soit bien confite avec miel et que on adioust pouldre de requelice. Contre la toux la decoction de luy vault avec figues seiches. Contre strangurie et dissinterie on donnera le Vin de sa decoction avec figues seiches et fera len vng emplastre de la

propre herbe cuyte en Vin et en huylle et la mettra len sur les reins et la pennilliere / et aussi vault contre colique de froide cause.

Contre emorroides enflees et courans on fera vne estuue du Vin de sa decoction et eaue salee et puis on fera vng suppositoire de sa pouldre et de miel cōfit esemble / ou len fera vne decoction de sa pouldre et de son ius avecques huylle muscellin et mouillera len dedans cotton / et puis mettra len au mal. Contre Vers on donnera la pouldre confite avec miel. Contre les Vers des oreilles le ius en sera gette dedans. Contre le Vice de la rate les escorces des racines serōt tremppees par quinze iours en Vin et en huylle et puis on fera de ce vne decoction et le coulera len / et apres on adioustera en celle decoction cire et huylle et fera len oignement

¶ De mandragore. Chap. lxxxvii.

Mandragore est froide et seiche: mais la quantite nest point determinee des docteurs / et en sont de deux especes le masle et la femelle: mais nous vsons bien de lune pour lautre indifferament. Et sicōme Auicēne et les autres docteurs le dient / la femelle est formee en forme de femme et le masle en forme dhomme: mais cest faulx Car seulemēt le masle a plus longues fueilles et la femelle les a plus larges: mais aucuns sont q taillent telles figures pour deceuoir les femmes. Les escorces des racines conuiēnent seulemēt en medicine et puis les pommes / et apres les fueilles. Lescorce de la racine cueillie est gardee en grāt vertu par quatre ans. Elle a vertu de restraindre et de refroidir / et aussi faict dormir en sieures agues. Pour faire dormir on cōfira la pouldre de lescorce avec laict de femme q aura porte fille et aubin doeuf et sera mis sur le frōc et les tēples. Contre douleur de chef de chaulde cause on mettra sur les temples les fueilles bropees et les oindra len dhuyllle de mandragore qui est ainsi appellee et faicte. On

prent les pommes de mandragore et sont broyees & les laisse len longuemēt en huylle cōmune & puis on les cuyt par aucun rēps / & puis on les coule & celle coulure sera huylle de mādragoze. Elle vaulx a faire dormir & a douleur de chef de chaulde cause qui en oingt le fronc et les temples et si reprent la chaleur de fieure / & aussi ceste huylle refroist la matiere des apostumes chauldes au cōmencement. Le fruct aussi et les fueilles si seront emplastrez dessus ou au moins sa pouldre avec le ius daucune herbe. Contre flux de Vētre de forte colle on oingdra le Vētre et toute leschine et le dos de celle huylle et en gettera len Vng petit avec Vng legier clistere. Auicenne dit que les taches frotees de fueilles de mandragore sont deffacees et les lentilles aussi sont effacees de leur laict & que tātost elles font dormir / & qui la doit en Vin elle enpure trop fort. La cure de ces choses est par boire miel & bien Uriner et de toutes les autres nuyssances de mandragore. Len dit communement que mandragore a vertu de faire femme conceuoir / & mesmes ment celles qui sont bzehaignes se elles en māgeuent; Mais ce nest pas vray se ce nestoit que lempeschement fust venu de chaleur de la marris; car lors la marris en ce cas seroit ramenee a mesure attrempee tellement que la semence de lhomme ne seroit pas arse dedans elle.

De maioraine. Chap. lxxxiii.



Maiozaine est chaulde & seiche au secōd degre. On lappelle p autre nom esbrium ou selon les autres cābitum ou oreilles de souris ou sansucus. Les fueilles & les fleurs appartiēnt en medicine. On la cueille en este avec les fleurs et les seiche len en Vng lieu Vmbrage & la garde len par Vng an. Elle a vertu de cōforter pour son odeur aromatique & de dissouldre & de consumer pour ses qualitez & aussi de mundifier & purifier. La pouldre de maioraine dōnee en Viāde ou cui-

te en Vin cōforte lestomac refroide / eschauffe & cōforte la digestion / & q la met aux narils les elle cōforte le cerueau. Les fueilles & les fleurs chauffees en Vng pot de terre mises en Vng sac et puis nuses sur le lieu doulant dissoluēt la douleur Venāt de Ventosite / & q les met sur le chef elles valēt cōtre la reume de la teste. Et deuds scauoir q les ratz & souris esguettent voulentiers a leurs racines pour en auoir medicine.

De nape. Chap. lxxxiiii.



Nape seuffre presque tout air / & demā de terre grasse et si naist mieulx en terre seiche & presque tenue & esleuee & sabionneuse. La propriete du lieu cōuertist & mue naps en nauet / & le nauet en nape / mais affin quil profite mieulx il veult terre bien remuee / fumees et retournee et vient tresbien es lieux ou les bledz ont este celle annee. Mais se ilz sont trop espes on les semera & trāsplantera en aucūs autres lieux vuidz entre les ballees ou vne partie affin que lautre puisse croistre mieulx. On les semera vers la fin de Juillet & tout le mois Daoust / et se la pluye fault on les doit arrouser. Et si les peult on semer a profit entre mil & pānic p especial entre les tardifz & la seconde sarcleure. La sarcleure ayde a naps et a nauet. Entre les napes celles qui sont de meilleure saueur sont les longs et presque froncez et rongnez / et non pas les gros ne qui ont plusieurs racines. Mais ceulx qui en ont vne seule et droicte ague. On faict tresbonne composte de nape avec raphane et Vng petit de sel et de Vin aigre de miel et de moustarde et despices souefz flairans / et si la peult on faire sans espices assez bonne. Napes sont chauldes au secōd degre et nourrissent moult / mais elles sont de dure digestion. Elles font la chair molle & enflee / mais encores moins que les nauetz ne font / et se on les cuyt en aucune eaue et on la gette & puis on les parcuist en lautre / la durtē de leur substance en est at-

trempee & engendre moyen nourrissement & attrempe entre bons & mauuais. Mais celes qui ne sont pas bien cuytes sont a grant peine digerees & font ventositez & opilatiōs es veines & cōduitz. Elles sont profitables se elles sont cuites deux fois & que ces deux eaues soyent gettees et on les parcuys en autre eue avec grasse chair.

De nenufar. Chap. lxxxv.



Nenufar est froide et moiste au secōd degre. Cest vne herbe qui a larges fueilles & est en eue & en est de deux manieres. L'une a fleurs de couleur de pourpre & est la meillseure. L'autre a fleurs iaulnes q̄ n'est pas si bone. La fleur en appartient a medicine & la cueille len en Septēbre & la garde len par deux ans en grant vertu. On faict des fleurs sirop cōtre fieure ague & pour l'attempance de sa chaleur on cypza les fleurs en eue & y adioustera len du sucre et en faict on sirop. Cōtre douleur du chef de trop grāt chaleur les Sarrazins en mettent leurs fleurs en eue par toute vne nuit et puis au matin ilz applicquent celle eue et les fleurs a leurs narilles.

De neelle. Chap. lxxxvi.



Neelle est chaulde et seiche au tiers degre. Cest la semēce d'une herbe q̄ len treuve en lieu de paluz et entre fromens et se peult garder par dix ans et est ceste semēce rōde et pleine & tend sur le roud en couleur et sur lamer en saueur et pource elle a vertu diuretique pour son amertume et est dissolutiue et consumptiue pour ses qualitez. Emplastre faict de farine de neelle et ius dalupne mis entour le nombril occist les vers et par especial aux enfans. Pour les grans on la confira en miel & le prendront. Farine de neelle faicte avec vin aigre & tie de gettee ou soufflee es oreilles tue les vers. Dignement de neelle est tresbon contre rōgne/gratelle & mēgeure de face & du corps.

On cypza vne grant quantite de neelle en vng pot en tressort vin aigre & le cypza len tresbien iusques a tāt que le vin aigre sera tout degaste & que le demourant sera espees & puis apres on mettra huylle dedans.

De napellus. Chap. lxxxvii.



Napellus est nappus de mer ou selon les autres vne vapeur de mer et troist en la rēe de la mer et est benin tresmauuis & perilleux et est chauld & sec au dernier degre & q̄ sen torche il nettoye le cypz. Et quāt il est rectifie par art de medicine et on le boit il vault contre mesellerie & est benin a celluy q̄ en boit oultre demps once et moins en occist bien vng homme. Et est vne chose moult merueilleuse comme miraculeuse que len treuve enpres napellus vne petite souris qui paist aupres de luy & est celle souris le triacle contre le benin de napellus.

De origan. Chap. lxxxviii.



Origan est chauld & sec au secōd degre et lappelle len galena ou golenā & en est de deux manieres cest assauoir origan sauage q̄ a les fueilles les plus larges & oeuvre plus fort & si en est vng frāc de iardin qui a moindres fueilles q̄ oeuvre pl⁹ doulcemēt & le met len en medicine on le cueille en tēps q̄ il faict ses fleurs & le seiche len en lumbre en espādāt & doit on mettre en medicine les fueilles et les fleurs et getter hors les souches & les garde len par vng an et a vertu de dissouldre de cōsumer & de attraire. Cōtre froide reume de la teste on prend a les fueilles & les fleurs et seront nuses en vng pot de terre sans liqueur bien sec & les mettra len au feu & quāt elles serōt biē seiches & chauldes len les mettra en vng sachel et puis sera mis tout chauld sur le chef et que le patient soit bien couuert de draps pour suer. Le gargarisme faict du vin de la decoction des choses dessusdictes oste l'humour des dentz et des gencines la degaste & aussi

le faict la pouldre mise dessus. Cōtre froid
asme on donnera au pacient le vin de sa de-
coction & de figues seiches ou la pouldre cō-
fite avec miel pour prēdre avec eage chaulz
de. Le vin de sa decoctiō cōforte la digestion
et oste la douleur de l'estomac & des entrail-
les. Les faisseletz fais de l'herbe cuite en vin
et mises sur les reins ostēt & dissoluēt la ma-
ladie q'est nommée strangurie et dissintere.

Des oignons et ciboules.

Chapitre. lxxxix.



Oignons demādet terre deliee / gras-
se & bien remuee. Leur semēce bien
criblee dure par vng an seulēmēt.

Mais qui pēd les oignons en tor-
ches ilz durēt deux ans ou trois / et aucuns
les sement en Novembre au cōmencement /
et ainsi le faict on en Tuscaïne / et faict on
sur leur lieu a semer ainsi comme treilles
couuertes aucunemēt de feuilles ou de feurs
re deuers Galerne par vng bras esleuez et
par deuers midy par deux. Plusieurs le se-
mēt en decembre / ianvier / feurier et mars /
& si tost cōme ilz peuent bōnement semer a-
pres l'uer & au premier / & si tōst cōme ilz
seront premierement par creuz aucunement
soit en aueil soit en may ou en iuing on les
plante en aires par vng demy pied ou vng
espan loing lung de l'autre. Et doit on met-
tre en laire quatre renges / et ceulx que len
veult manger auant quilz soyent meurs on
les doit planter en aires ou sont courges / ci-
truis & cōcombres ou melons / & quāt ilz se-
ront creuz on doit oster les oignons pource
quilz viendroyent a meurete qui les laisse-
roit combien q'lz ne viennent pas si gros cō-
me les autres q' sont plātez par aires seulz.
Quant ilz doiuent estre plantez on osterā &
couppera leurs racines iusques au gros
dung doib ou de demy doib empres loignon
et les ficher en terre seulēmēt par vng doib
car ilz se reprendront legierement et ainsi
cōme se on les mettoit sur la terre / ou se ilz
cheoyent seulement a porter de loing & mes-

mement tous descouuers ou en terre ainsi
comme seiche: mais quilz soyent plantez en
terre bien labourée / remuee et conuertie en
pouldre ilz reuiēdront a volonte & croistrōt
grandement. Dignons et ciboules veulent
estre soupz souuent tout entour et nettopez
des herbes / et se la terre na este fumee en
l'annee on la deura fumer au tēps de la plā-
tation affin q'lz reuiēnent tresbien. Et quāt
on aura cueilly les oignons meurs cest assa-
uoir quant ilz ne se pourront soustenir & q'lz
ne croissent plus on plantera les meilleurs
diceulx au moy de daoust affin quilz facēt se-
mence en l'annee ensuyuant: mais les pires
seront plantez plus tard affin que on les ait
verdiz en careme & les moyses serōt gardez
pour en vser. Et se on les arrache au de-
cours & par cler tēps & sec ilz sen garderont
mieuilx en lieu sec et obscur. Dignons sont
chaulx et moistes au tiers degre / et pource
qui en mangeue trop souuent pour leur a-
gissement ilz engendrent mauuaises hu-
meurs en l'estomac & enfleures / ventositez &
douleur de chef et bestournent le cerueau
pour leur fume qui mōte au chef et fiert le
cerueau dont ceulx q' sont coustumiers den
vser acoustument assolient et voyēt son-
ges horribles et melencolieux: et par espe-
cial ceulx q' viennent nouuellement hors de
maladies quant ilz en mangeuent. Qui les
mangeue crudz ilz ne nourrissent point le
corps / mais qui les cuit en eue & que celle
eue soit gettee & puis quilz soyent parcuitz
en autre eue ilz donēt assez bonne nourri-
ture et par especial se on les cuit avec bōne
chair & grasse & que on y mette aucune bōne
confiture. Mais qui les mangeue crudz et
par raison pour aucune medicine ilz don-
nent chaleur & retrenchēt grosses humeurs
et visqueuses et ouurent les veines qui font
briner et apdent aux femmes a auoir leur
temps et croissent l'appetit et esmeuent a
luxure par leur chateur et humeur. Et se le
ius est gette es narilles & se on en flaire sou-

uent lodeur le chef du malade enest purge/
et qui les mangeue cruz ilz donnent crois/
sance de cheueulx. Auicenne dit que il y a en
loignon Vne acuite incisive & trêchât amer/
tume et stipticite/ et q̄ celluy qui est le plus
long la plus ague/ et est le rouge plus agu
que le blanc et le sec que le moiste & le cru q̄
le cuyt. Et aussi est en loignon Vne attra/
ction de sang aux parties de dehors & pour/
ce il faict rougir le cuyt/ & avec ce quant on
mangeue loignon il vault proprement con/
tre nuyssance deaue & sa semence defface mor/
fee/ & quât on sen frote entour les cheueulx
cheans ilz en sont apdéz & secouruz grandes/
ment. Et avec miel elle arrache la Verolle/
bube et Verus: et qui trop en vse il deuient
estourdy/ & est Vne des choses qui nuyssent
a l'entendement pource quilz engendrent
mauuaises humeurs.

De ortie.

Chap. xc.



Ortie est ainsi nommee pource q̄ elle
ard le cuyt quant elle le touche: car
elle est de nature de feu ardent cō/
me Macer dit/ et en est de deux manieres
Lune poignant & lautre morte q̄ ne poingt
pas et en sont les fueilles plus blanches/
plus nobles & plus rondes q̄ de la poignât.
Chascune des deux est medicinable. Le ius
beu avec Vin vault contre iaulnice et coli/
que passion et avec miel il guerist ancienne
toux et nettoye le poulsmon & assouage len/
fleur du Ventre et lesleueure. Les fueilles
dorties bropees avec sel nettoient & purgēt
ordres playes & puantes et les guerissent et
morsure de chien et chancre. Aussi la racine
bropee & cuyte en Vin & huylle vault contre
enfleur de rate. Le ius dortie restrainct le
flux de sang de narilles. La semence beue
auec Vin & par especial quant il y a du miel
& du poiure esmeult a luxure. Et lherbe fres/
che et tendre amolie le Ventre quant on la
mangeue & par especial au moys de Mars
cuyte en huylle.

Des poireaulx.

Chap. xci.



Direaulx portent tout air & res/
quierent terre moyēnemēt dis/
soulte/ grasse & bien fume. On
les seme en lieux chaulx & pres/
que attrêpez au moys de decēbre/ & en lieux
froidz & desattrempez en ianuiet & feurier &
mars quât la terre est ramenee a equalite.
Ceste semee se peult faire de poireaulx seu/
lement ou meslee avec autres herbes et q̄ ce
soit en terre bien labouree & fume par des/
sus/ et les peult on semer espes puis on les
eslieue et traict on hors. Premièrement les
poireaulx plus gros et ne leur oste len rien
de leurs racines quât on les plante en fos/
ses/ mais quât on les plante a Vng baston
en Vng trou on leur retrêche leurs racines
ainsi cōme iusq̄s a la poire & le sommet des
fueilles. On les plâte au moys dauril & de
may et tout au long de iuing: et si les peult
on planter en iuillet/ aoust/ septēbre & octo/
bre: & serōt bōs au moys de mars & en auril
prochain. Et si nest poit de necessite q̄ en la
plantation des poireaulx on quiere molle
terre: car la moyēne luy est tresbōne & la seiz/
che presque bonne. On plante poireaulx en
deux manieres. Lune si est en fossez & est bō
ne coustume quât on les faict dune paulme
loing lune de lautre & q̄ les poireaulx soyēt
gisanz en la fosse loing lung de lautre par
quatre doiz/ & quât on faict la fosse dēpres
len gette la terre dicelle sur les poireaulx
plantez et la foule on aux piedz Vng peu
doulcement. Et lautre maniere si est de les
planter a Vng pieu dont len faict Vng trou
en terre tresbōn fouye et labouree et que le
trou soit dung espan en parfond et loing
lung de lautre de demy pied/ et la on met
les petis poireaulx bien disposez/ & ne se doi/
uent point remplir les troux de terre mis/
se dedans. Mais apres trois sepmaines
quant il y vient herbe on les doit sarcler et
nettoyer des herbes. Et dit on que les poi/
reaulx ainsi plantez valent mieulx que les
autres & ne les peult on pas legieremēt ar/
racher.

racher ne embler. mais ceste maniere est la plus penible/ et en ceste maniere peuent ilz estre tresbien plantez entre les ciboules qui sont ia comme grosses. Et quant on aura arrache les ciboules on doit sarcler les poireaulx & ilz viennent lors prouffitabement & quant on les cueillera on en laissera les aucuns pour semences: car on peult bien garder leurs semences par trois ans quant elles sont pendues en lieu sec. Poireaulx sont chaulx et secs au tiers degre: ilz ne sont pas de grāt louenge quant a viande/ car ilz sont mal a lestomac & font v̄tositēz & enfleures & si mordēt les nerfs pour leur ague saueur et si ont de leur propriete de faire fumee noire et melencolieuse qui monte au chef et obscurcist la veue/ et si font songes horribles & paoureux / et pource sen doyent garder et abstenir gens melēcolieus & hors du sens et coleriques & ceulx q̄ ont opilations au chef. Et ceulx qui en vouldrōnt manger doiuent manger pourcelaine / endiue et les semblables avec laictues pour attrēper la chaleur diceulx poireaulx ou qu'on les parbouille ou que on les laue deux ou trois fois auant quilz soyent mangez. Mais quant a medicine poireaulx sont bons: car qui les mange crudz ilz nettoient les conduitz & charez du poulmō de toutes grosses humeurs et ouuēt l'opilation du foye. Le ius des poireaulx avec vin aigre & hyulle mis aux narilles si restrainct le sang qui en yst hors/ et estanche ceulx qui sont de froide nature. Et qui les distille aux oreilles pour douleur venue de froit et de humeur il guerist. Qui met poireaulx crudz sur morsure de serpent par maniere demplastre ilz y apdēt. Qui les cuyt avec hyulle de sisanicle ou avec amandes & les cōfist et prēt ilz eschauffent a luxure. Plinius dit que poireaulx broyez avec miel et mis sur playes les guerist/ & q̄ en boit le ius avec vin il oste la douleur des bougs/ & qui les broye & met avec sel il recloft tantost les playes ouuertes et

guerist les durtez & relasche/ cōferme & cōsolide briefuemēt les froissures. Poireaulx mangez cruz valent a lencontre dyuresse et aguillonēt les membres a luxure & chassent par leur seule odeur serpens & scorpiōs et si valent contre douleur des dentz & occist les vers des dentz: mais ilz obscurissent la clarte des yeulx & griesuent lestomac & font auoir soif & enflambēt & eschauffent le sang qui en mangeue trop. Et est la semence du poireau plus seiche & de plus forte action q̄ ail nest: & q̄ en donne a boire trois dragmes ou deux de semēce ilz restraignēt grādemēt le sang q̄ len crache qui viēt de la poitrine.

¶ De pauot. Chap. xcii.



Pauot doit estre seme en septēbre en lieux chaulx & secs/ & en lieux attrēpez & froidz en ianaiier/ feurier & mars & Septembre: et le peult on semer avec autres herbes et avec chouly. Pauot est froid & sec au premier degre & en est de deux manieres. Lūg blanc et lautre noir. Le blanc est froid & moiste/ et le noir froid & sec & si mortifie plus. Sa semēce se peult garder par dix ans. Elle a vertu de faire dormir/ adoucir & de mortifier. Pour faire dormir on fera emplastre de la semēce de chascune par soy ou de deux avec laict de femme & aubin doeuf & sera mis entour les tēples. Les sēmes de Salerne dōnēt a leurs enfāz pouldre de pauot blanc avec leur propre laict & est de la semēce/ & nest pas bonne celle du pauot noir pource quelle mortifie trop. Cōtre chauldes apostumes au cōmēremēt & contre eschauffement de foye la semence de pauot ou l'herbe mesme broyee et cōfite avec hyulle rosat soit mise sur le mal. Cōtre seicheresse de mēbre cōme en ethique et en autres telles maladies on cōfira pouldre de pauot blanc avec hyulle violat et en oingdra len leschine du dos p̄ tout/ a ce mesme & cōtre la seicheresse du pis vault moult dyapapauer q̄ en est faict: & principalement Plinius/ Macer et Dyaconides dient que

du ius des fueilles de pavot & de leurs capi-
telz on faict vng opian q faict dormir ceulx
qui sont en fieure / et le doit on donner par
grant aduis et consideration / pource quil
faict grant opilation au chef et refroide et
mortifie & par especial le noir.

**De pencedan autrement fenoil
porchin.** Chap. xciii.

Pencedan est vne herbe autrement
nommee fenoil porchin & est chaul-
de et seiche / & vault le vin de sa de-
coction contre strangurie / dissintere & opila-
tion de rate & de foye. Lherbe aussi cuyte en
huylle et en vin emplastree sur le foye et la
rate amollie leur durte. Contre froides hu-
meurs es parties espirituellles on donnera
leau de sa decoction & de orge / & se elles sont
moult froides on donnera le vin de sa deco-
ction & ius de reguelice.

De persil. Chap. xciiii.

Persil doit estre seme en decem-
bre / en feurier et en mars et en
auril tout seul ou avec autres
herbes / & le peult on transplan-
ter tout au long de lan ainsi come len veult.
La semence en peult estre gardee par cinq
ans. Persil est chauld et sec au second degre
et si est diuretique et trenchant. Il faict ve-
nir lurine & les fleurs aux femmes / & si dis-
sout ventositez et enfleurs / par especial sa
semence. Galien dit que qui en faict empla-
stre sur pustules / rongnes et morsees il net-
toye tresgradement / & pource il ay de moult
aux pdropiques & a ceulx qui ont fieure pe-
riodique / et li assouage la douleur des reins
et de la vessie / pource quil ouure les coduitz
du corps et les clarifie et aussi leurs voyes
et attenuie les humeurs et les met hors en
sueur et brine. Il nettoye le foye et les
playes dicelluy / et ouure lopilation et gue-
rist leurs apostumes / et par especial celles
qui sont es reins. Il dissout la ventosite de
passion colique. Qui le pile et met en la na-
ture de femme il leur faict venir leur teps

& larrriere fais quat feme a enfante / & si bou-
te hors du corps le fruct mort. Et q le done
a boire a femmes grosses il nettoye & mudifie
le fruct de grosses humeurs & visqueuses.

De psilium. Chap. xcvi.

Psilium est froid et moiste au quart de-
gre: cest vne herbe dont la semence a tel
nom & doit on mettre la semence en me-
dicine. On la cueille en este & se garde par
deux ans. Elle a vertu de refroidir & amoi-
sir. Quant la langue est seiche & arse enfie-
ures agues on mettra la semence en vng
delie drappeau et sera lie et puis sera mis
trempet vng peu en leau / et quant on aus-
ra rate la langue on la frotera et applanira
len de ce que dit est. Contre la secheresse
des parties espirituellles et quant le ventre
est estrainct en fieures agues on mettra psi-
lium en eau et y sera laisse aucun peu / et
puis on gettera leau et donnera len le psi-
lium avec eau froide. On se met aussi en
sirop contre fieures agues & en faict on gra-
de decoction / & quat la goutte se tiert au vais-
seau laquelle y tient legierement pour sa vis-
cosite il est lors bon. Contre dissintere on le
brusle en aucun pot de terre & met on la poul-
dre en vng oeuf mol ou en eau rose qui
mieulx vault / et le donne len au malade
quant le mal luy est venu par les entrailles
denhaut / mais quat il est des boyaulx de-
bas on met la pouldre avec anatasie et luy
baille len par dessoubz. Et aussi vault a ce
vng emplastre faict de la pouldre et aubin
doeuf et vng peu de vin aigre et deau rose
mise sur la pennilliere et les reins ou sur le
nombril quat cest pour le deffault denhaut
Et contre le flux de sang des narilles vault
ce mesme emplastre mis sur le fronc et sur
les temples ou que de ceste pouldre & du ius
de sanguinaire on luy mette dedas les na-
riles a vng tupaou ou autre chose. Contre
chauldes apostumes on emplira vng sachet
de la semence de psilium et de aucune autre
herbe & sera mis bien souuent dessus. Contre

aspresse de cheueulx on lauera la teste de la decoction de psilum. Il garde le canfre par sa froideur et humeur: car le canfre est de trop subtile substance.

¶ De plantain. Chap. xcvi.

Plantain qui est autremēt appelle langue de mouton est froit et sec. Les fueilles de plantain cōsolidēt quāt elles sont seiches et aydent tresbien a rancle et rongnes / et ny est riens meilleur cōme dit Diascorides. Et est merueille q se len boit le ius de trois racines de plantain avec trois onces de vin il guerist aucunes fois de tiercaine. Et se len en boit le ius de quatre racines avec quatre onces de vin il guerist aucunes fois de quartaine. Et aussi dit Diascorides que il guerist de playes de chiens enragez. Il ayde aux ydropiques et vault cōtre venin / et occist son ius les vers au ventre & si guerist tressort flux de vêtre / et restrainct le tēps aux femmes / & reffiert lenfleure de apostume & la degaste au commencement. Il guerist les genciues quāt elles sont enflees et pleines de sang / et si les nettoye et restrainct.

¶ De polipode. Chap. xcvi.

Polipode est chaulde au quart degre / et seiche au second. Aucuns dient quil est chault et sec au second degre. Cest vne herbe semblable a feuchiere et croist soubz le chesne / sur murs & sur pierres & lappelle len communement feuchiere de chesne. Et est la meilleure celle qui croist sur le chesne. La racine cueillie et aucunement nettoye et seichee au soleil par vng iour se garde en grāt vertu par deux ans. Et celle qui appert seiche par dedās quant on la brise est de nulle vafeur. Elle a vertu dissolutive / consumptiue et purgatiue. Et principalement elle purge le fleume et la melencolie / et par especial de lestomac et des entrailles et est vng peu laxatiue. Et deuons scauoir que en la decoction de polipodium on doit mettre aucune

chose de ventosite comme est anis / fenoil et commin: car polipodium mue seulement les humeurs en ventosite. Aussi nous vsons de polipodium en apozimes & confitures / & en eaue et brouet de gelines & dautres chairs / & en donne len la pouldre pour lascher. Elle vault a quotidienne et tierceine qui procede de cole Boirrine ou citrine. Elle dissout aussi lopilation du foye venant de grosses humeurs visqueuses. Et si vault contre sieure quartaine & si prouffite a ceulx qui ont mal aux boyaulx & a colicque & qui ont fleumes muscillagineux et aux entrailles. Elle vault cōtre quotidienne & passion de boyaulx et a lopicie et douleur des artelx. Et pour garder sante on en vse ainsi. On casse & broye du polipodium vne once ou deux au plus se il est moult laxatif et le cuira len en eaue avec prunes & violettes / & y adiouste len de la semēce de fenoil et de anis en grant quantite. Et puis sera nettemēt coule & en dōnez la len au malade au matin et au soir.

¶ De pastinaque. Chap. xcvi.

Pastinaque est semee en Decēbre / Janvier / feurier et Mars / en terre grasse & hault fossoyee deliee et bien labourée / et en est de deux manieres. Lune sauuage & lautre franche / et est chascune de dur nourrissement / et si nourrist moins que nauetz. Elle a vng peu de acuite / et pource elle est externuant et faict dyafrome / et faict venir l'urine & le temps aux femmes & si a aucune vertu denflamation / et pource elle ayde a luxure et qui lacoustume elle engendre mauuais sang / et pource conuient a ceulx qui en veulēt vser par mesure que soit deux fois trempee et parbouillie en eaue / et que ces eaues soyent gettees / & puis apres quelle soit parcuite en la tierce. La sauuage pastinaque est appellee daucuns asinius / et la franche daucuns ceticus. Selon ysaac leur racine est chaulde au mylieu du second degre / et moiste au mylieu du premier degre / mais selon les autres / les fueilles et les

fleurs en sont chaudes et seiches au tiers degre / et peult on mettre en medicine lune pour lautre pource quelles sont ainsi come dune vertu : mais la franche vault le mieulx. Il est vne pastinaque rouge que len peult manger crue et cuyte / et est tresbonne a mettre en composte avec nauetz / et est belle pour sa couleur rouge et est semee comme les autres pastinaques. Elle a vertu medicinale selon les fueilles et les fleurs et peu ou neant selon la racine / et la doit on cueillir quant elle florist et getter hors les racines et puis seicher en lumbric les fueilles et les fleurs et se peult garder par vng an. Elle a vertu dissolutive de consumer et dattraire de ses propres qualitez / et est diuretique de sa subtile substance. Contre froide reume on fera vng sachet de la pouldre de ceste herbe q sera mis tout chaud sur la teste du pacient pour la douleur de lestomac q procede de bestosite ou de froidure. Et contre stragurie / dissintere / colique et passion de boyaulx on donnera le vin de sa decoction et puis que grant quantite de lherbe soit mise en vin et cuyte en huille et mise sur le lieu dolant. Contre stragurie / dissintere et le mal de la pierre / on donnera le vin de sa decoction / de sa semence et sapifrage. Contre opilation de rate et de foye de froide cause et ydropisie on fera vng sirop de sa decoction et du ius de fenail. Contre durete et opilation de foye et de rate / on prendra de ceste herbe engrant quantite et la mettra len en vin et en huille et y sera lasee tremper par dix iours / et au dixiesme on la cuira tant quelle soit toute ramenee en huille et puis que lherbe soit bien esprainte et le demourant coule / et apres ce que ceste couleure soit mise au feu et que on mettra la cire dedans et que on en face vng oignement lequel vaudra contre les choses dessusdictes et contre telles apostumes.

De pourcelaine.

Chapitre. xcij.



Pourcelaine en quelque temps quelle soit semee elle viet quant la chaleur vient / et par especial on la peult semer en aulx en may et en iung / par soy ou meslee avec autres herbes. Elle viet tresbien entre chouly et entre oignons et poireaux / et si peult bien estre semee entre les vignes / toutefois elle desire terre trop grasse pour mieulx venir. Et ou elle aura este semee vne fois elle reuiendra chascun an tresbien / et par especial se en ce lieu elle est venue a parfaicte meurete / trop grant secheresse la grieve grandement se on ne luy ayde par souuent arrouser / et afin q elle ne face point de souche elle doit estre mise es ombres des arbres et en mottes pleines dherbes. Et en est de deux manieres de pourcelaine. Lune q a moult larges fueilles q len appelle romaine ou bienuentaine / et est moult moiste et mal sauoureuse. Et lautre est comune et a petites fueilles / et est ceste moins moiste et de meilleure saueur. Se elle est semee entre herbes espesses elle ne pourra faire belles souches et ne se pourra dilater. Pourcelaine est froide au tiers degre et moiste au secod / quant elle est verte elle est de grant vertu / et seiche de moindre. Elle a vertu de adoucir et est linitue amoytissant et refroidissant Cest tresbonne viande a ges q sont en fievre cuyte et crue. A vêtre estoupe on la cuira en eue avec prunes et puis le pacient mangera les prunes et pourcelaine et beuera leaue. Et peult on bien proprement mettre pourcelaine avec choses diuretiques / elle a aucune ponticite / et pource elle conforte lestomac et les entrailles et si vault contre playes nuyfians es reins et en la vessie / et si vault aussi a flux de sang et restrainct de quelconque part que il vienne. Elle oste la douleur et la chaleur de la rate et du fronc quant on en oingt le chef / le fronc et les temples. La franche vault contre dissintere et ayde aux gens qui ont coleriques egistions. Auicene dit que pourcelaine a vertu de des-

raciner verrues & les arracher quant elles en sont frotees & oste l'assure des dets assées et retrenche le desir de luxure: mais toute fois en coplexiō chaulde & seiche elle y adiouste.

De papire dicte papir.

Chapitre. L.



Papir est appelée papir comme paisture de pir / cest a dire nourriture de feu pource q̄ quant elle seiche cest chose biē propice pour nourrir feu en lampes. Cest vne herbe trespleine par dehors & par dedans / elle a vne moelle tresblāche & est legiere cōme espurge & naist en lieux pleins deaue et l'appelle len cōmunemēt ionc. On le seiche & l'escorce len: mais il doit demourer vng peu de l'escorce dang coste pour soustenir la moelle droicte. Et de tāt q̄ l y demeure mois descorce de tāt ard elle plus cleremēt en la lampe & si en est plus legierement enflambee: on en faict en aucū lieux vaisseaulx & nefz cōme a memphi & en inde. Ainsi que Plinius dit / & aussi l'histoire Dalexandre / & aussi faict on chartes de papire pour escrire lettres. Et aussi en faict on corbillons et plusieurs autres choses pour le commun & humain vsage / on en lye les voilles des nefz / et si en faict len aucunes robes. Plinius dit que la moelle vault moult pour traire et mettre hors leaue des oreilles: car elle la boit de sa nature et la traict a soy. Et pource on retraict eaue de vin a papire.

De poultieul.

Chap. L.i.

Poultieul est chauld et sec au tiers degre. On le cueille quant il est en fleur & le seiche len en lumbze / et se peult garder vng an. Les fueilles et les fleurs valent en medicine sans la tige & les brāches. Il a vertu de dissouldre & de cōsumer. L'herbe de poultieul & les fleurs bien cuytes sans eaue dedās vng pot et mises en vng sachel et puis assises sur le chef bien chauldement guerissent de reume froide. Vng gargarisme fait de vinaigre / & de la decoctiō de poultieul

lieul & de figures seiches vault contre froide toux qui vient de glueuses humeurs & pleines deaue. Le vin de la decoction de poultieul vault contre douleur de lestomac & des entrailles causees de froit ou de vēt. Et aussi vault a ce leplastre fait de poultieul cuyt en vin et mis dessus. Aussi vne estuue faicte de leaue de la decoction de poultieul seiche l'humour de la marris & la restraint / & pource en vsēt fort les femmes de Salerne.

De raues & nauetz.

Chap. L.ii.



Naves cest a dire nauetz q̄ viennent en to^r aires habitables & regerēt terre dissoulte & grasse & tellemēt dissoulte quelle soit presque ramenee en poultieul affin q̄ ilz viennent mieulx. On les seme par telle maniere / on mesle la semence avec poultieul affin q̄lz ne soyēt trop espes semez et les peult on semer de la fin de iuillet au mois daoust / & encores oultre & par tout le mois daoust en lieux chaulx & secs / et p especial quant la terre aura este p auāt mouillee de pluye: se on les seme au large ilz en serōt plus grās / & pource ou les plates serōt venues espesses de rinceaulx quant ilz y aurōt prins aucune force et grandeur on en osterā les aucuns & serōt trāsplantez en autres lieux vuidz ou on les osterā p les sarcler souuēt / & sont moult aydez par les destourner d'herbes. On les seme en chāps nudz / & si peuēt estre semez en estouables se elles ont este tresbien arees / & q̄ la semēce soit couverte de terre a vne herce ou daucū autre instrumēt affin q̄lle ne soit pas trop pfond plongee en terre. Aussi les peult on tresbien semer entre le pannic tard & en la seconde sarclation diceulx / et quant le pannic sera leue on les sarclera. Ilz se delectēt en plain chāp et leur griesuent grādemēt les ombres. Et se il est seicheresse de temps tant q̄ on ne les puisse semer en tēps propice on les pourra bien semer espes en aucun lieu vmbage et arrounable cōme chouly. Et quant les plantes seront grandes et la terre bien arrousee

de pluze on les y pourra transplanter Vers
la fin daoust & iusques a my septēbre en ter
re bien labouree. On les cueille en octobre/
et ceulx qui seront les plus beaulx on leur
ostera leurs fueilles et les plātera len affin
que ilz facent semence en este prochain Ver
nāt. On faict composte de nauetz avec eae
affin que on les ait pour potage en luyer et
en caresme ensuyuant/ et est faicte en telle
maniere. On laue tresbiē les nauetz & puis
on les compose et met on crudz en Vng pot
de terre ou autre vaisseau seul a seul / et en
chascun pot de terre on semera/ & en chascun
ne piece du sel mesle avecques semence de fe
noil et de sature ou de sel sans plus / et a la
fin seront pouldres & seront ainsi laissez par
huyt iours/ & puis on y mettra de leae froi
de tant quilz seront couuers/ et par ainsi se
rōt gardez tout au long de lan. On en faict
aussi cōposte avec Vin aigre/ raphane/ mous
tarde & sel par telle maniere. Pour la quā
tite de deux communs seaulx / on prendra
Vne liure de raphane et plus se on la veult
faire/ et Vne liure de moustarde & demye li
ure de graine de fenoil & trois liures de miel
et Vne de sel et sera trēchee la raphane tout
du long desieement & sera pilee menuement
et y seront meslez la semence et le sel et puis
on fondra le miel & sera desmesle avec mous
tarde et destrempe de tresbon Vin aigre en
uird de la moitie dung seau et puis des na
uetz et napes/ rays et racines rouges & pa
stinaques/ pommes & poires qui veult bien
apoint cuytes et tresbien refroidies et bien
trenchees/ et puis fera len lict et fondement
et semera len par dessus du rasan avec les
semences et le sel mise toutesfois par deuant
moustarde a equalite. Et puis on fera Vng
autre lict et puis on mettra la moustarde &
les semences et tousiours ainsi iusques a ce
que le vaissel soit plein / et seront ainsi gar
dez. Selō ysaac le naue est chault au secōd
degre & nourrist plus que les autres herbes
mais toutesfois il est de dure digestion.. Il

faict chair molle et enflēt pour sa Ventosite
et enfleure/ il resueille a luxure / et se on le
cuyt en eae et puis que on gette celle eae
& q̄l soit recuyt en autre eae on luy attrem
pera la durte de sa substāce & dōnera moyen
nourrissemēt entre bon & mauuais: mais se
il nest bien cuyt il est a peine digere. Il faict
Vētosite & opilatiō es cōduitz/ & pource il est
bon cuit deux fois. Et quāt il sera ainsi cuit
on gettera ces deux eaes & sera parcuit a
uec bōne chair & grasse/ & sans ce ilz sōt bōs
a podagres se ilz lauent leurs piedz au ius.

De rasan.

Chap. C.iii.



Rasan nest point seme: car il na
point de semēce: mais len plan
te la courōne fresche toute ou la
moitie ou len fera petites pie
ces des racines & serōt plantez en Nouēbre/
Decēbre/ Janvier/ feurier ou Mars. Il
veult terre parfondement fosseee/ dissoul
te/ grasse & bien labouree/ sicōme les autres
herbes dōt nous voulons auoir longues ra
cines & grasses. Nous vsons de rasan prin
cipalement a faire composte de nauetz. Le
rasan est chault & sec au secōd degre. La ra
cine verte appartient a medicine/ & seiche aus
si & plus la verte q̄ la seiche. La racine a ver
tu incisive et dissolutive. On en faict bon
opimel par telle maniere. On broye aucu
nemēt les racines & les laisse len deux iours
ou trois en Vin aigre & puis y met on la tier
ce partie de miel. Tel opimel vault a len
cōtre de cartaine & de cotidiēne se elle ne viēt
de fleume sale. Se il y a en lestomac froides
humeurs indigerees on donnera a manger
les escorces des racines de rasan qui soyent
touillees en miel & Vin aigre iusques a tāt
que le patient en soit saoul/ et puis si boiue
de leae chaulte et mette ses doirdz en sa
bouche ou Vne plume mouillee en huylle il
fera vomir. Contre la durte du foye & de la
rate on emplastrera lherbe cuite en Vin & en
huylle/ & q̄ lemplastre sur la pēnilliere elle
vault contre strangurie et la dissoult. Et a

rafan telle propriete que q'en met Vne piez
ce sur escorpion il meurt. Et pource dit De-
mocritus que qui a la main frotee de la se-
mece de rafan meure il peult traicter & ma-
nier serpens sans soy greuer. Hermes aussi
dit en ses alchimiques q se le ius de rafan
est mesle avec le ius des Vers de terre cassez
bropez & esprains par Vng drap & len trepe
Vng cousteau/daque ou autre ferremet de-
dans/ il trechera & percera fer come plomb
Et si dit aussi que se len a trouue Vng home
hors du sens ou enrage il peult recouurer
sante par rafan/pille & brope et le ius tire &
bien lye ensemble sur la teste. Et deuos sca-
uoit que le rafan est ennemy et aduersaire
des vignes/ & que se on le met pres elles sen
refuyent par le discord de leur nature/ sicome
me Paladius qui fut moult expert labou-
reur des champs tesmoigne & afferme.

¶ De rays.

Chap. C.iiii.



¶ Rays est Vne herbe dont la racine
a tel nom & s'esioyist quant il y a
assez nuees au ciel cobiẽ qd viẽs
ne en tout air. Rays ayne terre
grasse & deliee longuemẽt foupe et parfond
fossoyee et redoubte terre glaireuse. On le
seme en la fin de iuing & au moys de iuillet
en lieux attrepez/ & en aoust & septembre en
lieux chaulx & secs. On doit semer les rays
a grant espace et hault fossoyee/ et vient le
mieuix en lieux graueleux et la seme len a
pres nouuelle pluye se nest par aucune ad-
uenture on le puisse arrouser/ & ce q'en est se-
me doit estre tatoft couuert a Vng petit sar-
clet legier. On ne doit point mettre de fiẽs
dessus pource q de ce elle est faicte pl⁹ gras-
se. Elle vient plus souefue quant elle est ar-
rousee de eaue salee souuẽt on pense que les
rays qui sont les plus doulces sont de femis-
nin gẽre & qui ont les fueilles plus larges
et vertes a plaisance. Et pource nous cueil-
lerons les semences de ceulx cy. Il semble
quelles deuoyent venir plus grandes son
leur ofoit toutes leurs fueilles et q on leur

laissast le chou tenue et tout seul et les cou-
ure len souuent de terre / et pource peuent
estre tresbien plantees enfosses affin que la
terre puisse mieulx estre assemblee autour
de elles. Et se len veult les aigres faire de-
uenir doulx on mouillera les semences en
miel et tremperont dedans Vng iour & Vne
nuict. Rays est chaulde et seiche au second
degre & nourrist moins que le nauet pource
que son acuite est plus forte que du nauet
cuyt. La nourriture en est grosse et dure en
lestomac/ & pource nuist a la digestiõ & nuist
aux yeulx/ aux dentz et a toutes playes et
douleurs quant on la prent en forme de viã-
de: Mais qui la prent en forme de medeci-
ne elle ayde: car elle purge les reins & la ves-
sie et les laue de grosses humeurs et faict
bien vriner. Et qui la mangeue crue elle bri-
se les pierres et qui la mangeue cuyte elle
bault a la toux de froide cause/ & qui la ma-
geue en forme de viande elle engendre tor-
sions et douleurs et enfle et griesue et faict
mal a lestomac sicome le tesmoigne ce que
elle faict routes puãtes pourries/ par espe-
cial auant la viãde car la rays que len pret
a ieun eslieue la viande & deffend quelle ne
descende au lieu ou elle doit estre cuyte / et
pource elle est cause de dure digestion & faict
vomir/ & par especial ceulx qui ont Ventosi-
tez en lestomac: mais q la prent avec bian-
de elle ne faict pas tant de mal ne tant de
Ventositez moter enhault/ et pour sa gries-
uete elle descend auail et enuoye la viande
au lieu de sa decoction & la digere sicomme il
appartient/ & pource ceulx qui veulent vo-
mir la doiuent preñdre auant la viande. Elle
a vertu pareille a rafan & bault a telles cho-
ses & la done len en telle maniere/ mais elle
nest pas si Vertueuse comme rafan.

¶ De rue.

Chap. C.v.



¶ Rue est semee en aoust. Mais elle
vient mieulx q en plante les rain-
ceaulx arrachez dicelle & qui encli-
ne le sommet daucuns rainceaulx

en terre il se enracine tantost et se seiche a
peine ceste herbe. Plinius dit que rue hait
froït puer & humeur de pluye / si s'esioyſt en
sec temps. Elle se beult nourrir de cendres
ou de terres de tuille seiche. Rue ayme tant
sec. quelle y croist mieulx q̄ ailleurs. On la
transplante en printemps ou en septembre /
et lors on la doit souuent arroſer se elle na
pluye et q̄ la laiſſe fleurir elle en seiche plus
toſt. Quant elle enuieillist l'herbe deuient
boys qui ne couure chaſcun an deux fois les
rainceaulx de terre iusques aux fueilles / et
quant elle eſt endurcie et faict boys elle ne
faict pas bien rainceaulx qui ne la trenche
empres la racine: car lors y reuiēdroit nou-
ueaulx rainceaulx qui luy ramene la ieu-
neſſe. Rue eſt chaulde & seiche au ſecond de-
gre et en eſt de deux manieres. L'une fran-
che / l'autre ſauuage q̄ l'en appelle pigamū.
Les fueilles et ſemences appartiennent en
medicines. La ſemence en peult eſtre gardee
par cinq ans et les fueilles seiches par vng
an. Elle a vertu diuretique / diſſolutive et
conſumptiue. Contre mal de chef appelle
cephalea on gectera dedans le nez vng peu
de ius et le patient eſtant au baing: car il
tire le fleume et nectoye le cerueau et a ce
vault le vin de ſa decoction. Contre deſſaul-
te de veue pour ſuſcite colique on mettra
rue en vng baiſſeau de vin et en vſera la
perſonne de ce vin. Qui meſſe rue avec eaue
roſe & la met ſur les yeulx lixeux ou pleins
de ſang elle les guerist et nectoye merueil-
leuſemēt. Contre douleur de dentz rue cuyte
en vin et emplaſtree ſur le mal vault. Du
autrement / prenez lung de ſes durs rain-
ceaulx / des plus durs et lardez en aucune
maniere au feu et en faictes cautere en la
concaute de la dent et y ayde grandement.
Contre la froïdure de leſtomac & ſa parali-
ſie & des autres membres / auſſi on donnera
le vin de ſa decoction avec caſtor. Contre
opilation de rate & de foye & de ſtragurie &
diſſintere / on dōnera le vin de ſa decoction /

ceſt aſſauoir de rue & du fenoil ou ſa pouldre
avec ius de fenoil. Item contre ſtragurie
et diſſintere / rue cuyte en vin & en huylle et
emplaſtree ſur le pennil elle vault. Contre
tenaſmon de froïde cauſe on cuiſt rue en vin
et en prēt on la ſumee par auail en eucasme
ou que l'en chauffe bon vin et quil ſoit gecte
ſur la rue & que le malade en recoïue la ſu-
mee auail par vng embost. Pour rappeller
le temps aux femmes et tirer hors lenfant
mort et la ſecondiue / ceſt aſſauoir l'arriere
faiz on dōnera triſera magna avec le ius de
rue tout ſeul pris par la bouche ou gette en
la nature par vng paſſoire ou les tendrons
de rue fris en huylle & puis mis p deſſoubz.
Contre bleceure de coup ou froiſſeure ſans
playe / on cuira rue en vng teſt ſans autre
liqueur et puis ſera miſe deſſus. Contre la
lippe & rougeur de loeil / on confira pouldre
de commin en ius de rue et puis mouillera
l'en dedans cocton et ſera mis ſur les yeulx.
Rue auſſi beue vault contre venin beu / et
cōtre morſures de beſtes venimeuſes & auſſi
faict elle q̄ l'emplaſtre ſur le mal. Et notez
que ſe aucun eſtoit enuironne de rue de tous
tes pars que il pourroit ſeulement aller au
baſilique. Plinius / Dyſcorides et Con-
ſtantin dient que quāt la muſtelle a a com-
batre contre le ſerpent quelle mange de la
rue / & que quant elle eſt garnie de lodeur et
de la vertu de rue elle aſſault ſeulement le
ſerpent / ceſt aſſauoir le baſilique et locciſt.
Les beſtereaulx ſen fuyēt des iardins pour
lodeur de la rue quant elle y eſt & pource on
la ſeme bien & proprement en lieux ou il y a
fenoil / ache et telles autres bonnes herbes.
Ceulx qui ſont oingt de ius de rue ne ſe-
ront ia poinctz de guespes ne de ſcorpions /
ne d'autres beſtes venimeuſes.

De ruble. Chapitre. c. vi.



Dble deſire terre diſſolte et
grasse affin quelle viēne bien /
combien quelle viēne bien en
terre moyennement grasse qui

doit estre fouye a houe et picques bien en parfond en octobre et en nouëbre et au moys de feurier ensuyuant ou de mars et d'auril. Elle sera semee bien espesse comme bled ou speaultre / et en faict on petites aires come en iardins ou quaternitez come len seme le fromiet. Et doit on couvrir la semence a ung seul rasteau / et quant on la houera et fera les petites aires on la destournera de toutes herbes et racines et par especial de la menue herbe qui vient aux iardins / et toutefois sil y vient aucunes herbes on les osterá et les rōgnerá et surfouyza len a quelque petit instrument et aux mains / et puis quant les semences seront noires en aoust on les cueillira avec toute l'herbe et serōt seiches et tres bien gardees a la fumee. Et apres en octobre ou en nouëbre on fouyza les fossez et les aires / et de celle terre on couvrira ung peu les rāpes et puis leste ensuyuant on les trēchera et nettoiera toutefois que les herbes y viendront / puis arriere on cueillira les semences en aoust comme dit est / et aussi qui voudra on pourra cueillir les racines de la ruble en fouyssant tout doucement la terre soubz icelle racine petit a petit / et puis les seicher au soleil / mais il vouldroit mieulx les laisser iusques a l'annee ensuyuant dedans la terre affin quelles fussent plus grosses et meilleures en cauant de rechef les fosses et couurant les aires comme dit est / et quant les racines serōt seiches on les battra de trocles affin que on les rōpe et deliure mieulx de la terre et de la pouldre et soyent faictes cleres / et qui en voudra faire pouldre encore vouldra mieulx.

De reguelice. Chap. c. vii.

Reguelice est la racine d'une herbe qui demande terre bien dissoulte / et par especial sablon affin quelle y puisse getter abondance de racines grādes et longues / et se on les replante elles se reprennent legierement et bouriournent largement autour d'elles / et croy que qui prendroit sa

tige et sa haste et la ploieroit et mettroit en terre tant comme elle seroit tendre quelle se conuertiroit en racine comme faict mentruie et herbe verte. Reguelice est chaulde et moiste attrempeement / et doit on eslire celle qui n'est pas trop grosse ne trop menue et qui est iaulne dedans et n'est pas pouldreuse. La blanche et la noire ne valent rien. Le ius de celle est de telle vertu et encore plus forte / et est faict par telle maniere. Quant elle est verte on la pile bien fort et faict on bouillir en eue et la cuyt on iusques a tant quelle soit pres degastee / et puis on lesprainct / ce vault contre tous les vices de la poitrine. La decoction en eue vault contre pleuronomie et pleuresie / et vault le vin de la decoction contre la toux / a ce vault aussi le lectuaire faict du ius de celle et de miel. Item reguelice maschee / mangee et tenue sur la langue adoulcist la soif et les aspreses de bouche et de la langue et aussi de la gorge.

De satyrion. Chap. c. viii.

Satyrion sicomme len dit est ache saulage et est chaulde et seiche au tiers degre. Elle a vertu d'attraire les parties qui sont de loing dont les genitelles confictes avec miel si recueillent et esmeuent a luxure / et si le feront encor mieulx et plus qui en fera confiture de dates et piscaces avec miel / et aussi le ius de ce que dit est qui est prins avec miel vault a ceulx qui ont artetique.

De saffran. Chap. c. ix.


Saffran est de deux manieres dont lung est saulage qui est seme come les autres herbes et est de peu de profit / et faict haulte sauche et moult de cosses esquelles il naist / et quant le saffran appert on le cueille au soleil leuant / et l'autre est bon et franc que len ne seme point pource quil ne faict point de semence / mais on cueille les oignons qui sont en terre au moys d'auril ou de may / et les laisse len en ung monceau par huit iours pour meurt

et apres on les nettoye et seiche en lieux chaults / mais non pas au soleil affin quilz ne si cuspent quat ilz sont meurs / et les congnost on quant les fueilles sont seiches et les garde len iusques au mays daoust sur aucune chose hault ou en vng solier et sans toucher a terre / et lors doyuent estre desseurez lung de lautre. On les plante avec leurs racines en terre bien aree ou bien fouye et loing lung de lautre dune paulme / et parfond en terre trois dops / et est le meilleur temps de les planter du mylieu daoust iusques au mylieu de septembre / et les y laisse len deux ou trois ans / et chascun an au mays daoust se les fueilles sont seiches pour lors et en may et iuing se lherbe naist es aires on la lye et tressouille len la terre au dessus par tout de deux dops en parfond / et q len ne touche point aux oignons. Et q vouldra on raira la terre enuiron la fin daoust et en septebre / et ainsi laire sera nettoye de toutes autres ordures / et puis quant les fleurs naistront on les cueillera. Et seiche len saffran a petit feu et lent / et se garde len apres en aucun lieu bien clos. Quant deux ou trois ans seront passez on otera les oignons pres de la terre au mays daoust et puis apres en sera faict ce q est dit et seront plantez come dessus est dit. Saffran veult terre croyeuse ou moyene et le peult on tresbien planter ou il y aura eu oignons apres ce quilz seront ostez. Et deuous scauoir q le saffran nest point moult blece des ombres / mais les souris le griesuent moult / et veult auoir fosses entre les aires bien parfondes pour estre deffendu de leaue qui y pourroit descendre car il la doubte / et aussi leaue deffend q les souris ny aillent pource que les souris et taulpes mangent voluntiers les oignons. Saffran est chault et sec au second degre et attrempe en ses qualitez / et pource il conforte et vault grandement contre foiblesse destomac et deffault de cueur / il oste la rougeur de loeil q vient de sang ou de tache

qui se broye avec roses ou moyeu de doeuys et les met sur loeil comme Dyascondes le dit / et qui boit saffran au matin si le garde et preserve de gloutonnie et dyuresse / et aussi la decoction faicte de saffran ne seuffre point que on senpure / et si dit quil guerist de morsure de serpent et de praignes et de pointures de scorpions.

¶ De surmontain ou salmontain.

Chapitre.c.v.



Surmontain qui est dit siliers ou silescos est chault et sec au second degre. On peult garder sa semence trois ans / et est mise la semence en medicine laquelle a vertu diuretique dissolutive / consumptiue et attraictiue. Contre asme de froide cause on beura le vin de sa decoction avec figues seiches ou on donnera la pouldre dicelluy avec figues seiches rosties. Contre opilation de foye de reins et de vessie / strangurie et dissintere len beura le vin de sa decoction.

¶ De stafizagre. Chap.c.vi.



Safizagre est chault et seiche au tiers degre / et est la semence dune herbe ainsi appelee / et est de grant vertu / et pource lappelle len purge chef / car elle purge de fleume et seiche / deffend de reume et nettoye le stomac. Le vin de sa decoction et de rose en guerist qui le gargarise. Contre rongne et pour on fera vng oignement de sa pouldre et de vin aigre / et si vault contre paralisie q sen oingt. La pouldre prinse avec miel si occistue et destruit tous les vers du corps.

¶ De squille. Chap.c.vii.



Squille est chault et seiche au second degre. Cest vne herbe qui est semblable a oignons. La racine qui est come oignons si est meilleure en medicine que les fueilles / se on la treuve seule elle est mortelle. Elle a vertu diuretique dont elle vault a la digestion de la matiere tant en quolibienne que en quartaine / et si vault

contre opilation de foye et contre la douleur des boyaulx et des entrailles selon ysaac. La maniere den yser contre ce q est dit si est telle. On diuise la squille par le mylieu et oste len du dedans autant de costes comme par dehors / et en sera garde autant au mylieu / et serot gettees celles de dehors / pource quelles sont Benimeuses et moult chaudes et aussi serot gettees celles de dedans pource quelles sont mortelles pour la trop grant froidure dicelles : mais les moyennes sont attrempees cuytes au four et enuelopees de paste / et puis seront recuytes en Vin aigre / et apres seront coulees / et en celle couleure y mettra len du miel / et se len veult q loy mel soit faict plus fort len ne se cupra point en la paste. Mais seulement en Vin aigre. Ce vault cõtre toute douleur de par dehors procedant de froide cause.

C De seneue. Chapitre.c.xiii.



Seneue est seme auant lyuer et apres et desire terre grasse / et q le seme cler il en est meilleur / et sil est seme trop espes on en peult bien oster aucunes plantes et les transplanter ailleurs / et est Vne herbe tellement multipliãt que ou elle a este Vne fois semee a peine se pourra extirper ne le lieu en estre deliure / car le lieu ou la semence chet a terre elle verdist tantost. Elle est seiche et moiste au mylieu du quart degre. La semence et non lherbe est gardee par cinq ans / elle a Vertu de dissouldre et de consumer et attraire et atenuier. Contre paralisie de langue la semence maschee et tenue soubz la langue vault. Contre paralisie des autres membres on mettra seneue en Vng sachet et sera cuyte en Vin et puis mis sur le lieu doulant / et par especial au commencement de la masladie. La pouldre gettee es narilles faict esternuer et nettoye le cerueau des superfluitez. Contre Vieil asme de visqueuse humeur on donnera le Vin de la decoction et de fignes seiches. Contre opilation de foye et

de rate et Vne maniere de ydropisie appelee lenthosseumatique on cupra seneue en eaue avec racines de fenoil et en la decoction coulee on mettra du miel et le beura sen. Contre la durte de la rate on mettra lherbe bien brosee avec saing de porc par dessus la fomentation / cest assauoir lestune faicte de la decoction de seneue faict Venir le temps aux femmes. Lherbe de seneue cuyte en Vin et emplastree vault contre dissintere et strangurie. Le Vin de la decoction de la semence avec dragant seiche lhumour de la luette et du cerueau et des ioes / et y met on le dragant affin quil ne arde point trop fort et quil ne lescorche. Pythagoras loue seneue sur toutes autres herbes / et Plinius dit quelle attenuye grosses et visqueuses humeurs et les purge. Elle guerist les pointures des serpens et scorpions qui y adiousste Vin aigre. Elle surmonte le Venin des champignons Benimeux. Elle oste et adoulcist la douleur des dentz. Elle tresperce le cerueau et le purge merueilleusement. Elle brise la pierre / elle a puissance sur le temps des femmes / elle donne appetit et conforte lestomac / elle ayde contre epilence / elle guerist les ydropiques / elle resueille en litargie et leur ayde grandement. Elle nettoye les cheueulx et les garde de cheoir. Elle oste les tins et les ennuyeux sons des oreilles / elle detorche la salie des yeulx / elle ayde aux paralitiques pource quelle ouure les conduitz / elle dissout lhumour greuant les nerfs et la degaste. Et si dit que sa plus grand Vertu est en la semence et plus quelle nest pas en lherbe.

C De stucium ou petit choulaigre.

Chapitre.c.xiiii.



Stucium ou petit choulaigre cest tout Vng. Il est chaust et sec au second degre. La semence et le ius et les fueilles valent en medicine. Contre paralisie de langue on masche la semence et la tient on longuement

en sa bouche / et se la paralisie est en autre partie du corps les fueilles cuytes en vin seront mises dessus. Contre l'ytargie on soufflera la pouldre de la semence par dedans les narilles / on fera decoction de semence de stucium bien broye & de ius de la rue sauua-ge en fort vin aigre / & de ce on frotera les parties de la teste par derriere: mais q elle soit raize par auant. On cuira les fueilles en vin & sen estuuera len par dessoubz & frotera len. Ce vault a strangurie et dissintere et faict venir le tēps aux fēmes. Qui faict vne emplastre des fueilles cuytes en vin & en huyll & les met sur le pennil il faict bien vriner.

C De scordium autrement ail sauua-ge.

Chapitre. c. xv.

Scordium autrement ail sauua-ge est chault et sec au tiers degre. La seule fleur en vault po^r medicine. Leau ou le vin de sa decoction nectoye les parties spirituelles de fleume / & si vault cōtre douleur destomac et des entrailles causees de froit & dissoult strāgurie & dissintere.

C De sperage. Chapitre. c. xvi.

Sperage est chault au tiers degre. Les branches les fueilles & la semence mise en potage avec chair sans eau valent contre opilat. on de rate & de foye et contre strāgurie et dissintere & contre douleur destomac et de boyaulx. Ceste decoction est bone & aussi le vin de sa decoction vault aux choses des- susdictes.

C De sinzimbire. Chapitre. c. xvii.

Sinzimbire est chault et sec au tiers degre & en est de deux manieres. Lung franc & lautre sauua-ge que len appelle calament. Il a vertu diuretique / dissolutive et cōsum-ptive. Contre le vice du pis on fera brouet de farine dorge et deau et y adiouffera len de la pouldre de sinzimbire et le donnera len au patient. Contre reume froide on cuyra en vng baiffcau les fueilles sans autre li-

queur et les mettra len ainsi rosties en vng sachet / & seront lyees sur la teste au patient. Le vin de sa decoction vault contre douleur destomac et des boyaulx causee de froit et contre opilation de foye et de rate / et si ou-ure les conduitz de lurine. Lherbe cuyte en vin emplastree sur lestomac le guerist de la douleur venue de Ventosite et purge le tēps des femmes et nettoye / et lestume qui en est faicte leur ayde a concevoir.

C De saulge. Chapitre. c. xviii.

Saulge est plantee de plantes ou de ieux-nes rinceaulx en Octobre / en Nouem- bre / et mieulx en mars. Elle est chaulte de au premier degre et seiche au second. Les seules fueilles appartiennent a medicine Vertes et seiches / et les garde len par vng an / & en y a lune franche & lautre sauua-ge / et lappelle len empatorium. La franche degaste mieulx et conforte que la sauua-ge / et la sauua-ge est plus dyasoretique. Le vin de la decoction de saulge est bon contre paraliz- sie et epilepsie qui la met sur la partie paraliz- tique. Quant elle est cuyte en vin elle y vault moult. Lestuue & la laueure faicte de leau de sa decoction vault contre strangu- rie et dissintere / et nettoye la marris / et si est tresbonne en saulse.

C De scabieuse. Chapitre. c. xix.

Scabieuse est chaulte et seiche au second degre. Elle ne vault riens seiche. Le ius de scabieuse huyllie & vin aigre boulluz ensemble ius-ques a tant que ce sera espes comme oignes- ment vauldra a rōgne. Le baing de leau de sa decoction & de tapsebarbe vault contre alopie / et le ius aussi vault a ce / et tue les Vers au corps / & qui se gette en loreille avec huyllie il les nectoye. La fumee du vin de sa decoction vault contre emorroides / dont est dit. Urbanus perse non nouit vin scabiose. Que purgat pectus quod depremitt egra ses-nectus. Rumpit apostema pellens virtute suprema. Cest a dire que scabieuse purge le

pis malade de Vieillesse. Elle ropt apostu-
mes en les gettant hors par sa vertu sou-
ueraine.

C De senations autrement cresson deaue.

Chapitre.c.xx.

Senations q lenappelle autrement
cresson deaue sont chauldes et sei-
ches au second degre. Qui les ma-
geue en eue cuytes ou avec chair elles net-
toyent les parties spirituelles. Lestue a la-
ueure de sa decoction en eue salee et huylle
cōmune vault a douleur dentraillles a strā-
gurie et dissintere / Et aussi y ballent elles
cuytes en Vin et emplastrees dessus.

C De serpentine autrement colubri-
ne ou dragontee.

Chapitre.c.xxi.

Serpentine / colubrine et dragontee sont
tout Vng / et lappelle len ainsi pource
quelle a la tige en maniere de serpent / et
ainsi coulourer. Elle est chaulde et seiche au
tiers degre. On detrenche sa racine par mes-
nues pieces / et la seiche len et en faict on
pouldre / a la passe len par Vng drap a puis
on la confit avec eue rose a la seiche len au
soleil / a apres on en oingt sa face avec eue
rose / ou on la frotte sans eue rose a rend la
face clere et belle et resplendissant et oste le
drap de la face. Se len cōfit ceste pouldre a-
uec sauon et on en met sur Vne fistule elle
croist le pertuis a le dilate tāt q len en peult
bien traire Vng os ou plus brisez ou pour-
riz silz y sont. La pouldre aussi confite avec
chauly Viue a fort Vin aigre vault moult a
chācre dōt la tierce ptie doit estre de chauly.
Dyascorides dit q ceste herbe enchasse ser-
pens par son odeur / et que le serpent ne ble-
cera ia le corps qui sera oingt de ce ius.

C De serpil autrement petit poulieul.

Chapitre.c.xxii.

Serpil autrement petit poulieul
est chault a sec au second degre /
et en est de deux manieres. Lūg
franc et lautre sauuage. Le frāc

espond ses rinceaulx par terre / a le sauua-
ge croist en long a en hault. Les fleurs a les
fueilles valent en medicine qui les cuist en
Vng rude pot a sec / a les met en Vng sac ilz
valent contre reume froide qui les met sur
la teste. Le Vin de la decoction de serpil a du
ius de reguelice vault contre toux a douleur
destomac causee de Ventosite. Le Vin de sa
decoction et de anis vault a douleur destō-
mac. Lestue a laueure de sa decoctiō vault
a strangurie dissintere et nettoye la marris
et si leschauffe et conforte. Le Vin de sa deco-
ction reschauffe lestomac a aussi le foye a la
rate grandement.

C De saturee autrement serriette.

Chapitre.c.xxiii.

Saturee ou serriette est chaulde
et seiche au second degre. On la
sème en feurier a en mars toute
seule ou meslee avec autres her-
bes q veult. Potage faict ou bouillie faicte
de farine et deaue a de la pouldre de saturee
nettoye les parties espirituelles / et autant
vault a ce la pouldre confite. Dyascorides
dit q lusage de saturee est moult bon et cons-
uenable pour garder sante / a la prent on en
viande. Albumasar dit que sa propriete est
de bouter hors Venin / en fleurs et torcions
et de digerer la viande a de bouter hors les
superfluites de lestomac a de faire vriner et
faire venir le temps aux femmes / et si a
guise la Veue empiree par males humeurs.

C De tousiours Viue autrement

iombarde. Chapitre.c.xxiiii.

Tousiours Viue autrement iombar-
de ou iombarbe q est en tout tēps
Viue et froide au second degre et sei-
che au premier. Elle est de grāt vertu Ver-
te / a de nulle quant elle est seiche / et a vertu
de refroidir. Plagelles mouillees avec son
ius a Vin aigre ou Verius emplastres sur le
foye valent moult a le refroidir contre cha-
leurs a contre douleurs de chauldes causes
Aussi lherbe broyee et mise dessus apostu-

mes au cōmencement les guerist en rebou-
tant la matiere/combien quelle griesue des
puis en lespeffissant. Contre arsure de feu
ou deaue on fera oignement du ius de iom-
barde et de huplle rosat et de cire: mais on
ne luy doit point mettre des quatre p̄miers
iours/aincois y doit on mettre chose pour la
faire fumer & euaporer. Et pource on loingt
premier de sauon et apres dudit oignement
Contre flux de sang p le nez q̄ viēt de ebu-
lition de sang de foye cōme sont ieunes gēs
en este. Plagelles moillees ou ius de iōbar-
de & eaue rose mise sur le front leschauffe.

¶ De tetrat autremēt herbe iudaique.

Chapitre. c. ppv.

Tetrat est herbe iudaique et est
chaulde et seiche au tiers degre.
Le vin de sa decoctiō procure di-
gestion et guerist de douleur de
lestomac & des entrailles causees de bētosis-
tez. Crespes faictz de farine & de ceste herbe
et deaue confortent la chaleur naturelle et
font bien vriner. Lēplastre faict de ceste her-
be cuyte en eaue dissoult sirāgurie. Et le stu-
ue et laueure dicelle ou leaue de sa decoction
eschauffe la marris aux sēmes & la nettoye.

¶ De tapse. Chap. c. ppvi.

Tapse est chaulde & seiche au tiers
degre / et la garde len par trois
ans. On la trouue en arabie/en
inde & en calabre/ & la met on en
medicines vomitiues/ & la doit on sagemēt
broyer. Et sil aduiēt quil en viēne enfleure
pource on frotera le lieu daucū drap mouil-
le en vin aigre Du lon oindra la ptie enflee
doignemēt nōme popileon avec bon vin ai-
gre. Tapse est bōne pour quapmās pource
que qui la broye elle faict enfler la face et le
corps cōme dung mesel et le guerist on avec
ius de iombarde comme dessus est dit.

¶ De tapsebarbe. Chap. c. ppvii.

Tapsebarbe est chaulde et seiche. Lestu-
ue et la laueure du vin de sa decoction
bault contre les emorroides. Aussi y

baultroit se le patient sen torchoit quant
il aura este a selle. Leaue de sa decoction
bault contre tenasmon / et aussi contre le
flux de ventre.

¶ De thimus dont la fleur est
epithimum.

Chapitre. c. ppviii.

Thimus dont la fleur est epithimum
est vne herbe moult aromatique/ & est
la fleur moult medicinable/ car elle a
vertu de purger la melencolie et fleume/ et
pource elle bault contre quartaine et contre
maladie melencolieuse/ et pource on en acue-
les medecines & aguisse/ & ne la doit on point
dōner seule. Car de sa nature elle cause sin-
cope & faict estreindre les parties espirituellen-
dentour le cuer.

¶ De violette. Chap. c. ppix.

Violette est froide et moiste. On
en faict sucre et huplle violat
quant elle est verte / mais on
faict le sirop des vertes et des
seiches/ mais celluy qui est faict des vertes
est plus vertueux. Le sucre violat est faict
en telle maniere comme le rosat. Le sirop est
ainsi faict/ on cuyt ainsi les violettes en
eaue & puis on coule tout/ et de celle couleu-
re et sucre on faict le sirop/ mais q̄ le feroit
du ius et de sucre ensemble il en baultroit
mieux. Lhuplle violat est ainsi faicte/ on
cuyra des violettes en huplle et la couleure
sera huplle violat. Elle bault aux discras-
zies par le travail de tout le corps. Qui la
prend par dedans et en oingt son foye elle
oste la chaleur/ qui en oingt son front & les
temples elle oste la douleur de chaulde cau-
se et la chaleur. Les violettes ont vertu as-
doulcissant/ applaniant & amoytissant/ et si
refroidēt et laschēt/ mais elles laschēt peu.
Elles purgent principalement la cole rou-
ge. Elles valent a fieures tierceines/ & con-
tre la desattrempance de foye en chaleur/ et
contre opilation de foye & iaulnice/ & contre
deffault dappetit cause de colle. Violettes

qui sont broyees et mises sur chauldes apostumes au commencement y aydent & aussi faict l'herbe. La fomentation faicte de leaue de la decoction de celle herbe sur les piedz et le front en maladies agues faict Venir le sommeil et sain de dormir. Le sirop Violat doit estre plus cuyt que le rosat / autrement il seroit tantost corrompu.

¶ De Berge de pastour.

Chapitre.c.xxx.

Berge de pastour est chardon sau-
uage & est froide & seiche. Les fueil-
les en appartiennent seulement a
medicines vertes & seiches / mais les Vertes
sont de greigneur Vertu q̄ les seiches. Elles
ont Vertu reſtraintiue de rebouter ens & re-
froidir. Lemplastre de la pouldre et de Vin
aigre & aulbin doeuf mis sur le pennil & les
reins Vault contre flux de Ventre. Aussi la
pouldre prinſe en Vng oeuf mol Vault a ce.
Et aussi Vault avec ius de plâtain & a cours
de tēps de fēmes. Et avec ce Vault leaue de
sa decoction et estuue et la laueure. Qui la
broye elle Vault a chauldes apostumes au
cōmencement / cōme a herisipule & les sem-
blables. Qui lemplastre sur la teste raize
elle Vault cōtre frenesie & douleur de chef de
cause chaulde. Elle est moult consolidatiue
de playes nouuelles. Les oyseaulx quierent
les semences & Vers q̄ sont es charbons seiz
chez sur la racine et chantent quant on leur
dōne. Isidorus dit q̄ la racine cuite en eaue
amenuyse couuoit aux beueurs. Cestuy
chardon est tresprouffitable a la maris et
ayde aux femmes a concevoir filz.

¶ De Voluble. Chapitre.c.xxxi.

Voluble est Vne herbe qui se en-
uelope enuiron les plantes qui
luy sont prochaines et est Vng
peu chaulde / mais elle est moult
seiche / comme le demonstre ce quelle se tord
ainsi / et est Vne espece que on appelle la cor-
be des pources / et est ceste terrestre et pleine
de eaue / et pour sa terrestre nature elle est cō-

ſtrictiue et pour son aquosite elle est mondis-
ficatiue et nettoye / et adoulcist / et sont les
fueilles consolidatiues de grans playes / et
na pareille a elle en cest effect. On les cuyt
en Vin et les emplastre len dessus avec Vin
aigre. Elles Vallent aussi contre arsure de
feu / et en est aussi Vne autre espece que len
appelle le grant Voluble dōt son laict arras-
che le poil et tue les poux.

¶ De Bitriole. Chapitre.c.xxxii.

Bitriole autrement dicte paritais-
re est Vne herbe chaulde & seiche
au tiers degre. Et lappelle len
Bitriole pource q̄ les Verres en
sont bien nectoyez. Elle est de grant Vertu
quāt elle est Verte / mais seiche elle ne Vault
riēs. Elle a Vertu dyaforetique et extenuas-
tiue. Contre froidure destomac et des en-
trailles et la douleur q̄ y est et contre ſtran-
gurie et dissintere / paritaire chauffee bien
en Vng pot de terre sans autre humeur sera
mise sur le lieu dolant / ou que on la cuyse en
Vin blanc Vng pou Verd ou aigre ou avec
du Bran. Contre ſtrangurie et dissintere on
la cuyra en eaue salee et huylle et sera em-
plastree sur la pennilliere. Cuyte & mangee
elle Vault moult contre douleur destomac
de froidure ou de Vent. Qui la casse aucu-
nement et la chauffe avecques Vin et Bran
elle appetisse enfleurs.

¶ De ysope. Chapitre.c.xxxiii.

Ysope est chaulde & seiche au tiers de-
gre / elle a Vertu es fleurs et aux
fueilles / & non pas selon les racines /
diuretique / dissolutiue / consumptiue et at-
tractiue. Contre froide toux Vault le Vin
de sa decoction et de figues seiches.

¶ Item le Vin de sa decoction et de semens
ce de fenoil oste la douleur de lestomac et
des entrailles. Lestuue faicte de la decoctiō
de ysope nettoye la maris des superfluites
et torches. Aussi faict Vng suppositoire de
la pouldre & de huylle muscellin. La poul-
dre dysope ou l'herbe chauffee en Vng test &

mise soubz la teste en vng sachet vault contre reume froide et contre la luette cheute. Contre la reume de la luette on fera garzgarisme de vin aigre ou ysope sera cupte.

Item lherbe cupte en vin oste la douleur qui vient de ventositez.

De pringe autrement salemonde.

Chapitre. c. xxxiii.

Y Ringes et salemonde cest tout vng. Elle est moult espineuse et de ses racines on fait zingebre en telle maniere. Prenez deux liures de miel et vne liture de pringes bien nettopees et puis en mouuant et remuant on mettra vne once ou deux de zingembre et la moitie de poiure seulesmet par telle maniere. On lauera tout premierement les pringes et sera gette le boys qui est dedans et puis on les cuira tresbien et apres seront trenchees bien menuement et le miel mis sur le feu et bien estuue on mettra dedans pringes et le zingembre et le poiure. Et selon aucuns on ny met que zingembre ou poiure et le fait on bouillir iusques a tant que tout soit suffisamment espes. Et se en la fin de la decoction on y adionste pouldre de semence de touque et de pinei ce sera tresbon pour esmouuoir a luxure et pour faire leuer le membre.

De preos autrement dicte iagleau ou flambe.

Chapitre. c. xxxv.


Y Reos autrement dit iagleau ou roseau a les fueilles semblables a espees et a la fleur de couleur pourpre ou blanche: car pris a la couleur de pourpre et preos la blanche. Elles sont dune mesme vertu. Nous ne vsons que de la racine et la cueille len en la fin de printemps et la seiche len et se peult garder par deux ans. Elle est chaulde et seiche au second degre et a vertu diuretique et dissout et ouure. Contre le vice des parties spirituelles et contre opilation de foye et de rate des reins et de la vessie et toutes douleurs venans de ventositez le vin

de sa decoction y ayde. La pouldre qui en est faite mangeue moult doucement la chair superflue. Pour le drap et taye des yeulx on fera vng colire de la pouldre avec eaue rose.

Cy fine le sixiesme liure et ensuyt le septiesme.

Pourquoy les prez furent creez et quel air/ quelle terre/ quelle eaue/ quelle place ilz requierent et desirent.

Chapitre premier.



Nature Seil

gneur crea les prez par sa bonte affin que la terre qui estoit nue fust vestue et aornee et que les herbes qui en viendroient feussent conuenable nourriture aux gens et aux bestes en leur verdure. Et aussi quant elles seroient seiches. Et est assauoir quil naist es prez diuers genres et diuerses especes dherbes selon la diuersite des humeurs contenue en la plaine et superficie de la terre. Et ce a fait la tressage maistresse nature et ouure pour la diuersite des bestes nourrir lesquelles ont diuers appetis. Les prez requierent air attempe et que il soit prochain ou voisin a froidure et humeur. Car se il y a superflue froidure il y aura pardurable neige et gelee qui empeschera la generation des herbes. Et se il y a trop superflue chaleur elle les degasteroit qui ne les arrouseroit trop souuent. Ilz desirent terre grasse pour auoir grant foison dherbes: mais toutefois se la terre nest pas trop grasse elles en seront plus sauoureuses et de meilleure odeur et plus delices. Et se le est trop maisgre il ny viendra point dherbes. Car celle terre est ainsi come terre salee ou amere qui ne se peult vestir pour sa foiblesse et malice. Entre les eaues la meilleure est pour prez celle de pluye quant elle descend chaulde avec tonnerre et espart. Et

leauue subtile d'auril & de may / & generale-
ment toute celle qui vient du ciel en este est
bonne aux prez: mais quelle ne soit gelee et
trop froide comme celle qui vient de gresle
fondue. Leauue qui est bonne a prez cest eauue
de maretz qui est clere / chaulde et grasse / et
puis apres de fleuues. Et la derniere est
eauue de fontaine / et de tant comme elle ses-
longne plus de sa source et de son comence-
ment elle vault mieulx pource quelle est
moins froide. Prez desirerent siege bas ou il
y ait continuellement humeur enclose: mais
se le lieu est si profond quil y ait continuelle
eauue courant par la superfice et la plaine de
la terre le lieu ne peult riens valloir pour
quelconque bonne herbe quil y ait au prez:
mais se tournera a nature de maretz ou de
paluz et ny croistra que ioncs & autres cho-
ses appelees en lombart pauerie & quadrel-
le & en francois lesche & roseaulx / et autres
herbes de paluz grosses et pleines deauue et
sans saueur et qui ne valent riens pour les
bestes. Et se les prez sont si hault assiz q'on
ne les puisse arrouser ilz seicheront legiere-
ment se ilz ne sont en haultes montaignes
et froides: car en telz lieux combien quil y
viene peu dherbe / touteffois sont elles de-
liees et sauoureuses et de bonne odeur: le
siege du pre est souuerain qui a dessus luy
ruisseau courant dont on le puisse arrouser
touteffois que len veult.

Comment on procure les prez / et
comment on les faict renoueller.

Chapitre.ii.

Qmbien que ce soit clere chose que
les herbes viennent de leur nature
en toutes terres ou le soleil peult
suffisamment getter et esandre ses rays /
touteffois on les peult aussi faire venir par
oeure de main en lieux champestres ou de
boys et autres lieux. Et premierement on
extirpera le lieu en septembre & octobre / et se-
ra deliure de tous empeschemens et non pas
tant seulement despines de ronces et de getz

tons: mais de toutes herbes larges / dures &
fermes / et puis quant il sera nettoye la bou-
re & remuee par plusieurs arations & les pier-
res ostees et les mottes cassees on les fume-
ra en la lune estant en crescent / et y mettra
len du siens fraiz / & quil soit tresbien garde
du marchis et de foullement de bestes / & par
especial quant il deuient moiste affin que la
terre en demeure viue et egale. Et se vous
faictes prez en chaps gaignables on fera la
place toute pareille & egale / & serot les mot-
tes cassees hault et bas / & y peult on semer
et esandre semence de bece avec semence de
foing / & si y peult on esandre semence de naz-
uetz. On ne les arrousera point tât q la ter-
re soit dure affin que la force de l'humour en
tresluât ne corrompe la groe moins ferme:
mais q'voudroit en aucune annee auoir prez
et en autre bledz il se peult faire en terre
maigre par arrousement et getter au chap
eauue trouble & replir les fosses de terre nou-
uelle et faire la terre du chap egale. Et ainsi
se peult faire tresbons prez sans quelzcoques
semences dherbes: mais se ilz sont ainsi lais-
sez quatre ou cinq ans on y pourra semer du
froment / & seroit bon q de deux ans en deux
ans on changeast le froment qui y seroit se-
me: mais qui voudroit faire vne annee fro-
ment et lautre pre il se feroit bien par telle
maniere a getter de leauue au champ quant
on aura oste le froment et le chaulme et le
laisser ainsi le demourant de l'este et en au-
tomne se lair est sec. Et l'annee ensuyuant
quât le foing sera fauche il fault la terre rō-
pre / tailler & arer deux fois ou trois et puis
la semer: mais quât on veult auoir le grain
len ne le doit arer fors que en la fin daoust
quant on en aura traicte lherbe / & lors rom-
pre la terre & larer & retriser / et semer et il y
vient lors bon froment. Aucuns les sement
chascun an / et touteffois ilz cueillent lherbe
du pre quant le froment est encore au champ.
Et si tost q'est traict gettent eauue au chap /
et vault mieulx clere que trouble et le gar-

Sent des bestes / et puis si taillent le grain avec le stouble et le donnent aux bestes en lyuer & elles mängeuent l'herbe & font lictière des estoubles & ainsi en font du fiès / & quant on en a taillé l'herbe et le stouble on aie le champ vne fois ou deux ou trois et puis on y seme du froment ou autre bled. On procure les prez quant on oste tous empeschemens toutefois quilz y viennent et naissent et aussi les herbes qui ne sont pas conuenables / tâtost apres q'il y aura fort pleu et q'la terre sera mouillée pour ce quelles se pourront arracher lors legierement / et prouffite moult aux prez quant on les fume en yuer de fiès nouveau pour faire les herbes plantureuses / et encores plus se si tost q'ls seront faulchez on les arrouse tressort deux ou trois fois / & lors ilz fructifieront fort. Mais quant ilz seront vieulx ilz seront couuers de mousse / et pour oster la mousse Paladius dit de Bray q'on y doit souuent getter de la cendre / et se le lieu est faict tout breshaingne on le airera plusieurs fois & puis on le vira & fera len la terre egale / & ainsi se font prez.

Comment on cueille le foing & garde et du prouffit qui en vient.

Chapitre.iii.

Ses herbes sont venues a leur croissante naturelle on les faulchera par especial quant leurs fleurs seront en leur beaulte parfaite & auant quelles seichent & cheent: car se on les fauche auant que le foing soit meur il nen sera pas si bon apres pour ce que il sera tousiours plein de aue & ne sera pas bon pour nourrir les bestes ne ferme viande pour les beufz et cheualx de labour / et se il est trop meur et q'la chaleur & humeur soit degastee il sera mal sade et abhominable nourriture aux bestes. On doit seicher le foing en tēps beau et serain tāt cōme len a esperance q'la chaleur et la seicheresse de lair doye durer. Et quant il est fauche on le doit laisser au pre par vng ou deux iours auant q' soit assem-

ble & puis on l'assemblera & respandra selon la maniere du seicher / et apres sera leue et apporte soubz le tect / et qui naura tect ou le mettre en couuert / en mullons bien preparez q' leaue ne entre. Et se la pluye survient quant il est nouvellement fauche es prez auant quil soit en mullon il nen est gueres blece: mais cōme dit Paladius on le doit retourner a la pluye auant que la partie den hault soit seiche / pose ores quil soit ia retourne et emmoncelle ou quil ne le feust pas / et se la pluye survient apres ce q'il sera retourne / il sera destruit & ne vaudra riens. Le prouffit du foing est quil soit garde par tout lan / et si le peult on bien garder par deux ans bon pour nourrir beufz / cheualx et autres bestes q' seuffrent labour pour nous et nos necessitez & les en peult on ayder en temps de neiges quant ilz ne peuvent auoir autre nourriture. Et se le foing est delie / branchu et de bonne odeur vaudra pour toutes viandes es bestes en chault temps et en froit et leur suffira bien. Et se le foing est gros & de palus / ou trop meur / ou trop tard fauche il ne sera pas suffisant pour les bestes de grant labour qui ne leur secourra d'aucune autre pasture ou viande / ou que ce soit par temps si froit & mauuais que les bestes ne puissent labourer / car lors tout leur est bon.

Cy comence la seconde partie de ce septiesme liure / comment les boys et forestz viennent de leur propre nature.

Chapitre.iiii.

DRemierement ie dy que les boys et forestz viennent de leur propre nature ou quilz sont instituez par art & industries de gens. Ceulx qui viennent de leur nature si naissent de la semence et humeur contenue en la marrie de la terre qui par la vertu du ciel saillent hors en hault ou elles se dressent en souches de diuerses plantes selon la diuersite de l'humeur et de la semence et des lieux ou ilz croissent. Et vient aussi sans layde d'homme quant la semence

chiet a terre ou que les oyseaulx les apportent ou que les riuieres les amapnent. Es haultes montaignes croissent comunement forestz & tresgras pins & sapins/saulx/chastaigniers / chesnes / cedres et telz arbres. Es lieux bas pleins de palus naiscēt naturellement / saulx/peupliers/aulnes/cānes sauuages & telles plantes. Et pareillement en plusieurs lieux viennent de leur nature plusieurs espines et de diuerses manieres pōmiers/pruniers / sorbes / oliuiers et telz arbres / et de tant comme la terre sera plus grasse/de tant seront les arbres plus haults et plus beaux: mais en terre maigre & salee ou amere il naistra espines et petis arbres tortus/espineux/rongneux et hideux. Et seront ces boys & forestz procurez en diuerses manieres: car ou il y aura chastaigniers/pommiers/periers/pruniers & telz arbres q̄ porterōt fruit/on doit extirper et eppurger toutes les espines / rōces & estranges plātes & serōt les arbres portās fruitz faictz plus clers par ce / & serōt trēchez aux plus haults lieux ou les bestes ne pourroient atteindre et serōt entez de greffes nobles et frāches des autres arbres selon la doctrine cy deuāt dōnee au second liure/au chapitre des entes et incisions. Et les autres boys qui sont occupez des arbres espineux et autres & ou il y a beaux arbres & nobles conuenables pour ouurer et faire edifices on osterā les espines / & se les beaux arbres sōt trop espes on osterā les moins suffisans et seront laissez les meilleurs plus au cler afin quilz ayent plus de nourriture. Et les forestz ou il ny a boys q̄ pour ardoir seront laissez fors tant que on osterā les espines et buissons et de chascun cinq ans ou six ans au moins on les taillera pour faire fagotz.

Des boys qui par art sont faictz et ordonnez. Chapitre. V.



Qui veult planter ou semer boys il doit premierement considerer la nature & le siege de la terre ou il veult

planter ou semer/et la plāter ou semer telz arbres comme la nature du siege et la terre le desirent & requierent/ touteffois que il en soit a la volente du seigneur. Et ce cest en haulte montaigne ou en balee dicelle et la terre y est delpee elle receura tresbiē les plātes et les semences des chastaigniers et les doit on mettre loing lung de lautre quarante piedz a tout le mois/et se la terre est croupeuse ou pleine de pierres il est bon dy mettre chesne/rouer et serre. Et se cest en montaignes chauldes loing de haultes montaignes agmandiers y seront tresbien/ & se les lieux sont tresgras ilz receuront tresbien pōmiers periers et pruniers/et en lieux chaults serōt bien oliuiers/figuiers/ & pommiers grenates: mais es froidz et attrempez lieux serōt bien/auelaines/couldriers/coigniers & nefliers/et es lieux bas et moistes ou la terre est dissoulte/les saulz y serōt bien et aulnes et peupliers. Et se le lieu est croupeux il est bon dy mettre ourmes et fresnes/oplus et rouer: mais si cest lieu de mer et graueleux comme brehaigne il veult pins & sapins/et en lieux de chault climat/ palmiers masles & femelles & sont telles choses istituees de plantes apportees dailleurs ou de semences gettees ou plantees a la main en lieux conuenables: & nest pas a oublier que il couient mettre deux chastaigniers quarante piedz loing lung de lautre afin qlz se puissent bien dilater en branches et faire largement fruit & autant en fault il entre deux chesnes/et a rouer & cerre il couient vingt piedz de distance & encore moins il suffiroit. Les trois manieres darbres portēt glandz qui est tresbonne viande pour pourceaulx: mais pommiers ou poiriers en requierent vingt ou trente/ & oliuiers/figuiers/ pommiers de grenate/noisillers de coultre/coigniers & nefliers en aurōt iusques de douze ou a vingt piedz. Saulx pour cause des pches ou de lieures ou pour matiere de edifier seront premierement plantez a distan-

ce de dix piedz / & puis secondement il suffi-
ra de deux / de trois ou de quatre piedz de
distace pource que leur croissance est par en
hault et non pas en large. Les peupliers et
oluiers pource q'z ne s'espaient pas moult
en largeur et croissent en hault il ne les
fault pas mettre trop clers : mais pource q'
albarus est meilleur sil est gros en la souche
pour les ais qui en sont faictz qui sont con-
uenables a plusieurs choses & qui s'estend as-
sez en rinceaulx / il est bon de luy doner di-
stance de vingt piedz ou plus / et ceulx qui
ont grosse escorce & qui naissent moult legie-
rement peuent estre mis assez espes / affin
quilz facent cent tiges & rinceaulx subtilz
longs & deliez. Oliue / oplus et fresne peuent
bien estre mis espes & larges : car telz arbres
font braches subtiles / longues & grosses pour
diuerses oeuvres. Le pin & le palmier seront
loing lung de lautre l'espace de. xxx. piedz /
et est assauoir q' de chascun des arbres dessus
ditz nous auons assez dit au. v. liure coment
on les doit mettre es chaps. Et par ce peult
on scauoir comment on peult faire boys et
forestz / si vueille suffire ce que dit en est.

C Et fine le septiesme liure. Et en-
suyt le huytiesme.

Des petis Bergiers dherbes.
Chapitre premier.



Etre les

Bergiers ien trouue au-
cuns q' sont faictz seule-
ment dherbes / & aucuns
darbres tant seulemēt / &
aucuns de tous les deux. Ceulx q' sont faictz
dherbes seulemēt desirēt terre maisgre & fer-
me affin q' y viene herbe subtile / cheuelue
& belle q' face delectation aux peulx. Or cō-
vient donc que le lieu q' len veult appareil-

ler pour faire Bergier soit bien purge & net-
toye dherbes et de racines auoultres & grā-
des qui est tressorte chose a faire se les raci-
nes ne sont premieremēt tressbien arrachees
des fosses & le lieu bien applanie & que len y
gette de leaue treschaude et bouillant par
tout et largement affin que les demourans
des racines et des semences qui seront enco-
res dedans terre ne puissent germer / & puis
que le lieu soit tout remply de mottes tres-
maigres et subtil genre / et que ces mottes
soient tressbien et fort serrees et confermees
a mailletz de boys et que lherbe soit foullee
aux piedz iusques a tant quil nen appere
point. Et de lors en auāt elle ystra hors pe-
tit a petit par maniere de cheueulx / et cou-
urerōt la plaine de la terre en maniere d'ag
drap Vert. Se len peult il est bon que le Ber-
gier soit quarre / & se il est si grant quil suffi-
se on plantera a lenuiron herbes aromatic-
ques & de souefue odeur / comme basilicon /
saulge / ysope / mariolaine / sarriette / mente
et leurs semblables / et aussi autres pour a-
uoir des fleurs / comme rosiers / violettes /
lys / flambe & telles autres herbes / & q' en-
tre ces choses & les mottes il y ait vng siege
ordōne a plaisance & de belles mottes / & en
la partie contre le soleil au dessus des sieges
on plantera des arbres comme vignes q' se-
ront ploiez par telle maniere que les fueil-
les facent ombre sur le siege pour plaisance
et pour garder le preau de seicher : car on
quier plus entelz arbres lumbre q' le proffit
du fruit / et pource nest besoing de le foyr
au pied ne de fumer la terre / & si doit on biē
garder que arbres ny soient trop espes & q'
ny en ait trop pource que l'air en pourroit
estre corrompu et le deffault dair nuyt a la
sante. Et pource tout Bergier demande franc
air / et trop grant ombre engendre mala-
dies. Et aussi on ny doit point mettre mau-
uais arbres comme noyers et les sembla-
bles : mais doulx arbres et aromatiques
en fleurs & plaisans en ombre / comme sont

Vignes/pommiers/poiriers/pruniers/pommiers de grenate/lauriers/cypres & les semblables. Apres les mottes il y aura grant compaignie d'herbes medicinales & diuerses et de noble odeur: car elles profitent et aydent/ & non pas seulement pour l'odeur/ mais aussi pource quelles delectent la veue pour la diuersite des couleurs/et pource on y doit mettre de la rue en plusieurs lieux: Car elle est de belle verdure et chasse les bestes venimeuses pour sa force et pour son amertume. On ne mettra nulz arbres au mylieu des mottes: mais la plaine et la superficie du pre demourra franche a l'air pur: car l'air en est plus sain / et aussi il n'y aura pas toillee d'araignes de branche en branche qui peuent empescher la purete de l'air et ennuyer aux passans qui autrement y pourroient estre. Et si l'on pouoit faire vne fontaine courant parmi belle et pure elle y seroit bien seant & donneroit grant plaisir. Le Bergier doit auoir regard beau & ouuert par deuers orient et galerne pource que l'air en est plus pur & que les vents en sont plus plaisans et sera clos vers midy et occident pource que les vents en sont mal sains troubles & non purs/ & combien que le vent de galerne empesche les fructs/ toutefois il gardera merueilleusement les esperits et la sante. Et l'en quiet communement es iardins plus la plaisir / delectation et sante q'le fruct ne autre profit.

¶ Des Bergiers des moyenes personnes.

Chapitre.ii.

Nul ne doute q' selon lestat des personnes et leur puissance et dignite l'espace de la terre pour faire leurs iardins doit estre mesuree quant il y a suffisant lieu/come de deux/de trois/ de quatre arpens/ou de plus/ & puis on le doit ceindre de fossez entour & de hayes despines & de rosiers/ & par dessus on fera vne haye de pommiers de grenates en lieux chauds/ et en lieux froids de noisetiers / de pruniers et

coingniers/et apres on l'arrousera et foyra de toutes pars et puis on signera le lieu ou les arbres seront plantez a ligne: cest a sauoir vne rengle de pommiers/ vne autre de poiriers & de palmiers en lieux chauds & citrons aussi/ de meuriers/de cerisiers et telz nobles arbres/ come figuiers/ couldeziars/ coingniers & d'autres semblables: chascun selon son ordre/et quil y ait distance entre les ordres de vingt piez du moins & de quarante au plus selon la volonte du seigneur. Les grans doiuent auoir vingt piez de distance et les petis dix / et pourra l'en entre les arbres planter de la vigne noble & de diuerses manieres q' donnera plaisir et fera fruct. On foyra les ordres & applicquera l'en afin que les arbres et les vignes y viennent mieulx/ & seront toutes les espaces deputees es prez/ & otera l'en souuent du lieu les herbes grandes & estranges/et les seichera l'en deux fois en l'an affin que les prez du Bergier soyent plus beaux/ & aussi on plantera et formera les arbres comme dit est au cinquiesme liure/ et y fera l'en treilles et toursnelles es lieux plus conuenables en maniere de maisons/tentes & pavillons.

¶ De Bergiers royaux & des autres nobles/puissans & riches.

Chapitre.iii.

Et pource q' les riches personnes & suffisans ont pouoir pour leur richesse et suffisance il appartient a leur appetit de faire satisfaction entiere et ne leur fault riens sinon art et science pour bien ordonner/ & pource i'en vueil parler au cunement. Si dis que Bergier plaisant/delectable doit estre fait/compose & ordonne en la maniere qui sensuyt. On eslera vng lieu plain et non pas en palus ne empesche que les vents n'y puissent a plain souffler & quil y ait ou puisse auoir vne fontaine courant par les lieux dicelluy / et que ce lieu soit de vingt iournaux ou de plus selon la volonte du seigneur/ et que il soit ceint de haies

murs bien a plain / et que len y plante en la partie par deuers galerne vng boys de diuers arbres ou les bestes saulvages se traitront / et par deuers midy on fera vng palais moult beau ou le roy et la royne ou autre seigneur ou dame demourrôt quant ilz voudront escheuer ennuyz et griefues occupations et prendre du bon temps ou soulas: car de telle partie il fera ombre au iardin eneste / et aurôt les fenestres regard attrêpe sur le iardin / et non pas greue de lardeur du soleil. Et la serôt faictz et ordônez les estres du iardin dessusdit / et y aura viuiers pour nourrir poissons de diuerses manieres. Il y aura aussi lieures / cōnins / cerfs / cheureulz et telles bestes saulvages q ne sont pas de proye. Et sur aucuns arbres pres du palais on fera grans cages cōme maisons q aurôt tect et paroyz de fil darchal bien lye trefespes ou il y aura faisas / perdrix / rossignolz / merles / linotes / charderonnetz / tarins / serins et telz oyseaulx plaisans et bien chantans. Et si y aura ordres au Bergier du palais daucuns arbres iusques au boys et non pas du trauers affin que plus legierement on puisse veoir dudit palais toutes les conteinances des bestes qui seront dedās le Bergier / et si face len aussi au Bergier vng palais a chambres et des tours qui soyent tous darbres seulement ou le roy la royne ou autres seigneurs et dames puissent estre sans pluyes en itêps ioyeulx. Le palais pourra bien estre faict par telle maniere. On mesurera toutes les espaces des chambres et autres places / et au lieu ou les paroyz doiuent estre on plantera des arbres portans fruct. Qui voudra quilz croissent legierement / comme cerisiers / pommiers et coulâriers / ou pour le mieulx on y plantera oliuiers / saulx et peupliers tant par palis comme par entes et perches on procurera leur naissance par plusieurs annees et seront formez comme tectz et paroyz. Et pourra len faire plus tost et plus legierement le palais et la

maison de perches et lyens / et tout enuiron y planter vignes dont tout ledifice sera couuert. Et aussi pourra len faire en ce Bergier tentes belles et grâdes et pavillons de fleurs seiches / et puis les couvrir darbres verdz et de vignes. Et aussi est ce vne moult grât beaulte et grât plaisance dauoir en vng Bergier diuerses entes et merueilleuses / et en vng arbre plusieurs et diuers fructz par enter et ce pourra bien estre faict par vng diligent laboureur qui en trouuera la doctrine en ce liure. Nous deuôs aussi scauoir que toutes manieres darbres et de herbes doiuent estre mises en vng tel Bergier distinctement et bien disseurees lune de lautre tellement que len ny puisse trouuer default et ne conuient pas aussi que le roy ou autre seigneur si delecte tousiours: mais quant il aura faict ses grans et grosses besongnes et aura faict satisfaction a ses gēs / lors il se pourra venir rafreschir en remerciāt dieu et glorifiant le souuerain seigneur qui est cause / acteur / commencement et fin de toutes bonnes delectations.

Des choses qui peuēt estre faictes pour la delectation et garnison des cours et des Bergiers.

Chapitre. iiii.

Ses seigneurs veulent enuiron les combes et les cours ou entour les Bergiers garnisons darbres verdz semblans a garnison de mur ou de plancher avec tout ou bastilles par telle maniere. On plantera saulx ou peupliers en parfond au sommet des riuers q ceindrôt le lieu / et qelles soyēt tresbien nettoyees et deliurees de toutes espines et vieulz arbres se la terre leur est cōpetāt / ou oïmes bien espes silz apmēt celte terre / et soyēt par vng pied ou moins menez a droicte ligne. Et quāt ilz seront tresbien partreuz on les couppera pres de terre / et lannee ensuyuant la lignee et les gettons qui en viendront seront espes par lieux de quatre doïdz et avec

pieux et perches ilz seront menez tout droict en hault iusques a ce q'lz soyent haultez de huyt ou de dix piedz. Et quant ilz serot par creuz en celle haultesse on les trenchera: mais au lieu de la garnison par cinq piedz ou enuiron on plantera semblables brâches au temps des premieres a la distâce de dix piedz. Et quant elles serot en haultesse dessusdicte on les coupera et avec layde des perches par deuers les prochaines plantes / et aussi par deuers celles de dehors on les ploiera / et celles de dehors aussi seront ploiees vers elles / et en sera ainsi faict par chascun an tât de fois que len ait faict ainsi comme vng plancher si fort et tellement que les gens puissent aller et demourer par dessus / & puis on laissera croistre les parties de dehors et les ordonnera len en maniere de murs & seront mis sur lallee. Et se pourrot bien tailler chascun an en haultesse cōuenable avec formes dappuyes mises sur les murs & les entretenir en telle maniere. Et entour celle garnison aux angles et coin-gnetz et autres lieux se on veult on pourra planter quatre arbres et les ordonner tout droict en hault / et les trenchera len de dix piedz & reploiera len par deuers soy mesmes a layde de perches et les mettra len en telle maniere et facon comme se on vouloit faire soliers / et encores les leuera len en hault et formera par telle maniere. Et finablement on les ploiera par dessus par forme de couuerture et de tect de maisons. On establira sur la porte vne belle maison / & deuant ceste maison sera le solier des arbres dessusditz. Et aussi pourra len faire maisons es cours ou es iardins a coulones vertes qui seront ia plantees toutes grosses & trefz fîchez dessus / & seront couuertes de cannes ou de feurres / mais toutesuoyes q' aucuns rainceaulx de chascune dicelles coulones appere clere-ment par dessus le tect & le tout qui deffend celle coulone de seicher et garderont merueilleusement la maison de lardeur deste.

Des choses q'len peult faire es lieux champestres pour delectation.


Chapitre. V.



Un beau siege des chaps apporte grant delectation: mais q'ny ait point de difformite de plusieurs petiz Bergiers: mais vne grant quâtite ramenee en vng lieu sans intervalles estrâges ayans droictz termes & bopsignages. Et pource le seigneur les doit procurer pres de ses chaps & bédre a ses bopsignes ou eschâger les parties loingtaines / superflues & tortueuses diceulx / & son champ ratifier et adresser avec celluy de son Voisin et ceindre tout le lieu de fosses & de hayes / des pines vertes & darbres conuenables meslez ensemble par distâce esgalle / & former petiz fosses & colatoires droictz par dessus q' sont necessaires es plaines selon la possibilite / gardât tousiours le proffit des chaps: car le proffit doit aller tousiours auât la delectation es champs / cōbien q' es iardins il soit le cōtraire. Et pource es chaps ceulx q' donnent plus grât plante de biës sont les meilleurs & les plus profitables. Et doit on procurer a son pouoir q' aucun ruyseau deau puisse courir par les chaps pour les arroiser quant tēps sera / & les destourner quant len vouldra. Et aussi on formera chemins cōuenables aux grâs & larges champs par lesq'z le seigneur pourra aller a pied & a cheual / & les laboureurs aussi avec leurs beufz chariotz et par toutes les parties diceulx chaps: car toutes ces choses avec le proffit q' en vient donnent grant delectation.

Des choses qui donnent delectation enuiron leurs vignes & leurs fruitz.

Chapitre. Vi.



Est grant delectation au seigneur dauoir belles vignes / soit en plain ou en petites montaignes qui soyent assises contre orient et qui portent grappes de diuerses manieres de raisins. Et pource le sei-

gneur doit bien entendre a la planter en cō-
uenable siege & lieu gras / & la former en ar-
bres et en treilles: mais en lieux maisgres
la disposer par droicte ordonnance empres la
terre / et y mettre de plusieurs manieres de
vignes / et y faire de merueilleuses entes / et
les esprouuer ainsi cōme ilz ont este esprou-
uees de plusieurs sages / & p especial de Pa-
ladius q en donne la doctrine / dōt l'une des
manieres est de planter Vng seph de Vigne
empres Vng cerisier ou autre arbre / & quant
elle sera bien repzinsē on percera l'arbre du-
ne tariere et bouterā len la Vigne parmi le
trou / & puis on estoupera tresbien le trou de
boue ou d'autre chose de tous les costez affin
que le soleil ou pluye ou Vēt ne si boute qui
les empesche a ioindre ensemble. Et quant
la Vigne sera tant grosse quelle emplira le
trou de l'arbre et tellemēt que tout sera bien
Vny ensemble on couppera la Vigne empres
la racine de l'arbre affin q de lors en auant
elle ait sa substance et nourrissement de l'ar-
bre et ainsi la grappe sera meure au temps
que le fruit de l'arbre sera meur. Et deuez
scauoir quil fault oster du seph de ce qui se-
ra dedās le trou de l'arbre la premiere escor-
ce qui est seiche affin quelle ne l'empesche a
soulder. Il est Vne maniere de faire grap-
pes de saueur de tyriacque ou de girofle / de
musquette ou laxatiue ou d'autre saueur
qui se faict ainsi. Le sarment que len doit
planter sera trenchē en Vne partie et osterā
len la moelle / et en lieu de la moelle on met-
tra tyriacque / ou musquette / ou pouldre de
girofle / ou scamonne / ou d'autres telles cho-
ses / et puis quil soit tresbien estraint et ain-
si mis en terre / et quant la grappe viendra
elle emportera lodeur et la Vertu telle com-
me ce qui aura este mis dedans: mais se le
sarment est transplante ailleurs il perdra
celle saueur et Vertu / & pource il faudra re-
commencer ce faict de tyriacque ou des au-
tres choses et les reenter: mais ie croy bien
que plus brief ce pourra estre faict se len cō-

mēce a retrencher au commencement quant
les grappes commencent a meurir / et que
lors on y mette la medicine et que il soit lie.
Il est Vne belle espece de Vigne qui na nulz
pepins es raisins / et est faicte des grecz cō-
me dit Paladius par la maniere qui sen-
suyt. On regardera combien le sarment est
couuert en terre / & autant on en fendra / & ti-
rera len toute la moelle et le labourera len
diligemment et puis on reioindra le mem-
bre arriere de la partie diuisee / & seront lyez
tresbien et fort et les remettra len en terre.
Et dient que len doit faire le lien de papire /
cest a dire de ce mol ionc qui est es mareis q
len nomme papier / et les doit on mettre en
terre moiste et mettre diligemment le sar-
ment reioinct entre la boulbe desquille et la
le plonger: car ilz dient pour Bray que tou-
tes choses semees & mises en terre se repren-
nent legierement pour layde de ceste chose.
Et les autres pour le temps quilz taillent
Vignes cauent Vng sarment portant fruit
de la Vigne taillee en celle Vigne du hault
quilz peuent en ostant la moelle et ne le di-
uisent point / et le lyent a rainceaulx fichez
quilz ne se puissent retourner. Et par des-
sus copon ou tenaycon que les grecz nomi-
ment ainsi / en la partie cauee ilz font suffu-
sion deaue parauant ramenee et resoluē en
grosse de sape comme Vin douly / et puis a-
pres huyt iours le renouellent / et ainsi
font tousiours iusques a tant que la Vigne
fera nouueaulx rainceaulx. Pour faire por-
ter Vignes raisins blancs et noirs les grecz
sentent en telle maniere. Se Vignes blan-
ches et noires sont pres lune de lautre quāt
on taillera les sarmentz de lune et de laut-
re conioinctz ensemble les veilles des sar-
mentz diuisez par telle maniere que on les
puisse ramener a pareille Vnite / et puis les
lyer de gros ioncz qui croissent en eue que
len appelle papiers et les estraindre bien
fort et les couvrir de terre molle et moiste /
et par aucuns iours trois ou quatre on les

arrousera par aual & les fera len egaulx iusques a tant que le germe de nouuelle fueille en saille. Et deslors de ce germe ainsi ente on pourra faire plusieurs sarmentz. Vng expert et sage homme me afferma quil auoit ente sarmentz blancs & noirs en Vne vignue demourans les sommetz des bourions continuez en ostant & leuant tant seulement la petite escorce du mylieu des bourions et qlz estoient tresbien repzins. Lecz se peult tresbien faire que len prendra deux gettons et ioindra len leurs deux oeilletz diuisez et les lpera len tresbien ainsi comme se ce fust Vng seul getton ainsi ente ou que len prenne deux oeilletz diuisez et les rongne len avec Vne petite quantite du boys/ et les ente len en lieu de getton. Belle chose est aussi dauoir Vin de diuerses couleurs et de diuerses saueurs. Et pource le seigneur sauance de cueillir aucunes grappes pour auoir Vin Verd et agu/ et puis on en cueille aucunes bien meures pour auoir Vin fort. Et aucunes trop meures pour auoir Vin doulx/ et aussi de diuerses couleurs faictes par art dautres couleurs adioustees sans corrompre la saueur. On le faict aussi destranges saueurs par choses adioustees qui donnēt saueurs et odeurs plaisans. Et se faict ce en prenant Vne partie du moust & le mettre sur le feu et y mettre les choses sauoureuses et odorans & les laisser cypre en ce moust affin que le Vin en prenne la vertu et lodeur/ et puis le mettre en Vng vaisseau ou il y aura autel Vin/ou autre bon Vin et tresbien mesler tout ensemble. Bon est aussi dauoir Vin medicinable duquel on vsera pour secourir a aucune maladie se elle vient/ et se peult faire legierement en meslant avec Vin aucunes medicines simples ou composees qui ayent vertu de ayder a la maladie/ et selon diuerses maladies serōt mises diuerses medicines. Et aussi le seigneur doit procurer ql ait Vertus & Vin agre et sape/ cest assauoir Vin doulx & Vnes passes/ cest a dire grappes

seiches & telles choses q sont faictes par la maniere quil est dit et contenu au quatriesme liure: car cest grāt bien quant len treuve tost ce dont on a besoing pour soy & pour ses amys. Se len met Vne ieune grappe en Vng petit vaisseau de boire avant q la fleur enchee on dit quelle deuiedra Vng seul grain.

Des choses qui aduiennent enuiron les arbres qui donnent delectation.

Chapitre. vii.



Cest Vne moult grāt delectation au seigneur ql ait en son lieu copie de bons et beaulx arbres de diuerses manieres. Et pource il peult et doit procurer de nobles arbres en tous lieux ou il peult dont il puisse auoir et cueillir bōs & beaulx fruitz/ & les planter & enter en ces lieux/ & les asseoir en bonne ordree non pas a la volee cōme len faict cōmunemēt. Aincois mettre les grās loing a loig pour eulx estēdre & q trop grāt ombre nempesche leur fruit a venir/ & les arbres de petite quantite plus pres a pres et les former tout selon ce q appartient a leur nature. Len doit mettre les greigneurs arbres a la partie de septentrion ou occident/ & les moindres deuers midy & orient. On deura faire entes merueilleuses a ceulx qui en essayēt et font lepperiment comme len peult enter en Vng tronc mesmes/ pommiers/ coingniers/ poiriers/ neffliers/ sorbes & telz arbres: on ente aussi pommiers en saulx et en peupliers/ et Vigne en oliuier et en meurier/ et se len ente pescher en espine fagine/ on y cueille nefles plus grans et meilleurs que les autres. Et se len ioint peschers & agmandiers ensemble en telle maniere q les oeilles soyent iointz et entez en prunier le fruit aura la chair de peschier et noyaux auront la saueur et la nature dagmandes. On peult enter meurier en orme: mais il deuient moult grant sans proffit. Marcialis afferme que len faict grains qui sont blancs en pommies grenates se en argille & croye on met la

quarte partie de plastre & puis que on met-
te de ceste terre a la racine par trois ans/et
si dit aussi que len faict leurs pomes de mer-
ueilleuse grandeur se len couure Vng pot de
terre entour l'arbre de grenate et on clost de-
dās ce pot le rainceau avec la fleur affin q'l
nen saille hors & q'l soit lie a Vng pieu & que
le pot soit couuert contre leaue quāt ce bien-
dra en automne on trouuera la pomme du
gros du pot. Et dit pour Bray que ce peult
estre tresbien en may et en iuing. Varron le
declaire autrement / et dit que se les pomes
grenates non meures quant elles tiennent
encore a leurs raiceaulx sont mises en Vng
pot sans fons celles q' auront este mises en-
contre la terre et couuertes par deuers le
rainceau / tellement que l'esperit de par de-
hors ne les esuente seront non pas seulemēt
gardees entieres. Mais serōt plus grosses
que l'arbre ne les aura oncquesmais portees
Do^r faire Vng figuier porter diuers fructz
on prēdra deux raiceaulx de figuiers / lung
de blanche figue et lautre de noire / et puis
les oindra len ensemble et torōra et lyera/ &
estraindra len si fort q' ilz soyent contrainctz
de mesler leurs germes & soyēt bien couuers
fumez & vniz de humeurs ou ilz se prendrōt
a germer oeilles on les liera par aucune cō-
nexion / et lors le germe donnera deux cou-
leurs parquoy on congnoistra la Vnion & la
diuision. Pour garder roses Vertes auāt q'l
les se monstrent on les enclozra en Vne cāne
Verte q' sera trenchee/ & puis on laisse reioin-
dre la fente/ & apres on taillera la canne au
tēps q' len vouldra auoir roses Vertes. Aus-
cuns les mettent en Vng pot de terre gros &
fort bien garnies et les enfouissent en terre
bien couuertes/ & ainsi les gardēt. ¶ Pour
faire venir cerises sans nopaulx. Marcia-
lis dit q' se len taille le cerisier tēdre de deux
piedz et que on le fende iusques a la racine
& que len oste la moelle de chascune partie a
Vng cousteau ou a autre instrument & puis
que on reioingne les parties ensemble et q'

elles soyent bien lyees et fort et oingtes de
fiens ou de terre glaie par le sommet de la
coupeure & des fentes/et il sera consolide a-
pres lan en lautre trace/et apres on lentera
dun getton qui naura point encores porte
de fruct/ et celluy portera cerises sans os &
sans nopaulx. Se len trēche Vng petit rain-
ceau de cerisier et que len oste la moelle par
dessus et que len mette de la scamonnee en
lieu de celle moelle il portera cerises qui las-
cheront le Vētre. Et se on y met du musc le
fruct emportera lodeur / ou se len y met de
lazar ou autre couleur / ce fruct en enpor-
tera la couleur. Les grecz afferment pour
Bray q' Vng peschier naistra escript se on en
fouyst en terre les os / et par sept iours a-
pres la ou ilz se cōmenceront a mōstrer on
les ouurira & otera len les nopaulx & la on
escripra de cynabore/ & puis tātost on les res-
liera dedās leurs os & les resoupra len tres-
bien iointz. Se len plante Vng peschier en
Vng saulx pres lung de lautre/ et apres on
encline le saulx en maniere darc et q' il soit
perce au mylieu et que on mette au trou du
peschier la plante/ & puis que le demourant
du trou soit tresbien estoupe de cire/ de terre
glaie ou de boue/ & que on y assemble de la
terre largement iusques au lieu du trou/ et
aps Vng an ou deux passez le bois du saulx
ou du peschier sera ioint et mis a Vng des-
soubz larc du saulx on trenchera le peschier
et sera nourry tout de lhumeur du saulx le
fruct viendra sans nopaulx.

¶ Des delectations des iardins
et des herbes.

Chapitre. viii.

Durce q' cest grant delectation au
seigneur dauoir iardin bien dispose
laboure & ordōne par art il doit pro-
curer dauoir iardin en terre grasse & despee
ou il y ait fontaine ou ruyseau courāt par
certaine espace se faire se peult pour l'arrou-
ser en este. Et la doit auoir de toutes manie-
res dherbes/ tāt pour manger comme pour

medicines selon ce que nature se requiert / et que il en face aires bien formees et proportionnees a cordes du long et de large come il est plainement dit et declaire au sixiesme liure. Et la doit auoir tousiours largement fiés affin que il ne ennuye a regarder pour la maisgreur & seicheresse / & pour y prendre plus grande delectation il y doit faire mettre choses nouuelles et non acoustumees. Car on y peult bien faire aucunes choses naturelles qui semblent estre bien miraculeuses a aucunes gens: car q prendroit crote de chieure et la perceroit subtillement d'une alefne et mettroit dedans semences de laitues / de cresson / de eruque / de raiç et enue/loperoit la crote de fiés & la mettroit en terre tresbien labouree et la planteroit en vne rovere petite & courte le rasan se tourneroit en racines et les semences enhault et la laitue sourt avec / et ainsi tout se lieue & sault hors en gardant la saueur de toutes. Se len gette plusieurs semences de poireaux assemblez & lyez ensemble et puis mises ainsi en terre il en naistra de toutes vng grât poireau. Apres len met au chef du poireau la semence de nauet sans fer & que il soit plante len dit que il croist merueilleusement ou plusieurs semences mises en vng estroit pertuis tout cela croistra en vng tresgrât poireau. Se len met eaue en vng vaisseau patent & ouuert soubz vne concôbre / citrulle ou courge deux paulmes dessus elles serôt faictes telles. Aucuns font ainsi come Albert lentéd qui entent la fleur de concôbres qui est trenche avec le chef de sa vigne dedans vne canne dôt ilz ont par deuant perce toutes neux / & la vient vne concombre de merueilleuse longueur et trop estendue. Elle crainct tant l'hyulle que qui la met empres elle se ploiera comme vng arc / et toutesfois quil tonne de paour elle est conuertie. Qui voudroit enclore la fleur de concombre en vng vaisseau de terre daucune diuerse forme et la lyez illec ainsi quelle est tenant en

sa vigne le fruit se formera en semblable forme soit de hôme ou de beste telle comme la forme du vaisseau luy aura dōnee. Toutes ces choses afferme Gargilius marcialis. Et si afferme vne merueilleuse besongne de azimo / & dit ql a maintenāt fleurs de couleur de pourpre / maintenant blanches / maintenant rosees / et se len seme souuēt de celle semēce elle se cōuertist vne fois en poullieul / vne autre fois en suzimbre. Hermes dit q quant les courges sont plantees en cēdres des os humains ou selon exemplaire en chairs des os humains plantez & arrousez d'hyulle quelle faict fruit dedans le .ixc. iour. Et est vne chose bien merueilleuse que les semences q sont au vaisseau de la courge & les grains qui sont au sommet dēhault font longues courges & gresles et ceulx qui sont au mylieu les font grosses & ceulx qui sont au bout daual les font larges.

¶ Le fine le .viii. liure & ensuyt le .ixc.

¶ Le premier chapitre recite ce dont traittent les huit liures precedens.



S liures

que nous auds cy deuant ordōnez appert assez des chāps & des vignes / des arbres & des iardins / des prez / des boys et de tout leur proffit / et des choses qui appartiennēt a delectation / tant en Bergiers comme en merueilles / de herbes et de arbres faictes par art : mais en ce neuuiēme liure nous traicterons des bestes qui sont nourries es villes pour proffit et delectation : Et affin que l'anciennete ne vienne en ygnorance / nous deuons scauoir que sicomme dit Barron le tresnoble philosophe / que au premier tēps anciennement ilz estoient bestes & hōmes q viuoient naturellement des choses que la terre apportoit de sa nature sans labour. Apres ilz des

cendirent de ceste Vie en la seconde/et labou-
rerent les champs et les pastures & se prin-
drent a labourer pour auoir prouffit des
champs & des fructz & planter arbres/tail-
ler et labourer et cueillir les fructz et pren-
dre bestes & lper & enclore & les adoulcir et
appriuoyer. Et commencerēt aux moutōs
& aux bzebis pour le legier labour & le prouf-
fit/pource que ce sont doulces bestes & tres-
noble viande a homme et a femme/tant en
chair comme en laict/fromages & laynes a
vestir et le cupz a chauffer. Et puis se prin-
drent aux autres bestes appriuoyer q leur
semblerent bonnes & prouffitables aux gēs
Et encore ce nonobstant en est il plusieurs
sauuages en diuers lieux: car on dit que en
frise il y a grās assemblees de ouailles en sa-
mocrate chieures/ en ytalie moult de porcs
sauuages. Chascun scet que en dardane/
mede et trace a plusieurs beufz sauuages/
asnes sauuages en fusie et cassine/ et che-
uaultz sauuages oultre les espaignes. Je
Bueil dōc dire des bestes a nourrir q ie scau-
ray et que iay peu scauoir tant de la doctri-
ne des anciens sages comme de l'pperience
de ceulx de maintenant/ et pource que plu-
sieurs ne sont pas certains en plusieurs cho-
ses/ & les sages & les mois sages sont faictz
plus sages & certains par experiance/ ie lais-
seray aux sages/ et par especial a ceulx qui
sont experts en telles choses l'accomplissemēt
de cest oeuvre: car comme dit le philosophe.
Experiance a faict lart/ et par especial l'ex-
periance a qui naturelle raison est adioincte
et pource que entre les bestes le cheual est
plus noble et le plus necessaire/tāt a roys/
a princes et seigneurs en temps de bataille
de paiz/cōme a prelatz deglise & a autres ie
diray plus a plain des cheuaultz/ & aps des
autres ēsemble ausqz plusieurs choses ap-
partenans aux cheuaultz pourrōt estre ap-
pliquees pour la semblance de leur nature.
¶ De laage des cheuaultz & des iumens.
Chapitre.ii.



Cheulx qui veulent auoir cōpai-
gnie & nōbre de cheuaultz et iu-
mēs ne doiuent ignorer ne met-
tre en oubly de regarder le tēps
& laage/ & regarder quilz ne soyent point de
moindre aage q de trois ans/ ne plus vieilz
q de dix. On cōgnoist laage des cheuaultz/
et presque de toutes bestes q ont les ongles
diuisez & q mesmes sont bestes cornues cō-
me dit Barro & Paladius q le cheual en trē-
te mors premiers pert ses dentz du mylieu
deux dessus et deux dessoubz. Et quant ilz
cōmencēt a Venir au quart an ilz en gettēt
autant des plus prochaines et les premiers
perduz reuiennent. Et quant le quint an cō-
mence ilz en perdent aussi quatre autres/
deux dessus et deux dessoubz des prochai-
nes/ lesquelles quant elles renaissent se cō-
mencent a emplir au sixiesme an. Au septies-
me an ilz les ont toutes acomplies & appor-
tees. Et quāt ilz sont plus vieulx ilz reuiē-
nēt a demōstrer de ql aage ilz sont fors que
tant que quant les dētz sont faictes brochez
et plopez & les sourciz chanuz & le coste des-
soubz/ cest a dire vne cōcauite: car quant ces
choses apperēt len dit que ilz ont seize ans.
Vng sage homme expert de nostre tēps dit
que le cheual a douze dentz/ cest assauoir six
dessus & six dessoubz qui sont toutes par de-
uant/ par lesquelles len cōgnoist laage des
cheuaultz et le temps/ et puis ilz ont les es-
calongnes et puis ilz ont mollieres et peult
estre que le cheual en a plusieurs/ & lors les
dentz sont doubles & si peult estre que le che-
ual gette aucunes de ses dentz et quelles ne
renaissent plus/ et ce ne nuyt point au che-
ual fors que a la pasture/ pource q ilz pais-
sent des dentz de deuant/ et par ce ilz seront
de moindre pris: mais ilz maschent par les
mollieres. Les premieres dentz q ilz muent
sont deux dētz de dessus & deux de dessoubz
q len appelle premieres mors/ & lors on l'ap-
pelle poulain de premier mors. Et dit on q
ce est faict au premier an/ et puis il mue les

quatre autres dētz prochaines deux dessus et deux dessous que len appelle moyennes. Et ce est le second mors & lappelle len du second mors / & puis il mue les autres quatre dētz deux dessus et deux dessous que len appelle quartees / & ce est le troiesme mors et lors on lappelle cheual. Et quant le poulain naist il naist avecques ranches / & puis luy viennent escalongnes / & aucunesfois ces escalongnes luy naissent si tres longs que ilz empeschent le cheual a moudre sa pource & aussi a engresser. Et pource les mareschaulx leur retailent cecy. Et quant le poulain est faict cheual les dētz luy sont faictes moins estrainctes et plus au large et les testes des dētz deuiennent noires et se eslongnent et seront chanulz par aucuns ans. Et quant ilz commencent a enueillir la couleur des dētz blanche / et se trespasse a couleur de miel & puis sont blanches comme couleur de poiure et deuiennent plus longues / & touteffois aduiēt il aucunesfois que sans vieillesse le cheual a de sa nature longues dētz / et pource aucuns rongnent les dētz aux vieulx cheuaulx pour sembler ieunes.

De la forme des bones iumens pour concevoir / & comment on les doit tenir & ordonner.

Chapitre.iii.

La cōvient ce dit Barro que la forme soit moyenne : car elles ne doiuent point estre trop estroictes ne menues par le col et doiuent auoir les ventres larges. Les cheuaulx que len veult ordonner pour aller aux iumens doiuent estre de plain et grans corps & beaulx & de noble forme sans deffault de bonne poitrine conuenable pour paistre aux prez / et par especial en herbe / estables & encraiches du foing sec / quant les iumens aurōt polene on leur donnera deux fois le iour de lorge / et quant au commencement que on veult que le cheual lassaille on doit entendre que il lassail-

le si que le poulain naisce entre lequinoce de printemps. Cest a scauoir demy mars iusques au solstice q est en my iuing / affin ql le poulaine enbon tēps ou il y ait assez dherbes et que la mere ait abōdāce de laict : car les membres du poulain en seront plus grās & naistra le poulain a douze mors. Et ceulx qui naissent en autre tēps sont de petit proffit. Len doit mener le cheual a la iument deux fois le iour au matin et au vespre : mais quant la iument est liee on les enuoye plus hastiement : car les cheuaulx meuz de ardeur frustrēt & pour neāt ne gettent point semence / et les iumens mōstrent quelles en ont assez & par ce quelles se def fendēt : mais se il y a aucun ennuy de saillir len prent le moyau de squille et le broye len avec eaue iusq̄s a lespeſſeur de miel et puis len touche de cela la nature de la iument / & puis de ce len touche les naches du cheual. Len doit aussi scauoir q le cheual doit estre engendre de scalion que len appelle en commun langage garagnun / & en frācois bien diligemment garder quil nait point ou cōme neant este cheuauche et du moindre labour que len pourra : car de tant que il couuoite plus la iument / de tant il gette plus de semēce & plus forte / & sera le poulain engendre plus grāt & meilleur au bētre de sa mere / et doit on bien garder la mere quant elle aura conceu que elle ne soit trop grasse ne trop maisgre : car de trop grant gresse se pert par dedans le lieu du poulain et se restrainct si q ses mēbres ne se peuent bien dila ter ne eslargir. Et quāt elle est trop maisgre elle ne peult bien ne assez nourrir son poulain si en deuiant maisgre et chetif. Cōme dit Paladius la iument preins ne doit point estre efforcee ne contraincte / ne souffrir faim ne soif ne estre mise en lieu trop estroit. Len doit soubzmettre les nobles & belles iumēs et qui nourrissent les masles de deux ans en deux ans affin que elles donnent grant foison de laict pur a leurs poulains. Les

autres peuent souuēt aller au plaisir si que le cheual admissaire doit estre de cinq ans au moins & la femelle cōceura droitement a deux ans. Et se elle passe dix ans selonc ung liure la lignee en vauldra mieulx / et selonc l'autre liure la lignee qui en viēdra sera paresseuse & lente. Barron dit q̄ il conuient que les iumens preins ne labourent point ne demeurent en lieux froidz pource que le froid leur griesue pour lors grandement / et pour ce len doit garder es estables quil ny ait humeur sur la terre & que les huyx soyent cloz et les fenestres fermees / & entre leurs mangoueres on mettra longs bois pour les diuiser quelles ne se entrebatement / & si dit que len ne doit pas emplir de viande la iument preins ne laisser aussi auoir fain.

¶ De la natiuite du cheual / & cōment on le doit tenir quant il est ney.

Chapitre. iiii.

¶ Le temps que la iument poulaine est venu il est bon que le poulain naisce en lieux pierreux et motteux pource que de ce les ongles luy en sont plus durs quant le lieu est dur et pierreux / et de ce que il est motteux les cuysses luy en sont meilleures pour le labour daller hault et bas. Et quant il sera ne il supura sa mere par bonnes pastures par deux ans sans plus pource que des lors il commence de sa nature a soy esmouoir daller a iument et se il alloit a sa mere ou a autre iument il en vauldroit pis et en pourroit estre blece en aucune partie de soy. Et se il pouoit estre par trois ans en pasture sans sa mere & sans autre iument il luy proffiteroit moult grandement au sauement de ses cuysses et de tout son corps. Quant les poulains sont faictz de cinq mōys et ilz retournent a lestable on leur donnera farine d'orge moulue avec le bran & silz manguent boullentiers autre chose nee en terre on luy doit dōner cōme dit Barron. Quant ilz seront dung an on leur donnera orge et bran iusques a tant quilz seront ablatez et

ne les doit on point oster du laict auāt deux ans. Et tant que ilz serōt avec leurs meres on les doit toucher des mains affin q̄ quant ilz seront separez de leurs meres ilz ne se espouentent. Et pour ceste cause illec on pendra freins a leurs colz affin q̄ les cheuaulx en leur ieunesse se acoustument a veoir la face des gens et a ouyr la noyse des freins.

¶ De la maniere de prendre les poulains et de les appriuer.

Chapitre. v.

¶ Quant le poulain est de deux ans on le doit lper doucement a ung gros laz de forte layne pource q̄ la layne est plus molle et plus souefue que lin ne chanure. On le lpera en temps doulx & d'adage: car qui le lperoit en chault il se esmoueroit trop pour la desacoustumance et se pourroit blecer. Quant il sera prins & lpe on le mettra avec aucun cheual priue pour lappriuer. Barron dit q̄ le cheual en vault mieulx sil est appriue quant il a trois ans accompliz des lequel temps on luy donnera farine laquelle est necessaire chose a purger la poitrine du cheual & le doit on faire p dix iours & q̄l ne mangeusse autre viande. Des le .xij. iour iusques au .xiiii. et dix iours oultre on luy donnera de lorge petit a petit et puis moyennement essuyer et estre hors de lestable / et sil a sue on le doit oingdre de huylle / & se le temps est froit len fera du feu en lestable. Pour lappriuer on luy fera double retegnaal autrement dit cheuetre de fort cuir & quil en soit lpe a la basse mangoirre affin q̄ par sa cruaulte il ne se blesse aux cuysses ou en aucunes parties de son corps et le laissera len acompaigne daucuns cheuaulx priuez / lappaniera len doucement de la main et le touchera len souuent iusques a tant q̄l fera doute de son maistre ne aussi onne luy doit faire nul grief. Mais doucement applaner et aucunes fois lauer les piedz & frapper de la main sur la plante cōme se len le ferrast / et luy doit on mettre

deux ou trois fois le iour vng enfant dessus
vne heure en seant vne heure sur le ventre
ou aucune autre chose.

De la garde des cheualx.

Chapitre. vi.



En donera telle garde au cheual/
vng cheuestre faict de fort cuyr et
mol q len mettra en la teste et au
col du cheual / et luy lpera len les
deux piedz de deuant daucun lpen de laine/
a sera lye enlung des piedz de derriere affin
quil ne puisse aller / a ce est faict affin de luy
garder la sante de ses cuysses. Le lieu du che
ual sera tenu bien net de nuict a de iour. On
luy fera sa lictiere de paille ou de gros fein
iusques au genoil / et au bien matin on luy
ostera a luy essuyera len le dos / les cuysses a
tous les mēbres a tout vne touaille a puis
on le mettra a leaue petit a petit / toute fois
len tiēdra le cheual tant au matin cōme au
soir en leaue iusques aux genoulx lspace
de trois heures ou enuiron / et que leaue soit
froide / soit de mer ou eaue douce / pource q
telles eaues naturellemēt seichent les cuysses
du cheual / tant pour la froidure de la
douce comme pour la seicheresse de la mer a
en sont les humeurs deffendues a descen
dre aux cuysses / lesquelles humeurs sont
cause de leurs maladies. Et quāt il retour
ne en lestable il ny entrera point iusques a
tant quon luy aura essuyé les cuysses et les
iambes / pource q les fumees de la chaleur
leur feroit venir galles et mauuaises hu
meurs en leurs cuysses mouillees. Cest cho
se profitable au cheual quil se acoustume a
manger a terre empres les piedz de deuant
affin quil alonge son col / a ql lestende pour
prendre sa viande: car le col en est plus beau
et plus prouffitabile a veoir / et les cuysses
en ont plus grāt croissance. Le ieune cheual
doit manger fein / herbe / auoyne / a speaul
tre et telles choses: car le fein a lherbe pour
leur humeur luy croissent et eslargissent le
ventre a tout le corps / a quant il sera daage

acomply il mangera paille dorge dont il se
ra engresse suffisamment / a le treuve len en
chair conuenable pour mieulx labourer / et
le garde len quil ne soit trop gras ne trop
maigre: car les humeurs luy descendroient
de legier aux cuysses et luy feroient malaz
dies qui souuent bienneut aux cuysses des
cheualx / par especial quāt on les faict tra
uailer soubdainemēt / a sil estoit trop maig
re il seroit plus foible et plus laid a ven
dre. Quant le cheual sera de parfait aage
en printemps il mangera seulemēt des her
bes pour soy purger / et non pas es iardins:
mais dedās son estable / a quil soit couuert
daucune grosse flossoye de laine affin que
la froideur de lherbe ne le refroidisse et face
malade. Leaue pour abreuer le cheual soit
vng peu salee a souefuemēt courāt ou vng
peu troublee pource que telles eaues sont
chaudes et grosses plus nourrissantes et
conuenables a leurs corps: car leaue froide
a fort courant ne les nourrist pas bien. Len
doit ferrer le cheual de fers rondz conuen
bles a doux / a que les ongles en soyēt bien
enuironnez / car la douceur a legierete du fer
rendra le cheual legier et expert a leuer les
piedz / et lestrainture fera les ongles plus
grans et plus fors. Le cheual eschauffe ou
suant ne doit boire ne manger iusques a tāt
quil soit couuert a pourmene / si q sa chaleur
et sueur en soit hors. Nous deuons scauoir q
desacoustumeement cheuaucher tard nuit
au cheual: Mais cheuaucher au matin luy
est bon. Le cheual doit auoir couuerture de
lin en este pour les mousches / a en puer cou
uerture de laine pour le froit. Qui veult
garder la sante du cheual on le doit seigner
quatre fois lan de la veine du col acoustu
mee / cest assauoir en printemps / en este / en
autompne / et en puer. Nous deuons sca
uoir que le cheual bien et diligemment gar
de se on le cheuauche attrempeement com
me il appartient peult demourer en sa force
iusques a laage de vingt ans.

De la doctrine et morigination des cheuaulx. Chapitre. vii.

On doit en la doctrine des cheuaulx premierement bailler vng frain legier & doulx dont le mor-
dant soit oingt de miel ou d'autre liqueur doulce: car le cheual len soustiendra plus voluntiers pour sa doulceur et repren-
dra vne autre fois. Et quant il receura doul-
cemēt le frain on le menera p aucuns iours au matin et au soir par le frain iusques a tant quil supue doulcement son maistre / et puis apres sans estrier & sans selle on mon-
tera dessus le plus doulcement q len pourra en le menant a petitiz pas doulcement cou-
rant a dextre et a senestre / et bon sera q au-
cun homme aille a pied deuant et le cheual le supue / et chascun iour on le cheuauchera en lieu plain sans pierres et cailloux en co-
mençant du bien matin iusques a my tierce. Quant il aura este ainsi cheuauche l'espace
d'ung moys sans selle on luy mettra la selle doulcement sans noyse et le conduira len
ainsi iusques au tēps d'uer. Quant le che-
uauteur sera mōte sur le cheual ne le face
point aller iusques a tant quil aura mis sa
robe a point: car le cheual est plaisant a son
maistre. Quant le froit temps sera venu on
endocrinera aīsi le cheual. Le cheuauteur
le fera trotter au bien matin par terres a-
rees en le retournant tant a dextre comme
a senestre par le frain / et que la resne dextre
du frain soit plus courte d'ung poulce que la
senestre / pource quil est plus enclin a la se-
nestre / et sil luy semble bon il luy donnera
plus fort frain pour le mieulx tenir / et fera
trotter par terre aree & non aree et par terre
plaine et motteuse pour acoustumer a feuer
les piedz & les cuysses plus legierement / et
aussi par lieux de sablon et pierres. Et quant
il scaura bien trotter par tous ces lieux il
le menera le galop par toutes ces places
mesmes et le fera vng peu saillir legiere-
ment / & ne fera cecy que vne fois le iour: car

sil faisoit trop galoper le cheual deuendrait
trop retrograde. Et si doit le cheuauteur
garder au cōmencement du cours et en cou-
rant et galopant quil tienne les resnes du
frain aux mains et bas sur le dos si q quant
le cheual baissera le col quil incline la teste
tant que la bouche se tourne vers la poitri-
ne: car il en verra mieulx la voye & sen tour-
nera plus legierement de toutes pars / & en-
sera plus ayse a retenir a la main. Len doit
cōsiderer la durete et la mollesse de la gueus-
le du cheual et selon ce luy bailler frain cō-
uenable dont il en est moult de manieres:
car les vngs frains sont durs et les autres
molz / les autres tressortz / les autres tres-
durs / et les autres moyens. La forme de
ceulx cy ie la laisse aux ouuriers qui bien le
scauent. On le doit souuent cheuaucher par
my la cite / et par especial parmy les rues
ou il y a feutes et noyses de marteaulx: car
de ce ilz perdēt paour et deuieñnent hardiz /
et sil a paour de passer par telz lieux on ne
le doit pas poindre trop fort ne ferir despe-
rons: mais le mener doulcement pour luy
acoustumer. Et doquent ces choses icy estre
gardees a la doctrine des cheuaulx iusques
a tant que les dentz luy muent qui aduient
en laage de cinq ans / et quant les dentz se-
ront muees on leur extirpera et arrachera
de la ioue de dessoubz quatre dentz / deux
d'une partie et deux d'autre / et sont ces deux
appellees scallions: car ilz sont contraires au
mois du frain / et quant elles seront arra-
chees on les laissera guerir et puis apres
doulcemēt on luy mettra le frain / & ne doit
estre la bouche du cheual ne trop dure ne
trop molle / mais moyenne. Et deuons sca-
uoir q de ce que on arrache ces quatre dentz
le cheual en est plus gras & plus amiable /
et quant ces dentz seront ainsi arrachees on
le menera et cheuauchera len le galop en
faisant petitiz saultz et en encontant che-
uaulx allans & venans pour le acoustumer
d'entrer et yssir en leurs compaignies. Et se

En treuve frain cōuenable au cheual on ne le deura point muer affin que la bouche du cheual nen baille pis / et quant le cheual sera acoustume au frain on luy apprendra a courir et le fera en courir bien matin chascune sepmaine vne fois par voye bien vnye l'espace du quart d'une lieue au commencement / et puis apres on luy acoustumera a courir presque vne lieue ou plus sil plaist. Et deuons scauoir que de tant que le cheual sera plus longuement couru par mesure attrempee il en sera plus legier et plus isnel pour l'usage / touteffois il aduiert le contraire de souuent courir vng cheual il en est faict plus cruel et se courrouce q̄ le haste trop / et pert vne grant partie de son acoustumance. Et deuons scauoir puis que le cheual est acoustume de soy affcener le cheual cheur les doit souuent faire gosoper / courir et saillir attrempeement par mesure : car trop grant repos le feroit pesant et oublier sa coustume et sa bonne doctrine. Et ces choses dessusdictes appartiennent a cheualx de cheualerie : car aucuns sont deputez de traire a la charrue / les autres a sommier / les autres a pilliers / et aucuns veulent auoir leurs cheualx doulx et debonnaires si les cōuient chastrer : car ilz en sont plus paisibles.

¶ Pour scauoir congnoistre la beaulte du cheual.

Chapitre. viii.



¶ On congnoist le beau cheual quāt il a le corps grant et long a tous les mēbres bien respondāz a sa grandeur a en sa longueur par proportion / a que la teste soit gresse / seiche et conuenablement longue / la bouche grande et fendue / les narilles enflees et grandes / les yeulx gros et non pas enfoncez / petites oreilles et esueillees / vng peu de crins a plains / le col long a gresse vers la teste / grosse poitrine et cōme ronde / court dos a plain reins rōdz a gros / costes grosses cōme celles d'ung beuf / le bē-

tre long / les hanches longues a tēdues / les fesses longues et larges / la queue longue a vng peu de poil / les croupes larges et bien charnus / les iaretz assez grans et secz / les faulx courtz cōme vng cerf / les cuspess biē amples a belues / les ioinctures des cuspess grosses et courtes comme vng beuf / les ongles des piedz grās / durs a cauez ainsi cōme il appartient / a q̄ le cheual soit vng peu plus hault en la partie derriere que deuant ainsi comme le cerf qui porte le col esleue / et soit gros empres la poitrine. De la couleur du poil sont diuerses opinions : mais plusieurs dient q̄ le bayard est plus seur a plus plaisant q̄ les autres a peult on mieulx cōgnoistre la beaulte du cheual a la bōte quāt il est maisgre que quant il est gras.

¶ Des signes de la bonte du cheual.

Chapitre. ix.



¶ Le cheual est tenu pour le meilleur qui a grāt beue a doit moult loing et a forte regardeure a fortes oreilles et longues cheueleure / forte poitrine et longue / et courte eschine / a longues cuspess et iambes par deuāt / et courtes iambes par derriere / delye musel / et subtil bout de nez / souef poil et large croupe / gros col et bien mangeant. Cheual qui a grans narines et enflees et gros yeulx non concauez est communement hardy. Cheual qui a grāt bouche a maistres ioues / long col a gresse vers la teste est conuenable a enfrenner. Cheual a grosses costes comme vng beuf et ventre large et pendant bas est bon pour soustenir labeur. Cheual a grās iaretz et estendus et faulx courtes qui ayent regard aux iaretz par dedans est legier et hastif en aller. Cheual qui a courtz iaretz et les faulx estendus et courtes hanches doit bien aller par nature. Cheual qui a les ioinctures des cuspess naturellement grosses / et les maschoueres courtes comme le beuf est tenu pour fort. Cheual tenant a soy le tronc de sa queue estroict entre ses cuspess est fort

et portant peine de commun cours: mais il n'est pas legier. Cheual qui a les cuspess et les iointures des cuspess assez belues et a long poil/ en icelle partie est de grāt labeur. Mais il n'est pas cōmunemēt legier. Cheual qui a le dos fort/ long et large et hanches longues et estendues et plus hault derriere que deuant est communement legier a courir sicomme on le treuve en plusieurs.

Des signes de la mauuaise et Vice/et du profit des cheuaux.

Chapitre. x.

Cheual qui a grosses iouperes et court col n'est pas legierement affrene a plaisir. Cheual qui a tous les ongles blancz a grant peine pourra auoir les piedz durs. Cheual qui a les oreilles pendans et grandes et les yeulx cauez sera lent et pesant / et quant le hault du nez est bien bas il ne peult respirer par les narilles/et en vault moins. Quant le cheual voit de iour et non de nuyct il en vault moins / et le congnoist on a ce que se on le maine de nuyct a chose quil doubte de iour il nen aura point de paour / et quant il ne meult pas les piedz de nuyct comme de iour. Se les yeulx des cheuaux sont blancz ilz en sont moins prisez: car qui les meine a la neige ou a la froidure ilz ne voyēt goutte/et qui les meine en lieu obscur et en tēps chault ilz voyēt. Cheual qui pend les oreilles derriere en tous temps est de moindre pris et moins prise pource q'il est sourd. Cheual q ne hannist ne ne faict noise de la bouche est sourd. Cheual q a le col dur est tousiours estendu et ne lieue point la teste quāt il va et ne met le col a dextre ne a senestre n'est point de pris/et est grant peril a celluy qui le cheuauche pource q'il ne le peult tourner a sa Boulente / et si ne vault riens pour armes. Cheual a q les genoulx se ploient en terre est de petit pris: car il va tresmauuaisement. Len ne doit point tenir cheual de qui les iambes tournent deuant cōme vng

arc: car il est de petite Value. Le cheual de qui les iābes de deuant semblent tousiours mouuoir est de mauuaise nature. Cheual qui lieue la queue hault et bas est de mauuais Vice. Cheual a qui on voit tousiours enfleures sur le genoil perdra briesuement son chemin. Se len voit enfleure dure sur les piedz de deuant d'ung cheual en son labeur il ne nuyt point / et dient que sil a enfleure dure aux piedz de deuant le maistre sera seur quelle ne descendra autrement. Cheual qui a entour les piedz creueures et ne peult estre guery est de moindre pris pource quil est de moindre apparence. Cheual a qui le poil des iointures des piedz est reuerse contre mont n'est point blece en son labeur et a les iointures fortes. Cheual q meult les piedz autrement que les autres est blece en son labeur et si en est de moindre pris. Cheual qui fiert les piedz de derriere l'ung a lautre en allant il se greue en son labeur. Cheual qui a les genitelles trop grans en est plus laid et empesche a labeur / et se son membre est tousiours pendant il en est plus laid et non digne destre cheuauche de bon homme. Morsee cest a dire blancheur au col/ au museau/ ou sur les yeulx faict le cheual plus laid a veoir: mais il nempesche rien a labourer. Il n'est pas bon de oster les flanches du cheual.

Des maladies des cheuaux/et de leur cure.

Chapitre. xi.

Nous auons veu deuant de la bonte et beaulte des cheuaux. Il conuient veoir des maladies qui leur viennent tant par aduenture cōme par accidēt. Et premierement de celles qui viennent par nature lesquelles aucunesfois ou par deffault ou par occasion aucune appetissent ou accroissent/ cōbien quil nadiuent pas cōmunement que elles croissent sicomme il aduiendrait que vng cheual naistrait la ioue dauial plus grande q celle den hault

ou quant il naist avec aucune superfluite de chair es piedz ou ailleurs que on appelle en commun langage murus ou callum et en francois mur/ laquelle vient sans cuir. Et aduient aucunesfois quil y a en Vne partie du corps superfluitez de chair comme sont glandes qui viennent soubz le cuir: mais aucunesfois ilz ont amenuesance par nature/ cest assauoir quant Vng cheual naist avec Vng oeil/ a Vne oreille ou Vne narille plus petite que lautre/ ou quant il a Vne hanche plus courte que lautre. Et aussi est appetisse quant Vng cheual naist & quil a les cuspess bestournes tant deuant comme derriere/ et aussi des ongles et des piedz qui sont aucunesfois tournez par nature/ aucunesfois il naist avec zardres aux iaretz/ galles aux cuspess pour cause du pere et de la mere qui les ont ainsi. zardre est Vne enfleure en maniere doeufz ou plus grandes ou plus petites q naist es iaretz tant dehors come dedans. Galle est Vne petite enfleure en maniere dune petite vessie de la grandeur dune noix qui est engendree entour les ioinctures pres des ongles combien que en ces maladies q naissent au Vêtre de la mere par default de nature len ne puisse dōner suffisant remede / toutesfois en aucunes len y peult aucunement ayder: car quant il naist aucun cheual qui a aucunes maladies en sa natiuite comme quant il a les cuspess torsees par derriere si quil frappe Vng pied en lautre on luy ayde en le cuspant de fer conuenable en la partie de dedans les cuspess pres des genitalles en luy faisant de trauers trois lignes de chascune part des cuspess / et puis chascun iour on le cheuauche comme il est acoustume/ & lors Vne cuspse se frotte a lautre/ et de souuent toucher il se scorche/ & pour celle cuspature comme dune playe le cheual sen va plus tost que deuant pour les grans ardeurs quil sent. En ceste maniere faict on les cuspess de deuant en faisant celles cuspatures. Quant les ongles ou les piedz sont

boiteux on y face tel remede que le ferrer souuent pource que en ce faisant souuent on met les ongles a point et les faict on rondz par la force du fer et le bien ordōner. Il aduient aucunesfois que le cheual se frappe dung pied a lautre pour ce quil est trop foible et trop maisgre si les secoure len par les ondre daucune gresse.

¶ De la maladie du mur & de la cure.

Chapitre. xii.



Rur la maladie du mur guerir len. trenchera sagement la superfluite de la chair q y est iusques au cuir et puis se le lieu nest neruu on le cuira conuenablement de fers rondz eschauffez / et se le lieu est neruu on y mettra pouldre de reagal par dessus a pois tel comme il appartiendra/ et quant il aura rongé la racine du mur toute hors len mettra dedans la playe Vne estoupe mouillee en aubin doeuf et emplira len toute la playe & la remuera len chascū iour Vne fois iusques a trois iours/ & de la en auant pour la consolider hastiuement len prendra de la chaulx viue & autant de miel et les meslera len ensemble & mettra len en Vng drappeau et lardra len a petit feu iusques a tāt que il deuienne charbon et en fera len pouldre deslyee et la mettra len en la playe avec estoupe enuuelee en ladicte playe au matin et au soir iusques a tant que la chair soit consolidee et que tousiours par deuant la playe soit lauee de fort Vin aucunement eschauffe comme tiede/ et se on auoit par aucun accident deffaulte de reagal len prendra de la chaulx viue et la mettra len en lieu avec arsenic ou orpiment en pois pareil et en mettra len trois foyz ou quatre iusques a tant que la racine du mur sera suffisamment rongee: mais toutesfois que la playe soit tousiours bien lauee de bon Vin aigre: car ceste pouldre est moins violēte q lautre/ & en ceste place ne reuiendra point poil: mais pour le faire reuenir nous lapprendrōs cy apres

Des glandes et des escrouelles
et de la cure.

Chapitre. viii.



Es autres superfluités de chair qui naissent entre le cuir et la chair que len appelle communement glandes ou escrouelles ie dis que len taillera le cuir au long ou il y a aucune glande / et puis tout entour on le descharnera aux ongles ou quant le cuir sera treché len y gettera de la pouldre de reagat et le cuir len de set chault ou len y gettera de la pouldre de chault viue / dorpin et de tartaire / come iay dit au chapitre de deuant / et de telle cure comme iay escript. Et se pour ladicte mchō ou taille aucune veine se prêt a saigner on lestraindra en telle maniere. Len prēdra deux parties dencens et la tierce daloes epatic et en fera len pouldre et meslera len avec aulbin doeu et poil de lieure et mettra len en la veine. A ce mesmes vault pouldre de plastre broye avec chault et grains de raisins. A ce vault fiente de cheual fresche meslee avec croye et tressort vin aigre. Et ne doit len poit ces medicines restrainctiues oster de dessus la veine iusques au second ou au tiers iour. Et deuons scauoir quil vault mieulx descharner et destruire les escrouelles et glandes dessusdictes par ces pouldres apres le cuir trenché au long q par cuir ou extraire aux mains se elles sont en lieux veineux et nerueux.

Des maladies accidentelles des
cheualx / et de la cure.

Chapitre. iiii.



Mus auons dit par auāt des maladies naturelles des cheualx / il conuient dire de celles qui viennent par accident. Et premier de celles qui viennent a la teste et dedans le corps. Seconement de celles qui leur viennent sur le dos. Tiercement des maladies qui viennent es membres au dessus des piedz. Quartemēt des bleceures des ongles et des piedz.

Du ver ou veruolage.

Chapitre. xv.



Este maladie aduiēt au cheual en la poitrine pres du cuer et es cuspess / et es flans pres des genitelles de mauuaises humeurs chauldes assēblers en aucunes glandes qz ont au pis et es cuspess qui leur aduiēt en ces places pour aucune douleur accidentelle qui leur descend es cuspess et leur tresperce de grosses rongnes / et aucune fois pour occasion de ce verme il aduiēt au corps du cheual par especial en la teste diuerses grosses rongnes / et enfle la teste / et aucunes fois par les narilles font saillir humeurs ainsi come eue / et lappelle len veruolage. Ceste maladie est congneue par lenfleure qui leur vient desdictes humeurs en iceulx lieux / et par les rongnes que lesdictes humeurs font yssir a force. Quant len voit les glandes enfler ou croistre plus qz nont acoustume len saignera tantost le cheual de la veine du col empres la teste et en chascune partie du corps / du pis / de la poitrine / des cuspess et des veines acoustumees pres que iusques a la foiblesse affin que les humeurs superflus soient vuides. Et puis len mettra conuenables latz es cuspess et au pis qui continuellement attrapont les humeurs par la force et conuenable vertu des latz ou cyons. De telle agitation vient douleur / et pour celle yssent les humeurs et point ne descendent aux cuspess. Ces ditz latz ne doyuent point estre esmeuz iusques a deux iours apres passez / et seront esmeuz chascun iour au matin et au soir / tant q deux ieunes homes soyent trauallez a chascune fois / et que le cheual ait este par deuant cheuauche grandement a petis pas / et puis len ne cessera point chascun iour de traualler le cheual / et se garde len ql ne mangeusse herbes et q il mangeue si peu dautre chose que force lay demeure seulement et le face len reposer de nyct en lieu froit. Se la glande ou le

Ver nappetisse par ceste cure / aincors quil
 vienne humeurs superflues qui luy enflent
 les iambes / lors ces glandes ou ce ver sera
 arrache par ceste maniere. On trenchera le
 cupz et la chair tout au long iusques a tant
 que on trouuera les glandes ou le ver / et
 puis le fer delaisse on les arrachera ou des-
 charnera aux mains / a quant cela sera arra-
 che q il ny demourra rien / on mouillera vne
 estoupe necte en blanc doeuf et en enplira
 len la playe / a puis la coulera len si que les
 stoupe nen puisse saillir ne yssir . Et se la
 playe est en la poitrine on lyera vne piece
 de drappeau deuant la poitrine pour le vet /
 et puis len ne remuera la playe iusques au
 tiers iour / a sera mouille en huylle a en au-
 bin doeuf bien batu ensemble : mais auant q
 len luy mette on lamera la playe par deux
 fois le iour en bon vin tiede / et se doit con-
 tinuer par neuf iours . Et mettra len dedas
 la playe estoupe enuelee en telle pouldre
 come iay dit au chapitre de mur / a est faicte
 de miel et de chaulx viue . Et vsera len de
 ceste pouldre icy iusques a tant que la playe
 soit consolidee / toute fois quelle soit bien re-
 muee et le cheual chascun iour travaille co-
 me iay dit dessus : mais toute fois len ne
 doit point cheuaucher le cheual iusques au
 tiers iour que le ver sera arrache : mais on le
 cheuauchera chascun iour apres comme iay
 dit. Vng autre remede a plus fort pour oster
 ce verme est que len trencher le cupz au long
 et la chair iusques a tant que len voye le ver-
 me et que len y mette de la pouldre de reas-
 gal bien broyee et du cotton et que len couse
 la playe affin que le reagal nen puisse yssir
 car cela roge fort le verme en neuf iours / et
 puis len guerira la playe comme iay dit des-
 sus . Se pour ces choses icy len ne peult res-
 traindre ne seicher les humeurs que elles
 ne descendent aux cupsses en leur faisant
 pertuiz ou petites vessies ou rongnes . Lors
 tatozt on cura en la teste ces roignes a vng
 fer chault rond tout entierement en cupant

premierement la maistresse veine du piz au
 trauers q tend du lieu du ver auant iusques
 aux piedz / et puis les pertuiz des cupsses
 cuitz comme iay dit len gettera par dessus
 en icelle rongne chaulx viue tant seulement
 deux fois le iour en deceurant la cupcture
 des trouz . Et se de ce ver la cupsse demeure
 enflée on luy aydera par telle maniere . Len
 mettra sensues etour les enfleures des cuiss-
 ses : mais toutesuoyes la cupsse ou lenfleu-
 re sera deuant raize . Et quant les sensues
 auront tire et susse le sang tant comme ilz
 pourront on emplastrera toute la cupsse de
 vin aigre et de crope meslee ensemble / ou on
 luy mettra les cupsses en eue froide chas-
 cun iour longuemēt au matin a au soir / ius-
 ques a tant que les cupsses seront deuenues
 gressées . Contre le veruolage a les humeurs
 descendans du chef . Len saignera le cheual
 suffisamment de deux veines des temples
 acoustumées / a puis le mettra soubz la gor-
 ge les latz ou cyons et les mouuera len a le
 nourrira len et tiendra en lieux froids tout
 ainsi come iay dit au chapitre du verme .
 Se le veruolage se retourne en emoygram
 comme il aduient souuent / on luy donnera
 chauldes besongnes et aura la teste couuer-
 te de drap de lin ou de layne / et demourera
 en lieu chault pour soy reposer / a que len ne
 le travaille point / a que il mangeue ces cho-
 ses comme foing a auoine : car ceste maladie
 est froide / et pou de cheualx en eschappēt .

De la maladie appelee antiquoz /
 et de la cure.

Chapitre. xvi.

L aduient aucunes fois q celle glan-
 de qui vient entour le cuer croist
 tant pour les humeurs qui courent
 en maniere de eue non descendans aux cupss-
 ses parquoy laugmentation et inflation est
 faicte apostume / laquelle pource que elle est
 pres du cuer cruellement luy est contrainte
 et ceste maladie communement est appelee
 antiquoz . Quant ladicte glande est crue et

engrossie cōme soudainement en ardeur et enflambee plus q̄l n'appartiēt on larrache-
ra tātost sans demeure hors de la poitrine
cōme il est dit cy dessus en la cure du Ver: et
pource q̄lle est prochaine du cuer/ on l'ex-
tirpera sagement a grāt diligence. Et se en
ceste extirpation & descharnure aucune Veine
ne soit ouuerte et en saillie sang/ tantost on
la prendra & lestraindra len aux mains & la
tyera len estroictement dung fil de soye. Et
se pour l'abondance du sang len ne pouoit
prendre la Veine len mettra en la playe les
medicines restrainctiues de sang q̄ sont des-
sus dictes au chapitre des glandes.

De la congnoissance de stranguile.

Chapitre. p. vii.



Les sont autres glandes entour
la teste du cheual qui sont soubz
la gorge/ et aussi par accident
croissent pour les humeurs du
cheual refroidir q̄ descendent de la teste dōt
toute la gorge en est enflée et tous les con-
duitz de l'alayne q̄ viennent par la gorge en
sont estoupees si q̄l ne peut respirer/ et ceste
maladie est appelée stranguillon. La cure.
Quāt len regarde soudainement lesdictes
glādes croistre ou plus q̄lz nōt acoustume/
tātost len met soubz la gorge du cheual des
latz & puis apres le maine len suffisammēt
au soir et au matin. Len couurera aussi la
teste de couerture de layne et oindra len la
gorge plusieurs fois de beurre frais/ par es-
pecial le lieu de stranguillon et le tiendra len
en lieu chault/ et se lesdictes glandes ne se-
stressent & desinflēt p̄ esmouuoir les latz len
arrachera entieremēt & guerira len la playe
sicōme iay dit en la cure du Verme. Mais
on se doit aduiser a mettre le reagal: car qui
en mettroit trop il rongeroit trop de chair.

Dune maladie appelée Viues et
de leur cure. Chapitre. p. viii.



Les sont aucunes glandes q̄ naissent
entre le chef et le col soubz chascune
machillere q̄ croissent aussi de flux

de reume descendans de la teste q̄ estoupent
les conduitz de la gorge si q̄ le cheual peut
a peine boire ne manger/ & est ceste maladie
appelée Viues/ & q̄ ny secourt tātost il meurt
soudainemēt. La cure. Quāt len voit les-
dictes glandes croistre et enfler ainsi cōme
oeufz q̄ estraignent les cōduitz de la gorge
on les cuira de la poitrine dung ser chault
et trenchera len dune lancette ague/ ou qui
mieulx vault en la maniere dicte du Verme
autant dune partie q̄ dautre sil semble bon
et qui ne secourt desdictes medicines il ne
peult respirer et len conuient mourir.

Des douleurs du cheual & de la cure.

Chapitre. p. ix.



Douleurs viennent aux cheuals
en maintes manieres. Premieres-
ment de superfluite de mauuaises
humeurs. Secondemēt de Vétositez entrees
es entrailles dhumeurs glueuses qui y sont
encloses. Tiercemēt de superflue retention
de Urine q̄ enfle la Vecie. Aucunes fois il ad-
uient de trop boire eaue froide quāt le che-
ual est trop eschauffe/ mais ce naduiēt pas
souuent. La cure. Len congnoist se la dou-
leur est dhumeur ou de sang a ce q̄l est tor-
mēt & se remuēt les boyaulx sans enfleure
et souuent se gette a terre & se gist a les Ve-
nes soufflent plus quilz nont acoustume/ et
tantost il le faudra saigner de la Veine sans
gliere qui est empres la sangle et saigne le
sang de chascune partie/ & de q̄lconque part
du corps dont len pourra traire sang si q̄ le
cheual vienne a grant foiblesse de corps/ et
puis on le menera par la main a petis pas/
et ne boiue ne mangeue iusques a tant q̄ la
douleur sera censee. Len congnoist la douleur
de Vétosite a ce q̄ il se deust dedans le corps
enfle plus q̄l na acoustume & a les boyaulx
enflez et presq̄ tout le corps len piēdra Vng-
tupau de canne le plus gros que len pourra
trouuer du long dune paulme oingt dhuy-
le et mettra len au cul du cheual la plus
grant partie/ et lautre partie sera lye a la

Du proffit qui vient de toutes les bestes et volailles.

queue du cheual affin quil ne puisse ystre / et puis hastiuement on le cheuauchera en trotant ou cheminant vers montaignes / et se le lieu est froit on le couurera de toille ou de drap et luy frotera len les boyaulx bien fort aux mains oinctes dhuyllle / et de ce le cheual seschaufera et mettra hors le vent par le tupa / et luy donnera len choses chaudes a boire et a mager. Car il beuera eaue ou sera cuyt semence de cōmin et semēce de fenoil autant dung comme dautre / et quāt leaue sera refroidie len y mettra de la fleur de fromēt / et le laissera len tant auoir soif quil vueille boire de ceste eaue / et aussi on luy dōnera choses chaudes a mager / et le tiendra len en lieu chaũt couuert de layne. Et se la douleur vient de superfluite ou dorge ou de telle chose enflée en lestomac ou au ventre du cheual sicōm on le appercoit a ce quil a le vêtre dur et les boyaulx enflés len fera vne decoction de mauues et mercure et branches dsine fueilles de violiers paritaires / et de telles herbes laxatives en eaue / et y adionstera len du miel / du sel et de lhuyllle et le fera len tiede / et le gettera len au vêtre du cheual par le cul en maniere de clistere / dont le tupa sera de grosse canne et le cheual plus hault derriere que deuant / et quāt il sera mis dedās le corps on estoupera le cul affin ql ne puisse yssir si tost / et puis deux cōpaignons tiendront vng baston rōd bien polý et en froterōt le ventre du cheual tout au long en cōmençant de la partie de deuant iusques a la partie daual. Et quāt ilz aurōt bien frote le ventre du cheual tout au long et oingt dhuyllle / ilz destouperōt le cul du cheual et cheuaucheront par mōtaignes cōtremōt a petiz pas iusques a tāt quil aura gette hors ce ql a eu au vêtre / et des autres choses vne grāt partie / et ainsi la douleur cessera. Len cōgnoistra se la douleur est causee de obtenir son vrine dont la vecie est enflée a ce que soubz le ventre et en tous les lieux du membre il semble vng pou enflé

et se gette a terre / et lors len prendra du cresson paritaire et curtaine et racine de sperage autant de lung comme de lautre / et les cuira len ensemble / et puis on mettra ces herbes cuytes en vng sachet lōg et large / et ces choses chaudes serōt mises entour les parties du mēbre et le reschauffera len souuent. Et se ceste medicine ne le faict vriner on fera tel experiment. On eschauffera le mēbre du cheual aux mains oingtes dhuyllle et le fera len ystre hors / et puis on broyera vng pou de poiure et dail et le mettra len dessus le pertuis du membre avec le petit doigt / ou qui mieulx vault des cunices cuytes vng peu en lhuyllle seront mises dedans le trou du membre. Et se cecy ne vault len laissera franchement aller le cheual par lestable avec vne iument : car ainsi il se prendra a pisser. Et sachez que ce remede de la iument est prouffitable a toute douleur de cheual : car la volente de saillir la iument conforte grandement et enforce la nature.

De infusion ou enfonture et de la cure. Chapitre. xx.



Este maladie viēt au cheual de trop mager ou boire a superfluite dont le sang se croist trop / et puis descēd aux cuysses et espās par les iābes et ne peult aller / et si aduiēt de trop grāt labeur q faict descēdre le sang aux cuysses et aux piedz et l'empesche a aller. Et aucunes fois les ongles en cheent qui ne les secourt. Il leur vient aussi pour douleur de trop grāt travail et eschauffemēt q font descēdre les humeurs es cuysses. Et ceste maladie est appelée enfonture. La cure. Quāt le cheual cloche dung pied de deux ou de plus et il meult les cuysses griesuement et en soy retournāt il sen gaste ce sont signes q il est enfondu. Sil est gras et de parfaict aage on luy donnera a boire a son plaisir / et puis des deux temples et de chascune cuysses il sera seigné aux veines acoustumées iusques a la foiblesse du corps et puis le cheual sera

mis hastiuement en eue froide courant / et la sera tenu iusques au Ventre longuement et ne beuura ne mangera iusques a tāt quil sera entieremēt guery: mais se le cheual est ieune ou maisgre on ne luy donnera point a boire: mais on le tiendra avec vng frain en air froit tant quil soit contrainct de leuer la teste et le col tant quil le pourra estendre / et puis len prendra pierres viues / rondes de la grosseur d'ung poing a suffisance / et les mettra len soubz les piedz du cheual comme se on luy en feist vne lictiere. Car pour la coustumiere oppresse de ces pierres rondes les piedz et les cuspess du cheual se mouueront dōt les nerfz des cuspess indignez pour les humeurs bouteront hors la pesanteur du cheual: mais toutefois par deuāt le cheual deura estre couuert d'une toille mouillee / et ne beuura ne mangera / ne sera mene au soleil iusques a tāt quil soit remis en son premier estat. Et sachez q ceste maladie nuyt pou ou neāt aux ieunes cheuaux: car leurs iambes en sont engrossies.

C De la maladie appelee pultine ou bulfine et de la cure.

Chapitre. xvi.

C Estemaladie est causee de chaleur qui fond la gresse dedans le corps qui estoupe les conduitz du poulz mon tellemēt q ne peult auoir son alaine / et lappercoit on: car il souffle grandement des narines et les bopaulx luy debatent au corps et est appelee pultine ou bulfine. La cure. Len fera vng bruuage de clou de girofle / de noiz musguetes / gingebre / galangan gal autāt de lung cōme de lautre et en fera len pouldre et prendra len cōmin et semence de fenoil autāt de lung cōme de lautre bien pouldrez et mis en bon vin et y adioustera len du saffren en bonne quantite / et tant de moyeulx d'oeufz cōme est la quatite des choses dessusdictes / et mettra len ce bruuage en vne corne de beuf et aura le cheual la bouche ouuerte artificiellemēt et la bouche leuee

contremont sans frain si que len gettera ce bruuage dedans la gorge du cheual et luy tiendra len la teste ainsi leuee par l'espace d'une heure pour mieulx descēdre ce bruuage dedans les bopaulx et puis on le tiendra par la main ou on le cheauchera a petis pas affin q ne puisse getter hors la medicine / et ne mangera d'ung iour ne d'une nuyct affin q la medicine puisse mieulx ouurer / et le iour d'apres il mangera herbes fresches ou fueilles de canes ou de saulx / ou de froides herbes pour attremper la chaleur de celle medicine / et ainsi sera le cheual guery se la maladie est nouuelle: mais se la maladie est Vieille elle est incurable: mais on le peult bien essayer. Len cuira les deux costez du cheual vers les bopaulx et deux lignes luy ne sur lautre affin que par la contraincte du feu le mouuement des bopaulx soit appetis / se / ou on luy trenchera les narines au long pour mieulx auoir son alaine / ou en temps de vendanges on luy donnera a manger des raisains meurs.

C De la maladie appelee enfestuce et de la cure. Chapitre. xvii.



L aduient vne maladie au cheual quant il est trop eschauffe ou il a suc et on le met en lieu froit ou plain de vent si que par les conduitz de la sueur qui sont couuers ou par la bouche le vent entre dedans dont il sensuyt que les nerfz se retrayent et enflent vng peu et souffrent grans douleurs et ne peuvent aller. Et est ceste maladie appelee enfestuce / et la congnoist on a ce que le cheual semble auoir le cuir vng peu estendu par dehors si que a peine le peult on pincer au dos et semble estre empesche d'aller cōme sil fust enfondu / et luy pleurent les yeulx. La cure. On le mettra tātost en lieu chault et puis on eschauffera aucunes pierres viues au mieulx q on pourra et les mettra len a terre soubz le ventre du cheual qui ia par auant sera couuert d'ung drap de layne long

Du proffit qui vient de toutes les bestes et volailles.

et large tant que le cheual en sera tout cou-
uert et plus/et le mylieu de la couuerture
sera sur le dos du cheual & les costez en pen-
dront a terre/& deux hommes les tiendront
dun costé et dautre et gettera len de leue
chaulde petit a petit sur les pierres chaul-
des affin que la fumee monte au ventre du
cheual par telle maniere quil soit tout plain
de sueur/et lors on enuvelopera le cheual du
drap & sera sangle et le laissera len en ce poit
iusques a tant quil cessera a suer et puis on
oindra les cuysses du cheual de beurre ou
huylle ou autre gresse chascun iour souuen-
tesfois & ql soit fiète tresbien et souuent : ou
autremēt/ on cuira en eue paille de fromēt
& fueilles dail/ de cēdres & de mauues/ & de
celle decoction si chaulde comme il pourra
souffrir len luy mouillera les iābes/ & p espe-
cial les nerfs & le tiendra len en lieu chault
& luy dōnera len a māger biādes chauldes
iusques a tant q il soit en son premier estat.

¶ De la maladie de scalmate et de la cure.

Chapitre. xxiii.

Ceste maladie seiche les entrailles
du cheual & luy faict le corps mais-
gre & faict pur son fiens plus que
le fiens de homme/et luy vient ceste mala-
die de longue maisgresse venant de peu de
viande et de grant labour qui eschauffent &
seichent les membres si quilz ne se peuent
engressir ne prendre chair/ & na cure de man-
ger. La cure en ceste maladie que len appel-
le scalmate est. Le corps du cheual sera amor-
ty et fera len vne decoction de fueilles de
violettes/ de paritaire/ de mauues/ de bran-
dorge. Et ces choses biē cuytes/ on les cou-
lera & en leue on mettra dn beurre en grāt
quantite et le pesant de sept caratz de cassie
fistule destrempee et a vng instrument de
clistere tel comme dessus est dit on luy get-
tera eue chaulde dedans le ventre par le
cul/ et fera len tout ainsi comme dessus est
dit au chapitre deuant/ fors que len tiendra

ceste eue dedans son ventre tāt comme len
pourra/ et puis len fera vng brouage de
moyaulx doeufz/ de saffren & de huylle vio-
lat bien batu ensemble avec vin blanc et le
mettra len en vne corne de beuf & le gettera
len en la bouche du cheual leuee tout en la
maniere quil a este dit au chapitre de deuant
en parlant de pultine. Vng autre experiz-
ment est que len mette le cheual tout seul en
lestable et ne māgeusse ne ne boque de deux
iours ne de trois. Et puis on luy donnera a
manger lart ou chair salee de porc a sa bou-
lente : car pour sa fain le mangera boulen-
tiers. Et puis on luy dōnera de leue chaul-
de tāt comme il voudra. Et puis on le che-
uachera petit a petit iusques a tāt que les
choses dictes luy soyēt pssues hors du ven-
tre/ et quant il sera vuide on luy donnera a
manger froment cuyt avec vng peu de sel &
seiche au soleil ou autrement deux foyz le
iour auant ql boque. Car grain nourrist le
corps du cheual & en est legieremēt engresse.

¶ De la maladie appelee argas- ratus/ autrement trenchoisons et de la cure.

Chapitre. xxiiii.



Ceste maladie est faicte au ven-
tre du cheual et luy faict tor-
cions et ronges les boyaulx et
luy faict mettre fiente hors cle-
re comme eue et mal digeree/ et ce aduient
aucunesfois de manger ordure dorge ou tel-
le chose non digeree/ et aucunesfois de boire
eue froide si tost quil a mange lorge sans
point attendre/ & aucunesfois pour hastiue-
mēt courir ou galoper et le cheual boit tan-
tost de leue a son plaisir si q pour ce leue
luy est tourmentee dedans les boyaulx/ au-
cunesfois aduient de trop grant enfleure de
corps qui luy faict douleur/ et pour ces cau-
ses le cheual est si affoibly quil ne se peult
soubstenir sur les cuysses. La cure. Quant
on voit q le cheual deux fois ou trois gette
sa fiente comme eue ou orge mal digeree

on luy osterà tantost le frain et la selle et le laissera len aller franchemēt par les pastures iusques a tant quil sera estoupe ou restrainct / et ne lesmouuera len point pource que le mouuemēt luy esmeult le bētre pour getter hors sa viande auant quelle soit digeree / et le gardera len de boire tant comme len pourra car leaue luy est cōtraire en ceste maladie / et aucunesfois de ceste en est enfondu / et lors le guerira len ainsi comme il est dit au chapitre des enfondures.

De cymoira ou moure et de sa cure.

Chapitre. xxv.

Ly a vne maladie qui aduient au cheual quāt il est refroidy de long tēps et luy viēt en la teste / car reūme luy descend par les narines ainsi comme eaue / et si aduient aucunesfois de la maladie q len appelle veruolage / dont aucunesfois le cheual gette hors toute lhumour de sa teste. La cure. Len mettra vne couuerture sur la teste du cheual et le tiēdra len en lieu chault et luy donnera len choses chaudes a manger et luy proffitera manger cōtinuellement et paistre petites herbes pource q en les mangeant il baissera la teste et la plus grant partie des humeurs luy cherront par le nez. Aussi luy vault se fume de pieces de drappeaulx ou de fustaine luy entrent p les narines au cerueau car ce dissoult les humeurs coagulēes et prinses de long temps par auant : mais ceste maladie est aucunesfois incurable.

Du froict de la teste / et de la cure.

Chapitre. xxvi.

Roidure de teste faict grāt douleur au cheual / et le faict toussir et estre sourd / et le griesue en la gorge qui aduient legierement quant len met le cheual en lestable chaude et puis soudainement on le meine au vent froict / et aucunesfois pour autres froidures et autres occasions il est contrainct de toussir et pert lappetit de boire et de manger en

grant partie. La cure. Quāt les yeulx sembleront vng peu enflez et gettans larmes et les oreilles froides / et le vent des narines froict / et que les boyaulx se mouueront plus quilz naurōt acoustume / et qlz mangeront et beuront moins qlz ne souloient / et quilz esternueront et toussiront souuent / cest signe de froidure de teste. Et pource on cupra les glandes q len appelle viules ou viues qui sont entour le col et la teste soubz les iouez res a tout vng fer chault et agu qui percera ces glandes / et aussi len cupra au mylieu du fronc affin q les froides humeurs qui serōt eschauffees par dehors soient euaporees / et aussi len mettra las et cyons soubz la gorge pour donner boye aux humeurs de yssir / et si leur tiēdra len couuerture de laine sur la teste et les frottera len entre les oreilles de beurre comme il appartient. A ce vault vne piece de toille mouillee en huplle laurin mise et lpee au mors du frain / et que le cheual boyue a tout le frain / et aussi feroit saigner lye au frain. A ce vault la fume de drappeau ars et mis par les narines. A ce vault froment bien cuyt mis en vng sac et lye en la teste si chault cōme il pourra souffrir si que la bouche et les narines mises dedans le sac il en recouue la fume par les narines et mangeusse du grain tant cōme il voudra / et luy proffitera se ledit froment est cuyt avec poulieul et saignier. Aussi luy vault se la piece est lpee estroictemēt en vng baston et oingte de sauon sarrazin / et sicōme len pourra bōnement len le mettra doucement dedans les narines du cheual il en esternuera et iettera hors humeur clere cōme eaue / aussi vault a ce beurre mesle avec huplle laurin et mis es narines / et le garde len entierement des choses froides / et le face len yser de choses chaudes / et boyue eaue cuyte et chaude comme dit est au chapitre des douleurs.

De la maladie des yeulx / et de la cure.

Chapitre. xxvii.



Adsinent aucunes fois que de ladi-
cte maladie les humeurs descendent
sur les yeulx & les font plover & trou-
blent la veue/et viennent traces es yeulx &
rougeur et challine pourquoy le cheual ne
peult veoir comme il appartient. La cure. Se
les yeulx gettent larmes on fera vng restrai-
ctif doliban et mastix mis en pouldre avec
aubins doeufz bien batuz ensemble & esten-
duz sur vne piece de linge de quatre dops de
large/et longue quelle puisse couvrir le fröt
et les temples/et q les cheueulx luy soyent
par deuant rez au lieu où len mettra vng
restrainctif/ & le laissera len la si longuemēt
que les yeulx cessent a plover. Et quant on le
voudra laver on le lavera avec eue chaul-
de ou huylle ou avec aucunes autres choses
vertueuses batuz ensemble. A ce vault se
len trenche les deux veines de chascune tē-
ple a vng fer chault/ et se les yeulx sont
pleins de chaline on mettra a quatre dops
dessus les deux yeulx deux oeufz estincel-
lez et sel subtillement broye sera soufflé sou-
vent par vne canne dedans les yeulx. Sil y
a taye ou drap dedās les yeulx q soit frais
ou vieil len prendra os de seiche et grauelle
de vin/et sel autant de luing comme de lau-
tre/ & le soufflera len dedās par vng tuya-
u. A ce vault aussi salnitrum avec la fiente de
lezardes broyee/ et le soufflera len dedans les
yeulx: mais on se doit garder dy en bouter
trop quil ne greue les yeulx/ & se le drap est
vieil on loingdra premierement de gresse
de geline deux fois.

Du corue/et de la cure.

Chapitre. xxviii.



Apres les maladies qui viennent au
cheual en la teste & dedās le corps/
nous dirōs de celles q viennent em-
pres le dos/ dont lune est q le cheual est ble-
ce au dos/ et la rōpt le cū en aucune par-
tie du dos/ aucunes fois luy caue iusques a
los pour le grief de la selle ou dautre poix/
et est ceste maladie appelee corue. La cure.

Len mettra vne fueille de chou avec gresse
de porc broyee sur le mal/ et par dessus celle
medicaine len mettra la selle pour la tenir see-
ree/et autant y vouldroit scabieuse & gresse
meslee. A ce vault cendre meslee avec huyll-
le et mise dessus. A ce vault aussi supe de
cheminee mise dessus avec aloes et sel batu
ensemble. A ce vault fiente dhomme fresche
mise dessus. Et devons scauoir que ceste
corue est plus legierement curee entieremēt
se le cheual est cheuauche: mais quil y ait
dessus aucunes de ces medicaines/ et quelle
soit souuent renouuelee. Quant la corue se-
ra arrachee et desracinee on prendra estou-
pes et hachera len tresmenueement & sera en-
uelopee de chaulx et de miel comme il est
dit au chapitre du verme/ et emplira len le
lieu: mais devra estre lauee avec la main la
playe de vin aigre & bon vin chault iusques
a tant que la playe sera consolidee: mais on
se doit garder que on ne luy mette grāt faix
sur le dos iusques a tant que la chair de la
playe sera reuenue a lequalite du cū.

**De la maladie du polmon qui vient
au dos du cheual/et de la cure.**

Chapitre. xxix.



De autre maladie est faicte au dos
du cheual q luy enfle et faict chair
pourrie pour cause de mauuaise
selle ou dautre grant poix: car telle enfleure
quant elle est enuieillie elle engendre pour-
riture. Et quant celle pourriture est enuieil-
lie il vient vne durete de chair corrompue
empres les os q gette cōtinuellement pour-
riture comme eue/et est ceste maladie ap-
pellee bleceure de polmon. La cure. Ceste
maladie sera tout autour fouye et trenchee
et desracinee/et puis on mettra dessus de le-
stoupe mouillee en aubin doeuf et la laisse-
ra len p trois iours en la renouuellāt chas-
cū iour/ & puis on fera cōme il est dit au cha-
pitre du corue: mais on en guerist mieulx
avec pouldre de reagal comme il est dit au
chapitre du verme. Car il se guerist sans

ardoir & ne sēt pas le cheual si grāt douleur.

De la maladie des espaules et de la cure.

Chapitre. xxx.

L Vient Vne bleceure au dos du cheual qui faict enfleures au plus hault des espaules et Vne calosite de chair entour les espaules sarmōtant la superficie par celle enfleure deuant dicte qui luy apparōist de anciennete. Et ce luy aduiēt de trop grant oppression comme iay dit / & est appelee spalaces. La cure. On guerira de ceste maladie cōme dit est au chapitre de deuant du poulmō. Et se les espaules ou espalaces sont dures on les amollira par guimaues et chouly broyez avec Vieil oingt de porc / alupne / paritoire et Branche Vrsine bropees ensemble & puis cuytes en Vng pot et mises dessus / et les deura len ainsi ramollir auant que len face la taille ou que len mette le reagal.

De plusieurs autres maladies Venāt au dos du cheual / & de la cure.

Chapitre. xxxi.

Ilz sont plusieurs autres bleceures au dos du cheual pour loppression de mauuaises selles ou daucū faiz sur les espaules: car aucunes fois pour le sang ou humeurs superflues ilz Viennent Vnes petites vessies pleines de sang pourry qui rompent le cuyr et la chair au dos. Et de ce Viennent playes grandes ou petites qui sont appelees lesions ou bleceures et de tant quelles sont plus pres des os elz sont plus mauuaises et plus perilleuses. La cure. Toutes lesions qui aduiennent au dos ont presque toutes leur cōmencement daucunes enfleures. Et pource que len doit obuier et mettre remede au cōmencement len doit tantost raire la partie ou on voit lenfleure et puis faire Vng emplastre de farine de froment bien despee et meslee avec aubin doeuf et mise sur Vne piece de toille / & estendue sur lenfleure / & ne

lieue len pas lēplastre trop fort / mais doucement / et se aucune pourriture y est assemblée len percera le cuyr en la partie daual de lenfleure dung fer chault agu affin que la pourriture en saille hors & puis on loingdra souuent daucun oignement cler. Aucunes fois sont faictes romptures et escorcheures sur le dos du cheual de loppression du faiz comme dessus est dit / ou pour aucunes Verralles ou escarboucles engendrez de la superfluite du sang lesquelles on doit tantost raire et pouldrer de pouldre de chaulx Viue avec miel brusle comme iay dit au chapitre du mur: mais on le doit auant lauer de Vin chault ou de Vin aigre / et se doit on garder de la selle ou dautre grief iusques a tāt quil soit guery: mais on doit scauoir que en quel que lieu du dos que soyent telles enfleures on leur doit ayder dung emplastre de farine de froment batue avec aubin doeuf comme iay dit dessus / & en toutes bleceures que len veult consolider len y doit mettre ces pouldres cy / myrte sec / pouldre de gola legiere / ou Vne piece de lin bruslee / ou Vne piece de cuyr conroye bruslee / ou pourriture de bops pourry q len appelle carole: mais sur toutes les choses dessusdictes la pouldre de chaulx et de miel y vault merueilleusement: mais auāt quon y mette ces pouldres on doit lauer la bleceure de Vin chault ou de Vin aigre. Et affin que le poil reuienne a la cōsolidation de la chair on fera pouldre de coquilles de noir de cauldre ou de limacons bruslee & batue avec huylle que on y mettra souuent. A ce aussi vault papier de cotton / et mesmes cotton brusle bien mesle avec huylle. Et sachez que sel mis suffisamment en eaue ou en Vin aigre qui mieulx vault est bon contre toute enfleure Venāt sur le dos.

Des maladies qui Viennent aux piedz et cuysses des cheualx. Et premierement du mauferu.

Chapitre. xxxii.



Pres les maladies venās au dos des cheuaultz dirōs de celles qui viennent aux cuspēs et es piedz. Et premierement du mauferu q̄ vient es longes du cheual/et y faict grāt douleur et aux reins aussi en deschirāt les nerfz des longes et des reins sans cesser. Et ce vient de superfluite de mauuaises humeurs soudainement / et aucunes fois de refoulleures receues par deuant. Et ce aduient par trop grans faix mis sur le dos du cheual si que a peine se peult il dresser en la partie derriere ou deuers les cuspēs/et est ceste maladie dicte mauferu. La cure. En ceste maladie len raira tresbien les reins ou les longes du cheual malade et puis fera len vng restrainctif par telle maniere. On fondra poix et lestedra len sur vng cypz a la mesure des longes ou des reins/et mettra len dessus boliar menic/armoniac/poix grecque/galbān/olibān/mastix/sang de dragon/et gasses a pois esgal autant de lung cōme de lautre et bropera len tout/et sera ceste pouldre espaneue sur la poix dessusdicte vng peu eschauffee et lestendra len sur les reins ou sur les longes du cheual/et ne le bougera iusques a tant quil se puisse legierement oster. Il y a vng autre restrainctif meilleur a ce. Len prendra cōsolide la grant/boliar menic/galbān/armoniac/poix grecque/mastix/olibān/sang de dragon/sang de cheual fraiz ou seiche/autant de mastix/de poix grecque et dolibān cōme de toutes les autres choses/et en fera len pouldre et la mettra len avec aubins doeufrz et bōne quantite de fleur de froment / et tout mesle ensemble on lestendra sur vne forte piece de drap de laine / et fera len comme il est dit vne emplastre dessus. Le dernier remede est que les reins et les longes du cheual malade soyent cuytz dūg treschauld fer en faisant plusieurs lignes grosses et espesses du long et du trauers en le tirant dune partie des reins iusq̄s a lautre: car les emplastres dessusditz cōsolident

les reins/et seichēt les humeurs et adoulcissent les nerfz:mais le feu desseiche la chair et si attrait et estraint la maladie du cheual.

Des bleceures de la hanche/et de la cure.

Chapitre. xxxiii.



Lusieurs fois aduient q̄ la hache est desseuree et hors de son lieu naturel ainsi que le cheual chet quāt le pied luy fault/ou ql est trop fort boute de trauers / ou les piedz de deuant sont lyez ou ceulx de derriere. La cure. Len mettra astalata cōuenable dessoubz la hanche blesee par demy pied affin q̄ les humeurs assemblees au lieu malade apēt doye de yssir/et aux mains nettes len espraindra le lieu malade tout autour pour faire yssir legierement les humeurs / et puis on fera vng restrainctif de telle facon. On prendra poix grecque/mastix et vng peu de sang de dragon/et y aura autant de poix grecque cōme de toutes les autres choses / et meslera len ces pouldres avecques la poix fondue tant q̄ tout sera fondu ensemble/et sera mis cest emplastre sur la hanche blesee avecq̄s estoupes tresmenuement hachees. A ce valent aussi cyons a mettre au lieu blesee / lesquelz boutēt hors continuellement les humeurs q̄ y viennent. Le dernier remede est q̄ le lieu blesee de la hanche soit cuyt par droictes lignes tāt au long comme au trauers pour estaindre les humeurs.

De la bleceure de lespaule et de la cure.

Chapitre. xxxiiii.



Laduient aucunes fois en lespaule vne bleceure cōme en la hache et en lissue de longle du pied q̄ est querie en telle maniere cōme il est dit de la hache.

De la greueure de la poitrine/et de la cure.

Chapitre. xxxv.



Laduient aucunes fois q̄ le pis du cheual est greue de sang superflu/ou de labeur ou dācun faix et tant

que le cheual ſemble eſtre empesche par deuant en ſon alleure. La cure. Len le ſaignera ſuffiſammēt de la veine acouſtumeē de chascune part du pis / et puis len luy mettra cyons deſſoubz le pis dont il ſera eſmeur: comme il eſt dit au chapitre du Verme / & ne les oſtera len iuſques a quinze iours.

¶ De la maladie appellee zardre et de la cure.

Chapitre. xxxvi.

Combien quil ait eſte dit parauāt dune maladie appellee zardre quelle vien ne naturellement au cheual / toutesfois luy aduient elle aucunesfois par acciz quant il eſt greue deſmeſurement par trop fort cheuaucher par la foibleſſe et tendreur du cheual: mais cecy aduient plus toſt en cheual trop gras & trop charnu quant ſoudainement on le travaille de cheuaucher / pource que les humeurs ſuperflues en ſont diſſoultes et deſcendent aux cuyſſes ſi leur vient ceſte zardre es iaretz comme deſſus eſt dit. La cure. Quant le cheual a enfleure au iaret en maniere de noiz ou plus grāde ou dehors ou dedans on le cupra tantost au long ou au trauers au lieu enfle. Et quant ces zardres ſerōt cupctes len mettra fient de beuf chault avec huylle chault deſſus la cupcture vne fois et non plus / & puis on lpera les piedz tāt deuant cōme derriere en telle maniere q̄l ne puiſſe toucher de la bouche les cupctures ne de quelconque pied froter ne ſoy eſcorcher a autre choſe dure: car il ſe demangera grandement pour la cupcture et vouldrā mordre le lieu cuyt / et fera len cecy diligemment de la cupcture iuſques a vnze iours. Et quāt le cupz ſera oſte et deſſeure des lignes des cupctures / laq̄le choſe aduient en neuf ou en dix iours on menera le cheual en leaue froide treſcourante du ſouuerain matin iuſques a my tierce affin que celle eaue touchz et ſurmonzte les cupctures deſſusdictes. Et quant il ſera hors de leaue on mettra ſur les lignes

de la cupcture de la pouldre de terre bien deſſee ou cendre de feuchere. Et ainſi fera len au ſoir: Car on le mettra en leaue deſheure de beſpre iuſques au ſoir / et puis y mettra len de la pouldre comme dit eſt / et ſera ce continue tous les iours iuſques quil ſoit conſolide: Car leaue legiere et froide deſſeiche les humeurs et reſtrainct la rongne. Et deuez ſcauoir que en toute cupcture len doit garder le cheual tellement quil ne ſe puiſſe mordre la cupcture ne froter ailleurs: car il ſe demāgeue tant q̄l ſe mordroit iuſques dedans les os et les nerfz.

¶ De leſpauain & de la cure.

Chapitre. xxxvii.

Ceſte maladie vient dedās au coſte du iaret et vng peu deſſus / elle faict enfleure au coſte de la veine q̄ len appelle fontenelle / et traict humeurs cōtinuellement par icelle veine dont le cheual ſe deult bien grandement quant il eſt travaille / & eſt ceſte maladie appellee eſpauain et aduient tout ainſi cōme zardre. La cure. Len le ſaignera de ladicte veine tant q̄ par ſoy le ſang ſarreſte / & puis celle boſſe de leſpauain ſera cupcte au long et au trauers par lignes conuenables / et fera len comme il eſt dit au chapitre de zardre.

¶ De la courue ou de la courbe et de la cure.

Chapitre. xxxviii.

Ceſte maladie vient ſoubz le cheſ du iaret aux grans nerfz de derriere / et faict enfleures p la longueur du nerf / et la continuellement en indignation et leblete / et pource que ce nerf ſouſtient ainſi cōme tout le corps du cheual il eſt contrainct de clocher. Ceſte maladie aduient quant le cheual eſt trop ieune & mauuiſement cheuauche: ou trop grādemēt charger: car pour la tendreur de ſon aage le nerf luy tourne. La cure. Quant ledit nerf ſe commence du cheſ du iaret eſtant aual empres les piedz en la derniere partie de la cuyſſe on voit

que la courue enfle ou engrossisse on cupra tantost la grosseur au long et au trauers en descendant comme dessus est dit / et en oblique sicomme le poil descend auant affin que les cupctures en soyent mieulx couuertes quilz ne seroyent silz estoient faictes au trauers / et bleceroyent plus le cheual au trauers pour le peril daucuns nerfs.

¶ De lespinelle et de la cure.

Chapitre. xxxix.

Ceste maladie vient soubz le iaret en la ioincture de los / aucunesfois des deux costez / aucunesfois de l'ung et faict vng suros a la grandeur d'une noix de coultre / et griesue la ioincture tant qu'il fault que souuent le cheual cloche / et vient de telle cause comme la courue. La cure. On cupra ces espinelles comme dessus est dit.

¶ De suros / et de la cure.

Chapitre. xl.

Laduent es cupsses du cheual plusieurs et diuers suros ou quant il est mors ou feru au pied ou qu'il frappe aucune chose dure de la cupsse / et ces choses ne nuisent pas tant come elles sont laides et aduenent es autres parties du corps come es cupsses. La cure. Tous suros viennent d'une calosite de chair d'ung heurt ou d'ung coup. Quant on aperceura venir on raira celle calosite et prendra on alupne / paritoire et branche de sene seulement les fueilles tendres et les broiera on ensemble avec vieil oingt de porc et les cupra on / et les plus chaudes que le cheual pourra endurer / et les mettra on dessus liees. Le remede est bon a toutes enfleures des cupsses qui viennent d'aucun coup. A ceste calosite oster du tout racines de guimaues et racines de lys et de tapse barbu bien broyees avec vieil oingt de porc cuit et mis sur vne piece de toille en maniere de emplastre renouvellee souuent vault grandement. A ce vault oignon rosty broye avec hers de terre et huille et cuit / et puis mis chaud chaf-

cun iour vne fois. Se la calosite est dure on la raira premierement et la poindra on menuement d'une lancette sans saigner / et puis on prendra sel et grauelle de vin autant d'ung comme d'autre et en fera on poudre delpee et en mettra on sur la calosite et la lpera on estroit et laissera on ainsi par trois ou quatre iours / et puis on le deslpera et oindra on le lieu de beurre frais ou d'autre gresse. A ce vault vng oeuf cuit tant qu'il soit dur et nettoye et mis chaud sur la calosite raze et lpe iusques a trois iours / et puis on le renouellera plusieurs fois sil semble bon. Aussi vault a ce fiente de chieure avec farin ne dorze et croye bien broyee en fort vin aigre et mis sur le mal en maniere de emplastre. Et se la calosite ne descroit aincors se retourne en suros on y remediera par conuenable cures comme dit est.

¶ De attinture ou nerfrure / et de la cure.

Chapitre. xli.

Cette maladie vient au cheual en la cupsse de deuant enflant et indignant le nerf en le faisant clocher qui luy vient aucunesfois quant il court ou quant il va et le pied de derriere frappe le nerf de la cupsse / et est appelee attinture. La cure. Quant ledit nerf senfle on le saignera tantost de la veine acoustumee qui est vng peu dessus le genoil en la partie de dedans la iambe / et puis luy fera ce remollitif qui vault contre l'indignation des nerfs et enfleures. Prenez fenugrec / semence de lin / squille / turbentine / racine de guimaue autant d'ung comme d'autre et broiera on et meslera on tout avec oingt et le bouldra on en le mouuant souuent. Et quant tout ce sera bien cuit on le mettra bien chaud sur le nerf blece tout au long et le lpera on d'ung large drappeau / et le renouellera on deux fois le iour. A ce vault aussi oignon cuit en la braize ou rosty mis avec vers terrestres et lymacons et beurre tout ce bien cuit et mesle ensemble iusques a l'espaisseur

en le mouuât tresbien en forme doignement
Et ce faict on raira le poil et en oingdra len
les nerfz tout au lōg trois fois le iour; mais
se lattraction de la cuspse est Vieille on le sai
gnera de la Veine acoustumee qui est entre
la ioincture et le pied au coste de dedans / et
puis face len les medicines dessusdictes. Et
se icelles medicines ny valent lors len raira
tout entour le nerf blece. Et fera len vng re
strainctif de pouldre rouge et de aubin doeuf
et de farine comme il est dit et enseigne au
chapitre de mal feru / et enuveloppera len la
cuspse malade de chanure ou lin avec le re
strainctif / et y sera iusques a neuf iours / et
apres on otera doucement ce restraintif de
la cuspse et oindra len le nerf daucune oing
ture / et se ces choses ne profitent il sera con
forte par cuire.

De la maladie de scortilate et de la cure.

Chapitre. xlii.

Laduiet aucunesfois que la ioin
cture de la cuspse empres le pied est
blecee du coup que le cheual faict a
aucune chose dure ou de chopper en allant
ou que le pied sassiet mal droit sur terre / et est
ceste maladie appelee scortilate. La cure.
Len fera brouet de bran de froment / de fort
vin aigre et de suif de mouton bien mesle en
semble / et fera len tout bouillir iusques a
tant que il sera espes en remuant tresbien et
le mettra len sur le lieu blece le plus chaud
que le cheual le pourra endurer / et sera bien
lpe dune piece de toille et renouvellee chas
cun iour deux fois ou plus. Se la ioincture
enflee a indignation de nerfz len fera em
plastre de fenugrec / de semence de lin et de
squille comme dit est au chapitre deuant;
mais se pour loccasion de la scortilature los
est remue de son lieu on leuera le pied du
cheual par compaignons / et le pied blece clo
chant lpera len a la queue du cheual / et puis
on le menera a la main en lieux motteux.
Car y la necessite de loppresion de la ioin
cture vers terre / celluy os desioict se remet

tra en son lieu ou il doit estre. Mais on y
doit auant mettre le remollitif que iay dit.
Il aduiet aucunesfois que vng os se desioinct
tellemēt de lautre que on ne le peut reioindre
a son lieu / ou cest a trop grant peine / tant que
la ioincture en est fort enflee dune enfleure
moult dure / laquelle il conuient cuire. Et doit
on scauoir que de toutes les cures dessusdi
ctes / la cypcture est le dernier remede.

De bleceure despine ou daucun
bois et de la cure.

Chapitre. xliii.



Aduiet aucunesfois que vne espi
ne ou autre bois entre en la ioin
cture du pied ou du genoil ou en
aucune partie de la cuspse et de
meure dedans la chair si que la playe ou toute
la cuisse sen enfle / et par especial sil touche le
nerf / et conuiet que le cheual cloche. La cure. On
raira sur la playe et entour / et mettra len
trois testes de laizardes vng peu bropees
dessus la playe / et la lpera len dune piece de
drappeau. A ce valent racines de rosiers et
racines de diptan bropees et mises dessus. A
ce aussi valent lymacons bropez avec beurs
re cuitz et mis dessus. Lesquelles choses tirent
merueilleusement bois ou espine hors de la
chair. Et deuons scauoir que a toutes enfleu
res molles et nouvelles qui par aucun coup
non pas par nature est es genoils / ou aux
iointures ou en aucune autre partie des
cuspsses vault assez mixtion qui se faict ain
si. Prenez de paritaire / alupne et branche
vrsine / les tendrons / et les bropez et meslez
tresbien avecques vieil oingt / puis les fai
ctes tresbien bouillir en les remuant / et quant
ilz seront tresbien cuitz / les mettez et lpez le
plus chaud que le cheual le pourra souffrir
sur le lieu blece.

Des galles et de la cure.

Chapitre. xliiii.



Aduiet aucunesfois galles au
cheual sur les iointures par natu
re / aucunesfois par accidēt pour la

fumosite du fiens de l'estable et aux cuysses mouillees dōt les humeurs se dissoluent/et aucunesfois elles viennent au cheual de trop cheuaucher. La cure. Aucuns veulent guerir galles en trenchant dune lancette le cuir/et lors les galles en yssent et y mettent du reasgal de dās/et ce est mal faict pource q le lieu est trop neru/et pource la douleur en vient si grāt q humeurs si assemblent/et pource il vault mieulx q on mette le cheual au soir et au matin en eue fort courāt tressfroide iusques aux genoulx et q il y soit tant que les galles se appetissent pour la froidure de leue/et puis on fera es ioinctures du cheual au long et en oblique ce qui est dit dessus.

Des grappes et de la cure.

Chapitre. plv.

Aucunesfois il vient grappes aux ioinctures des cuysses q rōpent entour les piedz en la partie de derriere q trēchēt le cuir et la chair au trauers et aucunesfois au long et gettent souuent pourriture par les trēches ainsi cōme eue et tourmētent moult le cheual pour lardeur et ce leur vient de la superfluite des mauuaises humeurs descendans es cuysses. La cure. Len osterā le poil du cheual par telle maniere. Len prendra de chaulx viue trois parties/et la quarte dorpiment et mettra len en eue chaulde et meslera len tressbien et cuira len tout ensemble tant que qui y mettra vne plume elle se plumera tātost/et lors lauera len la maladie de celle eue tant chaulde comme le cheual la pourra souffrir et y mettra len celle medicine en loignāt/et puis assez tost apres comme par l'espace dune heure on lauera la place des grappes de eue chaulde affin que le poil chee/et apres on lauera le lieu de decoction de mauues et de bran sur les grappes et la on laissera du matin iusques au soir et puis len fera vng oignement de cire et de suif de mouton et de poix raisine autant dung comme dautre et bouldra len tout ensemble en le bien mou

uāt et en oingdra len les grappes deux fois le iour a vne plume de geline/et vserā len de cest oignement iusques a tant que les fensdases seront consolidees et se gardera tous iours de toutes ordures et de eue. Et quant elles seront consolidees on les lpera et len trenchera len la maistresse veine denhaut de la cuysses par dedans comme iay dit au chapitre de l'espaui. Et quant il aura assez saigne len cuyra les grappes et puis on les guerira comme iay dit dessus: mais toutesfois la maladie des grappes est a grant peine bien parfaitement guerie.

Des creuaces et de la cure.

Chapitre. plvi.

Semblablement aduiēt vne maladie aux cheualx entre la ioincture de la cuysses et l'ongle q rōpēt le cuir et la chair en maniere de rongne/et aucunesfois gettēt pourriture/et pour lardeur font souuēt grāt douleur au cheual et ce aduiēt souuēt de la fumosite de l'estable au cheual qui a les cuysses mouillees. La cure. On le guerira cōme iay dit au chapitre de deuāt fors tant q la maistresse veine ne sera point blecee et que len ne cuira point les creuaces: mais se il adiouste a present q quāt le poil sera oste len vserā de cest oignement que on fera ainsi. Len prendra de la supe de la cheminee/de verberamo et dorpin et autant de miel cler comme de toutes icelles choses et broyera len tout ensemble et le cuira len iusques a l'espaisseur en le remuant et meslera len avec vng petit de chaulx et en fera len oignement et loingdra len deux fois le iour sur les creuaces/par auant bien laves de vin blanc tiede en les gardant tous iours de ordure comme il est dit. Cest oignement cōsolide merueilleusement et restraint les creuaces. Et ce vault aussi froter souuēt les creuaces durine denfant et froter bien fort. Et ce vault aussi le tenir longuement en eue de mer. Il y a vne autre maniere de creuaces longues et grādes du trauers au bou

let entre la chair viue et longle qui est pire que les autres/et griesue moult au cheual et qui nest guerrie doignemēt ne dautre medicine/sois que de cupctures. Et pource on cupra icelles creuaces en leurs eptremitez a vng fer rōd/et la cupra len en la teste tout entierement: car par le benefice du feu icelz les creuaces peuent bien estre appetissees et ne peuent croistre.

C Du chancre et de la cure.

Chapitre. xlvi.

C Chancre est entour les iointures des cupsses eptres les piedz et aucunes fois es autres parties des cupsses ou du corps/et vient daucune playe qui sera faicte parauāt/et apres oublyee par negligēce quāt le cheual a aucune playe en ladicte iointure et on le cheuauche par ordures ou eaues. La cure. On le guerist p telle maniere en quelcōque partie du corps q il soit/len prent du ius daffrodilles en grant quantite et se bat on et meult avec deux parties de chaulx viue et la tierce partie dorpimēt bien delie broye/et puis on le met en vng pot de terre bien estoupe q fume ne air nen puisse yssir/et le faict on tant bouillir et cupre q tout viēne en pouldre/et de ceste pouldre on met au mal pour le mortifier/et quant il est mortifie len guerist le mal avec aubin doeufz et autres choses comme il est dit des sus. Toutefois on doit tousiours lauer le mal du chācre de vin aigre. Et scet len quāt le chācre est mortifie se la playe senfle tout entour. A ce vaulx fiente dhomme mise en pouldre et mise avec grauelle de vin arse en pareille mesure/et aussi grauelle de vin arse avec sel menu bien meslez. Il est vng autre remede et meilleur pour mortifier chancre. Ail bien broye avec poiure et pitre et vng peu de vieil oingt de porc len mettra ce en la playe du chancre et le spera len tresbien estroit et le changera len deux fois le iour iusques a tant q le chācre soit mortifie/et puis on le guerira cōme il est dit/et sont ces medi-

cines deuantdictes bones en lieux nerueux et en arteres empeschees/cest a dire es cōduitz des parties spirituelles. Car en telz lieux len ne doit point vser de cupctures/mais on ne doit point doubter de faire cupcture en lieux charnuz aincois telles cupctures sont meilleures cures et plus legieres.

C Des fistules et de la cure.

Chapitre. xlvi.



C La playe du chancre ou le chancre mesme nest guerri: mais sen uieillist il se cōuertist en fistules q est plus forte a guerir: mais toutefois on la guerist aucunes fois a pouldre daffodiles en y meslant autant de chaulx viue et dorpin bien pouldrez pour le faire plus fort et le meslera len avec ius dail et dongnōs/et de pebles en pareille mesure/et les bouldra len en cler miel et vin aigre et le remuera len iusques a tant que ce sera oignement/et de ce len mettra en fistule deux fois le iour/ toutes fois par auant bien lauee de vin aigre. Et ce mesme on prendra orpin verderain/ chaulx viue en pois egal/et atramēt et pitre avec miel et vin aigre et le cupra len aucunement en le mouuant tousiours/et cōme magdaleōs len mettra tous les iours deux fois en la fistule iusques a tant q elle sera mortifiee/ toutefois q tousiours soit lauee parauāt de vin aigre. Il en y a vng autre plus violāt q tous ceulx icy. Reagal vie pouldre et tresbie broye et remue avec salue dhōme mis p mesure dedās la fistule/et doit on quant elle se mortifie pource q elle enfle et rougisse/et quāt elle sera mortifiee la playe sera guerrie comme il est dit des autres playes. Et se la fistule est en lieux charnuz len fera tout entierement comme il est dit en la cure du chancre.

C De la maladie qui est appellee palpizon.

Chapitre. xlv.

V Ne autre maladie est q len appelle palpizon q vient proprement es bulles des ongles q empesche le che-

ual a aller comme faict l'infusion / et vient aucunesfois en vng pied / aucunesfois en plusieurs ou en tous qui ne le guerist hasti- uement / et si faict aucunesfois venir rancle & rōgne en la langue du cheual / & ce aduiēt legieremēt de mauuaises humeurs descen- dans au lieu / & souuent procede de la fumos- site de lestable quant les piedz ne sont pas secs et nettoyez des ordures quāt il y entre. La cure . Premierement len doit appareil- ler les ongles du cheual malade iusques a ce que ilz seront bien delpez / et apres on les cupra a vng instrument de fer au boulet du pied pres au vif de longle / et ainsi comme se il estoit presque aneanty affin que icelluy boulet se puisse euaporer de toutes pars / et apres le cheual sera saigne de chascune part du boulet affin que les humeurs q̄ si estoyēt cōuerties se puissent vuidier ou q̄ il soit perce d'ung fer poinctu tout oultre des deux costez & que on le garde tousiours deaue & dordur- re. Et aussi ne le doit on point traualier / et puis on fera vng brouet de bian et de Vin aigre & le bouldra len ensemble en le mou- uant continuellement & lestraindra len tant chauld que le cheual le pourra souffrir sur vne piece de toille bien blanche et le mettra len sur le pied blece du cheual & le changera len deux fois le iour et le gardera len que il ne mägeusse point dherbe / & aussi de toutes autres choses bien peu iusques a tant quil sera guery: car les herbes et les autres cho- ses trayent les humeurs.

¶ De la furine et de la cure.

Chapitre.l.



Il y a vne autre maniere de ma- ladie q̄ len appelle furina / & est entre la ioincture du pied / et le pied sur la courōne pres de lem- plaistre q̄ viēt de aucun coup dune chose du- re / et a loccasion daucuns latz mis au pied mal a poit / & se on ne le guerist tātost elle se tourne en suros q̄ deuiēt tresdur quant il se enuieillist / & aucunesfois sestend generallez

ment sur la couronne du pied. La cure. Soit Vieille ou nouuelle on luy aydera cōme iay dit des suros / ceste maladie empesche gran- dement le cheual a aller pource que le lieu ou elle se fier est plain de nerfz & de veines entrelassees tout entour.

¶ Des maladies des piedz & des ongles. Et premierement de la maladie de syte.

Chapitre.li.



Pres la maladie des bleceures des membres du cheual et des cupsses. Je diray des ongles et des piedz / et premierement de syte q̄ est faicte en longle du pied iusqs au tuya de dedans trēchant par le mylieu / et aucunesfois il cōmence des la couronne du pied & tēd par le long daual iusqs a lextre- mite de longle ou du pied et gette aucunes- fois sang vif par la trenche & la fente / et si aduiēt aussi aucunesfois pour la tēdreur du cheual ieune quant il se blece a ferir ou a heurter a aucune chose dure au tuya q̄ est tendre si cloche le cheual quāt on le cheuaus che souuent. La cure . Len querra la racine de la syte vers le tuya encoste la couronne du pied dedans le vif et le mort de longle & sera trenche par dessus iusques a tant quil commence a saigner / & puis on prendra vng serpent et gettera len la teste et la queue et trenchera len le corps en menues pieces et les cupra len avec huylle commune en au- cun vaisseau tant que la chair du serpent soit fondue en huylle et desseuree des os / et de ce len fera oignement et oindra len deux fois le iour les racines de la syte / cest a dire oignement bien chauld iusques a tant que la syte soit amortie et longle soit ramenee a son bon estat & q̄l soit garde deaue & dordur- re / & aussi de manger herbes.

¶ De la maladie appelee supposte et de la cure.

Chapitre.lii.

Dyposte est vne maladie entre la chair viue & longle / & faict rōpture de chair illec / et se elle senuieillist elle se tourne en chācre / & aduiēt q̄ vng pied de cheual est mis sur lautre pied . La cure. Si tost cōme on voit playes pour celle occasion / len trenchera a la roesne tant de longle entour la playe q̄ longle ne touchera ne prēdra point la chair viue: car sil estraignoit la playe ne se pourroit cōsolider / & quāt on aura trēche longle tout autour & laue la playe de vin chauld ou vin aigre on guerira & cōsolidera la playe cōme iay dit par deuant & q̄ elle soit tousiours gardee dordure et deaue toucher iusq̄s a tant q̄lle sera cōsolidee: et si par aucune negligēce elle tourne en chācre on la guerist comme iay dit au chapitre de chancre / et se elle se tourne en fistule on la guerira comme iay dit de la fistule.

De la spumecture autrement spōtacture des ongles.

Chapitre. liii.

Laduiēt aucunes fois que linfusion du cheual q̄ nest pas encōres guerie descend aux piedz dessoubz les ongles . La cure. Se elle est fresche on luy secourra ainsi. Lextremite de longle de la partie de deuant sera cauee tout au fons a vne roesne petite iusq̄s a tant que la maistresse veine q̄ tend la soit rompue de la roesne & le sang en ysse presque a la foiblesse du cheual & se il semble bon on fera ainsi es autres piedz clochans / & apres la saignee on emplira la playe de sel menu et puis len mettra la dessus vne estoupe mouillee en vin aigre & puis on le liera dūg drappeau sans oster iusq̄s au secōd iour / et puis on guerira la playe de pouldre de galles ou de mirte et lentisque en le lauand de vin aigre deux fois le iour & puis y mettra len de celle pouldre / et fault quil soit gardee dordure & deaue iusques a la guerison.

De la dessoleure des ongles & de leur cure.

Chap. liiii.

Ses humeurs venās aux piedz du cheual pour loccasion de lenfenture dessusdicte venāt aux ongles sont enuieilliz par deffault de garde & de cure il cōvient desoler les piedz clochās affin que les humeurs la enclozes & le sang en yssent. La cure. Si trenchē len donc la solle dessoubz longle entour lextremite de longle a vne roesne & puis on le extirpera a force par dehors & mettra len en la playe vne estoupe bien mouillee en aubin doeuf & sera le pied tresbien lye tout entour de drappeaulx / & laisse iusques a lendemain / & puis on lauera bien de fort vin aigre chauld la playe et remplira len de sel menu et de grauette de vin en pouldre & bien meslee & mettra len dessus vne estoupe mouillee en vin aigre & le lpera len dūg drappeau & le laissera len iusques au tiers iour / et puis on le lauera deux fois le iour & mettra len dedās de la pouldre de galles ou de mirte & lentisque qui consolident la chair et restraignent les humeurs & que tousiours par auant la playe soit lauee de vin aigre & fera len ceste cure iusques a tant que la chair soit consolidee en le gardant tousiours deaue & dordure. Vng autre oignement y a pour y mettre apres que len aura mis le sel et la grauette de vin qui consolident la chair & deffendent les humeurs a venir. Len prendra pouldre de mastice et de poix grece et vng peu de sang de dragon & meslera len tout avec cire fondue nouuelle & autāt de suif de mouton / et bouldra len tout ensemble / et en fera len oignement & en vsera len en le mettant vng peu chauld. Et sont plusieurs maladies ou il fault dessoller les ongles du cheual / & est bōne ceste cure a tous pour amoistir les ongles des cheuaulx affin quilz soyēt mieulx preparez . Len prendra mauue / paritaire / bran & suif et bouldra len tout ensemble en le mouuant continuellement / & oingdra len de cest oignement les ongles des cheuaulx & le lpera len de drappeaulx.

De la mutation des ongles.

Chapitre. lvi.



Aucunefois aduiēt que pour la paresse du mareschal les humeurs descendues aux piedz du cheual sōt encloses la dedās/et tant y demeurēt q̄ longle se deceure par dedans du tupaū & quiert bope de sen yssir. Il aduiēt aussi aucunefois q̄ soudainement longle se deceure & chiet pour fureur & plusieurs humeurs q̄ sont descēdues a longle/et aucunefois longle se diuise petit a petit du tupaū & en naist vng nouuel supuāt longle deceure pour peu de humeurs. La cure. On leur secourt ainsi/ len trēche tantost de la roesne le Vieil ongle tout entour ou il se ioint au nouuel si q̄ le Vieil ongle dur nempesche point le nouueau ne le blece tant soit peu/ & puis len prendra deux parties de suif de mouton et la tierce de cire et bouldra len tout ensemble en le remuant & y adioustant vng peu dhuyllē & en fera len oignement & en oingdra len: mais q̄ soit vng peu chauld deux fois le iour lōgle nouueau. Et notez q̄ cest oignement vault a faire renaistre & croistre les ongles & les fault tousiours garder de eaue et dordure. Longle q̄ est soudainement deceure du tupaū & chet est selon lopinion commune non curable. Toutefois len y peult esprouuer ceste cure. Len prēdra poix greeque/oliban/mastix/bolamen/sāg de dragon & galban en poix esgal & en fera len pouldre bien delpee avec deux parties de suif de mouton & la tierce partie de cire/ & le cupra len en le mouuant tousiours & puis on y mettra vne piece de toille de lin fort et la mouillera len dedans/ & de celle toille on fera vng chappeau ou soulier en maniere de tupaū ou le tupaū sera mis et deux fois le iour len traitra le chappeau et lauera len le tupaū de tressort vin aigre tiede & puis aps on le remettra au chappeau. Et doit on biē garder que le tupaū ne touche ou soit blece daucune chose dure tant soit peu. Et pource

q̄ lors le cheual ne se peult bien tenir droiet on luy fera lictiere de longue paille surquoy il se reposera a son plaisir: et aussi pource q̄ ennuyeroit au cheual de tousiours gesir/len prendra vne piece de bien forte toille ou on lenforcera de sangles et sera tresbien lye au chef a boutz de corde/ et la moitie du corps iusques au pis sera mise soubz le cheual/ et puis on lpera et attachera len les cordes en hault aux pilliers tellement que le cheual en sera leue et soustenu/ & tellement soit leue quil ne touche des piedz a terre. Et notez que de tel art peult on ayder au cheual/ toutes fois que pour empeschemens il ne se peult soustenir en estant.

De diuerses encloeres/ & de leur cure. Chap. lvi.



Le cheual est aucunefois encloe si que le tupaū en est entieremēt blece par dedans/ aucunefois il y a vne encloere qui passe entre le tupaū et longle et blece moins le tupaū de dedans que lautre/ aucunefois y a vne encloere qui ne blece point le tupaū en riens: mais si elle atteint le vif de longle elle blece. La premiere est perilleuse au pied: car elle blece le tupaū q̄ est ainsi cōme le tendron de los faict en maniere dongle qui nourrist longle et tient en soy les racines de longle. La cure. Se le tupaū de longle est entierement blece on luy aydera par dessoller longle/ & sil est vng peu blece on le descouuera a vng instrumēt de fer en longle seulement entour la playe & aussi tout entour la bleceure on otera de longle et taillera tout hors si que la bleceure sera attaincte et descouuerte bien appoint. Et quant elle sera descouuerte len attenupera longle seulement empres la bleceure et tant quil y ait espace entre la bleceure si que longle ne touche a la bleceure/ et ce faict len emplira la playe de stoupes mouillees en aubins doeufz/ & puis on guerira la playe a sel menu et fort vin aigre/ et pouldre de galle et de myrt ou len

tisq̃ sicōme il est dit au chapitre de deuant/
 mais se le clou est passe entre le tupaū & lon
 gle il y a moins de peril pource q̃ le tupaū
 nest point blece fors que de coste/ & le guerist
 on ainsi. Len descouurera l'encloeuire iusques
 au Bif premierement en trenchant longle
 tout au long en esclatcissant entour et vers
 la playe bien a poit len taillera longle pres
 de la bleceure tout entour affin quelle ne se
 adhère a la playe en quelque maniere que
 ce soit / et quant l'encloeuire sera descouuerte
 on lauera la playe de tressort Vin aigre & l'ap
 plira len de sel menu et le couurera len de
 stoupes moillées en Vin aigre & le lpera len
 dung drappeau en faisant ainsi deux fois le
 iour sicōme il est dit dessus. Et la tierce
 maniere est qui point ne blece le cheual ou
 le tupaū: mais touche le Bif de longle et le
 blece. Len fera du tout ainsi comme il est dit
 en la seconde espee en y adioustant toutes
 fois que l'encloeuire sera descouuerte bien a
 point. Le dehors de longle sera trenché ius
 ques a la bleceure du clou si quil ny appere
 riens de laidure ou autre chose orde qui soit
 retenue dedans la bleceure en quelconque
 maniere. Et notez que toutes les autres en
 cloeuures qui ne touchent ou blecent le tupaū
 dedans peuent estre legierement curees.
 Considerez premierement les bleceures/ et
 les curera len ainsi. Prenez suif ou cire/ ou
 huille/ ou autre chose vertueuse/ chaulx et
 sel menu/ ou pouldre de grauelle bien broyee
 et mettez en la playe. Autant y vault supe
 bien broyee avec huille/ aussi faict aubin
 doeuf broyee avec Vin aigre & huille. Et no
 tez que a toutes encloeuures et bleceures de
 piedz qui viennent a l'occasion de clou ou de
 boys ou d'autres choses entrās au Bif de lon
 gle/ auant que len touche longle ou le pied
 affin que len enquiere l'encloeuire comme il
 appartient len fera broyer du bran/ du suif
 et des mauues/ et les bouldra lon tout en
 semble iusques a l'espaisseur doignement et
 le mettra len sur vng drap et le plus chault

que len pourra on le mettra sus le pied ble
 ce & liera len tresbien du matin iusques au
 soir/ & du soir iusques au matin: car ce mitigue
 la douleur & attrēpe les pores & conduitz de
 longle & amoystist pour mieulx tailler lon
 gle / et apres soit taillē longle et soit garde
 tousiours deaue & dardeure de cheuaucher.
 Il aduiēt aucunesfois q̃ par lignozance du
 mire l'encloeuire nest pas bien attaincte ne
 bien guerie & tant ql y a pourriture enclose
 dedās longle & rōpt la chair pour yssir hors
 par dessus le pied/ si y viēt vne playe gettāt
 pourriture/ laq̃lle playe doit estre guerie cō
 me il est dit dessus en ce mesme chapitre:
 mais toutesfois il fault de rechef enquerir
 l'encloeuire et bien atteindre iusques au Bif
 comme il est dit des autres encloeuures.

C De la maladie appelée fic & en latin
 appelée ficus/ & de la cure.

Chapitre. lxxii.



Il aduiēt aucunesfois q̃ le pied
 du cheual est blece soubz longle
 au mylieu de la solle de fer ou
 d'autre chose dure q̃ entre iusques
 au tupaū dont le tupaū est blece/ et de ceste
 bleceure quāt longle nest trēche tout autour
 cōme il doit estre il vient du tupaū vne su
 perfluite de chair qui passe la superficie de la
 solle en maniere de figue / et pource est ap
 pellee fic. La cure. Len trēchera p̃mieremēt
 de longle q̃ est entour la playe tāt en pfond
 ql y ait suffisāt espace entre la solle du pied
 et du fic/ & puis len trenchera le fic iusques
 a la superficie de la solle/ et le sang sera tout
 estanche par vne esponge marine qui sera
 lpee sur le pied ou est le fic / affin que ledit
 fic soit rongē/ et apres on guerira et curera
 len la bleceure sicōme il est dit des autres
 bleceures/ et en deffault desponge len prendra
 pouldre de affodilles ou autre chose cor
 rosive/ excepte reagat: car il est trop violant
 et doit on garder q̃ on ny face point de cup
 ctūre: car on pourroit blecer le tupaū pour
 sa tendreure tellement que longle se diuise

roit & partiroit de luy.

Des generaux signes des maladies des cheuaux.

Chapitre. lxxiii.

Cheual clochant du pied de deuant sil ne prent la terre fors que de la poincte du pied si seuffre en longle. Cheual clochant sil ne ploie les pastures il est blece aux ioinctures. Se le cheual cloche dedans et en retournant a dextre ou a senestre il est faict plus clochant et a douleur es espaulles. Se vng cheual cloche par derriere en le retournant il cloche plus fort & a douleur es hanches. Se vng cheual portât le dos bas vers terre faict en son yssue menuz pas & espes il est blece en la poitrine. Se vng cheual cloche par deuant & quât il repose & met le pied auant lautre clochant et ne soustient sur ce pied clochant il seuffre en la cuyssse ou en les paultes. Se vng cheual clochant par derriere & en son aller ne ploie point bien la ioincture il a mal a la ioincture. Se le cheual qui a douleurs dedans le corps a cōtinuellement froides oreilles et narines et les yeulx enfonchez et concauez on le iuge demy vif. Se vng cheual q̄ a antiquoz met hors vêt froid par les narines & a les yeulx tousiours plorans il est iuge cōme mort. Cheual qui a la maladie de cymoie ou de verme volatif au chef/ et met hors par les narines humeurs cōme eaue froide & grasse a peine en eschappera. Se vng cheual a la maladie de aragiaci & il met hors par derriere fiète si clere & eschauffee quil ne luy demeure riens au ventre/ & q̄ la maladie ne cesse point par effusion il mourra prochainemēt. Se vng cheual q̄ a la maladie de niulles soubdainemēt se remet tout a suer generallemēt & les membres luy faillent & trēblent tous/ il ne peult par semblant eschapper. Se vng cheual a la maladie de foit & il a la teste enflee/ et gros yeulx/ & la teste pēdāt bien bas/ & les boutz des oreilles pendās & froids & aussi les narines il nen eschappera ia se ce nest a grant

peine. Se vng cheual qui a lestranguillon a grant peine met hors son esperit au son du nez & de la gorge/ et a la gorge toute enflee fort est qui en eschappe.

Des mules et muletz.

Chapitre. lxx.

Sil aucun veult auoir mules il doit que luy iumēt de grāt corps belle et noble/ de fermes membres & bons et de plaisante forme/ & doit plus cōsiderer la forme que la legierete/ et daage entre quatre et dix ans. Les mules & muletz sont engēdrez dasne en iumēt/ ou de cheual en asnesse/ & nen est nulz meilleurs q̄ ceulx de lasne en la iumēt. Lasne donc amissaire pour la iument saillir doit estre de grant corps & gros & ferme/ en muscles estroictz & fors membres/ noir en couleur murin ou rouge. Et celluy qui porte diuerse couleur es oreilles ou es paupieres il muera plusieurs fois la couleur de sa lignee. On ne le doit pas prēdre plus ieune q̄ de trois ans ne plus vieil q̄ de dix/ mais entre deux. Se vng asne est ennuyē daucune iument que on luy mōstre/ on luy mōstrera vne asnesse iusq̄s a tant que ardeur le surmontera/ & lors quant il sera fort eschauffe il naura pas en despit la iument/ car nature le surmontera. On congnoist laage du mulet comme laage du cheual. Silz naissent et demeurent en montaignes ilz auront tresdurs ongles/ et silz naissent en lieux de pazuz ou en lieux huylleux ilz aurōt molz ongles. Et pource silz naissent en telz lieux on les doit separer de la mere et mettre paistre en montaignes fortes & aspres pour endurcir leurs ongles/ & pour acoustumer la durete: ilz demeurent au ventre de leurs meres douze moys ainsi cōme les cheuaux et les gueriston comme les cheuaux.

Des asnes. Chapitre. lxx.



Qui veult auoir bons asnes il doit pmiereemēt regarder q̄ lasne & lasnesse soyent de bon aage & fermes de tous leurs mēbres & de grant et puissant

corps & de bon semoir & de lieu dont les tres
bōs seulent Venir. Il en est de deux manie
res. L'une sauuage / et ceste en Frise et Ly
caonie ou il en y a grāt bergerie. Et les au
tres sont priuez cōme moult en y a en Lom
bardie et en ytalie. Pour saillir le sauuage
quant il est appriuoise est le meilleur: car il
est legierement appriuoise. Le masle et la
femelle qui naissent semblables a leurs pe
res & a leurs meres sont bons et les doit on
eslire. On les nourrist de farine et de bran
dorge. On les couple pour saillir ensemble
auant my iuing / affin q̄lz facent leur fruct
en tel temps lan ensuyuant / cest assauoir a
douze mōys / et lors on doit soulager les
preings de labeur / ou autrement le fruct en
vauldroit pis. On ne doit poit soulager les
masses de labeur pource que pour repos ilz
en sont plus paresseux. On les doit paisire
presque ainsi comme cheuault. Quant les
poulains sont nez on ne les doit point oster
de la mere auant vng an / et lan d'apres on
les souffrera avec elles la nuyct / et est bon
de les lper de legiers cheuestres ou d'autres
doulces choses / et au tiers an on les appri
uifiera & les durra len a telles oeures cō
me on vouldra quilz setuent: car aucuns ne
les veullent auoir q̄ pour porter fardeault
et charges / les autres pour traire / les au
tres pour porter gens / & les autres pour ar
rer terres legieres. Aucunes maladies leur
viennent comme aux cheuault / et aussi on
les guerist comme cheuault.

Des beufz / taureault et vaches.

Chapitre. lxi.

Qn trouue quatre aages en l'espece
de bouuerie. Le premier aage est de
Beault. Le second des ienisses. Le
tiers des beufz / & le quart des Vieilz beufz.
Qui veult achepter bouuerie et granche de
beufz doit cōsiderer q̄ ce soient vaches bon
nes a porter fruct et daage acōply non pas
imparfait & bien composees de corps / & tel
lemēt que tous les membres soient gros et

sentrerrespondent de haulte forme / de long
corps / de large bētre et long / de large frōt /
les yeulx noirs & grās / belles cornes / & par
especial noires / les oreilles velues / grans
māgoueres / ouuertes narines / la teste vers
le col grasse et longue / larges espaulles /
cuysses courtes et noires / longue queue ius
ques au talon a cheueulx crespes au bout /
droitz genoulx / cours ongles et pareilz / et
le cuyz doulx au tast & non pas aspre ne dur:
mais bien gros / par especial noir et apres
rouge / et apres bayard / et apres blanc / car
cestuy cy est tresmol / et le premier tresdur / &
les autres sont moyēs daage de trois ans /
car de trois ans iusques a dix le fruct est le
meilleur. Len congnoist les bons taureault
a ces signes: Qu'ilz soient hault et bien
grans et beault membres de moyen aage /
et mieulx vault quil soit ieune que ce q̄ des
clinast a Vieillesse / de face torue / petites cor
nes / grosse et lourde teste / ventre soubz es
troict / et q̄ ceulx qui en viennent respondent
a la face de leurs parēs et doit on scauoir de
quelles contrees ilz sont. Car il y a regard
pource q̄lz viennent meilleurs d'une contree
que d'autre cōme on voit par experience.

Cōme len doit tenir taureault et
vaches. Chapitre. lxii.



En doit appareiller a ces bestes en
puer lieux pleins deaue ou empres
eaues / et en este montaignes froi
des et obscures / par especial pource quilz se
saoulent mieulx de ieunes boutz darbres et
darbustes et de lherbe qui y naist entre eulx
combien que les portans et la porteure en
tour fleuves pour le lieu plaisant y paissent.
Touteffois les porteures doiuent estre ay
dees deaue vng peu plus tiede. Car ainsi
comme dit Paladius on les trouuera plus
prouffitables ou leaue de la pluye faict au
cuns marestz tiedes. Les estables leur sont
bōnes q̄ sont de pierres / de sablon ou de ter
re glaireuse pauees en pendant & declinant
aucunement affin que lhumeur se vuyde

Du prouffit qui vient de toutes les bestes et volailles.

Vers la partie opposite du midy pour les faulx ventz dōt vient la glace ausquelz on doit resister par aucun empeschement / & les doit on garder q̄lz ne soyent feruz daucune angoisse ou de froit. Et pource q̄ mousches et petites bestes leur font souuent moleste soubz la queue on les doit enclore de hayes et de murs. On leur doit mettre du feurre et des feuilles soubz eulx affin quilz se reposent mieulx. On les doit mener a leau deux fois le iour en este et vne fois en puer. quant elles commencent a Vesser comme il aduiert au moys daueil. Len gardera enpres leurs estables les pastures entieres / lesquelles elles pourront goustier au retourner affin quelles puissent suffire au truage du labeur & du laict: car elles sont ennuyees pour le travail de Vesser / & doit on bien garder que le lieu ou on les recoit ne soit froit: car froit et fain les faict maisgres. Et ne doiuent point les beaulx allaictas coucher lanuyct avec leurs meres: mais on leur meizne leurs beaulx au matin pour les allaicter et aussi quant elles reuiennent de pasture. Le custode & la garde doit estre diligent que len oste les Vieilles & les brehaignes / & que on y mette des nouuelles en lieu / et ordonner les brehaignes au labeur & a la charrue. Et se aucune Vache a perdu son veau on luy baillera aucun autre veau a qui la mere ne donne pas assez de laict.

Quant et cōment les taureaux doyuent estre menez pour saillir les Vaches.

Chapitre. lxxiii.

UArron dit que len deuroit garder pour le fruct ce q̄ sensuyt. Len doit garder les Vaches auāt que on les mette a saillir q̄lles ne simplissent de breuages ne de viades: car on dit q̄lles en concoient beaulx maisgres. Et au contraire des taureaux: car par deux moys on leur donnera herbes / pailles et feins pour estre plus beaulx & les eslongnera len des femelles / & apres au moys de may on les mettra

avec les Vaches en la bouuerie / et par tout le moys de iuing et au commencement de iuillet selon Paladius affin que celles qui lors concouent Vessent en doulx temps apres: car les Vaches portēt neuf moys. On ne doit point coupler le taureau a la Vache auant laage de deux ans affin quelle Vesse de trois ans / & encore vaudroit mieulx qui luy mettroit au tiers affin quelles portassent au quart an. Les grecz afferment que se len veult que Vaches concoient masles on doit lier la fenestre genitelle du taureau quant il doit saillir / et se len veult auoir femelle on luy lye le dextre / pource que la semence du dextre engendre masles / et du fenestre les femelles. Les taureaux qui doyuent saillir doiuent par aucun temps faire abstinence et estre gardez et detenus / affin que apres ilz soyēt plus ardans & la matiere mieulx digeree et y aillent plus bouentiers. Il suffist auoir deux taureaux pour soixante Vaches selon Darro: mais Paladius dit quil conuient a quinze Vaches vng taureau. Se en la cōtree ou les Vaches sont il y a bonne pasture et plantureuse on peult chascun an mener la Vache au taureru. Et sil ny a bonne et grant pasture de deux ans en deux ans / & par especial se elles ne labourent en aucun oeuvre.

Comment on doit tenir les beaulx / et comment on les doit appruiuifier.

Chapitre. lxxiiii.



Cuant les beaulx seront creuz on leuera les meres en les nourrissant de verte pasture en l'estable et en la cresphe. Et si leur doit on mettre et estendre pierres presque en toutes leurs estables & autres telles choses affin que les ongles ne leur pourrissent. Les beaulx paisent avec leurs meres en lequinocce dautonne / cest en septēbre. Il ne les conuient point chastrer iusques apres deux ans: car a peine le pourroient ilz porter auant / et ceulx q̄ sont chastrez apres sont trop durs a man

ger. Selon Paladius on les chastre ainsi. On les lye & gette len a terre / & prêt on les genitelles a tout la peau en estraignât aux mains le plus q len peult dune congnee ou dolouere ardât ou dung propre fer forme en forme de cousteau on leur taille a vng coup pour leur faire moins de douleur / et ard len les peaulx & les veines parquoy la playe et trace sont gardees de trop saigner / et leur oingt len les lapes de cendre de sarment et descume d'argent et les garde len de boire / et leur dōne len peu a māger / & apres trois iours on leur donne tendrons d'arbres / les boutz et les sommets de lherbe Vert. On leur guerira leur playe ainsi. Len prendra poix clere et y mettra len cendre de sarment et vng peu dhuylle et les en oingdra len bien doucement / et ie croy q ce est bon / par especial quāt on les chastre sans fer ardāt: mais q les chastrea a fer ardant ceste cure ny est pas necessaire. Aux beaulx malades on dōnera brian de froment / farine dorze et herbe tendre / & beurōt au matin / & les cure- ra len au vespre. Len appriuoisera les beufz de trois ans en la fin de mars & au cōmens- cemēt de autil / car on ne les peult appriuois- ser apres cinq ans / pource q la durtē de laas- ge leur est contraire. On les domesticquera tantost par la teste / & quant ilz sont tendres par les traire souuēt de la main ilz se adoul- cissent. Mais les nouveaulx beufz deurent auoir estable a plus large espace. On les menera a le stable / et se leur asprete est trop grāde on les lpera p vng iour et vne nuyt / et les fera len ieusner / et lors par doulx ap- preaulx & douces parolles & choses plaisan- tes le bouvier viendra a eulx / non pas de coste ne par derriere / mais p droit au front et les touchera aux narines & au dos en tel- le maniere q le beuf ne latouche de la corne ne du pied: car sil cōmence ce mal il le tien- dra & le bouldra ensuyr. Aucuns sont qui se iouent avec eulx & leur apprennent a porter aucuns faisseaulx et cest quant on les veult

mettre a la charrue / et les doit on premiere- ment exerciter a terre remuer ou a sablon- arer affin q le nouveau labeur ne casse ledre- colz qui sont encoze tendres. Ceulx que tu bouldras faire traire et exerciter a la char- rette serōt ainsi acoustumez. Premièrement a mener vng chariot vuyde / et se tu peulx tu les meneras par rues ou par chasteaulx ou il y aura nopces / et le beuf que tu feras aller a dextre tu le feras aussi aller a sene- stre / & ainsi se reposera / ou la terre sera dou- ce tu ny mettras pas fors beufz / mais va- ches et asnes pour traire / et a legier chariot aussi et a la meule de l'hyulle aussi legiere- mēt. La plus legiere maniere de les dōpter est de mettre vng beuf aspre avec vng doulx et fort: car ainsi le mal sera cōtrainct a faire toutes offices. Se apres la dompteure il se couche et ne se acoustume pas a traire a la charrue on ne le doit ne poindre ne battre / mais luy lper bien fort les piedz de bons lpens quil ne pourra aller / ne ester ne pai- stre / et cela faict on le travaillera par fain et par soif / et par ce il se desacoustumera et sera guery de ce vice.

Des beufz et quelz on les doit ache- pter / comment on les doit garder et a quoy on congnoist leur aage.

Chapitre. lxxv.



En doit considerer es beufz q len veult acheter les signes qui sen- suyuent / car qlz soyent nouveaulx et ayent gros membres quarrez & grans / de ferme corps / de muscles esleuez par tout / de grās oreilles / de large front et cresp / gros yeulx et noirs / fortes cornes et sans petitesse daucune coruete / larges nari- nes & camuses / courte teste & assemblee / lar- ges espaulles / grāt ventre / grāde poitrine / estenduz costez / les longues lees / le dos droit et plain / cuysse fermes et neruees / cours ongles / grande queue longue et pelue au bout / & que le poil du corps soit espec / dru et court / de rouge couleur & fusque / et le meil-

leur est d'achepter beufz de lieux prochains qui ne soyent point greuez de diuersitez de aer ne de soleil. Et se on ne le peult faire que on le prenne donc de lieu semblable au pays ou on est. On doit prendre garde sur toutes choses q̄ les beufz que len mettra a arer ensemble soyent de pareille force affin q̄ le fort ne griesue le foible. Len cōsiderera en leurs meurs q̄lz soyēt argutz et debōnaires et que ilz craignēt ce q̄ on leur monstrera par crier et par battre / q̄lz desirēt bien a manger selon le labour quilz ferōt. Et se le pays le seuffre il nest meilleure viande q̄ la pasture verd. Et ou il ny aura point de abondance de pasture on leur donnera a manger selon le labour quilz feront. Len tiendra les beufz en telles estables cōme il est dit dessus des vaches / ainsi closes et pauees affin que les ongles ne leurs despecent / et q̄lz puissent estre deffenduz de bers de mousches et dautres bestelletes. On cōgnoist leur aage a ce q̄lz muent les dentz de deuāt apres lan acōple deuāt dix ou huyt mōys. Et puis apres six mōys ilz muent les dentz prochaines / et iusques a trois ans ilz les muēt toutes. Et adonc sont ilz en bon estat et perseuerent iusques a dix ou douze ans / et viuent iusques a quatorze ou seize ans / et tāt cōme ilz sont en estat ilz ont les dentz bien egaulx et longues. Et quant ilz vieillissent ilz leur appetissent et deuiennent noires.

Des maladies des beufz et de leur cure. Chapitre. lxxvi.



Mult de maladies aduiennent aux beufz qui leur sont fort mauuaises / dont lune est en la teste quant la reume si multiplie et lappelle len en langage latin gutta / et vient de trop manger et trop boire et par especial dherbes froides / et aussi de trop grant repos et dair trop moiste / et la congnoist len a ce que leur visage senfle et les yeulx et en meurent souuent se on ne les guerist / car tantost on les faict saigner de la

Beine qui est soubz la langue: car ainsi cōme deux glandes ou coropes qui sont la doiuent estre saignees en plusieurs lieux de la pointe dung cousteau bien trenchant si que en saille beaucoup de sang / et leur faict on vne fumigation dencēs qui leur entre es narines. Vne autre maladie leur vient / cest a scauoir fieure et est trop grant labour. Darron dit q̄ les causes des maladies es beufz sont ceulx cy / pource que ilz labourent par trop chault ou par trop froit ou quilz labourent trop ou quilz labourent pou / ou q̄ leur donne apres le labour a manger tātost sans mōyen ou a boire. Et congnoist on quāt ilz ont fieure a ce quilz sont chaulx au tast / et par especial en la langue et es oreilles / et q̄ leur alaine est chaulde et espesse. Si leur doit on secourir par froit gouuernement / et que on les tiennē en lieu froit sans point de labour / et quilz soyēt enuironnez de fueilles de saulx et froides herbes et orge cuyte bien refroidie et la farine / et leur donne len a boire eue ou il y ait cuyt fueilles de saulx et froides herbes et orge / et q̄ elle soit bien refroidie / et se ilz sont trop rempliz on les fera saigner et leur donnera len a boire eues ou auront este cuytes pommes aigres et vertes et prunes et mangeussent des prunes. Selon Darron ceste maladie est guerie ainsi. On les mouillera de eue et oingt len dhuylle et de vin tiede / et les soustient on de viandes et gette len dedans aucunes choses / et quant ilz auront soif on leur donnera a boire de leue froide / et se cecy ne proffite on les saignera par especial de la teste. Ilz ont vne autre maladie qui est opilation et enfleure de rate / et nen sont pas legierement gueris et languissent longuement / et les congnoist on a ce quilz bufflent / toussent / par especial quāt ilz trotent. Item les beufz sont enflez aucunesfois de constipation ou de ventosite engendree en leurs ventres / et lappercoit on a ce que se on les frappe des mains ou du doib sur les flanches qui sont

empres les hanches de derriere ilz sonnent comme vng tabour. Et ce apperceoit on a la veue: car ilz sont enflez & ont grant douleur et aucunesfois se gettēt a terre & gisent boullentiers. On les guerist a vng clistere ou vne canne cōme il est par auāt declare & dit au traicte des maladies & douleurs des cheuaulx/ ou a la main d'ung enfant oingte de hypple boutee dedans le cul qui en tirera la fiente/ ou len trenchera la veine de la queue a vng cousteau bien trenchant/ par quatre doiz loing du cul par dessoubz. Apres ilz sont blecez aucunesfois au col par trop grant oppression daucune inconuenable lyeure ou par especial quant la pluye chiet sur le col/ & aucunesfois y est faicte rompture de cuyr et de chair pour les humeurs illec assemblees/ et les guerist on par medicines consolidatiues de chair qui font venir le cuyr/ cōme il est dit dessus en la cure des cheuaulx en plusieurs lieux/ et avec autres choses dont les mareschaulx des beufz vsent/ & mesmes doiz gnerment. Apres ilz sont aucunesfois blecez despines & de choses agues & dures poignās qui leur entre daduenture es piedz dont il leur fault clocher/ & les en guerist on quant on leur traict hors ce qui leur est entre es piedz ou ailleurs/ & prent on des racines de diptan bien broyees et les lye len dessus a vng drappeau/ ou on les guerist dautres medicines cōuenables a bleceures despines escriptes au traicte des cheuaulx. Il leur vient plusieurs autres maladies muces et aucunes appertes comme sont travail & lasseure qui viennent de trop grant labeur et de trop grant chaleur. Et lapperçoit on a ce q̄lz ne mangeuent pas ainsi cōme ilz ont acoustume/ & gisent boullentiers/ & tracent hors la langue pour trop grant chaleur/ et apperceuēt ceulx qui les ont beuz sains q̄lz sont grandement muez. Len congnoist beufz qui sont fors et legiers a ce que ilz se meuuent legierement si tost comme on les touche ou poingt et ont grans membres et oreilles le-

uees. On cōgnoist generallemēt les beaulx et fors beufz a ce quilz ont les mēbres gros et bien respondans ensemble. Plusieurs autres maladies aduiennent aux beufz q̄ les mareschaulx des beufz scauent congnoistre et guerir/ par especial ceulx qui en sont experts: mais iay mis loyaulment celles que iay sceues de vray.

¶ Des diuersitez des beufz et des vaches/ et de leur prouffit.

Chapitre. lxxii.

Lz sont aucuns beufz noirs/ grās et fors/ et ainsi comme sauages/ que len appelle bubbles ou buffles/ qui ne sont pas bien habilles a la charrue ne a traire: mais ilz tracent par terre grans faisseaulx et les y acoustume len lye par art daucunes chaines et demeurent bien voluntiers en eue. Leurs cuirs ne sont pas bons comme des autres combien que ilz soyent bien gros/ et en est la chair moult melencolieuse/ et pource elle ne vault neant et si nest point de bonne saueur. Et combien que crue elle soit belle/ toutesfois quant elle est cuyte elle est laide. Ilz sont vngs autres beufz desquelz nous vsons communement dont les vngs sont plus grans q̄ sont bons et conuiennent en lieux plains. Les autres sont moindres q̄ labourent en montaignes. Et les autres sont moyens en grandeur et petitesse qui sont bons/ et conuiennent en ces deux lieux. Les aucuns sont moindres dont les chairs sont de complexion attrempee/ et pource ilz donnent bonne nourriture au corps humain & force & sante. Les autres sont de aage parfait qui sont deputez a labour pour leur force/ & sont leurs cuirs tresbons a faire sernelles a soulez/ et leur chair est moyennemēt melencolieuse/ et nest bonne fors a gens qui ont fort estomac & chaull et a ceulx qui sont fort et pesant labour. Il est dautres beufz vieillars qui sont paresseux a labourer et de moindre prouffit que les autres dessusditz/ & est leur chair melen-

colleuse et mal digerable : mais le cuyz est tresbon par especial quant ilz sont gros. Les cornes des beufz sont bonnes a faire pignes et les os a faire machés de petiz cousteaulx et leur fiente est bone a fumer champs & arbres / et escoupper greniers et autres plusieurs baissaulex. Des vaches les vnes sont grandes ou moyenes q̄ les gens tiennent pour le proffit des beaulx et de leurs nourritures et sont bones a traire chars et charriues / et sont la chair et le cuyz semblables aux beufz : mais leur lait cobien que il soit bon a manger & a faire fromages si ne leur doit on pas pour ce oster : mais laisser pour nourrir leurs beaulx et pour croistre et enforcer. Les autres vaches sont petites q̄ l'en garde seulement pour auoir lait et fromages / et pource quant les beaulx ont quinze iours on les tue et les mangeue l'en. Car la chair en est bien attrapee & tresbien digerable & profitable a gens de petit labour / & le lait & les fromages sont bons a user cobien que ilz ne soyent pas si tresparfaitement bons comme ceulx de brebis. On doit eslire les vaches qui ne soyent mie trop petites et quelles ayent grans mammelles.

Des ouailles / moutons et brebis quelz on doit achepter et eslire / et de la congnoissance de leur sante & maladie. Chapitre. lxxviii.

En congnoist les ouailles bonnes a leurs aages se elles ne sont trop vieilles : car les vnes ne peuvent encore faire fruit / & les autres iamaiz fruit ne feront. Mais toutesfois valient mieulx celles dont on attend esperance de fruit que celles dont on attend la mort. On les congnoist aussi a la forme : car la brebis doit auoir grant corps & beaucoup ou assez de layne et molle de haulte toison et espesse en tout le corps / par especial entour le chief / le col & le bētre / humbles cuysses & longue queue. Et si les congnoist l'en quant elles seulent faire beaulx aigneaulx et corpuslens. Leur sante

et leur maladie est congneue quant on leur ouure les peulx : car se les veines sōt rouges et subtiles elles sont saines. Et se elles sont blanches ou rouges et grosses elles sont malades. Se on les prent par la peau du col & on ne les traict auāt que a force elles sont saines / et se on les traict legierement elles sont malades. Qui les prent a la main par le schine pres des hanches et le straint se elles ne se ploient point elles sont saines et fortes / et se elles ploient elles sont malades. Se elles vont hardiement par la voye elles sont saines / et se elles vont a meschef les testes basses elles sont malades.

Comment on doit tenir les ouailles nourrir & faire paistre & en q̄lz lieux.

Chapitre. lxxix.



Qu'il leur doit pourueoir principalemet si que par tout l'an elles soyēt repeues droicte ment dedās & dehors en estable conuenable et non pas ventouse qui regarde mieulx a orient que a midy. Du quelles soyent la terre sera ionchee de paille ou destrai ou d'autres bergettes & doit estre en descendant pour mieulx faire purger de leur vrine et des autres humeurs : car cela ne corrompt point seulement leurs laynes aicois leur pourrist leurs ongles & les faict deuenir rongneuses / et leur fault renouveler leurs lictieres de autres pailles pour mieulx reposer & plus nettemēt & estre plus nettes : car elles en paiscēt plus voulētiers. On fera aux malades & a celles qui ont aigneaulx places secretes pource q̄lles soyēt diuisees des autres / et ces choses sont gardees par les bergiers : car aux bestes q̄ paissent aux champs les pasteurs portent avec eulx greilz ou raiz ou ilz leur font places solitaires & autres choses pour leurs vsages. Car elles seulent paistre loing l'une de l'autre et en diuers lieux. Les pastures prouffitables aux brebis sont es nouuelletez ou en prez assises quant ilz sont secz : mais les plus leur sont nuisibles & boys sauages si

dommagent leurs laynes. Espesse consper-
sion de sel mise avec leurs pastures & meslee
ou souuēt gettee en leurs chānoys leur doit
oster l'ennuy de bestial: car par puer sil y a
deffault de foing ou de pailles on leur don-
nera de la Bere legiere et de Bergettes de
ourme ou de fresne a tout les fueilles/ et en
tēps de ste on les paistra au poict du iour a
la tendeur des herbes quant la rousee sera
dessus. A la quarte heure du iour ou la quin-
te quāt elle se eschauffera on leur donnera a
boire de leue courant de puy ou de fontai-
nes. Quāt le chault viendra on les mettra
en l'ombre d'ung arbre fueillu ou en aucune
vallee. Et quāt la chaleur du tēps fauldra
et la terre samoystira par la rousee du Ves-
pre on les ramenera a la pasture/ & doit len
pourueoir q̄ elles ne soyent saourees de abō-
dance de pasture/ & doiuent paistre loing de
choses q̄ appetissent la layne et trenchent le
corps. Es iours chiennins et en fort este on
les doit faire paistre en lieux ou leurs testes
soyent gardez du soleil. En puer et en prin-
tēps on ne les doit point mener paistre par
tēps de gelee & bruyne: car l'herbe bruyneuse
se leur faict auoir maladies/ et si leur doit
on dōner a boire seulement vne fois. Quāt
les moysons serōt faictes on les tiēdra aux
estubles. Et ce leur est prouffit pour deux
causes/ car elles māgeront les espis q̄ serōt
sus & casseront le chaulme/ et si fumeront la
terre dōt les bledz bauldrōt mieulx l'annee
ensuyuant. Et quāt laube du iour leuera len
trayera le laict hastiuement affin que ilz ne
perdent leurs pastures acoustumees. Et
quant le chault du iour sera venu on les ra-
menera q̄ lardeur du soleil ou le vent ne les
griefue. Au Vespere on les ramenera arriere
et soyent tāt dehors quelles puissent recou-
urer la pasture q̄lz ont l'aissee par le chault
du iour. Et quant on les ramenera on doit
garder quelles ne soyent chauldes/ et se le
temps est trop chault on les menera es pa-
stures prochaines pour retourner plus tost

a Vmbrage/ et ne les laisse point le pasteur
mal a point assembler en tēps de grāt cha-
leur: mais soyent tousiours espandues par
mesure. Et quāt elles viennent chauldes on
ne les doit pas traire/ & quant laube du iour
apperra tous aigneaulx seront menez la ou
ilz seront si longuement q̄ ilz scauront aller
eulx mesmes/ & lors on les menera en lieux
froidz & Vmbrages ou ilz serōt gardez dili-
gēment. Quāt on verra au matin les toils
les des praignes chargees deaues on ne les
laissera point paistre/ & se la chaleur vient &
la pluye en est cheue on ne les laissera point
gesir/ aincois les menera len en mōtaignes
ou le Vēt les soufflera & fera len aller & ve-
nir & les doit on garder d'herbes sur lesquelles
les le grauoyz sera venu. Et dit le sage pa-
steur q̄ au moyz d'auril/ de may/ de iuing et
de Juillet/ on ne les doit pas laisser moult
manger q̄lz ne soyent trop grasses/ mais le
moyz de septēbre/ octobre & nouēbre de em-
my tierce on les doit laisser paistre trestout
le iour pour les engresser affin q̄lz puissent
mieulx passer l'hyuer. Au temps d'automne
les foibles et chetiues seront vendues affin
que le froit puer ne les face mourir.

¶ Quant et cōment les moutons doi-
uent aller aux bresbis/ et combien de
tēps les bresbis portent et quelz doi-
uent estre les moutons/ et quantes
bresbis suffisent a vng mouton.

Chapitre. lxx.

¶ A premiere couple des moutons et
bresbis doit estre au moyz d'auril
affin q̄ le tēps d'hyuer trouue les ai-
gneaulx nourriz/ et si peult estre faicte au
moyz de iuing/ & si est elle faicte au moyz de
iuillet affin que ceulx q̄ sont nez auāt l'hyuer
viuent. La secōde couple est apres my octobre
affin que les aigneaulx entour le cōmence-
ment de printemps naissent quant les her-
bes craissent. Aristote afferme q̄ se len veult
quelles portent aigneaulx masses on les
gardera au tēps de la couple par telle man-

niere quilz ayent la face et leur alaine contre septentrion / et doyuent paistre en tenāt tousiours leur face contre celluy vent. Et se on veult auoir femelles on mettra leur face contre le vent de mydy & paistront en tel regard. Aucuns sont qui tiennēt les moutons de aller deux mays a leur femelle affin que plus grāt volente leur en vienne. Les autres les laissent a leur volente pour auoir des aigneaulx tout au long de lan / tant cōme ilz saillent on ne leur doit point changer leaue car sicōme dit Darro / leur layne en seroit diuersifiee & le ventre des brebis en seroit corrompu. Et quāt toutes les femelles auront conceu on leur osterā les moutons: car silz leur faisoient moleste ilz les greueroient. On ne doit point faire saillir les brebis auant quelles ayent deux ans: car le fruit ne seroit pas bō & elles en vouldroient pis. Les brebis sont preings cent & cinquante iours / & pource les doit on faire saillir en tel temps que les aigneaulx naiscēt entour la fin dautomne quant lair est vng peu atrempē / & lherbe cōmence a venir par la bennue de la pluye. On doit eslire moutōs tresblancs au pays ou les brebis sont blanches & a molles laynes / & ne cōsidere len pas seulement la beaulte du corps: mais aussi la layne sil y a diuerses couleurs et taches: car se il y a diuerses couleurs et taches les aigneaulx viendront et auront diuerses couleurs. Se elle est noire elle fera aigneaulx noirs / & de blāches / elle naistra aucunes fois dautre couleur: mais de noire il naduiēt iamais blanc / sicōme dit Columella: nous eslirons moutons / haults / grans et longs a vng grant et beau ventre / & de layne blanche bien couuert a tresgrāde queue / cornes toises qui senclinent au musel / et les oreilles couuertes de layne de large poitrine et quelle ayt cuysses et espauls plantureuses & lyez de topson biē assemblee / de large frōt et de grans genitelles de premier aage quil peult viure prouffitablenēt iusques a huit

ans. La femelle doit auoir deux ans auant quelle aille au masse & porte iusques a cinq ou six ans: mais elle laisse a porter au septiesme an. Len cōgnoist la bonte du mouton a la beaulte de sa lignee quāt il faict beaulx aigneaulx et grans. Vng mouton suffist a cent brebis et autant comme il y a de cens de brebis autant y doit auoir de moutons sicōme dit Darro.

Quant on doit tondre les ouailles / et quāt et cōment on les doit signer.

Chapitre. lxxi.



On doit tondre les brebis au mays dāril en lieux chaulx & les tardifz aigneaulx seront signez: mais en lieux attrēpez on fera la tōsure au mays de may / et y especial quāt elles cōmencerōt a suer q est demy mars iusqs a my iuing cōme dit Darro. Tu ayderas aux brebis tōdues en ceste maniere / tu prendras le ius de lupins cuytz & lye de vin vieil & lye dhuyllle vieille & mesleras tout ensēble & en oingdra len les brebis tōdues. Et apres trois iours se la mer est pres tu le laueras en la riue / et se elle nest pres tu prendras de leaue de la pluye ou dautre eaue & la cuyra len avec du sel et en lauera len le corps des brebis pour en oster loingture / et aussi sera guerie pour toute lannee & ne sera point rongneuse et en aura plus grant laine et plus molle: mais par trois iours en lan on les oingdra dhuyllle et de vin apres ce qlz auront este lauees. Pour les serpens qui voluntiers se mussent soubz leurs creuches len ardra souuēt cedre ou galbā ou cheueulx de femme ou corne de cerf. Se aucune brebis a mal pour mal tondre on luy oingdra le lieu de poix clere. Aucuns les tōdēt deux fois lan cōme en espaigne et font toutes tonsures imparfaites.

De la congnoissance de laage des brebis.

Chapitre. lxxii.



Les dētz de brebis sont muez apres an & demy / cest assauoir les deux de deuant et puis apres six mays ou en-

viron les deux prochaines se muent et puis apres toutes les autres si q'elles sont egales a trois ans ou a quatre ou a plus & sont reputées ieunes iusques a ce quelles soyent inegales: mais quant elles se deschaussent/ corrompent et appetissent elles sont vieilles. Elles sont en bon estat iusq's a huit ou dix ans se elles ont bones pastures: mais se elles en ont deffault elles enuieillissent tost.

Quant et cōment on les doit traire et faire les fromages et garder.

Chapitre. lxxiii.

Qu'on doit traire les bresbis deux fois le iour iusques a la saint Michel/ et puis apres vne fois. On peult traire le lait affin que elles ne soyent trop grasses/ car on les enuoye avec les moutons pour estre sailles affin que elles ne fassent leur fruit en temps disconuenable. Mais quant elles auront este sailles on les engrelera par tout leste. On les traitera hastiement au point du iour affin q' on les maine paistre a bonne heure. Toutes personnes doiuent faire silence tant cōme on traict les bresbis fors le maistre q' ne die q' choses plaisans et conuenables. Nous prenons le lait pour faire fromages & le coagulons de lait coagule de laigneau ou de cheurel/ de presure ou de fleur daigre chardon/ ou de lait de chieure/ et en doit len oster le lait maisgre par la contraincte daucun poir/ et quant le fromage se prendra a endurcir on le mettra en lieu froit et obscur/ et quant il sera presse dessoubz aucun poir pour estre plus ferme on y mettra du sel bien broye/ roste en le poudrant/ et apres aucuns iours pour le faire plus ferme on le mettra en vne forme et lespraindra len merueilleusement. Et les gardera len quilz ne touchēt lung a lautre/ et qui les mettra en lieux clos hors du vent ilz en seront plus gras et plus tendres. Les deffaults du fromage sont sil est trop sec ou trop fistuleux/ et ce luy aduiert quant il est peu espraingt ou trop sale ou ars de la cha-

leur du soleil. Aucuns quant ilz font fromages frais prennent noyaux de pinbers & les broient & mettent avec le lait et les conioignent ensemble. Les autres prennent fleurs de thimus q' mousches a miel ayment & les broient bien fort & les coulent plusieurs fois avec le lait. Quelque saueur q' len voudra donner au fromage soit de popure ou dautre pyment on le pourra ainsi adioster.

Des maladies des bresbis/ et de leurs cures.

Chapitre. lxxiiii.

Qu'on naist aux bresbis vne bosse soubz la gueule de flux dhumeurs descēdās de la teste/ et y est la peau percee/ & en chet petit a petit cōme eue/ et par ce en sont bien gueris. Elles seuffrent aussi enfleures de rate/ & leur aduiert en may & en autil pour labondance du gros sang et visqueux dōt il leur aduiert souuent quelles en meurent soubdainement/ et leur profite de leur mettre vng estoc de deux doibz dedans les narines & faire q' il en saille beaucoup de sang/ et aucunes en sont gueries et les autres non. Elles ont aucunes fois fieures que len cōgnoist & guerist cōme il est dit au traict des beufz & aussi elles ont plusieurs autres maladies q' les sages bergiers guerissent & congnoissent/ si men attendz a eulx.

Comment on doit tenir et gouuerner les aigneaux.

Chapitre. lxxv.

Quant les aigneaux sont nez on leur donne chascune sepmaine du mors du sel/ et apres en chascune quinzaine en tous tēps. Et quant ilz seront separez & seurez des meres on les tōdra hastiement pour les pouls/ et pource quilz en croissent/ et chascune sepmaine on leur donnera du sel. Entour la natiuite nostre seigneur on les ioint a leurs meres comme Paladius dit. Varro dit que quant les bresbis cōmencēt a aigneler les bergiers les mettent en estables sequestres toutes pro-

pres/et quant ilz ont aigneaulx nouvelles
ment ilz sont mis au feu/et les y tient len
deux iours ou trois iusques a tant quilz cō-
gnoissent leurs meres et se saoulent de pa-
sture/et apres quant les meres sont paistre
auec les autres on retient les aigneaulx a
part/et quant leurs meres reuiennent aux
Despres les aigneaulx les tetent/et au soir
on les met a part que les meres ne les sou-
lent/et au dieu matin on les leur baille a por-
allaicter auant que elles aillent aux chāps
et ainsi le faict on par dix iours/et quant ilz
seront passez on fuchera pieux en terre et les
y lpera len doucement daucune chose dou-
ce et loing lung de lautre affin quilz ne se
blecent aux mēbres en courant tout le iour.
Sils ne sont a la mammelle de la mere on
les otera et oingdra len les balieures de
beurre ou de gresse de truie et fouillera len
les balieures de lait en aucuns iours/et on
leur offcra vesse molue ou herbe tendre a-
uant que on les meine paistre/et quant ilz
retourneront on les nourrira en telle manie-
re iusques a tant qz sopēt de quatre mois.
En ce tēps la on traitra les bēbis quāt les
aigneaulx seront boutes hors des meres/et
deura len mettre grant diligence quelles ne
se enuieillissent dardant desir/si les deura
len adoucir et pacifier par oingture et nour-
rature et par bonte de pasture et les gader
de froit/de chault et de grant travail. Et
quāt par oubliance de lait ilz ne voudrōt
plus de leurs meres on les contraindra dal-
ler au troupeau paistre avec les autres.

Du proffit des aigneaulx/bre-
bis et moutons.

Chapitre. lxxvi.

Le proffit des bēbis est grant car
de leur poil len faict belles robes et
bōnes a toutes gens/et de tant que
le poil est plus delpe de tant est il meilleur
et plus cher. De la peau auecques le poil on
fait pellissōns/sourcures de robes en puer/
et des peaulx pelees len fait souliers et par-

chemin. Le lait est bon a manger/et de tāt
quil est plus frais il vault mieulx/et de tāt
quil est plus espes nourrist il mieulx. Le fro-
mage qui en est faict est bien nourrissant a
corps humain/et de tant quil est plus frais
il vault mieulx/et celluy qui est trop sale ou
trop visqueux ou trop brisant nest pas bon
comme dit Rasis: mais celluy est bon q tiēt
le moyē/et le faict cler qui vient quant on
faict le fromage faict biē aller a chambre/
purge la cole. La chair du bestial est dune sa-
ueur non delectable et trop moiste et non cō-
uenable fors que par aucune aduēture a
rudes Villains et femmes qui sont acoustu-
mees et q travaillent cōtinuellemēt. Mais
la chair des aigneaulx ostee du lait est bon-
ne et conuenable/et la chair des chastres est
tresbonne et nourrit tresbien sils sont dung
an comme dit Auicenne: mais se elle passe
son aage elle en empire de tant qlle est plus
vieille est elle pire et plus dure a digerer.
Les peaulx et la laine des aigneaulx sont
tresbonnes et meilleures que des meres.

Des chieures/boucz et cheureaulx/
lesquelz on doit eslire/et comment on
les doit tenir/et par quel temps elles
portent/et de leur aage/de leur sante
et prouffit.

Chapitre. lxxvii.

Qui veult faire bergerie de chieures
il doit aduiser laage et eslire celles
qui puissent ia porter fruct/et de
celles la nouvelle vault mieulx q la Vieille.
On doit veoir la forme quelle soit ferme et
grande/de corps legier/le poil espes/et ait
deux queues de barbe souz le menton com-
me deux māmellōns: car ceulx icy sont les
plus plantureuses/quelles ayent grās mā-
melles et assez lait et gras. Le bout doit a-
uoir telle barbe comme iay dit et long gosier
court frōt et plain/oreilles pesātes et plopees
petite teste/cheueleure espesse/clere et lon-
gue. Il ne doit point aller a chieures auant
quil ait vng an. Il ne dure poit plus de six

ans. Les meilleures sont celles qui cheurent deux fois lan. Les masses qui en viennent sont les meilleurs pour faire boucz. Caton escript en fiscelle de scurate auoir chieures lesquelles saillent dune pierre plus de soixante piedz. Les meilleures estables a ces bestes sont celles q ont regard au soleil leuant dpuer et ou il y a pierres espandues. Et affin q le lieu soit moins moiste & moins ord on y espendra vergettes dessus lesquelles ne se souillent. Les bestes se deussent tenir et paistre comme font les bzebis: mais elles ont de leurs natures propres quelles se delectent plus en boys & en ausnoys q en prez et tres diligement paissent fructz aigres et mangent et rongent en beaultz iardins les boutz des arbres & les descharpissent / & pour ce les appelle len chieures / et a l'occasion du fons len seult excepter que le laboureur qui garde le lieu ny laisse pas paistre chieures. Apres autompne on mettra les boucz avec les chieures. Celle qui aura conceu apres quatre mops retourne en printeps. Quant les chieures sont faictes de trois mops on les soubzmet & commencent a estre avec les autres. On tient la cōpaignie des chieures assez grande ou il en y a en tout cinquante / pource que chieures sont sottes et dissolues et sespandent ca et la. Aucunes fois elles se assemblent et sen vont en vng lieu comme les bzebis. Et dix chieures suffist vng bouc. On ne doit point garder chieures oultre huit ans / car leur nature deuient bzehaigne de longue duree. Nul ne promette chieures saines. Car sicōme dit Barron iamais elles ne sont sans fieures. Il aduiēt aucunes fois que elles se blecēt en leurs corps quant elles se combatent de leurs cornes / & aucunes fois quant elles paissent en espines / si les doit on guerir comme il est dit deuant aux cures des playes des cheuaultz en plusieurs lieux. Le profit des chieures est principalement en la peau / au lait et aux cheureaultz / car de leurs peaulx on faict tresbons gandz /

souliers et selles a cheuaultz. Leur lait est tresconuenable au corps humain / par especial quāt il nest pas prins ne coagule & quil a de la gresse & de la crespine. Le fromage qui en est faict nest pas si bon comme celluy de bzebis. La chair est trop seiche & dure a digester & si ne vault rien: mais la chair des ieunes cheureaultz est tresbonne / profitable et delectable / & par especial des cheureaultz de lait / de leur cupz est faict tresbon parchemin et noble chausseure a gens delicieux.

E Des trupes / Berrotz et coches lesquelles on doit eslire / et comment on les doit tenir / et par quel temps elles sont preings / et de leur aage / sante et prouffit.

Chapitre. lxxviii.



Es Berrotz dopuent estre esleuz de grās & puissans corps / & valent mieulx ronds que longs / grās de bētre & destomac / court groing / chef & front espes de glandes dune couleur mieulx que de deux ou de plusieurs dung an ou de peu plus ql puisse saillir les femelles iusques a quatre ans. Nous deuons eslire les trupes quelles ayēt larges costes et grāt ventre pour porter les faix. Les autres choses sont pareilles aux Berrotz: mais en cōtrees froides le poil doit estre noir & espes / & es contrees attrēpees elles viennent telles quelles peuēt venir. Elles sont de bons progenies quāt elles ont grāt nōbre de petitiz pourcelletz. Ceste maniere de bestes peult estre en tous lieux: mais elles valent mieulx en lieux moistes et de paluz que en lieux secz / par especial en boys ou il y a abondance darbres sauages portans fructz de diuerses manieres q durent en diuers tēps et en sont nourriz en lieu dherbes / et si sont nourriz de racines de cānes & de ioncs / mais quant les nourritures faillent en puer on leur dōne pasture de gland / de chastaignes de febues / dorge / & de telles choses: Car ces choses ne engressent pas tant seulement:

Mais donnent bonne saueur de chair. Ilz demandent en este bõne pasture bien matin auant que le chault commẽce. Ilz sont aux lieux vmbraigeux apres mydy / et par especial en lieu ou il y a eau / et puis quant le chault est adoulcy ilz sont arriere paistre. Au tẽps d'auer ilz ne demãdent point plus tost a paistre que la bruyne soit esuanouye & glace desgelee. Les trupes ne doyuent point estre encloses en maniere des autres bestes: mais nous ferõs aires dessoubz les porches ou chascune mere sera enclose qui seront des closes par dessus si que le pasteur regarde les pourcelletz & les puisse nombrer & ayder en les soustrayant se les meres leur font oppressions / & si regardera que chascune nourrisse ses propres pourcelletz / et comme dit Columella vne trupe nen doit point nourrir plus hault de huit / & selon ce que dit Paladius il doit suffire de six quelle ne se greue / combien quelle en puisse biẽ plus nourrir. Darro dit quelle peult tant porter de pourcelletz quelle a de mãmelles / et se elle en porte pl^{us} cest trop / & se elle en porte moins elle est de peu de fruct dont vint ce mot tres ancien escript / q la trupe de Bnee lauinien cochonna trente pourcelletz blancs. Elle peult nourrir huit pourcelletz p^{ri}merement: mais quant ilz sont creuz le maistre de la porcherie en oste la moytie pource que la trupe ne dõneroit pas assez laict / & les pourcelletz nen enforceroient point. Les Berrotz doyuent estre separez des trupes deux mays auant que on ne les mette a les saillir. Le meilleur tẽps de les y mettre est des kalendes de feurier iusques au douziesme iour de mars: car ainsi la trupe pourcellera en este pource quelle porte quatre mays / & lors elle cochonne quant la terre est pleine de pasture. On ne les doit point mettre au masle auãt vng an / & mieulx vault de vingt mays ou de deux ans / et quant elles auront commence on dit quelles porteront iusques au vii. an. Quant elles sont au masle elles se

retournent voluntiers en la boue: car ce lieu luy est repos cõme le baing est a la femme. Et quãt toutes auront cõceu on leur osterã les Berrotz. Les Berrotz de huit mays peuẽt engendrer et iusques a quatre ans / et lors ilz ont perdu leur force. La trupe peult croistre en gresse iusques a tant q elle ne se peult soustenir en estant ne aller: car on racompte en Lupitanie quil y eut vne trupe occise qui fut trouuee du poy de .v.c. lxxv. liures / et auoit ceste trupe le lart gras et espes dung pied & trois dõys sicomme dit Darro. Et il adioust quil fut en Archadie vne trupe si grasse que nullement ne se pouoit leuer. Mais plus: car vne souris auoit faict son nid dedãs elle et y auoit faict ses petitiz sourisseaulx. La coche se monstre bonne & plantureuse quant ce quelle a a la premiere portee elle maintiẽt aux autres. Les porchiers laissent les cochõs deux mays apres les meres / et quant ilz peuẽt paistre ilz les desseurẽt. Les porcs nez en puer sõt maigres pource qu'ils froict / et pource les meres les laissent pource q elles ont peu de laict et que les cochõs les mordẽt. Elles diuisent lan en deux parties: car elles portent quatre mays & allaictent deux mays / et puis se reprennent a porter. Il leur cõuiẽt faire vne aire haulte de trois piedz et vng peu plus large et si hault quelle ne puisse pssir quant elle est preings. La maniere de la haultesse est q il y ait vne fosse et q le porchier puisse regarder tout autour quelle ne griesue les cochõs. Il y aura vng huyt en laire dõt le seuil dauãt sera hault dung pied & dune paulme as fin q les petitiz pourcelletz ne puissent passer. Toutes fois que le porchier nettoiera laire il y doit mettre du grauer ou autre chose q succera lhumeur. Quãt la trupe aura pourcelle on luy donnerã plus de viandes que deuant pour auoir plus de laict / et leur peult len donner deux liures dorge trepe en eau au soir et au matin se elles nont autre chose q on leur baille. Les cochẽs de

aront boire deux fois le iour affin quelles ayent plus de laict. Quant les porcs seront boutez hors de la māmelle se le pays l'admi nistre on leur donnera le marc de la bédange. Quāt elles ont cochōne on ne oste point la mere de dix iours hors laire fors q̄ pour boire / et quant les dix iours seront passez on les laisse aller paistre en aucū lieu prochain pour souuent retourner et allaicter leurs cochons / et quant ilz seront parcreuz ilz sup urōt la mere a la pasture et au retour on les mettra hors de leur mere et les paistra len a part. Les porchiers doiuent acoustumer les nourrissees des pourceaulx / et les pourceaulx aussi quilz facent tout au son du cornet. Pre mierement quant ilz seront enclos et le por chier cornera que tātost on ouure l'hyus af fin q̄ ilz puissent yssir au lieu ou lorge est es pādue tout au long car ilz en gastēt moins que a les mettre en monceaux / et plusieurs y viennent plus legierement / et aussi quant ilz sont acoustumez a venir au cornet ilz ne se perdent pas si tost au boys et sen retour nent mieulx. On chastre biē a point les ver rotz dūg an / et ne les doit on point chastrer plus ieunes que de six mois / et la ilz muent le nom de ver et les appelle len mayolles. De la sante des trupes ie diray vne chose pour cause d'exemple. Quant les cochōns allaictent se la trupe ne leur peult suppedi ter son laict il luy fault donner froment cas se car il amollie le bētre ou de lorge en eaue pour luy faire manger. A cent trupes il con uiēt dix verrotz. Le prouffit des pourceaulx est que leurs chairs fresches sont bonnes a manger et leur fart est tresbon a appareiller et a appointer toutes viādes / et aussi leurs gresses valent a oingdre les souliers / et non pas seulement a ce mais a faire plusieurs oi gnemens a diuerses maladies. Vng autre prouffit y a encores / cest q̄ qui les met es vi gnes quāt la bédange est cueillie et auant q̄ les vignes se prēnēt a getter ilz les deliurēt d'herbes / et les fessoient comme laboureurs.

Des chiens lesq̄lz on doit eslire / cō ment on les doit tenir et enseigner / et du prouffit qui en vient.

Chapitre. lxxix.



Le chien est la garde des bestes q̄ luy sont baillees a deffendre cōme sont bzebis et chieures que les loups māgent voluntiers / et pourceon leur baille chiēs pour les deffen dre mais trupes et verrotz se deffendēt biē. Ilz sont deux manieres de chiēs / l'ung ap partenāt a venaison sauuaige / et les autres pour cause de garder q̄ appartiēnēt aux pa steurs / desq̄lz iay intētion de parler a la for me de cest art. Premieremēt on les doit pre dre daage conuenable car les ieunes chiens ne les vieilz mastins ne peuvent deffendre ne eulx ne les bzebis et souuēt les loups les mangent. Leur face doit estre de belle for me et de grandeur suffisante / les yeulx tirāt sur le noir / narines conuenables / les leures sur le noir ou sur le rouge / le menton sous presse a deux dentz qui en naissent a dextre et a senestre / et que telles soyent apparētes et droictes plus que brochees ne torsees / et les dētz agues q̄ sont dessoubz les balieures / la teste et oreilles grandes et plates et plopees / gros chef et gros col / les entretenuz des doirdz larges / grās piedz et hault / les doirdz bien decernez / les ongles durs et courtz / le corps bien forme / le schine ne trop cameuse ne trop courte / la queue grosse / de fort ab bayement / et q̄ baye grant gueulle / de cou leur approchant au lyon. Les femelles ne doiuent auoir grant teste. On se doit garder d'achepter chiens pour bergiers q̄ soyēt ve nuz de drappiers ne de veneurs : Car les vngs sont trop paillars a deffendre les bes tes / et les autres silz voyent vng lieure ou vng cerf ilz y sup rōt tātost et laisserōt les bes tes. Et pource il vault mieulx les acheter de bergiers qui les ont introduictz / ou chien commun q̄ nest poit introduict : car le chien est legieremēt appriz. On les doit paistre

de pain avec les bœufs afin qu'ils ne laissent les bœufs pour aller manger ailleurs. On gardera de manger de la chair des bœufs mortes afin qu'ils ne s'accoustument à en manger : mais on leur donnera os bien rongez : Car les dents luy en affermissent et en ont meilleure gueulle et plus ouverte / et sont faictz plus mauuais et plus aigres pour la sueur de la moelle. Ilz mangeront de iour ou les bestes paistront / et au despre et de nuict ilz seront en l'estable ou les bestes seront. Les chiens portent trois mours / et quant elles auront cheelle sil y en a plusieurs on eslera ceulx qui leur veult garder et gettera les autres : car de tât qu'il y en aura mois ilz seront mieulx nourris. On leur mettra dessous elles aucunes choses molles en leur lict pour les mieulx introduire. Les chiens apres huit iours comencent à veoir et demeurent avec leurs meres par l'espace de deux mours sans departir ne desseuer. Plusieurs les tracent hors en ung lieu et les attainent fort pour les faire plus aigres à former batailler. Et aussi on leur accoustume à les lier premierement de l'ens doux / et se ilz sefforcent de les ronger on les doit tantost batre et les esbahyr pour oster la coustume. Aucuns sont qui leur oignent les oreilles de noix grecques bien broyees et entre les doigts pource que les mouches et les puces et telles bestes y seulent estre et se on ne leur faict ilz sont rongneux et escorchez. On leur met colliers de fer sur ung cuy au col / et les pointures des fers sont dehors que les bestes ne les naurent selon ce que les contrees sont pleines de boys et loing de villes. Et selon ce qu'il y a plus de masles bestes il fault plus de chiens / au moins à garder le bestial : car empres villes il suffit de deux bons chiens ung masle et une femelle / pource qu'ilz se tiennent plus voluntiers ensemble / et si est l'ung plus aigre pour cause de l'autre / et se l'ung est malade l'autre tiendra son lieu et les accoustumera l'en à dormir de iour et veiller de nuict et seront enclos.

Des pasteurs / quelz et combien ilz doiuent estre / et comment ilz se doiuent auoir et maintenir.

Chapitre. lxxx.



Garder grans bestes sont necessaires homes d'age parfait / et enfans sont suffisans pour les petites bestes. Il conuient plus fors homes à garder petites bestes es montaignes et es costieres que ne faict à la plaine terre dont on retourne tous les iours à la ville / et en montaignes bonest d'auoir ieunes gens garnis de sondes / et de cela se peut defendre et barletons et filles. Les bestes paistront ensemble communement de iour / et au contraire elles s'en vont de nuict chascune en son lieu. Toutes doiuent estre sous ung maistre de bestial / et cestuy doit estre plus ancien et plus sage / et les autres luy doiuent obeyr afin qu'il ne faille aux labours pour sa vieillesse : car les vieilles gens ne les ténent enfans ne soustiennent pas lierement la prete des montaignes ne des vallees come il appartient à pasteurs de bœufs et de chieures qui montent voluntiers en roches et en bois. La forme des pasteurs est qu'ilz soyent fermes / experts / legiers et deliures de leurs membres : car ilz nont pas tant seulement à supurer les bestes : mais les garder de mauuaises bestes et pillars / et qu'ilz puissent porter le faix qui leur est enioinct et courir et getter de la fode : Car chascun n'est pas conuenable à faire ce mestier. Il appartient au maistre de pourueoir qu'ilz supuent tous instrumens necessaires au bestial et aux pasteurs / par especial au viure de l'homme et à la medicine des bestes / à laquelle chose ilz doiuent auoir iumens à bastz du seigneur / cheualx / mulles ou asnes pour porter leurs necessitez. Ceulx qui sont es boys et es aulnoys pour paistre les bestes doiuent auoir femmes qui supuent le bestial et portent la viande aux bergiers. Le maistre du bestial n'est point conuenable sil ne se congnoist en lettres / pource qu'il ne sca-

uroit bien rendre raison ne faire son compte autremēt. Le nōbre des pasteurs doit estre selon la multitude et nature des bestes et la diuersite des lieux / des pasteurs / des marchans / des aigneaulx et de ceulx q font les fromages / affin que il ny ait riens qui ne soit ordonne.

Des garennes / et de la place aux lieures et autres saulvages / et de la maniere de les enclore.

Chapitre. lxxxvi.

En doit enclore lieures / cheureulx / cerfs / sangliers et conins et telles bestes saulvages q ne sont pas de proye et en faire vne garēne. Mais la garde de celles bestes icy est legierement sceue / si men passe briefuement. Ilz doiuent estre enuironnez en prenant vng grant lieu ou vng petit au plaisir du seigneur / selon sa possibilite / et de telle maniere que les murs soyent si haults et si espes q nulle autre beste ny puisse entrer ne saillir par dessus. Il y doit auoir tainperes / buissons et herbes ou les lieures se puissent mussier / et arbres et rinceaulx estēduz pour ēpescher la force et violence de laigle / et se tu y mettz lieures masles et femelles le lieu en sera tantost plein pource que tantost quilz ont faōne ilz vont au masle et ont les vētres pleins. Qui voudra congnoistre le masle de la femelle Archadius dit q fault regarder es parties de nature: car le masle na q vng pertuis et la femelle en a deux / cecy est pour certain. Ilz sont trois manieres de lieures. L'ung de ytalie q a piedz bas deuant et hault derriere et dos gris / le vētre blanc / longues oreilles. Et dit on q ce lieure cōcoit quāt il est preins. En france oultre les mons et en macedoine ilz sōt petiz. En espaigne et en ytalie moyēs. On en treuve en france qui sont blancs. La tierce maniere est q en espaigne / en prouēce et es prochaines parties de lombardie il naist vng lieure semblable au nostre / q len appelle conin. Il est dit lieure pour legier

pied / et si est dit conin pource quil faict conins en terre et tainperes pour soy mussier en champs et en boys. Cest chose certaine que sengliers / cheureulx et cerfs peuent desmurer en champs enclos avec les lieures. Darron recite que vne fois comme il estoit en vng lieu appelle le champ lautens ou il auoit vng noble hostel en bien hault lieu pour soy esbatre / et pour soupper / et y estoit vng grant boys qui tenoit bien cinquante iournees de long et de large / et bien enuironne et seinct de murs il veit faire par maistrise que len appella vng homme q venoit avec vne guiterne qui passoit par la et luy commanda len de chanter. Adonc il souffla dedans vne bucine / et soudainemēt il vint tout entour de luy et des autres si grant multitude de cerfs / de sengliers et dautres bestes a quatre piedz que cestoit merueilles et delectable chose a veoir. Le profit de la garenne est grāt et tresplaisant: car dung pou de bestes encloses en vient grant nombre en pou de temps / dont les chairs sont bonnes a manger / et si les a len legierement et en sont les peaulx bonnes pour fourrer robes et faire courroies.

Des piscines / fosses et poissons enclos.

Chapitre. lxxxvii.

Si veult auoir piscine il doit premierement choisir lieu conuenable ou il y ait tousiours eue. Ilz sont aucunes piscines grādes et les autres petites et les autres moyēnes. Et ecores de ces piscines les vnes sont de fontaines / les autres destangs / les autres de mer et les autres de eue douce courāt. Se elles sont petites il les faudra garnir enuiron de boys ou de pierre taillee et bien ioincte et cymētee / afin q l'ordie ou autre beste nuisible ny puisse entrer et que cordes ou glus soyēt estēduz dessus pour espouēter les oyseaulx de proye et que len y mette tel poisson comme le eue le requiert selon la region. Car les vngs poissons sont volentiers en eues de fon-

taines ou de fleuves. Les autres en estâges ou en viuiers/ et les autres en eaue de mer. Se la petite piscine est parfonde et leaue de fontaine ou de riuiere y entre/ les poissons y pourront proprement viure/ de ceulx q sont es parties de Lombardie/ en sardine & barbarie & autres petiz poissons y pourrôt bien estre mis: mais se leaue est de lac ou estang ou il y ait boue au fons/ tèches et anguilles si delecteront comme pourceaulx en boue/ et tous autres petiz poissons: mais quelle ne soit corrompue de infection. Len ne doit point mettre lutz en petites piscines pource que ilz mangeroient trop de poissons comz bien que il mägeue bouentiers raines qui sont contraires aux petiz poissons: mais on les peult bien mettre en grât piscine. Se la piscine est de mer ou venue deaue de mer tous poissons de mer y peuvent estre gardez. Se len veult auoir grant piscine il la fault faire dung grât lac ou plusieurs eaues sasz semblent/ de pluye et de fontaines ou de riuieres q y courent/ ou par aduenture deaue de mer comme il aduiēt en plusieurs lieux. Se il aduiēt q leaue ysse du lac ou de estâg par aucū pertuiz on lestopera et clorra len tellement q lyssue des poissons en sera empeschée & leaue non. Et se elle est deaue douce on y pourra mettre et garder toutes manieres de poissons grans & petiz qui viuent en telle eaue/ et avec poissons de mer qui se delectent en eaue douce qui en icelle piscine ne pourrôt viure et estre gardez. Se elle est deaue de mer on y mettra toutes manieres de poissons de mer se elle est tresparfonde se le poisson nest trop grant comme baleine q ne peult estre comprinse ailleurs que en la mer. Et se la piscine est de moyēne grādeur on peult scauoir qlz poissons il y doit auoir par les choses deuāt dictes. Le prouffit de la piscine est grāt: car dung peu de poissons enclos il en viēt plusieurs en brief tēps/ dont les vngs serōt vèdus/ & les autres gardez.

De paons. Chap. lxxviii.

Apres les bestes a quatre piedz que on seult nourrir & des poissōs ausi/ il cōuient dire des bestes a deux piedz et des autres volailles. Et premierement des paons qui sont plus nobles que les autres pour cause de beaulte/ & les peult on legierement nourrir sicomme dit Palas dius se pillars ou mauuaises bestes ne les emblent ilz se vōt esbatāt parmy les chāps et si paiscēt & apprennēt leurs pouletz. Aux vespres ilz mōtent sur treshaulx arbres. Il leur cōuient vne cure pource que quant ilz couuent on les doit garder du regnard / ilz sont bien nourriz en petites ysses. Il suffit a vng masse dauoir cinq femelles sicomme dit Barron: mais a plaisance bon est dauoir plusieurs masses pour leur grant beaulte. Les masses sont persecutions aux oeufz & a leurs poules iusques a tant q la cresse leur vient. Des les ydes de feurier ilz se cōmencent a eschauffer/ et se on leur gette des febues vng peu greillees ilz en sont esmeuz a luxure / et se on leur donne chascune quinte iournee tiebes. Le masse demōstre q il veult sa femelle quant il faict la roe de sa queue. Se on met les oeufz des paōs soubz les gelines/ les meres cōme bien excusees de couuer ferōt poucins trois fois lan/ dōt les premiers cōmunemēt sont de cinq oeufz/ les seconds de quatre/ et les tiers de trois ou de deux: mais les gelines soyent esleuees a ce faire au premier crescent de la lune / et leur mette len y neuf iours neuf oeufz soubz elz les cinq de paon & quatre de leur nature/ au dixiesme iour on osterā de la geline ceulx q sont de sa nature & y mettra len autāt dautres oeufz frais de geline / et ainsi fera len iusq̄s a tāt q les oeufz de paō ayēt este trēte iours et les autres de gelines se esclorront avecques/ et aucunes fois retournerā on les oeufz de paō a la main dūg coste sur lautre en signāt la partie couuee que on ne faille a bien tourner / et querra len grans gelines: car les petites ny suffiroient pas. On leur

fera leur nyd soubz le tect deceure des autres et hault esleue de terre/ si que serpēt ne autre beste ny puisse aller comme dit Varro. Ilz auront leur nyd beau et net deuāt ou ilz viendrōt manger en tēps: car ces oyseaulx veulent leur lieu estre bien net & purge/ & aura leur pasteur vng baston ou vng balay pour oster leur fiēte. Se on les veult transporter quant ilz seront nez il suffira a vne nourrice de auoir quinze pouletz. On les nourrira aux premiers iours de farine dorge moullēe en vin ou cypete & refroidie en forme de brouet/ & puis len y mettra poireaulx ou fromage fraiz et bien esprainct: car le laict maisgre leur est contraire. On leur donne aussi sauterelles a qui on a oste les piedz/ & ainsi les paist on iusques a vng mours & puis on leur donne orge toute commune. Et au vingtcinquiesme iour apres q ilz sont nez on les meine en aucun champ seur pour paistre avec leurs nourrices et a signe certain on les appelle a la Ville. On osterā la maladie de la pepie qui leur vient par le remede dont on guerist les gelines. Il y a grant peril a eulx quāt la cresse leur vient pource quilz souffrent telle douleur comme les enfans quant les dentz leur viennent. Le profit de eulx est/ car la chair est assez bōne: mais elle est dure a digerer. Les plumes des masses sont tresbelles/ & pource elles sont propices a faire chappeaulx et paremens pour pucelles.

Des faisans. Chap. lxxxviii.



La nourriture des faisans on doit prēdre nouueaulx de vng an: car les vieilz ne peuēt faire grant lignee. On baillera les masses aux femelles au mours de mars ou au mours d'auril/ et baillera len a deux femelles vng masse. La geline ne porte que vne fois lan & faict bien vingt oeufz par ordre. Vne geline en couuera bien quinze de faisans & aucuns autres des siēs. En les mettāt au nyd nous regarderōs de la lune & des iours ce q

est dit des autres. Le trētiesme iour ilz se esclorēt/ & par quinze iours apres lesclœure on les paistra de farine dorge cypete douces mēt refroidie & aps de fromēt & sauterelles & des oeufz de formis: quant elles serōt saines on les gardera deaue/ & se ilz ont la pepie on bropera des aulx avec poix clere et leur en frotera len le bec biē diligēmēt & souuēt/ ou on leur osterā cōme on faict aux gelines/ leur chair est tresbōne & tresdelicieuse.

Des oyces et oysons.

Chapitre. lxxxv.



Es oyces et les oysons ayment eaue & herbe/ & sans ce ne peuēt estre. Loye est contraire a lieux semez: car elle mangeue lherbe/ rōge & corrompt par sa fiēte. Elles dōnēt plumes q nous cueillons en autōne & en printemps/ il suffist a vng masse trois femelles. Se eaue courāt leur fault les maretz suffirōt/ & se il ny a herbes nous semerōs trifoil/ fenugrec & petites laictues & autres herbes dont ilz se nourriront/ les blanches sont les mieulx portans. Les noires et les vertes moins: car elles sont trāsportees de estrāge terre en frāche terre. Elles entēdent a porter du premier iour de mars iusqs en iuing. Il suffist que loye ait quinze oeufz. Elles couuent trente iours. Mais il vauldroit mieulx que les gelines couuassent leurs oeufz pource que elles en pondroyent plus/ on les menera pondre en aucune aire de lhostel pource que quāt elle aura faict vne fois elle si acoustumera. Et se tu bailles les oeufz de loye a couuer a la geline tu y mettras de lortie affin que elle ne les grieve. On les paistra es premiers iours de semēce de pavot en lhostel/ et puis apres on les pourra mener dehors en lieux sans orties pource que ilz ont paour de lieux poignans et par especial/ es piez/ es eaues et aux paluz. On leur fera aire sur terre ou ilz ne deront point mener plus de vingt oysons/ et si gardera len que les oeufz n'ayent point

dhumeur/aincois apēt feurre blanc & mol/
ou de la paille ou dautre chose affin que les
mouſtelles ou autres bestes ne les puissent
aller nuyre cōme dit Barron. Ilz sont gras-
ses quatre fois en lan / car ilz engressent
mieulx ieunes q̄ vieilles/ & sōt plus tēdres.
On leur donnera de la bouillie trois fois le
iour. Elles sont de grande euacuation et
pource on les restraindra et les enclozra len
en lieu obscur & chaud/ & ainsi les plus grā
des serōt grasses au secōd moy: car les pe-
tites sont souuēt grasses au trētiesme iour/
& est le meilleur q̄ on leur dōne leur saoul de
mil. Entre les viādes des oysons on peult
māger tout potage cōme pois & febues. On
les doit garder des lours & des regnards.
Car ilz les pillēt voluntiers. Le profit des
oyes si est: car la chair de leurs pouletz est
tresbōne viāde quant ilz sont aagez au des-
soubz de quatre moyz / et les ayment plu-
sieurs. Leur duuet est tresbon pour les lictz
& les plumes dures sont bōnes pour escrire
& pour empenner saiettes & biretons.

¶ Des cannes et canars.

Chapitre. lxxxvi.

Les cannes sont de la nature des
oyes/ & sont nourries en eāues cō-
me oyas & māgeuent voluntiers
vne herbe appelée anaitte q̄ croist
en eāue/elles prēnent mouschettes/ vers et
telles chetiues bestelettes & les mangeuent
voluntiers. Le profit est/ p̄ especial en plu-
mes & en chair: car on les mangeue volun-
tiers elles & leurs pouletz/ cōbien que leurs
chairs sōpent mal digerables & visqueuses.

¶ Des gelines/ coqs/ & pouletz/ & cō-
ment on les doit garder.

Chapitre. lxxxvii.

Qui veult auoir bon gelinier il
doit eslire gelines bōnes & bien
pōnans et de plumes rouges a
pēnes noires q̄lz apēt les doirdz
nōpers a grans ongles/ grosse teste/ la cre-
ste dresse et larges aēsles: car telles sont

mieulx disposees a pōdre. Les coqs doiuent
estre grās & hault & de bōne poitrine/ rous-
ge creste/ court bec plain et agu / les yeulx
hardiz & noirs a poil rouge/ le col de diuers
ses couleurs ou sur loz/ les cuysses courtes/
blanches/ velues/ les ongles grās/ queue a
plusieurs pēnes/ souuēt chātant voluntiers
bataillant & q̄lz napēt paour de bestes qui
viēnēt aux gelines/ aincois se cōbatēt pour
leurs gelines garder. Se tu en veulx nour-
rir deux cens/ tu dois appareiller vng lieu
bien enuironne ou il y ait deux caues / cest a
dire deux maisons iointes q̄ apēt regard a
orient de dix piedz de long & presque autant
de large & vng peu moins de hault/ chascun
ne partie ait vne fenestre de trois piedz et
vng peu plus hault lune q̄ lautre biē estou-
pees de vergettes dosier si q̄ elles voyent et
nen puissent yssir ne les bestes y entrer q̄ les
puissent greuer. Entre ces deux chambres
aura vng huyz parquoy le maistre yra de
lung a lautre & y aura abōdāce de perches
pour les ioucher/ & encōtre les perches aura
lieu ou elles pourrōt pōdre & vng autre lieu
enuironne ou elles pourront pondre ou ben-
trouiller. Et le lieu ou elles deurent couuer
sera ferme & les poules dedans/ & quant el-
les auront pōnu on oſtera le feurre & y met-
tra len du fraiz affin que les bestes q̄ nuy-
sent aux gelines ny viennent comme puce-
s ou autres bestes. Il suffit a vne geline vingt
cinq oeufz: mais Paladius dit que les fem-
mes nen baillent que dixhuyt ou dixneuf.
On dit que en aucunes contrees il y a hō-
mes qui chauffent fours si attrempeement/
et pareillemēt a la chaleur de la geline cou-
uant/ et mettent de petites plumes parmy
le four et mille oeufz dedans la plume et a
vingt iours de la ilz sescloēt & viennent hors
les poulcins. Les gelines ponnent profita-
blement depuis mars iusques en may septē-
bre/ & pource les oeufz qui sont ponnuz auāt
ou apres ne doiuent point estre mis a cou-
uer/ & qui les vouldra mettre couuer il les

Baultz mieulx bailler a Vieilles gelines q
a poulettes qui n'ayent ne bec ne ongles a-
guz. Car les gelines doyent plus estre oc-
cupees a conceuoir & a pondre que a couuer.
Celles sont bones a pondre dung an ou de
deux / len les doit encloze quant elles pon-
nent iour et nuyct fors au matin et au soir
quant ilz doyent manger & doit aller la per-
sonne sagement entour les oeufz et les re-
tourner pour eschauffer autant dung coste
comme d'autre & veoir se les oeufz sont bons
& pleins. Et ten peulx aduertir par ce / se tu
metz loeuf dedas leaue & il nage il est vuid
et se il est plain il va au fons. Et aussi le
peult on veoir au iour. Car se il est cler il
est vuid. Les oeufz longs & aguz s'ont les mas-
les / et les ronds les femelles. On les doit
mettre couuer en nombre noper. Se vne ge-
line a peu de pouletz quant ilz sont esclos et
l'autre en a trop on les partira et nen doit
point auoir vne plus de trete. Les premiers
quinze iours on donnera de la pouldre aux
poulcins que la terre dure ne les blece avec
millet & telz menuz grains leur sont bons &
leur est bon le froment quant ilz le peuvent
predre; mais cest delectable vinade pour les
gelines. Le grain de droe leur est tresbon.
Marc de vigne ne leur vault rien et en de-
uiennet breshaignes. Orge demye cuyte les
faict souuent pondre & auoir gros oeufz co-
me dit Paladius. Len doit laisser aller au
soleil les petiz poulcins et au fumier pour
eulx ventrouillier: Car ilz en seront plus
fors. Et quant ilz auront leurs plumes on les
acoustumera a supure vne ou deux gelines
affin que les autres se occupent plus a pon-
dre que a manger / & les doit on mettre cou-
uer a la nouvelle lune pource que celles qui
y sont auant mises si font pou de prouffit
presque iusques a vint iours. Len ardra cor-
ne de cerf entour les gelines que serpens ny
aillent: car la fumee de celle corne si tue les
serpens. Len doit predre garde que regnars
ny aillent. Len les doit encloze de nuyct de

tous costez quelles ne faillent point dehors
de nuict: Car les regnars par leurs malis-
ces les regardent quelque part quelles ail-
lent affin que les gelines appercoient les
peulx du regnard luy sans come deux chan-
delles / & aussi les menassent de leurs queues
comme dung baston affin quelles ayent si
grant paour quelles cheent & quilz les pren-
nent & sen aillent a tout. Les escouffles & plu-
sieurs oyseaulx de prope / et par especial lai-
gle les aguette et prent / et pource len doit
tendre cordes aux vignes & espines es lieux
ou elles hantent de iour. Et doit on prendre
les regnards a engin et les escouffles a la
glux ou au lacz. La pepie seult venir aux
gelines q leur enuelope la langue dune pe-
tite peau blanche / on l'oste legierement aux
ongles et la touche len de cendres. Et quant
elle est nettopee on la touille d'aulx broyez
ou len y met vne douce pellee et broyee a-
uec huylle et si leur prouffite stafizagre sil
est mis souuent en leur viande se elles man-
geussent amers lupins soubz leurs peulx
les grains y bienent sicomme dit Paladius.
Et se on ne leur oste tantost & legierement a
lesguille / et doucement les petites peaulx
couuertes ilz leurs estaignent la veue. Il
dit pour vray quelles en sont gueries q leur
oingt par dehors du ius de porcelaine et de
lait de femme ou de sel armoniaque mesle
avec miel et commin autant dung comme
d'autre. Elles sont aussi moult greuees de
poup / par especial quant elles couuent / et
les guerist len de stafizagre broyee avec vin
et eaue d'amers luppins se il tresperce le se-
cret des plumes et des penes. Le profit des
gelines est quelles ponnent oeufz qui nour-
rissent grandement & soudainement en vsons
en plusieurs viandes & les peult on tresbien
garder longuement se on les pouldre de sel
menu ou q les met en sel de bacon par trois
heures / et puis que on les laue et mette len
en bran ou en pailles ou selon ce que aucuns
dient q les tiendra tousiours en sel. ¶ Item

les poulcins en naiscent qui sont tresbonnes viandes tant comme ilz sont ieunes et tendres / & q les chastre ilz sont faictz chappôs qui sont les meilleurs pour egresser de tous les autres pouletz et de meilleur nourrissement. La chair aussi des gelines est tresbone viande tât cômme elles sont ieunes & grasses et les plumes sont bonnes a faire coultes.

C Des coulombiers et quelz ilz doyuent estre.

Chapitre. lxxxviii.

Coulombiers peuēt estre faictz en deux manieres p especial sur coulombes es parois de boys enuironnez de paroyz en maniere de mur de pierres sur vne tour de gros mur ediffiee / & en chascune tour peult auoir nyd̃z ou troux pour faire leurs oeufz : mais mieulx vault de mur que celle q est faicte de boys. Et vault mieulx auoir les troux dedans que dehors / pource que quāt ilz sont dehors le fiens qui est de tresgrant proffit est perdu et les oyseaulx de proye si en mangeuent legierement les pigeons / si fera len dōcques vne tour large de pierres de mur & non pas trop haulte pleine de pertuyz de toutes pars ou les coulombes puissent entrer & yssir / & au dessoubz y aura vne espace de souef mur sans troux affin que moustelles ne ratz ne autres bestes ne puissent monter aux troux. Et au dessus de la tour aura vng grant trou rond ou vne fenestre quaree par ou les coulōbs yront ou verront pource que ilz viēnēt voulentiers au soleil / et se la fenestre denhaut est brisee len fermera des troux de coulōbs par dehors estroiz & larges dedās / & apmēt pluscher les coulombes faire leurs nyd̃z en mur que en boys / combien que aucuns veulent le contraire : car aucuns veulent couuer en appert et les autres musses. Et doyuent estre ceulx dauant hault & loing du fiens de deux piedz et demy et y est necessaire vng maistre tref au lōg & vng au trauers du coulombier par plusieurs parties pour reposer

les coulōbs quant il pleut ou neigē ou quāt il faict trop grant chaull. On nettoyra biē souuent le coulombier hors et ens : car ilz se delectent en nettes maisons comme font les gens / et ainsi ne laisseront pas le lieu legierement. Et deuez scauoir que chascune paire veult auoir deux ou trois nyd̃z du mois car ilz multiplient aucunesfoiz tant quilz remplissent les troux et le solier & les trefz.

Comment les nouveaulx coulombiers doiuent estre premierement garniz et peuples de coulombes.

Chapitre. lxxxix.

En doit mettre premierement es nouveaulx coulombiers coulombes non pas vielz. Car ilz sen ystropēt & retourneroiēt a leur propre lieu : mais doit on mettre ieunes pigeons qui ayent leurs plumes parfaites ou presque parfaites. Et ceulx cy les meilleurs sont cendzins / et les autres noirs et bruns / ainsi les appelle len pour les plumes / ceulx icy demeurent plus tost au coulombier que les blancs : car les oyseaulx de proye voyent les blancs de trop loing si les viēnent manger. On les y doit mettre du mois daoust / de septēbre ou de iuliet pource que adonc treuēt ilz plus grain aux chāps pres de leurs coulōbiers quilz ne feroient en mars / en avril ou en may. Quant ilz y seront mis on les tiendra enclos par quinze iours quilz ne yssent et mieulx. On les laissera amaisgrir / et puis quant ilz seront enclos on leur donnera diligemment a manger par aucuns iours et a boire / & apres ledit temps on ouurera la fenestre en temps trouble ou doulx : mais il vaultroit mieulx en tēps pluuiex / pource que lors ystroient et non pas trop loing & si sen retourneroient bien tost.

Comment on doit tenir les coulombes pour plus voulentiers demourer et bien en fructifier

Chapitre. xc.

Coulombs qui naissent au coulombier ou qui y sont mis petiz ne sen departēt pas voluntiers; mais aucunes fois vont aux autres coulombiers ou ilz trouuent de la viande quant ilz nen ont point en leur coulombier ne nen trouuent aux champs / & puis apres quāt ilz ne trouuent viādes ilz sen retournent a leur propre lieu; et pource est il bon de leur faire bon et beau coulombier & de leur donner de la viande en temps quilz nen trouuent point / comme quant il a gele en avril & en may / quant les terres sont arees / et plusieurs en y a qui mangent leurs propres fructz. La viande conuenable au coulomb est froment febues Vesse orge / mil & telz grains quilz mangent voluntiers. A cent paires de coulombs suffist la huytiesme partie d'ung corbillon de grain / et quant il ny a rien aux champs on leur donnera au double / et leur donnera len largemēt a boire au coulombier toutes fois quilz en auront mestier ou en aucune autre part assez pres du coulombier ou ilz puisset boire / et pource chose necessaire est de faire coulombiers pres deau ou ilz se puissent lauer et boire quāt ilz voudrōt / sicomme dit Darrou. Il est bon de leur donner de toutes manieres de grais pour beoir lequel ilz aymeront mieulx / et de ceulx on leur donnera pour les mieulx retenir au coulombier. Paladius dit quilz font assez fructz & souuent qui leur donne orge rosty ou febues / et si dit quilz ne demandent autre chose en este / et ny a qui tant les engresse comme froment et mil trempez en vin doulx ou en bochet. Car ilz en ayment le lieu et y amēinent les autres. Et quant on leur donne la viande on la leur doit donner au bespre et les laisser pourchasser au long du iour aux chāps / et quant il a neige ou gresse on leur donne au matin.

De loffic de celluy qui garde les coulombs.

Chapitre. xci.

Celluy qui garde les coulombs doit oster le fiēt et le porter aux chāps pour fumer les terres / & doit querir les blēces et bouter hors les mors. Sil y en a aucuns q̄ soyēt enuieux q̄ batēt les autres il les osterā & mettra a part pour vēdre les vngs & māger les autres. On les doit garder des oyseaulx de proye y mettre aucunes verges gluees entour. Paladius dit q̄z sōt seurs des mustels les se len gette entre eulx Vieilz ongles dōt les bestes sont chaussees / et si dit q̄ bon est prēdre plusieurs raiceaulx de rue et les espandre en plusieurs lieux / et les doit bien garder de feines et dautres bestes qui les mangent et aussi des oyseaulx de proye de iour & de nuict / & si doit on tenir le lieu clos / les hups & les fenestres p̄ especial de nuict. Se il opt aucune noyse au coulombier de nuict il doit entrer seurement et laisser aller les coulombs: car ilz retournerōt bien apres / et si doit prendre les oyseaulx et les bestes sil peult. Il y en a d'aucuns q̄ ont rōgues a len tour des yeulx q̄ les aueuglent / si les doit on vēdre ou manger et les oster. Ilz meurent aucunes fois p̄ Vieillesse pource quilz ne durent pas passe huyt ans. La garde doit entrer souuēt au coulombier et les siffler et leur porter tousiours vng peu de viande pour les appruiouiser. Il doit auoir vaisseau de terre ou il y ait tousiours de leau et quil soit si couuert q̄ nulle ordure ny puisse cheoir pour la tenir plus nette.

Du proffit des coulombs.

Chapitre. xcii.

Arron dit q̄ nest riens plus plantureux ne plus fructifiant que coulombs: car en quarante iours la femelle conçoit / pond / couue et nourrist ses poullētz. Ainsi faict elle tout au long de lan fors vng peu en puer. Les coulombz naissent deux a deux et apres six mōys ilz peuent pondre & non auant / & ponnent quatre cinq ou six fois l'annee quant ilz ont assez viande.

de/ & silz en ont peu ilz ne pōnent que trois. La chair des pigeons est tresbonne & delectable. Leur fiēt est tresbon pour fumer terres et plantes en toutes pars de lan. Sachez q trois paires de coulombs font en vne annee vng corbillon de fiēt/ & de tant qlz māgent plus/ de tant font ilz plus de fiēt pource qlz se tiēnt plus au coulombier. Il y a vng autre profit que len dit cōmunement q en aucunes prouinces on leur lye lettres soubz laesle ou en la queue et les chasse len hors du lieu & ilz sen retournēt a tout les lettres au lieu la ou on les veult enuoyer. Pala- dius racōpte: mais ie ne scay se cest verite q qui leur donne cōmunement a manger com- min ou q leur oingt les aelles en vne partie de basilique & de baulme ilz ameinēt les autres coulombs au coulombier.

Des turtrelles & pour ordonner leur lieu.

Chapitre. xciii.

En fera tout ainsi des turtrelles cōme il est dit des coulombs/ et leur donnera len a manger du froment tout sec et auront vng lieu appareille ou ilz pourront proprement manger/ et leur pur- gera len lieu & portera len le fiēt aux chāps car il engresse grandement les terres. Et pource quelles ponnent largemēt les oyse- leurs de Lombardie & par especial de Cre- monne en prennent a la rethz grant nom- bre et les mettent en aucunes cages et leur donnent de leue et du mil tant comme ilz veulent et les engressent tant quilz en ont aucunesfois bien cinq cens.

Des estourneaux/ merles/ perdrix & cailles & cōment on les doit nour- rir & maintenir pour porter fruit.

Chapitre. xciiii.

Si veult engresser telz oyseaux ou autres face vng lieu clos de tuylle & de rethz grāt selon le nōbre des oyseaux quil veult encloire. Il cōvient que sur le tect il y ait vng tuyau par lequel on

puisse essuyer legieremēt leue. Car se leue y est trop espādue elle troubleroit celle q se- roit pour boire/ si viendra par vng tuyau q les oyseaux ne si touillent de leue. Il y aura peu de fenestres & si y aura vng huyes tout seul si petit q a peine y entrera le mai- stre/ & ne les verra len point & si ne verront poit les herbes ne les arbres de par dehors: car ilz amaisgriroient pour lamour qlz ont a la verdure. Ilz auront seulement de la lu- miere autant quilz en pourront veoir pour boire & manger/ & les gardera len de rats/ de souris/ de mustelles & dautres bestes/ et y aura dedans maintes perchettes pour les iucher. On leur donnera a manger soupes de figues & de farine meslee ensemble. Pour les estourneaux & les autres len leur don- nera tel grain comme il leur appartient/ et quant on les voudra oster on leur donnera a manger plus q deuant & les otera len si q les autres ne sespouentent point. Ceulx qui serōt gras seront venduz/ et ceulx qui serōt maigres seront reboutez en leurs cages.

Du siege des mousches a miel/ & du lieu conuenable.

Chapitre. xc.

Aladius dit que len doit asseoir le Baisseau des mousches a miel en vne partie du iardin secrette & loig de vent & chaulde pource que ce leur empes- che a apporter leur pasture a lhostel comme dit Virgile / et non pas loing de maisons/ affin que larrons ne gens ne bestes ny ail- lent trop et quil y ait abondance de fleurs/ quelles cueillirōt es herbes & arbres/ & quil y ait des arbres disposez deuers septentrion et quil y ait fontaines ou riuere assez pres. Barron dit quelles soyent pres de la Ville de leur seigneur/ & quil ny ait pas noyses ne son dymages qui est appelle Echo: car ce son icy les enchasse. Elles doiuent estre en lieu attrempe ne trop chauld ne trop froid/ et proprement ou soleil vient en puer & pres de lieu ou elles trouuent pasture et pure

eäue. Virgille dit quil est bon quil y ait arbres fueilluz / & entour leaue qui sera la quil y ait des saulx plantez largement / de grans pierres et de grans cailloux largement ou elles seront comme sur pontz et espondront leurs aestes au soleil. Paladius dit que les appuyes ou soustenuues doiuent estre de trois piedz de hault & biē enduictes & applaniees pour lezardes ou autres mauuaises bestes qui ont de coustume y repaier. Et dessus ces soudenans on mettra les baisesaulx tellement que la pluye ne les pourra percer / et y aura distance de lung a lautre / et ny doiuent point aller bzebis ne chieures aussi pour les fleurs que mangēt les mouches / ne les baches q̄lles ne gastent la rousee et deffourent lherbe & si ny doiuent point estre stellides ne lezardes / ne airondes ne telz oyseaulx nuyans q̄ les aguettēt & leur nuyent. Aussi ny doiuent poit estre nulles ordures / odeurs mauuaises ou autres choses mal odorates.

¶ Quelz les baisesaulx a mouches doiuent estre.

Chapitre. lxxxvi.

¶ Les meilleurs baisesaulx por mouches a miel comme dit Paladius par especial sont formez par escorce de suber : car elle ne se creue pour chault ne pour froit / et si les peult on faire de ferules et se cela fault on les peult faire dosier de saulx ou de boys dūg arbre caue : mais ceulx sont les pires q̄ se gelent en puer & eschauffent en este. Toutefois il fault trespetite entree par ou elles entrēt que le froit dyuer ne le chault deste ny entre & ne les blece. Len fera vne haulte paroy contre les plus haultz et froitz ventz. Les entrees serōt encontre le soieil dyuer et y en doit auoir seulement en vne escorce deux ou trois de telle grandeur quil ny puisse entrer par ou elles entrent que le corps de la mousche et nulle autre beste pour les greuer. Et que se on les guette dūg trou quelles puissent yssir par lautre / & bon est quilz soyēt estroictz : car cō-

me dit Virgile le froid gele le miel / & la chaleur le fond / et les mouches doubtent tous les deux & le chault & le froid : mais la plus grāt partie des gēs de maintenāt font vng grāt trou en la moyēne partie du baisesau & doiuent estre grās baisesaulx pour la grant quātite des mouches / & petiz pour la petite quātite. Ilz doiuent estre hault dūg pied & demy & larges a la moytie. Vng tresexpert et moult sage hōme me afferma q̄ les baisesaulx q̄ sont quarrez & faictz de tables baisesaulx q̄ ne fōt les rōdz & bault mieulx q̄lz pēdēt vng peu deuant q̄ q̄lz fussent tous droictz et pourroit on mettre lung sur lautre / et ces baisesaulx doiuent auoir fons de chascun chef tellement quon les puisse oster quant mestier en sera pour leuer le miel. Le fons de deuant aura deux petiz pertuyx / et celluy de derriere vng par auant par ou les mouches entrerōt & ystrōt / & si me dit aussi quelles labourēt mieulx quant le baisesau est obscur par dedans qui signifie que les troux doiuent estre petiz et les creuaces bien estoupees & seellees / & les mouches le nous apprennent : car nous trouuons que en puer les creuaces sont estoupees de cyre pour la greigneur partie / et demeure tant seulement le petit trou a leur forme.

¶ Comment les mouches a miel naissent. Chapitre. lxxxvii.

¶ Les mouches naissent vne partie de leurs semblables / et vne partie des beufz sauages dont le corps est pourry comme dit Varro : mais il se taist de la maniere. Et Virgile en parle et dit q̄ maistre Arshadius en fut le premier trouueur / et trouua la maniere telle. On eslist vng estroict lieu clos de paroy a vne estroicte couerture de tynlle et quil y ait quatre fenestres obliques / & lors on quiert vng veau de deux ans / & luy estoupe len a force les narines / et la on le bat et tue len de coups tant que les entrailles luy rompent des coups & se dissoluent parmy la peau entiere / et ainsi

le mettent en lieu clos en lay mettant sur les costez pieces de ranceaulx / cest a scauoir de thimus et casses fresches. Cecy est faict quant les fleurs & germes premierement se prennent a donner odeur auant que les prez commencent a verdir & auant que l'aironde vienne & souspende son nid. Adonc l'humour de ce beau q est tie de se schauffe & cree mousches qui premierement apparoissent sans piedz & tantost se meslent en tremblant des aestes et se lieuent en l'air. Et ainsi sont nees et formees mousches.

¶ Quelles mousches on doit achepter quant et comment on les doit trouuer et emporter.

Chapitre. xcviij.

Eltre les mousches a miel les petites vaires & rondes sont les meilleures come dit Barron. Qui les veult achepter il doit considerer q les soyent bones / & se elles sont saines ou malades. Les signes de leur sante sont quant elles sont souuent en le xamen / & se elles sont polies / & loeuure quelles sont est esgalle ou legiere. Les signes de celles q moins valent cest quat elles sont velues / horribles / & pleines de pouldre. On doit considerer se les baissaulx qu'on veult achepter sont pleins / & le peult on scauoir a la noyse que elles font et a leurs allees et venues sil y a grant nombre ou non. Len doit regarder le temps et le lieu qu'on les veult transporter: car il vault mieulx en printemps que en puer / pource q en puer elles sen fuyent & sont fortes a acoustumer se elles ne trouuent bonne pasture. Il vault mieulx les transporter pres q loing quelles ne se babilissent de strage terre. Et q les vouledra porter loing si les porte de nuict a son col / & ne les ouurera len ne asserra iusqs au lendemain au despre. Nous considerons que apres trois iours elles ne yssent pas toutes hors les portes: car ainsi on ne penseroit q les sen voulassent fuyr: mais toutesfois elles demourront bien en celluy lieu en touil-

lant la gueulle des baissaulx de fierte d'aucun beau premier ney / come dit Paladius. Au moys Dauril nous querons les mousches es lieux ouuers et esguettons premierement se elles sont pres ou loing / & touillerons vng petit baissau de terre rouge clere / & garderons les fontaines ou les eues prochaines / & adonc tout bellemet dung festu touille en celle terre toucherons le dos des mousches qui beuront / et se elles se retournent tantost que nous les aurons touchees de celle terre cest signe que elles sont pres hebergees / & se elles demeurent longuement cest signe quelles sont loing. Se elles sont pres tu y viendras tantost / et se elles sont loing tu y viendras par telle maniere. Tu trencheras vng entreneu de canne avec ses articles & louueras au coste / la tu mettras vng peu de miel et le laisseras empres la fontaine. La les mousches se bouteront pour l'odeur du miel / & puis tu estouperas le pertuy du poulce / et puis tu en laisseras vne aller et restouperas encores et supuras la mousche tant comme tu pourras / & quat tu en auras perdu la veue tu laisseras lautre aller et la supuras par telle maniere ainsi lune apres lautre iusques a tat que tu trouueras le lieu. Aucuns entour leaue mettent du miel en vng baissau duquel quant les mousches auront goutte de leaue & de ce miel elles pront & viendront & en ameneront des autres / et par ces allees et venues on trouuera leurs places.

¶ Comment on doit tenir & procurer les mousches a miel.

Chapitre. xcix.

Le gouuerneur qui entretient les baissaulx doit par son sens faire que entour le lieu il y ait abondance de fleurs en arbres / herbes et en arbrustes / come origan / thimus / serriette / serpil / violettes / hincinctus q est dit flambe ou iagleau / saffran et autres herbes de souef odeur et de belles fleurs es arbrustes / & ait roses / lys / rommar-

cin et terre/et quil y ait arbres / comme almandiers / peschiers / pommiers / poiriers & autres arbres ou il ny ait nulle amertume de fleurs ne de ius. Entre les arbres sauuages sont chesnes qui portent glâdz / roburabigus & therebitus. Lentiscus / cedrus / tilia thimus si en soyēt ostez. Les premiers sont miel doux / & les dernieres luy donnent faueur de vilain miel sicomme dit Paladius par especial les choses qui doiuent estre seymes que les mousches supuent voluntiers cōme dit Varro / et sont ces choses qui sensupuent. Roses / serpillis / ache / saulge / paruat / febues / létilles / pois / origā / ozimum / caprum / citisum q̄ est tresprouffitabile aux fortes mousches: car il commence a florir depuis la mi mars et est en fleur iusques en la fin de septēbre. Ache vault a garder leur sante / & thimus a faire le miel. Il leur fault auoir de leue clere pres qui ne coure point / ou se elle court en autre lieu elle ne soit pas parfōde oultre deux ou trois doys et ou il y ait des testz de potz et pierres pour eulx asseoir quant elles beurent. Et doit on auoir diligence quelles boient pour auoir miel pur & bon. Et pource que aucunesfois la tēpeste de geles et de pluies de Vent ou de froit les empesche a aller loing on leur doit appareiller pastures quelles ne soyent contraintes de manger leur miel / & pource lenprent figues grasses enuiron la quantite de dix liures / et les cuit on en six quartes deaue et les met on empres elles cōme soupes. Les autres mettent bochet et eaue ensemble en Baisseaulx pres delles & de la laine pure & nette dedās / par laquelle elles succent aucunesfois et boient et les garde de cheoir en leue / et a chascun Baisseau de mousches en a vng. Les autres pilēt ensemble figues grasses et grappes de raisins seiches & les petrissent en eaue & en fōt soupes et leur baillent en puer & en printemps & en este trois fois le mois. Quant viēt le printemps le maistre les doit regarder & les su-

miguer doucement et leur nettoyer leurs Baisseaulx dordure et getter hors les vers. Len doit prēdre garde quil ny ait plusieurs roys en vng Baisseil: car ilz seroient mutilez lung pour lautre / et y auroit noyse. Il est deux manieres de ducz cōme dient Menocrates & Virgile: car lung est noir / & lautre de couleur diuerse qui est le meilleur. Si doit le maistre tuer le noir qui veult greuer les mousches et guerroyer / et mucer ou enchasser lautre roy ou estranger pour paix auoir sicomme dit Virgile. Paladius dit que au mois de may les mousches cōmencent a multiplier / et dedans les extremitiez des Baisseaulx les plus grandes mousches y sont crees / et aucuns cupdent et dient que ce sont les roys: Mais les grecz les appellent cestres et commandent que on les tue pource quilz troublent toute la compaignie. Et aucunesfois y viennent papillons que len doit tuer. Entour le mois de nouembre len doit nettoyer les Baisseaulx de toutes ordures: car on ne les ose ouurer ne mouoir de tout luyer: mais vng iour conuenable et serain on les nettoiera daucunes penes de grans oyseaulx ou de telles choses. Et se les mains ny peuvent attaindre on les ouuera en les nettoyant et estouppera len toutes les creuaces qui seront par dehors de boue / de terre et de fiente de beufz meslez ensemble / et puis seront mis par dessus des genestres ou dautres couuertes en forme dunc porche pour les deffendre de pluie de froid et de tempeste. Le bon maistre doit cōgnoistre en septēbre les vieulx Baisseaulx et pleins et vendre les chetifz qui nont rien fait leste / et les doit on vendre ou tuer & en faire du miel et cyre en la maniere qui sera dicte cy apres. Le maistre sicomme dient les expertz doit tenir en este les Baisseaulx avec despees pieces de planches vng peu estroictes que les mousches puissent aller et venir / et que les lezardes ny puissent entrer et quelles soyent tresbien estoupees en

puer de terre et de fiente de beufz meslez ensemble. Item se elles sont trop desnuees de miel si que len peult bien appercevoir en regardant par dessoubz ou en autre maniere cōme par le poys ou par vng pertuyx faict au mylieu par leq̃l on leur donnera a manger a vne herge nette mise en miel ou vng poulet rosty ou autre chair. Apres se le vaisseau est gras on le laissera en puer sur son siege / et sil est maigre on le mettra en la maison en aucun lieu obscur bien ordonne / a que les souris ny aillent.

Des maladies des mousches / a de ce qui leur nuyst / a de la cure.

Chapitre. L.

En doit garder cōme dit Varro que les fortes mousches ne blecēt les foibles: car leur fruct en seroit appetisse / pource que les foibles quāt le roy est mort sont assaillies de ceulx qui sont soubz lautre roy / a pource len gettera de la mulse de cane amielle sur elles: car par ce elles se tiēdront / non pas tant seulement en paix aincois se entrelescherōt a apderont a appliquerōt ensemble pour lodeur quelles sentirōt / a se elles sen vont trop souvent du vaisseau / a q̃ lune partie en chee on leur fera suffumigation pres a leur mettra len bōnes herbes et souef flairāt cōme ache et thimus. On les doit garder q̃lles ne perissēt ou pour chauld ou pour froid / q̃ soubs vainemēt la pluye ne le froid ne les prennent quāt elles paistrōt / laquelle chose naduiēt pas souvent quelles en soyent deceues: car quant elles sentēt les gouttes deau elles se couchent et mettēt a lenuers. On les retiēdra en aucun vaisseau a les mettra len soubz le couuert en aucun lieu tiede / a gettera len sur elles cendre tiede a plus chaulde q̃ tiede et heurtera len doucement le vaisseau sans toucher de la main / et mettra len au soleil leurs vaisseaulx affin quelles retournent dedās. Se il en y a aucunes malades laq̃lle chose on appercoit a telz signes comme dit

Virgile quelles ont autre couleur a la face difformee par horrible maigreur. Les corps des mortes seront gettez hors et les autres assemblees pendront par les piedz hors ou ens ou toutes les autres bataillerōt dedās leurs maisons ou elles serōt toutes faillies par fain a par froidure deuiēnent paresseuses. Ilz sont grant a fort son a rouent cōme le vent et resonnent dedans les bois quant il vente / et comme la mer sescrie quant les vndes refluent / ou cōme le feu bruyt dedās la fournaise quant elle est close. Et lors on ardra galban a lodeur leur traitra par la fumee / et leur donnera on du miel en cannes / et leur prouffitera se on y mesle lodeur de galle broyees / ou roses seiches / ou pieces de chair rosties / ou vne passe / ou cetropium / ou thimus / ou centauree ou la racine dune herbe q̃ les vilains appellent amella / a que on la mette en bon vin odorāt en vaisseaulx aux fenestres des mousches. Ceste herbe est congneue: car elle croist es prez / a eslieue vne souche comme vne forest / a espād grant nombre de fueilles tout entour la fleur a est de couleur dor / a la saueur en est aspre a la bouche. Nous chasserons les lezardes comme dit Paladius et les autres bestes q̃ leur sont contraires a espouenterōs les oyseaulx. Il seult aduenir vne maladie aux mousches / par especial en mars: Car apres les ieunes dyuer elles se prennent aux fleurs de titimal et de oulme amer / et les manguent trop ardamment pource que ce sont les fleurs qui premierement viennent / dōt elles ont le vêtre si lasche que elles en meurent tantost se elles nen ont remede / si leur donnera len grains de pommes grenates broyez avec fort vin et vng peu eschauffe / et puis on les mettra en aucun vaisel deuant elles. Et se elles semblent horribles et contraites de corps et ne font noyse / et que elles apportent souvent les corps des mortes / adonc on mettra du miel cuit avecques pouldre de galle et leur donnera len en

tuyaulx faictz de cannes: car se la despesche par deuant toutes choses que les parties du miel pourries ou les cires vuides lesquelles la compaignie des mousches ne pourra emplir pource quelles sont trop peu/ len osteratoujours a petit ferrement subtillemēt les mousches mortes affin q les autres ne laissent leur vaisseau. Se pour abondance de fleurs elles pensent tant du miel que elles ne facent point de lignee et il y ait trop de miel on leur estouppera leurs troux quelles ne yssent point par trois iours/ si se mettrōt a faire lignee. Entour les kalandes d'auril on leur nettoiera leurs vaisseaulx en ostāt toutes les ordures du tēps dyuer/ les vers et les yraignes dont le miel est corrompu/ et les papillons qui de leur chieure y font des vers. La maniere de tuer et occire les papillons selon Paladius est que on mette vng vaisseau darain hault et estroit/ et le laissera len au vespere être les vaisseaulx/ et au mylieu du fons mettra len de la lumiere clere et tous les papillons s'assembleront la et volerōt entour la lumiere et le vaisseau estroit si les contraindra de mourir par le feu prochain/ et lors on mettra de la fiente de beuf seiche qui est conuenable au salut des mousches/ et ceste purgation cy sera faicte souuēt iusques au tēps d'automne. Des choses icy fera le maistre des vaisseaulx qui doit estre chaste et sobre et se doit abstenir des baings et de viandes aigres et de toutes saulces et doit estre nect de toutes mauuaises odeurs.

¶ Des meurs de la doctrine et de la vie des mousches.

Chapitre. C. i.



Les mousches ne sont pas solitaires par nature comme sont les aigles/ aincors sont comme les hommes/ car elles ont compaignie ensemble en ouurer et ediffier/ et est en eulx raison et art/ elles paiscent dehors et font oeuvres dedans point ne se assient en lieu ord ne qui flaire mal/ et se aucunes fois

elles se retournēt en vng lieu elles supuent leur roy quelque part que il aille et le soulagent quāt il est trauaille/ et sil ne peult voler elles se supportent et monstrent qelles le veulent garder: elles hayent les paresseuses et ne sont point oyseuses/ elles boutēt hors a force les mousches fustes: car elles ne leur aydent point/ et si mangeuent leur miel/ et pource vng peu de bonnes mousches pour supuent et enchassent vng grāt nōbre de ces mauuaises mousches: elles estoupēt toutes les parties parquoy le vent vient aux vaisseaulx fors que le droit huy: elles viuent toutes cōme en vng ost: car a certaines heures/ les vnes dorment et les autres veillent et ouurent/ et puis celles q ont dormy si vōt ouurer et les autres vōt dormir comme laboureurs. Elles ont certains gouuerneurs et ducz et les supuent a la voix comme a vne trompette: car elles ont entre eulx signe de bataille et de paix. De pommes grenates et de fragon/ elles prennent seule viande et de l'arbre doluiuer prēnent le miel: mais il nest pas bon: double mistere leur vient de la feue/ de l'ache et de la courge et brasique/ cest a scauoir cire et viande: de la pomme et poire sauillage et pauot viennent cire et miel: de la noix greque vient triple mistere/ et aussi de la psanne/ cest a scauoir/ viande/ miel et cire. Des autres fleurs elles prennent si que diuerses choses valent a diuerses oeuvres et aucunes a plusieurs. Elles font daucunes choses miel cler/ sicomme de fleurs/ de chischies et d'autres choses le font espes comme de rommarin. Aussi dune chose ilz font miel qui nest pas souef/ comme de figues: et d'autres bon/ comme de cerise/ et de autre tres bon cōme de thimus/ sicomme dit Varro. Virgile dit quelles font nobles salles/ et ordonnent royaumes de cires/ souuentefois aussi elles se ordonnent et mettent en dures batailles et font vng ost plus grāt que leur force tāt ont grāt amour aux fleurs et grāt gloire de faire miel: car combien quelles

soient de courte vie pource que elles ne vivent point oultre sept ans / touteffois leur lignage demeure immortel.

¶ Quant & pourquoy la compaignie des mousches yst / & cōment on scet quant elles doiuent yssir.

Chapitre. L.ii.

La compaignie des mousches seult yssir ainsi comme dit Varro quant les mousches dernieres nees sont en grāt prosperite & bon nombre & veulent enuoyer leur lignee en labour comme iadis firent les sabins pour la multitude de leurs enfans. Deux signes sont par deuant quāt elles veulent yssir et voler es iours de deuant / par especial au Vespere il en y a moult deuant le trou assemblees comme Vne grappe entretenās les Vnes aux autres. L'autre signe est que quant elles veulent voler ou quelles ont ia commence elles sonnent tresfort comme font cheualiers en Vng ost quāt les chasteaulx se meuent. Celles qui sont yssues les premieres vollēt trestout entour en attendāt les autres iusques a tant que les soient toutes hors. Virgile escript que elles yssēt aucunesfoies en bataille / car quāt il y a deux roys il vient tresgrant discord entre eulx & leurs gens & l'apperçoit on: car on oyt grant son en la tour comme se ce fussent trompes quant elles commencent a assembler & flamboyent de penes et aguissent leurs dars et appareillent leurs aguillons & se ordonnēt de bras & de aesses & se rassemblent et meslent entour leur roy & appellent leurs ennemys a grās cryz / adoncques sen vont & sentrefrappēt & se meslent & y a grāt son et les vaincues cheent plus d'uz que gresle & glandz quant on les fient. Les roys par le mylieu des batailles bataillent ensemble d'ung grant courage / et la elles resplendissent & ne departira la bataille iusques a tant que l'ung aura vaincu l'autre / & que il sera contrainct de sen fuyr & tourner le dos. Les mouuemens de courage & ces batail-

les se reposent par getter Vng peu de poulidre / & quāt tu auras appaise les deux ostz / tu occiras le pire affin q'il ne face plus guerre et mettras le meilleur en sa salle: car ilz sont deux manieres. Le meilleur est de couleur dor et l'autre horrible. Virgile aussi dit que elles yssent aucunesfoies pour Vaine delectation et le scet on a ce que elles se iouent en voltant par l'air & le peult on legierement empescher: car on doit oster les aesses au roy affin qu'il ne puisse voler hault. Paladius escript que on apperceoit la fuyte du roy aduenir ou len scet l'issue delles quāt par deux iours ou trois par auant elles se rassemblent plus aigrement & murmurent & le scet on a y mettre souuent lozeille.

¶ Comment leur compaignie sera enclose & cueillie.

Chapitre. L.iii.

Quāt le maistre des mousches voit la compaignie yssir & demourer en l'air il doit tātost getter sur elles de la poulidre et faire daucune chose Vne forte noyse & Vng fort son affin q'elles ayēt paour & naissent pas loing: mais quelles se remettent en aucun lieu prochain / & quāt il verra ou elles se veulent mettre il prēdra des herbes et aucuns rinceaulx d'herbes ou elles se delectent et les l'iera len a Vne perche et les mettra len la affin quelles si assient / et quant elles seront toutes venues il les mettra a terre & le Vaisseau dessus elles ou elles entreront / et puis les mettra au Vespere en leur propre lieu ou elles deurent demourer ou le mettra en ce lieu ou elles sont assises ou quelles entreront par soy ou par aucune fumee. Et quāt elles y serōt toutes entrees on les mettra soubz Vng banc perce largement et dessus ce banc il y aura Vng nouveau Vaisseau tresbien purge et bien artousse de Vin de tresgrant odeur et d'ung peu de miel tresbien frotte qui sera mis dessus et que le fons de hault du Vaisseau soit oste de dessus affin quelles entrent par soy ou par

la fumee en la nouvelle maison / et ainsi elles seront mises au soir en leur lieu / & se elles sont ia affises sur Vng rinceau il sera trêche souefuemêt a Vng cousteau bien trêchant et oste de la et Vng Vaisseau mis dessus tout nouveau côme iay dit / ou len fera côme iay dit de la perche des herbes et des rinceaulx. Et se on ne les peult toutes auoir a Vne fois si le face len a plusieurs / & se le roy est dune part toutes les autres le supurôt. Et se elles sont boutees en aucun trou dung arbre / se l'arbre est petit on le coupera doucement côme iay dit du rinceau / ou len mettra Vng Vaisseau encoste ou par aucun trou que on fera nouuellemêt on mettra de la fumee soubz elles affin q'elles sen aillent au Vaisseau / et entrent côme iay dit ou on les bouterà hors du tout des arbres / & fera len comme iay dit de celles qui de leur bonne Voulente sen Vont et se pendent aux rinceaulx ou autre lieu / et sur lesquelles on met nouveau Vaisseau / & se elles se mettent en aucun lieu disconuenable dont on ne les puisse auoir / on les escourra a longues perches & fera len cheoir a terre affin que les entrent en aucun lieu deu / et doit estre le maistre nect de toutes ordures & de mal le odeur / et doit en tous temps auoir nouueaulx Vaisseaulx tous prestz pour les recevoir: car les nouvelles Vagans se elles ne sont gardees sen fuyront pour neât / se elles yssent elles demeurent Vng iour ou deux ou elles Vont si les doit on recevoir tantost en nouueaulx Vaisseaulx si en deura le maistre estre diligêt iusques a la huytiesme ou neufuiesme heure / par especial en iuing. Et quant il apperceura quelles Veulent fuyr pource que elles ne sen fuyent pas cōmunement apres ces heures il en prendra garde. Apres quāt elles yront en la guerre se elles se asseent en aucun rinceau ou autre lieu on les pouldrera de pouldre ou dautre chose / si q'elles soyent cōtrainctes de eulx en aller / et se elles sarrestent ensemble paisible-

ment cest signe que elles nont q' Vng roy ou quelles sont reconcilliees par accord. Et sil y en a deux ou plusieurs cōpaignies de mousches on oingdra la main de miel ou dasche / & sefforcera len de prēdre les roys q' sōt Vng peu plus grans et plus songz q' les autres mousches / & ont plus droictes cuysses & nōt pas plus grās aelles / ilz sont plus beaulx et plus luyfans & plus doulx sans poil fors que au frōt ou ilz sont plus pleis et ont ainsi cōme cheueulx au Vētre / dont ilz ne Vsent point a faire playe. Ilz sōt aucunes autres Belues & noires lesq'elles il conuiēt descendre et mettre a mort / & laisser les plus belles / & se elles Vōt souuēt euaguer on leur arrachera leurs aelles: car ainsi il ne sen fuyra nulles. Se il nen naist nulles en deux ou trois Vaisseaulx ou en plusieurs on en pourra mettre plusieurs en Vng q' seront mouillees daucune douce liqueur / & les tiēdra len encloses en leur mettāt de la Viāde de miel deuant elles & leur laisse len petis pertuis pour respirer. Se tu Veulx rappareiller Vne cōpaignie de Vaisseaulx dont les mousches sen sont en allees par aucune pestilence / tu considereras les autres abondans / la cire et les entrees des Vaisseaulx et du miel / et les eptremitez q' ont petites mousches et ou tu trouueras le signe du roy a naistre avec la lignee la tu mettras ton Vaisseau. Le signe de ce roy aduenir est q' entre les autres troux q' ont poules on en treuve Vng plus grāt & plus song q' apperra abōdāt & cestuy est le roy. On les doit transporter quant ilz heēt les couuercles & cōme meurs a naistre sefforcēt de leuer les testes: car se tu les lyes ues auāt q'elles soyent meurs elles mourront / et se elles se eslieuent soudainement elles sont espouentees de la commotion de l'air lors elles retournent a leur Vaisseau nouveau oingt de herbes acoustumees & de miel / on les traira a la main et les mettra on la / & quant elles auront repose en ce mesme lieu on les y asserra au Vespere.

Quant et comment on doit prendre le miel des mousches.

Chapitre. C. lviij. no. 100.

Au mois de iuing selon Paladius les vaisseaux des mousches seront chastez qui seront meurs & conuenables a recommencer le miel comme len scaura par plusieurs signes. Premierement silz sont pleins on oynt vng double murmure delie. Car se les sieges sont vuidz les voys en sonnent plus hault come il est des edifices cauez pource quāt il y a grant son & murmure enroue on les doit laisser: apres quāt les mousches troublent de grant boullente les mousches fusques cest signe q le miel est meur/ selon Darro se elies font vng moult cest signe de bien bon miel. Apres se les trous des vaisseaux sont estoupez cest signe q tout est plein de miel. Len chastrera les vaisseaux aux heures du matin quant les oyseaux seront pesans & endormis/ & ne sont pas esueillez de chaleur et y met on de la fumee de galban et de sec fens de beuf q lon esmeult en vng vaisseau a secz charbons et le vaisseau soit ainsi figure quil ait vne bouche estroicte par ehault po^r mettre hors la fumee/ & quant les mousches se departiront len prendra le miel/ et pour pasture de la compaignie on laissera la quinte partie & osterā len par auant toutes les ordures des vaisseaux & les choses qui riēs ny valent. Au mois doctobre on les chastrera en celle maniere mesmes/ & suppose quil y ait grant abondance de miel si en laissera len la moytie pour lyuer/ et sil appert quil ny ait que la moytie on nen osterā riēs/ mais Darro escript que silz estoient ores pleins si nen doit on oster que la tierce partie et laisser le resmenant pour lyuer: mais Virgille dit que se on se double de fort puer que len ne doit riens oster. Les maistres experts de nostre temps dient pour Bray que on ne doit prendre le miel q vne fois lan/ et est entre la fin daoust & la my septēbre/ mais la cire est cor-

rompue. Le miel que len doit oster soit pour du beaucoup/ on doit auoir regard a la quantite du miel qui est au vaisseau & la multitude & a la paucete/ nen doit on point oster oultre la quarte partie. La maniere de prendre des vaisseaux estans/ est que len cloue vng trou ou plusieurs dherbes si que les mousches ne sen puissent yssir/ & par dehors len fera fumee de paille ou de drap mouille/ affin que les mouches montent enhault/ & plogera len le vaisseau et trenchera len les besognes de dedās a vng trenchāt cousteau mouille souuēt en leaue affin que la cire ny tiēgne/ & que les mousches qui sont demourans ne soyēt blecees/ & se le vaisseau est gisant les mousches seront couuertes par la derriere iointe a celle de dessus pource q il est premier remply de miel/ et dernierement elles emplant la partie de deuant/ & demeurerēt toutes/ et lors on peult seurement ouurer la partie de derriere/ car il est faict pour ouurer legierement/ et loeuure et le miel oste on remettra le fons en son lieu. Et quāt les mousches apperceuront que ce lieu la sera vuyde elles yront toutes pour le remplir/ & puis sen retourneront toutes au lieu de deuant/ et ce scet len quant le lieu est vuyde.

De faire le miel et la cire.

Chapitre. C. v.

Le miel et la cire de loeuure des mousches est fait en telle maniere: auant que len espreigne loeuure et la cire on osterā ce qui sera corrompu/ & les mousches qui aurōt lignee/ car elles dōnerōient mauuaise saueur. Quant elles seront cassees on les mettra a vng vaisseau et les laissera len ainsi degoutter tout par soy doulcemēt ou on mettra aucun vaisseau de pois ou charge dessus/ & ce qui en degouttera sera tresbeau miel cru & puis on cypza le miel avec la cire/ sicomme il sera dit cy apres: mais avecq les mousches cassees et tuees on les faict en telle maniere/ on prendra au mois de Septēbre les vieilz vais-

seul qui a son precedent nont point fait de lignee / et les mettra len sur fumee et flamme de paille vng peu affin que les mousches sen fuyent enhault et bruslent leurs gesses / et puis retournera len le couuercle du vaisseau sur terre a vne doloire / et trenchera len les bastons quilz ont au vaisseau / et cassera les mousches le miel et la cire / et puis on retournera le vaisseau et le couurera le / et tout couuert on lostera et le mettra len sur vne planche dauçû boyz tresnet / et avec celle doloire on fera descendre le miel et la cire en vng bon vaisseau et fort / et puis lespraindra len p vne maniere despraindre aucune chose de forslens ou entre fors aiz mis en deux estraignans / lyez en la teste dauçû ou en aucune conche mise par dessus vng aiz et bon pois et pesant par dessus celle estraincture ou entre deux bastons que deux hommes tiendront / et le tiers tiendra et estraindra bien fort la partie de dessus / la cachette et ce qui en yst est miel cru / et qui doublera plusieurs fois la cachette / le miel en sera mieulx espraint / et puis ce qui sera demeure en la casque sera mis en la chaudiere sur feu lent et leschauffera len a petite chafeur et tiendra len la main tousiours au vaisseau et ouurera et espandra len la cire et la fera len delyee et mesnue iusques a tât que le miel sera fondu entierement et non pas la cire. Et quât le miel par sa chaleur comencera vng petit a poindre / on mettra tout en casque et lespraindra len comme iay dit. Et ny a pas grant dommage se on ne lespraint trop fort et que aucun miel demeure mesle avecques la cire / car la cire vault mieulx que le miel / et ce q en degousterá est appelle miel cuyt / et doit estre mis en vaisselets ouuers par auçû pou de iours. Apres on le purgera par dessus / et quant il sera bien refroidy de sa chafeur ce sera plus noble miel que celluy qui est auât la seconde expression legierement faite. La cire qui demourra en la casche apres le decours du miel sil y a mousches ou non sera

mise en vng bassin uect ou il y aura de leaue tant ou plus que la cire en sera tenue au feu et y demourra iusques a tant quelle soit fondue en la mouuant tousiours dung baston / et la mettra len grosse dedans la chaise / et lespraindra len fortement affin qlle chee en vng seau ou en vng bassin ou il y ait eue et demeure la iusques a tant que elle soit tresbiê cõgelee / et lors on la lauera et la nettoiera len de toute ordure qui est entre leaue et la cire / et la gardera len. Et se on la veult faire encore plus belle on la fondra encores sans eues et la mettra len en vng vaisseau vng peu moiste deaue de telle forme comme len vouldra / et gettera len tout ce q demourra en la casque et la lauera len en eue chaulde et la mettra len a la fumee et ainsi elle durera tresgrandement.

¶ De tout le prouffit des mousches a miel.

Chap. C. vi.

Ly a grât prouffit aux mousches se elles ont lieu cõuenable et on les maintient sagement / car dũg petit vaisseau on en fera plusieurs grans en peu de tẽps se elles ne sont empeschees de pestilence de temps / car elles faonnent vne fois ou deux lan / et en aucun an trois fois / et si gettẽt grant nombre et sont a petis despens et sans labour / combien quil y faille cure. Et quant elles seront parcreues on pourra vendre les vieilles de cinq ou de six ans qui auront laisse la faonne et en aura len grant pris. Car elles auront moult de cire / et pourra len garder les nouvelles. Les mousches font cire qui peult servir a dieu / aux roys et aux prelatz et a toutes personnes et iour et nuyct deuant dieu / et si vault grant argent. Elles font miel en grant quãtite q est chose moult prouffitable en viandes et en medicines plusieurs. Pour monstret le prouffit Barron racompte que deux cheualiers freres estoient en espaigne ausquelz leur pers laissa aucuns petiz domicilles et vng petit chãp comme dune iournee / si firent empres

leurs maisons Baisseaulx de mousches et
Vng iardin / et tout entour mistrent Baisseaulx
et remplirent tout le lieu et l'espace de la se-
mence / de thimus / et de citisus / et de asche.
Ceulx icy en partissant par egal nen rece-
uoient point moins de dix mille septiers de
myel tous frais payez.

C Et fine le neuuesme liure et
ensuyt le dixiesme.

Des oyseaulx de proye en general.
Chapitre premier.

Nos anciens
Peres et saiges considerans q
plusieurs oyseaulx volans par l'air pres-
noient les autres ilz trauaillerent par cau-
telles a appriuoiser aucuns oyseaulx sauua-
ges / affin que ce quilz ne pouoient prendre
par eulx ilz prissent par l'ayde des autres.
Le premier comme len dit fut le roy Dan-
cus q par l'ayde de dieu sceut la nature des
espreuiers / austours et faulcons / et les ap-
priuoiser et enseigner a la proye et guerir
leurs maladies / surquoy plusieurs autres
ont adiouste depuis.

Des espreuiers. Chapitre.ii.

Espreuier est Vng oyseau bien cō-
gneux est sa nature q'il vit de proye
et mange les autres oyseaulx / et
pource il va tousiours tout seul:
car il ne veult point auoir de compaignie a
sa proye. Il prent sa proye bas vers terre /
affin q les oyseaulx quil veult piller ne le
voyent. Les oyseaulx q'il guette pour prēdre /
naturellemēt le congnoissent / & si tost quilz
le voyent ilz pipent et sen vont mucer tant
comme ilz peuent. Cest oyseau est de grant
& forte vollee au commencement de son vol /
mais il volle lentement. Et pource sil ne
prend tātost sa proye il laisse tout et se assiet
sur Vng arbre / et est souuent si indigne que
a peine veult retourner a son maistre. Les

espreuiers sōt leurs nidz en hautes mōtat-
gnes sauuaiges cōme on trouue. Et les meil-
leurs sont comme len dit qui naissent en la
mōtagne de Brucque en Esclauōnie. Ilz
naissent bons comme lon dit es montz pres
de Veronne et Trident. De ceulx icy au-
cuns sont petiz que len appelle espreuiers /
& les autres sont grans que len appelle aul-
tours / & sont dung mesme genre / cōme sont
corbeaulx et gars / & le grant chien et le pe-
tit / & comme on voit en plusieurs bestes. Et
de ceulx icy les Vngs sont les plus grans et
sont les femelles / & sont bien fortz / & les au-
tres sont moindres & les appelle len mous-
chetz / et sont masles et de peu de prouffit.

De la beaulte des espreuiers / et de
la congnoissance de leur bonte.

Chapitre.iii.



Nō congnoist la beaulte des espre-
uiers quāt ilz sont grās & cours
& quilz ayent petites testes / les
espaules grosses & amples / les
iābes grosses / grās piedz & estēduz / la cou-
leur noire aux pēnes / et la bōte est q celluy
qui est extraict du nid & yssu nouuellement
est bon et reuiet Voluntiers a son maistre.
Et celluy qui sūyt sa mere de brāche en brā-
che est le meilleur et est appelle ramage. Et
celluy q a volle et prins depuis auant quil
ait mue ses penes en cruauste nest pas si
bon et est appelle sor. Mais celluy qui est
prins apres tel temps / a peine sera il ia vo-
luntiers en cōpaignie de gēs / & sil demeure
il est bon: car il a este acoustume a la proye /
et de tant comme il est plus courageux & de
meilleures meurs de tāt est il iuge a meil-
leur des maistres qui si congnoissent.

Cōment on nourrist les espreuiers
appriuoise et enseigne / & quelz oy-
seaulx ilz prennent / et comment ilz
sont muez.

Chap.iiii.



Es espreuiers nyais & ramages sōt
nourriz de bōnes chairs doyseaulx
et leur donne len plusieurs fois le

iour a chascune heure Vng peu affin quilz
apment mieulx leur maistre. On leur peult
aussi donner oeufz cassez bien batuz et get-
tez en eue bouillant et bien tribouille au
doy / & ainsi faict on aux fors mais quat ilz
sont tresbien priuez on ne les paist que Vne
fois le iour apres tierce apres qlz ont acō-
ply leur digestion et non pas auant qui est
apperceu des maistres par la gorge buyde /
et se la viande nest descendue de la gorge ius-
ques a lendemaĩ autāt les laissera len sans
manger. On leur peult bien donner a man-
ger deux fois le iour seulement se la viande
leur est descendue / et toutefois que tu ver-
ras ce tu les pourras seurement paistre / se
ce nestoit que lendemain tu voulusses aller
Voller : car lors lespremier doit estre affame
affin quil prengne mieulx sa proye & retour-
ne plus tost a son maistre. On lappriuoise
bien de tenir longuement et souuent sur la
main / & p especial a laube du iour bien mas-
tin entre multitude de gens / et en noyse de
moulins et de feures & de telles noyses. Len
introduyt les nyais et les ramages : car les
autres sont ia introduytz en cruaulte / & les
introduyt len par telle maniere. On les pai-
stra a heure de nonne de bonnes viandes / &
au iour ensuyuant on les tiēdra en lieu tres-
obscur iusques a nonne / et on les prendra et
portera au lieu de chasse / et ne les laissera
len pas premieremēt aller aux rogaches ne
a telz oyseaulx ne a perdrix : car elles sont
trop fortes / et silz ne les pouoient prendre &
vaincre leur hardiesse en appetisseroit / et
pource on les laissera aller a cailles & estour-
neaulx / a merles & a telz oyseaulx. Et se on
veult quilz aillent prendre aucun plus fort
oyseau on en aura Vng & luy osterā len plus-
sieurs pēnes des aēles / & Vne personne mu-
cee en Vne fosse le tiēdra et le gettera au de-
uant de lespremier / & laissera len aller lespre-
mier a luy. Ilz prennent cailles / perdrix et
plusieurs autres oyseaulx / comme merles /
estourneaulx & mauuiz. Ilz se muent chas-

cun an : car en mars ou en aueil on les met
en Vne cage bien grande speciallement fai-
cte pour eulx / & la sont au soleil chault enco-
tre les murs qui ont regard au midy / et est
la mutation des plumes acomplie au com-
mencemēt daoust / & a plusieurs au mylieu /
& a aucuns a la fin / & aucuns ne lacomplis-
sent point : et a ce vault moult qui les paist
de bonnes chairs / par especial doyseaulx et
doeufz affin qlz soyēt bien gras. Car ilz se
muent tresbien. Aucuns dient q moult leur
vault la chair de lezardes / de tortues et de
telles bestes / & aucuns leur ostēt les pēnes
pour les faire venir nouvelles / toutefois
plusieurs en ont este deceuz.

**De lenseignemēt de lespremier &
de la maniere dappredre quil ne
laisse son maistre.**

Chapitre. V.

Le seigneur doit garder ql ne ble-
ce son espremier / & sil le voit cour-
rouce et ql ne se vueille tenir sur
main ne sur perche il se doit tou-
cher / applanier & leuer / toutefois ql pēdra
& cōsiderera a son pouoir les meurs & la vo-
lunte de loyseau & faire en tout sa Volunte /
& se paisse tousiours sur sa main / & ne luy cō-
tredie en rien : car lespremier est de desbai-
gneuse nature. Apres quant il vira Voller il
ne le doit point laisser aller trop loing pour
ce que quant il ne peult attaindre loyseau il
sen va par indignation et monte sur larbre
et ne veult retourner a son maistre. Le sei-
gneur ne doit point travailler son espremier
oultre mesure : car il ne doit pas desirer si
grant quatite de cailles ne autres oyseaulx
que son espremier en soit destruit ou cour-
rouce : mais quant il aura prins ceulx q son
espremier desire il doit estre content & luy dō-
ner a māger de sa proye affin quil sente que
sa proye luy a valu / & quil soit enflambe de
Voluntiers Voller.

**Des maladies de lespremier / & de
leurs cures.** Chap. Vi.



L aduient aucunesfois q̄ lespre-
uier sechauffe oultre sa nature
et sa cōplexion / et tant q̄l en est
en fieure / & lors il est chaud au
tast & appert triste / & aduient aucunesfois de
leurs seulz esperitz enflambez de trop grāt
labeur ou dautre accident / aucunesfois de
humeurs pourries en aucune partie de leur
corps . Et lors sil est maigre on le paistra
vng peu & souuent de chair de pouletz ou de
petitz oyseaulx / mais bon est de le faire ab-
stenir de moynaulx : Car ilz sont trop
chaux en cōplexion / et luy doit on donner
ces chairs enuelopees en choses naturelles
mēt froides / cōme sont semēce de courges &
de cucumeres broyees / ou mutillages de
psilium / & ces choses vng peu cuytes en sy-
rop violat ou en telles choses / & leur donne
len et les met on en lieux froids et obscurs
sur vne perche biē enuelopee de drappeaulx
linges bien mouillees en ius de froides her-
bes . Aucunesfois lepreuier est refroidy si q̄l
ne peult sa viande digerer / & est triste & cour-
rouce / & est froid au tast / & luy paist la cou-
leur des yeulx / et est descouloure . Et adonc
quāt le maistre aura veu et congneu en luy
les choses dessusdictes il le doit tenir en lieu
chaud & le porter souefuement en sa main /
& aucunesfois quil lenuoe vng peu voler /
et apres il luy doit donner a manger chairs
doyseaulx / et par especial de moynaulx et
de pouletz masles & de pigeons mis avec au-
cunes choses chaudes comme en vin ou en
eaeue ou il y ait saulge / mente ou mariolai-
ne / poulieul ou telles herbes / et soyēt enue-
lopees en miel ou en pouldre de commin / de
fenoil & davis / & quon ne luy donne rien ius-
ques a tant que la viande luy soit descēdue
de la gorge / & sil est maigre quon luy dōne
plus a manger & souuēt / & sil est gras quon
luy en dōne moins & plus tard / & en chascu-
ne de ces maladies on le doit paistre attrē-
peement iusques a tant quil soit guery / & sil
ne digere pas bien sa viande & quil la retiē

ne du tout les maistres eppers diēt quon
prenne cueur dune rane & quon le lye a vng
fil & leur bote len en la gueulle a vne pen-
ne et puis quon tire le fil et ainsi il mettra
hors sa viande . Aucunesfois il aduient q̄l
ont poulx / & lors on oingdra la pēche ou le
drap ou elle sera enuelopee de ius de morelle
ou de alupne & le laissera len ainsi du matin
iusques a tierce du soieit . Il leur aduient au-
cunesfois quilz ont vers dedans le corps / et
lors on leur doit donner sur leurs viandes
ius de fueilles de peschiers ou pouldre de
santonius et il sera guery . Et aucunesfois
ilz sont malades de gouttes es articles des
aesses et de la cuyse / et lors on doit oster de
son sang en ouurant vng petit la veine qui
est dessoubz laesse ou dessoubz la cuyse sil y
a mal . Il eschet aucunesfois quilz sont po-
dagres qui leur vient de la descendue des
humeurs goutte a goutte es neuz des piedz
et lors on les guerist en oignāt les piedz du
lait dune herbe que len appelle laicterolle
et en oignāt vng drap linge que len mettra
sur la perche la ou len le perchera iusques a
tant que la podagre sera rompue / & lors on
ostera le drap & ostera len la podagre de suif
iusques a tant quil soit guery .

Des austours.

Chap. vii.



Austours sont de la nature aux
espreuiers / cōme iay dit espre-
uiers . On cōgnoist leur beaulte
& leur bōte cōme des espreuiers
& naissent en mōtaignes & en forestz / & sont
appriuoisees / nourries & enseignees / & prennent
perdre / faisans & plusieurs telz oyseaulx / &
prenēt mallars & canes / oyseaux sauages / cor-
neilles & presq̄ tous oyseaulx dōt on vse / et
cōmins & lieures petiz & grās / iacoit ce q̄l ne
les puisse retenir que a la pēde des chiēs . Ilz
fierēt aussi les petiz cheureaulx et les em-
peschent / si que les chiens les puissent pren-
dre . Ilz sont muez comme les espreuiers
ainsi nourris et gardez / mais toutesfois ilz
sont de plus forte nature / et si ne sont pas si

legierement malades ne si tost mors / et si ny fault pas tant de peine comme aux espreuiers / et si ne laissent pas si tost ne si legierement leurs maistres.

Des faulcons. Chap. viii.



Eulcon est ung oyseau qui vit de proye et sen va tout seul a la proye pour la cause dessusdicte de lespreuier. Cest oyseau volle merueilleusement tost au commencement / au mylieu et a la fin / et sen monte en hault en roant et regardant tout aual / et ou il voit le mallart / la canne ou loyson ou grue il se descend come la sapette les aelles closes a loyseau tout droit pour le deströpre a longle de derriere / et sil fault a le toucher et il fuyt il volle apres / et souuent quant loyseau sen fuyt si loing quil ne le peult prendre il se courrouce si fort et comme tout enflambe volle apres si loing quil pert son maistre. Cest oyseau est de tresgrat courage et de noble lignage. Les faulcons vindrent premierement des montaignes de Belboe qui sont es parties de Babilone / et de la vindrent en Esclauonnie au pal nud. Apres ilz se sont esendus en aucunes autres montaignes ou ilz sont trouuez.

De la diuersite des faulcons.

Chpitre. ix.



Muns faulcons sont gras et les appelle len en francois par droit nom faulcons. Et les autres sont petis que len appelle esmeillons. Des grans les vngs sont noirs les autres blancz en regard et les autres sont rouges et viennent de lung a lautre: cest assauoir quant le masle de lung pert sa compaignie et il va a ung autre tous les faulcons sont femelles / et le tiers est le masle / pource lappelle len tierfor et en francois tierselet pource qlz naissent trois ensemble en une npee deux femelles et ung masle et est le masle de moindre vertu et force que les femelles.

De la beaulte et noblesse des faulcons.

Chapitre. x.

La beaulte et noblesse des faulcons est quilz ont la teste ronde et le sommet de la teste plain et le bec court et gros / les espaulles amples / et les penes des aelles subtiles / les cuysses longues et les iambes courtes et grosses / les piedz noirs / grans et estebuz / et le faulcon qui est de tel commencement est bon / combien que aucuns sont laids et difformes qui sont tresbons: et pource la bonte et la hardiesse des faulcons est seulement mostree et congneue par experience / et toutesfois la science du maistre sage et subtil leur croist gradement leur desir de prendre les oyseaulx. Et au contraire lignorance des maistres les rappelle souuent du bon propos quilz ont.

Comment faulcons sont nourris / appriuoisez et enseignez.

Chapitre. xi.



Ne doit pas tenir les faulcons sur bois / mais sur une robe pierre vng peu longue / car ilz sen delectent plus de leur propre nature et de leur propre coustume. Ceulx qui sont petitx doyuent estre nourris de chair de poullietz ou de cheureaulx / par especial quant ilz commenceront a prendre oyseaulx on leur donnera de la premiere proye qlz prendront tant come il leur plaira de la seconde ou de la tierce: car ilz prendront plus volentiers oyseaulx et en obeyront mieulx a leurs maistres / et deslores on les restraindra par telle maniere. Quant on voudra qlz prennent oyseaulx on escorcheradune geline et en fera len quatre pars et les leur donera len mouille en leue / et les mettra len en lieu obscur iusques a laube du iour / et puis on le chauffera au feu et le portera len voler seulement tant come ilz voudront et desireront aller ardemment a la proye et non plus affin quilz ne se ennuyent: car ainsi demourront ilz avec leurs maistres en quelque part qlz aillent. Quant tu trouueras ton faulcon hardy et de grant desir de voler aux oyseaulx tu considereras diligement son estat sil est gras ou mesgre / et en tel

estat tu le maintiendras: Car aucuns faulcons se portent mieulx quant ilz sont gras. Les autres plusieurs et presque tous en lestat moyen / & les autres cōbien q̄l en est peu quāt ilz sōt plus maisgres se portēt mieulx / & ceulx icy sont rouges cōmunement. Quāt on les enuoye premierement aux oyseaulx on cōmēcera a les enuoyer aux moindres / & puis aux moyens / & puis aux plus grās: car ainsi en apprendront et nourriront leur hardiesse / & autrement ilz la perdroyēt. Len dit que on leur donne hardiesse se on les tiēt souuent sur la main / & on leur donne a heure de tierce vne cuyssse de poule / & puis q̄ on leur mette deuant eulx vng bassin plein deaue ou ilz se puissēt baigner / & puis apres ce q̄lz serōt baignez que on les mette au soleil pour seicher / & puis que on les mette en aucun lieu obscur et les y laissera len iusq̄s a vespres / & puis q̄ on les tiēne sur la main iusques au premier somme / & quon tiēne la lumiere dune lanterne ou dune chādelle deuant luy toute nuict / & quant viendra lheure matinalle on larrouera de vin & le tiendra len au feu / et a laube du iour on le portera volier. Et sil prēt aucun oyseau on luy en dōnera a manger tant cōme il voudra / et sil ne prent riens on luy dōnera vne aesse et demy cuyssse de geline et le mettra len en lieu obscur. Quant viendra en my feurier on mettra le faulcon en mue & luy dōnera len a manger de toutes chairs iusques a vng mays & puis on mettra deuant luy vng bassin deaue: mais on luy dōnera premieremēt a manger / et qui verra q̄l ne mue point on oingdra la chair q̄ on luy donnera daucune chose cuycte et de miel. Et se encore il nest mue on prendra vne rane & de ceste rane on fera de la pouldre et mettra len sur sa chair & il muera / & doit on bien garder que on ne lose de la mue auāt q̄l ait toutes ses pēnes acomplies. Et quant il sera oste de la mue on ne le mettra point a la chaleur: mais le plus on le tiendra sur la main et le fera len

volier / et puis apres quinze iours il prent mallartz & aguette / grues / hayrōs & moult de telz oyseaulx: mais on dit que sil mange le sang des angirons il pert tout son desir de prendre grues / & sil en mange seulement la chair sans le sang len pense quil nen auroit ia le vice.

C Des maladies q̄ aduiēnent aux faulcons. Chap. vii.

C Dutes maladies viēnt aux faulcons cōme nous auons dit de lespremier / & les congnoist on a tel signe & les guerist len par telle maniere: Car tous les oyseaulx de proye sont presque tous dune nature / & pource nen vueil point traicter: mais toutesfois nous deuons scauoir q̄ les faulcons sont de plus forte nature q̄ les espreuiers & ne meurēt pas si legieremēt ne ne sont pas si tost malades silz ne mangent auant que la viāde soit descendue du gosier. Aucuns faulconniers racōptent plusieurs manieres de gouuerner faulcons & diēt que autres maladies leur viēnent & leur cōuiēt autres cures desquelles par aduētūre aucunes sont vrayes & esproouees par plusieurs experiences: mais plusieurs choses q̄lz diēt nont point de raison & sont plus apparees q̄ existens / & pource se aucune chose fault icy les sages luy mettront.

C Des esmerillons. Chap. viii.

L Es esmerillons sont du lignage et nature des faulcons et sont ainsi comme petiz faulconnetz comme il appert par la forme du corps et de la couleur des plumes / et loccupation que on y met est plus de plaisir que de prouffit. Ilz prennent alouettes et les poursuyuent par si grant ardeur et de si grant courage que souuent ilz les suyuent dedans les villes et iusques au feu ardent / ou en vng puy / ou soubz les manteaulx des gens / et ilz prennent moineaulx et autres petiz oyseaulx. Je ne veulx plus dire de leur doctrine et cure: car on en peult assez scauoir par ce que dit est.

Des gerfaulx. Chap. viii.

Gerfaulx est vng oyseau plus grant que le faulcon / et est de grant vertu et de grant puissance et de merueilleuse hardiesse et tât que on en a trouue aucuns de si hardy esperit quilz assaillent laigle. Ilz prennent plusieurs oyseaulx de quelconque grandeur quilz soyent / et sont presque de la nature des faulcons / et pource la doctrine des faulcons suffist pour nourrir et enseigner gerfaulx.

De laigle. Chapitre. xv.

Laigle est aussi oyseau de prope qui pour sa force et hardiesse est appelle le roy des oyseaulx: car tous les oyseaulx le doubtent & il nen doubte point. Ilz sont de diuerses especes daigles / car les vngs sont tresgrans / les autres moyens & les autres petitiz / & encorres les vngs sont plus nobles et ne beulent mager q̄ volaille & autres bestes q̄ viennent de terre / & les autres sont q̄ forlignēt / et sont non nobles / et mangent chairs non seulement viues: mais mortes et poissons mors & descendēt sus charongnes dasnes et dautres bestes / et ceulx cy se declinent a la nature et vilite descoufles. Les aigles sont appriuoisees quant ilz sont traitz petitiz hors du nid: Mais ce nest pas chose seure de vouloir appriuoiser ceulx q̄ ont este longuemēt en leur sauuagine: car legierement par leur force & hardiesse elles bleceroyent leur maistre au visage ou ailleurs. On les appriuoise pour querir tous grans oyseaulx / et affin quilz prennent lieures / connins et cheureulx avec layde des chiens / & ceulx q̄ portent laigle chasser doiuent estre fors. Car autremēt ilz ne pourroient soustenir le faix / & tâtost q̄l voit q̄ les chiens ont trouue la prope il doit laisser aller laigle bien enseigne & bien acoustume: car il voltera tousiours dessus les chiens / & si tost q̄ verra le lieure ou la beste il descēdra soubdainemēt & la prendra. On le peult nourrir de toutes manieres de chairs /

et ne sont pas de legier malades: mais quāt ilz auront prins le lieure on les en paistra par plusieurs fois affin q̄ ilz le poursuivent par plusieurs fois apres. Qui scaura le nid de laigle si prenne vng ieune poulet et soit bien arme pour paour de laigle principallemēt par la teste. Et quāt il aura prins ledit poulet il sen vira le lye en aucun autre lieu ce poulet si criera la. Lors le pere et la mere viendront et luy apporteront lieures & connins sil y en a nulz au pays / & gelines et oysons / lesquelz on pourra prēdre & auoir q̄ voudra ilz apportēt aucunes fois chatz & autres bestes. Et aduint vne fois au destroit de mustine que ilz porterēt a leurs pouletz vne geline avec aucuns poulcins mussez entre les plumes de leur mere qui furent prins sans blecer et apportez et nourris en la ville.

Du guue et de la guette.**Chapitre. xvi.**

Le guue et la guette sont de vne mesme nature / et sont oyseaulx mieulx volans de nuyt q̄ de iour: car ilz voyent mieulx de nuict que de iour pource quilz sont laidz et difformes / et sont peu dautres oyseaulx. Les autres oyseaulx s'esmerueillent a les veoir pource q̄ toutes choses voyēt voluntiers choses nouvelles. Les homes donc voyās que les autres oyseaulx volloyent tard entour le guue / et la guette par grant melencolie si pourpenserēt de faire engins pour prēdre les oyseaulx qui voluntiers voyēt le guue & la guette / si aduiserēt de prendre le guue et la guette et les nourrir non pas q̄ ces oyseaulx prennent les autres: mais q̄ par iceulx les homes prennent a la glux ou au raiz / les autres oyseaulx qui les viennent veoir. Ilz viennent de toutes manieres de chairs / & par especial de souris / de ratz & de chauues souris. Et quāt ilz auront bien mange a suffisance ilz ieusneront trois ou quatre iours / et le guue ieusne bien huit iours sans manger et sans grief. La femelle vault mieulx que

le masle cōme il est dit des autres oyseaulx de proye. La guvette se tient mieulx en aucun coulombier ou en vng tel lieu que ailleurs / et se elle est tresbien approuisee elle prendra tresbien les rats & les souris qui seront en l'hostel / ilz mangeussent laizardes & raines et toutes choses qui ont chair.

Comment les oyseaulx sont prins aux rethz.

Chapitre .vii.

Les oyseaulx sont prins aux rethz en plusieurs manieres. L'une maniere si est a la pāthiere / cōme sont les cannes / et la maniere si est que empres vng palus on face vne fosse lōgue de vngt piedz ou de quinze bras & large de dix ou de douze ou tout plus. grande se len veult et cauee tant quil y ait deaue cōme vng espan & soit a deux testes longue & ague / & en vng anglet ait vne fosse / et en lautre vng pieu long & vne caselle ou vne maisonnette et entour la fosse de toutes pars ait espaces pleines si grans cōme le large des rethz / et puis on fera tout entour hayes q̄ les loups ou les regnards ou autres bestes ny puissent entrer ne les oyseaulx estans au lieu ne sen puissent fuyr. En celle dicte fosse aura entour douze ou seize annettes priuees et leur gettera len milique en bonne quantite en leaue pour les priuees et pour les sauvages / et soyēt les priuees sēblables aux sauvages. Entour la fosse pres des rethz serōt fichez pieux de quatre perches q̄ esleueront les rethz / et les pieux des dessusdictes perches serōt fichez entre les espaces dessusdictes / & sur celle corde des petis pieux seront cueilliz toz les rethz & aussi tous les bastōs qui eslieuēt les rethz serōt tresbien couuers & ait deux grans rethz a chascune teste conioinctz cōme les rethz de arolus que aucuns appellent couuerture : car quāt on les eslieue ilz se ioignent ensemble enhault comme la couuerture dune maison. Et la maniere de les leuer est q̄ empres la cuspelle ait vne

longue fourche avec vne perche et au menu bout ait vne corde ioincte & au gros bout ait vne grant huche forte pleine de terre & dautre chose fort pesant laquelle quāt on vouldra a la maniere de vne bricole leuera les rethz. La courront grandes multitudes de anettes / de nuyct quant elles orront les priuees cryer / & quant il y en aura assez de descendues tu leueras les rethz / & a vne perche tu frapperas doulcemēt les rethz et toutes les sauvages sen pront bouter au bout des rethz q̄ sont sur ledit fosse estēduz / & les priuees demourrōt en la panthiere / & apres tu ouureras la teste du lieu ou ilz entreront et legieremēt aux dentz tu occiras ces anettes par la teste / si q̄ en vne heure on en prendra biē aucunesfois vng millier. Il y a vng autre engin pour prēdre grues / cygnes / cānes et oyes & telz oyseaulx / & est tel. Len fichera es riuies des fleuves vng arbre de chascune part treshault ou deux lyez ensemble pour estre plus hault / & y aura cheuillettes pour monter / & au sommet aura vne poulie ou la corde des rethz sera mise / de laquelle la longueur sera selon le large du fleuve et la distance des arbres / & la largeur sera q̄ quant elle sera haulte esleuee elle prēdra iusques au mylieu des arbres / & apres il y aura hōmes qui viendront par la glaie du fleuve de loing et chasseront tous les oyseaulx q̄lz trouueront / & quant ilz vollerōt ilz ne se départiront point de la splendeur de leaue iusques a tant q̄lz cherrōt es rethz. Et lors on declinera ces rethz a toutes ces cordes / et alors les oyseaulx serōt prins. Ceste maniere icy na point de lieu fors quant le temps est trouble et lair si est obscur : car autrement les oyseaulx sen fuyroyēt & volloyēt hors de leaue. Il y a vng autre engin parquoy principalement sont prinses les oyes et les cannes qui est tel. Au temps dpuer quant il a gele / & aux chāps des bledz na q̄ pouldre len tend sur le bled en vne fosse vne longue rethz de quarante bras ou environ et large

de quatre bras apres tierce se on les veult prendre au Vesprie/ou au soir se on les veult prendre au matin. Ceste rethz est semblable a Vne paroy. Mais elle est disposee affin q par soy elle se eslieue Violentement. Car Vng hōme ne la pourroit leuer / et quant toutes les rethz seront fermees en terre elle sera cueillie tout sur la corde. Car elle cōme les estaiges braces & la corde trapanz sera tresbien couuerte de herbes ou de pouldre / & aura en Vne fosse Vng peu loing Vng lieu couuert ou Vng homme sera mis qui leuera les rethz / et au lieu des rethz ait deux ou trois oyres priuees seblables aux sauuages lpez a deux petis pieux & aussi deux escorchees q bouldra affin que les sauuages y viennent plus seurement / & quant les sauuages serōt departies en aucunes parties du champ le compaignon mussé yra de la partie cōtraite Vng chappeau en sa teste tenant Vne houe ou autre chose en sa main / et parlera en disant aucunes choses et fera semblant de labourer: car autrement elles sen fuyroient / & ainsi cautelement et sagement il les menera vers le lieu des rethz. Cey est legier a faire en quelconque grant champ q le scet cautelement faire / et quant len verra que elles seront es rethz par le len seurement & die len a son cōpaignon que il tire la rethz. Mais pource que cest oyseau est trescault et malicieux len se doit garder q len naille au lieu des rethz: car elles apperceuroient tantost que les piedz des gens auroient foule la roussee ou la bruyne et sen fuyroient. Quant len tend au soir len mettra aucune chose sur les pas et les laissera len toute nuyct affin quelles nappercoient les pas / mais quāt len bouldra prendre au soir celle cautelle nest point necessaire. Plusieurs ne gardent point ceste cautelle aussi en prennent moins et plus a tard et ne prennent que les ieunes & non pas les Vieilles. Il y a Vng autre engin a prendre les cannes empres les eaues ou il y a sablon et est Vne telle rethz comune

ia y dit: mais elle est petite et plus espesse et la tend on en telle maniere et la couure len de sablon & y a Vng lieu pour la guette faict daucunes choses / et puis est couuert de sablon et y a Vng petit trou par ou ladicte guette peult veoir et se garde q par ce trou il ne face ne bēt ne alaine / & la ne sont point necessaires stellions: mais par tout luyet on y mettra milique et Vinaces pour acoustumer les oyseaulx a venir au lieu / et quant ilz y serōt acoustumez on y tendra les rethz & pourra on tresbien garder le lieu & la boye de lentrete longue cauee & la couvrir de branches et de sablon par dessus. Ceste rethz ou semblables ou plus espesses peuēt estre tresbien tēduz en aires ou en aucuns lieux pour prendre coulombs / perdrix / corbeaulx / pies et telz petis oyseaulx q viuent de grains et les pourra len acoustumer a y venir pour y mettre grains & viandes / & quant ilz aurōt acoustume de y venir on pourra tendre la rethz & la couvrir de pouldre ou de paille / & peult estre faict cest engin en tēps de neige et en tous autres temps bōne viande sera / febues / bled / orge et telles choses. En telle maniere en pourra len prendre en tēps deeste quant le temps est sec se len tend la rethz empres les eaues. Il y a Vng autre engin ou on prēt coulombs / tourterelles et toutes manieres de oyseaulx de proye. La maniere est telle. En deux rethz assez longs & larges chascun le scet et les appelle len penneaulx / et les peult on tendre en prez / en chāps et empres boyes / & les tend on long lung de lautre selon la longueur des deux rethz ensēble / & a en chascune deux bastons qui les eslieuent quant on tire la corde. Et sil y a Vne corde q loyselleur tient laquelle est attachee a Vne autre corde qui est iointe aux costez des rethz par les deux boutz / et quant on lasche la corde les rethz viennent lune cōtre lautre en assemblant & couurant la terre q estoit buide entre les deux rethz / et lautre partie des deux rethz ne se bouge

de sa place pource que il est attache a pieux fichez en terre si ne faict que soy tourner. Et en la place vuidie a oyseaulx liez p les piedz qui volent / et quant les autres oyseaulx viendront la on traitra la corde / & les prendra on. Il y a vne autre maniere de rethz ou on prent plusieurs manieres d'oyseaulx par especial quant il a neige / et l'appelle les arolus qui est de deux rethz non pas moult grandes: mais fortes & espesses & sont cōiointes en teste / & sont fichees en terre & y a distance es parties moyēnes et ont quatre cours bastons dont elles sont esleuees enhant quant la corde est tiree & ne se fleschissent poit vers terre: mais demeurent esleuees et tresbien cōiointes ensemble avec les rethz par dessus en maniere de couuerture de maison. Ceste rethz avec tous ces bastons & ces cordes seront tresbien couuers de feurre / et a l'espace du mylieu aura du grain ou de la viande q les oyseaulx ayment et que len pense q soit agreable pour les faire venir / quant loyselleur y verra grant multitude d'oyseaulx il entrera en vne petite maisonnette close qui deura estre pres de la & tirera la corde soudainement & l'attachera bien fort a vng pieu de la maison et prendra les oyseaulx. Aussi prent on tous oyseaulx qui descendent sus charongnes comme escouffles / aigles & autres se toute la charongne ou partie est au mylieu des rethz / & si y prêt on les regnars a y mettre vne geline de nuyct / & si sont autres engins q len appelle prignees et y prêt on faulcons & espreuiers qui y met des coulombs / & sont ces rethz si tresdeliees que on ne les voit point en l'air / et sont attachees a deux perches aux lieux par ou les oyseaulx ont acoustume de passer et encoste mect on le coulomb. Ilz sont deux manieres de prignees. Car l'une est simple et si deliement ourdie que quant on la touche elle chet et enuelope loyseau. Il en est vne autre triple de trois choses composee dont la moyenne est espesse et grandement large / les deux de

dehors sont tresdeliees et tant estroictes que quant ilz sont esleuees pour prendre & attachees fort aux perches & estenduz la moyenne qui est molle & lasche & qui est esleuee sur la corde de dessus / & quant loyseau y chiet il vole oultre les deux deliees & est enuelope en la moyenne qui est molle lasche et espesse & pēd en elle cōme en vng sac. Ilz sont vnes autres rethz a quoy len prêt les perdrix qui sont longues et estroictes au mylieu et ont vne queue loque en maniere de sac / en ceste maniere loyselleur q chasse de iour porte deuant soy vng drap rouge a bergette formee en maniere descu et sen vorse par le champ regardant par deux troux et querant des perdrix / & quant il les a trouuees il tēd ces rethz a l'entour delles et les fiche a pieux a vne corde attachee a la corde des rethz / & est la queue des rethz ouuerte a cercle & sen va en tenant tousiours deuant soy son escu vers les perdrix & les boute tout doucement petit a petit en la queue des rethz et non pas seulement de paour / mais des piedz mesmes se il en est mestier. Et qui veult chasser de nuyct il quiert le lieu au soir ou elles demeurent de nuict / et quant la nuict obscure sera venue il retournera a ce lieu de nuyct portant du feu & est le feu en vng vaisseau ainsi ferme que l'homme nest point veu / et si voit clement entour soy toutes les espaces et sen va par vne rape de charrue et sen retourne par lautre au lieu ou il auoit laisse les perdrix au soir / et quant il les aura veues il les couurera de rethz que il aura ouuertes au bout de la perche formee a la maniere appartenant a ce faict ou sil a les rethz deuant dictes il les peult tendre entour elles et les bouter dedās & les prendre toutes. Il y a vne autre rethz q est appelee epegatoire / & est assez grāt parquoy on prêt perdrix / cailles faisans et autres oyseaulx a layde de petitiz chiens q les quierent / & quant ilz les ont trouuees ilz sarrestēt & ne vont point a elles qui ne les enchasse: mais regardēt leur maistre

Benant derriere et remuent la queue telles
mēt que leur maistre apperçoit bien que les
oyseaulx sont deuant eulx Vng petit / et lors
luy et son compaignon / tirēt les retz et cou-
urent les oyseaulx et les chiens / et ainsi les
prēnēt. Il y a Vne autre petite retz au bout
dune perche appareillie si quelle est ouuer-
te dont Vng homme seul vse et en couure les
oyseaulx que le chien a trouuez cōme il est
dit deuant. Et de ceste retz vse len a prēdre
cailles a Vng court caillet / de qui le son est
semblable en toutes choses a la Voix de la
femelle / et quant le masle loyt il y vient for-
ment courant / et ainsi il gette la retz dessus
et les couure et les prent.

Comment on prent les oyseaulx
aux las. Chapitre. xviii.



On faict Vng las pour prēdre le-
gierement oyseaulx de proye en
telle maniere. Len fichera Vng
fort archet au lieu pres ou habi-
tent ces oyseaulx ou par ilz passent et sera
fiche aux deux boutz tresbien ploye empres
lequel dune part sera fichee Vne Bergette /
en laquelle sera attachee Vne souris par la
queue dedans la fente ou Vne piece de chair
morte lpee ou Vne rayne / et de lautre partie
celle perche sera boutee en terre et aura au
bout Vng las et Vne petite corde avec Vng
stechet duquel la perche ployee fermera a lar-
chet a la petite trēche qui est faicte en la te-
ste de la Berge qui tient la souris. Et quant
loyseau touchera a la souris pour lenporter
la perche se deslvera de larchet et se leuera
enhault avec loyseau qui sera prins par les
piedz. Len faict aussi plusieurs las de queue
de cheual tius a Vne corde de ce mesme poil
qui sont tēduz es fosses de froment / es rupe-
res ou dautres bledz / atachez a Vne corde
esleuee de terre selō la haultesse de loyseau /
et pendre ces las Vng peu en declinant et se-
ront ouuers si que loyseau passant puisse
mettre la teste dedans et se prennent par le
col. Et en ceste maniere sont prinses perdrix

cailles et faisans aux sentes des boys. Et oy-
seaulx des riuieres empres les cānes ou les
las sont tenduz et coulombs et autres oy-
seaulx qui les tend pres de leur nyd / et en
febues et en faseolles prent on bien coulōbs
et tourterelles a petiz las q on appelle scal-
les. La maniere de ce las est que es boutz
dun petit baston de la longueur dun pied
seront fichees deux deliees Bergettes du
hault dun espan et au mylieu sera fichee
Vne espine de deux ou de trois doibz de
hault longue / celle scalliete sera appropriee
a la rive dune riuere ou il y aura Vne fossē
te tellement que l'espine gise en terre en la
fosse et les Bergettes soyent dessus esleuees
encoste / et la sera mis Vng las fiche a Vng
petit pieu fiche en terre qui legierement ou-
uert soit oste des Bergettes / et en l'espine on
fichera Vne febue molle ou Vng faseol seule-
ment Vng grain q loyseau prendra au bec /
et quant il leuera la teste il traitra le las sur
son col et sera ployee la scalliete avec les Ber-
gettes / et quāt il sentira il aura paour et le-
uera la teste et se prendra par le col.

Comment on prent les oyseaulx a
la glux. Chapitre. xix.



Les oyseaulx sont prins a la glux
en moult de manieres. On glue
deliees Berges de ioncs ou de oul-
mes et soyent de telle quātite cōme les oyse-
aulx le requērent q on veult prendre. Et doit
on attrēper la glux en telle maniere. On la
lauera en leau attrēpeemēt chaulde et la re-
muera len aux mains bien mouillees en la
nettoyāt dordures / et puis on y mettra Vng
peu dhuyple doliue quelle ne soit trop dure /
et puis on y euelopera Bergettes si ql en des-
meure la tierce partie sans gluer pour tenir
aux mains / et se le tēps est si froit q la glux
soit gelee on la trēpera a huyple de noir et en
soyēt les Berges gluees et les attachera len
doulcemēt a grās perches q seront lpees a
raiceaulx darbres vers / p especial de chesne
Du a ces pches on atachera Berges lōguet

tes ou tiēdront leurs petiz glands ou q̄ Voul-
dra len mettra & fichera len grans perches
dedans terre et au mylieu il y aura caiges
dosiers et oyseaulx dedans de diuerses ma-
nieres qui appelleront les autres & puis les
oyseaulx se asserront et seront gluez & cher-
ront a terre & le maistre les prēdra. ¶ Item
a grans Berges gluees on prent grans oy-
seaulx par especial corbeaulx et corneilles
par layde du guue ou de la guuette en telle
maniere. Aux lieux ou telz oyseaulx ont a-
coustume a estre ou a passer / len trenchera
aucun rainceau dung arbre qui sera loing
d'autres arbres: mais aucuns rainceaulx y
seront laissez sans fueilles ou aucunes per-
chettes seront mises par dessus / et la doulce-
ment serōt attachees aucunes grās Berget-
tes gluees et a terre len mettra Vng guuet
ou Vne guuette / cest a dire Vng chathuāt en
aucun lieu Vng petit apparant pour estre
mieulx veu des autres oyseaulx / et la les
oyseaulx volleront tout entour / et quāt ilz
seront trauallez ilz se asserront sur ces Ber-
gettes et senglueront et cherront a terre / et
loyselieur les tuera a Vne perche et non aux
mains quilz ne le blecent. ¶ Item len prēt
faulcons & espreuiers & oyseaulx de proye a
la gluy par telle maniere. Len fera deux ou
trois Berges en terre bien gluees Vng peu
loing l'une de l'autre et plantees l'une contre
l'autre / & au mylieu delle est lye Vng oyseau
comme Vne souris pour escouffles & autres
oyseaulx / et quāt ilz seront venus ilz se prē-
dront. Aussi prent on moineaulx et telz oy-
seaulx grās & petiz qui met Berges gluees
en lieu ou ilz ont acoustume de Venir ou a
manger. Aussi prent on a cordes gluees les
oyseaulx qui mangeuent les figues et rais-
fins et autres fructz des arbres au temps
q̄lz sont bōs. Aussi a longues cordes gluees
prēt on oyseaulx appelez estourneaulx / les
quelz volent a grant nōbre ensemble quāt
on en a Vng q̄ len tient lye en Vne corde en-
glue par le pied & puis le laisse lenaller aux

autres oyseaulx de riuieres p cordes gluees
que on met au soir en leaue ou les oyseaulx
seulēt repaier. Mais il fault q̄ la gluy soit
consite affin q̄lle se puisse garder de leaue.

Comment on prent les oyseaulx a
l'arbalestre et a l'arc et autres ma-
nieres. Chap. xx.

Chascun scet que len prent oyseaulx
auec arbalestres & arcz sur arbres /
sur maisōs / sur terre & en to^r lieux
mais il y a plusieurs cautelles que chascun
ne scet pas: Car l'archier ou l'arbalestrier
doit auoir saiettes doubles forchies en la
partie de deuant quant il Vouldra prendre
oyes ou autres grās oyseaulx par tout bien
agues quilz trenchent laesse ou le col que el-
les toucherōt / car la seule perceure commu-
ne de la saiette ne bleceroit pas tant loysel
que il demourast la: mais sen yroit perce et
blece combien q̄ par aduenture elle en mour-
roit ailleurs en la fin. Et si doit prēdre son
regard a lune non pas a l'aduenture: mais
singulierement a celle qui sera entre deux
ou de plus. Apres qui Veult traire aux cou-
lombs ou a autres oyseaulx sur arbres / il
doit auoir materas gros en la teste de de-
uant / et que ilz soyent dung mesme poix / et
quant il Vouldra traire il doit signer le lieu
au pied ou il est et noter le coulomb ou lau-
tre oyseau / et lors traire / et sil assene bien il
a son entente / et ainsi il pourra trouuer son
materas. Et se il notte ces deux lieux et il
fault & pert sa saiette il la trouuera bien par
en traire Vne autre de tel poix et du lieu ou
luy & loyseau estoypēt. Et doit tenir sa main
fenestre tresferme et auoir tresbonne arba-
lestre ou arc et droicte saiette dung pareil
poix. On peult aussi prendre oyseaulx par
autres manieres comme est au brail a Vne
guuette a quoy len prent petiz oyseaulx / et
chascun le scet. Et non pas tant seulement
les prent on a la guuette: mais a Vne teste
de chat: car les oyseaulx affupent & non seu-
lement au brail ou il y a deux Berges: mais

a Vne Berge engluée. Et non pas seulement sur les arbres vers: mais en quelcōque partie de la Voie ou du chāp/se loysel leur porte sur soy Vng legier instrument de Bergettes dont il se mussé. Et nest point de necessite que les oyseaulx soyent esueillés ne excitez de la seulle Voie de la fueille de l'arbre ou de la bouche comme len faict communément: car au son de la semēce de pauot enclose en sa selle ou en aucune autre chose semblable ilz peuēt estre excitez et appelez/ et de quelconque Voie estrāges ilz sont esueillés et sen esmerueillent. ¶ Item apres on les prêt au brail des Villains dōt vsent les Villains de noire nuyct et obscure. Ilz ont Vng brandon alumé q̄ lung deulx porte empres les hayes vertes ou les oyseaulx dorment/ et quāt les oyseaulx sont esueillés ilz viennent a la clarte du feu et puis ilz frappent des bastons dessus qui sont de perches courtes q̄ ont au bout comme pelles tiquées dosiers. Apres on prêt ieunes oyseaulx par especial les moynpaulx a Vne nasse ou brithoele qui est Vne cāne faicte de iōcs/ de laquelle ilz ne scauent retourner. Et pareillement on les prêt en troux et en collombiers a Vne mustelle appriuoisee que len laisse aller a Vng trou. On les prêt aussi a Vne plāche appareillée/ et par especial en temps de neige/ et sera ordonnée quelle cherra quant les oyseaulx serōt entrez dessous/ et la dessous aura conuenables grains pour manger. Et aussi aura des grains dehors semez par maniere de filletz pour les traire a la planche/ et si les prent on au scapel en balles ou les oyseaulx demeurent. Scapel est Vng instrument faict de deux arcs tresbien ployez et Vng peu alongez entre lesquels on met derriere Vng peu de fruit d'ung arbre appelle coque semblable en tout a cerises. Et quant ilz se veulent prendre ilz sestrangent par le col: mais la forme de cest engin et de plusieurs autres ne se peuēt pas clerelement mōstrer par les scripture cōme a loeil.

Item on les prêt en tēps de neiges a Vng engin appelle cubaculus q̄ est Vng istrumēt faict de Bergettes et caue dedans en la partie de derriere a Vng huyset agu q̄ gist en terre couuert de paille/ et s'eslieue a Vng lye fiche en terre/ et frappe par derriere loyseaul qui entre a la viande q̄ est dedās laquelle il ne peult prēdre par ailleurs pource quil est couuert de terre de toutes pars. Apres on prent le corbeau a Vng tresdelectable engin et la corneille aussi quant on en peult auoir Vne Viue: car on la ferme en terre en gisant a deux petis pieux cours lyez au commencement des aësles/ et elle crye fort et sefforce de sen voler/ et les autres prochaines courent pour luy ayder/ desquelles elle en prêt Vne au bec et es ongles si que on la peult aller prendre/ et ainsi faict on des pies comme len dit que les oyseaulx q̄ ont mange grain ou mil q̄ ait este trempé en lye de bon Vin et ius de segue et puis seiche ne peuvent voler apres et les peult on prendre a la main.

¶ De la prinse des bestes sauuages.
Et premierement comment on les prent aux mains.

Chapitre. xxi.

En prent par especial lieures aux chiens/ et est chose necessaire dauoir chiens pour les trouuer quon appelle brachetz q̄ de tāt sont meilleurs comme ilz ont plus subtile odeur/ et si sont necessaires grans chiens et legiers a la course et pour les apprendre a la chasse et les enseigner a leur office est de leur donner a manger de leur propre q̄lz ont prinse. Et premierement remēt cheureaulx et cerfs a layde des grāseth/ et si prennent regnards cōbien quilz soyent subtilz a la chasse/ et si prennent conins quant ilz sont loing des tanières/ et si en prent on sangliers et lous: mais cest a layde des Veneurs: car a peine y aseroiēt ilz aller tous seulz se ce nestoyent grans mastins tressfortz et hardis: mais a prendre les sangliers il conuiēt et est bon que le Veneur

ait Vng espieu de fer fort bien trenchant et crosse / lequel quant il voit ledit sanglier Venir de mauuais cueur a luy il fiche en terre fermement son espieu et adresse la poincte au sanglier / et quant ledit sanglier en est aucunement blece il ne peult approcher au Veneur / et puis les chiens lassaillent et le tuent. On prent aussi les cerfs quant ilz sont feruz dune saiette ou dunc espieu et ilz sen fuyent et Vng petit chien bien enseigne les suit par la voye du sang iusques a tant quil le treuve mort ou demy Vif. Et si prent on achiés les herissés & plusieurs autres bestes.

Comment on prent les bestes sauuaiges aux retz.

Chapitre. xxii.

On prent es rethz cerfs et regnards come iay dit dessus en parlant des rethz que on appelle arolus / et si prent on lieures et plusieurs autres bestes aussi silz y entrent.

Comment on les prent aux latz a la cage ou geole de fer.

Chapitre xxiii.



On prent aux latz aucunesfoies lyés / & si prêt on regnards & lieures quant ilz se boutent p aucuns ptuis en lieux clos / et cecy est en deux manieres. L'une ql y ait Vng latz cousté bien attache / & Vne perche ployee si forte qlle puisse esleuer hault la beste prinse par le col et la soustenir pēdue. L'autre q empres le latz il y ait Vng fort cheuestre estraignāt le col de la beste & lēpeschāt qlle ne rōge le las. Les regnards & les loups sont prins specialemēt en Vne geole de fer q entour soy a plusieurs aguillōs aguz & tout entour soy Vng ānel pres du lieu ou ilz sont attachez étour / auql y a Vne piece de chair atachee. Et sont toutes ces choses icy mucees en terre fors q la chair / & quant le loup tiendrà la chair aux dētz et la tirera lanneau esleuera les aguillōs entour la teste au col du loup q de tant quil traict plus fort a soy pour sen aller / de

tant sestrainct il plus et se retiēt. Il y a Vne autre cage parquoy len prent principallement loups & toutes autres bestes sauuaiges par les cusples et par les piedz qui sont mucees aux chemins qui sont de telle forme que on ne les pourroit bien descripre qui ne les verroit a loeil / et pource q les Vouldra scauoir les apprenne de ceulx qui en vsent comme iay voulu veoir.

Comment on les prent a fosses.

Chapitre. xxiiii.



En prêt a fosses p especial loups en telle maniere. On fait Vne fosse large comme Vng grāt puy si profonde quil nen puisse yssir. On couure dunc rond greil qui ne couure pas toute la fosse / mais presque toute. Soubz le greil au mylieu est lpee Vne stāge plus longue q le greil & ronde & au mylieu Vne ope lpee ou Vng aignel / & tout le lieu est couuert de paille. Lors le loup q vient & veult prendre la beste si chet de soy mesmes en la fosse avec le greil soubdainemēt reuerse. On prêt aussi en la fosse grant nombre de sangliers en telle maniere. En lieux ou sangliers repairent len seme en Vng petit champ de lamilique q aucuns appellent fagine / & entour le chāp on fait Vne forte haye lpee de lpeures darbres / et laisse len en Vne partie Vne entree ouuerte / & au cōtraire la haye est basse en coste / ēpres laqlle par dehors soit Vne fosse assez parfonde. Quant celle fagine sera meure moult de sangliers y viēdrōt par les lieux ouuers entrans. Et lors qui Vouldra Venir si viēne seuremēt au lieu / et mesmes sans armes et demeure au lieu de lenstree et crye tant quil pourra & les sangliers seront tous esbays et espaourez pource qlz ne trouuerōt par ou yssir fors par le lieu de la haye basse / sauldōt par la trestous en la fosse quilz ne pouoiēt veoir quant ilz estoient par dedans. Apres pour loups & regnards / pourceaulx / chiens et telles bestes qui gastēt les vignes on fera en telle maniere. On

foupra Vne fosse large de deux espas et longue de trois piedz ou de quatre / a parfonde entour de sept piedz ou huit / et bien meuree tout entour a Vng fons bien polz sur terre ferme ou empres bōs murs la ou ilz ont a coustume de passer / tout cecy sera couuert au trauers de grosses herbes seiches et puis apres la terre bien delpee / et se lherbe ne peult pas bien soustenir la terre on mettra soubz deux delpez bastons soy legierement brisans de trauers et lherbe au long qui se couche au mylieu / et qui ne laouldra faire si parfonde que on mette tout entour la fosse stanges ou petites assiettes estroictes ou il y ait attache dedans moult de cheuilles ou daguillons bien aguz les poinctes vers la fosse a Vng peu plopees vers le mylieu si q quant la beste encloseouldra yssir hors quelle frappe sa teste a ses yeulx encōtre les aguillons et tāt se bletera quil fauldra quelle se tienne en paiz a mourra la. Et se on la veult tātost tuer on fichera au fons aguillons bien trenchans les poinctes cōtre mont ou len y mettra de leaue tant quelle nen pourra yssir ne la longuement viure. Ceste fosse peult estre faicte en chascune boye parfonde seulement de quatre ou de cinq piedz a layde dune rebalche faicte de lyes dardres sur Vne longue stangette legiere mēt tournāt bien attachee a chascun bout a Vng crochet fort fiche en terre / auquel tourne icelle rebalche / a soit dung coste fermee loing de la fosse dūg demy pied / et lautre partie aux angles a au mylieu aura pierres pesantes adioustees. Ceste cy sera esleue cōme toute droicte du tout avec Vne fourchette dont la partie de deuant soit sur Vng baston court q soit au mylieu de la fosse de trauers sur Vng petit pieu de chascun bout qui soit fiche dedans la riue de la fosse en la partie de dessus / a mettra sur ce court bastō Vne petite vergette par le long de la fosse q soustiendra lherbe a la terre tant seulement a face cheoir le court bastō avec la fourchet

te et la rebalche. Ceste rebalche doit estre de iour sur la fosse que la personne passant ne chee dedans en allant. Se aucun chien / ou porc ou trupe chet dedans on le pourra extraire et mettre hors a Vne eschelle qui aura eschellons et degrez de ais.

¶ Dautres manieres dengins a prendre bestes sauuages.

Chapitre. xxxv.

Elephans sont pris par telle maniere / pource quilz nont pas genoulx ilz ne se peuent gesir / a pource quāt ilz veulent dormir ilz sappuyent cōtre Vng arbre et se reposent. Les veneurs trenchent les arbres mais non pas tout oultre mais tellemēt quilz se puissent encoires soustenir. Et quāt les elephāns se appuyent ilz cheent et les elephāns trebuschent / et puis apres les veneurs les tuent. Les ours sont prins par telle maniere. Vng homme arme darmes de fer a teste couuerte de toutes pars avecques Vng seul cousteau agu au coste senba en la forest ou en aucun autre lieu ou il trouue lours / a lors sen vient tantost a se adresse a lhomme arme a lembrasse / et lhomme arme lembrasse aussi et tout bellement tire son cousteau et le frappe tout droit au cueur et le tue. Les regnards sont prins en leurs caues en ceste maniere. Le veneur a Vng vaisseau de mousches quatre. Mais plus lōg a mois large / cestuy est clos a Vng bout a aucun peu de fil de fer / et de lautre coste il y a Vng huisset dedans de la partie denhaut garny a prepare si que par dedās il ne puisse estre esleue par dessus et ne puisse yssir dehors en descendant. Ce petit huisset esleue dessus demeure a Vne petite vergette. Cest instrument est mis en la fosse du regnard quant on scet par deuant quil y doit estre / et la partie de luyssset est mise en elle de la partie de la fosse par dedās / et les autres entrees de la fosse qui sont communes plusieurs sont tresbien closes et estoupees / et le regnard qui veult yssir entre

au fons du Baisseau qui ne se doubte en aucune maniere quil doque estre empesche des delpey filz / et pource il traict a soy la Bergette & l'hyus qui chet lencloft / & quant elle sen retourne elle le clost encoires plus fort et le ferme / & le Veneur toutes foyz quil vient sil veult il tue le regnard dung fer agu / & sil ne le veult pas tuer : mais garder vif pour le monstrier il le pourra faire et l'emporter dedans lengin / ou sil veult quant il sera dedans lengin il le mettra sur vng puy ou sur vne grant tinne et le faict trebuscher dedans. On prent ainsi les connins. Le Veneur sonne ou faict noise et chasse les connins en leurs tasnieres cauees : car ilz sont paouteux et sen fuyent legierement en leurs fosses. Le Veneur prent petites rethz ouuertes et les met deuant chascun trou / et puis par vng des troux il enuoye vng furet priue au milieu clos de quelque petit frain / et quil ne se puisse ouurir / ne prendre les connins / ne les manger / et ne veullent les connins yssir hors se le furet qui nest gueres plus grant de corps que vne mustelle et qui est propre ennemy des connins ne les contrainct de yssir hors / et ainsi ilz se boutent aux petites rethz et sont prins.

¶ Pour prendre les souris.

Chapitre. xxi.

Les souris sont princes en maintes manieres. L'une de chatz priuez / lautre a sourissieres de boys come chascun scet / lautre a vng ais & quant elles y touchent il chet sur elles / lautre a vng arc attache a vne canne & a vng clou bien agu / et quant elles mordent la viande larc se descend et le clost entre la teste. Lautre quant vng Baisseau est a moitie plein deau et par dessus leau est toute couuerte de speaigre nageant / et la souris ne voit point leau et descend dedans et puis ne sen peult retourner. On couurera vng Baisseau de parchemin ou dune piece de cuir et puis apres le trenchera len en croix par le my-

lieu et puis mettra len du lard au mylieu. Les souris y bouldront aller / si cherront la dedans et y demourront. Len racompte que se ratz ou souris cheent en vng Baisseau sans eaue et ilz ne trouuent que manger de rage de fain ilz mangeront lung lautre tant quil nen demourra que lung. On le laissera aller quelque part quil bouldra et tous les ratz quil trouuera il les mangera. On les tue aussi de reagal et broye mis en fromage ou en autre viande que ilz mangent voluntiers & qlz ne trouuent point deau pour boire apres. On les prent aussi se len met vng baston trenche le mylieu au trauers dung Baisseau dont ilz ne puissent yssir / et quil y ait vne telle moitie quil se puisse soustenir : mais non pas les ratz et mettra len le noy au dune noy au mylieu / & quant il bouldra aller querir la noy dessous vne escuelle / & que la noy soit vng peu cassee par le bout & la partie cassee sera dedans & lautre au bord. La souris bouldra manger la partie despecce et lesquelle cherra dessus. Il est vne autre maniere la meilleure de toutes a prendre ratz gras et petiz. Prenez deux ais bien applaniez dung bras de long & larges de demy pied et les ioignez ensemble en distance de quatre doys ou peu mois / & la partie d'auant aura deux petiz ais chascun enchassez lung decoste lautre / et dessus ces petiz ais fichez vng gros parchemin trenche au mylieu de trauers : mais pres du mylieu non pas affichee et tant restraincte quelle puisse estre esleuee entre les ais affin que se elle estoit difformee en descendant que elle soit ramenee a sa forme / et les deux ais desditz seront conioinctz par dessus aux testes et par elles sera tenue vne assellette / et au mylieu aura vng clou reteurs pour pendre la viande / ou qui bouldra on ne la peudra point : mais sera au mylieu des deux ais empres le parchemin ainsi comme vne nefle percee dedans et vng peu de lard empres et cela se puisse retourner tout entour

sans aucune contraincte. Cest edifice peult estre mis sus tous vaisseaulx dont vng rat ne pourroit yssir / et par especial en bled et autres grains que ratz māgent volontiers. Car tous ceulx qui viendront manger la viande tumberont dedans / et ainsi seront prins tous ceulx qui y viendront.

De la prise des poissons. Et premierement comment ilz sont prins aux rethz. Chapitre. xxxviii.



Après la riue de la mer on prend plusieurs poissons es rethz q̄ aucunes gens appellent l'escorcherie.

Ces rethz sont treslongues & assez larges et espes / et a vne corde dung coste plombee: & l'autre ou il y a liege affin q̄ les rethz soyēt droictes dedās leaue. Ces rethz sont portees ee nefz en la mer si q̄ lung des chefz en demourra sur terre et l'autre partie descendant cōmunement en leaue / et quant les pescheurs serōt allez si auant en la mer cōme les rethz serōt longs ilz sen retourneront en la riue en maniere d'arc / et aucuns deulx demourront au bout de la rethz sus terre / lung deulx sen retourne dedās la nef / et droit au mylieu des rethz par dehors affin q̄ les poissons q̄ sont prins ne saillent hors des rethz / et il y aura pescheurs q̄ tirent les deux boutz des rethz a terre / & aucunesfois en prennent grant nombre / aucunesfois peu / aucunesfois point. On prēt aucunesfois a vne petite rethz despee attachee a deux perches que len gette toute couuerte dedans la mer / et vng peu apres on le lieue avec des poissons. Aussi on prend en fleuves & en autres eaus larges poissons a vne petite rethz que plusieurs appellent trauesaires / & est composee de trois choses / cest assavoir dūg moyen espes & de deux autres par dehors cleres & deliees / & a dūg coste plomb et de l'autre pieces de liege / et se elle est longue il y a aucunes courgees seiches pour la tenir droicte en leaue / et ceste rethz sera longue ou courte selon q̄ leaue le requiert / et la

laisse len en leaue par long tēps affin q̄ les poissons qui nouent cheent dedans q̄ passent les clers rethz et se enueloperont aux espes comme font les oyseaulx en l'arignee dessusdicte. Aussi les prēt on semblablement a petites eaus aux rethz riuales. Riualle est vne petite rethz espesse attachee a deux mains / et la meine toute parmy leaue et la clost pres de la riue de leaue avecques les poissons. On les prend aussi pareillement a vne rethz que len appelle zacle / et est vne rethz deliee et espesse q̄ a la forme de pavillon / & est ployee la corde tout autour par auant. On la gette tout ensemble dedās leaue et la tient len ainsi ouuerte comme dit est / & soudainement elle descend au fons de leaue ou len la met et enclost tous les poissons de l'environ de leaue qui sont dessous ladicte rethz / et lesditz pescheurs la tirent et les boutz se rassemblent pour le poix du plomb & attrait a soy tous les poissons qui sont dedans. Len prend aussi en vng engin appelle negosse les poissons / et est vne rethz en maniere de riuai a vne perche avecques deux bastons bien lyez. Le pescheur qui est hors de leaue gette ceste rethz en leaue deuant luy et puis la lieue / et aucunesfois sans poissons / et aucunesfois la met on empres les herbes / et les poissons muez se boutent dedans la rethz & les prēt on. Aucunesfois on en prend plusieurs en lieux estroictz de balles a vne rethz qu'on appelle cogolaire / et est vne grāt rethz longue & forte & espesse / & est l'entree vng grāt trou tout rōd / & sen bat tousiours en estreissant iusques a la queue qui est moult longue / & a plusieurs receptacles ou les poissons entrent legierement / et quant ilz y sont ilz nen peuvent yssir. Ceste rethz est mise a deux grosses perches en tel estroict lieu / entour lesquelles rethz y a fortes clostures de lyens iusques a la riue ou les perches sont lyees. Ceste rethz nuyt & iour est ainsi la queue tendue cōtre la venue de leaue / et aucuns iours apres les pescheurs

regardent a la queue & trouuent tant de poissons que merueilles / & par especial danguil les quant elles sont en amours et plusieurs autres poissons. Aussi prent on poissons en lieux parfondz et ouuertz ou principales ment demeurent grans poissons a vne rethz que on appelle de gaigne qui est grande & large et la gette len au fons et la traict len au long / & puis la traict avec les poissons. Aussi en pret len es balles non par fons: mais elles sont de grant largeur ou il y a poissons de diuerses manieres que len pret ainsi. Les pescheurs ont petiz greilz en tresgrant nombre faictz de cannes de paluz / desquelz ilz clopet grant espace de ces balles non parfondes a l'apde des pieux et les laissent entre deux petites espaces ouiertes / et ainsi les font en plusieurs lieux / et y mettent derriere des petiz rondz larges et ouuertz par deuant et estroitz par derriere / & a la queue a plusieurs receptacles ou ilz peuent entrer & non pas yssir / et laisse len ces rethz iour & nuyct / & ainsi comme tousiours on les lieue avec les poissons qui sen alloient esbatans par les larges lieux. Aussi faict on de telz greilz aucuns tellement enuelopez que les poissons y entrent bien & ne scauent retourner: mais on les tire a vne petite rethz attachee a vne fourchette.

Comment on prent les poissons a huches et a cannes faictes dosier.

Chapitre. xxviii.

Aussi pret on les poissons en huches & cannes faictes dosiers & de lyens qui sont aucunement estroictes a la queue et les meinent les pescheurs en leaue par le fons en maniere de rethz riuales et aucunesfois celles cannes qui sont plus longues sont menees a vne perche par eaue trouble / & est le pescheur sur terre. Len faict aucunesfois nasses de ioncz larges a vne entree estroicte dedans et large dehors qui aucuns iours et nuyctz sont laisses en leaue par le poys d'une pierre ou daucune chose

et ont vne corde et aucun lyen en la queue / parquoy on les traict dehors / mais il en est de deux formes. L'une si est moult large et ronde & au fons il y a crope molle & grains gettez avec / ausquelz aucuns poissons viennent volentiers pour les manger et nen scauent yssir. L'autre forme est toute estroicte et longue: mais a l'entree est moyennement ouuerte et au mylieu tresestroicte / et la dedans entrent les poissons non pas pour manger: mais pour secrettement demourer et puis ne sen scauent retourner.

Comment on prent les poissons a lameffon.

Chapitre. xxix.

En pret les poissons a lameffon en trois manieres. L'une si est que len met aucuns petiz poissons vifz a lameffon par lequel len prent les poissons qui viuēt de proye q̄ transgloutissent lameffon & le poisson tout esemble / & doit estre cest ameffon darain fort & grant a vne forte corde enuelopee de fil bien pres de lameffon: quil ne ronge la corde / & le lyen a vng petit fessel de panniens secs et le gette len en leaue estat avec lameffon & le poisson vif & le laisse len toute la nuyct. Le poisson prins ne sen peult fuyr loing ne mucer pour le fessel qui lempesche / & ainsi au matin les pescheurs le prennent. La seconde maniere est d'une verge de lye au bout & ployant ou il y a vne ligne de soye de cheual blanc et ameffons au bout enuelopez de viandes / mais vne cautelle y doit estre q̄ len sache q̄lle viande les poissons veulent: car ilz varient bien leur appetit selon le diuers tēps. Et si est bon q̄ aucunesfois pour la cautelle des poissons q̄ len met te aucunesfois la viande au bout de la ligne sans lameffon & puis les poissons y viēdront et la mangeront / & quant ilz seront acoustumez ilz prendront ameffon et viande & se prendront eulx mesmes. La tierce maniere est gardee en eaue parfonde: car len prent vng grant ameffon & fort attache a vne longue corde et

il aura ainsi comme pied et demy de plomb loing de la corde pour descendre au fons/ et l'homme estat sur le pont le gette a la main tresdoulcement & le laissera aller au fons et tiendra le bout de la corde a vng doigt/ & quant il sentira que le poisson aura prins la viande il traitra la corde premierement fort pour attacher l'ameçon a la gorge du poisson et puis tout a loysir le traitra iusques a tant qu'il le prenne a la main & n'aduiant pas souuent que le poisson soit petit. Car les grans seulement si demeurent au fons et aucunes fois sont par le mylieu de l'eau et aucunes fois enhault combien que ce ne soit pas souuent. On prend les poissons a spardernes/ par especial tenches & y a trois aguillons retournees crochuees & lyees ensemble/ & sont iointes a courtes cordelettes et ne sont pas loing l'une de l'autre/ & sont attachees a vne longue corde/ & la y met on escreuices ou gros vers ou autre viande & les gette len au soir estés ducs en l'eau/ & le lendemain on treuve les tenches prinses. On prend les poissons a la chaulx viue se on la met en vng sac en eau dormant/ en vng petit lieu enclos & deux hommes remueront ce sac en l'eau bien fort tant que l'eau se troublera/ et de ce les poissons seront ainsi comme aveuglez & viendront au dessus de l'eau. On prend aussi gros poissons en fosses/ en eau clere a fossines/ & est fossine vng instrument de fer q' a plusieurs aguillons & chascun est barbelé pour mieulx retenir/ & sont en aucune maniere loing l'un de l'autre & sont attachez au bout d'une lance que le pescheur tient qui est en vne nasselle et sen va par l'eau tant doulcemēt/ & quant il voit vng poisson il len fient bien fort et l'apporte avec son fer.

¶ Cy fine le dixiesme liure. Et ensuyt le Vnziesme.

¶ De la congnoissance du lieu habitable en commun.

Chapitre premier.



Nous auons

cy deuant traicte de toute loeure des champs : mais pource que la memoire des personnes est briefue et courte / et quelle ne suffit pas pour retenir toutes les singularitez des besognes/ il me semble bon de declairer en general les matieres des reigles et des traictez et les mettre par ordre selon le liure/ et par reigles/ affin q' la congnoissance des hommes soit en la memoire des personnes en general. Les labours du champ requierent force es habitations/ science et diligence des oeures. Et pource doit on querir principalement lieu conuenable & prouffitabel pour sante/ & aussi y vault moult la bonte de l'air & du vet de l'eau & le siege de la terre/ car ces choses demostrent le lieu habitable estre plantureux et sain sicomme il est dit. Les sages homes qui veullent achepter manoirs/ iardins et preaulx doyuent considerer par deuant toutes choses la sante du lieu affin que en leur marche et ediffice de leur maison / la monnoye hastiuement ne leurs tournent a dommage de leurs corps et de leurs biens.

¶ De la congnoissance de l'air.

Chapitre. ii.



L'air est chault et moiste et nest de nulle cause change. L'air est bon quant il nest point pourry ne trop fort en chaleur ne en autre qualitez : mais est attrempe ou bien pres. L'air attrepe & cler est bon a sante d'homme et faict venir plantes & bien fructifier. Et celluy q' est plain de vapeurs epres mares & estages est tout au contraire. Tout air qui est tost refroidy quant le soleil sen va & tost eschauffe quant il reuiert est subtil & delie. L'air est le pire de tous qui estrainct le cuer et qui grieve a respirer. Les lieux francz & loings de valles basses & bien nettoyez de grosses nuees/ et de nuyct/ et tiennent les corps des habitans en sante sont tresbons.

De la congnoissance des Ventz.

Chapitre.iii.



Ventz de midy a simplement cōsiderer sont chaudz et moistes/ ceulx de septentrion sont froidz. Ceulx doziēt & doccidēt sont atz trēpez: mais en aucūs lieux/ ceulx de midy sont froidz quant le vent passe par montaignes pleines de neiges. Et ceulx de septentrion sont chaudz.

De la congnoissance des eaves.

Chapitre.iiii.



Eue est froide et moiste se elle nest muee daucun accident estrange p dehors. Les eaves de fōtaines/ de franche terre ou il ny a quelconque force de estrange disposition de strange qualite surz montans sont les meilleures des autres. Eaves pierreuses sont bonnes et ne se corōpent pas legierement de terre. Eaves des fleuves courāz sont les meilleures des autres se elles sont sur terre franche & non pas puante ne pleine dordure et quelles tendent en orient et selongnent grādemēt de leurs sources sont les meilleures de toutes/ & celle qui va a septentrion est bōne. Celles qui vont a midy & occident ne sont pas bōnes/ par especial quāt les vētz les ont soufflees. Leue est bonne ou les choses sont tost cuytes sil ny a mauuaise odeur ou saueur des eaves semblables/ celle qui est la plus legiere est la meilleure. Sublimatiō/ distillation & decoction si amēdēt les mauuaises eaves. Entre les bōnes eaves celles sont a louer q sont de pluye/ par especial quant elles viennent en este avec tōnerre combien que pour leur subtilite elles soyēt corrompues legierement. Les eaves des puyz & des conduitz ne sont pas bōnes en la cōposition des fontaines/ et p especial celle q passe p tuyaulx de plomb. Eave des maretz & de palus ou il y a sansues & toutes eaves ou substāce de metaulx est meslee ne sont pas bōnes. Eaves de glaces & de neiges sont grosses. Eave atz

trēpeemēt froide est la meilleure de toutes pour saines gens: car elle resueille le sperit & faict fort estomac/ & la chaulde au cōtraire. Eaves salees sont les gens maisgres/ & les seichēt & les troublent et font venir la pierre & opilatōs. Se on ne peult cōgnoistre la bonte ou malice des eaves si regarde len a la disposition des boyssins qui y demeurent.

De la congnoissance du siege du lieu habitable en commun.

Chapitre.v.



La chaleur & la froidure du lieu & la disposition de lhumeur ou seicheres se le hault ou le parfond/ la multitude des eaves ou len peult. Voir par leur bonte & malice des boyssinages/ mōtaignes de mares ou de palus ou de mer la disposition de la terre se elle est moiste/ boeuse ou pleine dordures ou de pierres minereuses/ si monstrent la qualite du siege. Les habitants en lieux chaudz ont les faces noires & les cheueulx et les cueurs paoureux et enuieillissent tātost. En lieux froidz les gens sont plus hardiz et de meilleure digestion. Et se la terre est moiste les gens sont gras/ charnuz/ tendres et blancz. Ceulx qui demeurent en lieux secs ont leurs corps & cōplexions offusques. Ceulx qui demeurent en hault lieux habitables sont sains & fors et sont assez labour et vivent longuement. Et en lieux psons tout au cōtraire. Ceulx qui habitent en lieux pierreux ou lait est en puer tressroit/ & treshault en este/ les corps sont durs & fors/ & ont fortes cheuelleures/ ilz veillent grandement/ ilz sont inobediēs & de mauuaises meurs. Ilz sont fors en batailles subtilz et aguz/ en ars et en science. La cite ouuerte en orient et close contre occident est saine de bon air/ & celle qui est cōtraire ne vault riens. La disposition des habitants en vng pays monstre la disposition de la terre selon sante et maladie.

Des combes et des maisons.

Chapitre.vi.

LA grandeur de la maison et de la cōbe ou de la court sera faicte au chāp selon la faculte du seignr et le nombre du bestial & la quātite des fructz q y serōt apportez. On les fera fortes & seures/garnies de fosses & de murs ou despines pour les larrōs. On ne plātera nulz arbres portans fructz en la closture des cōbes affin q lamour des fructz ne face desperer les hayes/et ny fera len point croistre les arbres: mais tous seront ordōnez a la force de la closture. La seurte & la delectation des seigneurs requiert force et beaulte es Villes et es maisons où ilz habitent.

Des puyx et cysternes.

Chapitre. vii.

Sil ny a fontaines ou riuieres en lieu ou len habite len fera Vng puyx au moyx daoust ou de septēbre en lieu cōuenable loing de toute ordure de fiēs ou de palus & de toutes pourritures. Quant len faict venir leaue dailleurs len doit estre diligent de forger le receptacle afin q la poure Veine si pcure suffisace deaue. Du nous vserons de cysternes / nous mettrōs anguilles & poissons de eaues douces q pour leur mouuement remueront cōtinuellement leaue et la garderont de corrompre. Du nous vserons deaues de fleuves / cest bon dauoir petites cysternes a sablon qui les purgent de leur nature terrestre et les enlarcissent et embellissent.

Des matieres des maisons.

Chapitre. viii.

Les fondemens des maisons doiuent estre plus larges que les paroyx/ & doiuent estre parfondz iusq̃s a la terre parfōde/ & sil ny en a poit il suffira de les mettre en parfond tant cōme la quarte partie de la maisō sera haulte. La grauelle q faict strideurs ou gresille en la main quāt on la tiēt ou q ne laisse poit dordure en Vng drap blanc nect quāt on la gette dessus est noble et bōne pour massonner en deux parties/en

telle grauelle on mettra la tierce partie de chaulx/ & se on y met autant dung comme dautre ce sera tressort cyment. En grauois deaue se on y met la tierce partie de poulsdre de tupsle ou de croye/ la fermetē de loeuure si sera merueilleuse. Les boyx pour les edifices sont tressbons q sont taillez & coupepez en nouēbre ou en decēbre/ & par especial se on les trēche premieremēt oultre la moelle et les laisse len p aucūs iours tous droitz sur la racine. Ceulx qui sont prins en montaignes au regard de midy sont tressbons et de grāt duree. La presence du seigneur faict grant prouffit a la terre gaignable: car il faict labourer/ et q laisse sa Vigne/ sa Vigne le laissera. La gloutōnie des laboureurs et leur mauuaistie ne craignent rien fors la poincte du seigneur et sa cautelle.

Cy cōmencēt les reigles de la matiere du second liure/ & premierement de la qualite des terres et de la diuersite des champs. Chapitre premier.

LA terre est merueilleusement froide et seiche: mais par aucunes choses estranges on la change bien. Len doit querir en terre fecōdite/plantureuse & que les mottes ne soyent blanches ne nudz ne maisgres de sablon ne de mixtiō dautre terre/ ne seule croye/ ne grauelleuse/ ne pierreuse/ ne salee/ ne amēre/ ne huylleuse/ ne en Vallee trop obscure/ mais soit de grasses mottes presque mottes noires qui se puissent couvrir de leur propre herbe/ et que ce que elle portera ne soit tongneux ne tord/ ne trop sec de nature. La terre pour froment est bōne qui natu rellement porte hyebles / ioncs / grasses herbes/ roseaulx gras/ treffles/ buyssons gras/ prunes saulvages/ segue et mauues et telles herbes qui monstrent q la terre est bōne & plantureuse par la largeur et gresse de leurs fueilles. La terre est bōne aux vignes qui est despee & pouldeuse & qui gette les gettons beaulx et resplendissans et qui

donnent longs & plantureux sermens & qui ne sont ne foybles / ne maisgres / ne chetifz / ne langoureux / ne tortueux . Le siege de celle terre ne doit pas estre si plain q'l face assemblee deaue dedas / ne si royde q' toutes eaves sen fluent / ne si treshault qui sente trop les tempestes de froideur ou de chaleur : mais doit tenir le moyen en attrempance & mesure. En froides prouinces le champ aura regard a oriēt & a midy / & en chaudes a septentrion. La partie basse de la terre est grosse & froide / & celle denhaut en la superfice et en la pleine maisgre delpee & chaulde. Et sont quatre manieres de champs. L'un est satisf & semblable. L'autre est confite. L'autre compaistre / et l'autre nouable. Le satisf cest vng chāp que len seme chascun an qui est gras. Tout champ qui est chault & moiste / & mol par dessus et bien euaporable et legier a labourer & q' apporte grant fruct est bon. On doit eslire champ gras & delpe q' soit de pou de labour et de grant fruct. La tierce est la pire qui est seiche & maisgre & froide. La terre seiche & breshaigne par trop grant ardeur sallee ou amere ne recoit point d'amenagement mais celle qui par trop grant humeur ne porte point est bien amende par fosses que len faict a lenuiron . Les costieres des montaignes sōt seiches & maisgres & leurs valles sont grasses et moistes pour l'humeur q' en descēd aual / & pource telz chāps doiuent estre fossoyez p' les costez affin q' la gresse demeure es fosses & si ne fault poit fossoyer les mottes pource que se les eaves venoient en trop grant habondance / elles emporteroient la terre remuee tout aual / avec la semence. Le chāp noual est celluy q' est premierement ramene au labourage ou q' retourne en sa premiere vertu par le repos d'ung an ou de plusieurs. Chāp trop pouldreux si n'est pas bon pour plāter : car la plāte requiert lieu de ferme cōtinuite ou elle se ēracine & florist & fait fruit.

De arer / fouyr et labourer.

Chapitre .ii.

Lz sont quatre proffitz venans de arer et fossoyer / cest assauoir quant la terre en est ouuerte & faicte egalz le le champ en est mesle et en est assubtillie. Len doit garder que le champ boeux ne soit are ne celluy aussi qui est trop sec . Car len dit que la terre qui est trop boeuse traictee ne se peult demener tout au long de l'annee et la seiche est trop labourieuse et ne peult estre faicte menue comme elle doit / et se le champ sec de long tēps est moiste pour aucune legiere pluye qui est cheue on le doit arer : car on dit q' il est faict breshaing p' trois ans . Champ fort et glueux plain de mauuaises herbes demande quatre fois estre are. Champ plain qui a la terre nue et subtile est content d'estre are tant que len voudra. Chascune airee si adioustee au fruct aucune chose selon la proportion de son nombre & le proffit est plus grant que le labour / et se le labour est plus grant que le proffit len doit tout laisser . En lieux secs du chāp len taille le plus meur & en lieux vers on taille plus tard . Qui en airant laisse terre crue entre les fosses et les rays il faict preiudice au fruct & diffame la gresse de la terre : car vng peu de terre bien labourée apporte mieulx que trop grant habondance de terre qui est delaissee. On prendra garde que on ne laisse entrer les riuieres en terre non remuee / & doit on casser les mottes a mailletz / les choses de dedans se perdent qui ne labourent celles de dehors. Se le champ est pierreux len fera monceaux de pierres en les cueillant & les mettra len hors de la terre si en sera le champ purgé / et y pourra len arer ioncs / herbettes et feuchieres / et les mauuaises herbes seront vaincues par souuent arer au moy de Juing ou par semer luppins sont ramenez a neant.

Des semailles Chap. .iii.

En terre froide on fera hastiuement les semailles d'autōne affin q' les bledz ayēt aucune force auāt puer :

mais en chaud et gras lieu len pourra bien attendre afin que les semences ne soyent greuees de mauuaises herbes. Et le champ trop moiste sera seme en printemps auquel p especial len mettra febues et lin: car quant len osterá les racines len en traitra les humeurs superflues. Toutes choses semees en printemps si seront semees plus meures met en lieu chaud et plus tardiuement en lieu froid. La semée d'autone tout au contraire. Les champs maigres seront semez plus tost / et les gras plus tard. Champs pleins deau seront semez plus hastiuement en automne. Se le champ tresgras et plantureux nest seme une fois ou plus chascun an il lui purra en faisant diuerses herbes qui ne seront pas legierement ostees. Ilz sont deux choses en chascune semence. Cest assauoir la vertu formatiue q elle a du ciel / et la substance formelle q forme la figure en la plante et les membres de la plante. Toute semaille doit estre faicte quant elle a plus grant ayde du ciel / et ce est au premier aage de la lune: car elle a lors ayde de chaud et de moisteur et de la lumiere du soleil qui viuifie / et de la lune avec. Toute semaille q est faicte quant le soleil va du signe du moustō a lescreuice est parfaicte / et les autōpneles qui feront racines si seront remuees en deux quantite de leur substance. Celles aussi de printemps q gerront en la maris de la terre si bourionneront lors / et le soleil attrempe qui leur aydera les fera germer et floriront quant le temps de sec este. Len gardera bien q len ne gette semence oultre mesure au champ et se on le faict le fruit en sera maigre et de petite suffisance / et doit on prendre garde q les semences que len voudra getter en terre ne soyent corrompues: mais soyent tres bones et ne passent point plus dūg an. Toutes semences et tous labourages dopuent estre bons et nobles: et comectz et gette en terres celles q tu auras esprouees: car len ne doit point auoir esperance es nouuelles especes

de semences se elles ne sont par auant esprouees. Les semences forlignent plus tost en lieu moistes que en secs. Toutes manieres de potages peuent estre semez en lieu secs: mais la febue seulement doit estre resemee en terre moiste cōbien q elle puisse estre en lieu attrepez: mais toutefois se la seicheresse a este longue elles se garderont aussi bien en champs comme en greniers.

De leue des plantes

Chapitre.iiii.

Leue qui est meilleure pour arroser champs et meurer les fiens est leue de palus ou de fossez qui est assemblee de pluies et de rousees. Leue de pluie aussi vault aux plantes et de fontaines quant le soleil les aura eschauffees.

De labourer et cultiuer les champs et les plantes du fumage / et de limutation des plantes.

Chapitre.v.

La substance de la plante / qui naist est changee et alteree grādemment de trop moiste et gras fiens / et de la pourriture / et la saueur du fruit en est muee et empiree / et telle plante en est remplie de superflues fueilles et molz raiceaulx sans profit. Tresbon fiens est de tous oyseaulx et de bestes a quatre piedz qui est en boye de corruption et n a pas encore perdu la chaleur ne est seiche. Le fiens change et mue la nature de la plante plus q ne faict la viande la beste q en est nourrie. La nature des plantes est mieulx muee par fiens q par autre maniere. Terre moiste et froide est tresbien amendee par ardeur et tiges / par leurs cendres / et quant len gette le fiens sur le lieu le faict tēdre et abōder en humeur. Len espandra cendres en champs en lieu de fiens. Le fiens qui aura este repose par ung an est prouffitabile et ne fera nulles herbes: mais celluy qui est plus vieil ne vault riens. Vieilz fiens faict aux prez plantes dherbes. La purgation de la mer se elle

est esleuee des eaues douces & meslees avec autres choses. Vauldra fiens. Les champs dopuent estre plus espes fumez en costieres que en plain ch&ap/ & mois en decours de la lune / et ne fera len plus de monceau de fiens aux ch&aps que len airera la iournee. On ne doit pas fumer trop ensemble: mais plusieurs fois petit a petit. Champ plein deaue beult plus de fiens q le sec. Se tu as deffault de fiens tu mettras trop bien crope en lieu sablonneux / et en lieu pleins de crope & trop espes tu y mettras sablon / & en lieu froidz tu y mettras argille. Les choses profitent aux bledz & sont belles vignes: ou tu y mettras & semeras luppins q quant ilz seront venus a croissance seront retournez et remuez avec la terre. La boue et le fons des paluz faict le ch&ap gras & plantureux. La meilleure nourriture des plantes est le fiens trempé en paluz et pourry en humeur pourrie et meslee avec conuenables estrongs. Les champs des costieres dopuent estre remuez es parties denhaut bien grandement et souuent / et au mylieu peu et a tard / et non point es parties dauai.

C Daucuns principes des plantes et de leurs operations.

Chapitre. vi.

Ept choses sont sans lesquelles qlconque plante ne naist. Cest assauoir trois chaleurs du cercle du ciel du lieu et de la semence / et trois humeurs de la matiere semable / de la terre / de la pluye qui y chet et lair contenant. Les oeuvres de la plante sont de vser de nourriture croistre et engendrer. Le v&etre des arbres est la terre ou ilz laissent toutes leurs ordures et y fissent leurs racines aual en terre / affin qlles succent leur nourriture come de lestomach: car silz les espandoi&ent en hault en la plaine terre ilz seicheroient tantost. Cest chose certaine q les arbres ne croissent pas tousiours come les racines sont dedans terre tenans: mais toutes choses ont certai terme de leur

grandeur entre deux termes / de tresgrant et trespetit en son espece. Les plantes prennent leur nourriture en succant lhumeur par les conduictz delpeze euapor&as & attray&as / et de ce qui est esteue par dehors et traict en hault par lesperit ilz forment en bourions tout ce quilz engendrent. Les plantes q ont chaudes racines cleres et euaporeuses attrapent plus de nourritures qlles ne peu&ent digerer / & pource ilz sont fructz q pourrissent voluntiers qui nen oste lhumeur superflue. Toutes plantes qui ont grant moelle sont nourries par conduictz poreux mont&as tout droict en hault. La multitude des racines vient de grant abond&ace de nourriture & chaleur du soleil q touche l&arbre de toutes pars q esmeult le ius et le transporte aux extremit&ez. La chair ou la poulpe du fruct est cree & produicte de nature affin q la semence che&ant en terre soit fume&e conuenablement et en viennent plus tost a conualescence. Les arbres aucunesfois port&ent fructz: mais les vngz laissent a porter par deffaulte de nourriture et pour la vertu qui est toute espu&see / si ne pe&uent pas suffisamment nourrir le fruct et les rainceaulx silz ne se reposent reprenant leur vertu. Toute plante q naist de semence vient de sauuage racine et passe par la souche & les rainceaulx affin qlle acquiere la vertu de tout l&arbre & ql puisse engendrer son semblable. Qu&ant vne racine est trench&ee plusieurs en naissent souuent qui nourrissent la plante en lieu d&elle. Se len tre&che aucun arbre vieil ou trop hasle & vse il bourionnera laschem&ent & foiblement ou ne fera q herbes ou champignons. Arbres saul uages sont plus de fruct: mais ilz sont mo&dres et plus maisgres pour la seicheresse de la nourriture. Les fr&acs en sont de moindre nombre / mais ilz sont plus gr&as / meilleurs et plus doux pour la cause c&ontraire. Toute plante masle porte plus tost q la femelle pour la chaleur plus tost mouuant / et sont leurs fueilles plus estroictes pour la seche-

resse du masse. Aucunes plantes empeschent les autres en generation & en fruct comme corillus et chouly empeschent la vigne & la droe empesche le bled / et le noyer empesche presque to^t autres pour la merueilleuse amertume de luy / si y conuient bien prendre garde. Toute plante a necessite de quatre choses / cest assauoir de l'humeur seminale terminee de lieu conuenable deauue ou de l'humeur attrempee nourrissant et d'air proportionne. Les plantes en chault tēps croissent en lumbre de la nyct et deuiennent molles en lardeur du soleil. Les plantes en puer assemblent toute leur humeur es racines / laquelle ilz espendent par les rinceaulx en temps deste en les croissant. Toutes choses qui naissent en la pleine de la terre viennent de vapeurs par dessoubz montans en la superficie de la terre. Les fructz des montaignes sont plus sauoureux que ceulx des vales / pource que la digestion est en eulx mieulx accomplie.

Des parties des plantes.

Chapitre. vii.

Lius est vng humeur attrait par les conduitz de la racine & termine par la chaleur digestiue a la semblance de la plante pour nourrir les racines / et sont semblables a la bouche quant a traire la nourriture: mais pource quelles gettent par vne infusion la chaleur viuifiant toute la plante elles ont toute la semblance du cuer. Les moelles sont es plantes comme lanucha aux bestes. Les neuz sont crees en toutes plantes qui ont moelle largement et qui sont concauees pour tenir la nourriture & l'esprit dōt il les conuient viure & croistre iusques a tant quelles seront digerrees conuenablement. Les escorces sont aux plantes come le cup: aux bestes / non pas de la couuerture des veines: mais de l'humeur terrestre hors boutee a la superficie de l'arbre engendree. La matiere des feuilles est humeur enueuse / non pas bien digerree: mais meslee

aucunement avec la lye terrestre / desquelles nature qui est sage deffend son fruct de lardeur du soleil superflue. La matiere du soleil est vne vapeur seiche et venteuse pour perpetuer & tenir en duree lespece des plantes / & est engendree de lame Vegetatiue. La substance des fleurs est engendree de l'humeur parfaitement digerree qui sauace deuant le fruct par la ferueur bouillant.

De la plantation et generation des plantes.

Chapitre. viii.

Des arbres et autres plates sont engendrees plates. Les autres sont de semences. Les autres par soy de la corruption des elemens et de la vertu du ciel. Les rinceaulx qui viennent plantez sans racines silz sont sans substance on les trenchera par aual quant on les voudra planter pour traire plus diligement la nourriture. L'arbre de q la semence est foible vient mieulx des rinceaulx ou de racines que de semences / et en croist mieulx. Plantes moistes et pleines deauue & molles en quelconque maniere quelles soyent fichees en terre se reprennent tantost & font racines. Quels cōques plantes chauldes / combien quelles soyent dures se les rinceaulx sont fichez en terre ilz reuiennent pource que leur chaleur attrait fort leur nourriture. Les rinceaulx d'arbres de ferme substance valent mieulx pour planter quant ilz sont arrachez q quant ilz sont taillez / pource quilz ont les conduitz mieulx ouuertz pour attirer leur nourriture / et ceulx qui seront de molle substance seront trechez de trauers & non pas entour. Toutes plantes qui portent fructz secz / chaulx & aromatiques sont plus proprement plates en montaignes / et ceulx q ont fruct ferme et moiste sont mieulx en vales plates du semees. Arbres qui ont petite & foible sentence peuent estre plantez de semences & de rinceaulx / et viennent en conualescence: mais il y a plus grant peril en plantez

tion de la semence / & si attēd on trop / & si en vient plante sauuage: mais elle vient plus tost de rainceaulx et si en vient franche silz sont pris en arbre frāc. Les arbres q̄ portēt grant semence & forte viennent mieulx de la semence que des branches. Arbres q̄ ne portent point de fruit viennent seulement des rainceaulx ou de plantes arrachees. Se le champ que len veult semer nest bien assure de bestes rōgeans on nourrira en aucū lieu clos par deux ans rainceaulx ou semences en terre douce / delvee et dissoulte et aucunement fume / et puis on les transportera es lieux qui seront conuenablement a ce disposez. Toute plante nouvelle est aydee de souuent foyr & de arroser en tēps chault. On doit garder espaces entre les arbres et entre les vignes selon la grandeur des arbres & la coustume des terres bien approuuee. Toute plante en lieu sec ou en declin doit estre plantee plus parfond et en lieux bas moistes / moins parfond. Se len plante en terre croupeuse on y meslera du sablon / et en sablon on meslera croupe / et en la mesgre on mettra abondance de fiēs. Quāt on trāsplantera vne plante de place en autre on luy dōnera tel regard du ciel comme elle auoit auāt. Quant on met vne plante en la fosse on trenchera ce q̄ sera blece en la racine. Et doit on biē regarder que la terre ne soit trop molle ne trop seiche / & vaudra mieulx pēdre sur le sec que sur le mol: Mais es lieux arez et motteux on plantera auant puer: et aux valles en printemps: & aux lieux bien attrēpez en chascun diceulx temps. Se len veult semer arbre on doit eslire semēces tres bōnes & en Januier on les mettra non pas plus de quatre doibz en parfond soubz terre & se le lieu est chault & sec on les pourra mettre en octobre. Les rainceaulx que len plante sans racines sont mieulx plantez en mars que en autre temps pource que la verte humeur & le ius est ia feru en l'escorce / et aussi en octobre quāt l'esperit viuifiāt de la plan-

te ne sest pas encores reboutē es racines. Le rainceau que len veult planter ne doit point estre tuerd ne greue en riens: mais sil est de dure et ferme substance bon sera de fendre la tige auail et y mettre vne pierrette. Les rainceaulx que len doit planter doiuent estre bien beaulx resplendissans & plains de humeur et de beaulx bourions et plusieurs oeillets tous ramenez a vne matiere. Se les rainceaulx que len veult planter sont trop longs on pourra couper les sommetz quāt on les mettra / & laissera len conuenable longueur comme en saulx / vigne / et oliuier et telz arbres

Des entes.

Chap. ix.



De toutes les entes les meilleures sont de enter semblable en semblable cōme poprier en poprier vigne en vigne. Il nest pas bon de enter sur dur tronc: car il ny peult enuoyer les veines radicalles: mais bon est de celluy ou il y a peu de durte et grant ius. Les gettons que len doit enter soyent pleins de ius & nouveaulx a plusieurs bourions gros et espes et puis detrēchez en l'arbre de la ptie doziēt mieulx que d'autre part. La diuersite des pommes et des popres et d'autres fruitz biēt de lente des arbres dune espece. Lente es grās arbres qui ont grosses escorces et grasses sera faicte entre le boys et la premiere escorce / et es despez len fendra le tronc. Et combien q̄ len puisse enter en plusieurs temps / toutesuoyes le meilleur temps est quant les oeillets se prennent a mōstrer: mais arbres qui fluēt gomme dopuēt estre entez auant que la gomme ysse. On ne peult enter au morceau fors que quant l'escorce est desseuree ia du boys. Cest tresbien que le morceau trenché dune part soit mis et que le sommet de la verge soit laisse iusques a tant quil appere que le morceau soit reprins. La plante entee reprēt sa nourriture de la souche / & tant que puis quelle est venue elle souffre peu ou neant quelle bourionne ia par dessoubz

les neuz. Toute ente de tât quelle est plus bas elle vault mieulx: car le fruct en est plus franc et en vient mieulx.

De la medecine des arbres/et de la terre. Chapitre.v.



En trencher ou fendre les racines des vieulx arbres & en mettre pierres en la fente elles traitrôt mieulx leur nourriture / et aucune fois ceulx qui estoient brehaignes deuiennent plantureuses. Jeunesse retourne aux plantes enuieillies par la trencher des rinceaulx se ilz nestoient auât. Venuz a la derniere vieillesse. Toute plante franche q la laisse a cultiuer deuiet sauuage / par especial se elle est en sablon ou en grauoyx/et toute plante sauuage deuiet franche qui la laboure. Le labour & lart daffranchir l'arbre sauuage est en retourner/fumer et arrouser attremper et amesurer la terre a la nature de l'arbre/et en retrenchant les superfluites et espines & a enter. Toutefois que le chapp sera en male disposition le saige laboureur le mettra en bonne. On extirpera en champ noual qui le vouldra ramener a point & arrachera les males herbes sauuages & racines qui succent l'humour de la terre et du champ. Le champ noual est plantureux par plusieurs ans/ & puis on mettra du fient sil doit demourer & estre plantureux/ou sil nestoit gras on le doit laisser reposer/ & par especial quant avec la substance herballie et pleine de paille les plantes q y sont semees sôt cueillies ou arrachees avec les racines. Quant l'humour est attraicte par les semences & les plantes aussi lesperit diuisant du champ la terre en est destruite. Et quant elle se repose par certain temps il y retourne de rechef plus tost a lune et plus tard a lautre/ comme vng champ est plus gras q lautre. Toutes choses qui se parfont a la beure et vertu despendue silz ne se reuiennent par entrepris repos ilz se dissoluent et corrompent. Se necessite contrainct desperer au

cune chose de terre salee on la semera ou plantera apres autompne affin que la malice soit ostee ou corrigee par la pluye d'auer/ Et aussi on y messera aucun peu de terre douce ou de grauoyx de riuere se on y veult faire vergers.

Des garnisons. Chapitre.vi.



En terre de craye qui tombe volontiers les fosses seront peu pendans. Mais en terre rouge/ glaireuse et argilleuse q ne chet pas de legier les fera plus pendans. En lieux ou garnison est necessaire comme en vignes ou autres plusieurs lieux on fera plantes seulement despines/ & ou il ny a pas si grant necessite & en na pas abondance de boys pour ardoir et pour edifier on les fera d'arbres tant seulement. Quant on fait aucune plantation d'arbres ou despines pour hayes on les coupera empres terre quant ilz auront deux ans pour bourionner et espessir les hayes.

Comencent les reigles de la matiere du tiers liure qui sont des greniers/ des grains & des semailles. Chapitre.i.



Reniers doiuent estre froids/ Beteux secs & loing de toutes humeurs & punaisies & estables/ & le midy leur doit estre au cōtraire. Il nest riens plus prouffitabile pour garder bledz que est le mettre bien sec en greniers et q aucune fois on les change de lieu en autre pour refroidir. Le lieu ou les frometz sont mis ne doit pas estre trop violent en froit ne en chauf/ car pour ces deux causes il se corrompt. Se en seme potages trop tard on les doit auant tremper en eue de fient pour les faire germer plus tost. Tout grain q naist en terre grasse est plus gras & plus nourrissant & plus pesant q nest celluy qui naist en terre maigre. Frometz et autres grais se delectent en chapp patet & ouuert & les ombres leur nuisent. Le fromet forsi-

gne souuēt en lieux moistes & pleins deauz et se conuertist en auoyne et en droe. Le fro-
ment des costieres est plus fort en grain.
Mais il vient moins a la mesure. Tous
grains fors que millet sont plus longuemēt
gardez es gerbes q̄ batuz. Toutes choses
semees en temps deste demādent terre dis-
soulte et redoubtent craye: mais la seule mi-
lique ne la redoubte point.

Commentent les reigles de la
matiere du quart liure des Vignes
Et premierement daucunes choses
communes.

Chapitre premier.

Combien q̄ len trouue plusieurs
diuersitez de Vignes/toutesfois
chascun doit tenir la coustume
de son pays ou autrement il au-
ra deffault de laboureurs qui les font. La
Vigne demande le ciel de moyenne qualite/
& mieulx tiede que froit/ & sec que pluuiex
& doubte Vent & tempeste. Le Vent de galez
ne faict Vignes plantureuses / et le Vent de
midy les anoblit/si est dōc en nostre pouoir
plus de Vin & meilleur. Les champs portēt
plus largement de Vin:mais les costieres le
portent plus noble. En lieux froitz on plan-
tera Vignes par deuers midy et en lieux
chaulx par deuers septentrion / et en lieux
attrempez par deuers orient & occident. Les
lieux muent souuent la nature des Vignes/
et pource len appareillera leurs especes se-
lon leurs commencemens. On mettra en
lieux plains Vignes qui soustiēnent Ventz/
tempestes & bruyes/ & es costieres Vignes
qui soustiēnent Ventz et seicheresses / et en
champs gras gresles Vignes et plantureu-
ses/ & en lieux maisgres Vignes portās fer-
me boys/ & en lieux froitz & pleins de nuees
celles qui sauancent de porter auant puer/
ou cellesqui florissent plus seurement de
durs raisins entre chalines / en lieux Ven-
teux celles qui sont plus tenans / en lieux

chaulx celles qui ont plus tendre grain et
moiste/en lieu sec celles qui ne peuēt porter
pluyes. On doit eslire les Vignes qui par le
tesmoing des boysins ayment les lieux con-
traires a ceulx ou elles ne peuvent durer. La
plaisante et seraine contree souffrera toutes
manieres de Vignes. Le sage hōme aymera
celles qui seront esprouuees & les mettra
en telz lieux ou elles pourront ensuyure cel-
les dont elles sont leuees & prinsees. La terre
pour mettre Vigne ne doit estre espesse / ne
dissoulte/ne trop chetive/ ne trop fumees/ne
chāpestre/ne trop roiste/ne seiche/huylleu-
se/salee ne amere:mais doit estre et tenir le
moyen entre ces qualitez & plus prochaines
a la haulte q̄ a la basse. Nous eslirons pour
Vignes rudes chāps/et par especial sauua-
ges. La pire de toutes est celle ou il y aura
eu Vignes Vieilles/ et sil en est necessite on
dissipera pmieremēt les racines de la Vieil-
le Vigne par plusieurs araisons & diuers la-
bourages. Tout le lieu que on deura plan-
ter sera par auant deliure de tous empes-
chemens affin que la terre fossoyee soit as-
pres foulee par souuent y marcher.

CDe lelection des plantes de la Vigne.

Chapitre.ii.

Es plantes des Vignes q̄ sont trē-
chees en octobre ou en mars de la
Vigne sont meilleures q̄ toutes cel-
les qui sont cueillies en autre temps. Se tu
Veulx plāter en terre biē maisgre Vigne ne
prēs pas sarmētz de trop grasse Vigne. Les
sarmētz q̄ len doit plāter doiuent estre esleuz
dignes moyēnez de cinq ou six oeillets yssuz
hors de la Vigne Vieille. Nous ne prendrōs
poit les sōmetz dēhault p̄ especial quāt nōs
Vouldrōns plāter la Vigne en arbres:mais
encore le getton q̄ vient du dur ne doit point
estre prins pour porter sās fruct. Le certain
signe est q̄ la Vigne soit plātuseuse/se daucū
dur lieu elle auāce le fruct & rēplist les rain-
ceaulx de fruct qui sourdent de tous costez.
On ne peult scauoir q̄ la Vigne soit plantu-

reufe pour Vng seul an : mais pour quatre ans on cōgnoist la braye nature & la noblesse des gettons. Le nouueau brâchon qui na rien de Vieil ou les neuz sourdent espes doit estre esleu & prins pour planter.

Des reigles de la plantation des Vignes.
Chap. iiii.

E la terre est grasse on laissera pl⁹ grâs espaces entre les vignes / & se elle est maigre on la laissera moins : car toutes vignes ne se plâtēt pas dune maniere / ne Vng an ne oste pas l'esperāce de la Vigne. Mieux sera de plâter vignes en lieux eaueux apres puer / & en lieux secs auant puer / & les gettōs en serōt gouuernez.

De l'incision & doleance de la Vigne.
Chapitre. iiii.

Le tronc de la Vigne q̄ len veult enter doit estre esleu ferme & fort & ait abōdāce de force pour nourrir lesperit & nait en soy quelque Vieillesse ne autre ieunesse affin q̄l ne seiche. On entera la Vigne dessoubz terre ou empres terre. Car elle se reprēt a peine quāt elle est entee dessus terre. Les gettōs doiuent estre fermes / rōdz & espes & auoir plusieurs oeilletz et deux ou trois neuz en suffisant a lente. Quāt la Vigne sera entee on la foupzra tresbien & sera deffēdue du soleil & du Vēt par aucune couuerture. Quāt la chaleur du tēps assaut la Vigne entee len y deura mettre au Vespze Vng peu de doulce humeur petit a petit. Quāt le germe de la Vigne entee se prēt a croistre on le doit soustenir daucune ayde deschallatz affin q̄ aucun mouuement ne le casse pour sa tendreur & ieunesse.

De tailler les Vignes.
Chapitre. v.

Les vignes doiuent estre tailles en lieux froidz apres puer et en lieux chaudz et en lieux attrempez sil se peult faire. On osterā les semences toz et foibles & neyz en mauuais lieux & en lieux plus gras et plus gros len pourra estendre

les vignes plus hault / & en lieux maisgres ou en costieres plus bas. On deura laisser le nombre des sarmētz plus ou moins. Les Vieilz sarmētz ou les fruitz du premier an auront pēdu serōt tous retrēchez & les nouueaulx seront laissez fors q̄ les chetifz et de nulle valeur. Les vignes de peu de fruit ou il sourd assez de neuz serōt estroit tailles / & celles q̄ auront grans espaces entre leurs neuz serōt tailles plus large. On doit cōsiderer trois choses quāt len vouldra tailler cestassauoir l'esperāce du fruit / la succession de la matiere & le lieu q̄ la garde. La Vigne q̄ est pl⁹ tost taillee bouriōne pl⁹ tost & gette plus de sarmētz & plus grâs / & celle q̄ est plus tard taillee faict au contraire : car elle vient plus tard et faict plus de fruit. On taillera la Vigne plus estroit apres bōnes Vēdanges / & apres petites Vēdanges plus large. Il proffite grādemēt aux vignes / et par especial aux nouuelles quant on les a deslpees et len trenche les racines qui sont sans proffit quelles gettent en parfond.

De foupz les Vignes.
Chapitre. vi.

On doit foupz les vignes auāt q̄ les oeilletz engrossissent : car se loillet de la Vigne est ouuert et a regard au laboureur on y perdra Vne grosse esperāce de la Vēdange. Cest Vne chose toute certaine que Vigne floriz ne doit poit estre touchée. On foupzra la Vigne quāt la terre nest ne trop dure ne trop molle : mais quant elle est en moyenne disposition et pouldreuse / et doit on considerer que toute la terre soit esgallement remuee / et par especial entour les vignes et empres affin quil ny demeure point de terre crue / laquelle chose le diligent vigneron considerera a la Berge.

Des grappes & du Vin.
Chapitre. vii.

Ses grappes grasses et comme meures sont desnuees p les costez et les fueilles ostees & puis cueilz

lies par air serain et la rousee seiche le Vin sera bon & se gardera bien. Grappes reluy sans & non pas grasses ne degastees feront plus fort Vin & trop meures le feront douly trop Vertes le feront Vert et agu/et pleines deaues le ferot eueuly. Grappes cueillies au croissant de la lune font Vin moins gar dable. Le Vin est blece de plusieurs causes & est trouble comme de chaleur et de froit / de paour / de tonnerre / de mouuemens de terre / de esmouuoir le Vaisseau & de Vent de midy et aucunesfois nest que Vng petit / et lors q Vng peu de medicine contraire le guerist / et aucunesfois est grandement greue / si luy couient plus forte medicine contraire / & auc unesfois lest tant que toute sa chaleur na turelle est entierement estaincte / & lors il ne se peult guerir : car au mort nulle medicine peult estre donnee.

Cy commencent les reigles du cinz quiesme liure des arbres et de leurs labourages.



Combien que aucuns arbres de sirent air chault et aucuns froit et plusieurs bien attrempe. Et aucuns Veulent terre grasse et les autres maisgre / toutesfois tous saccor dent en ce que tous Veulent terre seiche sur la pleine superficie & moiste dedans. Len des couurera & chauffera len les racines des arbres en autone et y mettra len aucune gres se qui sera attrempee par le flux de la pluye et transportee deux racines couuertes / et se elle est trop sablonneuse elle receura bien craye grasse. Et se elle est trop crayeuse len y mettra du sablon. En terres grasses on es leuera les tiges plus hault et en moyenne moins hault. Les plantes des arbres ne se ront point taillees du temps quelles seront platees iusques a trois ans apres. Len pres dra diligēce & cure des ladolēscēce des plan tes de les procurer iusques a leur deue croif sance que la tige soit diuisee en rinceaulx / en verges et en petiz boutōs portans fruit

Et quāt il Viendra en perfection et enuieils lira len en trēchera toute la seicheresse & sus perfluite des rinceaulx que il ne peut pas bien soustenir avec le fruit. Toute taille darbre peult aucunesfois estre faicte des le tēps que les fueilles cheent fors que lacuis semēt engēle iusques a tant que ilz cōmen cent a getter / il cōuient attendre que la ba stardie nee en lherbe ou ēpres la souche ou les racines sourdent ny soit lāissēe. Mais du tout la tailler iusques aux rez. Les her bes qui sont contraires a l'arbre pour la grā deur de leurs racines dopuēt estre ostees du tout. Se les arbres portent fruit Vermeux len percera leurs racines de Vne tariere ou le tronc sur les racines / & mettra len au trou Vng coing de chesne. Quant arbres languif sent on les deschauffera & puis y mettra len entour de la terre de lautre disposition.

Cy cōmencent les reigles de la ma tiere du sixiesme liure des iardins et des herbes. Et premieremēt de l'air / de la terre & du siege conuenable aux iardins.

Chapitre.i.



Dus iardins Veulent air franc et attrempe ou y approchant : car ilz redoubtent lieux de trop grāt seicheresse se on ne leur ay de de arrousement ou se ilz nont ayde de la pluye. Aussi ilz ne peuent soubstenir lieux de froydure mortifiant / et si ne sont ne de prouffit ne de plaisir en lieux Vmbrages. Les iardins desirēt terre moyennement des liee & mieulx moiste que seiche. Craye si est fort ennemye aux iardins & aux iardineurs Herbes qui sont nees en printemps en terre qui est trop dissoulte Viennent tresbien et beau : mais elles seichent en este. Le pre est tresbien assis q a au dessus de luy ruyseau dont il puisse aucunesfois estre arrouse par rayes conuenables : car le iardin assis en la douceur du ciel et qui est arrouse de fontai :

nes a plaisir est presque franc / & na mestier de semer ne de labourer. Jardins desirant terres tresgrasses et y doit auoir en la plus haulte partie de soy aucun fumier de qui le ius descende de soy mesmes et le face plantureux / et de qui chascune partie du iardin soit engressee chascun an Vne fois quant on le deura semer ou plâter. Le iardin doit estre pres de la maison / mais toutesfois loing de laire / car la pouldre des pailles perce les feuilles des herbes & les seiche / & les griesue. Le siege du iardin est bien cure de qui la plaine doucement enclinee est arrousee du cours de leau courant p certaines espaces.

¶ Du foyssement des iardins.

Chapitre.ii.

Les parties des iardins serot ainsi diuisees que celle ou len semera en automne sera fossopée en printēps et celles q nous semerōs entieremēt seront foupees en automne / affin q du benefice du froit & du soleil ilz soyēt seichees. Et se on a souffrette de terrouer en chascun temps de lan / la terre q est egale entre humeur et sec pourra estre foupe / et tantost semee quant on laura tresbien engressee. On fera le fossage du iardin premierement parfond et gros / & puis sur luy on estendra du siens / & apres sera encore menuemēt fouy & la terre foupe avec le siens et ramenee en pouldre tant comme len pourra.

¶ Des semailles des iardins.

Chapitre.iii.

En lieux froidz les semailles d'autōne seront faictes plus tost / et de printēps plus tard. Mais en lieux chaudz celles d'autōne seront faictes plus tard / et celles de printēps plus tost. On peult bien semer herbes toutes seules & ensemble affin q celles q seront semees seules demeurent / & celles q seront meslees seront ostees & leuees sicōme on les voudra transplanter. Les herbes q len doit transplanter seront semees espesses / et celles que on ne

Veult bougēr seront semees au large. On doit regarder que les semences q len Veult semer ne soyent corrompues. Et pource on doit eslire celles qui ont farine blanche dedans et qui sont plus grosses et posent le plus / & quelles ne ayent plus de Vng an. Il aduiert souuent que les semences combien quelles soyent tresbonnes / nonobstant ce si ne viennent ilz point a bien pour aucuns empeschemens des cours du ciel / & si aduiert souuent prouffit de getter diuerses semences ensemble affin que le temps qui par aduerture est contraire a aucune semence baille a lautre & que le champ ne demeure pas nud. La semence est bōne de toutes herbes quāt la lune est en croissant / & si aduiert souuent que la semence ne vient pas a proffit quant on la gette en decours. Toutes herbes ou la plus grāt partie sont bien transplantees quant elles seront Vng peu creues et la terre nest pas trop seiche.

¶ De layde des iardins.

Chapitre.iiii.

L proffite grandemēt aux iardins se len en oste les herbes nuyfians toutes fois q il en est mestier affin quelles ne soustrayēt aux bōnes leurs nouritures. Entre les choses q plus leur nuyset cest q len aille par dessus quant la terre est molle. Se la terre est trop crapeuse len y meslera du sablon ou grāt foison de gresse & remuera len souuēt la terre & se elle est trop sablonneuse len y meslera siens et terre.

¶ De la cueillette des herbes / des fleurs et des fructz et racines.

Chapitre.v.

Les herbes pour la viāde doiuent estre cueillies quāt leurs feuilles sōt venues a deue croissāce ou pres / mais celles pour medicines seront cueillies quāt elles aurōt entiere grādeur auant q la couleur se chāge & q elles cheent. Les semences seront cueillies quāt leur terme est venu et fichē et puis leur seiche leur crue aquosite.

On prendra les racines quant les feuilles seront cheues ou quant elles cherront. Len cueillera les fleurs quant elles seront entierement ouuertes auant q les papes en cheent. Les fructz seront cueilliz quant ilz seront acöplis auant q ilz se disposent a cheoir. Toutes choses q len cueillera au decours de la lune seront meilleures et plus durables q celles q len cueille en croissant / et les choses cueillies en cler temps sont meilleures que les choses en temps prochain de pluyes.

Des Vertus des herbes.

Chapitre. vi.

Herbes sauuages sont plus fortes q les fraches et si sont de moindre quantite cömunement. Et des sauuages celles des mötaignes sont les meilleures et les plus fortes / et celles dont les lieux sont bêteux et plus haults söt les plus fortes / et aussi celles döt la couleur est plus taincte / et la saueur plus apparete et lodeur plus forte seront les plus puissans en leurs especes. La Vertu des herbes est affoiblie communement apres deux ans ou trois.

De la conseruation des herbes / des fleurs et des racines et des semences.

Chapitre. vii.

Herbes / fleurs et semences doiuent estre gardees en lieux secs et obscurs / et en sacz et en vaisseaux bien estroitement seront gardez et / par especial fleurs affin q lodeur et la Vertu ne se perdent par exhalation: racines se gardent le mieulx en delie sablon ou grauois se ce ne sont racines qui se doiuent garder seiches et qui mieulx se garderoient en lieux secs et obscurs. Les semences des poireaux et des ciboules et de aucunes autres herbes se gardent mieulx en leurs cosses que ailleurs.

De cömençer les reigles de la matiere du septiesme liure des prez et boys. Et premierement ql air / terre / eaue et siege les prez desirer. Chap. premier.



Prez desirer air attrempe en aprouchant a froit et a moiste / car trop grant froidure empeschela generation des herbes / et aussi faict trop dhumeur et de sec et trop de chault art toute la verdure. Il desire terre grasse pour auoir assez herbes. Mais pour les auoir sauoureuses ilz la veullent moyenne et non pas trop maisgre / car ilz la refusent. Ilz demandent eaue par especial de pluyes et de maretz chaulde et grasse / mais ilz sont blecez de eaue gelee: mais se il est bas il desire auoir continuellement humeur enclose / mais celluy qui est trop parfond nest conuenable a aucunes bönes herbes / mais a herbes de patus sans saueur.

Comment les prez sont faictz procurez et renouellez.

Chapitre. ii.



Combien q prez viennent cötinuellement par soy / toutesfois les faict on bien par oeuvre manuelle quant on extirpe les boys et les lieux aigres ou applanier les champs arez et semez de bece / de pouldre et de semence de foig. Len procure tres bien prez se len oste tous les empeschemens q y söt nez et naiscöt et les grosses herbes aussi q y sont sans proffit sont ostees aps gräs pluyes et bien desracinees. Ceulx qui plus souuēt seront arrousez fructifieröt plus et seront sciez ou faulchez en temps et en saison. Les vieulx prez seront nettoyez de la mousse et ceulx q seront faictz brehaings seront plusieurs fois arez / et tantost seront semez.

Comment le foing est cueilly et gardez et de son proffit et des boys.

Chapitre. iii.



Ein doit estre scie ou faulche en teps sec et chault ou en serain quant on a esperace q lair doit estre chault et durer / et les herbes seront venues a leur deue croissace / et auröt acöply leurs fleurs et ne se prenöt pas encore a seicher. Fein se garde bien et a proffit soubz le tect ou a lair /

mais q̄ leue n'y vienne. Fein est de grant prouffit / car les bestes labourans & les baches et bzebis en viuent au long de lan.

Cy cōmencent les reigles de la maniere du huytiesme liure des boys.

Chapitre premier.

Bes Viennent naturellement de diuers arbres / selon la diuersite de la terre & du siege de l'air et aussi font ilz par labour de gens. Qui veult planter boys ou semer / il doit premierement considerer le siege et la nature de la terre et de l'air ou il voudra faire boys / & y mettre seulement les arbres qui seront conuenables a celluy lieu / et qui finablement plairont au maistre / & les mette loing ou pres comme les rinceaulx et racines le requerront & s'estendront.

C De la diuersite des Bergiers.

Chapitre.ii.

Des Bergiers les Vngz sont de herbes & les autres darbres / & aucuns de tous deux. Jardins de herbes desirent terre mesgre et ferme affin que ilz donent herbes subtiles et q̄ plaisent fort a la veue. Les Bergiers ou iardins doiuent auoir entour soy herbes de noble odeur de diuerses manieres q̄ ilz soient bones pour delectatiō / & pour s'etir / garder & doner / car toute souefue odeur est plaisant a lame. Jardins veulent vers midy & occidet bons arbres & peu / & de l'autre lieu appers & ouuers affin q̄ ilz n'empeschent point le bon air delectable / car l'ombre des mauuais est nuisant / & trop de ombre engendre maladies / & empeschement de sain air corrompt la sante. Les iardins doiuent estre faictz & considerez au regard de la puissance & noblesse / et richesses du seigneur / chascun arbre es iardins des seigneurs doit estre mis en son reg sans empeschement ou admixtiō d'autres arbres pour faire le lieu beau et delectable. Les gras arbres seront mis es iardins en distan-

ce de vingt piez / & les petiz de dix en leur ordre. Et q̄ plus large le voudra faire si le face. Arbres requierent en leurs lignes fosseurs / exceptez les pommiers pour plus durer / mais entre vne ligne et l'autre sont prez bien seās. On ne se seult pas trop grant delecter a superfluite aux Bergiers sinon quant on aura faict & acōply les choses necessaires. Hape bien verte & belle entour l'habitation du champ faict grant delectation. Il delecte moult auoir grans champs et plantureux qui ayent droitz termes plaisans et bien ceinctz de fossez conuenables et hault tout entour. Et y ait arbres bons / et soient par dedans aornez et parez de chemins conuenables / & darbres / & de fontaines et de ruisseaulx courans.

C Des choses qui sont faictes entour les vignes & leurs fructz qui donnent delectation.

Chapitre.iii.

Rant delectatiō est dauoir vignobles de diuerses vignes beaulx et biē portans raisins de diuerses manieres. Aucunes choses sont escriptes et recitees des anciens de plusieurs merueilles de raisins qui ne sont pas trouuees brayes a l'experience / mais toutefois elles ne seront pas despicees du tout des saiges oyseaulx / affin que par aucune aduerture la diuersite des tēps & des lieux ou ignorance du non expert ne decoiue celluy qui les voudra esprouuer. Il faict grant plaisir dauoir vins de diuerses couleurs et saueurs / q̄ n'est pas fort a faire / & aussi vins medicinables sont prouffitables a ceulx qui mestier en ont.

C Des choses qui croissent delectation entour les arbres.

Chapitre.iiii.

Est grant delectation dauoir en son lieu copie de bons arbres de diuerses manieres / si en doit bien penser le seigneur de les y faire adioster et planter. Il plaist moult

dauoir de diuerſes manieres dentes. Et auoir tout ce en belle ordie / et en vng preau diuerſes entes de pluſieurs fruitz / et doit garder q̄ les arbres ne ſoyēt tortus / boſſus ne rōgneux. Pluſieurs manieres de enter ſe monſtrent a ceulx qui eſprouuent pluſieurs choſes. Si len trenche vng rinceau d'ung arbre portant fruit et on met en la trenche poultre de choſes lapatiues ou de quelconque couleur au lieu de la moelle et ſencloſt on bien / le fruit acquerra la vertu et la couleur de la choſe encloſe.

C Des delectations des iardins et des herbes. Chap. V.

L delecte moult dauoir vng iardin bien diſpoſe et ordonne par bon art et bonne meſure. Si y doit le ſeignr penſer diligēment de lauoir en lieu gras et delie ou il y ait vne fontaine q̄ par certains lieux enuoye ſes rinceaux pour ſarrouſer par tout au tēps de chault eſte / et de y mettre toutes manieres d'herbes bonnes & meſdicinables. Car ceſt profit et plaiſir.

C Comment les reigles de la matiere du neuſieſme liure de nourrir les beſtes aux champs.

E n l'ancien tēps les gēs viuoient ſeulement des choſes q̄ la terre apportoit ſans labour / et apres ſe prindrent a labourer des choſes naiſcens des chāps labourez & cultiuez / et maintenant ilz en viuent et meſmes des ſciences des eſcriptures et de artz infiniz / de toutes manieres de beſtes appriuoyſees en treuve len qui ſont encores ſauuages.

C Des cheualx et iumentz.

Chapitre premier.

Qui veult achepter cheualx et iumens il luy conuient q̄ il conſidere laage / le lignage dont il eſt deſcendu / la forme / la ſante & la mauuaiſſie / & y regarder bien. Len congnoiſt laage des cheualx et de toutes beſtes

ſtes qui nont poit les ongles fendus / & des cornues aux dentz / & luy ſcet on plainemēt. Les eſcalions doiuent eſtre ainſi gardez que ilz ſoyent peu cheuauchez ou neant / et ne ſoyent point auſſi autrement trauallez / et les mettra len deux fois le iour avec les iumens tant ſeulement ſe len en veult auoir beaulx poulains. Len doit garder les iumens preigs non pas trop maiſgres ne trop graſſes et ne ſoyent point contrainctes & ne ſeuſfrent point de froit / et ne ſoyent point miſes en lieux eſtroitz. Les nobles iumens qui nourrissent maſles doiuent auoir vng an de repos & aller au maſle / lautre affin quelles donnent aux poulains copie de lait pur. Le cheual admiſſaire doit eſtre au moins de cinq ans / mais la femelle conceura a deux ans. Len doit tenir le poulain principalement en lieux monteux ſecs et pierreux / et ſupura ſa mere a la paſture deux ans ſeulement. Quant on voudra dompter et appriuoyer le poulain on le touchera ſouefues mēt en leſtable et y aura freins pēduz pour ſacouſtumer de ouyr les freins et de les veoir. On doit touſiours tenir les lieux des cheualx netz de iour / et de nuyct on leur fera lictiere iuſques aux genoulx pour reſpoſer / & au matin on leur oſtera et leur torchera len le doz & tous les membres doulx cemēt. Et puis on les menera a leau a petis pas & les y tiendra len longuement iuſques aux genoulx. Et au retour auant q̄ ilz entrent es eſtables / on leur torchera les cuiſſes et eſſupera len treſbien et ſeichera. Quant le cheual ſera acomply en chair cōpetant il y ſera tenu affin que on le puiſſe plus ſeulement cheuaucher / car trop grant greſſe engendre maladies / et trop grand maiſgrete les fait eſtre foibles. Le cheual trop fort ſuant et trop fort eſchauffe ne doit riens manger ne boire iuſques a tant que il aura eſte couuert / pourmene et deſiure de ſa ſueur & chaleur. Bon eſt au cheual de auoir en temps chault couuerture de toille

pour les mousches/ et en tēps froit de drap de laine pour le froit.

De la doctrine et morigination des cheuaulx.

Chapitre.ii.

Qui Vouldra premierement endoctriner cheuaulx on leur donnera au p̄mier Vng frein legier & doulx de q̄ le mors soit oingt de miel ou daucune doulce liqueur & le maine len doulcemēt a la main & puis le cheuauche len sās selle doulcemēt/ et puis apres a selle par lieux plains souesusement iusques a tant q̄ il aura acoustume de prēdre doulcemēt le frein legier et la selle & y aller/ & se mestier est on le menera a plus fort frein par lieux et chāps arez nouuellement en temps froit/ & le instruira len a trotter premieremēt & puis a galopper a petit saulx/ et le menera len par les rues ou il y aura orfeures et noyses/ et la le retenir doulcemēt et non pas asprement iusq̄s a tant que il nen ayt point de pacur. Quāt le cheual sera bien faict au frein on le acoustumera a courre/ et sera chascune sepmaine Vne fois biē matin iusques a la quarte partie dung millier au premier/ et puis apres par plus longue espace.

Des generalles congnoissances de la bonte et malice des cheuaulx.

Chapitre.iii.

Beau cheual a grant corps & long/ & ses mēbres bien proporcionnez a sa grādeur & lōgueur. Poil bayart rouge est tenu le principal de plusieurs. Cheual qui a grandes narilles et qui sent enflees et qui a gros yeulx est hardy de sa naturelle inclination. Cheual q̄ a grosses costes & grant corps/ le Vētre ample & pendant derriere est iuge estre de moult grant labeur & peine. Cheual qui a grans iaretz et bien estenduz et les costes alaigres doit estre legier et ysnel. Cheual qui a les ioinctures des cuisses naturellement grosses et les espaulles courtes doit estre fort. Cheual

qui a entour les ioinctures des cuysses poil long est labourieux. Cheual q̄ a les maxillieres grosses & le col court nest pas legierement enfrene bien a point. Cheual qui a tous les ongles blācs naura ia durs piedz. Cheual qui a les oreilles pendantes & grādes & les yeulx cauez est tardif. Cheual qui a les iambes de deuant se semblant mouuoit tousiours est de mauuais meurs. Cheual mouuant la queue hault et bas est de mauuais Vice.

Des maladies des cheuaulx.

Chapitre.v.

Maladies Viennēt aux cheuaulx en la teste au Vētre au dos es cuysses aux piedz et aux ongles/ aucunes fois de humeurs/ et aucunes fois par negligence et male garde. Douleurs Viennent aux cheuaulx par superfluite de mauuais humeurs cōtenues aux Veines du sang ou de Ventosite qui est entree au corps du cheual eschauffe par les pores ouuers ou es entrailles de visqueuses humeurs ou de trop manger dorge ou dautre chose semblable enflant/ et en est lestomac ou le Vētre enfle/ ou de trop tenir son Urine qui enfle la Vecie. A toutes ces choses remede general est que on laisse le cheual avec la iument franchement en lestable aller et Venir. Sel gecte en Vin aigre souffisamment/ Vault moult contre enfleure cōmençant & Venant au dos. En plusieurs maladies de cheuaulx la cuycture est le souuerain remede. Mais on le doit sur toutes choses garder quil ne puisse mordre la cuycture ne la froter a autre chose. Car il se bleceroit pour la mangeure et destruiroit nerfz et chairs et tout iusques aux os. Plusieurs signes sont a quoy on congnoist en quelle partie le cheual seuffre/ et a quoy len peult pronostiquer se il guerira ou se il mourra/ que ie laisse pource que ilz sont escriptz deuant au traicte des cheuaulx.

Des beufz.

Chap. vi.

Ilz sont quatre degrez de laage des beufz. Le premier est des Beaulx. Le second est des genices. Le tiers est des douettes. Et le quart des beufz. Qui veult achepter aumail de beufz il doit au premier considerer que les Vaches soyent bien conuenables a porter fructz et mieuil daage parfait que trop ieunes/et que elles soyent bien composees et q tous leurs membres soyent bons et gros & bien respondans ensemble. Len doit appareiller a aumail de beufz en puer lieux pres de mer/et en este frois obscurs et moistes. Estables de beufz doiuent estre semees de sablon ou grauois ou de pierres/ & pendans aucunement pour en getter hors l'humour. Et contre la partie de la glace on mettra aucuns obstacles. On gardera diligemment que elles ne soyent trop estroitement ne serues ne fort chassées et courues/et q en este elles soyent tresbien cloees de bonnes hayes que elles ne soyent esmeues ne ennuyees daucunes bestelletes. Et leur donnera len assez feurre pour eulx reposer/on les menera a leau en tēps deste deux fois le iour et vne fois en puer. On congnoist beufz fors et legiers et sains quant si tost q on les touche ilz se meuent/ & quāt on les poigt aussi & ont gros mēbres & oreilles esleuees. On congnoist les beaulx et les fors en general se tous les membres sont gros & bien respondans l'un a l'autre.

Des bresbis & moutons.

Chapitre. Vii.

On cōgnoist ouailles & moutons se ilz sōt bōs a laage se ilz ne sōt trop vieilz ne trop purs aigneaulx et a la forme se elles ont bon corps & abōdant & assez laine & molle & portēt les peulx hault & serrez par tout le corps. La sante delles est congneue se on leur ouure les yeulx et les veines se elles sont rouges & subtiles elles sont saines/et se elles sont blanches et rouges et grosses elles sont malades/et aussi qui les empongne par la peau du col et les

traict on a peine elles sont saines/ & se legies remēt cest signe de maladie/et aussi se elles vont hardiement sur terre elles sont saines/ se elles y vont enuis la teste enclinee elles sōt malades. Les ouailles p tout lan doiuent estre repeues droictement hors et ens. Les estables pour ouailles doiuent estre hors de lieu ventoux ou la terre soit couverte de feurre et vng peu en declinant pour la netz toper de l'humour de l'arine qui corrompt les laines et pourrist les ongles. La pasture des ouailles est bonne q vient des prez secs ou des champs nouueaulx/mais celles qui viennent de palus sont mauuaises/ & celles des boys sont dommageables pour laines/ mais souuent semer du sel et assez oste lenz nuy et la paresse des ouailles.

Des mousches. Chap. viii.

Musches croissent les vnes des autres mousches/ les autres d'ung ieune beau pourry. Les meilleures mousches sont les petites veretes & rōdes. La sante des mousches se monstre se elles sont souuent au labour/et se elles sont resplendissans et se loeuure que elles sont est apparable et legier. Le signe des chetiues est quāt elles sont horribles/velues & pouls breuses.

De cōmencent les reigles de la matiere du dixiesme liure des engins a prendre les bestes sauages.

La nature des oyseaulx de proye est q de leur nature elles volent seules et peu ou neant vont en cōpaignie pource quelles ne veullent point auoir compaignie en leur proye. Et par la nature des oyseaulx tous ceulx que ilz aguettent les congnoissent comme leurs ennemis/et les sentent et senfuyent/et se mussent tant cōme ilz peuent. Se oyseaulx de proye sont nourris de bonnes chairs et a droictes heures on ne leur faict iniure/et que on ne les enuoye point voler a oyseaulx contre leur volente ilz se departent a peine de leur sei

gneur. Et se le seigneur nensuyt la Volunte de l'espreuier ou de l'oyseau de proye / ains luy fait le cōtraire il le pert bien de legier: car ilz sont de indignante nature et se courroucent legierement. On tiendra les faulcons en tel estat de gresse cōme ilz sont appareceuz & trouuez plus hardiz & mieulx prenans oyseaulx. Tous oyseaulx de proye sont cōme de vne nature. Len prēt oyseaulx sauuaiges par oyseaulx sauuaiges appriuoisez / cōme par espreuiers / par aultours / par faulcons / par esmerillons / par gersaulx / par aigles / par la guue & la guiette. Oyseaulx sont prins a retz par diuerses manieres / cōme les anettes a la panetiere et les grues aux rethz estendues sur la riuere et sur le fleuue cignes et oapes et autres plusieurs oyseaulx. Et aussi a vne autre rethz oapes & cannes sont prinses aux champs pres des eaues / & les coulombs & teurterelles et autres petiz oyseaulx aux paroyes / et aussi a arolus sont prins petiz oyseaulx de proye. Et a vne longue rethz prēt on les perdrix. Les oyseaulx sont prins a diuers latz mis en terre ou sur terre / et entour les arbres et leurs nydiz. Len prēt presque tous oyseaulx a la glux / comme a vergettes / et lieures a l'pens & cordes & cordelettes engluées. Tous oyseaulx sont prins a arbalestres a arcs et en autres manieres. Bestes sauuaiges sont prinses a chiens / a lacs / a caioles / a fosses & en autres manieres. Poissons sont prins a rethz de diuerses manieres / comme a la scorticaire en la mer / au trauersaire en fleuues / en riuieres / en viuiers & estangs / a riuales es petites eaues / et aux grans eaues a la nef. Et aussi on les prent a vng instrument appelle zachus / et l'autre negossa. Et aussi en balees a la cogolaire et a la degagne. Et aussi a greilles et petites rethz / & a cystes & caues / a lamecon & a espadernes / & a la chauly.

¶ Cy fine le vnziesme liure. Et ensuyt le douziesme.

¶ Des choses qui sont a faire au moys de Januier.

Chapitre premier.



En peult cōgnoistre par especial au moys de Januier en lieux chaulyx du lieu habitable de l'air / des bētz / des eaues / de la terre & du siege la bōte & la malice cōbien que en lieux attrempez on le puisse mieulx scauoir en autres moys. Aussi en lieux chaulyx len peult tresbien edifier cours & maisons / & peult len tresbien trencher arbres pour la matiere des maisons. Aussi peult len nouueaulx & vieulx estrongs procurer et traire aux champs et aux vignes porter et semer febues / citrues & decer / & se les champs ne sont trop molz on les peult premierement trencher. On peult en lieux chaulyx fumer vignes et tailler / et si peult on mettre sorbier & peschiers / noyers / agmadiers / pruniers tresbien au lieu semer et enter nobles arbres qui portēt gomme & faire iardis sur terre se la terre nest trop moiste / et aussi en nouueaulx prez peult on semer decer et autres semences dherbes & trēcher perches de sauly / ioncs & cānes pour les vignes et bois & toutes manieres darbres tāt francs comme sauuaiges pour soy chauffer. Len peult aussi a ce moys faire tous vaisseaulx pour vser chars et charrettes & toutes choses necessaires a hostel quelconque temps quil face / et acheter toutes bestes priuees & prendre les sauuaiges & porter les mousches de lieu en autre.

¶ Des choses a faire au moys de feurier. Chap. ii.



En feurier & en tous autres moys peult oncōgnoistre la bōte & la malice du lieu habitable et es possessions de la maison / & acheter toutes choses q len doit faire dedās ou entour l'hostel ce q on pourra bien faire. On peult aussi porter

aux ch&aps fr&es & aux vignes & aux i&rdins et es prez et toutes choses fumees & tr&cher les ch&aps et y semer febues/veces & autres potages/froment et seigle & far & speaultre sarcler & en destourner leaue & en destriuer & brusler feurre en euly. Et en lieux chaulx semer auopnes & ciches/& en lieux attr&pez froidz/febues/citrules et Bece & robiles ou pois. En ce mois en lieux moistes len doit fouyr et faire fosses ou labourages au lieu ou on doit pl&ter vignes. Et en lieux hault et secs face len proffitabement vers la fin plantati&ns & incisions d&tes de vignes qu&nt elles se pr&nent a germer ou a en faire aucun semblant & q&lles pleur&nt non pas clere eaue/mais humeur espesse. Len y faict aussi tailles de vignes tresbien en lieux attr&pez & chaulx se neige tressorte & trop gr&at froid ne lempe&che/c&me iay m&stre au quart liure des vignes. En ce mois proprem&nt forme len vignes et les arbres soustenans vignes. En ce mois doit on retail&er les racines des vignes q& ri&es ne val&ent et les fumer/et les doit on releuer et mettre eschalz latz et les fouyr en lieux pres de mer/et si peult on en la fin de ce mois quant le vent de midy ne souffle point/mais bise & que lair est serain transporter de vaisseau en autre les vins foibles et les cupre pour garder de corrompre/et si peult on en ce mois quant la terre nest pas trop seiche ne trop molle/les plantes de tous arbres planter & les sem&nces semer & transplanter et enter/et par especial se le ius est ia feru es escorces/& aussi les arbres tailler & former de toutes superfluitez deliurer. Et les raiceaulx secs & tortus oster/et planter rosiers et cannes/et se la terre est attr&pee entre sec et mol on doit faire i&rdins & terre arer et fouyr/& de toutes bonnes herbes semer et planter/comme sont aulx arrousez/anis/annet/ache/aluyne/armoise/auoine/bette/basilic&choulx oignons/fenoil/cabus/reglisse/laictues/m&te/poireaulx/pauot/persil/pastinaque/

espinoche/seneue/sarriette et escalongnes/ Et aussi herbes medecinables saulvages peult on semer en i&rdins et ailleurs/et si peult on en ce mois planter & procurer plantes & faire hayes seiches de fiens et despiznes et d'autres matieres pour cours/pour ch&aps et pour i&rdins/& si y peult on planter boys & faire forestz et saulsoyes et d'autres arbres/t&at francs comme sauuages et autres delectables/c&me vergiers d'arbres et de herbes comme iay deuant dit au huitiesme liure. Et aussi en ce mois bergeries & bouueries de cheuaulx/d&nes/de breibis & d'autres bestes peuent estre proffitabement acheptees et procurees/et y peult on faire lieu pour lieures & pour c&mins/piscines c&me iay dit au neufiesme liure. Aussi paons/oayes/gelines et coulombs se commencent a eschauffer vers la fin de ce mois/et se prennent a couuer comme iay dit. Et aussi peult on en ce mois acheter mousches et les fumer plusieurs fois et deliurer de toutes pourritures et les roys tuer/et les autres choses comme iay dit en leur traicte. Et doit on en ce mois procurer faulcons et espreuiers/& vers la fin de ce mois les mettre en mue. Et si doit on pr&dre bestes sauuages/oyseaulx et poissons par les engins dessusditz.

Des choses que len doit faire au mois de Mars.

Chapitre.iii.

En trenche tresbien en Mars les champs en lieux attr&pez qu&nt la superfluite humeur est degastee et la terre entre chault et moiste est disposee. On y seme auopne et ciche et chanure vers la fin & feues en lieux froitz & en lieux attr&pez & en lieux gras/& y sarclera len ce qui aura este plante en i&uier ou seme qu&nt il sera de quatre fueilles/et si y sarclera len et nettoiera on le froment/lorge et speaultre/et si y seme len le mil et le pannic et la milique/et si y taille len et seme len les vi-

gnes entour le commencement / et relieue
 len les plantes & assemble len et renouue
 le len / et aussi on mue les vins de vaisseau
 en autre quant bise Vente et cuyt on les foiz
 bles pour mieulx garder que ilz ne se tour
 nent . On les emple tresbien et les met on
 en la caue & les clost on affin qz souspirent
 peu et qz ne deuiennent aigres . Len peult
 planter / transplanter et foyez entour tous
 arbres et enter quilz ne gettent gomme / et
 en ce moys on faict iardins / concombres et
 citrulz entour la fin / et aussi seme len touz
 tes les semēces dictes au moys de feurier
 et cucurbites / mellons & cucumeres entour
 la fin . Len plante la saulge en ce temps en
 boutant les rainceaulx en terre . En lieu
 froidz len doit purger les prez et les doit on
 garder en lieu chaulx & attempez . En ce
 uaulx / iumens / beufz et vaches / verrotz &
 moys principallemēt on doit achepter che
 coches / et doit on faire bergerie et mesler
 masles et femelles et appriuoiser cheuaulx
 et beufz et doucement suffumer mousches
 et osier les vers des vaisseaulx et toutes
 ordures . En ce moys on doit mettre espre
 uiers et ausiours en mue dedans vne grāt
 cage & les nourrir de bonne chair / et si peult
 on prendre en ce moys bestes et oyseaulx et
 poissōs / silz ne sont telz qz doiuent seulemēt
 estre prins en tēps froid & en tēps de neige .

Des choses que len doit faire au
 moys Dauril .

Chapitre.iiii.

Au moys dauril sont trēchez chāps
 gras et moistes qui tiēnt longue
 ment eue / & sont secs arez la secōz
 de foiz . On seme cyches en lieu froidz / et
 chanure & mulique en lieu attrempe vers le
 commencement . On faict fosses de vignes
 en lieu froidz et attrempez . Les vins qui
 ne sont pas foibles peuent bien estre trans
 portez de vaisseau en autre . En ce moys
 peult len semer pommes dorenge / et il s'y
 peult on bien enter / et le peschier estre des

oeille comme dit Paladius . Len doit en ce
 moys tresbien garder tous arbres et plan
 tes qz les bestes ny entrent . Len y seme bien
 courges / citrulles / cucumeres et mellons /
 ache / origan / capparis / serpil / laictues / bet
 tes / cuortz et arroches / mais qz on les puisse
 arroser . En lieu chaulx len tōd les biez
 bis et les hastifz aigneaulx / et les moutōs
 vont aux biez / et cheuaulx et asnes &
 leurs femelles . On doit en ce moys dōner
 a māger aux coulombs quāt les terres sont
 arees pource qz trouuent peu aux chāps .
 Selon Paladius on doit querir les mous
 ches & biē nettoyer les vaisseaulx & tuer les
 papillons qui habōdent quāt les mauues
 florissent . En ce moys comme es autres on
 peult prendre bestes / oyseaulx & poissōs .

Des choses a faire au moys de may .

Chapitre.v.

En ce moys de may les champs qz
 sont gras & ceulx qui longuement
 tiennent eue peuent estre trēchez
 et labourez quant ilz auront porte toutes
 leurs herbes & leurs semēces ne seront pas
 encores en meuretez fermes / & ceulx qz sont
 secs peuent estre arez la seconde foiz en ce
 moys . Les choses qui sont semees sont pres
 de florir si ne doiuent point estre trenchées
 de personne ne du laboureur . En ce moys
 phaseoles / mil et pānic serōt semez en lieu
 froidz et moistes . Et sicōme dit Paladius
 len le doit tailler quant il est vestu de ses
 fueilles / & les lieux fumer / & les vignes sōt
 cōtinuellemēt foyez / & les esbourōne len .
 Len taille les oliuiers en lieu tresgelez et
 moistes / & leur oste len la mousse & rase & ar
 rache . Et se len a seme aucuns lupins pour
 fumer le chāp on les retournera a la char
 rue / et cōme il dit en lieu chaulx on peult
 trāplanter le peschier / & l'arbre du cytre se
 ra ente et le figuier aussi / et dispose len l'ar
 bre du palmier . Aussi les espaces des iards
 duns qz len rēplira de semences en aucūne
 serōt ordōnees ou il les cōient foyez pour

Des choses qu'on doit faire aux douze mois de l'an.

les plantes. En ce mesme mois len sème coriāde/ache/citruiz/concombres/courges mellons/charbons/racines & rue/ & les plantes des poireaulx seront trāsplantees et arrousees & les choulx & les oignons/ & si y sème len pourcelaine / mais en q̄lcoque tēps quelle soit semee si ne vient elle q̄ en chault tēps. En ce mois en lieux marins & chaulx on retrēche les fiens/ auāt toutesfois q̄lz se prēnent a seicher/ et sil pleut ou a pleu et ilz sont mouillees on les cōuertira auant que la souueraine partie soit seiche. En ce mois on doit chastrer les beaulx et tōdre les brebis/espādre & coaguler le lait & en faire fromages. Aussi on doit tuer les mauuais roys des mousches que les grecz appellent cestres qui naissent en ce temps en parties des oeuvres du miel et les papillons tuer. En ce mois comme aux autres mois deste len peult prēdre bestes/ oyseaulx & poissōs.

¶ Des choses que len doit faire au mois de Juing.

Chapitre. Vi.

¶ En appareillera laire au mois de iuing & sera tresbiē nettoye de tout feurre/de fient et de pouldre. En ce mois len peult semer mil et pannic/ et premierement len moissonne loige et puis la complist on a la fin du froment en lieux chaulx et attrempez len commence: et es lieux froids ce qui a este oublie et delaisse en may len fera en ce mois. Len fera chāps et partrenchera len & fera egaulx/et osterā len les herbes des vignes. Len cueillera la Besse et retrenchera len le fenugrec pour pasture. Len trenchera les moissons de potages et arrachera len les febues au decors de la lune/ et bien mise et refroidie sera mise au grenier. Len cueillera luppins en ce mois. Les poires et les pommes quant ilz greuerōt les branches seront entrecueillies et par especial les poires. En ce mois len peult enclore vng rinceau de pōme grenade en vng pot de terre et la pōme reuiens

dra a la grandeur du pot. Len faict en ce mois comme en iuillet ente que len appelle emplastre en popriers/pōmiers/ oliuiers & figuiers et es autres arbres qui ont grant ius & gras en lescorce. En ce mois len sème les bourraches/pourcellaine & plusieurs autres herbes se on leur peult ayder de arrouser / et scie len et faulche les prez tresbien quant la fleur est parfaicte et non pas seiche. En ce mois len chastre les beaulx et faict on fromages et tond len les brebis en froides cōtrees. Lē y chastre les Baisseaulx des mousches silz ont assez miel/ et fera len le miel & la cyre. En ce mois les nouvelles mousches pssēt hors/ si doit le maistre estre diligēment expert quelles ne sen fupēt par especial iusques a la huptiesme ou neufiesme heure & tousiours doit auoir nouueaulx Baisseaulx prestz et les recueillir et asseoir en leur lieu comme iay dessus dit.

¶ Des choses que len doit faire au mois de Juillet.

Chapitre. Vii.

¶ Au mois de Juillet les chāps trenchés la seconde fois serōt arez. En lieux attrēpez les moissons des fromens et des potages qui ne sont pas parfaites seront acomplies. Apres on extirpera les champs sauuages a profit: et osterā len les racines et faulses herbes. On dissipera tresbien lherbe et la fouchere auant que les iours chiennins soyent venuz. On fera tresbien vers la fin nauetz et raues. Et deura len foyr au soir et au matin les nouvelles vignes quāt la chaleur sera toute cheute/ & osterā len les herbes & pouldres ra len la terre. En ce mois les arbres qui estoient en la moisson / les moissons trenchées ilz seront abatuz / et pour la chaleur on assemblera entour eulx la terre. En ce mois de Juillet en lieux moistes len pourra desoeiller le figuier et enter le cytre ou cytron. Et peult on faire entes appellees a lemplastre. Et si y peult on enter pōmiers

et poitiers en lieux qui seront moistes. Et si doit on cueillir les pommes vicieuses et les pires et celles qui chargent trop l'arbre. Et si peult on planter la taille du citron se on luy peult ayder darrousement. En ce moys on cueillera agmandes en lieux atrempez. Item en ce temps faict bon laisser aller les thoreaulx aux vaches / et les moutons aux brebis. Et semblablement en ce moys vers le commencement on trenchera tous les prez desquelz les gerbes ne seront pas encores totalement meures.

Des choses a faire au moys daoust.

Chapitre. viii.

En Aoust les champs seront arrez la tierce fois. Len y peult semer en son commencement apres la premiere pluye nauettes / raiz & raues & luppis pour engresser terres et vignes. Et au commencement & deuant on arrachera le lin & le chaure quant il commencera a resplendir de meure chaleur / et en escorcera len les semences et le battra len se il plaist / & sera len les autres oeuvres. Enuers la fin du moys on fera cueillir la milique qui sera meure / et les figues seront cueillies et seiches / et les autres fructz des arbres qui seront meurs seront leuez et mis a part pour garder. En lieux froids len oste les fueilles des vignes et en lieux chauds on leur faict ombre affin que le soleil ne les griefue / et peult on faire le verius. Et vers la fin on prepare toutes choses qui sont necessaires pour la bendange en lieux chauds. Aussi en ce moys on peult destruire herbes & feuchieres par souuent arer. On peult aussi en ce moys emplaster les arbustes et enter poitiers comme dit Paladius. On peult semblablement en ce moys querir eaues quant elles faillent / et esprouuer a faire puyx et conduitz de eaues prouffitablement forger / comme dit Paladius. Et aussi apres la mi Aoust len seme tressien choulx / et quant ilz seront vng petit creuz on les transplantera.

Des choses a faire au moys de Septembre.

Chapitre. ix.

Au moys de septembre len faict bien proprement cisternes / conduitz a eaues & puyx. Et tant q le champ gras gardera sa humeur il sera are la tierce fois / et le maisgre plain et moiste sera la seconde fois are et seme. Len fumera les champs en ce moys / et au champ droit on semera pl⁹ cler / & en la montaigne pl⁹ espes / par especial au decours de la lune. Len seme en ce moys en lieux humilleux / maisgres et froids ou obscurs entour lequinocce le froidement speaultre quant len voit le temps serain & continuel. Len ne seme point en lieux chauds lin que len appelle communement neruyn. Len cueille et met len en champ en ce moys milique que aucuns appellent fagine. Et entour le commencement len seme es montaignes seiches seigle / et entour la fin de ce moys ensuyuant on le moissonne / et si seme len entour le commencement du moys lupins pour la terre engresser / & se ilz ne croissent point on les retournera. Et aussi sera len se ilz croissent. On seme aussi entour la fin de ce moys en lieu bien fume / sarage pour cause de pasture en lieux attrempez. Vers le commencement du moys on effueille les vignes / et apres le mylieu du moys on faict les bendanges et tout ce qui y appartient et seiche len les grappes q len veult garder / et faict on le vin doux de diuerses manieres. Len y cueille les fructz des arbres qui se monstrent meurs et seme len le pauot en lieux chauds et secs. Les iardins que len emplira des semences en printemps seront faictz p espaces et fumez au decours de la lune. Len seme trop bien choulx au commencement / et aulx / anis / et laictues / bettes / et racines y peuvent estre semees en lieux secs Et en ce moys on peult faire prez nouueaulx quant on a par deuant extirpe les racines / espines et faulces herbes et ar-

Des choses qu'on doit faire aux douze mois de l'an.

Bres / par especial Herbes a larges fueilles et fermes racines / et oste la Vieille mousse & les tresvieilles coupees et tresbiē arees / et lors faire nouveaulx prez. En ce mois on casse les Vieilles mousches et en faict on miel et cire. En ce mois on prent tresbien cailles et perdrix a l'espreuier.

Des choses que l'en doit faire au mois Doctobre.

Chapitre.v.

Qu'on faict tresbiē en ce mois puyx et caue lē fosses. En ce mois l'en porte les fiens aux chāps / & seme l'en tresbien en lieux attrempez froment / seigle et orge / speaultre / far / luppins & lin. On y faict tresbien Védanges se elles ne sont faictes en Septembre / et par especial a ceulx qui veullent auoir Vin meur / & si les y confist on & chāge l'en leur saueur. En ce mois ou il y a qualite de chault et sec air ou il y a chetifz et secs champs ou il y a costieres interruptes roistes & mesgres / l'en peult bien mettre Vignes. Apres de lieux secs / chault et maisgres / chetifz / sablonneux de toutes choses conuenables des Vignes foyr / mettre / tailler et appareiller tout est dit il ne leur fault fors que pluyes qui leur ayde cōtre leur maisgreur et la seicheresse du tēps. En la fin de ce mois on deslacera la Vigne nouvelle pour retailler les racines superflues / & se l'hyver est plaisāt on laissera Vng peu les Vignes ouuertes / & se il gele fort on les couurera par auant. Et se il faict fort froit on y semera Vng peu de fiente de coulomb. En ce mois en lieux chault et ouuers l'en institue oliuiers et leurs lieux et les lieux semables sont faictz et toutes les choses qui appartiennent a oliuiers. En ce mois on purge les ruyseaulx et fossez et si y plante l'en cerisiers / pommiers / poiriers & autres arbres qui ne doubte point le froit / et les peult on transplanter / et par especial en lieux chault et secs. Sorbes et agmandes sont mises es semoirs / & aussi noyaux

de pin. En ce mois l'en seme es iardins / espinoches / plantes / chardons / seneue / mauues / ciuotz / mēte / pastinaque / commin / origan et capparis et bettes en lieux secs. Paladius dit que le poireau seme en printēps doit estre en ce mois transplante affin quil croisse en sa teste / et le foyst on entour continuellement. En ce mois l'en oste le miel aux mousches avec loeuure et la cire corrompue.

Des choses a faire au mois de Nouembre.

Chapitre.vi.

Aux mois de Nouembre en lieux chault l'en seme bien le fromēt au commencement orge & seigle / & entour la fin febues en estouble non aree / & si met l'en bien lin et lentille en ce mois. En tout ce mois la position et assiette des Vignes doit estre celebree en lieux chault et les gettōs en Viēdront plus droitz. L'en desura en lieux froidz les nouvelles plantes des Vignes & des arbres foyr entour & ouurir & doresenauāt iusques a tant q la terre sera congelee. Vigne Vieille qui est en montaigne se elle est en tronc entier deslacee elle sera touillee de fiēs & plus estroictemēt entre le tiers ou le quart pied de terre sera ferue d'ung couteau en la tresverte partie de l'escorce / et plus souuent sera botee en terre affin quelle y espāde sa matiere dont elle soit reparee. Maintenant la taille d'autōne est faicte aux Vignes et es arbres / par especial quant le temps attrēpe y esmeult en celle partie ou prouince. En ce mois l'en cueille les oliues quant elles sont meures / et taille l'en les oliuiers & retrenche l'en les sommetz qui sont trop haults affin que l'arbre s'espande par les costez : et aussi doit on faire en nefliers / figuiers & coigniers. En ce mois l'en seme bien propremēt oliuiers & noyaux de pesche et de pin en lieux chault & noyaux de prunes en tous lieux / & plante l'en chasteigniers en plante & en semence.

En lieux chauds nous mettrons plantes sauvages et aigres pour enter pruniers / poiriers / pomes grenades / citrons / neffliers / figuiers / sorbiers / cerisiers / meuriers / taillies et semences dagmandes. En ce mois grans arbres sont transportez en lieux chauds et secs des lieux passez / les rainceaulx trenschez / et les racines gardee saines. Et leur doit on apder largement de fiens et denrouser. En ce mois doit on tailler les bois pour edifier quant la lune est en decours. En ce mois les moutons vont aux brebis affin que le fruit soit nourry en la venue de printemps. Et aussi vont les boucs aux chieures. En ce mois on prent diuerses bestes sauvages / oyseaulx et poissons.

Des choses a faire au mois de Decembre. Chap. vii.

Au mois de Decembre on pourra semer febues qui naissent apres l'uer seulement. Et si y coupe len mesrien pour edifier prouffitablenent / et pour faire autres oeuvres. Len y retaille les bois superflus des arbres et hayes vertes pour ardoir. Len y coupe perches et eschalatz pour vignes. Et si y peult on cueillir lyès et ioncs pour l'yer vignes / et lyès dosiers pour faire corbeilles / cannes et autres basseaulx et faire hayes seiches. En ce mois len prent bestes sauvages a diuers engins: et par especial aux chies en teps de neige. Et aussi prent on oyseaulx par oyseaulx appriuoisez / et a diuerses manieres de rethz et a la glux. Et pour finable conclusion nous priers dieu le souverain seigneur que par sa grace nous soyons a sa glux et a ses rethz prins et mis en la nef saint Pierre par grace: et apres portez en son treshault throsne en paradis: a la yde de sa tresdoulce mere la royne tresglorieuse / et de monseigneur saint Denys. Amen.

Cy fine le. vii. et dernier liure de maistre Pierre des crescons.

C Sensuyt ung petit traicte nouuellement adiousté oultre les precedentes impressions / lequel traicte de la maniere de enter / planter et nourrir arbres selon nostre climat: compose par maistre Borgole de corne et autres notables iardiniers.

En quelz lieux les arbres desirent estre plantez selon leur nature.



Aucuns ar

bres desirent lieux chauds come le datier: et aucuns lair froid come le chasteigner / aucuns lieu attrépe. Aucuns lieu ombreux comme le mil et le poirier. Aucuns terres grasses comme le figuier et le morier. Aucuns terre maisgre et sablonneuse comme le datier et le pin.

Es lieux pleins deaue.

Es lieux ou les eaues sont communement les arbres y viennent grans et sont moult de fueilles et de fruit / mais il nest point de si parfaite saueur comme autres et sont enfier le corps.

Quat les arbres doiuent estre arrousez.



Es arbres se veulent arrouser tant come ilz croissent iusques a ce qlz facent fruit. Et come ilz commencent a faire fruit ne les arrousez plus et laissez faire a l'arbre.

En qlz lieux viennent bons fruitz.



Es bons fruitz viennent en lieu plein et terre grasse / et si sont grans arbres et nobles fruitz.

En qlz lieux viennent mauvais fruitz.

Es mauvais fruitz viennent en terres seiches / maisgres et pierreuses et sont les arbres petis durs et bossuz.

Les choses qui auancent les arbres.

Pour auancer les arbres on leur doit deschauffer les racines: et sil y a aucune grosse racine la fendre et mettre en

la fente Vne pierre viue / et puis la couvrir de nouuelle terre / & l'arrouser & conforter de sur de fiés & fêdre l'arbre par le long de petites fentes : car cela le faict engrosser fendre aucunes des racines pour en faire yssir le seue q̄ luy vault autāt cōme saignée a homme. Le fruit qui est rachoué en luy mesmes ne dōne ne faict semēce / par laquelle se puis se engendrer bonne plante ou semence.

Les arbres qui font foible semence.



Gulx qui font foible semēce ont la vertu generative a la semēce et aux rameaulx / et pource au planter on peult faire de chascune mauuaise plante q̄ vient de semence & viēt tard & hors de sa generation & a ce sont aucuns figuiers / coigniers & grenadiers.

Les arbres q̄ font semēce forte & bōne.



Es arbres desquelz le fruit est puissant pour semence viennent mieulx par semence que par rameaulx : cest a scauoir glan / chasteignier / figuier / prunes et toutes generations de noix & choses semblables.

Comment on doit faire fosses a planter arbres.



On doit faire fosses en terre sec & plein d'ardille pour planter arbres de six piedz de parfond / affin quilz puissent mieulx recevoir et tenir leaue.

Comment on doit faire fosses en terre humide pour planter arbres.



On doit faire fosses en terre humide la ou leaue est tousiours sur terre par maniere que ilz ne sont ne parfondes ne larges.

Les arbres qui ont este boutées par le bout ou syne.



On ne doit point planter les arbres q̄ ont eu la syne broutée / rongée ou rompue / pource quilz ne peuvent croistre.

Quāt on a plante vng arbre de deux gressess & quon en doit oster vne.

Quāt entez vng arbre mettez y deux gressess : et quāt les deux sont prins ostez en vng & laissez le meilleur et gardez q̄ les gressess que vous osterez ne soyēt point des ieunes syes qui sont au bas de l'arbre / car ilz porterōt fruit moult tard.

Le temps de planter grans arbres.

Les grans arbres se plantēt dūg lieu en autre au mōys de Nouēbre / et doit on tailler les branchettes dentour l'arbre. Et si les racines sont aucunement eschasses on doit tailler ce qui est eschasse en aguisant et les branchettes aussi : et y doit on mettre moult de fumier.

Comment on doit eslire des semences.

Vous devez prendre les semences ou noyaulx des arbres q̄ voulez planter les pl⁹ gros q̄ les pourrez auoir & les mettre quatre doiz p⁹ en terre au mōys de iāuier affin qlz gettent de prime vere au p¹mier chauld. Et devez mettre lesdictes semēces ou noyaulx q̄ sont puissās chascun a part soy. Et les foibles devez mettre acompanyaignez comme semence de figuiers / grenadiers & coigniers : mais on ne les doit semer ou planter aux lieux chaulx et secs es mōys Doctobre & Nouembre.

Comment on doit planter rameaulx ou branches.

Les rameaulx ou branches q̄ voulez planter / taillez les en aguisant pource que quāt on les taille droit ilz seichēt. Et pareillement en seiche la racine de l'arbre qui ne la taille en aguisant : mais quant on taille lesdictz rameaulx ou branchettes quon veult planter on doit tailler qui peult aucun peu du vieil de l'arbre avec ledit rameau ou brāche q̄ voulez planter. Et tousiours soit taille en aguisant & ceste chose par faire / et doit on marcher le leuant de l'arbre pour la planter du coste quelle a acoustume destre deuers soleil leuāt. Lesdictz rameaulx branchettes ou gettons se doiuent planter en octobre ou en mars quant ilz sont en suyne.

Laage q̄ doiuent auoir les branches ou gettons qu'on veult planter.

Es rameaux / branchettes / spon ou gettons d'arbres que on veult planter doiuent estre de deux ou de trois ans pleins de suc & d'humour & q̄ aye le serice nette et pleine de petis oeulz avec moult doeilletz q̄ soyēt gros / & q̄ la branche ou rameau q̄ voulez planter soit sans auoir autres brachettes autour soy. Et la ou vo⁹ voudrez que la racine vienne vous le devez tordre ou fendre & mettre en icelle fente vne petite pierre viue ou mettre le bout de la branchette en vng petit baissel de boys plein deaue et lenterrer avec ledit baissel et qui brancheroit en plusieurs lieux la ou on voudroit q̄ la racine vienne / et puis quelle fust prouignee ce seroit le mieulx. Les branchettes soyēt d'arbre portāt fruit & gros de plein point / & q̄lz ayēt lescorce pleine: & telles branches se peuent arrouser avec vng canoil qui boise iusques a la racine.

De planter bastons d'arbre & les congner.

Qui veult planter des paulx des arbres avec massues / il ne luy fault point faire chemin ou vng autre pal: mais a luy mesmes / & doit on bescher le terrouer si parfond que il y puisse entrer sans gaster lescorce / & quant congneres ledit pal / soit lye par le bout d'as mont pour doubte quil ne se fende.

Pour scauoir si on doit enter en automne ou en prime Vere.

Deux oppinions sont / les vngs dient quil vault mieulx planter en prime Vere quant il est equinocque / pour ce que subitement l'arbre germe et gette: et ceulx que on plante en automne on les doit planter a la naissance d'une constellation que on appelle Saturne / qui est vnze iours deuant lequinocque et prestement ilz prennent racine & se tiēēt a la prime Vere moult disposez a grener. Et es lieux q̄ sont froidz

on les plante a la premiere Vere / et en lieu chaud et sec on les plante en automne: & es lieux attrempez en vne saison & en l'autre.

Comment on doit planter selon la situation / region & qualite du terrouer.

Sur toutes choses quāt vous planterez gardez bien q̄ vous mettez vos arbres en semblable terre ou meilleure q̄lz ne estoient. Et ne les mettez de lieu primeroge en lieu tardif / & de lieu froid en lieu chaud.

Lordre de planter arbres a ce que les vngs ne dōnent ombre aux autres.

Vous ordōnerez vos arbres que planterez en telle maniere que l'ung ne face ombre a l'autre: Car il fault mettre les plus grans par deuers la part de septentrion. Quant on arrache vng arbre d'ung lieu pour planter en vng autre gardez q̄ il soit replante selon la regio du ciel: cest a dire q̄ le coste de l'arbre q̄ estoit deuers soleil leuāt y soit aussi remis & plātē cōme cerisiers. Et aucuns diēt q̄ plāter la vigne & figuiers au contraire proffite.

Comment le vent est contraire au planter des arbres.

Chaton dit que on ne doit point planter les arbres quant il faict grant vent / especiallement ventz froidz / et aussi quant il pleut.

De arracher les arbres pour replanter.

Gardez quāt vous arrachez l'arbre pour plāter ailleurs q̄ vous l'arrousez affin q̄ la terre tienne mieulx a la racine: & soit aduise en beschant dy faire tenir le plus de terre qu'on pourra / pource q̄l en prēdra plus tost. Et soit aduise quāt on plantera ledit arbre dy laisser vne fosse entour affin que leaue y demeure. Quant planterez l'arbre gardez q̄ la terre ne soit ne trop seiche ne trop molle & y mettez du fiēs. Et si ladicte terre est seiche soit arrousee. Et les arbres q̄ voudrez planter soyent mis de trois fois iusques a

sy: car cest tresbone chose. Et q les petis rameaulx qui seroyent entour l'arbre soyent taillez/ pource quilz sont nuisans audit arbre.

Comment on taille les petis rameaulx ou les branchettes de l'arbre pour le faire croistre.



Les arbres croissent fort quant on leur ayde: cest assauoir quant on leur taille les branchettes seiches & autres q y sont dauance & trop espesses. Et si cest vng arbre tord & que vous desirez ql soit dresse/ & que par force de perches vous le puissiez dresser taillez le a l'endroit q vous desirez ql soit dresse & taillez toutes les branches seiches qui y seront affin quelles ne corrompent les autres.

Remedes pour l'arbre q ne faict fruit.



Les arbres par violence portent fruit et lautre non. On en doit couper partie des branches affin q l'humour q alloit ausdictes branches puisse supplier au fruit: & doit on fendre les plus grosses racines de l'arbre/ et mettre en la fente vne pierre viue/ affin q l'humour entre par ladicte fente/ & soyent taillez toutes les choses q naissent des racines.

Comment on plante arbres es lieux venteux.

Les arbres se doiuent planter plus espes es lieux venteux que autre part. Et la ou ne faict ventz ne se doiuent planter si espes.

Lieu qui est propre a planter arbres quant faict froid ou en pays froid.

Quant vous voulez planter arbres en pays froid & arbres dangereux du froid vous le devez planter en l'abry du vet de bise ou de transmontaigne & descouvert deuers le midy.

Pour faire que les arbres soyent bas et petis.

Les arbres qu'on plante sans racine et de branche on les doit planter la syme dessous/ & l'arbre sera tousiours basset

& les branches ne se rompent point pour tirer & en prennent mieulx.

Comment on doit tremper l'arbre auant planter.



Les arbres qu'on veult planter en quoy la terre ne prent aux racines doiuent treper trois ou quatre iours ou cinq ou six et en doit on tailler la syme. Et les peult lon planter de la grosseur d'vng palme & au dessous.

Les fruitz qui viennent bien de semence/ & lesquels non.

Tous les fruitz que lon seme sont le fruit semblable a celui d'ot est prins ladicte semence. Et aussi semblable de saueur: mais ilz tardent moult a venir/ et ne font les fruitz si gros ny de telle odeur ne couleur excepte le persiquier & le prunier & toute generation de noix/ de chasteignes/ mesmes pource q lesdictes semences tardent trop a faire fruit/ le meilleur est enter.

Pour faire iardin portant fruit en trois ans.



Ses vous voulez faire iardin portant fruit en trois ans vous devez planter le premier de tous arbres sauages & frances/ et le second an les devez enter & le tiers ilz porteront fruit: mais pour faire plus prestement les arbres q vous voulez planter doiuent estre darbre portant fruit & puis se doiuent enter de gresse qui ait du bois vieil & nouveau.

Comment on doit planter selon la lune.

Toutes choses qu'on plante/ ente et seme au decours de la lune portent plus de fruit. Et tant qu'on plante plus pres de la fin de la lune/ ou qu'on y ente plus tost fruit porte/ & qu'on plante ou ente au croissant quant est nouuel/ ilz prennent mieulx et multiplient en racines arbres et fueilles/ & en sont plus durables: mais ilz tardent plus a porter fruit. Toutefois en qlq maniere qu'on plante ou ente/ soit faict au signe daries quant la lune y est/ de gemini/

de leo / de libra / de aquarius ou de taurus.

Et quant par necessite on plante ou ente en croissant / le getton q ferot les arbres soyent taillez quant la lune sera vieille / et q les arbres feront fruit. Cest chose esprouuee.

Comment on doit tailler les gros arbres pour les enter.

Les arbres gros (vieux) sont meilleurs a tailler pour enter aux gettons desditz arbres q autres : car q voudroit enter a l'arbre q est gros / ledit arbre seroit auant pourrir quil fust couuert par les gresses qu'on y mettroit. Et aussi ilz y predroient mal voluntiers / et pource quant on a coupe ung gros arbre et on le veult enter on ne le doit enter que aux branches.

Pour faire cytrons ou cytres en estrange forme.

On plante les arbres de cytrons a reuers / et ilz sont cytres comme mains d'homme / et ce faict ainsi en callibuet.

Comment l'arbre porte fruit l'annee quil est plante selon le lieu ou il est assis.

Quant on plante arbre en lieu aquatique / celluy an il portera fruit sil a acoustume de porter.

Pour faire arbre q ne porte fruit.

Les arbres laissent aucunes fois a porter fruit pour non estre plantez ou entez en bonne lune ou en bonne saison / et ce les faict tarder a porter fruit / et pour faire quilz portent fruit taillez tous les rameaux et branchettes en la fin de la lune quant elle est es signes daries / gemini / leo / libra / aquarius ou taurus / et en brief l'arbre portera.

Comment on doit treper les semences.

Les semences qu'on veult semer pour se mettre plus tost hors terre / on les doit mettre tremper en eue trois ou quatre ou cinq iours comme noyaux de prunes ou de agmandes.

Les acoustumez a arrouser.



Quant vous plantez ung arbre q a acoustume estre arrouse vous devez continuer tout ung an de l'arrouser depuis quil est plante.

Medicine pour les arbres blecez.

Tous arbres q ont este encisez ou rongez on les doit medeciner avec fange ou fiens de beuf / de colombes ou de porc.

De oster les herbes detour les arbres.

On doit oster les herbes q naissent entour l'arbre pource qlz tirent a eulx le nourrissement de la racine de l'arbre.

De la maladie des arbres.



Quant ung figuier / oliuier ou autres arbres sont malades on doit espandre sur la racine les foudilles de l'hyppociste la lye de vin ou l'herbe du lupin mis a l'entour de la racine et couvrir de terre meslee de fiens et ce leur ayde assez / et leaue ou les lupins ont cuit aydet moult a l'arbre quant il enest arrouse et aux arbres nouuellement plantez et q comencent a seicher doit leur ayder moult si doit les faictes beschier et arrouser et doit on les deffendre du chauld en leur aydant daucune chose q leur face ombre et contre le froid on les doit couvrir de paille et a toutes manieres de pommiers q ne fructifient point / fendez la racine et en la fete mettez vne pierre viue et elle portera fruit. Aux arbres q auroient bois en l'escorce la ou vous verrez ladicte escorce enfler doit la fendez en telle maniere q de la ysse humeur. Et si doit connoissez q les vers y soyent creez q par la fente q les verrez venir hors du pertuis oster ladicte fente avec ung trochet de fil ou fendez l'escorce et cherchez tout le pourrir / et mettez hors tant q en trouuerez et raclez le lieu iusques au vif avec ung escharpel d'airain / et iamaiz ne se trouuera ver. Et couurez le lieu que aurez racle avec fange ou fiente de beuf ou vache.

On faict mourir les vers avec fient de porc ou avec vrine d'homme / avec fiens de beuf : aucuns mettent au pertuis ou sont les vers

de la chaulx viue: mais si l'escoice est mægee en plusieurs pars soit fendue la ou au pied de l'arbre en telle maniere q' on treuve icelle humeur. Les Vers se creent en tēps humide dedās les fructz la ou sont les pepins/ & en icelluy temps se doit percer l'arbre avec vng tariere tout oultre par le mylieu ou plus pres de la racine q' lon peult affin que l'humour q' cree lesditz Vers se distille par illec. ¶ Si les pōmes cheēt dung arbre soit fendue la racine de l'arbre/et en la fēte soit mise vne petite pierre viue. ¶ Contre formis pour les garder de mōter amont les arbres y soit mis sac de pouldre avec vng vinaiger et en oindre le pied de l'arbre/ou y mettre la lye de vin ou boirre ou caterane q' se faict en prenant deux pars dhuyllle dolif et vng peu de noix noue meslez ensemble/laquelle caterane est bōne quāt les chiēs ont playes pleines de Vers les oster/puis oindre ladicte caterane & il ne trouuera pl' Ver ne mousches ny pourrōt faire venir nul Ver:ou mette cēdre au pied ou aucun baissel plein deaue entour l'arbre ou vng cercle destoupes oingt dhuyllle petreollon que lon trouue chez les apothicaires/ou vne corde oincte de sang de porc avec vif argēt/la cēdre mise au pied de l'arbre y est tresbonne ou destrēper la cēdre avec eaue / puis mettre tout entour l'arbre en vne petite fosse q' ferez au pied pres l'arbre tout entour a deux piedz pres.

¶ Les fructz qui sont hors de leur generation et nature quant sont plantez de semence.

Les arbres qui viennent de semēce ont fruct tardif/et sont volentiers comme grenadiers/figuiers et meuriers/ ilz viennent mieulx a planter de branche.

¶ Les trois generations de prouignier arbres.

Trois manieres sont de prouignier arbres. ¶ La premiere est que on doit ployer la brâchette de l'arbre ou mettre en vne fosse et prouignier comme la vigne

et puis quant deux ans seront passez on la pourra oster dauec l'arbre et la planter ailleurs. ¶ La deuxiesme est de prouignier la brâche ou getton nouuel en vne cheselle ou pēnier. ¶ La troisesme est perser vne gaulle & y mettre les gettōs ou greffes cōme sera dit cy apres au chapitre de enter les arbres. Et ces trois choses se doiuent faire en mars que les arbres sont en signe & amour.

¶ A congnoistre les arbres malades.



La maladie de l'escoice vient de l'humidite du lieu ou l'arbre est/ & aussi par contraire les arbres viennent aspres & boyteux quāt ilz sont plantez en lieu trop sec.

¶ Pour faire vne grappe de raisin ou autre fruct entrer en vne Brine de Boirre.

Quant voulez mettre vne grappe de raisin ou autre fruct en vne Brine de Boirre / si le boutez dedans quant ladicte grappe est en agres & puis le laissez nourrir dedans ladicte Brine iusq's a ce q' soit meur/ & pareillemēt de la poire ou autre fruct quant il est ieune & tendre.

¶ Comment on faict que aucunes figues q' demourēt au figuier soyent meures & bonnes en aueil.



Quant figues sont demourees en puer au figuier toutes Vertes soyent couuertes destoupes ou de paille/ & les descourir au mays de mars/et elles serōt bōnes & meures au mays d'auil.

¶ Pour garder & conseruer raisins & autres fructz.

Quant voudrez garder raisins ou autres fructz q'ls q'ls soyēt. Couurez les de terre grasse dequoy lon faict les potz de demy doib despēs sur le raisin ou autres fructz/ & les pēdez au vēt en lieu couuert ou la pluye nē puisse cheoir / et quāt les voudrez mager mettez les en eue & les lauez tresbiē & ilz serōt beaux & fraiz.

¶ Cōment on faict les fructz gros.

Pour faire que vng arbre face fruit tresgros emplez vng cornuchet de terre qui soit mesle avec miel / & ledit cornuchet soit fendu & lye comme est cestuy.

Et plantez dedans ledit cornuchet quatre manieres de noyaux les mettez dessus / et comme les arbres seront neys & grâs raclez ledit arbre iusques a moitie de l'escorce / & puis adioustez ensēble & lyez bien estroit comme on lye les autres / & se ilz sont de diuerses manieres / ilz feront diuers fruitz / & quant les bouldrez planter autre part / ouurez ledit cornuchet & les plantez / & q̄ tailleroit les rameaux par dessus a rez de la terre ilz getteroyent si grant puissance quilz feroyent fruitz nouueaux.

Ceste maniere est conuenable et se peult faire a fruitz aigres & a tous fruitz / & en cypre ilz fōt aisi les grâdes perciques: mais ilz ne messent point le miel avec la terre: mais taillent toutes les symes de l'arbre.

Comēt on fait les fruitz sans noyau.
Quant vous bouldrez faire q̄ vng arbre porte fruit sans noyau / fault que ce soit arbre ieune leq̄l fendez par le mylieu deux piedz de long / de puis la racine en amont / puis couvrir les fentes d'ardille et lyez avec vng plomb & le gect quelle fera entez la en vng autre arbre & il fera fruit sans noyau.

Comment on fait le peschet ou perciquier sans noyau.

Si voulez faire le peschet ou perciquier sans noyau ou autre fruit plantez le ieune pres d'ung saulle & plopez ledit saulle cōme vng arc / & prouignez la syme dudit saulle en terre / & quant l'arbre sera prins percez ledit saulle et passez l'arbre par dedans le pertuy / & couurez tout fors q̄ aucune chose de la plâte apparaisse & passe deux ans la plante sera visue / puis la taillez dessoubz la saulle / & couurez la saulle de terre et l'arbre croistra ou saulle. Et le fruit q̄l fera sera sans noyau.

Ese vous percez la vigne & y passez vng peschet ou perciquier qui soit prins / puis le taillez et le laissez en la vigne il fera fruit comme dessus est dit.

Comme on plante le figuier a la guise de Genes.

Pour planter figuiers a la guise de Genes qui feront fruit en trois ans les pouez planter tout au long de lan quoy que soit deste / lon doit prendre vne branche de figuier / et si les fueilles y sont pour ce ne le laissez / la branche que bouldrez planter doit estre d'arbre portant fruit de deux ou trois ans / & deuez agguiser et tailler ladicte brâche en guises / & piquotez ce que en bouldrez mettre en terre / puis mettre tout droit en la fosse d'emp pied / & la uance soit couche au long de la fosse: mais q̄ la syme demeure sur la terre avec deux ou trois oeilletz. Et soit couuert par huit iours avec paille / soit arrouse durant lesditz huit iours deaue / et puis descouuert pource q̄l aura gette / et au bout de lan le bouton sera grāt / & en feurier se doit tailler bas ioingnāt la terre / & il gettera si grant puissance que ce sera merueille. Et au second an il fera fruit.

Cla maniere comme lon doit semer les arbres.

On doit semer les noyaux en terre q̄ soit bien beschee parfond & bien meslee de fiens / & se doiuent les noyaux mettre en semence vng pied loing lung de l'autre / & se il ne faisoit pluye on les doit arrouser trois fois le moys & bescher vne fois et au bout de deux ou trois ans on les doit desplâter en lieu quō veult q̄z demeurēt et les remuer ainsi q̄ leur est grant proffit / et especiallement aux sauages & leur doit on arracher tous les arbres q̄ seront trouuez a l'entour / & les noyaux q̄ voulez planter faites trēper en eaue p trois iours. Vng maistre nōme Borgole dit en son liure second q̄l se doit faire quant la lune est ieune / & au commencement. Aucuns arbres deuient meilz

leurs seulement pour estre plantez en autre lieu: mais quāt les arbres sōt nez & hors de terre/ on leur doit faire vne couuerture sur eulx en este pour le grāt chaud. Et en puer pour le grāt froit de la haulteur dūg hōme

Quant les figuiers ou meuriers sont meurs frotez vne corde du fruit q̄ est meur et puis enterrez ladicte corde demy pied en parfond & ilz croistrōt tresbien/ & ainsi font en l'este quant on seme les champs pour auoir des fueilles de meurier/ pour les vers qui font la soye.

De la maniere d'enter.

Nulle chose n'est plus profitable que le enter pour auoir plus tost fruit & meilleur. Mais on doit aduiser de enter de semblable en semblable: car q̄ ente d'une generation a autre le fruit viēdra de la generation que aurez ente/ & si vous entez de deux arbres semblables de lūg a autre quilz ne soyēt point sauuages ilz seront fruit de parfaite saueur: mais il n'est poit si durable/ & quāt on ente sauuage le fruit quelle faict est aucunemēt differēt: mais il est plus durable. On ente mieulx & mieulx se prent en l'arbre coupe pres de terre. Et de tant est l'arbre meilleur & tient moins du sauuage et le fault couvrir de terre et le enter vient bien tost a perfection.

Ceux qui ont vne nature descorce & qui florissent & grenent en vng tēps en leur spe et humeur tout en vne saison: mais q̄ ceux qui ostēt/ cherchent les trouz de l'arbre sans neu & quil ait belle escorce & saine & humide. Les gresses soyēt fraiz & pleins de suc & q̄lz ayēt du vieil & du nouuel q̄lz ayēt aussi plusieurs oeilletz pource q̄ ceux q̄ ont longue de lūg a l'autre ne sōt poit propres a porter fruit & soyēt entez de la partie doriēt. Cōbien que ente d'autre part ilz prendroyent.

On ente aucunes fois a reuers/ affin que l'arbre soit plus petit/ et q̄ les rames & branches ne se puissent rōpre/ si on ente dūg arbre prins audit arbre mesmement & du sau-

uage aussi en luy mesmes/ le fruit en sera toudis meilleur/ et de meilleur generation et plus noble.

Tous arbres se peuent enter/ et puis planter/ ou planter et puis enter.

Les pruniers et poiriers sont plus tost fruit pour estre ētez en vng escu que destre entez de gresse selon que aucuns dient qui l'ont esprouue.

De quel lieu on doit prendre l'escu ou escusson. On le doit prēdre de pomme/ poire/ de cerisier/ prunier et chasteignier/ de gettons nouueaulx et ieunes qui ayent vne fueille: mais en paragnier on doit prendre l'escusson quit ait deux ou trois fueilles/ et d'une fueille seroit bon/ lesdictes fueilles se taillent/ et y laisse lon vng peu loillet. Les quel luy tumble et luy reuient le neu.

Il y a deux manieres de enter/ la premiere se nomme incision/ et doit on cauer l'arbre iusques a la mouelle/ et oster celle mouelle de trois doiēz de large/ avec vne roynette & puis lestoupper de terre/ et le fruit q̄l sera/ sera de parfaite saueur. Et en ceste maniere le fruit sauuage vient de bonne saueur.

La seconde maniere est enter l'escorce & le boys. Il fault sper l'arbre & l'yer l'escorce afin quelle ne se fende. Et le doit on nettoyer affin q̄l ne demeure bassecte ne pouldreuse de la spe. Apres on eslargist l'escorce avec vng sarceau doulx/ tant q̄ le gresse puisse entrer entre l'escorce et le boys/ & le gresse doit estre taille iusques a la mouelle du coste deuers l'arbre ou vous le voulez enter. Et doit estre ladicte gresse esgalle par maniere q̄l puisse ioindre a l'arbre/ & soit fiche en lieu quil adiouste bien l'escorce a l'arbre. Apres soit couuert de terre/ et puis vng drappel y dessus/ et y soit lye: ou luy soit lye a l'entour vne escorce/ laquelle soit emplie de terre. Tant que le gresse soit en terre iusques a moytie. En ceste maniere prent bien: mais le premier an/ on le doit deffendre avec potz & les mettre entour pour le bēt & tous arbres q̄lz gre

nent bien en ceste maniere.

La tierce maniere d'eter est de s'ier l'arbre le nettoier & le lier q'il ne se fende trop auant. Et quant l'aurez lie fendez le en deux ou en quatre parties puis y mettez les gresses qui soyent tailles comme vng escu par maniere qui ioigne bien a l'escorce. Et apres le liez et couurez les faictes avec cire ou arville ou avec vne escorce en lestraignant avec vng plomb. Et si vous y mettez arville si la couurez avec l'escorce d'arbre et bonne toille afin que l'eau ne entre les gresses deussent estre selon l'arbre / quant mettez les arbres mettez premier vng coing de bois au my lieu iusques a ce que ayez adiouste les gresses / puis ostez ledit coing. Ceste maniere parfaicte est bone a tous arbres: mais enter soubz terre viêt a plus grant croissance. Et enter plus hault il faict plus tost le fruit / especiallement des grans arbres.

La quarte maniere est de enter de gresse pareil a l'arbre en grosseur de celluy q'vous lez enter / on le doit tailler iusques a la mouelle demy pied de long. Et le ioindre l'ung a l'autre par maniere quilz ioignent par tout et puis les l'yer et estraindre et couvrir les fentes de cire ou d'arville. Et ce est appelle assembler les gresses.

La quinte maniere est a vng petit escu en ceste maniere & est couenable a figuiers / meuriers / oliuiers / chasteigniers / pommiers / poiriers / pruniers / perciquiers et cerisiers / et soit prins le petit escu des gettons nouveaux / et d'arbres portans fruit. On doit leuer le petit escu comme cestuy lequel ayt vne petite bossette ou vng petit oeillet comme la teste d'une esguille. Et doit on rompre la branchette a la syme affin quelle face plusieurs oeilletz et mettre ledit escu a l'escorce quil soit bien viue & humoreuse laquelle le soit taillee comme cy doit estre pourtraict. Et soit ledit escu bien adiouste / et bien estrainct avec lin ou chanure. Et comme il est prins on le doit deslier en quarante iours.

Ceste maniere est parfaicte et prouffitabile. Et se vous le l'yez gardez loeil du petit escu. **L**a sixiesme maniere est selon Virgille. On doit leuer seulement le petit germe sans escorce des gettons nouveaux et les fault mettre en lieu des autres que vous osterez. Et le faict on a figuiers / meuriers / pruniers et vignes. Aucuns mettent de la gomme du miel ou gomme arabique fondee / le germe se lieue avec vng peu d'escorce comme si est pauot. Et se l'ye dessus et dessous.

La septiesme est a canon. Il fault prendre vng rameau portant fruit ou vng getton nouveau gros comme le doit ou moins selon que on le treuve duquel on leuera le canon q'ait vng / ou deux / ou trois oeilletz / et escorcheriez vng rameau semblable et de la grosseur que y voulez enter et ficher ledit canon le plus auant quil y pourra entrer / et laissez de ladicte escorce a l'entour ledit canon comme vng boulevet et soit l'ye de lin et soit coupe le bois qui auance / oultre ledit canon en descendant / et le mettez on comme dit est dessus. Et soit mis de la cire a l'endroit de la fente et dessus / et soit l'ye estroit excepte loeil de cornichet ou canon sans le fendre tout entier comme vng tuyau.

La huitiesme maniere est enter en vng saulle / prenez vne perche de saulle ou d'aulne / et qu'on la pertuyse iusques a la nouuelle avec vng tariere francys qui perce nettement. Et faictes que de l'ung pertuy a l'autre ait demy pied / et a chascun pertuy mettez vne gresse entee comme par force dedans le pertuy. Et doit on vng peu rascler l'escorce du gresse. Ce qui en doit entrer au pertuy de ladicte perche de saulle. Et apres estoupper ledit pertuy avec cire et soit enterree ladicte perche en lieu pres de l'eau demy pied soubz terre / en laissant la syme dehors. Et si le lieu n'est pres de l'eau soit arrouse souuent. Et au bout d'ung an

Vous trouuerez quel sera cheuelue et aurez faict racine / et lors pourrez tailler ladicte branche par pieces & planter chascun greffe ou vous bouldrez / et pouez mettre greffes de toutes manieres darbres en ladicte branche de saulle. Et si Voulez qui portent fruit en trois ans faictes que les greffes ayent du vieil & du nouuel lesquels soyent couuers quatre doïdz soubz terre / affin q̃lz puissent cheueluer & faire racines. Ceste maniere est parfaicte et seure.

Item mettez Vne piece de saulle en Vng arbre q̃ vous Voulez planter. Il faict prendre l'arbre comme len dit.

La neuuesime maniere est enter avec Vne tariere / lon doit percer l'arbre iusques a la mouelle / et avec ladicte tariere nettoyer le pertups & y mettre la greffe Vng peu par force / affin quil amble mieulx le pertups / & que l'escorce dudit greffe soit Vng peu racle tant comme il entrera au pertups / et soit estouppe ledit pertups de cire / et que audit greffe demeure deux ou trois oeilletz.

La dixiesme maniere est impolitinari. Cest assauoir que on seme ou plante les noyaux en Vng panier ou en Vng pot plein de terre. Et quant l'arbre sera grant d'ung an ou de deux / le deuez approcher avec ledit panier plein de terre pres de l'arbre auquel le Voulez impothichiner / et deuez tailler ledit arbre tout rond et fendre l'escorce quatre doïdz / et en la fente deuez mettre le ieune arbre. En luy ractant l'escorce iusques a moitie dicelle et de long de quatorze doïdz seulement / et puis la mettre dedans la fente et puis l'yez bien estroit avec chanure et mettre de la cire trestout le long de ladicte fente. Ceste liaison doit estre de quatorze doïdz et quarante iours apres on le doit deslier et laisser ainsi tant quil soit prins. Et quant il sera prins taillez le petit arbre dessoubz la liaison taillez le gros arbre et l'yez affin quil ne se puisse courir descorce et que leaue ne si puisse arrez

ster / ledit arbre se doit tailler au bout d'ung an / et la Vigne se doit enter presque en ceste maniere quant on la passe par le pertups d'ung arbre / Veritablement le parfait tēps pour enter est le commencement de la prime Vere. Encores on ente dauril & de may a cornichet / a escu tout leske. Et peult on enter a escu tant que les arbres ont humeur.

On peult enter dauril & de may de greffes / & les greffes sont cueillies auant quilz ayent gette leurs oeilletz et quon les ait ternuz soubz terre avec la syne dehors en lieu froid & ombreux.

Si vous Voulez porter les greffes ou enter loing fischez les en Vne rabbe ou dedans miel ou en mellon sarrazin / en concombre ou coucorde en tronc de chou ou terre baignee peu et souuet / & ilz se garderont & conserueront longuement.

On deffend le enter pour le chault & pour le froid en leur faisant quelque couuerture & les arrouser quant ilz en ont mestier & assembler de la terre & mettre paulx a l'entour pour le vent. Et est deffendu que on ne ente point quant il faict vent de midy.

Le maistre iardinier nomme Borgole de corne dit que on doit mettre son estude a enter quant la lune est en croissant / & cest pour prendre mieulx. Et qui pourroit ou bouldroit tailler les gettons en la fin de la lune pour fructifier plus.

Le temps quon doit tailler les arbres.



On doit tailler les arbres depuis le premier iour de Nouembre iusques en la fin de Mars. Et auoir regard de ne les tailler quant il faict froid / les arbres se doiuent bescher chascun moys iusqs en octobre & iusqs a ce quilz soyent grans & chascun este se doiuent bescher par deux fois / & en puer oster la terre dentour & la mesler de fiens et telle terre remettre entour ledit arbre & la y laisser comme Vne fosse.

Notez que tailler la syne des gettons

dung arbre qui ne faict point de fruit en la fin de la lune le faict fructifier plus tost et plus prestement.

¶ Notez que toute ente prent si on met en la fente de la gluz qui ne soit meslee de hupl le / & que la gluz ne soit vng peu destrempee avec suc de raisins.

¶ On tiét que cest chose parfaite de enter en vng aulne ou en vng chesne / pource quilz prengnent plus certainement q autres arbres; mais la saueur nest pas si parfaite.

¶ Le figuier et tout arbre se peult enter en arbre qui porte fruit / & comme il sera prins on peult tailler les rameaulx de l'arbre / & y laisser seulement le gresse quāt elle est prise.

¶ Lescu des fruitz aigres se faict carre / et au bout des quinze iours on les doit deslier et le getton ou vous prenez lescu / doit estre de getton nouuel. Et gardez que quant vous prenez lescu quil ny ait aucune espine et taillez les fueilles / & leur laissez vng peu de la queue de la femelle qui gettera / & fera gettons nouueaulx.

¶ La maniere de faire vng parciquier et dempe noir parciue / prenez vng oeillet de lung et vng de lautre comme est painct cy et le taillez le plus pres de loeillet que vous pourrez tant lung comme lautre / et raclez vng peu les getz quilz feront & les ioignez et estraignez bien ensemble. Apres taillez les symes / et le fruit quil fera sera comme dessus est dit. Et dit on que lon pourra ainsi faire de la vigne.

¶ Item qui croiferoit ou caueroit vne branche de cerisier et osteroit la mouelle / et puis estraindre. On dit ql feroit fruit sans nopau.

¶ Item notez q quant les arbres ont bien gette / et quant elles sont de trente ou quarante iours / vo⁹ le deuez deslier & couvrir la fente avec cire autrement luy peult nuyre.

¶ Item pour faire fruit laxatif et de diuerses couleurs et odeurs artificiellement comme vng figuier / prunier ou cerisier / fendez la branche de l'arbre portant fruit / et

en ostez la mouelle / au lieu la ou estoit la mouelle mettez quelque chose laxatif / spez & estraingnez / & il se cloira. Et en icelluy an sera laxatif selon ce que y aurez mis.

¶ Item si vous y mettez muscambre ou qlz que autre odeur le fruit le sentira.

¶ Item si vous y mettez couleur le fruit viendra de semblable couleur ou la rose / si vous le faictes a vng rosier. Cest a scauoir si vous y voulez coural / vert / gris / iaulne / bleu ou autre couleur que voudrez.

¶ Item si vous mettez en vne vigne du tiracle au lieu dont vous osterez la mouelle ou en autre arbre / le raisin / vin / vinaigre / la cendre du serment mesmes tout vaudra contre morsure de serpent et autres choses venimeuses.

¶ Vng tresexcellent iardinier nome Borzgoie de corne dit quil est bon donner le fiens en la fin de la lune. Et quil est bien a noter.

¶ Aucunes choses des vignes.

¶ Si voulez auoir raisins pour prendre et pour garder / deuez tailler la vigne en la fin de la lune.

¶ Item apres que aurez eu bonne vendange taillez court / & apres que aurez eu meschante vendange taillez long.

¶ Les sermens des vignes foibles et menues se doiuent tailler le plus tard que on peult: pour getter gros serment de cremonne ou autres lieux gras / ilz laissent les sermens longs en terre qui ne soit trop grasse ne trop maigre. On doit tailler ne long ne court / et doit on tailler le serment en biais pour le deffendre du froid & du chault.

¶ Des vignes.

○ On taille les vignes en lieux froids de la prime vere / et es lieux chaulx en Automne. Et quant on taille la vigne en croissant elle habonde en fueilles et raisins. Et quant on taille en la fin de la lune elle habonde en fruit.

¶ On plāte la vigne en lieu chauld en automne. Et quant les fueilles tumbent et es

lieux froids/on plante en prime vere/iusques a la moitie du mois de mars. Et en lieux attrepez on plante en vng temps et en autre.

¶ Quant on taille en croissant/la vigne habonde en sermet et boulentiers ny vient nuls le vermine. Et quant on taille en la fin de la lune/elle habonde en fruit.

¶ Les greffes de la vigne sont bonnes a cueillir a la prime vere pour enter / pour ce quilz sont commencez a germer / et fault prendre le greffe qui soit bien massif et qui ait plusieurs oeillets et peu de mouelle.

¶ On peult prouigner en plusieurs teps/mais il est bon en la prime vere.

¶ Quant voudrez faire gettos nouueaux aux vignes deschauffez les en Mars/et les taillez deux doies soubz terre et les picquez a la poincte d'ung cousteau.

¶ Les vignes q'voulez enter doiuent estre massives/habondees d'humours/si vous entez la vigne soubz terre elle prendra mieulx q' sur terre. Et pouez couvrir la greffe entee avec terre / excepte la syme et premier que enter deschauffez la vigne et taillez les gettons et les racines dessus les greffes soyent meurs et bien pleins descorce et non trop pleins de mouelle qui doit estre quelle commence a faire les oeillets.

¶ Ausquelz greffes doit auoir et commencer sur la vigne deux oeillets ou trois. Et le greffe que voulez enter soit long d'ung doie et demy ou de deux doies lequel se doit tailler comme les autres entes d'ung coste iusques a la mouelle. Laquelle ente soit estraincte le plus qu'on pourra/et sont aucuns q'lestraignent avec vng tortouer pour ce que la vigne na pouoir destraindre/tout a par elle et toute seule/et affin q'le trou ne se fende soit lye/et que les escorces ioingnent par elles lune a l'autre. Et soit fait come len fait aux autres/et luy soyent ostees tous les gettz q' fera de hault ou de bas/et comme il sera de deux paulmes desliez les greffes ou l'autre dauec la vieille. Et telle maniere d'enter se

peult faire en plusieurs pars de la vigne.

¶ On comant la vigne come les autres arbres/et puis on la doit prouigner:car qui en Automne prouigne on le dit estre parfait.

¶ Quant on fait les chiselles des vignes on doit percer les vignes. Et par icelluy pertups se peult tirer l'autre serment/et comme il sera touille.

¶ On peult percer soubz terre le tronc iusques a la mouelle / et puis y mettre le serment et couvrir de terre.

¶ On ente la vigne au cerisier/ au soliuier/ au meurier et autres arbres. Et les doit on percer iusques a la mouelle avec vng tariere comme dit est du chapitre de enter.

¶ On trait les sermens voisins par les pertups des arbres / lesquels pertups soyent estouppez avec cire/ et au bout de lan se doit tailler ledit serment et il fera fruit si tost que l'arbre.

¶ Notez que si vous voulez auoir esgras en la vigne durans iusques a la toussaintz ou plus tard/ taillez la vigne quant le raisin est en fleur. Et elle gettera nouueaux sermens avec lesgras tardif.

¶ On fait en lieux chauds cestes incisions de feurier et en lieux froids de mars.

¶ Le droit tailler des vignes est a la moitie de mars/et ceulx q'ont haste peuent tailler en autone. Et ceulx q'veulent plus tarder peuent tailler quant la vigne est fleurie.

De lagmandier.

¶ On doit eslire des agmades qui soyent bien pleines/et qui ayent lescorce tendre et despee:Car elles en sont meilleurs a planter.

¶ Et quant on les plante en lieu ou il y ait air chaud/ilz florissent tost et portent fruit a habondance en air attrempe/ilz viennent bien / et en air froid ilz ne fructifient point bien ou meurent du tout.

¶ La terre dure/seiche et chaude luy plaist bien/et en moyenne terre ilz viennent assez

bien et en l'humide terre ilz meurent ou ne portent riens.

COn le peult planter en Jāuier de plante qui ait racine de gect taille en biais / et de noyau en lieu qui soit attrempe. Et de lieu chault / en octobre / nouembre ou decembre: mais le plus proffitabile est de planter des noyaux et les faire trēper trois iours avec musal. Cest a dire avec naue / en laquelle ait vng peu de miel pour estre plus doulx.

COn ente de Decēbre et de Jāuier. Et en lieux q̄ sont froidz de feurier / et doit on prēdre les greffes du plus hault de l'arbre.

CAussi on lente a l'escorce et au tronc fendu en luy mesmes au perciquier et au prunier / et dit on q̄ on faict Venir les ameres doulces si on pertuise le pied de l'arbre affin que l'humour en puisse yssir. Et se doit percer tout oultre. La mouelle et le pertups se doit emplir de miel / et soit estoupe de lin dur. Du luy soit faict en la maniere de ce q̄ lon faict aux orenghiers doulx.

C Du nozillier.

Les nozilliers viennent en tout air et en toute maniere de terre / et ayment lieu froit / humide et sablonneux. Quāt on les seme on les doit mettre deux fois soubz terre / mais ilz viennent mieulx de plante avec la racine ou getton taille en biais qui ait du boys vieil et nouuel en lieu chault et attrempe. On les plante des feurier et Mars / et est le mieulx de luy laisser aucuns rameaux que de le planter dune verge simple: car il en porte plus fruit.

C Du chastaignier.

Le chastaignier ayment lieu froit. Et aussi attire et ayment la terre noire. **C**Le chastaignier q̄ voulez semer les grandes et bien meures q̄ se departent au tomber qlz font de l'arbre / elles sont bonnes a planter iusques en feurier / et en doit on semer six ensēble / vng pied en parfond / et vng pied loing lung de lautre. Et deux

ans apres on le doit planter ailleurs loing quarante piedz lung de lautre.

COn les peult bien prouigner des gettons nouueaulx: qui en veult planter / de branche sans racine / il nen prent bien et vault mieulx de semence.

COn le peult enter de Mars / Dauril et de May au saulle et au fou / et en luy mesmes / mais ilz se meurent et deuiennent de plus aspre saueur.

COn lente au tronc fendu a l'escu / a l'escorce / mais il vient mieulx a canon ou cornichet de gettons dicelluy an ou dung an.

C Du cerisier.

Les cerisiers ayment lieu froit et attrempe / et ne peuēt souffrir l'air trop chault et ayment terre humide. On les plante en hault lieu et en bas / en Octobre / Nouembre / Decembre / Januier / de plante de branche et de noyau. Et bien voufentiers on les plante depuis les kalendes Doctobre iusques a la moitie de Mars aescu et a cornichet.

CAussi on lente au prunier en luy mesmes / en laulne / en cornier / en oliuier / mais il vient moult amer.

CLe cerisier ayment les fosses haultes et desire souuēt estre besche / et se on luy acoustume donner fiens / il va hors de sa generation. Et q̄ le veult auancer de porter fruit on luy doit mettre de la chaux au pied selon q̄ dit Marcial. Et pour faire les edoyers sans noyau selon ce que dit Borgole de corne / soit fendue la plante / et premieres mēt tailler la syme et en soit ostee la mouelle / puis soit lye et estrainct. Et a ce bout de lan enter sur celle poincte vng greffe d'arbre qui nont point faict de fruit / et le fruit sera sans noyau.

CLes cerisiers doulx quon ente avec les aigrettes sont de cerises plus molles q̄ celles qui sont entees de cerises doulces avec cerisiers doulx. Et est approuue.

CLe coingnier.



Le coingnier desire lieu froit et humide et faict plus de fruit quant il est plante en vallee que en plain / & viennent bien en lieu attrempe. Et quant ilz sont en lieu chault ilz voudroient estre arrousez.

Quant on le plante avec la racine il vient si bien que le second an il porte fruit.

Encores quant on le plante de branche ou de branchettes qu'on a tailles ilz viennent bien / mais ilz tardent a faire fruit.

La branche taillee ne faict point fruit si parfaict come celluy de l'arbre ou aurez tail le la branche selon ce que dit ledit Borgole de corne es lieux froidz on les plante de feurier et de Mars. Et en lieu chault on les plante Doctobre et de Nouembre / en lieu attrempe / l'un et l'autre est bon.

Les ieunes coingniers qui ont humeur se entent mieulx au tronc que en l'escorce / et en soy mesmes. Pres de terre ilz recoyuent en eulx grenadiers / corniers / poiriers / pommiers / mesliers quant on les y ente et y viennent meilleurs.

¶ Du figuier.

Les figuiers sont de plusieurs natures pource que l'un porte plus tost fruit que l'autre / & l'un vient mieulx en un terrouer que en autre / et ceulx qui portent fruit avant que le froit soit venu / se peuvent planter en lieu froit.

Les figuiers aymēt air chault & attrempe et craint froit / on le doit deffendre l'hyer pour le froit et pour le vent daucune couverture de paille / et pareillement l'este pour le grant chault.

Le figuier ayme terre grasse ou terre q soit mesiee de fiens. Toutefois a ce que la figue ait meilleur saueur / la terre legiere et seiche luy est meilleur.

Les figues q sont en lieu sec / froit et aspre sont tresbonnes figues a manger Vertes / mais elles ne sont pas bones a seicher pour garder.

Le figuier se plante avec la racine Doctobre et de Nouembre en air qui est chault ou q est attrépe / et en air froit on le plante de Mars et Dauril.

Quant vous voulez planter des figuiers mesiez du fiens avec la terre / on le plante en un amon de brache. Cest en une fosse / et que la branche soit d'un an iusques a trois ans. Et encores plus vieil / et en automne et Aupil on le doit tailler en biais et fendre et mettre une pierre en la fente. Et le piquez. Encores si vous aguisez un gros pal de figuier et vous le coingnez en terre avec un gros maillet / et q laissez iusques a demy pied sur terre et le couvrez de sable / il prendra moult bien / & encores le getton nouvel se plante amon cest en une fosse.

Les genevois plantent le figuier p tout le moys daoust avec les fueilles et figues lesquelles tumbent & ramencent les autres.

On doit eslire la plante du figuier quel le soit de neuz et doeilletz et qlz soient pres l'un de l'autre : car ceulx q ont neuz et oeilletz loing ne valent riens.

Les figues seiches au soleil quant on les plante le figuier en vient tresbien.

On lente Dauril a escuillon en escorce : Mais on doit deffendre les gettons trois ans pour doubte du vent.

On lente en un tronc fendu lequel se doit couvrir de cire les fentes pour le vent et dessous terre et couvert de terre / il en prendra mieulx.

On ente le figuier dedans un autre figuier sauvage aussi ou mozier et en l'aulne Et en luy mesmes mieulx.

On ente en Aupil / May / Juing / Juillet a escu / ou cornichet ou canon.

Et sil ne prêt la premiere fois tāt a cornichet que a escu / on le peut enter durāt tout l'este / & en lieux froidz on le deffend mieulx depuis Doctobre iusques a prime Vere.

Item quant on ente au pied il garde mieulx que les figues ne soient vermeu

ses si vo⁹ tordrez deux rameaulx de figuier ensemble.

¶ Du pommier.



Le pommier vient en toutes terres et air & aime terre grasse & ioyeuse la terre mesgre faict venir le fruit vermeux et tumber et cheoir du pommier.

¶ On le seme en tel temps et en telle maniere que le poirier/et ainsi se ente.

¶ On l'ente au poirier/ au parciquier/ au cormier/ au saulle / et coingnier vient tres bien/ il desire estre besche au premier an/et apres ne le fault plus bescher. Et q' luy donneroient du fies mesle avec cendre/ il prendroit volontiers: car cest ung arbre moult edifficieux/ especiallement les doulx.

¶ Du nefflier ou meslier.



Le meslier soustient l'air froit & aime le chault attrempe/ il aime terre grasse sablonneuse et pierreuse.

¶ On le plante de racine et de branche de Novembre et de Mars en terre meslee de fies/ on le seme de noyau. Mais il vient tard/ et fault prendre le gresse du meilleur et du plus hault de l'arbre.

¶ On l'ente de feurier et de Mars en luy mesmes de gresses au pommier/ poirier/ espine et au coingnier auquel faict fruit plus grant et sans noyau selon ce que dit Albert Et dit que qui entera le parciquier en ente de spine elle portera neffies plus grans et meilleurs que les autres.

¶ Item le nefflier aime estre besche & tailler/ & qu'on luy mette au pied terre meslee de terre et cendre/ et il portera plus fruit.

¶ Du meurier.



Le meurier aime terre grasse/ & le fruit: il ne veult air froit/ mais aime le chault & l'attrempe. On le plante en feurier et Mars & en lieu chault on le plante de branche come de figuier/ et en le plantant qu'on luy mette terre avec cendre au pied.

¶ Quant vous planterez de plante qui ait

grosse racine / plantez le de Octobre et de Novembre et les gettons ou la branchette que vous planterez / soit de feurier ou de Mars. Le maistre nome Borgole de corne dit q' si on plante la semence/ q' le fruit nen sera si bon quil estoit paravant/ on l'ente de mars come le figuier a escu a luy mesmes.

¶ De l'auantpescher.



L'auantpescher aime la terre comme le prunier/ et se peult plater de noyau ou de plante en Octobre/ Novembre / Janvier et feurier: on l'ente en luy mesmes au prunier ou parciquier/ ou agmandier/ et au temps sec on le doit bescher souuent et l'arrouser.

¶ Du noyer.

Le noyer vient en tout terrouer et en toute terre/ mais il vient mieulx en terre grasse & desire lieux montaigneux & pleins de pierres / on le plante au temps et en la maniere des agmandiers/ Mais faictes seicher les noyx que planterez en Novembre ung peu au soleil pour leur leuer l'humeur. Et celles que planterez de Janvier et feurier / les mettez tremper le iour de deuant.

¶ On les plante d'ung lieu en l'autre en lieu qui est chault Octobre et mieulx de Novembre. Et en pays froit de feurier et Mars/ en pays attrempe l'ung & l'autre est bon. Et doit on mettre vne pierre dessoubz la racine affin q' elle face plusieurs racines.

¶ On ente le noyer en feurier en luy mesmes. Et en prunier a ung tronc fendu de gresse/ on le doit bescher a l'entour affin que l'arbre ne demeure creux.

¶ Du parciquier.

Le parciquier ne dure pas longuement en chascun lieu/ on en plante le noyau ung pied parfond en terre la pointe contre bas en lieu ou a region froide. On le plante en Novembre et en autre lieu / et de Janvier ung pied loing l'ung de l'autre.

En le plante le serōd an en vne fosse qui soit creuse / on lente de ianvier et feurier en lieu froidz & attrēpez / en lieu chault on le plāte en nouēbre pres de terre le plus qu'on peult au dessoubz des gettōs q̄ sont nez au pied de l'arbre. Celluy an quilz seront nez au mylieu de l'arbre et qui le prendroit du plus hault / il ne prēdroit point ou dureroit peu : on lente aussi en soy mesmes en lagmandier & tresbien en prunier / & l'arbre en dure plus quant il est au picquier : le pescher se ente mieulx au picquier et prunier mieulx a lagmandier et dure plus longuement.

Si loeillet du parquier et agmandier sont entez ensemble en vng prunier le fruit q̄ en viēdra sera parrique. Et le noyau aura le fruit dedans soy comme vne agmande.

En lente en lieu chault d'auril & de may et en iuing on lente a lente a escu & on lemplastre selon ce que dit maistre Borgole.

En lente du greffe de feurier & en mars se ente a cornichet & d'auril / et de may et iusques en laoust on lente a escu.

Du pin.

Le pin demāde terre legiere et pierreuse se / et vient bouentiers en lieu pres de mer. On le plante Doctobre et de Nouembre des pignons / on doit rompre et ouurer le pin par force sans feu et prendre les pignons qui sont dedans / et les laissez tremper trois iours / et puis en planter sept pignons ensemble / et se cest en lieu froid on le doit planter de feurier et de Mars.

En plante sept pignons en vng panier plain de terre et de fiens / & comme ilz serōt nez Coupez les tous excepte le plus bel getton lequel quant aura trois ans / le plantez en vne fosse qui soit large & bien beschee / & ce est chose seure / et si on luy taille la racine principale il mourra.

Du poirier.

Le poirier edure tout air / & quāt on le plante de branche il viēt a tard. Quant on le seme il faict la plante

semblable a l'arbre dont est yssue la semence / mais il met assez a porter fruit. Il est mieulx de planter des poiriers sauuaiges. Et quant ilz seront prins les enter / et puis les planter en ces deux manieres.

Qui plante le poirier en lieu chault / en Septembre / Doctobre & Nouembre. En lieu froid en feurier & Mars / en lieu attrempe en lung & en lautre temps / on lente en toutes les manieres que lon veult / & en toutes les pars de l'arbre tant soit bas ou hault.

En lente en luy mesmes au pommier / au coignier / en lespine / en lagmandier / et au grenadier de greffe / pose quil fust floriz est licite de lenter.

Il ayne tant estre besche quil ne cuide ne perdre nulles de ses flez si on le besche.

Erant proffit luy faict se de deux ans en deux ans / ou de trois ans en trois ans / on luy donne du fiens au pied : plusieurs sont q̄ adioingnent cēdre avec fiens pour le proffit du fruit. **A**ucūs poiriers se entent a laubespine / et celle ente se ente vne fois ou deux et ce est chose souueraine et approuuee.

Du prunier.

Le prunier soustiet l'air froid et en terre humide et pierreuse / et hait le fiens pource quil faict venir le fruit vermeux et cheoir. **E**n plante les noyaux des prunes en nouembre / & les doit on mettre vng pied souz terre et que la terre soit grasse. Encore les pouez planter en feurier / mais que faictes trēper trois iours les noyaux en lessiue affin dissir plus tost hors. **E**n les plante es mors dessusditz / la plāte avec la racine : il ne veult point fossez pfondz ne larges affin q̄ le plus tost qu'on le puisse enter est de ianvier en auāt ou de feurier ou de mars. **E**n lente en luy mesmes au parquier / & quāt on lente en lagmandier il faict le fruit dedās le noyau cōme vne agmande.

Quāt lenterez en vng noyer l'escorce semblera noir / et dedans sera prune / & sappelle noir prune. Et quāt lenterez a vng cornier

il fera nouvelle generation on sente de gresse/de feurier et de Mars.

¶ Du cormier.



Cormier ayme lieu montaigneux et en hault il va aucunesment hors de sa generation/ on sente en la fin de mars & de feurier en luy mesmes/en espine/en pōnier/ et en pomme poire. A l'escorce de gresse. On le doit bescher souuent et l'arrouser q̄ peult.

¶ Du lozier.



Lozier vient en toute terre/ mais il ayme terre pres de marine/ on le plante en autōne ou en prime Vere/ de racine/ de plante/ de brāche/ et se prouigne de mars quant l'humour vient a l'escorce.

On le seme dedās les saisons dessusdictes vng pied dessoubz terre/ & quatre grains en semble. Et quāt vng an a este passe vous le deuez planter ou vous voulez q̄ demeure.

¶ De la serpentine.



Serpentine se seme en autōne & en la prime Vere/ et la doit on arrouser iusques elle soit leuee de terre.

¶ De la roze.

La roze se plante en feurier & de la semēce des pōmettes rouges qui sont aux roziērs/ si les voulez planter de plante soyēt mises en terre avecq̄s vng pied de parfond. Et si les semez de semence/ mettez les trois doibz en terre/ & pour la planter vo⁹ le pouez taillier p̄ pieux cōme quatre doibz et les enterrer dūng pied en parfond. Et celluy an ferōt rozes on les doit bescher en feurier et tailler les brāchettes q̄ sont seiches/ et quāt vous les planterez vo⁹ leur deuez bailler au pied terre meslee de fiēs & les arrouser iusq̄s ilz soyēt prins. Notez q̄ les rozes blāches se peuent enter a escusson quāt les roziērs sont en syne & humour avec roziērs rouges.

Le fenoil se seme en Octobre et iusques par tout Aūril/ et le fenoil se seme chascun an de nouuel de sa propre semence/ et viendra plus doulx que celluy q̄ vient de planz

te/ et fera plus grōs grains. Et quāt le semez mettez les deux doibz soubz terre et semez vne ramette de fenoil entiere.

On dit que qui veult faire venir du fenoil fort doulx/ quon doit mettre la semence en vne figue de l'aresme/ puis semer et le fruit viendra doulx. Et aussi qui mesleroit du miel avec terre ou vous voulez mettre le fenoil il viendra doulx.

Le baselic se seme en Mars et en Aūril en terre grasse/ & si vous l'arrousez dūng petit deauē chaulde/ il naist subitement/ on le seme en automne/ et la semence se veult arrouser avec vin aigre/ et sil est bien arrouse il viendra de branche.

¶ Des chouls a pomme.



Renez de la grene de pōmes de chou/ & la semez en mars le iour de deuāt la faulte de la lune aps replantez lesditz chouls/ le 10^e de deuāt l'autre faulte de lune q̄ viendra aps au vng autre selon q̄ lesditz chouls serōt creuz & bons a planter/ et quil y ait bonne distāce entre deux/ cōme demy pied et plus. Et silz sont arrousez ilz en vaudront mieulx.

Toutes manieres de chouls se peuent planter tout lan/ mais q̄ ne face trop chauld ne trop froit/ et quāt la terre est trop seiche on la doit arrouser et le chou se doit planter pour estre bon quil y ait six fueilles.

¶ Des mellons.



Mellons se semēt en terre grasse bien adoubee/ beschee et meslee de fiens/ et se veuient semer en mars et par tout Aūril. On dit quon les doit arrouser iusques a ce quilz soyent gros cōme vne orange. Et les doit on bescher vne fois la semaine. Et se doiuent tailler les syms pour auoir plus gros fruit.

Notez que tous mellons sont meilleurs de tant quilz sont plus pres du pied.

Pour scauoir quant il faict bon semer et en quel temps. Et pour auoir bonnes semences l'annee ensuyuant.

E souverain philosophe Aristote dit/ que la lune faict en vng moys ce que le soleil faict en vng an: car elle faict les quatre temps/ puer/ este/ autōne et printemps: car des le cōmencement au premier quartier elle est chaulde et moiste comme printemps. Et de la dimidiacion iusques a la plaine lune/ est chaulde et seiche cōme este/ et de la plaine iusques a la moytie ou tiers quart elle est froide et seiche cōme autōne. Et au tiers quart iusques a la fin elle est froide et moiste comme puer. Et est corrompue de froide humeur bile et fleumatique/ et pource si on seme en temps quelle est chaulde et seiche sa semēce seichera et viendra a neant la subtile humeur qui denperoit estre nourriture de la plante. Et se len seme quant la lune est froide et seiche la chaleur de la semence naura point d'ayde et ne p'offitera point. Et se len seme quāt la lune est froide et moiste elle se corrompera et pourrira/ mais au premier quartier quāt la lune est chaulde et moiste il faict bon semer.

Nota/ les semences semiez en automne seront bien enracinees et se mouueront en deue quantite de leur substance/ et en fleurs et en conuenables semences: mais les semences de printemps si seront en terre comme leurs marris/ et bourionneront par vertu du soleil attrempe auant que le temps sec viengne.

La maniere de enter arbres.

En peult enter arbres es moys de iāuier/ feurier/ mars/ avril/ septembre/ octobre/ nouembre et decembre.

Au moys de Januier on peult enter agmandiers en pays froitz/ et doit on prendre les greffes pour enter auant quilz boutent ou germent et sont meilleurs du hault de la sommite que ilz ne sont de bas. Et se peult enter en tronc et en l'escorce en soy en vng peschier et en vng prunier.

Agmandier desire dur lieu/ sec et pierreux et chault/ et son regard deuers midy/ se

il est rōge de bestes il deuiēt amier/ et doit on oster le boys sec et mort au moys de nouēbre.

Agmandiers amers serōt doulx si on les perce d'une tariere iusques a la mouelle. Et que on y boute vne cheuille de boys bien trempee en miel.

Du noyer.

En peult enter le noyer es moys de iāuier et feurier en tronc et en l'escorce/ et vault mieulx en tronc que en escorce en vng prunier/ en vng peschier et en soy mesmes.

Pour garder noix Vertes vng an.

Arcial dit auoir esprouue/ prenez noix Vertes escaillees de leur premiere escorce verte et les mettez en miel/ et apres lan vo⁹ les trouuerez Vertes.

Du peschier.

Peschier se peult enter en prunier agmandier et en soy mesmes/ et portera grant fruit se il est arrose quant il florira par trois iours de trois septiers de lait de chieure.

Du prunier.

Prunier se peult eter en soy/ en vng agmandier/ en vng peschier et en vng auant peschier.

Du cerisier.

Cerisier se peult eter en soy mesmes et en vng prunier. Il aime lieu froit et moiste/ il doit estre souvent fossaye. Il nayme pas fiēs/ mais en pert sa nature. Et est assauoir q^u to⁹ arbres q^u portēt gōme doiuent estre entez en iāuier auant q^u ilz ayēt gette leur gōme/ ou en la fin de mars apres quilz l'ont gettee: toutesfois le cerisier aime bien estre ente en nouembre/ et vault mieulx en l'escorce que au tronc/ et doit estre fossaye audit moys de nouembre.

Pour auoir cerises sans noyaulx/ prenez vng ieune cerisier tendre et le coupez a vng pied pres de terre/ et le fendez iusques a la racine/ et osez la mouelle d'une part et d'autre. Et ce faict incontinent le ioindez et

lyerez et estraindrez tressort. Et apres lan que vostredit cerisier sera reprins vous y enterrez vng gresse de cerisier qui oncques ne porta/et le fruct sera sans noyau.

¶ Se vng cerisier est tourmente de formis infundez & gettez sus du pourpier avecques moitie de vin aigre / ou le tronc florissant abluiez de vin.

¶ Pour auoir pesches sans noyau / prenez vne branche de saulx ferme & dure du gros du bras longue de deux coudées ou plus & la percez au mylieu dune tariere / puis prenez vne plante dūg peschier esbranchée / excepte le chef ou symeron de dessus / & soit boutee au lieu perce. Et la branche de saulx soit ployee en maniere dūg arc & boutee en terre / le trou ou est ladicte branche bien lye et estrainct et couuert de glaie et mousse. Et apres lan / la ou le chef de ladicte plante sera reprins dedans la mouelle du saulx / soit la plante taillee & coupee dessoubz / & transportee et la terre ouuerte et labouree. Par laquelle larc de la saulx avec le symeron ou chef du peschier se peult couvrir & le fruct q̄l portera sera sans noyau mesmemēt en lieu moiste pres deaue ou arrousez souuent.

¶ Le meurier se peult enter en soy & en vng figuier en l'escorce seulement / et se peult enter en feurier et mars / et doit on choisir gecton pour enter au gresse qui soit dūg an seulement / il se esioyrt desre souy cōtinuellement / il se doit planter des retailles enduites & enuelopees en fiens / & par dessus couuertes de cendre et de terre mescees ensemble. Et se doit faire apres la my fleurier et par tout le mois de Mars.

¶ Le figuier se peult enter en soy / en meurier / en aueil & en vendanges en l'escorce ou s'il est nouuel au boys / & tātost lye & couvrir que le vent ny entre / et doit estre le gresse dūg an seulement. Autremēt il est infertile et ne vauldroit riēs et se doit souuēt fossoyer.

¶ Pour auoir pōmes et poires sans fleur entez le pōmier dūg gresse ou dūg poirier

sur vng figuier ou sur vng meurier.

¶ Pōmiers & poiriers se peuent enter lūng en l'autre et en aulbespine.

¶ Len doit enter en trōc q̄ ne soit pas blece en l'escorce / et doit estre le gresse taillee dune part sauf la mouelle et l'escorce de l'autre part. Et selon la qualite du gresse len peult mettre sur vng trōc vng ou plusieurs gresses du hault de six ou sept doiz dessus le trōc / & le lye biē & couvrir la fente & mettre dessus de la terre et de la mousse / et se doit faire croissāt la lune & en la plaine lune. Et quāt les arbres cōmēcēt a bouter / & doit on prendre les gresses en coste deuers orient.

¶ Et notez que quant on ente on doit bien scauoir la nature du tronc / et avec ce se il est en son annee de porter / & pareillemēt l'arbre duquel on prent le gresse / car silz sont tous deux en leur annee l'arbre portera chascun an. se lūng tant seulement / il portera dan a autre : se nul des autres deux / tant pis. Et faict moult au fruct qui croistra / la grosseur / douceur et bonte du tronc.

¶ Se vng arbre attend trop longuemēt a porter fruct / faictes vng trou de tariere en la tige iusq̄s a la mouelle ou plus / & y bouttez vng baston sec & le laissez la & estoupez de cire ou d'argille et portera celle annee.

¶ Les arbres laissent aucunesfois porter fruct pour non estre plantez ou entez en bonne lune ou en bonne saison / et ce les faict tarder / & pour faire q̄lz portent fault tailler la syne de tous les rameaulx en esguisant tous iceulx rameaulx et branchettes en la fin de la lune quant la lune est au signe daries / ou de gemini / ou de leo / ou de libra / ou de Aquarius / ou de taurus. Et en bref l'arbre portera fruct.

¶ Le lieu sec et maigre faict les pommes cheoir pour neant et vermeuses.

¶ Pour auoir pommes de blanduret et du chastaigrier bien tost. Entez des gresses desdictes pōmes en pōmiers de richard et en poiriers dangoisie. Et pour auoir tart en

coingnier et autres arbres tardifz/et dures/ ront iusques a deux ans.

¶ Pour auoir pomes dangouisse/ de Par/ main et de saint Rieulle Vng mays plus tost que les autres ou deux / et quelles durent iusques aux nouuelles bonnes & dures entez en franc meurier pour auoir tost/ & en coingnier pour auoir tart.

¶ Il faict bon enter au premier croissant de la lune/et en plaine lune.

¶ Item toutes choses q se plantēt & sement se doiuent faire en croissant. Et toutes choses qui se taillent et couppent/en decours.

¶ Pour faire que les neffles/ les cerises et les pesches soyent cōme bonnes espices au manger et que on les puisse garder iusques aux nouuelles Entez en franc meurier cōme dessus est dit / et mouillez a lenter le miel/ & y mettez Vng peu de pouls de bonnes espices/ comme clou de girofles/ muguettes et canelle.

¶ Pour faire que les neffles perdent leurs pierres dedans et quelles demeurent doulces cōme miel/ faictes comme dessus est dit. Et entez en aiglentier et mouillez le greffe en miel au bouter.

¶ Pour auoir frāches meures bientoſt/ entez en poirier de chastignel & en grosillier: & pour les auoir tard et durer iusques a la toussainctz entez en nefflier et en coingnier.

¶ Pour auoir des grosses neffles plus tost deux mays que les autres / et q Vne baille mieulx de Vingt des autres Entez en franc meurier et groseillier / et mouillez le greffe au bouter.

¶ Notez q pour les choses dessusdictes apert cleremēt q quāt on ente on doit biē scauoir la nature du tronc/et avec ce se il est en son annee de porter / et pareillement l'arbre duql on prēt le greffe/ car se ilz sōt to⁹ deux en le² annee/ l'arbre portera chascū an/ se lūg tāt seulmēt il portera dā a autre: se nulles deulx tāt pis/ & faict moult au fruit q croistra la grosseur/ douceur et bonte du tronc.

¶ Item entez Vne greffe de chesne sur Vng houx/ & le chesne sera Vert en toutes saiso⁹s.

¶ Item entez en Vng houx Vne greffe de rosier et vous aurez des roses Vertes.

¶ Pour enter Vigne on la doit fendre comme autres arbres et bouter le greffe en la fente / et puis bien estouper de cyre et lper. Du autrement on doit fendre le tronc/et le greffe selon la facon de la fente / et se doit faire quant la seue monte.

¶ Vng homme bien expert asserme quil auoit perce Vng cep de Vigne iusques a la mouelle dung petit tariere/ et la mist Vng gecton Vng petit rez bien propre / et fischades dans le tronc & il se reprint/et si ne trēcha point la Vigne/ & selon raison se il leust trenchee elle se feust mieulx reprise: parquoy la chose est bien approuuee estre bonne.

¶ Les entes peuent estre faictes au mays de fleurier en lieux chauds/ & en Mars en lieux froids/ quāt la Vigne pleure lermes espesses non pas pure eue: on les peult faire au mays de may & au mays de iuing quant les lermes sont ia degastees/ mais que len garde les gettons q len veult enter en lieu froit et Vmbrageux que ilz ne pulussent.

¶ Le ne doit poit plāter plāte de choux en Vignes ne ēpres/ car ilz brussēt les Vignes.

¶ Vne Vieille Vigne porte plus de fruit et meilleurs q Vne ieune / mais quelle ne soit par trop Vieille. Il faict meilleur tailler Vigne au decours de la lune de mars.

¶ Toute taille soit de Vignes ou darbres se doit faire en decours.

¶ Toute ente et toute plante se doit faire en croissant et au montant de la lune.

¶ Quant lon mue le Vin dung tonneau en autre en tēps de pleine lune il deuiēt aigre.

¶ Fleues demandent terre moiste.

¶ Pour guerir arbres malades.

Renez de la lye de Vin bien fort vermeil et descouurez les racines de l'arbre et mettez ladicte lye dessus et le recouurez si prendra guerison.

E Item prenez de la cendre de buée et la mettez au commencement de l'uer avec du fiens de pourceau / et en mars la mettez sur les racines de l'arbre malade et il guerira.

E Item aucuns descouurent les racines de l'arbre malade et couppent la principale racine laquelle est droit emmy l'arbre et descend tout droit embas / et par ce moyen guerist l'arbre / car il est malade pour la mauuaise terre que treuve icelle racine. Et pourtant fault bien noter / car cest es lieux ou il n'y a pas bon fons de terre.

Pour oster la mousse de dessus la terre.

Prenez du fiens de pourceau et lentez assez pres du tronc de l'arbre / mais que il ne touche pas audit tronc / car il mourroit et ce faictes au mois de mars.

Pour faire deuenir vng fruit gros.

Entez du fruit en soy mesmes et plus lenteriez et plus sera gros / bon et de grant saueur.

Pour garder romarins / mariolaine et autres telles choses de geller.

Es maistres dient q'on doit mettre a l'entour du marc de vin que on faict au pressouer / ou de la sopeure daiz de chesne.

Pour garder raisins sans pourrir et iusques a deux ans.

Prendez les raisins a vng sercle pres la cheminee ou len faict du feu / et les empuildez de farine de froment et ilz se garderont deux ans.

Pour garder oeufz et noix vertes mettez les dedans du sablon ou de la cendre / et mettez le gresle bout dessous.

Quando plantas aut inseris dices In nomine patris et filii et spiritus sancti amen Pater noster. Et ne nos. ac. Memus.

Spiritus sancte deus qui omne creature incremētū dedisti: cōcede quesum? Ut hoc quod in nomine tuo plantauī vel inseruī: caleſcat: crescat: multiplicet: et fructificet: Ut ad vtilitatem fidelium tuorum proficiat. Amen.

Pour faire meuriers ou figuiers tantost leuer de terre.



Prendes vne corde de la peleur dung boys nōme tail / il fault premier mettre ladicte pelleure roupy emmy de leaue comme le chāure auant q'on en puisse faire la cendre. On pourroit aussi faire ladicte corde de foing et de chanure q'ont les cordiers de la grosseur dung pousse ou tant q'on voudra il fault prendre les plus grosses meures et en oindre et frotter la corde tellement q'les petis pepins de la meure demeurent en ladicte corde. Prenez aussi la figue fendez la et en frotez et oingnez la corde comme les meures / faictes seicher ladicte corde et la gardez iusques en mars / auquel temps la planterez en ceste maniere / faictes vne fosse de la lōgueur de la corde de demy pied par fonde ou enuiron / mettez ladicte corde dedans et la couurez de terre / et sil faict sec arrousez la de quinze iours en quinze iours ou de mois en mois selon la saison et selon la terre et la laissez iusques a vng an. Et quant les meuriers ou figuiers seront lauez hors de terre desplantez les et les mettez autre part a vostre plaisir.

Ainsi peult on faire des frezes cōme des autres meures.

Semblablement aisi peult on faire des choses a faire vne haye a l'entour qlque terre.

Et semblablement se peult faire a assier vne hayne daubespine. Il fault cueillir le fruit des aubespins quant il est bien meur lequel est p petis trouchetx les garder secs et planter comme la corde des meures.

En cueillant les prunelles des espines noires quant elles sont bien meures / ostez la peau dessus le noyau les seicher et planter au mois de feurier / qui en fera vne bonne haye et forte / il fault premier que de planter lesditz noyaux les mettre tremper en eaue affin quilz sortissent plus tost hors.

Des choux longs.

Le chou aime la terre meslee avec le fiës et besche: la semence se seme & couure de terre/et cōme est pssue de terre dōnez luy du fiës. Et touteffois q̄l vous semblera que les fueilles ne soyent vertes dōnez luy du fiës/ & suffist de luy dōner ledit fiës vne fois le mois quant il en aura besoing. Et ceulx q̄ vo^r voulez q̄ facent brocolir. Cest a dire plusieurs fueilles/ semez les en octobre et les plâtez en decēbre. Et a pasques vous cōmēcerez a rōpre la syne/ et il fera le brocoly iusques aux autres/ desquelz chouly longs vous en pouez tousiours manger des fueilles qui sont depuis la syne en abas.

Des chouly tortus.



On les seme en la fin de la lune/ et q̄ les seme en croissāt de la lune ilz ne font point de trōc & viēnēt a espier.

On les seme en Mars et les plante len en May ou cōme est dit dessus iusques en septēbre/ et se peult planter tout l'uyer: et si vous voulez faire brocoly pour le l'aresme plantez le chou en nouēbre et en decembre: le chou que on veult planter doit auoir cinq ou six fueilles pour estre bon.

Si vous plantez le chou en Octobre/ il sera seur de froit/ et nonobstant quil feust bien vieil on le peult planter & prent bien et faict brocoly.

Si vis vt aliqua pirus ferat pira solutiuā: fac vt docet Ricardus in libro suo: distēpera scamoneā cū aliqua & infunde ipsam in foramē: quod si tabellatā vsqz ad medullam ipsius arboris et obstrue foramen cum clauo q̄ sit fareus de eadem piro vel alio: et sunt pira solutiuā sed non durat illa virtus nisi post quinqz vel sex annos et oportet si volueris vt illa virtus in arbore duret: iterū infundas alia scamonea: & scias q̄ ego vidi pirum arborem q̄ magister rogerius sic fecerat: & cū quesiuissē ab eo nunq̄d & arborem possetis facere que gigneret stipica pira vel cōtra fluxū ventris Valentia: respondit ergo nō p̄bam sed ratio nō cōtradicit quin

stipica medicina infusa arbori bene valeat i causa contraria: Ideoqz secundū morū opinionē hec sciētia dilatare poterit ad effectus quaruncunqz medicinarū vt in fructibus si magnifstant: Similiter etiā probabile est quod omnis species aromatica eodē modo infusa arbori vt balsamus muscus & ambra et lignum aloes in fructibus tam in saporem q̄ in odorem aromatizando se representant: dicit ricardus in libro suo: fac foramen in arbore cum triculo et quencunqz calorem distēpera cum aliqua & infunde in foramen et fructus colorabitur eodem colore.

Nota quod ego vidi super vno stipite poma et pira crescencia: sed hoc in diuersis ramis et fui multum inde miratus & cum orolano causam quesissē: respondit quod nunq̄ in arbore veteri videbitur sed in hac nouela cedrum hii duo surculi iuneraſcunt vnus clinuabit alteram.

Cōment on faict fruit sans noyau.



Quant vous voudrez faire q̄ vng arbre porte fruit sans noyau cōme dit Marcial/ Il fault q̄ ce soit en arbre ieune lequel fenderez par le mylieu deux piedz de long depuis la raiz en amōt/ & puis en ostez le cueur ou mouelle dūg coste et d'autre/ puis rassemblez ladicte fente & la couurez de terre et l'yez ainsi cōme len faict aux entes. Et le gect quil fera entez le en autre arbre et fera le fruit sans noyau.

Comment on garde les raisins et autres fruitz comme cerises.



Quant vous voudrez garder les raisins ou autre fruit quant ilz serōt meurs couurez les de terre grasse de quoy lon faict les potz de demy pied despesseur/ les raisins ou fruit pēdez au vēt en lieu couuert ou la pluye ne puisse cheoir. Et quant le voudrez manier mettez le tremper en eauē et puis le lauez tresbien vous le trouuerez tel cōme quant luy mistes et fust en l'aresme ou a pasques.

Cōment on doit tremper les semēces.

Les semences ou noyaux q'on veult semer pour mettre plus tost hors de terre/ on les doit mettre tremper en eue trois quatre ou cinq iours ou iusques a six come nouueaux de prunes ou dagmades.

Pour faire fructifier ung arbre qui ne porte fruit.

Es arbres laissēt aucunesfoies a porter fruit pour non estre plantez ou entez en bonne lune ou en bonne saison/et ce les faict tarder. Et pour faire qlz portent fault tailler la syne de tous les rameaux en aguissant tous iceulx rameaux et brachettes en la fin de la lune quat la lune est au signe daries/ de gemini ou de leo/ ou de libra/ de aquarius/ ou de taurus/ & en bref l'arbre portera fruit.

De la maniere de enter.

Son ente dung arbre priue en autre priue ou dung sauuage aussi en luy mesmes/ le fruit deuient tousiours meilleur et de meilleure generation et plus noble fruit. Tout arbre se peult enter et puis planter ou planter & puis enter. Les pommiers & poiriers font plus tost fruit a estre entez a ung escu q' estre entez de gresse selon q' aucuns qui l'ont esprouue le dient/ duquel lieu doit on prendre la pome/ la poire/ le cerisier/ le prunier et le chastaignier/ des gettons nouueaux et ieunes qui apent vne feuille/ mais du parsqurier on peult prendre l'escu son q' ait deux ou trois feuilles dessusdictes on taille et y laisse lon ung peu de millet lequel luy tombe et remect le neuf.

Il y a dix manieres de enter/ la premiere maniere sappelle incision. On fait en ceste maniere/ l'on doit cauer l'arbre iusques a la mouelle/ et oster ladicte mouelle de trois doibz de large avec vne raynette et puis lestoupez de cire/ & le fruit q' ledit arbre fera aps sera de parfaite saueur. Et en ceste maniere le fruit sauuage deuient de bonne saueur.

Une autre maniere est enter entre l'escorce & le boys/ il fault seper & nettoyer le boys & le lper affin q' l'escorce ne fende/ aps on eslargist l'escorce avec ung ciseau de os tat q' la gresse puisse entrer entre le boys et l'escorce. La gresse doit estre taillee iusques a la mouelle du coste deuers l'arbre/ ladicte gresse doit estre par maniere q' elle ioigne bien a l'arbre. Apres soit couuert de terre & puis dung drap pel par dessus et soit lpe/ en ceste maniere pret bien/ mais le premier on le doit deffendre avec paux/ en les mettant a l'entour pour le vent. Tous arbres qui sont gonmez viennent bien en ceste maniere.

Lautre maniere est la gresse pareil de grosseur a l'arbre q' vo? voudrez enter. On doit tailler la gresse et le pied ou arbre iusques a la mouelle demy pied de long et le ioindre l'ung a l'autre p maniere qlz ioingnēt par tout/ & puis les lper & estraindre et couvrir les fentes de cire ou de arille/ et ceste maniere est appelee assembler les gresses.

Le maistre iardinier nome Gorgole de corne dit que on doit mettre son estude a enter quant la lune est en croissant/ & cest pour prendre mieulx. Et qui voudroit on pourroit tailler les gettons en la fin de la lune pour fructifier plus tost.

Notez que a tailler la syne des gettons dung arbre qui ne faict point de fruit en la fin de la lune le faict fructifier prestement.

Lon doit cueillir les aulx/ les ongnons et autres fruitz quant la lune est en decours/ et quelle est soubz terre/ car ilz sen gardent mieulx/ & mesmement les aulx et ongnons ne sen gastent pas si tost.

Il fault semer en croissant et cueillir en decours.

Le present liure fut acheue de imprimer a Paris/ par Estienne caueiller le .xviii. iour d'april
Mil cinq cens. xl.







